

# THEOLOGIA

SCHOLASTICO-DOGMATICA

JUXTA MENTEM

## D. THOMÆ

## AQUINATIS

AD USUM DISCIPULORUM

EJUSDEM ANGELICI PRÆCEPTORIS

ACCOMMODATA

PER F. VINCENTIUM LUDOVICUM GOTTI

Ordinis Prædicatorum, Sacræ Theologiæ Magistrum, & Doctorem  
Collegia:um, & in Patriâ Bononiensi Universitate  
Controversiarum Fidei Publicum Professorem.

TOMUS IV. IN PRIMAM PARTEM.

De Prædestinatione, & Trinitate.

EDITIO ALTERA.



BONONIÆ MDCCXLVIII.

---

Ex Typographia Sancti Thomæ Aquinatis.  
SUPERIORUM PERMISSU.



# CATALOGUS

Eorum, quæ hîc Quartus Tomus in Primam Partem complectitur.

## TRACTATUS DE DEO PROVISORE, ET PRÆDESTINANTE.

### QUÆSTIO PRIMA.

*De Divinâ Providentiâ in Generali.*

#### DUBIUM PRIMUM.

An in Deo sit Providentiâ?

- |        |  |         |
|--------|--|---------|
| §. I.  | <i>Veritas asseritur, &amp; probatur.</i>                                | pag. 1. |
| §. II. | <i>An Providentiâ Dei sit solum ratio mediorum, an verò etiam finis?</i> | 3.      |

#### DUBIUM SECUNDUM.

An omnia sint subjecta Divinæ Providentiæ.

- |          |   |     |
|----------|---|-----|
| §. I.    | <i>De singularibus corruptibilibus.</i>     | 4.  |
| §. II.   | <i>Objecta contra dicta.</i>                | 6.  |
| §. III.  | <i>De causis liberis.</i>                   | 7.  |
| §. IV.   | <i>Objecta proponuntur.</i>                 | 8.  |
| §. V.    | <i>De Peccatoribus, &amp; peccatis.</i>     | 9.  |
| §. VI.   | <i>Solvuntur Objecta.</i>                   | 10. |
| §. VII.  | <i>An Deus immediatè omnibus provideat?</i> | 12. |
| §. VIII. | <i>De actibus humanis.</i>                  | 13. |

#### DUBIUM TERTIUM.

An Providentiâ sit formaliter actus Intellectus, vel Voluntatis?

- |       |  |        |
|-------|--|--------|
| §. I. | <i>Non consistit aequaliter in utroque actu.</i> | 15.    |
|       | a 2  | §. II. |

iv	
§. II.	<i>An Providentia formaliter consistat in solo actū Intellectus, præsupponente actum Voluntatis?</i> pag. 17.
§. III.	<i>Solvuntur opposita.</i> 18.

## DUBIUM QUARTUM.

In quorum ex actibus Intellectus formaliter consistat Providentia.

§. I.	<i>Quadam pro Intelligentiā exponuntur.</i>	21.
§. II.	<i>An Providentia consistat in Scientiā Mediā eventus.</i>	22.
§. III.	<i>Nostri resolutio.</i>	24.
§. IV.	<i>Repelluntur militancia contra dicta.</i>	26.

## QUÆSTIO SECUNDA.

De existentiā, & essentiā Providentia Prædestinativa.

### DUBIUM PRIMUM.

An homines prædestinentur à Deo?

§. I.	<i>Prædestinationis nomen.</i>	28.
§. II.	<i>Circa existentiam Prædestinationis errores varii.</i>	29.
§. III.	<i>Existentia Prædestinationis.</i>	31.
§. IV.	<i>Afferuntur contraria.</i>	32.
§. V.	<i>An aliqui salvandi sint, qui prædestinati non fuerint?</i>	34.

### DUBIUM SECUNDUM.

De Essentiā, & Objecto Prædestinationis.

§. I.	<i>Definitur Prædestinatio.</i>	37.
§. II.	<i>De objecto formali Prædestinationis.</i>	39.

QUÆ.



## QUÆSTIO TERTIA:

*De causis Prædestinationis.*

### DUBIUM PRIMUM.

An Prædestinatio ad Gratiā sit Gratuita?

§. I.	Pelagii Persona, & errores.	40.
§. II.	Semipelagiani eorumque errores.	44.
§. III.	Afferresiones contra Pelagianos, & Semipelagianos.	46.
§. IV.	Pelagianorum, & Semipelagianorum momenta soluta.	49.

### DUBIUM SECUNDUM.

An homines prædestinentur ad gratiā ex operibus  
moraliter bonis de congruo Deum moventibus?

§. I.	Resolutio Dubii.	52.
§. II.	Contraria fundamenta.	54.

### DUBIUM TERTIUM.

An Prædestinatio ad Gloriā sit prorsus gratuita?

§. I.	Sententiarum Varietas.	60.
§. II.	Prædestinatio parvulorum, & eorum reprobatio.	61.
§. III.	Statuitur causa Prædestinationis Adultorum ad Gloriā.	62.
§. IV.	Electio Prædestinatorum ad Gloriā gratuita ex Scripturis.	63.
	pag.	
§. V.	Gratuita Prædestinatio ex Paulo Rom. 9.	67.
§. VI.	Evasiones contrariae propositæ, & rejectæ.	68.
§. VII.	Prædestinatio gratuita ex Patribus.	72.
§. VIII.	Rationes pro Prædestinatione gratuita.	78.
§. IX.	Contrariorum argumenta ex Scripturâ, & Patribus.	85.
§. X.	Solvuntur argumenta ex ratione.	93.

### DUBIUM QUARTUM.

De effectibus Prædestinationis.

§. I.	Quædam prænotantur.	100.
	A 3	§. II,

<u>vj</u>		
<u>§. II.</u>	<u>De substantiâ Prædestinati.</u>	<u>pag. 100.</u>
<u>§. III.</u>	<u>De Donis supernaturalibus.</u>	<u>102.</u>
<u>§. IV.</u>	<u>De malis naturæ, pænæ, &amp; permissione peccati.</u>	<u>104.</u>

## QUÆSTIO QUARTA.

### De Reprobatione.

#### DUBIUM PRIMUM.

##### An sit Reprobatio, & quid sit?

<u>§. I.</u>	<u>Deus aliquos reprobat.</u>	<u>107.</u>
<u>§. II.</u>	<u>Quid sit Reprobatio.</u>	<u>109.</u>

#### DUBIUM SECUNDUM.

##### An Deus reprobet ante, vel post prævisionem demeritorum?

<u>§. I.</u>	<u>Error Calvini rejicitur.</u>	<u>109.</u>
<u>§. II.</u>	<u>Recensentur Opiniones.</u>	<u>111.</u>
<u>§. III.</u>	<u>Resolutio de Reprobatione positivâ.</u>	<u>112.</u>
<u>§. IV.</u>	<u>De Reprobatione negativâ.</u>	<u>ibid.</u>
<u>§. V.</u>	<u>Objecta contra dicta.</u>	<u>116.</u>

#### DUBIUM TERTIUM.

##### De effectibus reprobationis.

<u>§. I.</u>	<u>Aliqua præmittuntur.</u>	<u>120.</u>
<u>§. II.</u>	<u>Resolutiones Dubii.</u>	<u>ibid.</u>
<u>§. III.</u>	<u>Aliqua pro coronide resolvuntur.</u>	<u>122.</u>

TRA-

# TRACTATUS DE DEO TRINO

## S E U

# DE SANCTISSIMÆ TRINITATIS MYSTERIO.

### QUÆSTIO PRIMA.

*De Existentiâ Myſterii Trinitatis.*

#### DUBIUM PRIMUM.

An Trinitas Perſonarum ſit in Deo?

§. I. <i>Receſſentur Errores.</i>	125
§. II. <i>Trinitas ex Veteri Teſtamento.</i>	128
§. III. <i>Trinitas ex Novo Teſtamento.</i>	133
§. IV. <i>Anti-Trinitariorum argumenta ſoluta.</i>	136.

#### DUBIUM SECUNDUM.

De Unitate naturæ in Trinitate.

§. I. <i>Ariana Hæſiſ.</i>	141.
§. II. <i>Verbi Divinitas ex Scripturis.</i>	144.
§. III. <i>Arianorum, ac Socinianorum momenta.</i>	154.
§. IV. <i>Trium priorum ſeculorum Patres Græci.</i>	158.
§. V. <i>Trium ſeculorum Patres Latini.</i>	162.

#### DUBIUM TERTIUM.

Varia circa Arianorum cauſam examinantur.

§. I. <i>De Concilio Nicæno primo.</i>	164.
§. II. <i>De voce Homouſion.</i>	166.
§. III. <i>De geſtis poſt Nicænam Synodum.</i>	169.
§. IV. <i>De aſſerto Ofii, &amp; Liberii lapſu.</i>	171.
	DU-

## DUBIUM QUARTUM.

De Divinitate Spiritus Sancti ;

§. I. <i>Hæresis Macedoniana.</i>	175.
§. II. <i>Spiritus Sancti Divinitas ex Scripturis.</i>	177.
§. III. <i>Macedonianis respondetur.</i>	179.

## DUBIUM QUINTUM.

An existentia Trinitatis cognosci possit?

§. I. <i>Resolutio Dubii.</i>	183.
§. II. <i>Solvuntur argumenta.</i>	185.

## Q U Æ S T I O S E C U N D A ;

De Divinis Processionibus .

## DUBIUM PRIMUM.

An in Divinis dentur reales Processiones, &amp; quot?

§. I. <i>Quædam prænotantur.</i>	189.
§. II. <i>Resolutiones Dubii pro primâ parte.</i>	190.
§. III. <i>Solvuntur contraria.</i>	191.
§. IV. <i>De numero Divinarum Processionum, quæ est secunda pars.</i>	195.

## DUBIUM SECUNDUM.

De principio Divinarum Processionum.

§. I. <i>Quædam pro intelligentiâ.</i>	198.
§. II. <i>An essentia Divina sit principium quo proximum?</i>	ibid.
§. III. <i>An essentia, seu Natura Divina sit principium quo radicale?</i>	201.
§. IV. <i>An principia quo proxima divinarum processionum sint relationes paternitatis, &amp; spirationis activæ?</i>	202.
§. V. <i>An principium quo proximum divinarum processionum sint intellectus, &amp; voluntas?</i>	203.

DU-

## DUBIUM TERTIUM.

An Verbi processio sit vera generatio?

S. I.	<i>Generationis Idea.</i>	205.
S. II.	<i>Generationis Idea applicatur Verbo Divino.</i>	206.
S. III.	<i>Arianorum ratinacula contra generationem Filii.</i>	208.

## DUBIUM QUARTUM.

Cur processio Verbi generatio sit?

S. I.	<i>Referuntur, &amp; refelluntur aliqua opiniones.</i>	209.
S. II.	<i>Ratio D. Thoma.</i>	211.

## DUBIUM QUINTUM.

Cur processio Spiritus Sancti generatio non sit?

S. I.	<i>Ratio D. Thoma ut congruentior eligitur.</i>	212.
S. II.	<i>Solvuntur contraria.</i>	213.

## QUÆSTIO TERTIA.

De Divinis Relationibus.

## DUBIUM PRIMUM.

An in Deo sint Relationes reales, &amp; quot?

S. I.	<i>Relationes reales in Deo statuntur.</i>	216.
S. II.	<i>Solvuntur contraria.</i>	217.
S. III.	<i>Numerus Relationum Divinarum.</i>	219.

## DUBIUM SECUNDUM.

An Relationes Divinz distinguantur ab Essentiâ?

S. I.	<i>Aliqua promittuntur.</i>	<i>ibid.</i>
S. II.	<i>Apersiones.</i>	220.
S. III.		

DUBIUM TERTIUM.

An relationes Divinx secundum expressum relativi dicant  
perfectionem propriam virtualiter distinctam à  
perfectione propriâ essentiz divinx.

§. I. *Resolutio Dubii.* 226.

§. II. *Fundamenta opinionis contraria.* 228.

DUBIUM QUARTUM.

An cuilibet relationi conveniat propria existentia?

§. I. *Resolutio Dubii.* 230.

§. II. *Satisfit contrariis rationibus.* 232.

QUÆSTIO QUARTA.

*De Divinis Personis in generali.*

DUBIUM PRIMUM.

De nomine, & essentiâ Divinarum Personarum.

§. I. *Nomina varia Divinarum Personarum.* 234.

§. II. *Quid sit Persona in genere.* 237.

§. III. *Quò constituatur Persona Divina.* *ibid.*

DUBIUM SECUNDUM.

*De Divinis subsistentiis,*

§. I. *An in Deo sint tres subsistentia relativa?* 240.

§. II. *An in Deo præter tres subsistentias relativas, & proprias ad-  
mitti debeat subsistentia absoluta, & communis?* 241.

## DUBIUM TERTIUM.

### De proprietatibus Divinarum Personarum.

§. I. <i>De appropriatione.</i>	243.
§. II. <i>De Æqualitate Divinarum Personarum.</i>	244.
§. III. <i>De Circuminfessione.</i>	ibid.
§. IV. <i>De Notionibus Personarum Divinarum.</i>	247.
§. V. <i>De Missione Divinarum Personarum.</i>	248.

## QUÆSTIO QUINTA.

### *De Personâ Filii.*

## DUBIUM PRIMUM.

### De propriis secundæ Personæ characteribus.

§. I. <i>De nomine Verbi.</i>	250.
§. II. <i>De nomine Imaginis.</i>	253.
§. III. <i>De nomine Sapientia.</i>	255.

## DUBIUM SECUNDUM.

An Verbum Divinum procedat ex cognitione omnium,  
quæ in Deo sunt, tam formaliter,  
quàm virtualiter?

§. I. <i>Notantur aliqua.</i>	257.
§. II. <i>Affertio prima.</i>	ibid.
§. III. <i>Affertio secunda de cognitione possibilium.</i>	259.
§. IV. <i>Affertio tertia de Creaturis futuris.</i>	261.

## Q U Æ S T I O S E X T A .

De Personâ Spiritus Sancti.

### DUBIUM PRIMUM.

An Spiritus Sanctus procedat à Patre , & Filio?

§. I. <u>Error Græcorum.</u>	262.
§. II. <u>Spiritus Sancti à Patre , &amp; Filio processio ex Scripturis.</u>	265.
§. III. <u>Probatur ex Patribus Græcis.</u>	267.
§. IV. <u>Probatur ex Conciliis.</u>	271.
§. V. <u>Probatur rationibus Theologicis.</u>	ibid.
§. VI. <u>Græcorum rationibus respondetur.</u>	273.

### DUBIUM SECUNDUM.

An particula *Filioque* jure addita fuerit Symbolo?

§. I. <u>Affertio stabilitur.</u>	278.
§. II. <u>Græcis oppositis respondetur.</u>	280.
§. III. <u>In quâ Synodo vox <i>Filioque</i> addita fuerit.</u>	284.

### DUBIUM TERTIUM.

An si Spiritus Sanctus non procederet à Filio , adhuc  
à Filio realiter distingueretur?

§. I. <u>Nôstra Assertio.</u>	284.
§. II. <u>Scoti rationes soluta.</u>	288.

THEO-



# THEOLOGICÆ SCHOLASTICO-DOGMATICÆ.

## TRACTATUS

## DE DEO PROVIDORE,

## ET

## PRÆDESTINANTE.

## DUBIUM I.

An in Deo sit Providentia.

### §. I.

*Veritas asseritur, & probatur.*



Um Prædestinatio sit Providentia pars, nempe specialis Providentia, quam Deus habet de hominum æterna salute; propterea ad Questionem de Deo Prædestinante, seu de Prædestinatione Electorum, æquum duxi, præmittere Questionem de Deo, ut generaliter Provide, seu de Providentia, quæ cuncta regit, ac gubernat. Ab hac tamen breviter nos expediemus, ut toti vacare possimus difficultatibus, quæ circa terrificum Prædestinationis arcanum, adeo graves sunt, ut ab iis humanum ingenium vix unquam potuerit extricari, nisi incomprehensibilia Dei iudicia, quocumque præhabito examine, tandem adorando. Hoc igitur & nos præstabimus. Questiones agitari solitas proponemus, examinabimus, & dum in aliqua humanæ rationi impervia inciderimus, intellectum nostrum in obsequium fidei per Divinum Verbum revelatæ humiliter captivabimus.

### QUÆSTIO I.

*De Divina Providentia in generali.*

**D**E hac quæremus primò, an in Deo sit. Secundò, quodnam sit ejus objectum. Tertiò, in quo formaliter resideat, an in Intellectu, an in Voluntate.

**I.** **P**rovidentia dicitur quasi *procul videntia*, quia bonus Provideor debet à longè videre, seu antevidere omnia, quæ sunt convenientia, aut saltem necessaria rebus, quæ ei committuntur. Quare Providentia generaliter describi potest, quòd sit *ratio ordinandorum in finem*. Quia autem ordinare alia in finem, proprium prudentis est, idèò (docet D. Thomas 1. p. qu. 22. art. 1.) Providentia ponitur Pars Prudentiæ, ad quam, ut perfecta sit, alia dua partes ordinantur, scilicet *memoria præteritorum*, & *intelligentia præsentium*, pro ut ex præteritis memoratis, & præsentibus intellectibus conjectemur de futuris providendis. Prudentia autem proprium est secundum Philosophum 6. Ethic. ordinare alia in finem, sive respectu sui ipsius, sicut dicitur homo prudens, qui bene ordinat actus suos ad finem vite sue (& est prudentia moralis) sive respectu aliorum sibi subditorum in familia (quæ est prudentia æconomica) vel Civitate (& est prudentia politica) vel Regno (& est Monarchica). Hæc Divus Thomas.

II. Si verò Sermo sit de Providentia, ut in Deo, eam describit S. Doct. laudato loco, quòd sit *ratio Ordinis rerum in finem* in mente divina præexistens, dicens, *Ipsa igitur ratio Ordinis rerum in finem providentia in Deo nominatur*. Unde Boetius 4. de consolatio. dicit: *quod Providentia est ipsa divina ratio in summo omnium Principe constituta, quæ cuncta disponit*. Ubi ly ratio idem

est ac cognitio: ly ordinis indicat Providentiam esse ordinativam, & consequenter practicam, quâ scilicet res ad suum finem practicè diriguntur: ly verò in *summa Principio* offendit, Providentiam Divinam esse partem prudentiæ politicæ, seu veriùs Monarchicæ. His præmissis

III. Dico. Providentia datur in Deo, qui non solum est omnium Creator, & Conservator, sed omnium supremus Provisor. Id passim testantur Sacræ Paginæ. Tùm Sap. 14. v. 3. *Tu autem, Pater, Providentia gubernas.* Tùm Psalm. 148. v. 8. *Ignis, grando, nix, glacies, spiritus procellarum, quæ faciunt verbum ejus.* Super quæ D. Augustinus lib. 3. de Genes. ad litt. cap. 21. *Cùm addidit (inquit) quæ faciunt verbum ejus, satis ostendit, eorum quoque rerum ordinem divino subditum imperio.* Tùm denique omnibus illis in locis, quibus docemur, omnia Dei oculis patere, omnia ab eo gubernari, attingere à fine usque ad finem fortiter, & disponere omnia suaviter. Sap. cap. 8. v. 1.

IV. Rationes, quæ ostendunt Divinam Providentiam, eadem sunt ac quæ ejus existentiam manifestant: idem namque est Deum existere ac existere supremum rerum Provisorum. Quare sicut omnis creatura clamat, Deum esse, ita ordo, qui in creaturis est, supremum Ordinatorem indicat, ac Provisorum. Quod adeò aliè mentibus hominum insedit, ut nullus, qui Deum non negaverit, eum negaverit Provisorum. Quapropter Gentiles, qui inter sua falsa numina Divinitatem partiti sunt, partiti sunt quoque inter illa Providentiam, uni de una re, alii de alia, euram, & gubernationem tribuentes: ut de segetibus Cereri, de præliis Marti, Neptuno de mari, Junoni de aere, de Inferis Plutoni &c.

V. Ratio autem, quâ D. Thom. hâc *quæ. 22. art. 1.* suadet hanc veritatem sub hac forma proponitur. Deus est causa omnis boni, quod est in rebus; sed in rebus invenitur bonum, non solum quantum ad substantiam rerum, sed etiam quantum ad ordinem earum in finem, præcipuè in finem ultimum, qui est bonitas divina; ergo hujus ordinis causa debet esse Deus. Tunc sic; sed Deus est

causa omnium per rationem, & ideam, cùm sit agens per intellectum; ergo necesse est, ut ratio ordinis omnium rerum in finem præexistat in mente divina, ut in ordinante, & præcipiente illum, sicut ratio ordinis domus in mente artificis præexistit; & consequenter in Deo sit Providentia, quæ, ut dictum est, ratio ordinandorum in finem propriè dicitur.

VI. Sed dices primò. Providentia ex dictis est pars prudentiæ; sed prudentia in Deo esse non potest; ergo &c. Min. prob. Prudentia secundum Arist. 6. *Ethic. cap. 3.* est benè consiliativa: consilium autem supponit dubium, de quo operatur consultari; atqui in Deo nullum dubium esse, aut concipi potest; ergo &c.

VII. Respondeo, negando min., ad prob. nego absolute maj. cum Divo Thom. hâc *quæ. 22. art. 1. ad 1.* quia secundum Philosophum 6. *Ethic. cap. 9. & 10. prudentia propriè est præceptiva eorum, de quibus Eubulia rectè consiliatur, & Sinesis rectè judicat.* Unde licet consiliari non competat Deo, secundum quod consilium est inquisitio de rebus dubiis: tamen præcipere de ordinandis in finem, quorum rectum rationem habet, competit Deo, secundum illud Psalm. 148. v. 6. præceptum posuit, & non præteribit. Et secundum hoc competit Deo ratio prudentia, & providentia. Hæc D. Thom.

VIII. Qui insuper secundò respondet sic. *Quamvis etiam dici possit, quod ipsa ratio rerum agentiarum consilium in Deo dicitur: non propter inquisitionem, sed propter certitudinem cognitionis, ad quam consiliantes inquirendo perveniunt.* Unde dicitur. *Ephes. 1. v. 11.* Qui operatur omnia secundum consilium voluntatis suæ.

IX. Dices secundò. Quidquid est in Deo est æternum; sed providentia non est aliquid æternum: est enim circa existentia, quæ non sunt æterna, secundum Damasc. ergo providentia non est in Deo.

Respondeo, dist. min., non est æterna quantum ad executionem ordinis, conc. min., quantum ad rationem ordinis, nego min. Ità D. Thom. laudatus ad 1. *Ad curam (inquit) duo pertinent, scilicet ratio ordinis, quæ dicitur* Pro-

*Providentia: & dispositio, & executio ordinis, qua dicitur gubernatio, quorum primum est æternum, secundum temporale. Ratio enim eorum, quæ in tempore fierent, & modus, quo fierent, in mente divina existit ab æterno, & hoc est Providentia.*

§. I. I.

*An Providentia Dei sit solum ratio mediorum, an verò etiam finis.*

X. **Q**uæritur hoc aliis & clarioribus terminis proponi potest: an scilicet ad Providentiam solum pertineat, quod unaquæque res sit in suum finem ordinata, an verò ad eandem spectet, quod res finem consequatur.

Noto, ad præfens dupliciter nos loqui posse de fine. Vel de fine, ut purè unicuique rei præfixo, ut ad eum tendat, vel tendere debeat: sic locus *deorsum* est finis præfixus, ad quem tendere debent corpora gravia: & vita æterna est finis, ad quem tendere debent, & ordinati sunt omnes homines. Vel de fine, ut à Provivore absolutè volito, & intento. In quo Prædeterminatio differt à Providentia generali: quod per istam non semper res assurguntur eum finem, qui ipsi est à Provivore propositus, ut ad eum tendant, etiam si semper assurguntur illum, quem Provivore intendit, eas consequi; Per illam verò omnes consequuntur eum finem, ad quem sunt ordinatæ, & ad quem tendere debent, tanquam sibi præfixum.

XI. Dico ergo, Providentia Dei semper finis consecutionem includit, vel finis rei præfixi, vel finis à Deo intenti. Probatur primò. Providentia Dei est perfectissima, & efficax; ergo rebus ita media subministrat, ut illum, quem vult, infallibiliter consequatur. Unde Ecclesiastica Dominica 5. post Oñ. *Trinitatis* canit: *Deus, cuius providentia in sui dispositione non fallitur.*

Secundò. Alioquin sequeretur, multa Deo evenire fortuito, si eum finem consequerentur, ad quem non essent à Deo ordinata, & ab eo, ad quem ipse ordinaverat, exciderent.

Tertiò. Divinæ providentiæ executio impediri non potest, neque per aliquam vim activam, neque per passivam, neque per Provivoris mutationem, cum sit Deus Provivore prorsus immobilis; quare D. Thom. hæc 1. p. qu. 116. art. 3. reprehendit eos (qui dicebant, Fatum esse mobile, etiam quatenus à Divina Providentia dependet: Unde Ægyptii dicebant, quibusdam Sacrificiis Fatum posse mutari) hæc ratione, *quia hoc immobilitati divina providentia repugnat.*

Quartò. Quia idem S. Thomas hæc qu. 22. art. 2. docet, quod necesse est, omnia in quantum participant esse, in tantum subdi divinæ Providentiæ; ergo & ipsum esse, seu consecutio finis sub ordine divinæ Providentiæ concluditur.

XII. Dices tamen primò. Providentia Dei respicit etiam Reprobos, eos ad finem supernaturalem ordinando, quem tamen non consequuntur; ergo &c.

Respondeo, dist. ant., ad finem supernaturalem, ut ad finem eis propositum, conc. ant., ut ad finem eis à Provivore intentum, nego ant. Ut enim superius adnotavimus: cum dicimus, Divinam Providentiam includere consecutionem finis, non loquimur de fine rei provivæ, vel rei præfixo; sed de fine à Provivore intento; & sic Providentia est ratio ordinis rerum in finem, non in finem, ad quem res tendunt, sed in finem, ad quem à Provivore ordinantur. Reprobi autem, etsi excidunt à fine proprio sui, qui est Beatitudo, incidunt tamen in finem ipsi à Deo intentum, qui est manifestatio divinæ iustitiæ: unde ait Paulus Rom. 9. v. 11. quod *Deus volens ostendere iram, & notam facere potentiam suam, sustinuit in multa patientia vasa ira, apta in interitum.*

XIII. Dices secundò. Imperator sufficienter providet exercitui, si omnia disponat, quæ ad victoriam pertinent, etiam si illa non sequatur; ergo &c.

Respondeo, nego consequens. Et disparitas est, quia uniuscuiusque providentia in tantum se extendit, in quantum se extendit ejus potentia. Quia ergo potentia Imperatoris terreni se extendit quidem ad media, non tamen ad consecutionem victoriæ: non enim potest eam pro libito suo adipisci; Idèd ejus providentia, sicut

A 1 & cæ-

& cæterorum hominum, sicut in solis mediis, & non includit consecutionem finis. At Potentia Dei etiam ad finis consecutionem, & ad quodcumque in esse ponendum, sese extendit: in ejus enim potestate, & voluntate est, quod res ab ipso provixæ suum finem consequantur; & idcirco sub Dei Providentia etiam finis assecutio concluditur.

## DUBIUM II.

An omnia sint subiecta Divinæ Providentiæ.

## §. I.

De singularibus corruptibilibus.

I. Quæsitum primò complectitur; an omnia subiecta sint divinæ Providentiæ, non solùm genera, & species rerum, sed etiam individua quæcumque vilia, & corruptibilia. Secundò, an solæ causæ necessariæ, an etiam liberæ. Tertio, de causis liberis, an solùm dùm benè agunt, an verò etiam dùm peccant, ita, ut peccata cadant sub Providentiâ Dei.

Quidam (refert D. Thom. hæc qu. 22. art. 2.) totaliter Providentiâ negaverunt, sicut Democritus, & Epicurei, ponentes, mundum factum esse à casu. Quidam verò posuerunt, inecorruptibilia tantum Providentiâ subiacere; corruptibilia verò, non secundum individua, sed solùm species: sic enim incorruptibilia sunt. Ex quorum persona dicitur Job 22. v. 14. Nubes latibulum ejus, & circa cardines Cæli perambulat, neque nostra considerat. A corruptibilibus autem generalitate excipit Rabbi Moses homines, propter splendorem intellectus, quem participant. In aliis tamen individuis corruptibilibus aliorum opinionem esse secutus. Ità D. Th.

II. Dico primò. Omnia creata, non solùm genera, & species, sed etiam singularia corruptibilia, quantumvis minima, & vilia Dei Providentiâ gubernantur. Probatur primò ratione D. Thomæ hæc art. 2. sic. Tantum se extendit divina Providentiâ, quantum divina

causalitas, sed divina causalitas se extendit ad omnia creata, non solùm genera, & species, sed & individua, quamvis corruptibilia, & vilissima: cùm omne, quod participat esse quocumque modo, à Deo sit; ergo omnia &c. Maj. probatur. Cùm Deus sit agens propter finem, oportet, ut quidquid agit, etiam ordinet illud ad aliquem finem; ergo quod in eo existat ratio ordinis in finem omnium eorum, quæ agit, juxta illud Pauli Rom. 13. v. 1. quæ autem sunt, à Deo ordinata sunt; hæc autem ratio ordinis rerum in finem est Providentiâ; ergo &c.

III. Confirmatur. Quod aliquid non consequatur finem, propter quem ab agente factum est, seu ad quem est ordinatum, contingit, quia effectus ille consequitur ex aliqua alia causa, præter intentionem agentis; ergo, cùm nihil possit effugere causalitatem Dei, nihil poterit effugere ejus ordinationem. Maj. explicatur. In tantum enim media ordinata à Duce ad victoriam, hæc sæpe non consequuntur, quia victoria pendet ab aliqua alia causa, præter intentionem Ducis.

IV. Secundò prob. aliâ ratione Divi Thomæ. Deus cognoscit omnia, nedum universalia, sed & singularia, quæcumque sint; ergo omnium rationem, & ordinem in se habet. Conseq. prob. nam cognitio Dei comparatur ad res, sicut cognitio artis ad artificia; sed omnia artificia subduntur ordini artis; ergo omnia creata subduntur ordini divinæ cognitionis.

V. Verùm omnia, etsi minima, etsi vilia, à Divina regi Providentiâ, aperte ostendit Christus Matrh. 6., ubi excusa, ac providentiâ, quam habet de passeribus, volatilibusque cæteris, de liliis, de feno agri, arguit, quod majori Providentiâ habet de hominibus, quos propterea adhortatur, ne solliciti sint. Respicite (inquit) volatilia Cæli, quoniam non serunt, neque metunt, neque congregant in horrea: & Pater vester Cælestis pascit illa. Nonne vos magis pluris estis illis... considerate lilia agri, quomodo crescent: non laborant, neque nent... Si autem fenum agri, quod hodie est, & cras in-

eli-

*clibanum mittitur, Deus se vestit: quāto magis vos modica fidei. Quæ repetit Luca 12. v. 21. &c. Et Matth. 10. à v. 29. eandem Dei curam extendens ad pasceres, & capillos: nonne (inquit) duo pasceres asse vaneunt: & unus ex illis non cadet super terram sine Patre vestro? Vestri autem capilli capitis omnes numerati sunt. Nolite ergo timere: multis pascerbis pluri estis vos.*

VI. Super quæ Augustinus lib. 5. de Genes. ad litter. cap. 21. ait: Quod ore suo Salvator dicit, unum pascere non cadere in terram sine Dei voluntate, & quod sanum agri, post paululum mittendum in clibanum, ipse tamen vestiat: nonne confirmat, non solum totam istam mundi partem rebus mortalibus, & corruptibilibus deputatam, verum etiam vilissimas ejus, abjectissimasque particulas divinæ providentiæ regi? Videri potest ibid. cap. 10., & 22. lib. 1. retract. cap. 1. 2. & 3. lib. 5. de Civit. Dei cap. 9. 10. & 11. lib. 7. cap. 29. & 30. lib. 19. cap. 12. & lib. 10. cap. 14., ubi eandem Dei ad ima quæque Providentiæ agnovisse Plotinum Platonum ex flosculorum, & foliorum pulchritudine, tradit.

VII. Accedunt S. Cyrillus lib. 5. Theauri cap. 2. dicens: Quod si putatis indecent, ad minima quæque Dei Providentiæ descendere, erubescatis aliquantulum, quāso, audientes Christum: nonne duo pascere &c. & lib. 12. cap. 14. asserens, naturæ Deitatis proprium esse, ut omnia contineat, atque gubernet, res etiam dejectas, atque humilissimas. Cui subscribunt Ambros. lib. 1. de offic. cap. 13. 14. & 15., Chrysostomus libris sex de Providentiā.

Sanctus item Hieronymus, qui in cap. 10. Matth. si (inquit) parva animalia, & vilia absque Deo auctore non decidunt & in omnibus est Providentiā &c. Et in cap. 32. Hierem. sunt (ait) qui Providentiā Creatoris usque ad rationalia, constanter, bruta autem fortuitis casibus asserant, vel perire, vel vivere. Prophetæ sermo declarat, nihil esse, quod fugiat Providentiā, & scientiam Dei, quia alia propter se, alia in usum hominum sunt creata.

VIII. His tamen non obstantibus Mariana lib. 2. de morte, & immortalitate cap. 13. non vult, Deum sigillatim definire bona opera, ut singula suo ordine, loco, & tempore fiant. Pleraque enim, inquit, nostro relinquuntur consilio, à quo & definitionem recipiunt; atque ita judicandum censet de minutis aliis, tūm rebus, tūm actionibus, citans ad hoc S. Thomam 1. p. qu. 23. art. 7. dicentem, quod Deus in sua Providentiā culicum, & muscarum numerum non definierit.

IX. Cæterum Deum omnia quamvis minima providere, & curare, ac ab æterno præsumisse omnes res eo modo, loco, tempore, & ordine futuras, quo sunt, tenendum est. Quoad actiones enim nostras jam Tractatu præcedente dictum est, & statim dicitur. Quoad alia vero, testatur Script., & PP. Scriptura quidem: Nam Sapientiæ 11. Deus omnia in mensura, numero, & pondere disposuit; atque (ut ait Augustinus lib. 5. de Civit. Dei cap. 11., & lib. 5. de Genes. ad litter. cap. 22.) Ab ipso est omnis modus, omnis species, omnis ordo, mensura, numerus, pondus. Et tract. 102. in Joann. Omne tempus (inquit) & quid, & quando faceret, vel fieri sineret, ab illo est dispositum, qui temporis subditus non est. quoniam, quæ futura erant per singula tempora, in Dei Sapientiā causas efficientes habent. Et lib. 5. Confess. cap. 9. Etiam faciendum ordinem Deus prædestinat. Idem Bernardus Tract. de gratia: Nihil horum evenit, quod non, pro ut vult, potenti præordinet voluntate. Et D. Athanas. Apologia de fugæ suæ: Tempus (inquit) mortis nostræ à Deo est definitum.

X. Doctrinam hanc variis in locis tradidit D. Tho. Quolibet. 12. art. 4. ita loquitur: Omnia sunt à Dei Providentiā prædeterminata, & ordinata. Quest. 3. de verit. art. 1., & in 1. dist. 36. qu. 2. art. 1. citans verba D. Dionys. cap. 5. de Divin. Nomin. Exemplaria (inquit) divinus in Deo existentium rationes substantificatas, & singulariter præexistentes, quas Theologia prædefinitiones vocat, & divinas, ac bonas voluntates existitium prædeterminativas, & efficientes, secundum quas supersubstantialis essentia omnia præ-

*praedestinavit, ac produxit.* Quæ Dionysii verba usurpavit quoque S. Joann. Damasc. *Orat. 2. & 3. de imaginibus.*

Rursus 2. p. qu. 216. art. 2. ait, *quæ hic per accidens agnuntur, sive in rebus naturalibus, sive humanis reducuntur in aliquam causam præordinantem, quæ est providentia divina;* & post pauca, subdit: *Sic igitur in quantum omnia, quæ hic aguntur, tanquam per eam ordinata, & prælocuta, fatum ponere possumus.* Idem lib. 3. *contraxgentes cap. 76., qu. 6. de Verit. cap. 6.*

XI. Quæ cum ita sint, miror, quâ conscientia Mariana potuerit S. Doctorem in suam trahere opinionem. Nec locus allatus ex 1. parti. qu. 23. art. 7. ipsum juvat; advertere enim debuisset, S. Thomam ibi non negare numerum bonum, culicum &c. esse præordinatum, sed tantum negare, esse præordinatum *per se.* Verba S. Doctoris hæc sunt: *licet Deus sciat numerum omnium individuum; non tamen numerus vel bonum, vel culicum, vel aliorum huiusmodi est per se præordinatus à Deo.* Et hoc idem, quia individua materialia, & corruptibilia, eorumque numerus, non est intentus, nisi propter speciem, ejusque conservationem: numerus autem eorum, quæ non propter se, sed propter aliud requiruntur, non per se præordinatur, sed pro quanto necessarius est ad illud, propter quod est: *Sicut* (inquit) *adificator exco- gitat determinatam mensuram domus, & etiam determinatum numerum mansuorum, quas vult facere in domo, & determinatum numerum mensurarum parietis, vel tecti. Non autem eligit determinatum numerum lapidum; sed accipit tot, quot sufficiunt ad implendam tantam mensuram parietis.* Hæc D. Thom., quæ præmiserat, ut concluderet, quod certus est Deus numerus Prædestinatorum, non solum per modum cognitionis, sed etiam per modum ejusdem principalis præfinitionis. Non sic autem omnino est de numero Reproborum, qui videntur esse præordinati à Deo in bonum Electorum. Sicut ergo non negat, Reprobos esse præordinatos, sed solum propter se, eo modo, quo sunt præordinati Electi; ita non negat, numerum bonum esse à Deo præordinatum, sed so-

lum propter se, eo modo, quo præordinatæ sunt species, earumque numerus, quæ sunt partes principales universi.

## §. I I.

## Objecta contra dicta.

XII. P Rimum obijci potest. Nullum provisum est fortuitum; Si ergo omnia sunt provisa à Deo, nihil erit fortuitum; & sic perit casus, & fortuna; quod est contra communem opinionem.

Respondetur, dist. ant., nullum provisum est fortuitum respectu Provisoris, conc. ant., respectu alio um, nego ant., & dist. conseq., respectu Dei, conc. consequentiam, respectu nostri, nego conf. Responsio est D. Th. hoc art. 2. ad 1. Fortuitum, & casuale est, quod subterfugit, vel evenit præter ordinem, & intentionem causæ. Licet autem aliquid possit subterfugere ordinem, & evenire præter ordinem, & provisionis particularis, qualis est homo, aut quævis creatura; nil tamen potest subterfugere, & evenire præter ordinem, & intentionem Causæ. & Provisoris generalis, qualis est Deus. Et ratio est, quia, in tantum aliquid subterfugit, & evenit præter ordinem causæ particularis, quatenus per aliam causam particularem impeditur, sicut lignum impeditur à combustionem per actionem ignis; sed causa universalis, qualis est Deus, à nulla causa particulari impediri potest, cum omnes causæ particulares concluduntur sub ordine causæ universalis, nec ab eo possint exire; Id ergo quod fortuitum, & casuale est nobis, à Deo est ordinatum, & provisum (quod hoc ex eo lo explicat S. Thom.) *sicut concursus duorum servorum, licet sit casualis quantum ad eos; est tamen provisorius à Domino, qui eos scienter sic ad unum locum mittit, ut unus de alio nesciat.*

XIII. Obijcies secundo. Quæ ex necessitate eveniunt, providentiam, seu prudentiam non requirunt, cum prudentia secundum Philosophum 6. Ethic. sit recta ratio contingentium, de quibus est consilium, & electio; sed multa ex necessitate in rebus eveniunt; ergo non omnia

omnia providentiæ subduntur.

Respondetur, distingu. maj. cum D. Thoma laudato ad 3., non requiritur prudentiam humanam, con. maj., divinam, nego maj. Homo (inquit) non est institutor natura, sed utitur in operibus artis, & virtutis ad suum usum rebus naturalibus. Unde prudentia humana non se extendit ad necessaria, qua ex natura proveniunt: ad qua tamen se extendit Providentia Dei, qui est auctor natura. Et ex hac ratione videntur moti fuisse, qui cursum rerum naturalium subtraxerunt divina Providentia, attribuentes ipsum necessitati materia, ut Democritus, & alii naturales antiqui.

XIV. Obijcies tertio. Paulus 1. Cor. 9. v. 10. Nunquid (ait) de bobus cura est Deo? Et Habacuc cap. 1. v. 14. Et facies (inquit) homines (impios) quasi pisces maris, & quasi reptile non habens principem. Super quæ D. Hieronymus ait: Caterum absurdum est deducere Dei maiestatem, ut seiat per momenta singula, quos nascentur culices, quoties moriantur. Et quidem indignum videtur magno Principi, quod ad minima quæque, ac vilissima descendat.

Respondetur ad singula. Ad primum dico, Apostolum non negare absolute, Deum habere curam de bobus, sed solum habere eam curam de illis, quam de hominibus habet, scilicet principalem, & propter illos. Afferit enim ibi textum veteris testamenti (Deuter. 15. v. 4.) Non alligabis os bovi trituranti. Quo textu indicare voluit Paulus, Deum loquendo de bobus, attendisse præcipue ad Ecclesiæ Ministros, qui (sicut boves triturantes habent jus accipere de frugibus, quas terunt) ita & multo magis jus habent accipiendi, quæ ad victum sibi necessaria sunt ab eis, quibus spiritualia largiuntur. Unde subdit: An propter nos utique hoc dicit? Nam propter nos scripta sunt... si nos vobis spiritualia seminavimus, magnum est, si nos carnalia vestra metamus? Rationem autem, quare Deus specialem curam de hominibus habeat, assignat D. Thom. ars. 2. sæpe relicto ad 5., quod quia creatura rationalis per liberum arbitrium habet dominium sui actus... speciali quadam

modo subditur divina Providentia; ut scilicet ei imputetur aliquid ad culpam, vel ad meritum, & reddatur ei aliquid, ut pena, vel præmium. Et quantum ad hoc curam Dei Apostolus à bobus removit: non tamen ita, quod individua irrationalium creaturarum ad Dei Providentiam non pertineant, ut Rabbi Moyses existimavit.

Ad id, quod dicitur ex Habacuc dico, Prophetam solum velle, pisces, & reptilia à cura Dei speciali, & propter se removeri, eo modo, quo impius curam suam specialem subtrahit; quis autem neget, impios à Providentia Dei prorsus excludi?

De mente verò S. Hieronymi satis constat ex superius dictis. Quare allatis verbis non negat absolute providentiam, & scientiam respectu culicum, nullus enim eorum est in oblivione coram Deo: Sed solum afferit, de culicibus eam Providentiam non habere, quam habet de hominibus. Non sinus (ait Hieron.) tam fatui adulatori Dei, ut dæm potentiam, ejus etiam ad ima detrahimus, in nos ipsos injuriis simul, eandem rationabilem, quam irrationabilem, providentiam esse dicentes. Loquebatur autem contra librum quemdam Apocryphum, qui reptilibus piscibus, universisque bestiis, & arboribus Angelos in custodiam assignatos esse, dicebat.

Ad id, quod postremò additur, dico, verum esse de illo, qui dum curat minima, distrahitur à cura majorum, quales sunt Principes terreni: non autem de Deo, qui uno actu curat & minima, & maxima, nec per curam unius à cura alterius impeditur.

## §. III.

### De Causis Liberis.

XV. Dico secundò. Causæ liberæ, & eorum actiones subfunt (& quidem præcipue) divinæ providentiæ: eas ordinanti, & præficienti. Assertio hæc manet probata in tract. precedente, quo etiam circa actiones liberas admissimus decreta efficacia, & eas præficienti absolute latione libertatis. Ad præsens autem

tem

tem probatur ex superius laudato testimonio Christi, qui, postquam ait, Dei Providentiam ad minima quæque, ac vilia se extendere, intulit citato loco, *Nonne vos magis pluris estis illis? .... quanto magis vos modica fidei.* Hoc idem probant Scripturæ, quæ dicunt, Deum remuneraturum opera hominum, aut puniaturum; quibus ostenditur, humanas actiones esse sub Dei potestate, si eas iudicaturus est. Ipse etiam est, qui operatur in nobis velle, & perficere pro bona voluntate. Philipp. 2. v. 13. Unde idem Paulus Hebr. 13. v. 20. 21. *Deus autem pacis, inquit.... aperet vos in omni bono, ut faciatis ejus voluntatem, faciens in vobis, quod placeat coram se per Jesum Christum.* Quibus apparet, Deum ab æterno præordinasse, ac præiussisse causarum liberarum operationes.

XVI. Neque dicas, eas quidem ab æterno determinasse, sed non ante prævisionem determinationis causæ liberæ creatæ. Contra enim est. Quomodo determinatio causæ prævideri potest determinatæ futura, si, ut superius probatum est, à determinatæ Dei causatur? nunquid effectus potest prævideri determinatæ futuræ, ante existentiam suæ causæ? Hoc ipsum (ait D. Thom. 1. p. q. 105. a. 1. ad 3.) quod causa secundæ ordinatur ad determinatos effectus, est illis à Deo.

Ex hoc autem laxatione libertatis non sequi, ostendit idem S. Doctor citatus art. 4., & alibi sæpè, ut fuso calamo supra probavimus. Hinc Act. 1. v. 23. Christus dicitur definito consilio, & præscientia Dei traditus, ut crucifigeretur. Et cap. 4. v. 28. dicitur de Deo, quod Herodes, & Pontius Pilatus cum Gentibus, & Populis pilatus convenerunt facere, quæ manus tua, & consilium tuum decreverunt fieri; Cum tamen Christus ab Isaia 53. v. 7. dicatur oblati, quia ipse voluit.

Insuper Ephes. 3. v. 10. Paulus dicit, datam sibi gratiam, ut evangelizando, notam faceret multiformem sapientiam Dei secundam prævisionem seculorum; cum tamen ipse eam liberè prædicaret. Item Act. 13. v. 48. crediderunt (utique liberè) quotquot erant præordinati ad vitam æternam. Et cap. 22. v. 14. Deus Patrum nostrorum præordinavit te, ut cognos-

ceres (non quia prævisus fueras cognitus) voluntatem ejus &c.

## §. I V.

Objecta proponuntur.

XVII. **P**rimò objicies. Quicumque dimittitur in manum consilii sui non subjacet Providentiæ alicujus gubernantis; sed homo dimissus fuit à Deo in manum consilii sui; Ecclesiastici 15. v. 14.; ergo &c.

Confirmatur. Providentia, quæ immobiliter omnia præordinaverit, destruit libertatem; ergo non datur circa causas liberas.

Respondeo ex D. Tho. 1. p. q. 22. art. 2. ad 4., quod in hoc, quod dicitur, Deum hominem sibi reliquisse, non excluditur homo à Divina Providentia, sed ostenditur, quod non præfigitur ei virtus operatiua determinata ad unum sicut rebus naturalibus, quæ aguntur tantum, quasi ab altero directæ in finem, non autem seipsa agunt, quasi se dirigentia in finem, ut creatura rationales per liberum arbitrium, quo consiliantur, & eligunt: unde signanter dicit in manu consilii sui. Sed quia ipse actus liberi arbitrii reducitur in Deum, sicut in causam, necesse est, ut ea, quæ ex libero arbitrio sunt, Divina Providentia subdantur. Providentia enim hominis continetur sub Providentia Dei, sicut causa particularis sub causa universali. Hæc D. Thom.

Ad confirm. nego antecedens. Imò causat, & facit libertatem, ut superius abunde probatum est. Interim audiatur D. Thomas 1. p. q. 116. a. 5., ubi quærens, an Fatum sit immobile. Fatum (inquit) secundum considerationem causarum secundarum mobile est; sed secundum quod subest Divina Providentia immobilitatem sortitur, non quidem absoluta necessitatis, sed conditionata, secundum quod dicimus; hanc conditionalem esse veram, vel necessariam: Si Deus præcivit, hoc futurum, erit.

XVIII. Secundò objicies. Boni sæpe affliguntur, mali autem prosperantur; ergo circa istos non est Providentia, alias foret injusta.

Con.



Confirmatur. In his, quæ Providentiâ aguntur, diversa diversis attribuantur; sed in rebus humanis eadem bonis, & malis eveniunt. Ecclesiastes 9. v. 2. *universa aquæ eveniunt iusto, & impio, bono, & malo*. Ergo res humanæ Providentiâ non reguntur.

Respondeo, non iniuste, sed sapientissimè summum Providorem pios, ac bonos affligere, & malos sæpe ditare prosperis. Affligit bonos, vel ut eorum virtus adversis probata illustrior fiat, ut in Job, Tobia, aliisque, & ex eorum patientia occasionem sumat magis præmiandi eorum merita. Vel ut boni iis miseris, & afflictionibus cautiores, & humiliores reddantur: sic Apostolus, ne revelationibus, ac miraculis extolleretur, permixtus est à Satana colaphizari. Vel tandem ut boni edocentur, seculum hoc tot aspersum malis non esse diligendum, sed alterum sollicitè desiderandum. Malos autem aliquando bonis cumulat in hac vita, quia nullus est ita malus, ut non faciat aliquid opus moraliter bonum, quod esset vitam æternam non promereatur, Deus dat tamen pro eo remunerationem temporalem. Quare Romanis amplum imperium, ob virtutum moralium aliquam speciem, quæ præ cæteris Gentibus in eis eminebant, dedisse, affirmat Sanctus Augustinus lib. 5. de Civitate Dei cap. 21. In hoc tamen iustitia Divinæ Providentiæ super bonos, & malos finaliter apparet, quatenus iis non permittit aliquid evenire, quod eorum æternam salutem impediat: illis autem, quia bonis sibi in hac vita concessis abutentur, maior poena erit damnatio.

Ad confirmat. Respondeo cum Divo Thomæ qu. 5. de verit. art. 5. ad 6., quod *quævis videatur nobis, quod omnia equaliter bonis, & malis accedant, ex hoc, quod nescimus, quæ de causa Divina Providentia singula disponet, non est tamen dubium, quin in omnibus bonis, & malis, quæ eveniunt, siue bonis, siue malis, sit recta ratio, secundum quam Divina Providentia omnia ordinat. Et quia eam ignoramus, videtur nobis, quod inordinatè, & irrationabiliter eveniant. Sicut si aliquis intraret Officinam Fabri, videretur ei, quod instrumenta fabrilia*  
Tom. IV.

*essent inutiliter multiplicata, si nesciret rationem utendi unoquoque, quorum tamen multiplicatio ex causa rationabili appareret ei, qui virtutem artis intuetur.*

XIX. Tertiò objicies. Dùm Communitas, Respublica, aut Regnum propter peccata affligitur, affliguntur quoque innocentes; sed iniusti Provisoris esset cum reis innocentes punire; ergo hæc ex Dei Providentia non eveniunt.

Respondeo, quod, cum quilibet homo sit pars communitatis, & pars sequatur bonam, vel malam sortem sui totius, sicut in felicitate communitatis communicant omnes tum boni, tum mali: ita omnes in ejusdem ærumnis communicare, æquum est. In hoc tamen semper relictæ Providentiæ Dei, quod sicut felicitas temporalis, quæ, consideratione bonorum, mali, est indigni, fruuntur, terminatur tandem ad eorum damnationem æternam: ita ærumnæ temporales, quibus, occasione malorum, boni affliguntur, concurrunt ad majorem bonorum sanctificationem, & tandem ad æternam eorumdem salutem.

§. V.

De Peccatoribus, & Peccatis.

XX. Dico tertiò. Peccatores subiunguntur Providentiæ Dei. Prob. primò, quia eos ordinavit ad supplicium, tum in hac vita subeundum, cum propter peccata veniant adversa. Tum, si respuerint, in vita futura eos in æternum puniendo. Secundò, quia, ut inferius dicam, esto ad particularem Providorem pertineat defectus impedire, quantum potest, tamen ad universalem Providorem pertinet defectus impedire, quantum pertinet, non solum bona velle, & aliquos ad debitum finem ordinari: sed etiam in aliquibus mala, & defectus permittit, in quantum defectus unus cedit in bonum alteri us, vel etiam totius universi, & ad ostensionem suæ iustitiæ. Unde S. Augustinus in Enchiridio cap. 10., postquam ostendit, omnia bona à Deo esse, quia ex omnibus consistit universitatis admirabilis pulchritudo: de malis subdit: *In qua etiam illud, quod malum dicitur, bene ordinatum, & loco suo positum, emi-*  
B. n. n.

mentis commendat bona, ut magis placeant, & laudabiliora sint, dum comparantur malis. Neque enim Deus omnipotens, quod etiam Infideles fatentur, rerum cui summa potestas, eum summè bonus sit, nullo modo sineret mali aliquid esse in operibus suis, nisi usque ad eam esset omnipotens, & bonus, ut bene faceret etiam de malis.

XXI. Confirmatur ex S. Thoma qu. 5. de verit. art. 7., ubi hanc quæstionem resolvit primò, nullus punit iussu eor, qui non sunt de suo regimine; sed Deus iussu punit malos, pro his in quibus peccant; ergo ipsi ejus regimini subiciuntur. Ità in argumento sed contra.

In Corp. verò articuli docet, quòd Divina Providentia se extendit ab hominibus dupliciter: uno modo, in quantum ipsi providentur; alio modo, in quantum ipsi providentes fiunt. Ex hoc autem, quòd providendo desciunt, vel relictitudinem servant, boni, vel mali dicuntur: ex hoc autem, quòd providentur à Deo, eis bona, vel mala præstantur, & secundùm quòd ipsi diversimodè se habent in providendo, diversimodè providetur eis à Deo. Si autem relictum ordinem in providendo servant, & in eis Divina Providentia ordinem servat congruum humane dignitati, ut scilicet nihil eis eveniat, quod in eorum bonum non cedat, & quòd omnia, quæ eis proveniunt, eor in bonum promoveant, secundùm illud Rom. 8. v. 28.: diligentibus Deum omnia cooperantur in bonum. Si autem providendo, ordinem non servant, quòd congruit creatura rationali, sed provideant secundùm motum brutorum animalium; & Divina Providentia de eis ordinabit secundùm ordinem, qui brutis competit: ut scilicet ea, quæ in eis, vel bona, vel mala sunt, non ordinentur in eorum bonum proprium; sed in bonum alienum, secundùm quòd in Psal. 48. v. 13. dicitur: homo, cum in honore esset, non intellexit &c. Ex hoc patet, quòd aliori modo Divina Providentia gubernat bonos, quàm malos: mali enim dum ab uno ordine Providentia exeunt, ut scilicet Voluntatem Dei non faciant, in alium ordinem dilabuntur, ut scilicet de eis Divina Voluntas fiat, sed boni quantum ad utrumque sunt in recto ordine Pro-

videntia. Quæ pulchra S. Doctoris doctrina bene consideranda est.

XXII. Dico quartò. Peccata ipsa non sunt extra ordinem Divinæ Providentiæ, non quidem tanquam provisa, sed tanquam permissa, & de quibus provideat. Prima pars certa est, quia providere Dei est procurare, & efficere: providet enim Deus, in quantum est causa rerum, & eò se extendit ejus Providentia, quòd ejus causalitas: ut supra diximus ex D. Thom.; & lib. 3. contragenter cap. 75. etiam docet; unicuique autem Orthodoxo certum est, Deum nec procurare, neque causare peccata.

Secunda autem pars probatur. Deus enim peccata permittit fieri, eaque, licet, à se non provisa, prævisa tamen, ordinat ad majus bonum, quàm sit malum, quòd permittit. Porro eò peccatum permittit bonum non sit, permissio tamen ipsa bona est, & ità Deus illam vult, & malum permittit ordinat in bonum: Ordinare enim malum in bonum, hoc non contrariatur bonitati (ait D. Thom. qu. 5. de verit. art. 4. ad 10.) & idè permittere malum propter aliquod bonum inde eleiendum Deo attribuitur. Qu. propter idem S. Doctor citat qu. 5. de verit. art. 4. ad 1. duplicem in Deo distinguit Providentiam: unam approbationis, quæ à Deo providetur id, quòd aliquomodo à Deo fit: alteram concessionis, seu permissionis; unde (concludit) malum, quòd non est à Deo, non cadit sub providentia approbationis, sed concessionis tantum.

## 6. V I.

## Solvuntur Objeçta.

XXIII. **P**rimò arguitur. Illud, quòd sibi relinquatur, non gubernatur ab alio; sed mali sibi relinquuntur: Psal. 80. v. 15. dimisit eos secundùm desideria cordis eorum; ergo mali per Providentiam non gubernantur.

Confirmatur. Ad Providentiam, quæ Deus homines gubernat, pertinet, quòd eis Angelorum Custodiam adhibeat; sed Angeli custodientes quandoque homines relinquunt, ex quorum vöce Hierem. 51. v. 9. curavimus Babilonem, & non est facta,

nata,

nata: derelinquamus eam, & camus: ergo mali Divinā Providentiā non gubernantur.

Respondeo ex D. Thom. qu. 5. de veris. art. 7. ad primum, quod secundum hoc Deus dicitur derelinquere malos, non quod omnino sint ab ejus Providentiā alieni, sed quia eorum actus non ordinat in eorum promotionem, & precipue quantam ad Reprobos; & eadem ratione dicitur Psalm. 35. v. 16. quod oculi Domini sint super iustos, ob specialem modum Providentiā, qua repromittitur iustis in primum, ut ait ideus S. Thom. ibi ad 3. ubi malis designatur poena; quare subditur v. 17. Pulsus autem Domini super facientes mala, ut perdat de terra memoriam eorum.

Ad confirm. respondeo cum D. Thom. laudato ad 2., quod Angeli, qui sunt deputati hominibus ad custodiam, nunquam totaliter hominem dimittunt: sed dicuntur dimittere, in quantum ex iusto Dei iudicio permittunt, cum cadere in culpam, vel peccatum. Videatur Sanctus Doctor 1. p. qu. 113. art. 6.

XXIV. Secundū arguitur, Omnis sapiens Provisor excludit defectus, & mala, quantum potest, ab his, quorum curam gerit; aut ergo Deus non potest peccata, ne eveniant, impedire: & sic non est Omnipotens; aut de peccatis curam, & Providentiam non habet.

Respond. ex D. Thom. hinc 1. p. qu. 22. art. 2. ad 2., antecedens verum esse de Provisorum particulari, secus vero de Provisorum universalis, qualis est Deus: aliter (inquit S. Doct.) de eo est, qui habet curam alienius particularis, & de Provisorum universalis, quia provisor particularis excludit defectum ab eo, quod ejus cura subditur, quantum potest: sed Provisor universalis permittit aliquem defectum in aliquo particulari accidere, ne impediatur bonum totius. Unde corruptiones, & defectus in rebus naturalibus, dicuntur esse contra naturam particularem; sed tamen sunt de intentione naturae universalis, in quantum defectus unius cedit in bonum alterius, vel etiam totius universi: nam corruptio unius est generatio alterius, per quam species conservatur. Cum igitur Deus sit universalis Pro-

visor totius entis, ad ipsius Providentiam pertinet, ut permittat quosdam defectus esse in aliquibus particularibus rebus, ne impediatur bonum universi perfectum. Si enim omnia mala impedirentur, multa bona deessent universo. Non enim esset vita Leonis, nisi esset occisio animalium, nec esset patientia Martyrum, si non esset persecutio Tyrannorum. Unde dicit Augustinus in Enchirid. cap. 11. Deus omnipotens nullo modo sineret, malum aliquod esse in operibus suis, nisi usque adeo esset omnipotens, & bonus, ut bene faceret etiam de malo. Et 3. Contragentes cap. 71. Non esset locus iustitiae vindictivae, si delicta non essent. Et inferius. Multum deperiret perfectionis universi, cuius pulchritudo ex ordinata bonorum, & malorum adunatione consurgit... sicut & silentii interpositio facit cantilenam effectivam. Et iterum. Si nulla mala essent in rebus, multum de bono hominis diminueretur, & quantum ad cognitionem, & quantum ad boni desiderium, vel amorem: nam bonum ex comparatione mali magis cognoscitur: & dum aliqua mala perpetrantur, ardentius bona optamus: sicut quantum bonum sit sanitas, infirmi maxime cognoscunt, qui etiam ad eam magis exardent, quam sani. Hinc D. Thomas.

XXV. Verum dices, eundem Sanctum Doct. in 1. dist. 46. art. 3. ad 6. docere, duo esse malorum genera. Aliqua enim mala sunt, quae si non essent, universum esset imperfectius, illa scilicet, ad quae consequitur maior perfectio, quam illud, quod privatur, sicut est corruptio elementorum, ad quam sequitur mixtio: & forma mixtorum nobiliores sunt formis elementorum. Alia vero mala sunt, quae si non essent, universum perfectius esset: illa scilicet, quibus majores perfectiones privantur, quam in alio acquirantur: Sicut precipue est in malis culpa, quae ab uno privat gratiam, & gloriam, & alteri conferunt bonum comparationis, vel aliquam rationem perfectionis, quae etiam non habita, posset perfectio ultima haberi, sicut sine patientia actu, in persecutionibus illatis, potest aliquis ad vitam aeternam pervenire. Unde si nullus homo peccasset, universum genus humanum melius foret, quia etiam etsi directus salus unius occasio-

*netur ex culpa alterius, tamen sine illa culpa salutem consequi possit.*

Respondeo tamen, verbis relatis Divum Thomam absolute non negare, permissionem culpe conducere ad bonum universi; contrarium enim statuit in eo articulo, & alibi passim; & in respons. ad sextum argumentum ab arguente relatum dicit: quod *de omnibus malis universaliter verum est, quod si non permitterentur esse, Universum imperfectius esset, quia non essent natura illa, ex quarum conditione est, ut deficere possint: quod jam docuerat dist. 44. qu. 1. art. 2. ad 5.;* sed solum velle, quod, cum sint aliqua mala, quae formaliter, & per se ad perfectionem Universi requiruntur, & ex quibus major perfectio acquiritur, aliqua vero, quae solum materialiter, & non per se ad perfectionem Universi requiruntur, quia absolute Universum sine illis perfectum esset, neque per ea major perfectio acquiritur, inter ista mala culpe recensenda sint, quia, etiamsi non esset peccatum persecutorum, posset homo ad gloriam alia via, quam per martyrium, & patientiam, pervenire: unde concludit, *nec tamen haec mala, neque illa per se ad perfectionem faciunt Universi, quia perfectionis non sunt causa, sed occasiones.* Videatur D. Thom. qu. 5. de verit. art. 4. ad 5., & art. 5. ad 3., & 1. sent. dist. 46. art. 3. in corp. Unde desumo aliam rationem, quare permissio peccati possit ad perfectionem Universi conducere. Etenim, ut Universum sit perfectum, dari debet natura, quae sit defectibilis, nempe natura creata habens liberum arbitrium, ita, ut sine tali natura, quae quandoque deficit, Universum non esset perfectum; cum ergo Deus supremus, & universalis Provisor, unicuique provideat secundum suam naturam, hinc fit, ut ad ipsum spectet permittere, ut natura haec defectibilis aliquando deficiat, & in culpam cadat.

#### 6. VII.

*An Deus immediatè omnibus provideat.*

XXVI. **N**otat D. Thom. 1. p. q. 23. art. 3., quod ad Providen-

tiam duo pertinent, scilicet ratio ordinis rerum provisarum in finem in mente Provisoris existens; & executio istius ordinis, quae gubernatio dicitur. His suppositis

XXVII. Dicit primò: Quod si Providentia sumatur pro ratione ordinantis res in suos fines, sic Deus immediatè per se ipsum omnibus provideat. Et probat, quia in suo intellectu habet rationem omnium etiam minimorum, & quaecumque causas aliquibus effectibus praeficit, dedit eis virtutem ad illos effectus producendos; ergo oportet, quod ordinem illorum effectuum in sua ratione praeabuerit.

XXVIII. Dicit secundò. Si Providentia sumatur pro executione ordinis, seu pro gubernatione, Deus non immediatè omnibus per se ipsum provideat, sed mediis causis creatis, quas ad hoc praeficit, & quibus ad hoc virtutem dedit. Et probat, quia Deus inferiora gubernat per superiora: non propter defectum suae virtutis, sed propter abundantiam suae bonitatis, ut dignitatem causalitatis etiam creaturis communicet; ergo, sumta Providentia pro executione ordinis, Deus non omnibus immediatè, & per se ipsum provideat, sed utitur causis mediis, sic tamen, ut in istis agentibus, & cum istis Deus immediatè agat: ipse enim in omni operante immediatè agit, ut docet idem S. Doct. qu. 3. de Potentia art. 7. Ex his inferitur, omnes causas, & Provissores inferiores esse executores ordinis Divini, nec rebus alium ordinem imponere, quam eum, quem Deus ab aeterno statuit, ut docet S. Doct. hoc art. 3. ad 2. Adhuc tamen liberè agunt, quia illum per consilium, & electionem exsequuntur. Ut enim docet idem S. Doct. ibi art. 4. in corp. Divina Providentia quibusdam effectibus preparavit causas necessarias, ut necessario evenirent, quibusdam vero causas contingentes, ut evenirent contingenter, secundum conditionem proximarum causarum. Quare (ait ad 1.) effectus Divina Providentia non solum est, aliquid evenire quocumque modo, sed aliquid evenire, vel contingenter, vel necessario. Et idè evenit infallibiliter, & necessario, quod Divina Providentia disponit evenire infallibiliter, & necessario, & evenit

contingenter, quod Divina ratio habet, ut contingenter eveniat. Cuncta enim (ait ibi ad 2.) eveniunt comodo, quo ipse providet, siue necessarii, siue contingenter. Sed hæc superius fusè tractavimus.

XXIX. Statuto igitur, quodd Deus omnibus immediatè provideat modo dicto, ait D. Thom. hoc art. 3. in corp., Excluditur opinio Platonis, quam narrat Gregorius Nyssenus (lib. 8. de Providentia cap. 3.) triplicem Providentiam ponentis. Quarum prima est summi Dei, qui primò, & principaliter providet rebus spiritualibus, & consequenter toti mundo, quantum ad genera, & species, & causas universales. Secunda verò Providentia est, quæ providetur singularibus generabilium, & corruptibilium. Ut hanc attribuit Deus, qui circumveunt Calor, idest substantiis separatis, qua movent corpora cælestia circulariter. Tertia verò Providentia est verum humanarum, quam attribuebat Damoni, quos Plato ponebat medios inter nos, & Deos, ut narrat Augustinus (lib. 9. de Civit. Dei cap. 1., & 2., & lib. 8. cap. 14.)

Hæc dicta sint de Providentia, ut dicit rationem ordinis. Cæterum si sumatur Providentia pro executione ordinis, & gubernatione, docet idem S. Doctor qu. 5. de veritate art. 8., quodd corporales creaturæ sic Divinæ subduntur Providentiæ, ut mediâ Angelicâ creaturâ regantur, & ejus ministerio disponantur, quo movent superiora corpora, ex quorum motibus inferiorum corporum motus causantur. Articulus etiam 9. docet, inferiora corpora per superiora, & cælestia, corpora Divinæ Providentiæ subdi, quæ eis mediantibus omnia disponit, & gubernat. Unde concludit, & idè ponimus, corpora cælestia esse causam inferiorum per viam motus tantum, & sic esse media in opere gubernationis, non autem in opere creationis.

## §. VIII.

### De Actibus Humanis.

XXX. C Irca verò actus humanos, an à Divina Providentia gubernentur mediis corporibus cælestibus?

Ibid. art. 10. dicit, quodd de his fuit error multiplex. Quidam enim posuerunt, actus humanos ad Divinam Providentiam non pertinere, nec reduci in aliquam causam, nisi in Providentiam nostram: & hujus positionis videtur fuisse Tullius, ut dicit August. l. 5. de Civit. Dei c. 9., Eo quodd timeret Tullius, ne si Dei præscientiam, & Providentiam admitteret, cogeretur etiam admittere, omnia fato, & necessitate evenire, nihilque esse liberum, ac in nostra potestate, ut refert, & refutat S. Augustinus citato loco.

Et idè (pergit S. Thomas) quidam, omnes actus voluntatis reduxerunt in corpora cælestia, ponentes, sensum, & intellectum idem esse in nobis, & per consequens omnes virtutes animæ corporales esse, & ita actionibus corporum cælestium subdi. Hoc ergo errore rejecto, quia & fide, & ratione naturali constat hominem esse compositum ex corpore, & spiritu, intellectum autem, & voluntatem convenire homini eâ ratione, quâ spiritu prælitus est. Et insuper, quia ex hac positione sequeretur, quodd homo naturali instinctu ageretur ad suas actiones, sicut cetera animalia, in quibus non sunt, nisi vires animæ corporeis organis alligata, nam illud, quodd sit in istis inferioribus, ex impressione corporum cælestium naturaliter agitur, & ita sequeretur, quodd homo non esset liberi arbitrii, sed haberet actiones determinatas, sicut & cetera res naturales, qua manifestè sunt falsa, & conversationi humanæ contraria. Ità S. Thom. 2. p. qu. 115. art. 4.

XXXI. Statuit ergo Angelicus Magister, solum Deum directè, & per se de actibus humanis, idest à ratione deliberata procedentibus, immediatè providere, neque in illos actionem ullam habere cælestia corpora. Probat qu. 5. de veritate citatâ art. 10., quia solus Deus immediatè est finis humanæ vitæ, ejus enim visione perfruente homines beatificantur: & idè ipse solus imprimere potest in voluntatem nostram; quare 1. 2. qu. 9. art. 6. docet, Deum solum posse intrinsecè movere, & inclinare voluntatem, quia ipse solus est causa voluntatis.

Quodd verò corpora cælestia in voluntatem

tatem, sicut neque in intellectum, directe agere non possunt, ostendit 1. p. qu. 115. art. 4. citato, quia corpora coelestia directe solum possunt agere in corpus, & in actum, qui organi corporis actus est, per se quidem in corpus, in vires autem animæ, quæ sunt actus organorum corporum, directe quidem, sed per accidens, in quantum scilicet agunt in corpus, quod est earum organum, & cui vires istæ sunt alligatæ: in ea tamen, quæ nec sunt corpora, nec actus organi corporalis, corpora coelestia agere nullatenus possunt; sed intellectus, & voluntas, neque sunt corpus, neque actus organi corporis, sed purè spirituales: ergo in ea agere &c.

XXXII. Confirmatur. Cum corpora coelestia non imprimant directe, nisi in corpora, si essent causa humanorum actuum, aut hoc esset in quantum imprimunt in corpora nostra, aut in quantum imprimunt in corpora exteriora, nimirum aliqua corporalia nobis præsentando; sed neutro modo; ergo &c. Minus probatur: nam ex corporum coelestium immutatione in nostro corpore ad summum possunt in nobis excitari quædam passionnes magis, vel minus vehementes, quæ tamen non sunt sufficiens causa, ut eas voluntas sequatur: cum esto vir incontinentis voluntariè inducatur ad eas sequendas, continens tamen non inducitur, sed eis resistit. Multò minùs actus humanus sequitur ex impressione corporis coelestis in corpus nobis exterius præsentatum: cum experientia doceat, quòd ad occursum alicujus delectabilis, puta cibi delectati, vel pulchræ mulieris, vir temperatus non movetur ad ea objecta eligenda, intemperatus verò movetur.

XXXIII. Notat tamen S. Thomas locis laudatis, quòd cùm impressio corporis coelestis directe nihil influere possit in actus intellectus, & voluntatis, indirecte tamen, & per accidens ad eam pertinere possunt, puta dando occasionem, ut vel intellectus intelligat, aut voluntas velit, eo quia tam intellectus, quàm voluntas pro hoc statu aliquid à ministerio sensuum, & viribus inferioribus organo corporeo alligatis accipiunt. Aliter tamen intellectus, aliter voluntas. Nam

intellectus, cum naturaliter moveatur à sensitiva apprehensiva virtute eo modo, quo objectum movet potentiam, quia phantasma se habet ad intellectum, sicut color ad visum, ut dicitur in 3. de anima, idè intellectus, ut rectè cognoscat, quasi ex necessitate indiget rectà dispositione partis sensitivæ; quare perturbata vi sensitivæ interiori, puta imaginativâ, de necessitate perturbatur intellectus: ut videmus in amentibus, & phreneticis, in quibus læso organo phantasie actio intellectus perturbatur.

Non sic tamen voluntas: appetitus enim sensitivus non est naturaliter motivus voluntatis; sed è converso: quia appetitus superior movet appetitum inferiorem, sicut sphaera sphaeram, ut dicitur in 3. de anima: & quantumcumque appetitus inferior perturbetur per aliquam passionem iræ, vel concupiscentiæ, non oportet, quòd voluntas perturbetur, imò habet potentiam repellendi hujusmodi perturbationem, ut dicitur Gen. 4. v. 7. sub te erit appetitus ejus, & tu dominaberis illius. Ità D. Thom. 2. 2. q. 5. de verit. art. 10. citato, qui concludit: & idè ex corporibus calidissimis non inducitur aliqua necessitas, nec ex parte recipientium, nec ex parte agentium in actibus humanis, sed inclinatio sola, quam etiam voluntas repellere potest per virtutem acquisitam, vel infusam.

XXXIV. Hinc ex corporum coelestium impressionibus nullum iudicium certum de contingentibus, & liberis eventibus formare possunt Astrologi, ut docet D. Thom. 2. 2. qu. 91. art. 5. similem divinationem repellens, & damnans, ut illicitam. Quare Astrologia iudiciaria merito confixa fuit à Sixto V. in Bulla anno 1585., quia quæcumque dispositio à syderibus impressa in corpore, sive interioris, sive exterioris, nulla necessitas libero arbitrio imponitur, sed contra inclinationem coelestium corporum in vires sensitivas, sive in quodcumque aliud exterius alliciens impressam, potest homo operari.

XXXV. Cur autem ex prædictione astrorum Astrologi frequenter vera prænunciant, rationes varix esse possunt. Prima. Quia major pars hominum sequitur motus passionum, minor pars eas reprimat

primit: ita fit, ut Astrologus frequentius verum dicat, dum prænunciat de aliqua multitudine, & indefinitè, quàm de uno homine singulari. Si enim una multitudo hominum cholericorum ponatur, non de facili continget, quin ad iracundiam moveantur, quod de quolibet singulari potest accidere, & de facto accidit. Quare D. Thom. 3. *contragentes cap. 85.* refert, & probat dictum Ptolemaei in centiloquio, quod *Astrologus non debet dicere rem specialiter, sed universaliter: quia scilicet impressio stellarum in pluribus fortitur effectum, qui non resistunt inclinationi, quæ est ex corpore, non autem semper in hoc, vel illo, qui fortè per rationem naturali inclinationi resistit.*

Secunda ratio. Quia Dæmones curiositati Astrologorum sese immiscentes, eis etiam nescientibus suggerunt, quæ aut ingenii subtilitate, aut callidiorè experientiâ noverunt, aut ab Angelis, Deo ita volente, dicunt, vel etiam, quæ ipsimet Dæmones sciluri sunt. Ità S. Augustinus lib. 2. de Genesi, ad litt. cap. 17. concludens: *Quapropter bono Christiano, sive Mathematici, sive quilibet impiè divinantium, & maxime dicentes vera, cavendi sunt: ne consortio Dæmoniorum animam deceptam pacto quodam societatis irretiant.* Utramque præfatam rationem dat Divus Thomas 2. 2. qu. 95. art. 5. ad 2., & qu. 5. de verit. art. 10. ad 7.

Tertia. Quia Deus punire volens curiositatem illorum, qui Astrologos consulunt, permittit, ut multa præterita, & futura ab Astrologis dicantur, nec aliter accedant, quam dicuntur; multaque observantibus secundùm observationes suas eveniant, quibus implicati curiosiores fiunt, & sese magis, magisque inferant multiplicibus laqueis perniciosissimi erroris. Ità S. Augustinus lib. 2. de Doctr. Christ. cap. 23.

Quarta. Quodd homo, cui Astrologus prædicit prospera, his magnam fiduciam concipit, & toto studio conatur, ut eveniant; Cui verò hæc tristia sunt prædicta, animum abicit, nihilque tentat; ideoque quodd eveniant illa, humanæ potius diligentie tribuendum est, & quodd illa contingant, humanæ inertie, quàm Astrologi divinationi, est adscribendum.

Postrema est. Quia ea, quæ, ut præ-

dicta erant, acciderunt, diligenter notantur: cætera verò, vel occultantur, vel excusantur. Quodd si hæc etiam notarentur, incomparabiliter plura deprehenderentur aliter evenisse, quàm, prædixerat Astrologus. Satis sint hæc, ut vanitatis divinationum aliquid specimen exhiberem, & ut ostenderem, de adibus humanis, & eventibus contingentibus solum Deum certam habere scientiam, & Providentiam. Quodd si Studiosus optaverit plenius instrui, adeat D. Thom., & percurrat totam Quæst. 95. 2. 2.

### DUBIUM III.

An Providentia sit formaliter actus Intellectus, vel Voluntatis?

#### §. I.

*Non consistit aequaliter in utroque actu.*

**I.** Concurre ad Providentiam (idem est de Prædestinatione, quæ species quædam est Providentiæ) actum intellectus, & voluntatis, certum est, & D. Thomas apertè docet: est enim hoc multis virtutibus commune exigere ad sui consentientiam actus utriusque potentie. Sic fides exigit affectum credulitatis in voluntate, quæ dici solet pia affectio, & assensum veritati revelatæ in mente, quia nemo assentitur, & credit, nisi volens. Sic Providentia requirit rectam intentionem in voluntate circa omnes interiores virtutum, & ordinationem in venite, quæ de agendis disponit. Similiter ergo Providentia, quæ est prudentiæ pars, debet investigare, procurare, & ordinare de mediis ad finem consequendum idoneis, quod pertinet ad intellectum; & rursus, quia hæc ordinatio debet esse efficax, & ex intentione finis, aliàs esset fortuita, requirit etiam actum voluntatis, ex cuius impulsu efficacia habetur, & cuius actus est intentio finis. Cùm ergo certum sit, ad Providentiam concurrere actum utriusque potentie, intellectus nimirum, & voluntatis, difficultas est, in quoniam ex istis formaliter, & essentialiter Providentia (sicut & Prædestinatio) locanda sit.

II.

II. Placere enim non potest opinio quorundam, scilicet Molinæ, & aliorum, in utroque actu æqualiter Providentiam constituentium; eo quia videtur ipsis, quoddam S. Augustinus utroque actu expliciter Providentiam Prædestinativam dicens, quoddam est *præscientia*, & *preparatio beneficiorum Dei*.

Placere, inquam, non potest. Tūc quia, ut infra dicam ex D. Thoma, Providentia in solo actu intellectus consistit, præsupponente tamen actum voluntatis. Tūc quia sicut ipsæ potentie intellectus, & Voluntas ita se habent in operando, ut non aequè immediatè procedant, sed una sequatur aliam, & invicem se præcedant, movendo: movetur enim voluntas ab intellectu proponente obiectum, & rursus intellectus movetur à voluntate ad exercitium; ita actus, seu virtutes talium potentiarum debent ordine quodam procedere, & unam se habere ad aliam, ut moventem, aliam, ut motam, unam præsuppositivè, aliam consecutivè, non utramque ad eundem actum ex æquo formaliter, & constitutivè concurrere: Non enim dici potest, actum intellectus, & voluntatis ita constituere unam Virtutem, sicut materia, & forma constituunt unum essentiale compositum, quia eo modo solum possunt concurrere, quo natura suarum potentialiarum permittit; Sed potentia intellectiva, & volitiva tales sunt, ut una earum se habeat ad aliam, tanquam antecedens, & movens, alia ut consequens, & mota; Ergo earum actus non possunt convenire tanquam partes, & extrema simul, & ex æquo essentialiter constituentia, sed tantum concurrere unus antecederet, alius consequenter juxta suam naturam.

III. Confirmatur. Sicut ad Providentiam concurrunt actus intellectus, & voluntatis, ita ad Fidem, & Prudentiam, & ad alias Virtutes morales: ad Fidem enim concurret, præter actum intellectus, pia motio, ad Prudentiam recta intentio circa finem, electio circa media, & ad alias Virtutes morales recta electio voluntatis, moderatio passionum in appetitu sensitivo &c.; sed nullus dicit, Fidem ex æquo constitui per piam motionem voluntatis, & assensum intellectus,

Prudentiam per rectam intentionem finis, & ordinationem mediorum, & Virtutes morales in his pluribus actibus ad diversas potentias pertinentibus essentialiter collocandas esse; ergo neque dicendum est, Prudentiam, quamvis actus intellectus, & voluntatis requiratur ad sui perfectionem, in utroque ex æquo, & essentialiter consistere.

IV. Explicat hoc magis D. Thomas qu. 14. de Verit. art. 4., ubi quærens, in quo tanquam in subiecto sit Fides? referens opinionem aliquorum eam collocantium in intellectu, & voluntate simul: quidam (inquit 1) dixerunt, fidem esse in utraque vi, scilicet affectiva, & cognoscitiva; quod nullo modo potest esse, si intelligatur, quid in utraque sit ex æquo; Unius enim habitus oportet esse unum actum, nec potest esse unus actus ex æquo duarum potentialiarum. Ex his hanc formo rationem. Sicut Fides, ita Providentia est unus habitus habens unum actum, non unitate ordinis, & aggregationis; sed unitate specificæ, & per se tali; sed non potest esse unus actus ex æquo duarum potentialiarum, maxime unitate specificæ, & per se tali; ergo &c. Idem de Providentia, & Prædestinatione expressè docet S. Præceptor locus 6. sequenti adducendis.

V. Neque Adversarius sive S. Augustinus. Dū enim dicit, quoddam Prædestinationem est *præscientia*, & *preparatio beneficiorum Dei*, nomine *preparationis* non indicavit actum aliquem voluntatis, sed actum intellectus prædicti, ordinantis, & præparantis media, ac si diceret, Prædestinationem est *præscientia*, non otiosa, & *modò speculativum*, sed *preparativum*, & *ordinativum mediorum ad finem*. Unde D. Thoma. 1. p. qu. 23. art. 2. ad 3.: talis (inquit) preparatio est prædestinationem, pro ut aliquod agens per intellectum dicitur se preparare ad agendum, in quantum præconcepit rationem operis faciendi. Et sic Deus ab æterno preparavit, prædestinando, concipiens rationem ordinis aliquorum in salutem. Et qu. 6. de verit. art. 2. ad 12. simili argumento respondens: *preparare* (inquit) vel ordinare est motiva potentia tantum, sed motiva non solum est voluntas, sed etiam ratio practica, ut patet in 3. de anima.



§. II.

*An Providentia formaliter consistat in solo actu intellectus, præsупponente actum voluntatis.*

**VI.** S upposito, Providentiam, & Prædestinationem non consistere ex æquo in actu intellectus, & voluntatis, superest inquirere, in quonam ex illis principaliter, & in recto constituenda sit; an in actu voluntatis connotante actum intellectus; an in actu intellectus connotante, & supponente actum voluntatis?

Circa quod Antiqui, ut Gabriel, Aureolus, alique à D. Thoma alieni volunt, Providentiam incipere quidem ab intellectu, proponente convenientiam mediorum ad finem, sed consummari, & essentialiter consistere in actu voluntatis, nimirum in electione mediorum, quæ idonea iudicata fuerunt, & proposita ab intellectu voluntati. Huic sententiæ adhiplentur Medistæ, qui Providentiam Divinam duos tantum actus volunt importare, ad differentiam Providentiæ creatæ: unum ex parte intellectus, & hunc dicunt esse notitiam possibilitatis rei faciendæ, vel saltem scientiam conditionatam, & mediam de mediorum futuritione (de quo inferius dicemus); alterum ex parte voluntatis eligentis, & in hoc dicunt formaliter consistere Providentiam. His pro ea parte, quâ statuit Providentiam in voluntate, adiungitur Scotus cum sua Schola. Attamen S. Thomas cum suis veris discipulis Providentiam, & Prædestinationem statuit in actu intellectus practici, non quidem præcedente, sed supponente actum voluntatis. Cum hoc ergo S. Doctore

**VII.** Dico. Providentia, & Prædestinatione formaliter, & essentialiter, seu in recto consistit in actu intellectus practici, connotante tamen, & supponente actum voluntatis. Ità S. Doctor passim. Primò hæc *qu. 21. art. 1. ad 3.* ubi ait: *Ad 3. dicendum, quod providentia est in intellectu, sed præsупponit voluntatem finis.* Nullus enim precipit de agendis propter finem, nisi velit finem. Unde præsупponit & prudentia virtutes morales, per

Tom. IV.

quas appetitus se habet ad bonum. Secundò *qu. 5. de verit. art. 5. Providentia.* (inquit) *includit & scientiam, & voluntatem; sed tamen essentialiter in cognitione manet, non quidem speculativa, sed practica.* De prædestinatione autem *qu. 6. de verit. art. 1.*, ubi quaerit, an Prædestinatione ad scientiam, vel voluntatem spectet? resolvit, spectare ad scientiam his verbis: *Unde sicut de providentia supra dictum est, quod consistit in actu rationis, sicut & prudentia, cuius est pars, eo quod solius rationis est dirigere, vel ordinare: ita etiam & Prædestinatione in actu rationis consistit dirigentis, vel ordinantis in finem. Sed ad directionem in finem præxigitur voluntas finis: nullus enim aliquid ad finem ordinat, quod non vult.* Hæc adeo certa sunt, ut de mente S. Doctoris nullum ambigendi relinquunt locum.

**VIII.** Probatur ergo ratione ex Divo Thoma desumptâ. Primò sic. Actus proprius, & formalis Providentiæ est dirigere, & ordinare res in finem præintantum: quare Providentia definitur, quod sit ratio ordinis rerum in finem, in *Providentia existens*; sed ordinare est actus proprius intellectus, non voluntatis: ergo &c. Min. probatur. Tàm quia dirigere, & ordinare ad finem est quodammodo ratiocinari ex fine, ut principio, ad media, ut docet D. Thom. *qu. 5. de verit. art. 1.*; ratiocinari autem, sive in speculabilibus, sive in practicis actus intellectus est. Tùm quia dirigere, & ordinare est unum conferre, & comparare cum altero, quod non nisi cognitione comparativâ fit: unde 2. *Metaph. cap. 2.* dicitur *sapientis est ordinare.* Tùm quia voluntas non facit sibi objectum, sed illud prosequitur, ut sibi ab intellectu propositum; ergo non facit ordinem inter objecta, sed ea prosequitur, secundum ordinem factum ab intellectu.

**IX.** Secundò probatur. Providentia est Prudentiæ pars; sed Prudentia est formaliter in intellectu: est enim una ex virtutibus intellectuales; quare ab Arist. definitur, quod sit *recta ratio agibilium*: ratio autem in intellectu est: unde D. Augustinus lib. 83. quaest. qu. 61. Prudentia (inquit) est cognitio rerum appetendarum,

C

&

& fugiendarum; & Iſidorus lib. 10. Etymologiarum, Prudens (ait) dicitur quasi porro videns, perspicax enim est, qui & incerto prævidet casus. Ex quibus Divus Thomas 2. 2. qu. 47. art. 1. Sic concludit. Visio autem non est virtutis appetitiva, sed cognoscitiva. Unde manifestum est, quod prudentia dirigitur pertinet ad vim cognoscitivam... cognoscere autem futura ex presentibus, vel præteritis, quod pertinet ad prudentiam, propriè rationis est, quia hoc per quandam collationem agitur. Unde relinquitur, quod prudentia propriè sit in ratione.

Confirmatur. Sicut Ars est recta ratio facibilium, ita Prudentia est recta ratio agibilium, & Providentia ratio ordinis rerum in finem. Rursus sicut ad opus artis consummandum aliz potentiz concurrunt, ita & ad consummandum opus Prudentiz, & Providentiz; sed in omnium sententia essentialiter Ars in intellectu completur, ejusque actus in recto, & formaliter est in intellectu; ergo idem dicendum est de Prudentia, & Providentia. Quapropter sicut objectum artis est facibile, ut ordinatè faciendum, ob quam rationem pertinet directè ad intellectum; ita res, ut rectè agibilis, & ordinabilis in finem, est objectum prudentiz, & providentiz; & ob hanc rationem debet in recto ad intellectum pertinere.

X. Secunda verò pars, quod actus Providentiz connotet, ac supponat actum Voluntatis, patet ex D. Thoma superius allato: nullus enim prudenter ordinat res in finem, nisi supposita intentione, & voluntate finis, quæ ipsum efficaciter ad hoc moveat. Unde D. Thom. qu. 5. de verit. art. 1. postquam dixit, quod ordinatio eorum, quæ sunt ad finem, est per modum cujusdam ratiocinationis, ejus principia sunt fines: subdit: & idè ad hoc, quod quis sit prudens, requiritur, quod bene se habeat circa ipsos fines... Et idè ad prudentiam requiritur & intellectus finium, & virtutes morales, quibus affectus rectè collocetur in fine... in omnibus autem viribus, & actibus animæ ordinatis hoc est commune, quod virtus primi salvatur in omnibus sequentibus, & idè in prudentia quædam molo includitur, & voluntas. Et qu. 6. de verit.

art. 1. hæc ratione concludit, quod Prædestinatio presupponit dilectionem, per quam Deus vult salutem alicujus... præexigitur etiam electio, per quam ille, qui in finem infallibiliter dirigitur, ab aliis separatur, qui non hoc modo in finem diriguntur... & idè Prædestinatio, presupponit electionem, & dilectionem, electio verò dilectionem.

## §. III.

## Solvuntur opposita.

XI. Obijciunt primò contra primam partem. Prædestinatio pertinet formaliter ad voluntatem; ergo & Providentia, cuius Prædestinatio est pars. Ant. prob. quia in Scriptura Prædestinati vocantur electi, & dilecti. Insuper Prædestinatio dicitur electio, & propositum ad Ephes. 1. v. 4., Rom. 8. v. 7.

Ad hoc jam respondet D. Thom. qu. 6. de verit. art. 1. citato ad 2., quod Prædestinatio dicitur electio, non quia formaliter sumit in actu electionis consistit, sed radicaliter, quia nimirum actus formalis prædestinationis radicatur, & originatur à dilectione, & electione: idè enim Deus prædestinatione aliquos efficaciter ordinat ad salutem, quia vult dilexit, & elegit ante mundi constitutionem: prius enim est (ait D. Thom. ibi ad 3.) accipere illum, qui dirigitur in finem, quam ipsum dirigere in finem, & idè electio in proposito Prædestinationis præcedit. Licet autem scientia præcedat voluntatem, si referantur ad idem, quia nil volitum, quin præcognitum, si tamen referantur ad diversa, voluntas potest præcedere scientiam. Sic loquitur D. Thomas citatus.

XII. Sed dices primò. Damascenus lib. 2. de fide cap. 20. dicit, quod Providentia est voluntas Dei, propter quam omnia, quæ sunt, convenientem deductionem suscipiunt. Quod idem dixerat Gregorius Nyssenus relatus à D. Thoma 3. contragent. cap. 73. Boethius insuper 4. de Consolat. profa 7. Deus (inquit) sua bonitate gubernat mundum; bonitas autem ad voluntatem pertinet.

XIII. Secundò. Sicut Providentia dicit ordinationem, quæ est ab intellectu,

itā dicit efficaciam, quæ est à voluntate; ergo si ob ordinationem ponitur in intellectu, cur ob efficaciam non ponetur in voluntate? eo vel maxime, quod Prædestinatio in hoc differt à simplici Providentia, quod illa efficaciter ordinat in finem, ista non.

Respondetur ad primam instantiam ex D. Thom. q. 5. de verit. art. 1. ad 1., quod pro tanto Damascenus dicit, Providentiam esse voluntatem, quia voluntatem, includit, & præsupponit.

Sed dices. Si actus intellectus supponit actum voluntatis; ergo supponit rem volitam cum omnibus circumstantiis; ergo supponit eam futuram: quia efficacia voluntatis, ut diximus, est ratio, cur res sit futura, omni alio secluso; ergo actus, qui consequitur in intellectu, non erit formalis Providentia, sed Providentiam, & rem proviam supponit.

Respondetur; distinguens. primum consequens, supponit rem volitam absolute, eo. consequentiam, volitam ordinato modo, nego co.; & eodem modo dico ad id, quod inferitur. Cum autem additur, quod efficacia voluntatis est ratio, ut aliquid sit futurum, omni alio secluso, distinguo, omni alio secluso dñte efficaciam, concedo; hanc enim sola dat voluntas; omni alio secluso ordinante, & applicante rem volitam debito modo, nego. Ordinare autem ad executionem debito modo rem volitam, qui est actus proprius Providentiæ, ab intellectu est, sicut eam debito modo exequi est à potentiis executivis, licet efficacia sit à voluntate, & ab ea originetur.

Ethi autem (inquit D. Thom. qu. 6. de verit. art. 1. ad 5.) causalitas non fit de ratione scientia, inquantum huiusmodi, est tamen de ratione scientia, inquantum est dirigens, & ordinans in finem, quod non est voluntatis, sed rationis tantum; sicut etiam intelligere est de ratione animalis rat ovalis, non inquantum est animal, sed inquantum est rationale.

XIV. Ad secundam instantiam dico, aliter spectare ad Providentiam esse ordinativam, & directivam, aliter efficaciam in ordinando. Esse enim ordinativam, est proprius actus, & character Providentiæ, & prudentiæ, ut ab aliis virtutibus condistinguitur; unde cum ordi-

nare sit actus proprius intellectus practici, sequitur, eam in intellectu potius esse ponendam. At efficacia non est ita propria Providentiæ, quin conveniat etiam potentiis executivis, quæ similiter à voluntate accipiunt efficaciam ad executionem; idèque sicut efficacia, quamvis inclusa in executione, non facit, ut voluntas sit illa, quæ immediatè exequatur: ita efficacia, quamvis inclusa in ordinatione, non facit, ut voluntas sit illa, quæ immediatè ordinet, ac provideat, sed potius ut in ordinatione, velut quid præsuppositum, includatur.

Ad id, quod additur, dico, quod cum Prædestinatio sit pars Providentiæ, si hæc in ordinatione pertinet ad intellectum consistit, etiam illa ad intellectum directè spectare debet. Differentia ergo inter Providentiam in genere, & Prædestinationem fiat in hoc, quod Providentia præcisè dicit ordinem, Prædestinatio autem dicit ordinem, & eventum. Itā D. Thom. qu. 6. de verit. art. 1. in corp. In qualibet enim ordinatione ad finem est duo considerare; scilicet ipsum ordinem, & exitum, vel eventum ordinis: non enim omnia, quæ ad finem ordinantur, finem consequuntur. Providentia ergo ordinem in finem respicit tantum; unde per Dei Providentiam omnes homines ad beatitudinem ordinantur: sed Prædestinatio respicit etiam exitum, vel eventum ordinis, unde non est nisi eorum, qui gloriam consequuntur. Sicut igitur se habet Providentia ad impositionem ordinis, ita se habet Prædestinatio ad ordinis exitum, vel eventum... Unde sicut de providentia supra dictum est, quod consistit in actu rationis, sicut & prudentia, cuius est pars, eo quod solius rationis est dirigere, vel ordinare: ita etiam & Prædestinatio in actu rationis consistit dirigentis, vel ordinantis in finem. Quod verò Prædestinatio respiciat non solum ordinem, sed eventum ordinis, hoc non facit immediatè voluntas, sed hoc facit ratio à voluntate mota, ut ait D. Thom. laudatā qu. 6. de verit. art. 1.; unde sequitur, Prædestinationem supponere quidem voluntatem efficaciter moventem, non tamen in voluntate consistere.

Dices. Prædestinatio, etiam quatenus Providentia est, dicit curam, sollicitudinem,

C 2 dem,

nem, & studium de rectè disponendis ad finem; sed hæc sollicitudo, & cura est actus proprius virtutis studiositatis, quæ residet in voluntate, ut docet D. Thomas 1. 2. qu. 166. art. 2. ad 2.; ergo &c.

Respondet, actum Providentiæ esse curam, & sollicitudinem, ut res ordinentur in finem: actum verò studiositatis esse curam, & sollicitudinem, ut res fiant secundum appetitum rectum: quare motio appetitus respectu studiositatis se habet de formali, respectu verò providentiæ solum de connotato. Videas D. Thom. loco citato.

XV. Obijciunt secundò. Ordinare non est actus solius intellectus, sed etiam voluntatis; ergo &c. Ant. prob. primò. Sicut cognoscere unum propter aliud est ordinare unum ad aliud, ita etiam velle unum propter aliud; sed voluntas vult unum propter aliud, nempe media propter finem; ergo voluntas ordinat unum ad aliud.

Secundò prob. ant. Habitus Caritatis residet in voluntate; sed hic est ordinativus, & imperativus; ergo &c. Min. prob. habitus enim Caritatis imperat, & ordinat actus aliarum virtutum ad suum finem, & ex tali imperio, & ordinatione sunt meritorii.

Tertio. D. Thomas in 1. Annibald. diff. 1. qu. unicâ art. 2. uti (inquit) *ordinatio nem quandam importat*; sed usus est actus voluntatis, ut docet idem S. Præceptor 1. 2. qu. 16. art. 1. 2.; ergo &c.

Respondetur, negando ant., ad primam probat. diff. maj., velle unum propter aliud est ordinare, quasi passivè, proficundo res eum ordine in illis invento, conc. maj., activè, & quasi faciendo in illis ordinem, nego maj. Ordinare enim activè, quod proprium est Providentiæ, & Prædeterminationis, quæ est transmissio, & ordinatio creaturæ rationalis in finem vitæ æternæ, solius rationis, & intellectus est. At dum voluntas vult unum propter aliud, nihil aliud facit, quàm proficui illa juxta ordinem, quo ab intellectu ordinata sunt: sequitur enim in omnibus ductum rationis. Unde aliud est ordinare, aliud ordinatè velle. Ordinatè solius rationis proprium est. Ordinatè velle convenire potest voluntati, dum ea

vult, quæ ab intellectu ordinata sunt; unde si in actibus voluntatis est ordo, is non est factus à voluntate, sed is, quem in actibus voluntatis actus intellectus inducit.

XVI. Dices. Non minùs proprium est voluntatis movere quoad exercitium, quàm intellectus activè ordinare unum ad aliud; sed intellectus ex participatione voluntatis movet quoad exercitium voluntatem, & alias potentias, ut tenent omnes Thomistæ; ergo & voluntas ex participatione intellectus potest activè ordinare.

Respondet, diff. min., movet quoad exercitium appetitivè, nego min., ordinativè, imperativè, & denunciativè, concedo min. Movere quoad exercitium dupliciter contingit. Uno modo appetitivè, & hoc ita proprium est voluntatis, ut neque ex participatione illius possit intellectui convenire. Alio modo imperativè, ordinativè, applicando potentias executivas, & etiam ipsam voluntatem ad actum, cum imperando, & hoc potest ex participatione voluntatis intellectui convenire, actus enim voluntatis antecedens, virtualiter perseverans in actu imperii imprimit in illo efficaciam ad intimandum exercitium aliis potentis. At ordinare uno tantum modo contingit, nempe cognoscendo unum, illudque ad aliud comparando, ideòque voluntati, aut alteri potentie, quæ cognoscitiva non sit, nullo modo neque participativè communicari potest.

XVII. Ad secundam probat. antecedentis, diff. min., est ordinativus, & imperativus formaliter, & elicativè, nego min., causaliter, & motivè, seu applicativè, conc. min. Habitus itaque Caritatis dicitur ordinare actus aliarum Virtutum, non quia eliciat actum imperii, qui est formalis ordinatio, sed quia movet intellectum, ut mediâ Providentiâ infusâ, aut mediâ Fide ordinet actus aliarum Virtutum, eosque imperet, faciendo, ut alie Virtutes operentur propter finem ipsius Caritatis, puta ut misericordia det cleemosynam ob Dei amorem.

Neque dicas, ex hoc sequi, meritum in actibus aliarum Virtutum principalis fore à fide, & Prudentia infusa, quàm à Caritate.

Nam hoc est falsum. Etenim esset imperium

perium non sit à Caritate elicitive, sed à Fide &c., quia tamen non est ab ista, nisi ut mota à Caritate, ideò isti principalius tribuitur, quia causa movens principalius concurrir, quàm causa mota; nec Fides, aut Prudentia infusa unquam imperarent aliis Virtutibus, ut agerent propter finem Caritatis, nempe propter Deum summè dilectum, nisi à Caritate moverentur, & ideò imperant, quia ab ea moventur.

XVIII. Tertiò obijciunt specialiter de Prædestinatione. In illo actu formaliter ponenda est Prædestinatio, qui ut causa infert infallibiliter principalem effectum Prædestinationis; sed hoc ipso quòd Deus efficaciter velit Petro tribuere gloriam, Petrus infallibiliter eam consequetur, & hoc ipso distinguitur à non Prædestinato; ergo &c.

Respondeo, distingu. maj., qui ut causa proxima infert &c., conc. maj., ut causa radicalis, & remota, nego maj.; & similiter distingu. min. Quia cito totum prædestinationis negotium, & tota series actuum, qui ad prædestinationis effectum influunt, originem ducant ab illa voluntate, quâ Deus elegit aliquos præ aliis, & ex hac radicaliter Prædestinatus à non Prædestinato secernatur; Prædestinatio tamen, ut est actus Providentiæ specialis, quo pacto dicit rationem ordinis aliquorum ad salutem, consistit in actu ordinativo; & ideò in actu intellectus; & licet efficaciam, quâ secernitur à Providentiâ generali, accipiat ab actu electionis ad gloriam, hoc solum evincit, actum voluntatis efficacem prærequiri ad Prædestinationem formalem, ut quid necessariò connotatum, & præsuppositum.

#### DUBIUM IV.

In quonam ex actibus Intellectus formaliter consistit Providentia?

##### §. I.

*Quadam pro intelligentia exponuntur.*

- I. **S**tabilito Providentiâ Divinâ, ac Prædestinationem consistere, formaliter, & in recto in actu In-

tellectus, conveniunt omnes, eam pertinere ad partem illam intellectus, quæ practica est, & non purè speculativa; finis enim providentiæ, sicut & prudentiæ, non est pura veritatis cognitio, aut indagatio quidditatum, vel naturarum rerum, sed directio, & ordinatio earum, nempe mediorum ad consecutionem finis, & prout ad aliquid practice agendum; quo fit, ut in parte practica intellectus collocanda sit, ut superius ex D. Thoma qu. 5. de verit. art. 1. diximus.

II. Porro in agendo aliquo negotio quatuor actus, tùm ex parte intellectus, tùm ex parte voluntatis concurrere solent, quibus tota applicatio ad finem, & media concluditur. Primus enim actus intellectus est, quo proponit voluntati bonitatem, & convenientiam finis in se: Cui correspondet in voluntate simplex volitio finis: quæ ideò dicitur simplex, quia hoc actu incipit voluntas amare finem, absque ullo ordine ad media, quibus talis finis est assequibilis.

Post hunc voluntatis actum sequitur in intellectu iudicium, quo iudicat, bonum esse, talem finem assequi: & ideò proponit voluntati, conveniens esse, illum procurare, & assequi. Ex hoc oritur in voluntate intentio efficax finis, quâ incipit amare finem, non secundùm se, sed cum ordine ad media, quæ possunt ad illum perducere, ideòque dicitur intendere, quia voluntas non jam præcise complacet in illo, sed in illum tendit. Ex hac intentione finis surgit in intellectu consilium, inquisitio, & iudicium, quo quæ per modum sententiæ determinat ex multis illud medium, quod aptius cognovit ad finem jam intentum adipiscendum, illudque proponit voluntati, ut acceptandum: In qua oritur actus, qui vocatur electio, quæ ex variis mediis, quæ conducere possent ad finem, acceptat, & eligit illud, quod aptius, & convenientius iudicavit intellectus, eique ut tale proposuit.

Post hunc sequitur in intellectu actus ordinativus mediis sic electi ad executionem, qui actus dicitur imperium, & cui in voluntate correspondet actus usus mediorum, quo applicantur potentiæ executivæ, quibus ultimè res ad debitum finem, & executionem perducitur.

III. Totum hoc explicatur in infirmo. Hic enim primò incipit cogitare de sanitate, & sibi de illa complacere: Deinde judicat, bonum esse illam assequi, & idèd per voluntatem tendit ad illam assequendam. Quia verò media ad sanitatem sunt remedia, consultat, inquit, & tandem judicat, tale remedium esse aptum, illudque proponit voluntati, quæ illud eligit sumere. Post hæc ordinat, & imperat functionem talis remedii, quo imperio posito, surgit in voluntate usus, seu applicatio potentialium exteriorum, & tandem remedii sumtio. Hæc in nobis accidit.

IV. In Deo tamen, fateor, series ista actuum ex parte subiecti, nempe Dei, ponenda non est, qui unico tantùm actu subiectivè cognoscit finem, & media, unico etiam actu voluntatis diligit finem, & eligit media. Verùm ex parte objecti, & nostri modi concipiendi res Divinas proportionaliter ad nostras, ita etiam de Deo discurremus. In negotio ergo prædestinationis primò consideramus cognitam à Deo bonitatem salutis omnium, deinde eam simplici voluntate omnibus volitam. Rursus concipimus cognitam à Deo, bonum esse, gloriam de facto dare aliquibus præ aliis, ut offendatur ejus misericordia: & ex hac cognitione gloria fuerit à Deo aliquibus specialiter volita, & intenta, ut consequenda. Quia verò gloria non est consequenda, nisi per merita, idèd post gloriam efficaciter volitam aliquibus, consideramus, per intellectum divinum judicata media ad gloriam consequendam, nempe merita, & hæc à Divina voluntate acceptata, & electa. Deinde media sic electa concipimus ordinata, & imperata pro executione, quem actum vocamus imperium. Post quod, in opinione distinguente Omnipotentiam à Divino intellectu, sequitur usus, seu applicatio Omnipotentia ad executionem. In opinione verò, quam supra amplexi sumus, quòd Omnipotentia sit ipsemet intellectus prædictus, idem actus imperii est formalissimè ipsa executio.

V. His positis, controversia præsens est, in quam ex his considerationibus consistat formaliter Providentia, & Prædestinatio? Scientiæ mediæ Assertores di-

eunt, Providentiam, & Prædestinationem formaliter consistere in actu illo intellectu, qui præcedit intentionem efficacem finis, qui actus pertinet ad scientiam mediæ, quæ ante omne decretum efficacem comprehensivè Deus cognoscit omnia media, & congruentiam eorum ad finem. Sed quia Providentia debet esse libera, & efficax, dicunt, illam scientiam mediæ non vocari Providentiam, quousque non accedat efficacis voluntatis determinatio, quæ unum ordinem rerum ex à Deo præcognitis acceptet præ alio, & exequi velit; Quare in horum sententia accipit efficaciam à determinatione libera voluntatis, non antecedente, sed subsequente. Alii autem, inter quos Discipuli D. Thomæ, volunt, Providentiam, & Prædestinationem consistere in actu intellectus infra explicando, supponente, & subsequente liberam determinationem divinarum voluntatis.

## §. I I.

*An Providentia consistat in Scientia mediæ eventus?*

VI. **P**rimò. Divina Providentia, & Prædestinatio non potest consistere in actu illo scientiæ mediæ, propnente omnia media, & congruentiam eorum, etiam adjuncta Divinæ Voluntate, aliqui ex illis subsequenter acceptante. Probatur primò. Quia scientiam mediæ a Deo superius omnino relegavimus. Secundò. Quia, ut supra dicebamus ex D. Thoma, actus Providentiæ est actus intellectus supponens voluntatem finis: & specialiter agens de Providentia Prædestinativa semper docet, quòd supponit dilectionem, & electionem eorum, qui prædestinantur; nec enim præparantur, & disponuntur media ad consecutionem finis, nisi his, qui ad talem finem electi sunt, neque eliguntur, nisi qui amantur, & diliguntur præ aliis: etenim licet Prædestinatio non supponat electionem mediæ, quia hoc efficitur prædestinationis, supponit tamen dilectionem, & electionem Personarum ad finem, juxta illud Psalm. 17. v. 20. *Salvum me fecit, quoniam voluit me*; Ubi me esse voluit.

volitum, seu amatum, assignatur tanquam ratio salvationis, & consequenter Prædestinationis. quæ salutem præparat, & procurat. Sic ex dilectione mundi decreta fuit Incarnatio, Joann. 3. v. 16. *Sic Deus dilexit mundum, ut Filium suum unigenitum daret.* Et Matth. 11. v. 25. *Revelasti ea parvulis, ita Pater, quoniam sic fuit placitum ante te.* Quibus aperte evincitur, præparationem mediorum, qui est actus Providentiæ, & Prædestinationis, oriri ex dilectione: dare enim Unigenitum mundo, revelare mysteria parvulis, sunt effectus Providentiæ Prædestinationis, & tamen horum causa fuit æterna dilectio, & placitum Dei.

VII. Confirmat hoc S. Thomas qu. 6. de verit. art. 1. in corp. dicens: *Deus non prædestinat, nisi in quantum est diligens: præexigitur etiam & electio, per quam ille, qui in finem infallibiliter dirigitur, ab aliis separatur, qui non hoc modo in finem diriguntur.* Hac autem separatio non est propter diversitatem aliquam inventam in his, qua separantur, qua possit ad amorem incitare, quia antequam nati essent, aut aliquid boni egissent, aut mali dictum est: Jacob dilexi: Esau autem odio habui: ut dicitur Roman. 9. Et idem prædestinatio præsupponit electionem, & dilectionem, electio verò dilectionem.

VIII. Tertiò probatur. Provisor, qui non determinat eventus rerum, sed illos supponit jam determinatis, & in omni combinatione independentem à suo arbitrio ex sola intrinseca veritate rei futuros, & nil aliud in sua libertate habet, quam ex omnibus illis combinationibus futuris purificare conditionem, & eligere ex illis eam, quæ sibi magis placuerit: Vel Provisor non est, sed potius minister, vel executor ejus, quod jam statutum, & ordinatum est: Vel Provisor valde imperfectus, & non Divinus; Sed talis esset Deus in sententia contraria: huic enim, antequam quid decerneret, proponuntur per scientiam mediam omnes eventus sub quacumque conditione, ac statu, ut determinatè futuri ex sola intrinseca veritate rei, solumque illi liberum est ex illis objectis jam determinatis eligere, unum, purificando conditionem; ergo &c.

Major explicatur exemplo Davidis.

Oblata est Davidi. 1. Paralip. cap. 21. optio trium rerum jam decretarum à Deo, scilicet eligere, aut tribus annis famem, aut tribus mensibus bellum, aut tribus diebus pestem, illique solum reliquum, fuit liberum, eligere unum ex illis tribus: qui de sacro elegit trium dierum pestem, & ceciderunt de Populo septuaginta millia virorum. Inquiri igitur. Electio unius ex his tribus jam à Deo determinatis, illique propositis, fuit ne in Davide actus veræ providentiæ? Et si fuit sacra hæc electio, potuit ne ad ejus providentiam reduci, quoddam morentur potius septuaginta millia, quam triginta, quoddam morentur potius viri, quam feminae, potius senes, quam juvenes? Totum hoc certè fuit extra providentiam. Davidis, quia supponebatur à Deo determinatum, non sibi proponebatur, arbitrio suo determinandum, sed solum ex eis jam determinatis eligere, quod vellet, ut mandaretur executioni, juxta determinationem ab alio factam, nempe à Deo. Vel ergo non erat in Davide providentia, vel valde imperfecta circa illud factum, quia multa proponebantur illi, non determinanda ab ipso, sed jam determinata ab alio principio.

IX. Nunc ad rem nostram. Si Deo proponantur omnes rerum combinationes, & omnes earum eventus, ut jam determinati ex intrinseca sui veritate, & independentem à sua ordinatione, imò antequam sum decretum, & ad ipsum solum spectet optio eligendi, & acceptandi ordinem rerum, quem voluerit, & purificare conditionem, ut executioni mandetur, qualis erit hæc Providentia? Erit fortè circa electionem hujus ordinis rerum præ alio? Sed sacra hæc electio, & purificatione, omnis alia determinatè eventuum, & quod accidat hoc vel illud, hoc vel illo modo, nonne supponitur futura ex propria intrinseca veritate sua, omni alia ordinatione seclusa? Etiam si ergo non detur alia Providentia, & ordinatio in mente Divina, præter illam purificationem conditionis, seu acceptationis ordinis rerum, res æquè, ac eodem modo accident. Imò si Deus vult de illis habere aliquam Providentiam, quæ certa sit, debet se conformare his, quæ iam præ-

prævidit ex suis principiis determinatæ, non verò agere ex arbitrio suo.

Quid autem imperfectius est, quàm ea providentia, quæ supponit res suas jam ordinatas, & determinatas ex alio principio: vel si ordinat aliquid, ordinare debet secundum id, quod jam ordinatum est: & etiam non ordinet, res æquè benè, & eodem modo accidit? Providentia, quæ in sui ordinatione debet inspicere id, quod jam determinatum est, & cui res proponuntur jam ordinatæ, ut eas mandet executioni, quid aliud est, quàm ministræ, & executrix eorum, quæ à creatura sua libertate statuta sunt, vel statuta prævidentur?

X. Dices tamen. Cognitio proponens finem cum plena cognitione mediorum, & comprehensione omnium, quæ ad talem finem possunt concurrere, non eget aliqua voluntate, quæ antecederet ordinatæ dictæ media in finem; sed omnis cognitio Divina, utpote comprehensiva finis, de facto proponit Divinæ voluntati finem cum omni ordinatione mediorum; ergo non eget &c. Maj. patet. Quod enim nos, cognito fine, & volito, non statim cognoscamus, & velimus media, sed egeamus consilio, & inquisitione, procedit, quia cognitio finis non est comprehensiva mediorum.

Respondeo, disting. maj., cum plena comprehensione mediorum determinatè futurorum, & practica, non eget &c., conc. maj., cum plena &c. mediorum merè possibilem, & speculativa, nego maj. Talis autem est cognitio Divina anteverrens omne Divinum decretum: cognoscit quidem omnes eventus, omnesque combinationes, sed ut merè possibilem, & cognitione purè contemplativâ, non practica; nec enim ante Divinum decretum supponitur aliquid determinatè futurum, ut offensum est, nec eâ cognitione, utpote speculativâ, futurum evadit. Quare, ut media sint de facto futura, & determinatè ordinata ad finem, supponi debet voluntas finis: *Nullus enim* (ait D. Tho: 1. p. qu. 22. art. 1. ad 3.) *præcipit de agendis propter finem, nisi velit finem.* Et qu. 23. art. 4. *non autem præcipitur aliquid ordinandum in finem, nisi præexistente voluntate finis.* Nec Deus opera-

tur omnia, secundum quod vidit in sua præscientia, sed secundum quod consilio voluntatis suæ decrevit, dicente Paulo *Ephes. 1. ver. 11. prædestinati secundum propositum ejus, qui operatur omnia secundum consilium voluntatis suæ.*

XI. Porro discrimen inter Deum, & nos, non stat in hoc, quod Divina voluntas supponat media jam ordinata ex sua veritate objectiva, nostra verò ea ordinet, & præparet ex voluntate finis, aliàs essemus nos magis liberi, quàm Deus: sed consistit in hoc, quod, licet tam nos, quàm Deus ex fine volito moveamur ad volenda media, nos tamen pluribus actibus id facimus, Deus autem unico actu formaliter, & ex parte subiecti, vult finem, & media; unde in Deo non est ordo inter actus, sed solum inter objecta volita: nam, teste D. Thoma 1. part. qu. 19. art. 5., *sicut in Deo intelligere causam non est causa intelligendi effectus; sed ipse intelligit effectus in causa: ita velle finem non est ei causa volendi ea, quæ sunt ad finem; sed tamen vult, ea, quæ sunt ad finem, ordinari in finem.* Vult ergo, hoc esse propter hoc, sed non propter hoc vult hoc.

## 6. I I I.

### Nostra resolutio.

XII. Dico secundò. Providentia, & Prædestinatio formaliter consistunt in actu imperii supponente finem, volitum, & media electa. Id expressè docet D. Thomas hæc qu. 22. art. 1. ad 1. dicens: *licet consilium non competat Deo, secundum quod consilium est inquisitio de rebus dubiis, tamen præcipere de ordinandis in finem, quorum rectam rationem habet, competit Deo, secundum illud Psalm. 148. Præceptum posuit, & non præteribit: & secundum hoc competit Deo ratio Prudentia, & Providentia.* Et qu. 23. art. 4. in corp. *Prædestinatio* (inquit) *est pars Providentia. Providentia autem, sicut & Prudentia, est ratio in intellectu existens præceptiva ordinationis aliorum in finem, ut supra dictum est* (qu. 22. art. 1.) *non autem præcipitur aliquid ordinandum in finem, nisi præexistente voluntate finis.*



*finis. Unde prædestinatio aliquorum in salutem æternam, præsupponit secundam rationem, quod Deus illorum velit salutem.*

XIII. Probatur autem hæc ratio. Ad Providentiam perfectam non sufficit, ut media sint volita, & disposita, sed requiritur, ut sint directæ pro executione, & usu; ergo non sufficit ordinatio quælibet disponens voluntatem, ut eligat media, quæ judicata sunt convenientia ad finem, sed ulterius requiritur ordinatio intimans executionem, & usum ad extra: quod pertinet ad actum consequentem ad electionem, quale est imperium, non verò illam præcedentem, quale est iudicium. Ant. videtur certum: quia Providentia non ordinatur solum ad ea, quæ intra nos morantur, sed ut ea, quæ extra nos sunt, debite disponantur, & assequantur fines suos. Quousque enim non respicitur res, ut ad extra ponenda non habetur tota efficacia requisita ad perfectam providentiam: quia nondum concipiuntur sublata omnia impedimenta, quæ obflare possunt executioni. Licet autem Deo nihil sit difficile, & arduum respectu ipsius ordinantis, tamen ex parte objecti, & affectionis finis in se, multa se offerunt vincenda, quæ Deus tollit, non cæco, & naturali impetu, sed ratione, ordine, & Providentiâ, juxta quod dicitur *Job. 9. v. 4., & 5. Tu enim fecisti priora, & illa post illa cogitasti: & hoc factum est, quod ipse voluisti. Omnes enim viæ tuæ paratæ sunt, & tuâ judicia in tua Providentiâ posuisti.*

XIV. Secundo probatur, Providentiam, præsertim Prædestinativam, consistere in actu imperii subsecuti ad electionem, non verò in actu iudicii præcedentis, & regulantis electionem, ex D. Thoma hæc 1. *part. qu. 23. art. 4. Prædestinatio est providentia, seu prudentia specialis Dei circa hominum salutem; sed Providentia, & Prudentia principaliter consistit in actu præceptivo, & ordinativo; est enim ratio in intellectu existens præceptiva ordinationis aliquorum in finem: & patet in Prudentia regali, cuius præcipuus actus est imperium intimans subditis executionem legis.*

Tum etiam, quia S. Thomas 1. 2. *qu. 57. art. 6. expresse docet, actum principis.*  
*Tom. IV.*

paliorem prudentiæ esse præcipere, idcirco quæ *Eubuliam*, quæ est bene consiliativa, & *Gnomen*, quæ est bene iudicativa, adjungit prudentiæ, tanquam secundariis principaliori. *Circa agibilia* (inquit) *humana tres actus rationis invenimus, quorum primus est consilium: secundum iudicare: tertius est præcipere. Primi autem duo respondent altibus intellectus speculativi, qui sunt inquirere, & judicare, nam consilium inquisitio quadam est. Sed tertius actus est propriè practici intellectus, in quantum est operativus; non enim ratio habet præcipere ea, quæ per hominem fieri non possunt. Manifestum est autem, quid in his, quæ per hominem sunt, principalis actus est præcipere, ad quem alii ordinantur. Et idcirco virtuti, quæ est bene præceptiva, scilicet prudentiæ, tanquam principaliori adjunguntur, tanquam secundariæ, Eubulia, quæ est bene consiliativa, & Gnome, quæ sunt partes iudicativæ. Hæc D. Thom. Ex quibus alia ratio formari potest sic. Providentia Prædestinativa, quæ in ratione practica est, in eo actu ponenda est, qui verè est practicus, & intellectui practico correspondet; sed consilium, & iudicium correspondet potius intellectui speculativo, solum autem imperium intellectui practico propriè correspondet; ergo &c.*

XV. Dices tamen, in iudicio regulante electionem distinguere duas formalitates. Unam regulantis, & secundum hanc præcedit electionem. Alteram imperantis, seu exequentis, & secundum hanc sequitur electionem. In iudicio autem secundum hanc formalitatem consistit Providentia, & Prædestinatio.

Sed contra. Hæc secunda formalitas iudicii secuta ad electionem, vel est efficienter præceptiva de mediis, vel est solum iudicativa. Si hoc secundum; non potest in ea consistere Prædestinatio, quæ secundum D. Thom. est præceptiva. Si verò primum; non erit lis: nam illa formalitas erit imperium. Quod autem hoc imperium adequatè distinguatur à iudicio, vel solum inadæquatè, parum refert.

XVI. Tertiò probatur conclusio. Prædestinatio debet consistere in actu efficienter ordinativo mediorum ad salutem, efficienti executionis, qui respiciat media, ut

D

ut

ut causantia in executione finem; at hic actus est imperium, non iudicium; ergo &c. Min. pro prima parte probatur. Efficacia ordinativa mediorum debet explicari per has voces *fac hoc*; sed hoc habetur per actum imperii, non per actum iudicii, quod solum explicatur per modum sententiarum, & indicativi, nempe *bonum est facere hoc*; ergo &c. Pro secunda parte prop. Min. Iudicium electionem præcedens respicit media, ut effectus finis, quia etiam propter finem, & causâ finis eliguntur; solum autem incipiunt esse causa finis, quando pro executione imperantur; ergo &c.

## §. I V.

*Repelluntur militancia contra dicta.*

XVII. **O**bjicies primò. Prædestinatio est pars Providentiæ; sed hæc non consistit in solo actu imperii, sed etiam in rectitudine consilii, & iudicii, ut docet D. Thom. 2. 2. qu. 49. art. 6. ad 3. ergo &c.

Respondetur, dicta min., sed hæc essentialiter sumpta non &c., nego min., hæc adequatè, & latè sumpta, conc. min. Et hoc intendit D. Thom. laudatus. Providentia, sicut & Prædestinatio sumi potest dupliciter; nimirum strictè, & essentialiter, & sic solum dicit actum imperii, supponentis tamen omnia prædicta, quia Providentia, sicut & prudentia de suo formali, essentiali, & characteristico conceptu, quo ab Eubulia, & Gnome distinguitur, dicit esse efficaciter præceptivam, & ordinativam mediorum. Sumi etiam potest Providentia adequatè pro tota serie actuum, qui ex parte rationis ad Providentiam concurrunt, eique intersunt; & hoc modo includit, & adiunctim habet Eubuliam benè consiliativam, & Gnomem benè iudicativam; sed istæ de secundariò se habent ad Prudentiam, seu Providentiam, ut ex D. Thoma 2. 2. qu. 57. art. 6. dicebamus.

XVIII. Secundò objicies. In eo actu formaliter consistit Providentia, qui est causa effectuum provisorum, quia Providentia Divina est certa, non solum certitudine scientiæ, sed etiam certitudine

causalitatis, ut docet Divus Thomas loquendo de Prædestinatione 2. part. qu. 23. art. 6., & alibi; sed imperium subsequens electionem non potest esse causa effectuum provisorum; ergo &c. Min. prob. Tùm quia Imperium pertinet ad scientiam visionis, quæ non causat, sed supponit suum objectum. Tùm quia effectus Providentiæ constituuntur futuri ex vi electionis; quia media efficaciter electa infallibiliter erunt; ergo imperium subsequens electionem non facit illos futuros, sed futuros supponit.

Respondetur, neg. min. Ad primam, probat. dico, quòd licet scientia visionis purè contemplativa non sit fictiva sui objecti, benè tamen scientia visionis practica. Neque hoc derogat rationi intuitionis, ad hanc enim non requiritur, quòd ejus objectum præexistat, sed quòd illi in eodem instanti *in quo*, seu durationis coexistat. Cùm ergo imperium esto ut causa præcedat prioritate à quo, & naturæ effectus provisos, illi tamen pro eodem instanti *in quo*, & durationis coexistant; idèd potest esse causa illorum, & simul scientia visionis.

Ad secundam prob. min. dico, ex vi electionis effectus Providentiæ constituit quidem futuros affectivè, inchoativè, & in via intentionis, nondum tamen ordinativè, consummatè, & in via executionis; sic enim constituuntur futuri per actum imperii, & usus. Quare, si per impossibile post electionem non sequeretur imperium, media dicerentur quidem inchoatè futura, non tamen consummatè, & completè.

XIX. Tertiò objicies. Hoc imperium in Deo non datur. Si enim dicitur, cui imperat? Creaturis? Non: quia ab æterno non sunt; imperium autem fundatur in dominio; unde si ab æterno Deus non dicebatur Dominus creaturarum, quia hæc ab æterno non erant: neque poterat in illas ab æterno imperium exercere. Deo? Multò minùs: quia Deus nulli subest imperio; nec sibi ipsi imperare potest, quia sibi ipsi inferior non est.

Respondeo, imperium hoc, seu ordinationem ad exequendum, propriè intinere, & imperare, non Deo, sed creaturis, ad easque dirigì, intimando eis exe-

executionem rerum à Deo electarum tempore statuto. Eſſo autem creaturæ ab æterno in propriis menſuris non exiſtant, ſunt tamen capaces imperii æterni Dei. Neque enim imperium Dei ſupponit, quibus imperet, ſed imperando facit, quia omnia imperio ſuo efficit. Deus enim vocat ea, quæ non ſunt, tanquam ea, quæ ſunt. Rom. 4. v. 17. Super quæ D. Thom. quod dicit (inquit ibi lect. 4.) vocat ea, quæ non ſunt: non intelligitur de vocatione temporalis, ſed de vocatione Prædeſtinationis æternæ quæ vocantur, & eliguntur, etiam qui non ſunt ac ſiſſent. Epheſ. 1. Elegit nos in ipſo ante mundi conſtitutionem. Non ſequitur tamen, quod ſi imperium ſit ab æterno, etiam creaturæ ab æterno ſint, ſed ſolùm pro tempore, quo earum executio imperata eſt. Neque enim imperium Dei fundatur in exercitio, ſed in poteſtate domini, & ſuperioritate, quæ conſiſtit non in actione externa, & temporalis, quæ ad exercitium domini requiritur, ſed in interna locutione Dei, quæ ab æterno loquitur, præparat, & diſponit, quæ in tempore futura ſunt.

XX. Quamquam dici poſſet, imperium poſſe concipi in Deo, etiam reſpectu actuum diviſorum. Sicut enim concipimus in Deo unum actum moventem, & alium, quæſi ab eo motum, iudicium dirigens electionem, & hanc ab eo directam, unum regulantem, alium regulatum: unde Mediſtæ docent, Deum in decernendo dirigi, & regulari per ſcientiam mediam; quare dici non poterit, ſecundum noſtrum modum concipiendi, eſſe in Deo actum per modum imperantis, & actum per modum imperati? Ità plane. Non ità tamen, ut ratio hæc imperantis, & imperati cadat ſupra actus Dei in ſe, ſed ut connotantes objecta. Sicut enim, cùm dicimus, in Deo eſſe intentionem finis, iudicium de mediis, electionem &c., non loquimur ex parte actuum, ſed objectorum; ità, cùm videamus objectum ordinatum ad executionem, dicimus, ad eſſe in Deo actum imperantem, & actum exequentem, quod imperatum eſt: quò nullam ſuperioritatem, aut inferioritatem inter actus Divinos admittimus, ſed ſolùm dependentiam inter objecta.

XXI. Quartò objicies. Si ponatur

Prædeſtinationis in actu imperii, primus effectus Prædeſtinationis cadet ſub merito: quia quodcumque actus, in quo eſſentialiter conſiſtit Prædeſtinationis cadit ſub merito, omnis effectus Prædeſtinationis cadit ſub merito; ſed actus imperii, cùm ſupponat merita præviſa, & electa, cadit ſub merito; ergo &c.

Reſpondetur, negando aſſumptum. Ad probat. Dico, imperium ſupponere quidem merita præviſa, ſed ſolùm viâ intentionis, in quo ordine ſunt potiùs effectus, quàm cauſæ, & moventia. Unde non ſequitur, quòd imperium cadat ſub merito, nec quòd Deus ad imperandam executionem moveatur à meritis, ſed ſolùm quòd ab iſtis moveatur ad exequendum, quia in hoc ordine ſunt cauſa. Sit exemplum. Dùm infirmus ex amore ſanitatiſ imperat ſibi functionem medicinæ, ſupponit utique medicinam à ſe præviſam, & electam: & tamen cauſa, & motivum, quare eam imperet, non eſt medicina, ſed amor ſanitatiſ. Sic Deus, dùm imperat executionem mediourum, quibus homines ſalvuntur, ſupponit media, nempe merita à ſe præviſa, & electa: & tamen ad hæc imperanda non movetur à meritis, ſed unicè à ſua miſericordiæ voluntate dandi gloriam iis, quos prædeſtinat, ex qua ortum fuit, ut eligerentur media, nempe merita, & quòd merita electa executioni ſuo tempore Divino imperio deſtinarentur.

## QUESTIO II.

De Exiſtentia, & Eſſentia Providentiæ Prædeſtinatiæ.

Expoſita exiſtentia, & natura Divinæ Providentiæ generatim acceptæ, ſequitur explicanda Providentia ſpecialis, quæ Deus ſpecialiter providit, & ab æterno diſpoſuit de Creaturis rationalibus in ordine ad earum finem ſupernaturalem, nempe æternam ſalutem, quæ vulgo Prædeſtinatio nuncupatur. Arcanum adeò ſecretum, ut coegerit Paulum, poſtquam illud ſcrutari conatus fuit, tandem exclamare, Rom. 11. v. 33. O altitudo divitiarum ſapientiæ, & ſcientiæ Dei: quàm incomprehenſibilia ſunt iudicia ejus, & inveſtigabiles viæ ejus!

D 2

Qui

*Quis enim cognovit sensum Domini? aut quis consiliarius ejus fuit? Quis propter ad illud tractandum summâ reverentiâ studiosus debet accedere, mentemque, ac linguam religiosè præparare, ne quæ non capit, ea carpat, sed admiretur, & quasi sacrum Dei Montem Mosis instar confensurus, impuros præjudicii, & affectuum calceos exuat, studeatque non plus sapere, quàm oportet sapere, sed sapere ad sobrietatem, Rom. 12. v. 3. In præsentia ergo Quæstione exponemus, an sit Prædestinatio, & quid sit? causas verò ejus, & effectus in sequentibus investigare conabimur.*

## DUBIUM I.

An Homines Prædestinentur à Deo?

## §. I.

*Prædestinationis nomen.*

**P**Rædestinatio, si nomen species, constat ex præpositione *præ*, & nomine *destinatio*. *Ly autem præ* non significat solam prioritatem dignitatis, ut voluit Catharinus, putans, Prædestinatos dici eos, qui *præ* aliis salvandis electi sunt ad altiore sanctitatis gradum, ut B. Virginem, Apostolos, aliosque eximios Sanctos; sed prioritatem distributionis, quatenus Prædestinati dicuntur, quia ante constitutionem mundi, seu ab æterno destinati sunt ad gratiam, & ad gloriam.

Porro *ly destinatio* duo significare potest. Vel designationem internam, quâ aliquis in mente, & corde suo ordinat, & statuit, aliquid se facturum: quomodo intelligitur illud 2. Machab. 6. v. 20., ubi de Eleazaro dicitur: *Destinavit, non admittere illicita propter vitam amorem*: Et illud 2. Cor. 9. v. 7. *Unusquisque pro ut destinavit in corde suo, id est, statuit*. Quare destinatio hoc modo sumpta non dicit solum actum intellectus, sed includit etiam propòsitum, & decretum voluntatis statuentis.

Alio autem modo *ly destinatio* indicat designationem externam (quæ est effectus designationis æternæ) quâ aliquis desti-

natur, seu mittitur ad exequendum id, quod interius statutum, & ordinatum est: quo pacto sumitur illud 1. Machab. 1. v. 14. *Et destinaverunt (id est, miserunt) aliqui de populo, & abierunt ad Regem*. Et illud. 1. Cor. 4. v. 9. *Puto autem, quod Deus nos Apostolorum novissimos ostendit, tanquam morti destinati, id est, ad mortem missos*. Hoc exponit D. Tho. qu. 6. de verit. art. 2. dicens: *Destinatio, unde nomen prædestinationis assumitur, importat directionem alicujus in finem: unde aliquis dicitur nuncium destinare, qui enim dirigit ad aliquid faciendum; & quia illud, quod proponimus, ad executionem dirigimus, dicimur destinare, secundum illud 2. Machab. 6. de Eleazaro, qui destinavit in corde suo, non admittere illicita, propter vitam amorem. Sed hæc præpositio præ, quæ adjungitur, adjungit ordinem ad futurum. Unde cum destinare non sit, nisi ejus, quod est, prædestinare potest esse etiam ejus, quod non est. Hæc D. Thomas. Quare Prædestinationis nomen frequentius, & in Scholis, & in familiari locutione, non pro externa, & temporali, sed pro interna, & æterna usurpatur, nimirum pro actu ab æterno statuyente, & præordinante creaturam ad finem.*

II. Observat insuper D. Thom. laudatus, quod etiam Prædestinatio sub Providentia collocetur, ab ea tamen distinguitur. *Providentia enim dicit universaliter ordinationem in finem: unde se extendit ad omnia, quæ à Deo in finem aliquem ordinantur, sive sint rationabilia, sive irrationabilia, sive bona, sive mala: Prædestinatio autem respicit tantum illum finem, qui est principalis rationali creaturæ, nimirum gloriæ; & idem prædestinatio non est, nisi hominum, & eorum, quæ spectant ad salutem*. Ità S. Doct. Et quia inter omnes creaturas universi specialissimè à Deo designantur, qui ad gloriam destinati sunt: hi enim per antonomasiam signati dicuntur Apoc. 7. v. 4. *audivi numerum signatorum centum quadraginta quatuor millia signati*: & ad Ephes. 1. v. 13. *Signati estis spiritu promissionis Sancto, qui est pignus hereditatis nostre*; propterea ex usu communi Theologorum Prædestinationis nomen restringitur ad æternam ordinationem, & præparationem Dei,

Dei, quâ aliquos designavit, & destinavit ad vitam æternam. Et de Prædestinatione sic accepta querimus, an de facto detur?

Noto tamen, Prædestinationis nomen aliquando sumtum fuisse etiam pro destinatione ad pœnam. Sic Concil. Valentini 3. sub Lotbario anno 855. cap. 3. *fidenter* (inquit) *fatenur prædestinationem electorum ad vitam, & prædestinationem impiorum ad mortem*. Et in hoc sensu usurpavit etiam S. August. lib. 15. de *Civit. Dei* cap. 1., ubi duas Civitates, seu societates hominum distinguit, quarum una est, qua prædestinata est in æternum regnare cum Deo, altera æternum supplicium subire cum Diabolo. Nihilominus in toto hoc Tractatu pro sola destinatione ad gloriam eam accipimus, in quo sensu eam accipit Apostolus Ephes. 1. v. 5. *Qui prædestinavit nos in adoptionem filiorum per Jesum Christum in ipsum secundum propositum voluntatis sue*.

§. I I.

*Circa existentiam Prædestinationis errores varii.*

III. Prædestinationem sic explicatam, primò negaverunt Athei, & Epicurus, qui negantes animæ immortalitatem, consequenter negabant, Prædestinationem ad æternam vitam: de quibus dicitur Sap. 1. v. 22. *non fecerunt sacramenta Dei, neque mercedem speraverunt iustitia, nec judicaverunt honorem animarum sanctorum*.

Prædestinationem quoque non agnovisse, credendi sunt Gentiles illi, qui vel in totum Dei Providentiam negaverunt, vel saltem ab hisce inferioribus subtraxerunt, de quibus loquens David Psal. 93. v. 7. & dixerunt (inquit) *non videbit Dominus, nec intelliget Deus Jacob*. Et Job. cap. 22. v. 14. in persona ipsorum ait: *Nubes latibulum ejus, nec nostra considerat, & circa cardines Cali perambulat*.

Prædestinationem insuper à medio sustulere Valentinus, & Basilides secundi seculi hæretici, qui, referente Clemente Alexandrino lib. 5. *Stromat.*, asserabant, dari homines naturâ fideles, & na-

turâ electos, & salvos. Quid verò de Prædestinatione sentirent Pelagius, & Coelestius, facile captum est. Is enim, August. teste lib. de *gestis Pelagii* cap. 3., *Omnes* (dicebat) *voluntate propria regi, tanquam Deus neminem regat, & frustra scriptum sit: saluum fac populum tuum* (ut insert Sanctus Augustinus). Et Coelestius ibid. cap. 35. addebat, quoddam *Victoria nostra ex Dei non sit adjutorio, sed ex libero arbitrio*. Ex quibus liquet, quid de divina electione ad gloriam cogitarent hi duo hæretici, qui totum salutis negotium à solo libero hominis arbitrio pendere, docebant.

IV. Qui apertius contra Prædestinationem, & contra S. Augustinum ejus assertorem clamare ceperunt, fuerunt Semipelagiani, seu Musilenses, ut constat ex Epistolis Prosperi, & Hilarii ad August.; quasi quoddam, eâ positâ, liberum, everteretur arbitrium, tolleretur necessitas correptionis, & omnia fatali quâdam necessitate evenirent. Ad istorum, querelas sedandas scripsit S. Augustinus libros de Prædestinatione SS., & de dono Perseverantiæ. Sed de his inferius dùm de causis Prædestinationis tractabimus.

V. Alii propterea, ut Semipelagianissimum declinarent, in extremum errorem impeerunt. Prædestinationem admiserunt, sed talem, ut liberum in homine, arbitrium extinguerent, omnia, ut fuisent à Deo statuta, necessariò sic evenitura dicentes, ut hominem inevitabili ordine secum raperent, omni aliter agendi ab eo demtâ potestate. Propterea Prædestinati appellati fuerunt. Sunt qui hæreticos istos nunquam reverâ extitisse autunt; sed hoc nomine per contemptum, ac injuriam à Semipelagianis traductos, ac insimulatos fuisse D. Augustini discipulos. Itâ Jansenius de *Hæresi Pelagiana* lib. 8. cap. 23. Si enim, ait Jansenius, Prædestinatio hæresis exorta fuit, hoc fuit, referentebus Hincmaro Remensi (apud Flodoardum lib. 3. *hist. Rem.* cap. 14.) in *Epist. ad Nicolaum Papam*, & Sigeberto anno 415. Mirum autem est, cur nec Augustinus, nec Prosper ullam istius hæresis mentionem in omnibus suis scriptis fecerint, nedum illam revicerint, ac confutaverint. Responderunt quidem.

Mal-

Massiliensium objectis, hunc errorem ex Prædestinatione Augustiniana inferri claman-  
tium: sed aliquos, qui hunc errorem de facto tenuerint, non memorant; nec post istos ullum Catholicorum Scriptorem reperire est, qui ante Hincmarum, & Sigebertum ejusdem meminere. Ad hoc eo magis movetur, quia primus omnium, qui dogmata Prædestinationum recensuit, fuit Gennadius Massiliensis Presbyter Semipelagianismi notā non leviter aspersus, Augustinus, & Prospero periniquus: Horum Primum (*Lib. de Script. Illustribus*) dicit in multiloquio peccasse: Secundum carpit, quoddam Cassiani opuscula (in quibus errores de gratia continentur) *qua Ecclesia Dei salutaria probat, ille infamat nociva*. Hanc de suo Semipelagianismo auxit suspicionem Gennadius, quod in suo de hæresibus libello, omiſſa hæresi Pelagianā, & Semipelagianā, primam ponit hæresim *Prædestinationum*. Hæc Janſenii momenta sunt, quem sequuntur Uſſerius, Cabassutius, Contentonius.

Cardinalis verò Norſius in sua *hiſt. Pelag. lib. 2. cap. 25.* cum Janſenio convenit, nullam fuiſſe Prædestinationum apertam Sæctam: Fieri tamen potuiſſe, ut, cum Semipelagiani contra S. Auguſtinum arguentes, eos errores ex ejus doctrina inferri contenderent, quidam pinguioris Minervæ homines illis aſſentirentur erroribus, cum tamen viri docti ex reſponſionibus Proſperi objecta illa reſellerent. *Quare* (concludit Norſius) *Prædeſtinanti, ſi qui ſuere, de ultima plebe, & quos fundanda Sella haud parer dixeris, fuiſſe non dubito, qui cum optimè ſentirent de prædeſtinatione cum Auguſtino, adverſariorum argumentis ad illa abſurda admittenda cogeantur, non ſpontè, ſed veluti adacti ea ſenſiſſe credendi ſunt; unde Semipelagiani ſuperbientes, eadem de prædeſtinatione gratuita ab Scholis penitus eliminaretur. Hac quidem ſit noſtra de prædeſtinatiſſima hæreſi opinio.* Hæc Norſius.

VI. Alii verò hæreſim hanc reverā fuiſſe ſentiant: ab Adumetini Monachæri Monachis primitus ortam, ſtatim ab Auguſtino ſopitam, ad illos miſſo de cor-

reptione & gratia libro circa annum Chriſti 427., ſed à Lucidio quodam Preſbytero circa annum 475. infelicitè re-  
vocatam, & auctum, S. Auguſtino jam vitā ſunſto, iterumque duobus in Conciliis iſſdem temporibus habitis, Arelatenſi nimirum, & Lugdunenſi proſcriptam, rursus ſeculo 9. à Gotteſchalco, viro natione Germano, profeſſione Monacho recoctam, à duobus aliis Conciliis, Moguntino ſcilicet, & Cariſiaco damnatam fuiſſe. De hac opinione, quæ hiſce temporibus videtur verior, videri poſſunt Simonodus *tom. 4.*, ubi hiſtoriam Prædeſtinatianam texit: noſter Alexandre *hiſt. Eccleſ. ſecul. 9. cap. 2. & diſſert. 5. præpoſit. 4.*

VII. At quidquid ſit de Prædeſtinationis antiquis, certum eſt, ſeculo retrò proximè lapſo per Lutherum hanc hæreſim fuiſſe renovatam, & per Calvinum, ejusque ſectarios ad noſtra uſque tempora propagatam. Hi enim de æterna prædeſtinatione ſive ad vitam, ſive ad æternam mortem ſic loquuntur, ut, penitus humano arbitrio ſublato, omnia Deus arbitrio ſuo diſpenſet, æquè facientes eum bonorum, ac malorum operum auctorem. Quæ doctrina ipſimet Calvino horribilis viſa eſt. Quare libro 3. *Inſtit. cap. 23. ſ. 7.* poſtquam dixit, Deum nedum permittere, ac præſcire hominum lapſus, ſed decreto ſuo immutabili eos decernere, & decretum fuiſſe à Deo, ut ſua deſectiōe periret Adam, arguens eos, qui id negant, ſtatim ſubdit. *Decretum quidem horribile fateor: inſeſcari tamen, nemo poterit, quin præſciverit Deus, quem exitum habiturus eſſet homo, antequam ipſum conderet, & idcirco præſciverit, quia decreto ſuo ſic ordinat.* Hiis tamen rejectis.

Vera, & Catholica Prædeſtinationis notio eſt, illam ita fateri, ut ſimul extollatur gratia, & libero arbitrio locus relinquatur: in quo, toto præſenti Tractatu, lumine fidei adjuti, laborare intendimus.

§. I I I.

*Existentia Prædestinationis.*

VIII. **D**ico. Datur in Deo Prædestinationatio, quâ ab æterno aliquos ad gloriam elegit, & ordinavit. Catholicum hoc dogma tradit apertè Scriptura. Tilm Rom. 8. v. 30. *Quos prædestinavit, hos & vocavit &c.* Tùm ad Ephes. 1. v. 4. *Sicut elegit nos in ipso ante mundi constitutionem &c.* Et v. 5. *Qui prædestinavit nos in adoptionem filiorum &c.* Actorum 13. v. 48. *Crediderunt quotquot erant præordinati ad vitam æternam.* Hanc veritatem docuerunt, ac statuerunt Concilia, à quibus producendis in re tam certa superfedeo. Eandem propugnaverunt Patres, quorum agmen ducit Augustinus, qui præ omnibus præ Divina æterna Prædestinatione pugnavit.

IX. Existentiam ergo Prædestinationis probat D. Thom. 1. p. 1. q. 23. art. 1. hęc ratione. Quidquid Deus in tempore exequitur, ab æterno præordinavit, ac disposuit, cùm enim sit summus omnium Providor, ut *qu. præced.* ostensum est, omnium eorum, quæ in tempore facit, debuit in mente eius præexistere ratio, & ordo eorum in suos fines dirigens; sed in tempore Deus plures homines ad vitam æternam de facto transmittit; ergo talis transmissionis ratio, dispositio, & ordo fuit ab æterno in mente Divina, & consequenter eorum Prædestinationio, quæ, ut dicemus, nil aliud est, quàm ratio transmissionis creaturæ rationalis in vitam æternam.

Confirmatur ex eodem S. Thoma ibi. Quoties aliquis non potest naturæ suæ viribus attingere finem suum, quem tamen assequitur, necesse est, ut ad eum finem ab alio transmittatur, *sicut sagitta à sagittante mittitur ad signum;* sed Beatitudo æterna est finis, quem naturæ suæ viribus attingere nequeunt illi, qui ipsum assequuntur; ergo necesse est, ut Deus illos ad eum transmittat. Cujus quidem transmissionis ratio in Deo præexistens *Prædestinationio nominatur: nam destinare est mittere.* Similitudo autem à sagitta, quam D. Thomas assumit, optima est: sicut enim sagitta, quia non potest se ipsâ pervenire

ad scopum, indiget eò transmitti à sagittante: ità creatura rationalis, cùm suis viribus nequeat ad æternam vitam pervenire, eget, ut à Deo per Prædestinationem illuc transmittatur; Cui non obscure alludit illud Psalms. 126. v. 4. *Sicut sagitta in manu potentis; ità filii effusorum:* Super quæ Sanctus Augustinus (enarrat. in eundem Psalm. n. 9.) *De arcu* (inquit) *excitantur sagitta, & quantò fortior excusseris, tantò longius vadit sagitta.* Quid autem fortius excitante Domino? Sicut ergo Apostoli, quibus aptat illa verba de arcu Domini excussi ad fines terræ pervenerunt: ità & creatura rationalis ab eodem arcu Domini excussa, & transmissa perveniet ad finem æternæ beatitudinis.

X. Secundò probatur eadem veritas. Creaturæ rationales non possunt perducere ad gloriam efficaciter ex sola voluntate generali Dei salvandi omnes, & præparante auxilia sufficientia ad salutem; ergo dari debet voluntas specialis hos præ aliis de facto perducendi ad gloriam, quæ est Prædestinationio; Antecedens probatur. Tùm quia ità sentire esset convenire cum Semipelagianis, qui negabant, Deum singulari voluntate, consilio, & proposito velle aliquorum salutem, sed volebant, hanc relinqui cuique ex bono usu gratiæ procurandam, neque huic magis, quàm illi fructum redemptionis efficere ex parte Dei applicari.

Tùm etiam quia si voluntas generalis sufficeret, nulla esset ex parte Divine Voluntatis differentia inter salvandum, & non salvandum, & tota unius præ alio discretio esset ex illius libero arbitrio, quia scilicet unus pro sua libertate bene uteretur auxiliis communibus, alter non; sed hoc est contra Apostolum 1. Cor. 4. v. 7. dicentem, unum non debere inflari contra alium: *quis enim te discernit? quid autem habes, quod non accepisti?* ergo &c.

Tùm tertio quia si non esset magis à Deo volita salus D. Petri, quàm salus Judæ, salus D. Petri, & non salus Judæ evenissent præter ordinationem, & intentionem Dei; quo posito rueret Dei Providentia, à qua omnia debent esse præordinata, & præscita.

## §. I V.

*Afferuntur contraria.*

**XI.** Obieciens primò palmare argumentum, vulgò rusticam instantiam nuncupatum. Si Prædestinatio meam salutem definit, cum certa, & infirmitabilis sit, infallibiliter fortietur effectum; ergo quidquid agam, etiam si male, salvabor. Sicut è contra si reprobus sum, etiam si in cinere, & cilicio vivam, infallibiliter damnabor. Melius ergo est, ut nihil sollicitus sim de bonis operibus, sed desidiosè vivens expedem, ut impleatur in me divinis videntis infirmitabile consilium.

Argumentum hoc, quod, vel in Epicureorum officina elaboratum, vel Diabolice veriusque inventum puto, olim ad mentem tursit, & anxios animos quorundam Aduemetini Monasterii Monachorum, ut propter illud quidam (ut Simonido supracitato, & aliis placet) in Prædestinarianam heresim lapsi sint, putantes, per prædestinationem, & gratiam liberum prorsus everti arbitrium; alii verò Semipelagiani facti fuerint, asserentes, Prædestinationem ex nostris bonis operibus, non ex Divinæ Voluntatis proposito efficaciam habere. Vires insuper habet maximè hisce temporibus hæc instantia apud Lutheranos, & Calvinistas, qui ponunt Prædestinationem prorsus necessitantem, & evertent humanum arbitrium: non autem in catholica veritate ponente quidem Prædestinationem infallibilem, sed componente eam hac infallibilitate libertatem arbitrii.

Quare in hoc sic, & argumentum retorqueo, quærendo ab Auctore huius argumenti, an homo sit, an Diabolus? Si homo; Quæro iterum, an sic loquatur etiam in aliis rebus naturalibus? Deus enim, etiam naturales eventus suâ providentiâ præordinavit, qui suppositâ divinâ ordinatione certâ, infallibiliter erunt, sicut ipse disposuit. Dicitur ne ergo sic? Vel Deus destinavit, me vidurum usque ad æternam, vel annum futurum, vel non? si destinavit; ergo etiam si non manducem, vivam. Si non destinavit; etiam si mandu-

cem, non vivam; ergo mihi melius est, ab omni cibo abstinere. Rursus dicit de Agricola? Vel Deus ab æterno præordinavit, me hoc anno collecturum messem, tempore suo, vel non? si non; non oportet ergo, ut seram, ut agrum colam. Si sic; si ve seram, si ve colam, si ve non, colligam messem. Vel ergo ab omnibus humanis eventibus Dei Providentia tollenda est, si certitudine, & infallibilitate suâ humanum studium, & industriam inutilem reddit. Vel si in aliis negotiis, non obstante certitudine Providentiæ, homini laborandum est, ut finem, etiam provsum, adipiscatur, cur posita prædestinatione de sua salute, sub infallibilitatis prætextu, laborem, ac studium pro ea assequenda sibi fore superfluum, existimabit?

Si verò esset Diabolus, qui hoc sophismate hominem vellet decipere, retorqueri posset in illum eodem modo, quod fertur Monachum quendam ab eo simili suphismate tentatum, in eum retorsisse. Vel ego sum prædestinatus, vel non? Si sum prædestinatus; cum hæc infallibilis sit, salvabor, ac tuarum tentationum, machinæ dissolventur. Si verò non sum prædestinatus; infallibiliter tuus ero. Quid ergo me tentando laboras? quiesce, & abi.

**XII.** Respondet, ergo in forma, dist. antecedens, infallibiliter fortietur effectum, per mediâ, quæ prædestinatio ordinavit, ut solve, conc. ant., aliter, nego ant. Responsio est D. Tho. hæc qu. 23. art. 8. ubi quærens, an Prædestinatio juvari possit precibus Sanctorum? postquam retulit duplicem errorem. Unum eorum, qui attendentes certitudinem Divinæ Prædestinationis dixerunt, superfluas esse orationes, vel quidquid aliud fiat ad salutem æternam consequendam, quia his factis, vel non factis, prædestinati consequuntur, reprobati non consequuntur. Aliorum eorum, qui dixerunt, quod per orationes mutatur Divina Prædestinatio: Et hæc dicitur fuisse opinio Ægyptiorum, qui ponebant ordinationem divinam, quam fatum appellabant, aliquibus sacrificiis. & orationibus impediri posse. Respondet, quod in prædestinatione duo sunt consideranda, scilicet ipsa præordinatio divina, & effectus



Aus ejus . Quantum ad primum nec precibus Sanctorum, nec bonis operibus juvari potest . Non enim precibus Sanctorum fit, quod aliquis prædestinetur à Deo .

Quantum verò ad secundum dicitur Prædestinatio juvari precibus Sanctorum, & aliis bonis operibus : quia Providentia, cuius est pars Prædestinatio, sic providet effectus, ut etiã ordo causarum secundarum (per quas effectus habendus est) subjaceat Providentiã . Sicut igitur sic providentur naturales effectus, ut etiã causa naturales ad illos ordinentur, sine quibus tales effectus non provenirent : itã prædestinatio à Deo saluti alicujus, ut etiã sub ordine Prædestinationis cadat, quidquid hominem promovet ad salutem, vel orationes proprias, vel aliorum, vel alia bona, vel quidquid hujusmodi, sine quibus salutem aliqui non consequitur . Unde prædestinatis conandum est ad bene operandum, & orandum, quia per hujusmodi, prædestinationis effectus certitudinaliter impletur . Propter quod dicitur 2. Petri 1. Satagite, ut per bona opera certam vestram vocationem, & electionem faciatis . Itã S. Thomas . Et itã respondendum est .

Itã etiã respondet S. Prosper, seu quisquis Auctor libri de Vocatione gentium cap. 36. Itã D. Fulgentius lib. 1. ad Monimum dicens : Quos prædestinavit Deus ad gloriam, prædestinavit ad justitiam . Itã S. Gregorius lib. 1. dialogor. cap. 8., ubi ad quæsitum : An obtineri aliquando precibus possint etiã ea, quæ prædestinata non sunt ? Respondet : Obtineri nequaquam possunt, quæ prædestinata non fuerint : Sed ea, quæ sancti viri orando efficiunt, itã prædestinata sunt, ut precibus obtineantur . Nam ipsa quoque perennis regni prædestinatio itã est ab Omnipotenti Deo disposita, ut ad hoc electi ex labore, perveniant : quatenus possulando mereantur accipere, quod eis Omnipotens Deus ante secula disposuit donare .

XIII. Præterire non possum, hanc instantiam æqualiter fieri posse contra negantes præscientiam . Nam, sicut quod prædestinatum est, infallibiliter erit, itã id, quod præscriptum est futurum, infallibiliter erit ? Audiendus propterea est S. Au-

Tom. IV.

gustinus lib. de dono Persever. cap. 15. itã Semipelagianos redarguens : Itã cum dicuntur, itã nos à conscientia vera Dei gratia, quæ non secundum merita nostra datur, & à conscientia secundum eam prædestinatione Sanctorum deterere non debent : sicut non deteremur à conscientia præscientia Dei, si quis de illa populo sic loquatur, ut dicat : Sive nunc rectè vivatis, live non rectè, tales eritis postea, quales vos Deus futuros esse præcivit, vel boni si bonos, vel mali si malos . Nunquid enim, si hoc audito nonnulli in torpore, segnitieque vertantur . . . propterea de præscientia Dei falsum putandum est esse, quod dictum est ? . . . fuit quidam in nostro Monasterio, qui, corripientibus fratribus, cur quadam non facienda faceret, & facienda non faceret ? respondebat : Qualescumque nunc sum, talis ero, qualem me Deus futurum esse præcivit . Qui professus & verum dicebat, & hoc vero non proficiebat in bonum : sed usque adè professus in malum, ut deserti Monasterii societate fieret canis reversus ad suum vomitum, & tamen adhuc, qualis sit futurus, incertum est . Et postquam ibi conclusit, non idè negandam esse præscientiam, quia eã mali abutuntur, cap. 17. sic statuit : Itã igitur sua dona quibuscumque Deus donat, procul dubio se donaturum esse præcivit, & in sua præscientia preparavit . Quos ergo prædestinavit, ipsos & vocavit &c. Quibus infert, tantum abesse, ut præscientia, ac prædestinatio opera nostra tollant, quin ea inferant, ut per ea perducamur ad finem, ad quem ipse nos destinavit . Oportuit ditiùs hinc immorari, quia, quæ diximus, toti huic Tractatui multam lucem afferre possunt .

XIV. Secundò objicies . Si ad salutem consequendam necessaria est prædestinatio, sequitur, Reprobis deesse aliquid necessariò requisitum ad salutem, cum Reprobi prædestinati non sint : sed hoc est falsum, aliàs Reprobi non liberè, sed necessariò damnarentur, nec eis imputari posset eorum damnatio ; ergo &c.

Respondeo, dist. maj., aliquid requisitum ad effectum consecutionis gloriæ, conc. maj., ad posse consequi, nego maj. Licet ergo in Reprobis debeant esse omnia requisita, ut possint consequi glo-

E

riam,

riam, qualia sunt auxilia sufficientia, non debent tamen in eis esse etiam requisita, ad eam in effectu consequendam, alias eam de facto consequerentur. Porro praedestinatio non est requisitum, ut homo possit salvari, sed ut de facto salvetur, sicut donum perseverantiae non est necessarium, ut homo possit perseverare, sicut de facto perseveret. Quare ex quo circa reprobos non datur praedestinatio, sequitur quidem, quoddam de facto non salvabuntur, non tamen, quoddam non possint salvari. *Non enim sunt ista impossibilia: Deus vult istum salvari, & iste potest damnari. Sed ista sunt impossibilia: Deus vult istum salvari, & iste damnatur.* Ita D. Thom. qu. 23. de verit. art. 5. ad 3. Oppositio modo discurre de Reprobo: Impossibile enim est, quoddam iste reprobis sit, & salvetur, non tamen, quoddam reprobis sit, & possit salvari.

## §. V.

1. An aliqui salvandi sint, qui praedestinati non fuerint?

XV. **A**ffirmativè sentiebant Pelagiani, & Semipelagiani, quibus Praedestinatio à S. Augustino proposita, & praedicata displicebat. Contrarium tenebant Doctores Catholici. Noster Catharinus à ceterorum choro resiliere visus est, dum lib. 2. de Praedest. cap. ultimo, duplicem salvandorum statuit classem. In una collocat B. Virginem, Apostolos, Patriarchas, & nonnullos alios eximiae sanctitatis viros: & hos contendit, sine ulla praevisione meritorum singulari privilegio ad gloriam electos, ac praedestinos fuisse, & ita in gratia firmatos, ut ab ea excidere non potuerint. In altera verò collocat minoris perfectionis Sanctos, qui salutem, aut iam consecuti sunt, aut tandem consequentur. Hos communi Providentiae relictos, docet, salutem consequi per auxilia communia, nullam in Deo sp. calem dilectionem arguentia. Inde autem duo infert. Primum, Praedestinos omnes certò consequi salutem, nec eorum quemquam perire. Secundum, multos, qui hoc modo Praedestinati non sunt, reverà ad salutem pervenire,

sed non omnes. Hec tamen opinio nulli placere potest.

XVI. Dico ergo, nullum esse salvandum, qui Praedestinatus non sit, seu solos Praedestinos esse salvandos. Probo primò rationibus, quibus superius existentia Praedestinationis probata est. Secundò ad rem presentem sic evinco. Omnes salvandi sunt de numero Electorum; sed omnes Electi sunt praedestinati, quia in scripturis pro eodem sumitur electio, ac praedestinatio; ergo &c. Maj. prob. 1. Matth. 22. v. 13., & 14. Qui solùm vocati sunt, & non electi, mittuntur in tenebras exteriores; ergo qui, quovis vocati, non sunt de numero Electorum, non sunt de numero salvandorum. Secundò prob. Maj. Matth. 24. In die extremo non erunt nisi reprobi, de quibus dicitur v. 30. *Tunc plangent omnes tribus Terrae, id est, ait Hieron. in hunc locum, Plangent hi, qui municipatum non habuerunt in Caelis, sed scripti sunt in terra:* Electi, de quibus dicitur v. 31. & congregabunt electos ejus (Angeli) à quatuor ventis; ergo inter electos, & reprobos non dantur medii.

Secundò probatur. Omnes salvandi in extremo judicio erunt à dextris Christi; sed omnes, qui erunt à dextris Christi erunt praedestinati: erunt enim illi, quibus dicit Christus Matth. 25. v. 34. *Venite benedicti Patris mei possidete paratum vobis regnum à constitutione mundi;* ergo &c.

XVII. Dicit Catharinus, observandum esse, quoddam Christus dicit: *paratum vobis regnum à constitutione mundi:* non; *ante constitutionem mundi.* Unde colligitur (aut ipse) aliquibus paratum regnum ante constitutionem mundi: & hi sunt praedestinati; aliis verò paratum solùm à constitutione mundi: & hi consequentur quidem regnum, non eternà praedestinatione paratum, sed in tempore sibi comparatum.

Sed contra. Vana enim est huiusmodi meditatio: Nam haec verba à constitutione mundi, & ista ante constitutionem mundi idem omnino significant. Unde id, quod Matthaeus dicit à constitutione mundi, Paulus ad Ephes. 1. v. 4. dicit ante mundi constitutionem: & 1. ad Timoth. 1. v. 9. ante tempora secularia. Deinde Deus in tempore, aut initio temporis nihil decre-

nit,

nit, quod ab æterno non decreverit; aut ergo salus eorum, qui secundum Catharinum prædestinati non sunt, non est à Deo decreta, & provisã aut est decreta, & provisã, ante constitutionem mundi, seu ab æterno. Dicere autem, fuisse ab æterno provisam providentiã tantum communi, & generali, non verò speciali, est facere eos, qui ex istorum numero sic salvantur, auctores propriæ salutis, non Deum, ac sese ex propriis discernere ab aliis, qui sub eadem providentiã non salvantur; quod Semipelagianum, imò Pelagianum est, & contra Paulum sæpe supra laudatum 1. Cor. 4. v. 7. *Quis te discernit? &c.*

XVIII. Tertio probatur D. Augustini testimoniis, qui perpetuus est in hac veritate: idem salvandos salvari, quia prædestinati sunt, & idem non salvandos non salvari, quia prædestinati non sunt. *Lib. de dono perseverantiæ cap. 9.* sic ait: *ex duobus parvulis originali peccato pariter obstrictis, cur ille assumatur, ille relinquitur, & ex duobus atate jam grandibus impiis, cur iste ita vocetur, ut vocantem sequatur, iste autem aut non vocetur, aut non ita vocetur, inscrutabilia sunt iudicia Dei.* Ex duobus autem piis, cur huic donetur perseverantia usque in finem, illi non donetur, inscrutabilia sunt iudicia Dei. Illud tamen fidelibus debet esse certissimum, hunc esse ex prædestinatis, illum non esse.

Insuper de Prædest. SS. cap. 17., ubi de glorificandis postquam ait: *Electi sunt itaque ante mundi constitutionem cū prædestinatione, quā sua futura facta prævidit: electi sunt autem de mundo cū vocatione, quā Deus id, quod prædestinavit, implevit:* subdit: *Quos enim prædestinavit, ipsos & vocavit: illā scilicet vocatione secundum propositum: non ergo alios, sed quos prædestinavit, ipsos & vocavit: nec alios: sed quos ita vocavit, ipsos & iustificavit, nec alios: sed quos prædestinavit, vocavit, & iustificavit, ipsos & glorificavit.* Si ergo non alii vocandi, iustificandi, glorificandi sunt, quā quos prædestinavit. Cumque eundem ordinem servet S. Paulus Rom. 8. v. 30. dicens: *Quos prædestinavit, hos & vocavit: & quos vocavit, hos & iustificavit, quos autem iustificavit, illas & glorificavit:* alium

ordinem salvandorum, qui prædestinati non sint, sibi configere, nedum adversatur Augustino, sed Paulo, & Verbo Dei. Idem aliis in locis passim docet S. Augustinus. Cui subscribit S. Fulgentius, qui lib. de fide ad Petrum cap. 36. *Firmissimè* (inquit) *tene, & nullatenus dubites, omnes, quos vasa misericordiae gratuita bonitate Deus facit, ante constitutionem mundi in adoptione filiorum Dei prædestinatos à Deo: neque perire posse aliquem eorum, quos Deus prædestinavit ad regnum: nec quemquam eorum, quos Deus non prædestinavit ad vitam, ullā posse ratione salvari.*

XIX. Dicit tamen Catharinus. *Matth. 10.* Vocati, esse non Electi, erunt in Regno Cælorum, licet novissimi, id est ultimum occupantes locum: è contra Electi futuri erunt primi, id est primum locum tenentes: *Sic erunt* (ut ait Christus) *novissimi primi, & primi novissimi: multi enim sunt vocati, pauci verò electi;* ergo qui vocati sunt, esse non electi erunt salvi, licet inter salvos novissimi.

Quod sic urget. Non omnes vocati ad vineam, id nempe, de quibus dicitur, & primi novissimi, sunt electi; & tamen omnibus à Patre familias merces rependitur; ergo plures salvantur, qui vocati sunt, non tamen electi.

Respondeo, negando id, quod supponit Catharinus, nempe ibi fieri comparisonem inter Beatos majori, vel minori gloriã; cū potius fiat comparatio inter Electos, & Reprobos, qui nimirum vocati quidem sunt, sed non electi: idèquæ dicuntur novissimi, non quia in Regno Cælorum ultimum locum habituri sint, sed quia nullum locum in eo sint habituri. Quare Luca 13. qui novissimi dicuntur, ejiciendi sunt foras, eruntque in eorum numero, quibus in extremo iudicio dicetur *nescio vos.* Sicut etiam, qui Matth. 25. v. 19. *Minimus vocabitur in Regno Cælorum*, nullo modo in Regno Cælorum futurus intelligitur à S. August. lib. 1. de serm. Dom. in Monte cap. 8., & tract. 122. in Joann. his verbis. *Ut essenderet, istos minimos reprobo esse, qui docent banalocundo, quæ solvant mali vivendo, ne quasi minimi in vita æterna futuros, sed omnino ibi non futuros: cū dixisset: mi-*

E=3 3 3 ; minimus

nimus vocabitur in Regno Cœlorum *contimus subiecit*: dico enim vobis, quod nisi abundaverit iustitia vestra plius, quàm Scribarum, & Phariseorum, non intrabitis in Regnum Cœlorum. Ità S. Augustinus.

Porro quod etiam, qui dicuntur *novissimi in Regno Cœlorum*, intelligi debeant, ac *exclusi à Regno Cœlorum*, apertè ostenditur: nam secundùm omnes Patres sensus illius parabolæ est, quod Judæi, qui erant primi, idest videbantur sanctiores Gentibus, erunt novissimi, idest, nulli futuri sunt in Regno Cœlorum, juxta illud Christi Matth. 8. v. 11., & 12. *Multi ab Oriente, & Occidente venient, & recumbent cum Abraham, & Isaac, & Jacob in Regno Cœlorum, filii autem Regni ejicientur in tenebras exteriores*. Quapropter S. Augustinus Donatistas (qui gloriabantur dicentes, de nobis dictum est, erunt primi, qui erant novissimi, ad Africanos enim Evangelium postmodum venit, de orientalibus verò, qui primitus quidem fidem susceperant, sed à Fide recessuri erant, dictum volebant. *Erunt novissimi, qui erant primi*) ità perstringit: *Ipse Dominus de quibus hoc dixit, exposuit, & ora calumniatorum oppilavit: loquens enim de Judæis (Luca 13. v. 8.) qui ei dicturi sunt: In plateis nostris doculisti: Cùm videritis, inquit, Abraham, & Isaac, & Jacob, & omnes Prophetas in Regno Dei, vos autem expelli foras: & venient ab Oriente, & Occidente, & Aquilone, & Austro, & accumbent in Regno Dei: Et ecce sunt novissimi, qui erant primi, & sunt primi, qui erant novissimi. Hic certè quid contradicatur, non invenitur*. Hæc S. Augustinus.

XX. Ad id, quod urgetur, dist. min., merces eadem omnibus, nempe æterna, nego min., merces diversa, conc. min. Omnibus quidem laborantibus in vinea, merces rependitur, sed non eadem. His enim, qui primi vocati sunt, sed non electi, rependit Deus mercedem suo labori correspondentem, nimirum temporalem in lege promissam per Moysen; & hi fuerunt Judæi; & hæc respectu ipsorum venit nomine *Denarii*, de quo converant. His verò, qui novissimi venerunt, & nemo vocat, sed etiam electi erant, mer-

cedem ultra laborem, & supra debitum, & ex gratia rependit, nempe æternam, promissam per Christum; & hæc respectu eorum venit nomine *Denarii*. Hi autem postremi vocati, & electi, qui evaserunt primi, Gentiles sunt, qui licet novissimi, quia tamen ad Fidem, & Gloriam, electi, Regno Cœlorum donati sunt; ubi Judæi licet primi, quia tamen solum vocati, solà temporalis mercedis remuneratione dimissi sunt. Voluit ergo Deus erga primos exercere iustitiam, erga novissimos etiam Misericordiam, quia Dominus est, idedque conquerentibus respondit: *non licet mihi quod volo facere* subintellige in meis secundùm textum. Græcum, seu de bonis meis, ut versio Arabica. Videri potest S. August. lib. 1. de peccat. merit., & remiss. cap. 18. ostendens, quare non sit culpandus Deus, si aliis placitam mercedem reddens, iustitiam exercuerit, aliis verò etiam non placitam largiendo, voluerit exercere Misericordiam.

XXI. Dicit secundò Catharinus. Si Creaturæ rationis expertes non egent prædestinari, ut suos assequantur fines: cur hoc egebit homo? erit ne is deterioris conditionis, quàm animantia bruta?

Respondeo, Creaturas irracionales ad unicum finem esse determinatas, & hunc naturalem, ac propriis viribus assequibilem: idedque ex ipsarum actione generativa ad illum inclinantur, neque egent ab alio ad ipsum transmitti. At homo, & quilibet rationalis creatura, præter finem naturalem, ad quem ex vi suæ conditionis, & naturæ dirigitur, alterius finis ordinis altioris capax est, ad quem cum propriis viribus conari non possit, & multò minùs pervenire, eget, ut ad illum ab alio transmittatur: & hæc est Prædestinatio.

Neque sequitur, deterioris esse conditionis hominem, quàm bruta, imò nobilioris, quia præter finem naturalem, communem omnibus, quem propriis viribus potest adipisci, elevabilis est ad alium altiorum, cuius irrationalia incapacia sunt. Nobilioris autem conditionis est natura, qua potest consequi perfectum bonum, licet indigeat exteriori auxilio ad hoc consequendum, quàm natura, qua

non potest consequi perfectum bonum, sed consequitur quoddam bonum imperfectum, licet ad consecutionem ejus non indigeat exteriori auxilio, ut Philosophus dicit in 2. de Caelo à text. 60. Ità D. Thom. 1. 2. qu. 5. art. 5. ad 2. ibi videndus.

## DUBIUM II.

De Essentia, & Objecto  
Prædeterminationis.

### §. I.

Definitur Prædeterminatio.

I. **E**ssentiam Prædeterminationis non melius accipere possumus, quam ex ejus definitione. Duplex autem, & utraque communis, in Scholis traditur prædeterminationis definitio. Una, sumta ex D. August. lib. de dono Persever. cap. 14. dicente: *Hæc est prædeterminatio Sanctorum, nihil aliud: Præscientia scilicet, & præparatio beneficiorum Dei, quibus certissime liberantur, quicumque liberantur.* Quæ definiteo explicanda est. Nomine ergo Præscientia non intelligitur scientia simplicis intelligentiæ, aut scientia media, sed scientia practica, & approbationis. Prædeterminatio enim, ut vidimus, est pars Providentiæ: Providentiæ autem includit & scientiam, & voluntatem, sed tamen essentialiter in cognitione manet, non quidem speculativa, sed practica, inquit D. Thom. qu. 5. de verit. art. 1. & qu. 6. de verit. art. 1. ad 7., *quævis, ait, scientia, in quantum est scientia, non respiciat faciendâ, tamen scientia, practica respicit faciendâ, & ad talem scientiam prædeterminatio reducitur.* Et ratio etiam suadet. Nam Augustinus intellexit de præscientia, non eorum, quæ merè possibilia sunt, aut quæ essent, si poneretur aliqua conditio, sed de scientia præparativa eorum, quæ reverâ futura sunt, & quæ ipsemet in Electorum cordibus operaturus est: Prædeterminatione, quippe Deus ea præsevit, quæ fuerat ipse facturus, ait ipse lib. de Prædest. SS. cap. 10. Tùm etiam præscientia, quâ Deus secundum Augustinum præscit, non invenit dignum, sed facit: Si quæatur (inquit

ibi) unde quisque sit dignus, non desunt qui dicant, voluntate humanâ; nec autem dicimus gratiâ, vel Prædeterminatione Divinâ. Rursus præscientia, quâ Deus prædestinat, præscit de suo, non de nostro: unde citato loco exponens promissionem de dandis Abraham filii: *Non de nostra (inquit) voluntatis potestate, sed de sua Prædeterminatione promisit.* Promisit enim, quod ipse factururus fuerat, non quod homines. Et de dono persever. cap. 14. citato, post traditam definitionem Prædeterminationis, quærens, cur relictî sint Tyrii, & Sidonii, qui etiam credere potuerunt, si mira illa Christi signa vidissent? non respondit, quia prævisi fuerant non credituri: sed: quoniam, ut crederent, non erat eis datum, etiam unde crederent est negatum... sed nec illis profuit, quod poterant credere, quia prædestinati non erant ab eo, cujus inscrutabilia sunt judicia &c. Loquens autem de Judæis: *Nec illis (inquit) obfuisse, quod non poterant credere, si itâ prædestinati essent, ut eos cæcos Deus illuminaret, & induratis cor lapideum vellet auferre.* Hæc certè de scientia media, quæ præscit de nostro, non possunt intelligi. Tandem non est præsumendum, Augustinum in definitione Prædeterminationis voluisse inferere scientiam illam conditionatam, quam passim, ut jam vidimus de scientia conditionata, in Pelagianis, & Semipelagianis reprobavit.

II. Neque quis reponat, S. Doctorem asserere, quod Deus præparat, ac disponit secundum præscientiam: quod indicat, eum loqui de præscientia anteverte, & regulante dispositionem, & consequenter de scientia media.

Nam dico, Augustinum loqui de Præscientia innixa suæ Prædeterminationi, non verò eam antecedente. Quare de Prædest. SS. cap. 17. *Electi (inquit) sunt itaque ante mundi constitutionem & prædeterminationem, in qua Deus sua futura facta præsevit:* non quia præsevit eos credituros, sed quia factururus fuerat ipse credentes. Prius ergo Deus secundum August. elegit, deinde præsevit, deinde præparavit: Non prius præsevit, deinde elegit, ut Molinistæ putant. Præscientia enim, quam in definitione prædeterminationis posuit,

suit, est actus providentiae, quae, ut dixi, practica est, ac supponens voluntatem finis. Recolantur quae diximus ostendentes, actum Providentiae non esse actum scientiae mediae.

III. Additur *ly preparatio*: quo magis explicatur, Praedestinationem esse scientiam practicam, quā media ad vitam aeternam conducentia preparantur, & ad executionem diriguntur; & insuper traditur differentia inter praedestinationem, & gratiam: etenim, ut ait idem S. Doct. de Predest. SS. cap. 10., inter Praedestinationem, & Gratiam hoc interest, quid praedestinatio est gratiae preparatio, gratia vero jam ipsa donatio. Differt etiam *ly preparatio* à praescientia: quia haec, si secundum se spectetur, non dicit alicujus rei preparationem, sed solam rei praevisionem: Deus enim etiam peccata praeficit, quae tamen non praeparat; unde S. Doct. laudatus ibidem: *Praedestinatio* (inquit) est, quae sine praescientia non potest esse, potest autem esse sine praedestinatione praescientia. Praedestinatione quippe Deus ea praeficit, quae fuerat ipse facturus: unde dictum est, fecit, quae futura sunt. Praesire autem potens est etiam quae ipse non facit; sicut quicumque peccata.

Subjungitur: *beneficiorum Dei*: hoc est donorum, quae Deus Praedestinatis confert, inter quae numerantur, non solum gratia sanctificans, seu habitualis, sed etiam aliae gratiae actuales, quibus vocantur, excitantur, adjuvantur ad bene operandum, imò ipsa bona opera, quae gloriam promerentur, & praesertim perseverantiae donum, & tandem ipsa gloria aeterna, quae beneficiorum Dei maximus, & ultimus est, ac praecipuus praedestinationis effectus.

IV. *Ly* verò quibus certissime liberantur indicat, Augustinum hic definire praedestinationem hominum, non Angelorum: cum enim Angeli nunquam fuerint sub miseria, dici non potest, quod aliquando fuerint liberati. Indicat etiam, praedestinationem hic definitam supponere praescientiam originalis peccati: neque enim creatura rationalis, quae nullius peccati rea concipitur, dici potest misera, & indigens liberatione. Quare S. Augustinus praedestinationem non raro vocat discre-

tionem à massa perditionis, ut *epist. 194. aliis 105. ad Sixtum cap. 1.*: ite contra, verò reprobationem nuncupat derelictionem in massa perditionis, ut *lib. de corrupt., & gratia cap. 7.*, ubi agens de iis, qui vel sine baptismo moriuntur, vel in gratia per baptismum accepta non perseverant, ait: *Non enim sunt à massa illa perditionis praescitii Dei, & praedestinatione discreti; & ideo nec secundum propositum vocati; ac per hoc nec electi.*

V. Demum *ly* quibus certissime liberantur quicumque liberantur indicat primum, efficaciam praedestinationis, & mediorum per ipsam preparatorum, eos, qui praedestinati sunt, certissime, id est, infallibiliter liberandos fore, & gloriam consequuturos. Indicat secundò duplicem praedestinati liberationem, Unam inchoatam, & imperfectam, quae incipit in hac vita per Fidem, Spem, Charitatem, & Perseverantiam. Aliam consummatam, & perfectam, quae habebitur in alia vita per ademptionem Glorae Coelestis. Quasi dicat. Qui ante mundi constitutionem Praescitii, & Praedestinati sunt, praedesignati fuerint ad utramque illam liberationem, inchoatam, & consummatam, quia illis nullum in tempore conferretur beneficium, quod non sit effectus aeternae illae praedestinationis preparatus; ideoque idem S. Aug. de predest. SS. cap. 10. *Praedestinatio Dei* (inquit) *qua in bono est, gratia est, ut dixi, preparatio; gratia vero est ipsius praedestinationis effectus.* In hac definitione exporenda diutius immorari summus. Ea enim, quae diximus, multam lucem afferent iis, quae inferius dicturi erimus.

VI. Alia Praedestinationis definitio est, quam tradit D. Thomas 1. 2. q. 23. art. 1., nempe, *ratio transmissionis creaturae rationalis in finem vitae aeternae praedestinatio nominatur.* Dicitur *ratio*: quo denotatur, praedestinationem esse formaliter actum rationis, seu intellectus suo imperio dirigentis, & ordinantis media ad finem, ut supra dictum est. Dicitur *transmissio in finem*: quo denotatur preparatio auxiliorum, quibus praedestinati ita transmittuntur in finem, ut illum infallibiliter consequantur. Dicuntur autem *transmitti*, id est, *ultra, & trans vires pro-*

*proprias mitti*: quia enim vita æterna, est finis excedens eorum vires nativas, egent ab alio transmitti, sicut sagitta, eget à sagittante transmitti in scopum, ut scopum attingat. Additur *ly in finem vita æterna*: quo indicatur, finem prædestinationis esse consecutionem æternæ gloriæ, in qua prædestinatio completur.

§. II.

*De Objecto formali Prædestinationis.*

VII. **P**erfectam essentiam Prædestinationis notitiam juvabit nosse ejus objectum. Pro quo noto, in objecto prædestinationis considerari posse, & Personam, quæ prædestinatur, seu quæ transmittitur ad Gloriam, & cui Gratia, & Gloria præparatur, quæ est finis cui: & insuper media, per quæ Prædestinatus ordinatur ad Gloriam: & Gloria, ad quam prædestinatur, quæ est finis qui.

Et quidem Personam esse subiectum prædestinationis, cui Deus vult prædestinationis effectum, nemo ambigit. Nam Persona est illa, quæ dicitur prædestinata, sicut paries est ille, qui dicitur visus, quare paries est subiectum, seu objectum materiale potentie visivæ. Difficultas est, an Persona dici possit objectum formale Prædestinationis, an verò hoc sint media, an Gloria?

VIII. Respondeo, Personam prædestinatam absolute sumtam non pertinere ad objectum formale prædestinationis, quia Persona secundum se est indifferens, ut prædestinetur, vel reprobetur, sicut paries est indifferens, ut sit albus, vel niger. Ut ergo Persona ingrediatur objectum prædestinationis debet induere ordinem ad gratiam, & gloriam: ita, ut in objecto prædestinationis quod formale est, sit Gratia, & Gloria, quod verò materiale est, seu finis cui Gratia, & Gloria præparatur, sit ipsa Persona. Cum enim Prædestinatio sit providentiæ pars, debet dicere utrumque respectum: & ad res, quas providet, & hæc sunt Gratia, ut medium, & Gloria, ut finis assequendus tali medio: & ad Personas, quibus providet, non secundum se, sed ut ordinatas ad finem per talia media.

An verò objectum formale proprium, & specificum, seu immediatum Prædestinationis sint media, nimirum Gratia, & alia dona, quæ per illam præparantur: an ipsa Gloria, propter quam præparantur? Censeo, Prædestinationem formaliter sumtam immediatè, & proximè esse de mediis, idèdque media esse formale objectum, & finem intrinsecum, ac specicum prædestinationis, Gloriam autem esse finem, ad quem objectum prædestinationis ordinatur. Prædestinatio enim est pars providentiæ; providentia autem, sicut & prudentia immediatè est de mediis, ut dirigendis ad finem, ut docet D. Thom. 2. 2. qu. 47. art. 6. in corp. & qu. 49. art. 6., ubi ait: *prudentia propriè est eirenea, qua sunt ad finem, & hoc ad ejus officium propriè pertinet, ut ad finem debitè ordinentur*. Est enim prudentia in practicis, sicut scientia in speculabilibus, & sicut in speculabilibus se habent principia, sic in practicis se habet finis. Quemadmodum ergo scientia non versatur immediatè circa principia, sed circa conclusiones, ut ex principis bene deducantur, ita prudentia, & providentia, ac subinde prædestinatio, non versantur immediatè circa finem, nempe Gloriam, sed circa media, ut ad finem debitè ordinentur. Quare finis, & objectum proprium, & intrinsecum providentiæ, & prædestinationis est debitè disponere media ad finem, nempe Gloriam: Gloria autem est finis mediatas, & quasi extrinsecus, tanquam id, propter quod talia media disponuntur.

QUÆSTIO III.

*De Causis Prædestinationis.*

**N**on agimus hlc de causa efficiente: causa enim efficiens Prædestinationis, seu causa, quæ prædestinat, Deus est. Nec de causa finali: quia certum est, causam finalem, cuius gratia Deus prædestinat, esse solam Dei Gloriam; *universa enim propter semetipsum operat est Dominus*. Prov. 19. v. 4. Quamvis ex parte rei voluit dici possit, finem effectum prædestinationis esse salutem Prædestinati. Nec de causa materiali;

Iti exploratam enim est ex diſiis, causam materialem, seu subiectum prædeſtinationis esse creaturam rationalem; hæc enim est, quæ prædeſtinatur. De sola ergo causa meritoria, seu motiva, quæſtio procedit, an ſcilicet Deus in hominibus lapſis aliqua præviderit merita, quibus motus fuerit ad eos prædeſtinandos: an verò ad eos prædeſtinandos uniç motus fuerit à ſua bonitate, gratuito illos præ aliis eligendo, ante omnem meritorum præviſionem?

Quia verò Deus creaturam rationalem prædeſtinavit, nedum ad Gloriam, ſed & ad Gratiã tũ aduſalem, tũ habitua-lem, ut per eas prædeſtinationis finem conſequatur, idè de utraque inquiremus, an ſit gratuita, an ex præviſis meritis? Prius de prædeſtinatione ad Gratiã, deinde de prædeſtinatione ad Gloriam ſermo erit.

#### DUBIUM I.

An Prædeſtinatio ad Gratiã ſit gratuita?

##### §. I.

*Pelagii Perſona, & Error.*

**I**nter eos, qui de Divina Gratiã male locuti ſunt, principem locum obtinuit Pelagius. Eſto enim aliqui ante Pelagium de ea non benè ſenſerint, ut Origenes, Theodorus Moſpuſtenus, & Ruſſinus: quia tamen Pelagius primus fuit, qui contra Gratiã in apertum hoſtis prodierit, idè errori nomen dedit, & omnes gratiæ neceſſitatem, vel negantes, vel extenuantes, Pelagiani vocantur.

Fuit Pelagius natione Britannus, profeſſione Monachus, non ex iis, qui in Monafterio Cenobiticã vitam ducunt, ſed ex iis, qui in ſuis ædibus religioſam vitam agebant, nulli propterea Ordini initiatus. Quem idè Zoſimus Papa Epif. ad Aurelium Carthagin., & Afroſ Epifcopos, vocat *virum laicum*, quia Monachi ad ſaeros Ordines non promoti inter Lai- cos tunc temporis reſeſcebantur. Non mediocri pietatis famã Romæ diù commo-

ratus, à Ruſſino tandem eſt error, quem ſaciſ ex diſcipulo magiſter aliis inſillare conatus eſt. Inter primos, quos ſuo inſecit veneno, unus fuit Cœleſtius, de quo Marius Mercator in *Commonit. cap. 4.* ità ſcribit. *Hic Pelagio adheſit Cœleſtius, Nobilis natu quidem, & Auditorialis Scholaſticus* (id eſt Advocatus publicæ cauſarum) *ſed natu vitio Em-nuchus matris utero editus.* Quod circa annum 404., vel 405. contigiſſe crediderim. Gothis interim Italian vaſtantibus, & Romam ſemel, ac iterum obſidione cingentibus, cum hoc Cœleſtio anno circiter 409. in Siciliam Romã navigavit Pelagius, ibique Syracuſis ſimul biennio, vel etiam triennio morati, tranſmearunt in Africã. Hic Pelagius reſiſto Cœleſtio poſt brevem moram Carthagine ſolvit in Palæſtinã.

It. Interim Cœleſtius Carthagine manens, ad Preſbyteratũ propi-teri teſtavit, ſed fruſtra: detectus enim à Paulino Eccleſiæ Mediolanenſis olim Diacono, reſuſcit paſſus fuit; imò coram Aurelio Carthagenſi Epifcopo denunciatus fuit, deſcriptus in libello ejus erroribus. Quare Aurelius totius Africæ Primas Concilium Carthagine convocavit anno 411., cui multi interfuerunt Epifcopi. Nonad- fuit tamen S. Auguſtinus, quod ipſe reſtat *lib. 2. retract. cap. 35.* Comparuit Cœleſtius, adverſus quem ſtetit Paulinus. Diſcuſſa cauſã, Patres Carthagi- nenſes Cœleſtium damnaverunt, qui, ut latam ſententiam declinaret, & ne uti Hæreticus traduceretur, ad Sedem Apoſto-licam appellavit, quamvis ſuæ cauſæ diſſidens, appellatione neglectã, Ephe- ſum Afriæ Urbem mox contenderit, ubi per obreptionem Preſbyter ſicius, mul- tos ſua hæreſi inquinavit, quorum ope vicinas inſulas inſecit, ſed Rhodum maxi- mè; adeoque errorem propagavit, ut ejus Sedis homines etiam Cœleſtiani di- cti ſint. Ex Epheſo Conſtantinopolim migrans; ſed inde ab Attico Patriarcha e- jectus, Romam ſe contulit; ubi poſtquã Zoſimo Papæ illudere tentavit, clam ſe ſubtraxit; quo cognito, Zoſimus in eum, ac Pelagium decretorium tulit ſententiam, quin adverſus ipſum, & Pelagianos ab Honorio, & Conſtantino Imperiale Edi-  
ctum



Quem obtinuit anno 418., quo Pelagius, & Cœlestius ex Urbe ejici, & omnes de horum hæresi convicti spoliari bonis, ac perpetuo multari exilio, jubebantur. Zosimo è vivis sublato, Romam reversus, in gratiam Cœlestini Pontificis irreperconatus est. At Cœlestinus Decessorum suorum vestigia premens, & avitæ de Gratiâ doctrinæ, quam strenuè defenderrat Augustinus, assertor intrepidus, Cœlestium, Julianum, cæterosque Sectæ Pelagianæ homines è totius Italiæ sinibus jussit extrudi.

III. Pelagius verò, quem in Palæstinam profectum diximus, cùm Hierosolymis pedem fixisset, gratiam Joannis illius Urbis Episcopi aucupari cepit: quod & obtinuit, ab eo benigne suscepius. Verùm qualis esset, à S. Hieronymo, quem provocaverat, & à S. Augustino, qui calumniam in eum strinxerant, detectus fuit Pelagius. Quibus accessit Orosius, qui ex Hispania, unde oriundus erat, in Palæstinam perveniens anno 415., manifestum fecit, Cœlestium à Concilio Carthaginensi fuisse damnatum, & Pelagii errores ab Augustino, & Hieronymo profligatos fuisse. Conventu super hoc Hierosolymis habito, Joannes Episcopus se Judicem exhibuit, Orosio accusante, & Pelagio respondente. At talem Iudicem, utpote reo impensè propitium Orosius, declinans, silentio Pelagio indicto, judicium Innocentio I. Romano Pontifici communi sententiâ delatum est. Non multò post accusatus apud Palæstinos Antistites, coram Synodo Diophysitana anno 415. se sistere coactus Pelagius, tantis artibus callidus Hæresiarca errorem suum tegere novit, ut, cùm ibi nullus esset contra ipsum Actor, subdolis ejus responsibus decepti, ipsum tanquam innocentem declaraverint, errore facti, non juris. Dùm tamen in hac suâ fraude exultat Pelagius, ac reportatæ absolutionis litteras, tanquam suæ fidei testimonium spargit, Orosius, qui ex Palæstina in Africam remeant, gesta in Synodo Diophysitana ad Episcopos 68. in Concilio Carthagine congregatos deferit: qui, lectis iis, quæ contra Cœlestium anno 412. in priore Carthaginensi Synodo statuta fuerant, & consideratis etiam gestis in Synodo Diophysitana, Pe-

Tom. IV.

lagii, & Cœlestii errores novo anathemate configunt, quo eodem anno, nimirum 416., aliud Concilium Milevi celebratur, quo hæresis Pelagiana damnatur, cui S. Augustinus interfuit. Utraque tamen Synodus tam Carthaginensis, quàm Milevitana, decreta ad Innocentium I. mittere statuit, ut ipse Apostolicâ suâ auctoritate, quæ Episcopi statuerant, firmaret, causamque finiret. Quod, confirmando omnia ab Africanis Conciliis statuta, præstitit Innocentius. Cuius litteris in Africam perlatis S. Augustinus *serm. 2. de Verb. Apost. nunc serm. 131. cap. 10.* monens populos: *ubi tales Pelagianos inveneritis, occultare nolite, non sit in vobis perversa misericordia: prius ubi tales inveneritis, occultare nolite.* Redarguit contradicentes, & resistentes ad nos perducite. Rationem reddit dicens: *Jam enim de hac causa duo Concilia missa sunt ad Sedem Apostolicam: inde etiam rescripta venerunt. Causa finita est: utinam aliquid addi sinatur error.*

IV. Porro, quamvis non statim finitus fuerit error, mortuo enim Innocentio, Cœlestius eâ, quâ pollebat, vasritie Zosimum ejus successorem decipere tentavit, eidem libellum porrigens, quo fidem suam, ac Sedi Apostolicæ obedientiam testabatur, ut superius diximus, quibus Zosimi animum à promulgandâ in eum sententiâ hæresis suspenderat, donec ex Africâ rescriberetur; attemen, cognitâ Cœlestii fugâ, absque ulla cunctatione tulit in eum, & Pelagium decretoriam sententiam, grandi illâ Epistolâ ad universos Orbis Christiani Episcopos datâ, quâ omnia à Synodis Africanis gesta contra Cœlestium, & Pelagium approbavit, sententiamque à decessore suo Innocentio litem confirmavit, eamque mittens ad Honorium Imperatorem, cuius Edicto ab Urbe, & Universo serè Orbe exterminati fuere Pelagiani. Hujus Epistolæ meminit S. Augustinus *Epist. 190. olim 157. ad Optatum cap. 7., & 215. aliàs 49. ad Valentinum.* Quo factum est, ut Pelagiani se ad extrema redactos agnoscentes, ut res suas utcumque erigerent, socius cum Nestorianis hæreticis inierint: sed unâ cum illis in Concilio Generali Ephesino anno 431. damnati, ad summas angustias re-

F

redacti sint, paucique hæc illæ per Occidentem dispersi remanserint. Hæc de Pelagii, & Pelagianorum historia, de qua abundè Cardinalis Norisus in sua *Hist. Pelag.*, Natalis Alexandre *Hist. Eccl. secul. 5. cap. 3. art. 2.*, & Gravelon *Hist. Eccl. tom. 2. Colloqu. 2.*, apud quos plura pro sui eruditione Studiosus inveniet.

V. Nunc ad Pelagii, & Pelagianorum errore recensendos accedamus. Duo fuerunt Pelagianæ hæreseos capita. Unum contra existentiam Originalis peccati, quam negabat. Alterum contra Gratiæ necessitatem. Circa primum dicebant, quid peccatum Adæ ipsum solum læsit, non totum genus humanum. Propterea infantes, qui nascuntur, in eo statu sunt, in quo Adam fuit ante peccatum, idèque, etsi non baptizentur, vitam æternam consequuntur: non tamen Regnum Cælorum, quod solis baptizatis datur. Homines tandem esse mortales naturâ, non penâ, peccatores imitatione, non origine.

VI. Circa secundum, quod rem præsentem tangit, varios statum habuit Pelagianus error. Cùm enim primùm hæresim promulgavit Pelagius, nullam omnino gratiam admittebat, sed naturam solum, & ingenuitatis liberi arbitrii vires ad omne opus bonum, ac meritum sufficere, propugnabat. Hinc in naturæ laudem librum conscripsit, quem sibi traditum à Timasio, & Jacobo, Religiosis adulescentibus à Pelagiana hæresi recens conversis, S. Augustinus consutavit libro, quem inscripsit de *Natura, & Gratia*. Et si aliquam gratiam admittebat, hanc esse liberum arbitrium, asserbat: quare cùm Pelagio opponeretur, quod contra Gratiæ Dei disputaret. Non, inquit, contra gratiam Dei dispero. Unde probas? *Ex ipso, inquit, non contra gratiam Dei dispero, quod liberum arbitrium defendo.* Ità apud S. August. lib. 11. de verb. Apostoli nunc Serm. 26. cap. 7.

In secundo autem sui erroris statu aliqualem gratiam faceri cepit Pelagius: sed hanc non aliam esse, quàm legem, doctrinam, & exemplum Christi, & imitationem; quemadmodum enim Adam nobis obfuit exemplo malo; ità Christus nobis prodest exemplo bono, quod genus gratiæ purè extrinsecum erat: totam-

enim meriti causam in libero arbitrio collocabat. Gratiæ etiam remissionis peccatorum, Dei scilicet extrinsecus peccata condonantis, admittebat.

In tertio autem statu sui erroris aliquam gratiam internam visus est admisisse: in sola tamen illuminatione intellectus sitam, quâ positi illustratione, voluntas propriis viribus, & virtute proprii arbitrii omni alio secluso poterat bonum sectari, & hanc vocabat gratiam possibilitatis. Quare etiam bonæ voluntatis, & actionis negabat. Ità S. Augustinus lib. de gratia Christi cap. 4. Pelagii verba ex ejus libro tertio pro libero arbitrio recenset. Nos (inquit) tria ista distinguimus, & certum velut in ordinem digesta partimur. Primo loco posse statui-mus, secundo velle, tertio esse (idèst agere) Primum illud, idèst, posse, ad Deum propriè pertinet, qui illud creatura sua contulit, duo verò reliqua, hoc est velle, & esse, ad hominem referenda sunt, quia de arbitrii fonte descendunt. Ergo in voluntate, & opere bono laus hominis est: imò hominis, & Dei, qui ipsius voluntatis, & operis possibilitatem dedit, quique ipsam possibilitatem gratia sue adjuvat semper auxilio. Quod verò potest homo velle, atque perficere solius Dei est. Potest itaque illud unum esse, etiamsi duo illa non fuerint: ista verò sine illo esse non possunt. Itaque liberum mihi est nec voluntatem bonam habere, nec actionem: nullo autem modo possum non habere possibilitatem boni &c. Ità Pelagius: quæ exemplo explicans subjungit: Quod possumus videre oculis, nostrum non est, quod verò bonè, aut malè videmus, hoc nostrum est. Et ut generaliter universa complectar: quod possumus omne bonum facere, dicere, cogitare, illius est, qui hoc posse donavit, qui hoc posse adjuvat: quod vero bonè, vel agimus, vel loquimur, vel cogitamus, nostrum est, quia hæc omnia vertere in malum etiam possumus. Ità Pelagius. Post quæ S. Augustinus: Ecce est (inquit) totum dogma Pelagii in libro ejus tertio pro libero arbitrio his omnino verbis diligenter expressum.

VII. Nullam ergo gratiam, quâ velimus, & agamus, admittebat Pelagius, sed velle, & agere totum nostrum esse, asse-

asserere. Quia tamen videbat, Paulum sibi adversari illis verbis, *Deus est, qui operatur in nobis velle, & perficere pro bona voluntate*. Philipp. 2. v. 13., conabatur se tueri (ut observat S. Augustinus citatus cap. 10.) dicens, Deum in nobis operari velle, & perficere, nos futuræ gloriæ, & præmiorum magnitudinis pollicitatione succedens, ac revelatione sapientiæ in desiderium Dei suscitans voluntatem, dùm nobis suadet, quod bonum est.

Admittebat autem gratiam possibilitatis, & posse à solo Deo esse dicebat. Verùm hic etiam deceptionem tegere conabatur: Reverà enim hanc possibilitatem à Deo acceptam, nil aliud esse, quàm naturam, existimabat: Sed idèd (ait S. Augustinus citatus cap. 6.) ad hanc laudem adjunxit & Deum, quia nisi natura esset, in quâ nos condit, quâ velle, & agere possemus, nec vellemus, nec ageremus.

Hanc gratiam possibilitatis dicebat, nedum datam à Deo: sed insuper gratiæ Dei auxilio semper adjuvari. Quid autem nomine talis gratiæ, & auxilii intelligeret, exponere sic (apud D. August. ibi cap. 7.) *Adjuvat enim nos Deus per doctrinam, & revelationem suam, dùm cordis nostri oculos aperit, dùm nobis, ne praesentibus occupemur, futura demonstrat: dùm diaboli pandit insidias, dùm nos multiformi, & ineffabili dono gratia celestis illuminat*. Erat ergo gratia legis, & doctrinæ merè externa; quod si aliquid internum operabatur, hoc erat, docendo, revelando, illuminando; in solo nimirum intellectu, non in voluntate eam collocabat.

VIII. Ad confitendam tandem gratiam etiam ad velle, & agere visus est accessisse Pelagius, & quidem etiam supernaturalem: non utique necessariam, sed solum utilem, & ad majorem dumtaxat operandi facilitatem. Ità refert S. August. lib. de gratia Christi cap. 27., ubi cùm retulisset Pelagii verba Epist. ad Demetriadem dicentis: *Divinam mereamur gratiam, & facilius nequam spiritui, Sancti Spiritui auxilio resistamus*, hisee verbis subiungit: *Significat professio, quid sapiat. Ut quid enim hoc verbum interposuit, idèd facilitas? An verò non erat in-*

*teger sensus, ut nequam spiritui, Sancti Spiritui auxilio resistamus? Sed quantum detrimentum hoc additamento fecerit, quis non intelligat? Volems utique credi, tantas esse naturas vires, quos extollendo praecipitat, ut etiam sine auxilio Spiritus Sancti, est minus facile, tamen aliquomodo nequam spiritui resistatur. Quod repetit S. Doct. cap. 29., ubi relatis Pelagii verbis ex 1. libro pro libero arbitrio dicentis: Ut quod per liberum homines facere jubentur arbitrium, facilius possint implere per gratiam: Subdit S. Doctor: Tolle facilius, & non solum plenus, verùm etiam sanus est sensus.... Cùm autem, facilius additur, adimpletio boni operis etiam sine Dei gratiâ posse fieri, tacitâ significatione suggeritur. Idem testatur lib. 2. contra duas Epist. Pelagian. cap. 2.*

IX. Porro gratiam hanc, quam Pelagius admisit, non antecedere, & facere humana merita, asserere, & facere humana merita sequi, eorumque esse mercedem, & propterea homines non gratis, sed intuitu praecedentium meritorum fuisse ad gratiam praedestinatos. Hujus erroris tehem habemus Pelagium ipsum, qui in Epist. ad Innocentium I. (quam expendit D. August. lib. de gratia Christi cap. 31.) ità scribit: *Illi idèd judicandi, atque damnandi sunt, quia cùm habeant liberum arbitrium, per quod ad fidem venire possunt, & Dei gratiam promereri, malè utuntur libertate concessâ. Hi verò remunerandi sunt, qui bene libero utentes arbitrio mereantur Domini gratiam, & ejus mandata custodiunt*. Hæc Pelagius. Hanc fuisse Pelagianorum doctrinam, refert idem S. August. lib. de heres. cap. 88., nimirum: *gratiam Dei quâ liberamur ab impietate, secundùm merita nostra dari*. Quanam autem essent merita, quæ Pelagiani Divinæ Gratiae receptioni præsupponebant, deprehendere, facile est. Tria enim agnoscebant merè humana, quibus homo gratiam Dei mereatur, scilicet boni cupiditatem, fidem, & orationem. Unde hæc ipsorum voces apud S. August. lib. de gratia, & lib. arbit. cap. 14. *Gratia est non datur secundùm merita bonorum operum, quia per ipsam bene operamur; tamen secundùm merita bona voluntatis datur: quia bona voluntas præcedit orantis, quam*

præceſſit voluntas credentis, ut secundum hac merita gratia sequatur exaudientis Dei.

X. Is ergo fuit Pelagii in suo errore progressus. Initio quidem nullam omnino gratiam admisit, totum viribus naturæ, & libero arbitrio salutis negotium committens. Exinde aliquam gratiam fateri, sed hanc merè externam, legem scilicet præcipientem Doctrinam revelantem, & ostendentem bonum, quibus Christi adjunxit exemplum invitans ad imitationem. Ulterius gratiam possibilitatis cepit admittere, mentis quondam illuminationem, non verò gratiam voluntatis, & actionis. Tandem gratiam, quam admittere, requirebat ad solum facilius agere, & secundum merita dari contendeat.

Pelagianam hæresim in quatuor status dividit Janſenius Ipreſis, lib. 5. de hæres. Pelag. cap. 1., & sequ. Primum vocat *Ethnicismum*, in quo solum naturam, & vires liberi arbitrii prædicavit, ne ipsum quidem gratiæ nomen ferre valens. Secundum vocat *Semietnicismum*, in quo gratiæ nomen naturæ, & libero arbitrio tribuebat, quod hæc sint beneficia à Deo gratis concessa. Tertium vocat *Judaismum*, in quo gratiam in doctrina, & lege totam collocavit. Quartum denique vocat, *Semichristianismum*, in quo gratiam interiorem, etiam voluntatis, & actionis admisit, etsi non sine errore. Janſenii hæc meditatio quibusdam placet, quibusdam displicet. Sed in hoc immorari non expedit.

### S. I. I.

*Semipelagiani, eorumque errores.*

XI. *S*emipelagianismus, sic dictus, quia, etsi non totum, partem tamen Pelagiani erroris adoptaret, fortè Pelagio, & Pelagianismo antiquior fuit. Sanctus enim Augustinus ipse, antequam esset Episcopus, & antequam erumperet Pelagius, Semipelagianismo tinctus fuit, ut apparet ex ejusdem expositione quarundam propositionum Epistolæ ad Romanos prop. 62. (ex quâ expositione lib. 1. retract. cap. 13. aliqua loca recenset, retractit, ac emendat) & ut ipse fatetur lib. de Prædestin. SS. cap. 3. his verbis: *Cum simili-*

ter errarem, putavi, fidem, quâ in Deum credimus, non esse donum Dei, sed à nobis esse in nobis, & per illam nos impetrare Dei dona, quibus temperanter, & iuste, & pîd vivamus in hoc seculo. Neque enim Fidem putavi Dei gratiâ præveniri, ut per illam nobis daretur, quod posceremus utiliter: nisi quia credere non possemus, si non præcederet præconium veritatis. Ut autem prædicato nobis Evangelio consentiremus, nostrum esse proprium, & nobis ex nobis esse arbitrabar. Quem meum errorem nonnulla Opuscula meâ satis indicant ante Episcopatum meum scripta &c. Hæc est S. Doctoris ingenua sui antiqui erroris confessio. Attamen

XII. Semipelagianæ hæresi, quæ Pelagianæ appendix, & infelix furculus est, initium dedit enatum diffidum in Monasterio *Adrumetino* in Africa, occasione Epistolæ S. Augustini ad Sixtum, tunc Presbyterum, postea Romanum Pontificem. Hanc Epistolam, quam Florus hujus Cœnobii Monachus *Adrumetum* transmissit, cum legissent Monachi, in sensus à mente S. Augustini prorsus alienos distrahiti sunt. Quod ubi S. Augustinus per Felicem, & Cresconium ejusdem Monasterii Monachos rescivisset, ad Monachos illos instruendos edidit libros de *Gratiâ*, & libero arbitrio, duasque dedit Epistolæ ad *Valentinum* ejusdem Cœnobii Præsecum. At lectio librorum de *Gratiâ*, & libero arbitrio novo errori viam aperuit. Cum enim quidam Monachi legissent, omnia bona opera esse Dei dona: inde deduxerunt, neminem esse corripiendum, si præcepta Dei non faceret, sed solum pro illo orandum Deum, ut ipso donante faceret, quod jubebatur. Hoc à Valentino per Florum Monachum S. Augustino significatum, ut ex Epist. ejusdem inter Augustinianas 116., movit ipsum, ut librum de correptione, & gratiâ conscriberet, quo demonstrat, nec gratiâ prohiberi correptionem, nec correptione gratiam negari. Porro dum hi motus in Monasterio *Adrumetino* servent, & Semipelagiani erroris inter Monachos semina jacta sunt, Vitalis Carthaginensis, sese Semipelagianum aperite prodit, asserens, non aliter posse liberum arbitrium, & Dei iustitiam servari, nisi dicatur, fidei initium non esse

esse donum Dei, sed esse à nobis, idest, ex propria voluntate, & ex hoc, quod pro sua naturali libertate fecerit, præmium, vel supplicium quisque sit recepturus. Ad Vitalem revocandum ab errore dedit S. August. Epistolam modò 217. aliàs 107. in quâ ex precibus Ecclesiæ hunc errorem confutat, ac duodecim regulas pro fide circa gratiam Dei proponit.

XIII. Ex Africa Semipelagianus error transfretavit in Gallias, ubi multos natus Patronos, hosque viros doctrinâ præclaros, hunc propagatos fuit: de quo Prosper, & Hilarius, qui S. Augustini doctrinam defendendam susceperant anno 428 suis Epistolis ipsum monuerunt, Massiliensium querelas ei exponentes, qui ad eos de *Prædestinatione SS.*, & de *dono Perseverantia* libros direxit. Verùm errore in dies gliscente, Sancto Augustino jam mortuo anno 429, ejusque doctrinâ à non paucis despectâ, & calcatâ, Prosper, & Hilarius Romam profecti anno 432. à Coelestino Papa obtinuerunt Epistolam ad Galliarum Episcopos datam, in quâ eos acrius increpuit, quòd permetterent doctrinam S. Augustini: à quibusdam Presbyteris contemni. Quod anno 494. Gelasius Papa confirmavit, dùm damnatis in Synodo Romanâ Cassiani, & Faustii libris, SS. Augustini, & Prosperi opera commendavit: ac tandem Semipelagianum errorem, qui propter multos, & doctrinâ, & pietate viros, qui ei patrocinabantur, toto quinto seculo impune, & citrà fidei dispendium defendebatur, seculo sexto, anno 529. Synodus Arausica secunda à Bonifacio II. Romano Pontifice approbata, & confirmata 25. Canonibus, ex S. Augustini sententiis confatis, confixit, ac prostravit: adèò, ut imposterum absque nota hæreseos à nullo sustineri licuerit.

XIV. Præcipui Semipelagianismi Patroni in Galliis præsertim fuere Jo: Cassianus, Auctor ille celebris libri *Collationum Patrum*, oriundus sive ex Scythia, sive (ut alii volunt) Gallus, in Provincia notus, Missiliensis Monasterii à se constructi Monachus. Contra quem S. Prosper scripsit librum cui titulus *adversus Collatorem*, idest: Adversus Cas-

sianum Auctorem libri *Collationum PP.*, in quo maxime collat. 13. quæ est Abbatibus Cheremonis, Semipelagianismus apparet.

Alter Semipelagianismi Patronus fuit Faustus, primò Lirinenfis Abbas, postea Rejenis Episcopus, natione Britannus, cui à Concilio Arelat. & Lugduni celebratis anno 475. demandatâ Provinciâ, ut quosdam errores in materiâ Prædestinationis recens exortos confutaret, libros de Gratia & libero Arbitrio composuit; in quibus mandati limites prætergressus, aperto Marte doctrinam S. Augustini carpit, & Massiliensium Semipelagianorum dogmata statuit. Fausti tamen libri ab Hormisdâ Papa nullius auctoritatis fuerunt declarati *Epist. ad Possessorem*: & anno 522. missi ad Africanos Episcopos in Sardinia exules, tanquam hæretici condemnati, & Sancto Fulgentio Ruspensi Episcopo contra Fausti errores scribendi cura imposita fuit, quam egregie implevit libris septem de *Gratiâ*, & *libero arbitrio*, contra duos Fausti libros. Quia tamen Faustus fuit cæteroquin pietate, ac probitate clarus, erroremque defensavit eo tempore, quo nondum solemmiter hæresi notatus fuerat, aras, & sacros honores in Rejenâ Ecclesiâ post mortem obtinuit, ejusque nomen sacris Gallicanæ Ecclesiæ diptychis adscriptum fuit. Eadem fulgine tinctum fuisse S. Hilarium Arelatensem Episcopum, nemo negaverit, qui legerit Epistolam Prosperi ad Augustinum. Quin & Vincentium quendam, contra quem S. Prosper scripsit *responsiones ad Capitula Objectionum Vincentianarum*. Quis verò fuerit Vincentius iste, an ille Lirinenfis, celebris auctor libri nunquam satis laudati, *Commentorii* videlicet *adversus hæreticos*, an verò alter itidem, Gallus? non concordant Eruditi. Major pars in Lirinensem conspirat. Nec tamen per hoc quidquam auctoritatis detrahitur Lirinenfis Commentorio in iis, quæ doctrinam de traditionibus, & Patrum usu spectant: nam Vincentius ex regulis, ac principiis in totâ Ecclesiâ receptis hæreses impugnât; & fortè etiam ex hoc capite Augustinianæ doctrinæ de Gratia se assertiri posse, existimabat, quia eam doctrinæ Majorum contrariam existimabat.

Semi-

Sempipelagianis accensentur Severus Sulpitius Gallicanus Presbyter; Gennadius Massiliensis; Honoratus quoque Massiliensis Episcopus; de quibus Alexandre Hist. Ecclæs. secul. 5. cap. 3. art. 7.

XV. Nunc videamus, quinam fuerint Sempipelagianorum errores. Igitur asseriebant primò, ad initium fidei satis, superque sufficere vires naturæ, nec gratiam requiri: dicebant enim, initium, aliquid iustitiæ, ac salutis esse à nobis, nimirum, fidem, & Voluntatem aliquam salutis obtinendæ, quæ tamen operis nomine censenda non esset, aut iustitiæ operibus annumeranda; sicut nec desiderium obtinendæ sanitatis, quod in ægroto præcedit operam medici, inter Medicinæ opera numeratur. Porro illis fidei, bonæque Voluntatis initiis promereri homines Christi gratiam asseriebant: nec negari gratiam (dicebant) si præcedere dicatur talis Voluntas, qua tantum medicum quærat non autem quidquam ipsa jam valeat: ità apud Hilarium Episc. ad August. Existimabant enim, nullam naturam ità depravatam, vel extinctam esse, qua salutem non possit se velle sanari. Quare, teste D. Prospero Episc. ad August. conveniebant omnes, quoddam assererent: *Quantum ad Deum pertinet, omnibus paratam vitam æternam; quantum autem ad arbitrii libertatem, ab his eam apprehendi, qui Deo spontè crediderint, & auxilium gratia merito credulitatis acceperint.* Hinc

Secundò docebant, Deum velle indiscriminatim omnium salutem, si ipsi velint, generali, & sincerà voluntate; singulari tamen voluntate, consilio, & proposito non magis velle unius, quàm alterius salutem, nec redemptionis suæ fructum his magis efficaciter, quàm aliis applicare. Ità S. Prospero carmine de Ingratis cap. 13.

Hujus confestarium erat, gratiam Christi omnibus adesse, omnes invitare, sed unumquemque proprio arbitrio vocanti parere, vel ab eo se subtrahere. Neque hæretici erant, quod gratiam sufficientem omnibus præstò esse, dicerent: sed quod illam ad initium fidei, vel boni operis, non requirerent, & quod non aliam gratiam discretivam admitterent, dicentes discretionem unius ab alio non à Deo,

seu ejus voluntate, sed ab hominis arbitrio, ethi sub gratià constituto, sumendam esse: nimirum: *fidelem ità obedisse, quia voluit: sicut Prævaricatorem ità non obedisse, quia non vult... Et quantum ad malum, tantum habere facultatis ad bonum: Ità, ut bona appetentem Dei gratià foveat, mala scilicet damnavit iusta suscipiat: ait S. Prosper Episc. ad August.*

Tertiò. Prædestinationem esse gratiam, inficiabantur, sed eam pendere volebant ex meritis, quæ Deus per scientiam conditionatorum explorabat, Præsevisse nempe Deum, quinam vocationi fidem, & obsequium essent accomodaturi, & perseveraturi, quinam non; & hoc reprobasse, illos elegisse. Ità S. Prosper Episc. laudatà; & Sanctus Hilarius Episc. ad Aug. De compendio (inquit) putant rationem reddi electorum, vel rejectorum, in eo, quod unicuique meritum propria voluntatis adjungitur. Cum verò parvulorum exemplis premerentur, qui nulla merita habent, respondebant, Deum præscire merita, vel demerita, quæ habituri erant, si vixissent, & horum intuitu alios eligere ad regnum, alios à regno excludere.

Quartò. Gratias sufficientes, ultra, quas ad actum agendum, alias ex parte Dei non requirebant, & quæ quantum ad efficaciam subditæ erant libero arbitrio, omnibus præstò esse, contendebant.

Quintò. Perseverantiam singulare Dei donum esse negabant, cum eam in cuiusque potestate esse assererent si vellet, & ad hanc non aliam gratiam desiderari, quàm quæ Adamo collata fuit. Ità refert Hilarius ad S. Augustinum.

Tandem S. Augustini doctrinam, tantquam novam, nimis duram, hominesque in desperationem inducentem, reiciebant (de quo S. Prosper Episc. sept. laudatà) quod sub ipso Prædestinationis nomine factalem necessitatem assereret.

### S. III.

*Assertiones contra Pelagianos, & Sempipelagianos.*

XVI. **D**ico primò. Homo lapsus non prædestinatur ad gratiam ex præ-

prævisis meritis per solas vires naturæ comparandis. Est contra Cœlestium, qui scripserat, *Dei gratiam secundum merita nostra dari, quia, si peccatoribus illam det, videtur esse iniquus: quam propositionem, esse Pelagius falsò negaverit* esse suam, à Synodo tamen Diospolitana coactus est, ficto tamen corde, ejurare, ut refert S. Augustinus lib. de gestis Pelagii cap. 14., & de Prædest. Sanct. cap. 2. dicens: *Pelagius ipse in Episcopali judicio Palestino, sicut eadem Gesta testantur, damnare compulsus est; gratiam Dei secundum merita nostra dari. Quod lib. de gratiâ Christi cap. 13. offendit ex ipsâ ratione Gratiae, quæ, cum sit gratis data, ut vel ipsum sonat nomen, cum eâ pugnat, quod detur, vel præparetur ex meritis. Si enim ex meritis daretur, fieret, ut gratia jam non sit gratia, redderetur enim hoc pacto, ut debita meritis, non donaretur gratis: quod enim datur ex meritis, ex iustitiâ datur, & idèd non secundum gratiam, sed secundum debitum. Quomodo est ergo (inquit) gratia, si non gratis datur? Quomodo est gratia, si ex debito redditur? Quomodo verum dicit Apostolus (Ephes. 2. v. 8.) non ex vobis, sed Dei donum est; non ex operibus, ne forte quis extollatur? Et iterum (Rom. 11. v. 6.) si autem gratia, inquit, jam non ex operibus, alioquin gratia jam non est gratia! quomodo, inquam, hoc verum est, si opera tanta præcedunt, quæ nobis adipiscenda gratia meritum faciant, quo nobis non donetur gratuitò, sed reddatur ex debito? &c. Hanc veritatem passim prædicant S. Augustini scripta contra Pelagianos maxime Ep. 194. olim. 105. ad Sixtum cap. 8., Ep. 186. alièd 106. ad Paulinum cap. 2. &c.*

Et probatur hoc discursu. Quidquid meriti in nobis est, effectus gratiæ est; ergo gratiam non possunt præcedere merita, nec secundum merita potest gratia dari, quia effectus non potest suam causam præcedere. Unde Sanctus Augustinus Epist. citatâ ad Sixtum cap. 3. Quod est ergo (inquit) meritum hominis ante gratiam, quo meritò percipiat gratiam, cum omne bonum meritum nostrum non in nobis faciat, nisi gratia; & cum Deus coronat merita nostra, nihil aliud coronet, quam dona sua

Deinde. Quidquid in nobis præcedit gratiam, vel est natura, vel peccatum; sed natura, aut quidquid naturæ est, non potest esse meritum ad gratiam, quæ ordinis supernaturalis est, & proinde supra naturæ debitum: Peccatum autem meretur poenam, non gratiam; ergo &c. Et idèd (concludit loco citato cap. 3. S. August.) percipiendæ hujus gratiæ merita, nulla præcedunt; quoniam meritis impij non gratia, sed poena debetur. Nec illa esset gratia, si non daretur gratuita, sed debita redderetur.

XVII. Dico secundo. Homo lapsus non prædestinatur ad gratiam ex prævisâ fide, cujus initium sit ex nobis, aut ad perseverantiam, ex meritis quæ sint ex naturæ viribus. Est contra Semipelagianos. Quod fidei initium ex gratiâ sit, non ex naturæ viribus, tellantur Scripturæ Joann. 6. v. 28. 29., ubi quærentibus Turbis, quid faciemus ut operemur opera Dei? Respondit Jesus, & dixit eis: Hoc est opus Dei, ut credatis in eum, quem misit ille. Et vers. 37. addidit, omne, quod dat mihi Pater, ad me venit. Quid est (inquit S. August. lib. de prædest. S. cap. 8.) ad me venit, nisi eredit in me? sed ut fiat, Pater dat. Murmurantibus autem Judæis ait Christus v. 43. 44. Nolite murmurare invicem. Nemo potest venire ad me, nisi Pater, qui misit me, traxerit eum. Et rursum v. 45. omnis qui auditus à Patre, & didicit, venit ad me. Valde (ait Aug. citatus) remota est à sensibus carnis hæc Schola, in quâ Deus auditur, & docet. Multos venire videmus ad Filium., quia multos credere videmus in Christum. Si ergo fides opus Dei est: si hæc dat Pater: si nullus eam habere, & venire ad Christum potest, nisi Pater dederit, & à Patre audierit, & doctus fuerit: professi initium non sumit ex nobis.

XVIII. Secundo probatur ex Apostolo ad Ephes. 2. v. 8. *Gratiâ essis salvati per fidem, & hoc non ex vobis: Dei enim donum est. Idèd (ait S. Aug. ibi cap. 7.) & quod dixi per fidem, non ex vobis, sed donum Dei est etiam fides. Non ex operibus, inquit, ne forte quis extollatur. Et lib. de gratiâ, & lib. arb. cap. 7. Possent enim (inquit) dicere. Idèd accepimus gratiam, quia credidimus, tanquam si*   
 *buen-*

bucentes, gratiam Deo: propter hoc Apostolus cum dixisset per fidem, & hoc, inquit, non ex vobis, sed donum Dei est. Rursum ne dicerent, suis operibus, se tale donum meruisse, continvò subiicit: Non ex operibus; ne forte quis extollatur. Non quia negavit, aut evacuavit opera bona... sed quia opera sunt ex fide, non ex operibus fides.

XIX. Tercio id demonstrant Apostoli verba 1. Cor. 4. v. 7. Quid habes, quod non accepisti? Si autem accepisti: quid gloriaris, quasi non acceperis? Quod si initium fidei esset ex nostris viribus, gloriari posset homo, se habere aliquid, quod à Deo non acceperit, nempe fidei initium, quo non tractus, sed propriis viribus veniret ad Christum. Hoc testimonium aded movit S. Augustinus, ut lib. de prædestin. SS. cap. 3. ingenue confessus sit, propter illud, suum antiquum errorem se retraxisse: Quo præcipue testimonio (inquit) etiam ipse convictus sum, cum similiter errarem, putans fidem, quâ in Deum credimus, non esse donum Dei, sed à nobis esse in nobis, & per illam nos impetrare Dei dona, quibus temperanter, & iuste, & pie vivamus in hoc seculo. Quod repetit cap. 4. addens. Hoc igitur Apostoli testimonium... non finit quamquam fidelium dicere, habeo fidem, quæ non accepi... Sed ne hoc quidem potest dici: Quamvis non habeam perfectam fidem, habeo tamen ejus initium, quo in Christum primitus credidi. Quia & hic respondetur: Quid autem habes, quod non accepisti? si autem accepisti, quid gloriaris, quasi non acceperis?

XX. Quarto idem ostendunt ejusdem Pauli verba 1. Cor. 7. v. 25. Misericordiam consecutus à Domino, ut sim fidelis. Non ait: quia fidelis eram (subjungit S. August. de Prædest. SS. cap. 3.) Fidelis ergo datur quidem, sed data est etiam, ut esset fidelis. Quod jam dixerat lib. de grat. & lib. arbitr. cap. 7. Non enim dixit, Misericordiam consecutus sum, quia fidelis eram, sed, ut fidelis essem: bine ostendens, etiam ipsam fidem haberi, nisi Deo miserante, non posse, & esse donum Dei, quod aperitissime docet dicens: Gratia salvi facti estis per fidem, & hoc non ex vobis, Dei enim donum est.

XXI. Accedunt rationes, quas Sanctus Augustinus contra Semipelagianos congestit. Primam profert ex lib. de Prædest. SS. cap. 2. Si fides ex nobis est, jam gratia secundum merita nostra datur; sed hoc fateri renuebant Semipelagiani, quin & Pelagius ipse in Episcopali iudicio Palæstino damnare compulsus est; ergo &c. Major probatur. Qui à seipso incipit credere, incipit à seipso mereri fidei perfectionem, & complementum, & alia. Dei dona: Quis autem dicat (inquit S. August.) eum, qui jam caput credere, ab illo, in quem creditur, nihil mereri? Unde fit, ut jam merenti cætera dicantur addi, retributione divini, ac per hoc gratiam Dei secundum merita nostra dari: Et similiter quod initium fidei nostra priores damus Deo, ut retribuat nobis & supplementum ejus, & si quid aliud fideliter poscimus, contra illud Roman. 11. v. 25. Quis prior dedit ei, & retribuetur illi? quoniam ex ipso, & per ipsum, & in ipso sunt omnia.

XXII. Secundam profert ex eodem libro cap. 7. sumtam ex ipsâ fidei naturâ. Fides enim, cum sit humanæ salutis initium, fundamentum, radix justificationis, si hanc haberemus ex nobis, & non ex Dei dono, initium, & fundamentum nostræ salutis esset ex nobis, non verò ex gratiâ, ex quâ solum esset adificium bonorum operum sequentium, quasi ad adificium non pertineat fides: quasi ad adificium, inquam, non pertineat fundamentum: ait August. citatus. Sicque poneremus fundamentum salutis, non in Christo, sed in nobis, contra Pauli dictum 1. Cor. 3. v. 11. Fundamentum enim aliud nemo potest ponere, præter id, quod possumus est: quod est Christus Jesus.

XXIII. Tertiam sumtam ex promissionibus, quibus Deus promittit fidem, prosequitur S. August. eodem de Prædestin. libro cap. 10. Quod enim promittit Deus, unus ipse præstat; promittit enim de suo, non de nostro, aliquin aliena ipse polliceretur, non sua, atque ut promissis staret, hominis subderetur arbitrio: quomodo igitur Deus promississet Abraham in semine suo fidem Gentium, si ipse hoc non facturum esset, sed homines, si de nostrâ voluntatis potestate, non de sua prædestina-



stinatione promissit ? Promissit ergo ( ait August. ) quod ipsa facturus fueras , non quod homines . Quia etsi faciunt homines bona , qua pertinent ad colendum Deum , ipse facit , ut illi faciant qua precepit ; non illi faciunt , quod promissit , aliquin ut Dei promissa compleantur , non in Dei , sed in hominum est potestate , & quod à Domino promissum est , ab ipsis redditur Abraha . Non autem sic credidit Abraham : Sed credidit dans gloriam Deo , quoniam quæ promissit , potens est , & facere : non ait prædicere : non ait prædicere : nam & aliena facta potest prædicere , atque prædicere : sed ait : potens est & facere ; ac per hoc facta , non aliena , sed sua .

XXIV. Quartam rationem petit Sanctus Augustinus episc. ad Vitalem olim 107. nunc 17. , in qua ferè per totam id probat ex precibus , quibus à Deo postulat Ecclesia fidem pro infidelibus , pro qua concessa gratias agit : cùmque non petamus , quod habemus ex nobis , fides non à nobis , sed à Deo venit . Sic ergo Vitalem arguit , & Epistolam concludit : Si negas , orandum esse , ut qui nolunt credere , velint credere , & negas , agendas esse Deo gratias , quoniam credere voluerunt , qui volebant credere ; ( & si hoc sentis ) aliter tecum agendum est . Si autem , quod de te magis credo , sentis , atque consentis , orare nos Deum debere , ac solere pro nolentibus credere , ut velint credere . . . si sentis , atque consentis , debere nos etiam Deo agere gratias , ac solere pro talibus , cum ad fidem ejus , doctrinamque conversi , volentes ex nolentibus sunt ; oportet sine dubitatione fatearis , voluntates hominum Dei gratiâ praveriri , & ut bonum velint homines , quod volebant , Deum facere , qui rogatur , ut faciat , & cui nos novimus , agere gratias dignum , & iustum esse , cùm feceris .

XXV. Ex hucusque dictis apparet , gratuitam esse prædestinationem ad gratiam , non solum habituaalem , & sanctificantem , sed æqualem etiam : de hac enim præcipuè contendebatur inter Pelagianos , Semiopelagianos , & Catholicos . Si enim probatum est , gratiam vocationis ad fidem , quæ ex nolentibus sunt volentes credere , donum Dei esse , profectò constat , gratiam etiam æqualem gratuitò ,

Tom. IV.

non ex meritis prædestinari . Si insuper oramus Deum , ut nobis gratiam det actualem , si pro eâ concessa gratias ei agimus , consequens est , eam à solo Deo misericorditer procedere , non ex merito dari . Et sanè gratia , quam Synodus Diospolitana voluit , ut Pelagius fateretur , secundum merita nostra non dari , erat illa eadem , quam volebat , ut fateretur , ad singulos actus dari . Hanc autem quis non videat , esse gratiam actualem ? Imò magis gratuita censenda est gratia actualis , quàm habitualis . Nam hæc esto nulli de condigno debeatur , quia , ut ait Tridentinum sess. 6. cap. 8. , nihil eorum , qua justificationem præcedunt , sive fides , sive opera ipsam justificationis gratiam promeretur : ad ipsam tamen disponi potest peccator , per gratiam actualem excitantem in eo , per Spiritum Sanctum cor moventem , per actus fidei , spei , timoris , quibus ad justificationis gratiam , se præparet , ut docet idem Trident. sess. 6. cap. 6. Ubi gratiam actualem , maximè primam , nulla opera , nec de congruo disponentia , præcedunt , sed prorsus à Deo descendit , cor hominis misericorditer tangente .

#### §. I V.

Pelagianorum , & Semiopelagianorum momenta soluta .

Quamvis omnia , quibus ad suum erorem movebantur Pelagiani , & Semiopelagiani , legantur proposita , & soluta à D. Augustino in libris contra ipsos editis , aliqua tamen magis præcipua subijcimus .

XXVI. Primò ergo obijciebant exemplum Cornelii Centurionis , qui ut refertur in Actibus Apost. cap. 10. v. 31. , orationibus , & elemosynis meruit , ut Deus illi fidem largiretur .

Respondit tamen S. August. lib. de Prædest. SS. cap. 7. , quòd Cornelius sine aliqua fide nec donabat , nec orabat : Nam quomodo invocabat , in quem non crederat ? habebat ergo Cornelius fidem Christi , saltem implicitam , esto non adhuc explicitam : habebat fundamentum , nondum tamen ædificium , ad quod ædificandum

G

dum

dum missus est *Archibishopus Apostolus Petrus*. Dicit etiam potest, quod Cornelius, etsi nondum crederet, quia de Christo nondum imbutus, cogitabat tamen, & cupiebat instrui, & credere, & hac ratione misit nuncios ad Petrum. Cogitare autem de fide, & eam desiderare, donum Dei est, ut docet S. Augustinus citato libro cap. 2. ubi ex testimonio Pauli 1. Cor. 3. v. 5. *Non quia idonei sumus cogitare aliquid quasi ex nobismetipsis, sed sufficientia nostra ex Deo est*: Arguit: *Adtendant hic, & verba ista perpendant, qui putant, ex nobis esse fidei captum, & ex Deo esse fidei supplementum. Quis enim non videat, prius esse cogitare, quam credere? Nullus quippe credit aliquid, nisi prius cogitaverit esse credendum. Et inferius: Si non sumus idonei cogitare aliquid quasi ex nobismetipsis, sed sufficientia nostra ex Deo est; profectus non sumus idonei credere aliquid quasi ex nobismetipsis, quod sine cogitatione non possumus, sed sufficientia nostra, quod credere incipimus, ex Deo est*. Concludam ergo cum eodem S. Augustino cap. 7. citato: *Quidquid igitur, & antequam in Christum crederet, & cum crederet, & cum credidisset, bene operatur* *Cornelius, totum Deo dandum est, ne forte quis extollatur*.

XXVII. Secundò obijciebant. Credere, vel non credere est in arbitrio potestatis humanæ; ergo initium fidei ex nobis est, non ex Deo.

Respondeo ex D. Augusti. lib. de prædest. 33. cap. 5. & 6., dist. ant. in arbitrio potestatis humanæ, præparatæ à Domino, conc. ant. à se, nego ant. Fides ergo est donum Dei: non quia credere, vel non credere non est in arbitrio voluntatis humanæ (aitnunquam satis laudatus S. Doctor) sed in electis præparatur Voluntas à Domino. Idèd ad ipsam quoque fidem, quæ in voluntate est, pertinet. Quis te discernis? Quid autem habes, quod non accepisti? Multi audiunt Verbum veritatis: sed alii credunt, alii contradicunt. Volunt ergo isti credere, volunt autem illi. Quis hoc ignoret? quis hoc neget? sed cum aliis præparetur, aliis non præparetur voluntas à Domino, discernendum est utique, quid veniat de misericordia ejus, quid de iudicio.

XXVIII. At inquires. Si fides, ipsumque fidei initium dona Dei sunt, quare non omnibus tribuuntur? quare non omnibus præparatur voluntas, cum Deus velit omnes homines salvos fieri, & ad agnitionem veritatis venire?

Qui ita arguit, audiat à D. Augustino responsum citato libro cap. 8. *Fides igitur* (inquit) *& inchoata, & perfecta, donum Dei est: & hoc donum quibusdam dari, quibusdam non dari, omnino non dubites* (nimirum donum dans actu credere, non verò dans posse credere: hoc enim omnibus aliquo modo dari, superius ostensum est) *qui non vult manifestissimis sacris litteris cognoscere. Cur autem non omnibus detur, fidelem movere non debet, qui credit, ex nullo omnino esse in condemnationem sine dubitatione iustissimam? ita, ut nulla Dei esset iusta repetitio, etiamsi nullus inde liberaretur. Unde constat, magnam esse gratiam, quod plurimi liberantur, & quid sibi deberetur, in eis, qui non liberantur, agnoscent: ut qui gloriatur, non in suis meritis, quia pariter videt esse damnatis, sed in Domino gloriatur* etc.

Hanc Doctrinam clariùs expendit lib. de spiritu & littera, ubi cap. 33. dicit. *Vult autem Deus, omnes homines salvos fieri, & in agnitionem veritatis venire; non sic tamen, ut eis adimatur liberum arbitrium, quo bene, vel male nentes iustissime iudicentur*. Deinde cap. 34. ostendens, quomodo omnibus adit, unde possint velle credere, non tamen ex libero arbitrio, quod, cum crearemur, accepimus, sed ex dono Dei, ac munere divino, dicit, hoc Deum agere visorum functionibus ut velimus, & ut credamus, sive extrinsecus per evangelicæ exhortationes ubi & mandata legis aliquid agunt, si ad hoc admonent infirmitatis suæ, ut ad gratiam iustificantem credendo confugiat, sive intrinsecus, ubi nemo habet in potestate, quid ei veniat in mentem, sed consentire, vel dissentire propria voluntatis est. . . . Quæ res non solum non infirmat, quod dictum est: Quid enim habes, quod non accepisti? Verùm etiam confirmat. Accipere quippe, & habere anima non potest dona, de quibus hoc audit, nisi consentiendo: ne per hoc, quid habeat, &

quid

quid accipiat, Dei est: accipere autem, & habere, utique accipientis, & habentis est. Hucusque descripsit S. Augustinus gratias sufficientes, quibus homo sit potens credere, & quibus prævenitur, ut credat, & quas recipere consentiendo, vel non recipere non consentiendo, propriæ voluntatis est. Transiens verò ad quæstionem: Cur unus eam recipiat, & consentiat, alter non recipiat, & non consentiat? non recurrit amplius ad propriam voluntatem. Sed audiamus, quid dicat. Jam si ad illam profunditatem, scrutandam quisquam nos coarctet, cur illi ita suadetur, ut persuadentur: illi autem non ita! duo sola occurrunt interim, qua respondere mihi placeant. O altitudo divitiarum! & numquid iniquitas apud Deum? Cui responsio ista displicet, quærat doctiores, sed caveat, ne inveniat præsumptores.

XXIX. Obiciebant quartò apud D. Augustinum lib. de Prædest. SS. cap. 11. Cum dicitur: si credideris, salvus eris: unum horum exigitur, alterum offertur; ergo quod exigitur, in hominis, quod offertur, in Dei est potestate.

Respondet S. Doctor ibi, retorquendo primò instantiam. Sic dicitur, si credideris, salvus eris: quemadmodum dicitur (Rom. 8. v. 13.) Si spiritu facta carnis mortificaveritis, vivetis. Nam & hæc ex his duobus unum exigitur, alterum offertur.... Ut spiritu facta carnis mortificemus, exigitur, ut autem vivamus, offertur. Num igitur placet, ut facta carnis mortificare non donum Dei esse dicamus: neque id donum Dei esse fateamur, quoniam exigi audimus à nobis, præmio vita, si hoc fecerimus, oblatò? Absit, ut hoc placeat participibus, & defensoribus gratia: Pelagianorum est error iste, damnable. &c.... Sicut ergo, quamvis donum Dei sit, facta carnis mortificare, exigitur tamen à nobis, proposito præmio vita: ita donum Dei est Fides, quamvis & ipsa, cum dicitur, si credideris salvus eris, proposito præmio salutis exigitur à nobis. Idem enim hæc & nobis præcipiuntur, & dona Dei esse monstrantur, ut intelligatur, quid & nos ea facimus, & Deus facit, ut illa faciamus &c. Quæ ad aperta sunt, ut expositione non egeant.

XXX. Obiciebant quintò. Jubet Deus, ut oremus, & petamus, nostræque orationi, ac postulationi se adfuturum; pollicetur Lucæ 11. v. 9. Petite, & dabitur vobis. A nobis igitur est, ut petamus, quæramus, & pulsemus: atque aded, si non fides ipsa tota, saltem ejus cupiditas, & initium sine Gratia haberi potest.

Respondet D. Fulgentius lib. de Incarnat. & gratia cap. 12. Hoc ipsum petere donum Dei esse. Nec unquam (ait) redire potest avis errans, nisi fuerit boni Pastoris inquisitione præventa. Propterea Pastor bonus venit quærere, & salvam facere ovem perditam, qua Pastorem suum quærere non potest, priusquam ab eo quærat; sed à quærente prævenitur, ut quærat. Pastor autem frustra eam quæreret, si quæsit Pastorem ipsa quærere non posset. Addo, quòd, ut bene quæramus, & petamus, egemus Dei adjutorio. Nam, ut ait Paulus Rom. 8. v. 26., Spiritus adjuvat infirmitatem nostram, nam quid oremus, sicut oportet, nescimus, sed ipse Spiritus postulat pro nobis. Ubi S. August. l. de dono Persever. cap. 23. Quid est, inquit, ipse Spiritus interpellat, nisi interpellare facit? & paulò post. Attendamus (subdit) quemodò falluntur, qui putant, esse à nobis, non dari nobis, ut petamus, quæramus, pulsemus: & hoc esse dicunt, quòd gratia præceditur merito nostro.... Non volunt intelligere, etiam hoc divini muneris esse, ut oremus, hæc est, petamus, quæramus, atque pulsemus: Accipimus enim spiritum adoptionis filiorum, in quo clamamus Abba, Pater &c.

XXXI. Sed dices. Ex quo Deum precamur, ut det nobis fidem, colligimus, fidem, quam poscimus, esse ab ipso; ergo ex quo Deus nobis imperat, ac præcipit, ut eam petamus, colligere possumus, quòd petere fidem, ex nobis sit: sicut enim Deum non rogamus de iis, quæ à nobis sunt: sic ea, quæ sunt ab ipso, nobis imperare non potest.

Respondetur, dist. conseq. Petere fidem ex nobis sit, ex nobis obsequentibus, conc. conseq., ex nobis prævenientibus, nego conf. In conversionis nostræ initio, quo petimus quo cor aperimus, facimus nos, facit & Deus: facit Deus præveniendo, facimus nos obsequendo:

& dùm Deus jubet, dat unde faciamus quod jubet. Audiamus August. *lib. de Gratiâ & lib. arb. cap. 15. Quare, inquit, jubet, si ipse daturus est? Quare dat, si homo facturus est? nisi quia dat, quod jubet, cum adiuvat, ut faciat, cui jubet? Videatur S. Doctor. lib. 2. contra duas Epist. Pelagian. cap. 9.*

XXXII. Obiciebant textò. Licet homo infirmus non possit à se sanitatem acquirere, potest tamen eam desiderare, & quærere medicum; ergo licet homo lapsus non possit facere bonum, & justificari à se, poterit tamen saltem desiderare salutem, quærere Christum medicum, & sic salutem suam propriis viribus inchoare.

Respondetur, negando consequentiam. Sanitas enim corporis non excedit vires naturales animæ, sicut eas excedit salus animæ, ntpote ordinis supernaturalis, hanc enim à se nec potest cogitare, multò minùs desiderare, & quærere. Videant (inquit Sanctus August. lib. 2. contra duas Epist. Pelag. cap. 8.) quid respondeant dicenti Apostolo (2. Cor. 3. 5.) non quia idonei sumus cogitare aliquid, quasi ex nobismetipsis, sed sufficientia nostra, ex Deo est. *Cogitare, ait, aliquid, utique bonum? minùs est autem cogitare, quàm cupere. Cogitamus quippe omne, quod cupimus, nec tamen cupimus omne, quod cogitamus: quoniam nonnunquam. & quod non cupimus, cogitamus. Cum igitur minùs sit cogitare, quàm cupere: potest enim homo cogitare bonum, quod nondum cupit, & proficiendo postea cupere, quod antea non cupiendo cogitabat; quomodo ad id, quod minùs est, idest ad exigitandum aliquid boni non sumus idonei ex nobis metipsis, sed sufficientia nostra ex Deo est: & ad id, quod est amplius, idest, ad cupiendum aliquid boni sine divino adiutorio idonei sumus ex libero arbitrio? Neque enim & hic Apostolus ait: non quia idonei sumus cogitare, quod perfectum est, tanquam ex nobismetipsis: sed cogitare, ait, aliquid: cui contrarium est nihil. Unde est illud Domini Joann. 15. v. 5. sine me nihil potestis facere. Ità discurrit S. Augustinus.*

XXXIII. Tandem obiciebant. Si fides, & initium fidei sit ex gratiâ, excu-

sare poterunt ignorantiam, vel contumaciam, qui non credunt, quod eis vel prædicatio fidei, vel gratia interior defuerit ad credendum.

Respondetur cum D. Augustino *ep. 205. nunc 197. ad Sixtum cap. 6.*, quod per hoc inexcusabilis est omnis peccator, vel reatu originis, vel additamento etiam propria voluntatis, sive qui novit, sive qui ignorat; sive qui judicat, sive qui non judicat. Quia & ipsa ignorantia in eis, qui credere noluerunt, sine dubitatione peccatum est. In eis autem, qui non potuerunt pena peccati. Ergo in utrisque non est iusta excusatio, sed iusta damnatio.

## DUBIUM II.

An homines prædestinentur ad gratiam ex operibus moraliter bonis de congruo Deum moventibus.

### §. I.

#### Resolutio Dubii.

I. **H**Uic Dubio locum dederunt Molinæ Discipuli, asserentes, prædestinationem ad primam Gratiam esse nonnunquam ex prævisione operum, quæ passim appellantur opera bona moraliter: ita, ut viribus naturæ facienti quod in se est, Deus primam gratiam non deneget; non quidem ita, ut illa bona opera per naturæ vires comparata fundent meritum de condigno, ut Pelagiani assererant, sed tantum de congruo, quodd sit quædam præparatio, & dispositio ad gratiam actualem primam, esse non per se, per accidens saltem, ex pacto nimirum, quod Deus Pater inuit cum Christo, conferendi eam ex merâ liberalitate homini facienti, quod est in se ex viribus naturæ. His tamen in sua opinione relictiis.

II. Dico primò. Homo lapsus non prædestinatur ad primam gratiam ex prævisione operum, quæ moraliter bona sint, quæque de congruo Deum moveant ad conferendam primam gratiam, pæta vocationis ad fidem. Recolet ex dictis Dubio præcedente, Gratiam Dei secundum merita nostra non dari, esse articulum fidei statutum contra Pelagianos. Quod verò exclu-

excludere debeat merita non solum de condigno, sed etiam de congruo; imò quemlibet actum naturæ viribus elicitum, sive meritum, sive non meritum, ad cuius intuitum Deus primam gratiam æqualem sive ex iustitiâ, sive ex merâ liberalitate nobis largiatur; probandum est.

Primo. Nam Deum in conferenda actuali suæ vocationis gratiâ non respicere ad opera hominum, neque eam intuitu eorum dare, constans fuit sententiâ Augustini, & Prosperi contra Semipelagianos: & oppositum tanquam eorum errorem reprobant. Enarrat. enim in Psal. 70. serm. 2. num. 1. *Gratia (inquit) gratis data est. Nam nisi gratis esset, gratia non esset. Porro autem, si propterea gratia est, quia gratis est. nihil tum præstet, ut acciperes. Nam si aliqua bona opera tua præcesserunt, pretium accepisti, non gratis: pretium autem, quod nobis debebatur, supplicium est.* Et in Ps. 62. num. 12. *Qua (inquit) bona, facta nostra præcesserunt, ut Deus nobis gratiam suam daret? Numquid invenit iustitias, quas coronaret, & non delicta, quæ donaret? Utique delicta, quæ donavit, si punire vellet, non esset iniustum: Quid enim tam iustum, quàm ut puniatur peccator?* & lib. de gestis Pelagii cap. 14. ait: *gratia ergo donatur indignis, ut reddatur debitum dignis.* Supponit semper D. Augustinus, quidquid est in homine, ante primam gratiam esse peccatum, quod potius Deum moveat ad poenam, quàm ad gratiam: & nullam operum moralium, pro danda gratia, Deum habere rationem.

III. Respondent adversarii, Semipelagianos duos docuisse. Primum, motum viribus naturæ elicitum in aliquibus præcedere gratiam actualem, & esse viam, & conditionem ad eam accipiendam. Secundum, eum motum naturalem habere rationem meriti respectu gratiæ saltem de congruo. In primo non errant, neque ab Augustino reprehenduntur; bene tamen in secundo.

IV. Sed contra primò. Illa opera naturalia moraliter bona, vel movent Deum, ut intuitu eorum suam exercent misericordiam potius erga istum, quàm erga alterum, vel non; si non; ergo illa

opera in ordine ad gratiam recipiendam, ita sunt, ac si non essent. Si verò Deum movent; non possunt effugere rationem meriti, saltem de congruo: idè enim. Deus exercet misericordiam circa hominem, qui bene vivit moraliter, quia congruum est; ergo ea bona opera habent congruitatem ad gratiam.

V. Deinde Semipelagiani non contentabant, motibus illis præcedentibus gratiam adesse vim aliquam meritoriam gratiæ. Quod probò. Nam ipsi tales motus dicebant esse, sicut motus infirmi, qui licet non possit per se apprehendere sanitatem, potest tamen illam desiderare, vocare medicum, venire ad medicum; tales autem actus non sunt meritorii sanitatis, sed purè via ad sanitatem per medicum obtinendam. Quare Hilarius ad Augustinum referens Massiliensium doctrinam, sic eos loquentes inducit. *Nec negari gratiam, si præcedere dicatur talis voluntas, quæ tantum medicum quærat; non autem quidquam ipsa iam valeat.*

VI. Addo, D. Paulum perpetuum esse in hoc asserto, quòd gratia non sit ex operibus Rom. 9. 12. 32., Galat. 2. 16., & alibi: quibus apparet, Sanctum Paulum velle in reddenda gratiâ nullam à Deo haberi rationem operum ante ipsam, & sine ipsâ factorum. Unde ex hoc, quòd aliquid ex parte nostri gratiam quomodoque præcedere diceret Calsianus, S. Prosper lib. contra Collatorem cap. 3. eum declarat neque hæreticum, neque catholicum, neque effugere posse illud damnatum: gratiam Dei secundum merita nostra dari. Nec (inquit) cum hæreticis tibi; nec cum Catholicis plena concordia est. Illi in omnibus iustis hominum operibus, libera voluntatis tuentur exordia; nos bonarum cogitationum ex Deo semper credimus prodire principia: tu in forme nescio quid tertium, & utrique parti inconvenientem reperisti, quo nec inimicorum consensum acquireret, nec in nostrorum intelligentiâ permaneret. Quomodo autem non advertis, te in illud damnatum incidere, quod velis, nolis, convincis dicere: Gratiam Dei secundum merita nostra dari; eam aliquid præcedere boni operis ex ipsi hominibus, propter quod gratiam consequantur, affirmas?

VII. Tandem Concilium Arausicum secundum anno 529. ad finiendum Semipelagianum errorem convocatum *cap. 3. 4. 5. 6. 7. & 8.* absolute definitum, motum naturæ viribus elicito nihil omnino conferre ad gratiam obtinendam; Deum in dispensatione gratiæ suæ nullam habere rationem motuum, qui ex humano arbitrio ante gratiam proficiuntur; ergo Semipelagianus error illis, & sequentibus Capitulis damnatus, in eo præcisè positus erat, quod vellet, motum naturalem arbitrii præcedere gratiam, siue per modum meriti, siue per modum dispositionis, siue per modum meræ occasionis. Si enim Arausici Patres credidissent, illum motum aliquo ex præfatis modis quidquam ad gratiam assequendam conferre, absolute, & sine ulla exceptione non dixissent, Deum ad illius motus intuitum, vel præsentiam, gratiam non largiri.

VIII. Dico secundò. Si operum nomine sumantur opera, quæ gratia in nobis facit, sic aliqua est gratia, ad quam dici possumus prædestinati ex operibus. Id probo primò ex Concilio Arausicano præfato *cap. 18.* ubi postquam ait: *Nullis meritis gratiam prævenientibus debetur merces bonis operibus, si fiant:* statim subdit: *sed gratia, quæ non debetur, præcedit, ut fiant.*

Secundò. Vita æterna non solum est merces, sed etiam est gratia, juxta illud Pauli Rom. 6. v. 23. *Gratia autem Dei vita æterna;* sed vita æterna datur secundum merita, & bona opera, quæ in nobis gratia Dei operata est. Unde S. August. lib. de gratiâ, & lib. arbitr. cap. 7. quia (inquit) & ipsa bona opera nobis ex Deo sunt, à quo nobis & fides est, & dilectio, etiam vitam æternam gratiam nuncupavit; ergo &c.

Tertiò. Gratia iustificans, seu habitualis est vera gratia; sed hæc datur nobis, intuitu dispositionum, quas in nobis facit Spiritus Sancti gratia, nondum quidem inhabitantis, sed moventis, ut docet Tridentinum *sess. 6. cap. 6.*; ergo &c.

Quartò. Fides, quæ omnium donorum radix est, ac fundamentum plures gratias actuales ad cæteras virtutes requisitas nobis impetrat. Unde August. de gestis Pe-

lagii: *ne quisquam (inquit) existimet, ad ipsam fidem meritis operum perveniri, cum ipsa sit initium, unde bona opera incipiunt.* Et de Spiritu & litt. cap. 29. *Fide Jesu Christi impetramus salutem, & quantum nobis inchoatur in re, & quantum perficienda expectatur in spe.*

## §. I. I.

## Contraria fundamenta.

IX. Primò obijciunt. Estò opera moraliter bona ex suâ naturâ non disponant, aut præparent ad primam gratiam actualem, id tamen per accidens præstare possunt ex pacto, quod Deus Patre initium Christo, conferendi eam ex merâ liberalitate facienti quod in se est ex viribus naturæ.

Respondeo, assumptum verum fore, si arguens probaret suppositum, quod ego nego. Puto enim omnino scitum illud pactum de danda gratia facienti quod in se est viribus naturæ: non solum enim non colligitur ex Scriptura, sed potius Paulus clamans semper, gratiam non ex operibus dari, prædicat oppositum. Imò contrarium offendit experientia. Neque enim Deus Ethnicos viventes innocentissimè secundum morem, & naturalem justitiam à gentilitate traxit ad fidem: sed potius iis relicto, perdidit vitæ viros sibi, & Ecclesiæ conjunxit: & hoc facit, inquit S. August. lib. 2. de peccat. meritis, & remisit. *cap. 18.*, ut homines cognoscant, non à seipsis, sed ab illo sibi esse lucem, quâ illuminentur tenebra eorum: ut homo gloriatur non in se, sed in Domino gloriatur. Hinc posito illo pacto plura incommoda sequerentur. Primò. Quoddam faciens opera moraliter bona, posset gloriari, tanquam seipsum discernens in negotio suæ salutis ab homine, qui ea non operaretur. Secundò. Quoddam initium conversionis non esset à gratiâ præveniente, siquidem ipsa gratia ab operibus moraliter bonis præveniretur, quæ licet suapte naturâ proportionem non habeant enim gratiâ, attamen, stante pacto, essent conditio, & occasio, ad quam Deus adspiceret, & quâ posita, teneretur (etiam non ex justitiâ) ex fidelitate, gratiam.

VOCA-

vocationis dare. Quod esset mutato nomine sententiam Semipelagianorum excitare.

X. Sed dices Zachariæ 1. v. 3. *Convertimini ad me, ait Dominus, & convertar ad vos*: hoc est: Convertimini ad me per naturam, & ego convertar ad vos per gratiam: neque enim Deus aliam, quam per naturæ vires, conversionem potest à nobis exigere, priusquam convertatur ad nos. Ecce pactum.

Secundò. Proverb. 16. v. 1. *Hominis est animam præparare, & Domini gubernare linguam*; ergo prius est, hominem præparare animam per vires naturæ, quam Deum per gratiam gubernare linguam, aliàs non valeret antithesis.

Tertiò. Tritum est axioma facienti quod in se est, Deus non denegat gratiam. Unde D. Thomas qu. 14. de verit. art. 1. ad 2. expresse docet, quoddam gratiam, quæ opera meritoria facit, quamvis homo non possit ex libero arbitrio acquirere, potest tamen se ad gratiam habendam præparare, quæ ei à Deo non denegabitur, si fecerit quod in se est.

Item qu. 14. de verit. art. 11. ad 1. dicit, quiddam ad divinam Providentiam pertinet, ut cunctis provideat de necessariis ad salutem, dummodo ex parte ejus non impediatur: & afferens exemplum de homine nutrito in sylvis, vel inter lupos, dicit: Si enim aliquis taliter nutritus ductum naturalis rationis sequeretur in appetitum boni, & fuga mali, certissimè est tenendum, quod Deus vel per internam inspirationem revelaret ea, quæ sunt ad credendum necessaria, vel aliquem fidei prædicatorem ad eum dirigeret, sicut misit Petrum ad Cornelium act. 10.

Et ibid. ad secundum: Si nos (inquit) fecerimus, quod in nobis est, ut scilicet ductum naturalis rationis sequamur, Deus non deficit nobis ab eo, quod nobis est necessarium. Ecce iterum pactum etiam auctoritate D. Thomæ.

XI. Respondeo ad singula. Ad primum ex Script., dist. ant., convertimini ad me, per naturam præventam gratiâ actuali, & ego convertar ad vos, per gratiam habitualement remissionis peccatorum, contant., per naturam gratiâ minimè præventam, nego ant. Nam Threnorum 5. v. 22. dicitur: *Convertite nos Domine ad te, &*

*convertemur: innova dies nostras*. Promittit ergo Deus per Zachariam, quod se convertet ad nos, si convertemur ad ipsum: sed etiam per Jeremiam nos monet, nos non posse converti ad ipsum, nisi prius ipse convertatur ad nos, gratiâ sua nos præveniendò: & propterea Tridentinum sess. 6. cap. 5. *Declarat, ipsius Justificationis exordium in adultis à Dei per Christum Jesum præveniente gratiâ sumendum esse, hoc est, ab ejus vocatione, quâ nullis existentibus eorum meritis præceduntur*. Quam licet pro suâ libertate possint abiciere, sine illâ tamen nequeunt se suâ voluntate ad iustitiam movere, subdens: *Unde in sacris litteris cum dicitur: Convertimini ad me, & ego convertar ad vos; libertatis nostra admodum*. Cum respondemus: *Convertite nos Domine ad te, & convertemur; Dei nos gratiâ præveniri constemur*. Præfatum Zachariæ textum (inquit S. Augustinus lib. de gratiâ, & libero arbit. cap. 5.) sic exponebant Pelagiani, ut secutum meritum conversionis nostræ ad Deum, detur gratiâ ejus, in qua ad nos & ipse convertitur. Nec attendant, qui hoc sentiunt, quia nisi donum Dei esset, etiam ipsa ad Deum nostra conversio, non ei diceretur, Deus virtutum convertere nos, & Deus tu convertens vivificabis nos &c.

XII. Ad secundum ex Scrip. explico. Hominis est præparare animam cum adiutorio Dei, conc. sine adiutorio Dei, nego. Ità D. August. lib. 2. contra duas Epist. Pelagian. cap. 9. Idè quippe hominis est præparare cor... quia homo præparat cor, non tamen sine adiutorio Dei, qui sic tangit cor, ut homo præparet cor. Videatur D. Augustinus loco laudato, ubi præfatum textum exponit, & afferens textum Psalm. 80. v. 11. *Aperi os, & adimplebo illud*, dicit: *Quamvis enim nisi adjuvante illo, sine quo nihil possumus facere, os non possumus aperire: tamen nos aperimus illius adiumento, & opere nostro*. Implet autem illud Deus sine opere nostro &c.

XIII. Ad tertiam dico, axioma illud non esse sic intelligendum, ut facienti quod in se est viribus naturæ, Deus ex hoc motus det primam gratiam: sed ut facienti quod in se est cooperando gratiæ

vocanti, & moventi, Deus ei non denegat ulteriorem gratiam, sive justificationis, sive fidei perfectae. Neque contraarium sentit Sanctus Thomas. Imò 1. 2. q. 109. art. 6., ubi quaerit, an homo per seipsum possit se preparare ad gratiam? obiciens sibi hoc proloquium: sic respondet. *Ad secundum dicendum, quod nihil homo potest facere, nisi à Deo moveatur secundum illud Joann. 15. Sine me nihil potestis facere. Et ideo, cum dicitur homo facere quod in se est, dicitur, hoc esse in potestate hominis, secundum quod est motus à Deo.* Insuper 1. 2. qu. 112. art. 2. ubi quaerit, an ad gratiam requiratur aliqua preparatio ex parte hominis? postquam distinxit gratiam in habituales, & actuales, & ad illam dixit, requiri aliquam gratiae preparationem, quia nulla forma potest esse, nisi in materia disposita; transiens ad istam ait: *sed si loquamur de gratia secundum quod significat auxilium Dei moventis ad bonum: sic nulla preparatio requiritur ex parte hominis, quasi proveniens divinum auxilium: sed potius quaecumque preparatio in homine esse potest, est ex auxilio Dei moventis animam ad bonum.* Et secundum hoc ipse bonus motus liberi arbitrii, quo quis preparatur ad donum gratiae suscipiendum est actus liberi arbitrii moti à Deo. Et quantum ad hoc dicitur homo se preparare, secundum illud Prov. 16. hominis est preparare animam, & est principaliter à Deo movente liberum arbitrium: & secundum hoc dicitur à Deo voluntas hominis preparari, & à Domino gressus hominis dirigi. Articulo autem tertio sequenti, ubi quaerit, utrum necessarium detur gratia se preparanti ad gratiam, vel facienti, quod in se est? Respondit: *Respondendo dicendum, quod, sicut supra dictum est (art. praeced.) preparatio hominis ad gratiam est à Deo, sicut à movente; à libero autem arbitrio, sicut à moto.* Potest igitur preparatio dupliciter considerari. Uno quidem modo, secundum quod est à libero arbitrio; & secundum hoc nullam necessitatem habet ad gratiam consecutionem, quia donum gratiae excedit omnem preparationem virtutis humanae. Alio modo potest considerari, secundum quod est à Deo movente; & tunc habet necessitatem ad id, ad quod ordinatur à Deo,

*non quidem conditionis, sed infallibilitatis, quia intentio Dei deficere non potest. Unde si ex intentione Dei moventis est, quid homo, cuius cor movet, gratiam consequatur, infallibiliter ipsam consequatur, secundum illud Jo. 6. Omnis, qui audit à Patre, & didicit, venit ad me. Oportuit aliquantisper immorari in statuenda mente D. Thomae, ut Adversarii videant, quantum aberrant, dum eum sibi putant propitium.*

Ad primam auctoritatem ex eodem depromptam dico, quod ab ea abstinuisset arguens, si, quod sequitur, legisset; subdit enim statim: *Quamvis ad hoc per se potestas liberi arbitrii non sufficiat, ad quod modus, qui ad meritum requiritur, facultatem naturae excedit.*

Ad aliam respondet idem S. Thom. cap. 10. ad Roman. lect. 3., ubi casum ab arguente propositum sibi obiciens: *Nunquid ergo (inquit) illi, ad quos non pervenit (sana praedicationis Apostolicae) utpote si fuerunt nutriti in sylvis, excusationem habent de peccato infidelitatis?* Respondet. *Dicendum, quod secundum sententiam Domini, qui habetur Jo. 17. Illi, qui loquentem Dominum per se, vel per ejus discipulos non audierunt, excusationem habent de peccato infidelitatis, non tamen beneficium Dei consequentur, ut scilicet iustificentur ab aliis peccatis, vel qua nascendo contraxerunt, vel male vivendo addiderunt, & pro his meritis damnantur.* Si qui tamen eorum fecissent, quod in se est, Dominus eis secundum suam misericordiam providisset, mittendo eis praedcatorem fidei, sicut Petrum Cornelio act. 10., & Paulum Macedonibus, ut habetur act. 16. sed tamen hoc ipsum (notate) quod aliqui faciunt, quod in se est, convertendo se scilicet ad Deum, ex Deo est movente corda ipsorum ad bonum, Threnor. 5. *Converte nos Domine, ad te, & convertemur.*

XIV. Obijciunt secundum illud Matthaei 7. v. 6., ubi Christus praecipit Apostolis, ne Evangelium praedicent indignis: *nolite sanctum dare canibus.* Et cap. 10. v. 11., ut ingressi Civitatem, interrogent, quis in ea dignus sit, Evangelium audire: *Interrogate, quis in ea dignus sit? & ibi manete.* Ergo Deus, antequam gratiam...

lar-



largiatur, expectat aliquam in subiecto dignitatem, præparationem, & aliquem ex naturæ viribus conatum bonum.

Si respondeas, juberi Apostolos, non, ut dignis dignitate internâ, & occultâ morum Evangelium prædicent: hoc enim ipsi nosse non poterant, sed solum, ut apud dignos dignitate famæ, & boni nominis hospitentur: ne si apud infames divertant, Evangelium malè audiret. Ergo (inquit S. Hieron. in cap. 10. Matth.) *hospes famâ eligendus est, populi, & iudicio vicinorum, ne prædicationis dignitas, suscipientis infamiâ deturpetur.*

Contra est. Nam post hæc verba interrogat, *quis in ea dignus sit?* (subditur: v. 12. *Intrantes autem in Domum, salutate eam, dicentes: Pax huic Domui: & si quidem fuerit Domus illa digna, veniet pax vestra super eam.*) Supponere ergo debet dignos dignitate morum prædicatio Evangelii.

Respondeo iterum, ibi non esse sermonem de dignitate internâ, sed de externâ, nempe de pace, & concordia familiaris, apud quam divertere debeant. Vel si mavis, ibi Christum loqui de domo digna audiendi Evangelium: unde colligis, eam supponi à Christo dignam dignitate naturæ, & non potius dignitate sciæ per gratiam? Imò hoc ego dico. Agitur enim ibi de domo Judæorum. Dixerat enim Christus v. 5. *In viam gentium ne abieritis.* In aliquibus autem Judæorum reperiri poterant homines digni, audire Evangelium, quia jam præventi à gratiâ per desiderium Evangelii, & fidel; desiderium autem, sicut & cogitatio de fide, ex gratiâ est.

XV. Obijciunt tertio. Deus att. 10. attendit ad Eleemosynas; & orationes Centurionis, ut ipsi per Petrum Evangelium procuraret: quæ certè sciæ erant sine gratiâ, quia ab homine nondum habente fidem.

Idem dici debet de Zachæo, ad cuius studium videndi Christum, sic Christus ipse attendit, ut eum ad fidem, & salutem vocaret. Unde Ambrosius lib. de Abel, & Cain scribit, eum illo studio imptasse, ut à Christo vocaretur; studium autem illud naturale erat.

Idem dicit de pio Latrone, qui ante

Tom. IV.

quam de fide mediatoris audiret Luca 13. socii maledicta in Christum reprehendit, ut mereretur audire a Christo; *hodie mecum eris in Paradiso.*

XVI. Respondetur ad primum ex dictis, in Cornelio fuisse saltem fidem implicitam Christi, vi cuius missus fuit ad eum Petrus. Ità S. August. lib. de Prædestinatione. SS. cap. 7, ubi ait; *Socius enim dici, idè cred. re meruit, quia vir bonus erat. Quod de Cornelio dici potest, cuius acceptæ sunt Eleemosyna, & exaudita orationes, antequam credidisset in Christum: nec tamen quæ aliqua fide donabat, & orabat. Nam quomodo invocabat, in quem non crediderat?*

De Zachæo; Nego, illud ejus studium videndi Christum fuisse merè naturale, sed ex internâ Spiritus S. motione, sine quo Christum nec velle, nec cogitare possumus, & à quo implicitâ mediatoris fide, cum esset Judæus, jam præventus fuerat. Ità D. Prosper contra Collatorem cap. 7. Neque Ambrosius dissentit; ibi enim dicit, quodd Deus non expellavit, ut promitteret, sed ante fecit, quod Dei Verbum prævenit omnia: est præveniens omnium cogitationes; & cap. 7. præcedente ostenderat, nihil nos habere, quod non acceperimus, laudans Apostoli dictum: *Quid enim habet, quod non accepisti?*

Idem de pio Latrone dicit S. Prosper relatus; & Aug. lib. 1. de div. quæst. ad Simplicianum qu. 2. num. 19. ait de latrone consequenter enim bona opera ejus, si perceptâ gratiâ diu inter homines viveret; sed tamen non ea præcesserant, ut eandem gratiam mereretur.

Præterire tamen non possum, quodd præfatis exemplis Cornelii, Zachæi, & Latronis Semipelagiani abutebantur. Quapropter Arausicanum secundum contra illos sic statuit Can. 1. *Unde manifestissimè credendum est, quodd & illius latronis, quem Dominus ad Paradisi patriam revocavit, & Cornelii Centurionis, ad quem Angelus Domini missus est, & Zachæi, què ipsum Dominum suscipere meruit, illa tam admirabilis fides non fuit de naturâ, sed divina gratiâ largitate donata.* Et Sanctus Fulgentius lib. 1. de verit. prædestinat. Quis (inquit) Cornelium Centurionem missò Angelo, ut Apostolum Petrum accer-

H

accet.

accesfret, admonuit, nisi qui eidem Curatori gratiæ donum sui timoris, ac bona operationis infudit? Ut enim Dominus orationum ejus & eleemofynarum memoriam haberet, ipfius Cornelii prius meminit, non in ejus quolibet opere bono, sed in beneplacito suo, ut ei donum sui timoris infunderet, quo ei & eleemofynarum studium, & sanctæ orationis inspiraret affectum. Ipse igitur ei placendi gratiam contulit, qui in eo, quod coram se placeret, invenit. Ità loquuntur Patres. Attamen

XVII. Obijciunt quartò Originem, Chrysoftomum, & Ambrosium. Originem homil. 1. in Genes. asserentem nos à Christo illuminari, si nostræ mentis cæcitas non impedit. Sicut sol, & luna mortales, nisi cæci sit, illuminant. Quod effi accidit, oportet eos, qui cæci sunt, sequi Christum, & clamare post eum, ut visum recipientes, possint etiam illuminari. Et homil. 24. super numeros: si asferamus (inquit) Deo justitiam nostram, accipiemus ab ipso justitiam Dei. Chrysoftomus etiam homil. 45. in Genesim, asserentem Abraham suis operibus promeruisse, ut Deus tanta ei gratiæ dona conferret. Et homil. 17. in Joann. apertè negantem, Deum suâ gratiâ hominem prævenire.

Ambrosium verò tum lib. 4. in Lucam dicentem: non enim dormientibus divina beneficia, sed observantibus deferuntur. Tum lib. 3. Hexamer. cap. 24. de Petro sic loquentem: Idem tamen post galli cantum fit fortior, & jam dignus, quem Christus adspicias, quia oculi Domini super iustos.

XVIII. Respondo ad singula. Ad Originem fateor, eum quidem ità sensisse; sed in hoc illius auctoritas nullius momenti est. Fuit enim in his, quæ gratiam spectant, non Semipelagianus modò, sed Pelagianismi præformator. Hunc enim errorem ei tribuunt Epiphanius in Panario, Nazianzenus orat. 31., & Theophylus Alexandrinus Epist. 1. Paschali contra Origenistas. Quare S. Hieronymus Epist. ad Ctesiphontem, tacito nomine Pelagium carpens: Vis adhuc (inquit) alium nosse tui erroris Principem? Deservina tua Origenis ramusculus est.

Et sanè libri Periarcon ipsius Orige-

nis fortis pluribus in locis hunc errorem manifestè produnt, maxime lib. 3. cap. 1., & 10. Quapropter Rufinus, quem Pelagii præcursores Sanctus Hieronymus pluribi appellat, ex Oriente cum Melania, Romam repetens, ut faciliorem Pelagianismo sterneret viam, Origenis Periarcon à se latinitate donatum secum tulit; tuens autem, ne sub nomine Origenis malè audiret apud nonnullos, Apologiam pro Origene ab Eusebio Cæsariense conscriptam latine reddidit, eamque sub nomine Pamphili Martyris evulgare cepit. Hæc satis, ut quid in hæc materiâ Origeni deferendum sit, studiosus non ignoret.

XIX. Ad Chrysoftomum dico, eum asseruisse, quod Abraham promeritus sit tanta gratiæ dona, non operibus fidei ante gratiam, & fidem, sed operibus, quæ fidem illius, quâ iustificatus fuit, consecuta sunt. Quare nomine Iusti Abrahamum ibi serè temper vocat, illamque homiliam claudens, Populum suum hortatur, ne terreatur hisce rerum humanarum vicissitudinibus, sed in gratiâ Deo confidat. Aserit autem, Deum suâ gratiâ nos non prævenire, præventionem, quæ necessitatem imponat: ait enim homil. 12. in Ep. ad Hebræos: Quid ergo? Nihil Dei est? omnia quidem Dei sunt, sed non ità, ut liberum arbitrium ladamus. Et infra: non antecedit nobis voluntates, ne ladamus liberum arbitrium. Eâ autem loquendi formulâ sæpè usus est Chrysoftomus, eò quod nondum exortâ hæresi Pelagianâ, præ oculis habebat semper Manichæos suo tempore liberum negantes arbitrium.

XX. Ad Ambrosium verò dico, eum in primo loco loqui de beneficio iustificationis, quod quidem non dormientibus datur, sed se præparantibus per actus fidei, timoris, & spei, qui sunt à gratiâ Spiritus Sancti moventis. In secundo autem loco vult, vel quod D. Petrus factus fuit dignus per gratiam actualem, ut Christus illum aspicere per gratiam iustificantem; Vel quod Petrus factus iustus per gratiam, dignus fuerit, ut ei Christus uberiorem gratiam contulerit; Cùm enim Jesus tunc intus esset coram Sacerdotibus eum interrogantibus: Petrus verò foris, & deorsum in atrio cum servis;

non

non potuit Jesus oculis corporalibus illum respicere. Interioribus ergo tantum oculis Christus eum respexit: ut dicit S. Augustinus lib. de gratiâ Christi cap. 45. *Quod ibi scriptum est: respexit eum Dominus: intus actum est, in mente actum est, in voluntate actum est. Misericordiâ dominus latenter subvenit, cor tetigit, memoriam revocavit, interiore gratiâ suâ vîsitavit Petrum.*

XXI. Obijciunt tandem varia Augustini testimonia. Primum est ex Ep. 101. aliâ 49. ad Deo gratias, quæ est de sex quaestionibus contra Paganos qu. 1., ubi de Religione Christiana: *salus* (inquit) Religionis hujus, per quam solam veram salus vera, veraciterque promittitur, nulli unquam defuit, qui dignus fuit, & cui defuit, dignus non fuit.

Secundum est ex traß. 10. in Joann. ubi monet Cathecumenos, ut se ad gratiam præparent. Hic loquitur ad Cathecumenos omni gratiâ destitutos: nam si eam haberent, non esset, cur ad eam se præparent.

Tertium ex traß. 16., ubi ait: *Si non traheris, ora, ut traharis.* Si ergo gratiâ homo traheretur, non esset, cur oraret, ut traheretur.

Quartum ex homil. 12. inter 50. ubi docet, in potestate nostra esse, ut consentiamus Deo, vel Diabolo.

Quintum ex lib. 19. de Civit. Dei cap. 13., ubi docet, Deum ex pacto dedisse mercedem iis, qui bonis temporalibus bene uti sunt: his Verbis: eo pacto acquisimo, ut qui mortalis talibus bonis paci mortalium accommodatis reâd usus fuerit, accipiat ampliora, atque meliora, ipsam scilicet immortalitatis pacem, eique convenientem gloriam, & bonorem in vita æterna ad fruendum Deo, & proximo in Deo. Ecce S. Augustinus fatetur, adesse pactum, ut, qui se dignum, bene utendo temporalibus reddat, accipiat à Deo gratiam, & gloriam.

XXII. Respondendum est ad singula. Ad primum respondet Augustinus ipse lib. 2. Retraß. cap. 31. Explicans se his Verbis: *Quod dixi: Salus Religionis hujus, per quam solam veram salus vera, veraciterque promittitur, nulli unquam defuit, qui dignus fuit, & cui defuit, di-*

gnus non fuit: Non ita dixi, tanquam ex meritis suis, quisquam dignus fuerit: sed quemadmodum ait Apostolus: non ex operibus, sed ex vocante dictum esse, major serviet minori: quam Vocationem ad Dei propositum asserit pertinere. Unde dicit (2. ad Thimoth. 1. 9.) non secundum opera nostra, sed secundum propositum suum. Itâ August., & lib. de prædest. SS. cap. 10. *Si deficiatur* (inquit) *& quaratur, unde quisque sit dignus, non defunt, qui dicant, voluntate humanâ, nos autem dicimus, gratiâ, vel prædestinatione divinâ.*

Ad secundum dico, Augustinum monere Cathecumenos, ut se præparent, non ad gratiam Vocationis ad fidem, seu ad fidem: hanc enim, si Cathecumeni sunt, supponit eos saltem imperfectè habere; sed ad gratiam uberius illi illustrationis, & ad ipsam justificationem, ad quam certè debemus nos præparare per actus à gratiâ actuali procedentes.

Ad tertium respondeo, Augustinum dicere: *si non traheris, ora, ut traharis*: non quia putet, orationem non esse effectum gratiæ, sed ut indicet, orationem, quâ quis orat, ut uberius trahatur, esse effectum gratiæ. Quare Ep. 194. aliâ 205. ad Sixtum cap. 2. Quapropter (inquit) *ne se, vel ipsius orationis meritum, extollat: etiam si... adjutorium datur oranti, fides orat, qua data est non oranti, qua utique nisi data esset, orare non posset. Quomodo enim invocabunt, in quem non crediderunt.*

Ad quartum dico, homiliam illam non esse D. Augustini, sed Casarii, & propterea in editione novissimâ rejici. Attamen eâ admisâ. Respondeo, ibi non excludi gratiam. Dicitur enim: *Et ideo cum per Dei adjutorium in potestate tua sit, utrum consentias Diabolo; quare non magis Deo, quàm ipsi obtemperare deliberas?*

Ad quintum multa dicuntur. Nobis, ut certum esse debet in Doctrina Sancti Augustini, pactum illud æquissimum non esse de danda immortalitatis pace, gloriâ, & vitâ æternâ bene utenti bonis temporalibus exviris naturæ; alioquin sequeretur, gratiam secundum merita nostra dari, quod Augustinus, & Ecclesia.

damaavit in Pelagio, imò & ipsam gloriam, & vitam æternam, quæ est consummatio gratiæ, bono usui per vires naturæ concedi. Factum ergo æquissimum est, Deum in altera vita ampliora bona, nempe immortalitatis pacem, gloriam, & vitam æternam iis daturum esse, qui bonis temporalibus ex gratiæ adiutorio bene in hac vitâ usi fuerint; etenim, ut explicat idem S. Doct. ibi cap. 14., *homo ne ipso studio cognitionis propter humanam mentis infirmitatem in pestem alienius erroris incurrat, opus habet magisterio divino, cui certus obtemperet, & adiutorio, ut liber obtemperet*. Deinde subdit, quòd quia in hac vitâ mortali homo ambulat per fidem; refert ad illam pacem, quæ homini mortali est cum Deo immortalis; ut ei sit ordinata in fide sub æternâ lege obedientiæ. Supponit ergo S. Augustinus, ad rectum usum bonorum temporalium pro immortalitate consequenda necessarium esse Dei adiutorium.

## DUBIUM III.

An Prædestinatio ad Gloriam sit  
proversus gratuita.

## §. I.

*Sententiarum varietas.*

**P**elagiani, & Semipelagiani negarunt, Prædestinationem ad gloriam esse gratuitam. Nec mirum. Cum enim assererent, prædestinationem ad gratiam, hoc est ad gratiam, quâ æterna gloria comparatur, non esse gratuitam, sed ex præviis bonis operibus per vires naturæ faciendis (ut dubio primo ostendimus) consequens erat, ut idem de prædestinatione ad gloriam affirmarent.

Semipelagiani tamen contendebant, Deum ad gloriam prædestinare, non solum ex prævisione meritorum, quæ quis reverâ comparaturus erat, sed nonnuncquam etiam ex prævisione eorum, quæ quis compararet, nisi præmaturâ morte ex hoc seculo ereptus fuisset. Id autem Semipelagiani commenti sunt, ut se extricarent ab argumento, quod contra-

ipsos Catholici petebant ab exemplo duorum parvulorum, quorum alter moritur statim post baptismum, & salvatur; alter vero moritur antequam illum suscipiat, & non salvatur. Cui respondebant, ex iis infantibus, alterum ab baptismum, & gloriam prædestinatum fuisse ex meritis, quæ Deus præviderat, eum fore comparaturum, si ad adultam usque ætatem vixisset; alterum verò fuisse à baptismo, & gloriâ exclusum intuitu demeritorum, quæ Deus præviderat ab eo contrahenda, si vitam ad adultam ætatem pertraxisset. Ità S. Prosper Epistolâ sæpe laudatâ ad S. August. ubi referens Massiliensium Semipelagianorum opinionem de parvulis, quorum alii per regenerationem inter celestis regni assumantur hæredes, alii sine baptismo inter mortis perpetua transcant debitorum, Scribit: *Tales ajunt perdi, talesque salvari, quales futuros illos in annis majoribus, si ad adultam servarent ætatem, scientia divina præviderit*.

II. Molina verò 1. part. qu. 13. art. 3., & 5. disp. 1. membro 6., & 11. Vazquez, Lessius, & qui istorum principia secuntur, volunt, prædestinationem ad gloriam non esse gratuitam, sed ex prævisione meritorum, quæ homo comparaturus esset, in quo cum Semipelagianis conveniunt: differunt tamen, quòd, cum Semipelagiani dicerent, prædestinationem ad gloriam esse ex meritis, per naturæ vires comparandis, vel saltem inchoandis, isti è contra docent, esse ex meritis, comparandis per cooperationem, quam homines gratiæ indifferenter, & versatili prævisi fuerunt præstituri. Non enim Semipelagiani hæretici fuerunt, quia negarint prædestinationem esse gratuitam, & quia dixerint, prædestinationem supponere præscientiam meritorum per scientiam conditionatam, quam modò vocant mediam; sed quia negarint, gratuitam esse etiam prædestinationem ad gratiam, & quòd scientiâ conditionatâ abusi fuerint, docentes, Deum præscire bona opera hominum futura ex viribus liberi arbitrii; & rursum, quòd ex tali prævisione bonorum, vel malorum operum, quæ nunquam essent futura, alios eligeret, alios re-

pue-

pueret; idque locum habere etiam in parvulis; A qua doctrina præfati Theologi se alienos esse protestantur.

Ità igitur suam explicant sententiam. Primò, inquit, Deus creaturam rationalem, præfertim hominem, produxit. Secundò, Prævidit illius peccatum. Tertiò, Statuit illi conferre gratiam, indifferenter tamen, quà possit, nedum à peccato resurgere, si velit, sed & in acceptà gratià usque in finem perseverare. Quarto, Ab æterno prævidit consensum, quem creata voluntas illi gratiæ erat præstitura in tempore. Quintò, Tandem propter prævisum illum consensum Deus Angelos, sive homines elegit, & ad gloriam prædestinavit.

III. Sancti autem Augustinus, Thomas, cæterique Theologi, pene dixerim, omnes, qui à debellatis Pelagianis, & Semipelagianis ad Molinæ usque tempora scripserunt, censent hominis lapsi prædestinationem, seu electionem ad gloriam, esse omnino gratuitam, hoc est, independentem à quorumlibet meritum, sive per gratiam, sive sine gratià comparandorum prævisione. Cum enim velint, gratuitam esse prædestinationem ad specialia Dei beneficia, quæ solis electis dantur, & quæ insalibilem connexionem habent cum gloria, consequens est, ut dicant, prædestinationem ad gloriam esse omnino gratuitam, & antecedentem quorumcumque meritum prævisionem.

IV. Ex Discipulis autem Sanctorum Augustini, & Thomæ aliqui sunt, qui inter divina decreta de hominis lapsi prædestinatione nullum, etiam secundum nostrum concipiendi modum, prioris, & posterioris ordinem admittunt, volentes, uno, & eodem actu Deum simul ad gloriam, & ad merita gratiæ prædestinasse. Qui eundem, si loquuntur ex parte Dei volentis, verum dicunt; Deus enim ex parte volentis unico, indivisibili actu omnia vult. Si tamen loquantur ex parte volitorum, tenendum arbitror cum aliis, unum priùs altero à Deo volitum fuisse. Primò ergo concipiunt, creaturam, quam in peccati foribus jacere vidit, absoluto decreto, per Christum jam volitum, electam fuisse à

Deo, & prædestinatam ad æternam gloriam. Secundò, Ex vi hujus electionis creaturæ electæ preparata fuisse auxilia efficienda, quæ eam moveant ad pietatis opera, quibus ad justificationem se disponat, eamque assequatur, & in acceptà justitià perseveret. Tertiò ex vi illius auxilii fuisse prævisam justificationem, creaturæ electæ, & perseverantiam in illa. Quartò, In mercedem illius perseverantiæ prævisæ concipiunt, statutum à Deo, creaturam illam Cœlesti Beatitudine suo tempore donandam.

Nihil hic dicitur de Pelagianorum, & Semipelagianorum reprobata doctrinà circa adultorum prædestinationem ad gloriam; satis enim superius dictum fuit. Duo solùm hic præstabitur. Primò, Semipelagianum sùstema de parvulorum prædestinatione confutabimus. Secundò, Sententiam nostram de gratuità electione ad gloriam statuemus.

## §. II.

### *Prædestinatio parvulorum, & eorum reprobatio.*

V. Dico primò. Deus ad gloriam non prædestinavit, nec ab eà rejecit parvulos ante usum rationis morientes, ex prævisione operum, quæ egissent, si ad adultam usque ætatem vitam protraxissent. In hac statuenda veritate plurimum laboravit S. August. Probat ergo primò lib. de prædestin. SS. cap. 11. ex textu D. Pauli 1. Cor. 5. v. 10. *Omnes adstabitur ante tribunal Christi, ut referat unusquisque secundum ea, quæ per corpus gessit; sive bonum, sive malum.* Unusquisque ergo adstabit ante Tribunal Christi, recepturus ab eo, sive præmium, sive penam, secundum ea, quæ gessit, dum esset in corpore: *gessit*, inquit Paulus, non adiunxit, *vel gesturus fuit*; atqui parvuli decedentes ante usum rationis, vel cum Baptismo, vel sine Baptismo, nihil sive bonum, sive malum, gesserunt, dum essent in corpore, nisi gesturi fuissent, si ad adultam ætatem pervenissent; ergo non est ratio, cur gloria donentur in præmium, aut ab eà rejiciantur in penam. Quis enim justus ju-

Judex, vel remunerat merita, quæ quis non habuit, esto habiturus esset, aut puniret demerita, quæ quis non patravit, ello patravaturus esset? Certè nullus æquo judicio juberet, suspendi hominem ob sursum, quod non commisisset, licet, si supervivisset, commissurus esset.

VI. Secundò. Ibidem probat hoc alio discursu. Si peccata futura, seu quæ fuissent futura, possunt per Dei judicium in non baptizatis jure puniri, etiam per Dei gratiam baptizatis poterunt dimitti: *Quicumque enim dicit* (inquit S. Doctor) *puniri tantum posse Deo judicante peccata, dimitti autem Deo miserante non posse, cogitare debet, quantum Deo faciat, gratiaque ejus injuriam, quasi futurum peccatum prænoscere possit, nec possit ignoscere.* Cur ergo futuris si diu viverent peccatoribus, cum in parvâ ætate moriuntur, non potius lavacro, quo peccata diluuntur, non subvenitur?

Si dicant, propterea aliquos Baptismo donari, quia eis prævisi fuerint peccaturi, prævisi tamen fuerint acturi poenitentiam, si vixissent; Deus autem poenitentibus peccata dimittit: alios autem sine Baptismo relinquit, & puniri, quia prævisi fuerint, si vixissent, non acturi poenitentiam.

Contra est, inquit August. Si ita est; ergo non jam in parvulis sine Baptismo morientibus peccata originalia vindicantur, sed sua cujusque futura, si viveret: ac in baptizatis non originalia dilui, sed sua futura, si viverent: sed alios acturos fuisse poenitentiam, & idè baptizatos, alios non acturos fuisse prævisos, & idè sine Baptismo exisse ex hac vitâ. Ergo cum ex necessitate Baptismi arguere conamur contra Pelagianos existentiam peccati Originalis, nihil concludimus. Possunt enim respondere, *propter nullum esse peccatum Originale, sed pro suis futuris, si viverent, meritis vel baptizari, vel non baptizari eos, qui de corpore solvuntur infantes...* & in veram remissionem peccatorum baptizari, quamvis nullum ex Adam traherent; quoniam remittuntur eis peccata, de quibus illos Deus poenitentiam præstavit acturos. Ità S. Augustinus.

VII. Tertiò. Hoc idem probat ex illo

Sapientia 4. v. 11. *Raptus est, ne malitia mutaret intellectum ejus.* Super quæ S. Doctor lib. de dono perseverantia cap. 10. sic discurrit. Deus, quem, si diu vixisset, præstavit fidem susceptam relikturum, morte præmaturâ sapè rapit, ne vivendo fiat infidelis; ergo Deus non judicat, nec punit secundum peccata, quæ quis facturus fuisset, si, ne illa committantur, modis omnibus impedit. *Qui enim dicit, relikturum fidem beneficio fuisse concessum, ne habere inciperent, quod graviore impietate desererent, facti indicat, non judicare hominem ex eo, quod prænoscitur male fuisse facturus, si ei quocumque beneficio, ut id non faciat, consulatur.*

Concludit S. Doctor, hanc quaestionem Serm. 26. (alijs 11. de verb. Apost.) cap. 12. *Due parvuli nati sunt: Si debitum quarat, ambo timent massam perditionis. Sed cur Mater alium portat ad gratiam, alium Mater dormiens suffocat? Disturnus es mihi, quid ille meruit, qui portatur ad gratiam; quid ille meruit, quem mater dormiendo suffocat? Ambo nihil boni meruerunt: sed habet singulari luti potestatem, ex eadem massa facere aliud vas in honorem, aliud in contumeliam. Disputare vis mecum? Imò mirare mecum, & exclama mecum: O altitudo divitiarum! ambo in pavore concordemus, ne in errore pereamus. O altitudo divitiarum sapientia, & scientia Dei, quam inscrutabilia sunt judicia ejus, & investigabiles viæ ejus! Scrutare inscrutabilia, fac impossibilia, corrumpere incorruptibilia, vide invisibilia. Inscrutabilia sunt judicia ejus, audisti, sufficiat tibi. Hoc ergo sufficiat & nobis.*

## §. I I I.

*Statuitur causa Prædestinationis ad gloriam.*

VIII. **N**on loquimur hic de Prædestinatione formaliter, ut est pars Providentiæ, quam superius diximus consistere in actu imperii ordinativi mediorum, sed de intentione, seu electione prædestinatorum ad gloriam præ aliis. Etenim prædestinatio, ut dicit actum

adum imperii ordinativi mediorum, cum supponat, nedum electionem prædestinationum ad gloriam, sed etiam electionem mediorum, nempe meritum, supponit absque dubio merita aliquomodo futura, & consequenter à Deo prævisa. Quare de prædestinatione sermo erit, ut dicit primam electionem, quâ prædestinati à non prædestinati discreti à Deo suere, an hæc discretio fuerit gratuita, seu ex mero Dei beneplacito, an verò ex iustitia, ex meritis nempe prævisis. Id, in quo totum dissidium statuimus inter nostram sententiam, & aliorum, est, quod illi existimant, Deum prius eligere hominem ad gratiam, & ad merita, & postea ex prævisione istorum moveri ad illum eligendum ad gloriam. Quare prima radix discernens prædestinatum à reprobo, in eorum sententiâ est electio ad gratiam, & hinc ajunt electionem prædestinatorum ad gloriam esse ex motivo iustitiæ. Nos vero inverso ordine procedentes dicemus, Deam primò suâ misericordie voluntate ex misericordia communis perditionis eligere hominem ad gloriam, & hinc moveri ad eligenda, & conferenda merita, & propter ipsa merita suo tempore gloriam.

IX. Quare distinguimus inter primam electionem ad gloriam, & ipsius gloriæ consecutionem. Ad gloriam primò eligi dicimus antecedenter quancumque meritum prævisionem, & consequenter misericordiam, & gratuitâ voluntate; gloriam verò suo tempore reddendam esse in executione propter merita, idèquæ ut coronam, & ex motivo iustitiæ. Quare distinguimus inter motivum primò volendi, seu intendendi gloriam, & motivum eam in executione dandi: Primum dicimus esse prorsus gratuitum. Secundum verò ex iustitiâ. Uno verbo. Est Deus non propter merita velit primò dare gloriam, vult tamen eam dare propter merita, ly propter dicente motivum dandi, non verò dicente motivum volendi in intentione. His explicatis.

X. Dico primò. Gloria de facto reddi tunc prædestinatis adultis propter eorum bona opera, & consequenter gloria, ut danda, ex meritis est, & ut corona. Est contra Calvinum, ejusque gregales, ve-

lentes, gloriam dari quidem bene operantibus, non tamen propter merita, sed propter divinam promissionem; quâ gratuito voluit eam promittere, & hoc idèd dicunt, quia falsò putant nostris operibus quantumvis bonis nihil inesse meriti, quia nunquam tam pura, ut placere sine venia possint, sed aliquibus semper maculis, & maculis aspersa esse, semperque deesse bonis fidelium operibus summam puritatem, qua Dei conspectum ferre possit: ut ait Calvinus de necessitate reformanda Ecclesiæ. Qui propterea statuit: de remuneratione operum: ne pendere ex eorum merito, vel pretio existimetur, sed ex merâ potius Dei benignitate. Cui adhærens Gomarus analysi in cap. 4. Joann. pag. 185. Neque aliter (inquit) operibus hominum bonis debita (vita æterna) aut à justo iudice danda dicitur 2. Timoth. 4. v. 8. quàm ratione gratuita promissionis Dei, quâ debitum officium præstantibus indebitam vitam promissit; idèquæ ex veritatis iustitiâ (qua rei promissa præstationem requirit) debitorem vitam æternam gratis danda sese constituit Deus, ac gratis donat.

XI. Sed vitiosissimum docendi genus est (dicam cum S. Hieronymo Episc. 50. aliàs 103. ad Paulinum) depravare sententiam, & ad voluntatem suam scripturam trahere repugnantem. Quid enim apertius in Scripturâ, quàm bene operantibus vitam æternam à Deo dari, non ex merâ fidelitate, sed ex iustitiâ? Bonum certamen, certavi (inquit Paulus 2. ad Timoth. 4. v. 7. 8.) cursum consummavi, fidem servavi. In reliquo reposita est mihi corona iustitiæ, quam reddet mihi Dominus in illa die iustus Iudex: non solum autem mihi, sed & iis qui diligant adventum ejus. Ecce vitam æternam post certamen, & cursum consummatum, post fidem servatam, repositam Paulo, & omnibus, qui diligunt adventum ejus, ut coronam, & ut coronam iustitiæ, reddendam à Domino, ut iusto Iudice. Nunquid quod ex purâ fidelitate datur, confertur ut corona iustitiæ? nunquid qui purè præstat, quod promissit, dicitur se gerere ut iustum iudicem? Cur vita æterna corona iustitiæ est, si non datur ex meritis? Cur Dominus in eâ reddendâ iustus Iudex est, si non remunerat merita; sed gratis donat?

nat? *Ista utique jam merita sua bona commemorat (Paulus) ut post bona merita consequatur coronam, qui post merita mala consequentur est gratiam, inquit S. Augustinus lib. de gratiâ, & lib. arbitr. cap. 6.*

XII. Fateor, ista bona merita radicaliter esse dona Dei, qui gratiose donavit gratiam, quâ fierent. Nam eni redderet (prosequitur Augustinus) coronam iustus iudex, si non donasset gratiam misericors Pater? Et quomodo esset ista corona iustitia, nisi præcisset gratia, quâ iustificat impium? Quia tamen homo suâ voluntate eadem bene usus est gratiâ ipsamet, dona Dei esse merita sua. Idèd dicere etiam potuit Augustinus. Quomodo ista debita redderetur, nisi prius illa gratuita donaretur? Et propterea. S. Thomas in 1. Timoth. 4. lect. 2. dicendum est (inquit) quod est ibi gratia quantum ad radicem merendi: iustitia quantum ad alium, qui procedit ex voluntate.

XIII. Vitam æternam reddi ex meritis, & propter merita, testatur ulterius Scriptura, quæ eam vocat nomine *Mercedis*, Matth. 5. v. 12. *merces vestra copiosa est in Cælis*, quod repetitur Lucæ 6. v. 23. & 35. 1. Cor. 3. v. 8. unusquisque propriam mercedem accipiet secundum suum laborem. Mercedem, inquam, eo modo, quo datur Operariis, qui laboraverunt in Vineâ (Matth. 20.) Tunc sic; sed quod datur tanquam merces operario, quod datur secundum laborem, datur ex vera iustitia, & ex merito, non ex gratiâ: unde Paulus Roman. 4. v. 4. *Ei (inquit) qui operatur, merces non imputatur secundum gratiam, sed secundum debitum: gratiam enim ex operibus non est.* Rom. 11. v. 6. *Si autem gratia jam non ex operibus, alioquin gratia jam non est gratia; ergo &c.*

Sed inquit Gomarus primò. Opera nostra sunt Deo Creatori, & Redemptori debita, ac iussè ab eo mandata; ergo, dum bene operamur, facimus, quòd debemus, nihilque promeremur, secundum illud Christi, Lucæ 17. v. 10. *Cum feceritis omnia, quæ præcepta sunt vobis, dicite: servi inutiles sumus: quod debuimus facere fecimus.*

XIV. Respondeo, verum esse opera nostra pluribus titulis Deo debita esse,

supposito tamen, quòd ea acceptaverit, & propterea promiserit, se daturum gloriam, nostra debita incipiunt esse nostra merita, Deumque constituunt debitorem, non nobis, sed libi. Ità S. Thom. 1. 2. qu. 114. art. 1. ad 3. *Quia actio nostra non habet rationem meriti, nisi ex præsuppositione divinæ ordinationis, non sequitur, quòd Deus efficiat simpliciter debitor nobis, sed sibi ipsi, in quantum debitum est, ut sua ordinatio impleatur.* Neque ex Textu Lucæ quidquam concluditur adversus nos, inquit S. Thomas laudatus ad primum homo enim in quantum propter voluntatem facit illud, quòd debet meretur; alioquin alius iustitia, quo quis reddit debitum, non esset meritorius. Adhò, Christum non dicere: *Cum feceritis omnia, servi inutiles estis.* Sed cum feceritis omnia: dicite: *servi inutiles sumus.* Quibus non tollit à nostris bonis operibus meritum, sed monet, ne ex nostro merito superbiamus, quia opera nostra nobis inutilia forent, nisi Deus suâ gratiâ de nostris debitis fecisset nostra merita; sed potius ante Dei bonitatem humillemur, cuius tanta est erga omnes homines bonitas, ut eorum velit esse merita, quæ sunt ipsius dona.

XV. Dicit secundò. Opera nostra etfi bona, sunt imparia mercedi; ergo non sunt merita.

Respondeo, ex hoc sequi solùm, opera nostra bona non esse merita, nisi præsuppositâ divinâ ordinatione, & quòd Deus ea coronans exerceat iustitiam non secundum absolutam aequalitatem, sed secundum proportionem quandam, ut docet D. Thom. loco citato art. 1. in corp.

XVI. Dicit tertio. Opera nostra, etfi iusti sumus, sunt imperfecta, quia non implemus omnia mandata, sed in multis offendimus omnes. Jacobi 3. v. 2. *Quia in se carnis contagione vitata, & solum bona, & iusta ex imputatione iustitiæ Christi.*

Respondeo, hunc esse errorem Protestantium, opera hominis quavis iusti, esse sicut pannum maculatum, & labem peccati fordiasa, & solùm munda appropere iustitiâ Christi eis imputatâ; sed hunc errorem detestamur, quàm dicamus, per justificationem peccata non solum



lūm tegi, sed reverā deleri, & opera per gratiam Christi ab homine iusto facta, esse in se ipsis bona, munda, & sancta: *Omnis enim, qui natus est ex Deo, peccatum non facit: quoniam semen ipsius in eo manet, & non potest peccare, quoniam ex Deo natus est*, inquit Joan. Epist. 1. cap. 3. v. 9. & Paulus ad Tit. 2. v. 14. Tito injungebat, ut predicaret, Christum se dedisse pro nobis, ut nos redimeret ab omni iniquitate, & mundaret sibi populum acceptabilem, sectatorem bonorum operum. Quomodo autem Christus nos mundasset, si opera hominis, etsi per Christum iustificati, & sanctificati, forent immunda?

In multis offendimus omnes: & si diximus, quoniam peccatum non habemus, ipsi nos seducimus, & veritas in nobis non est. 1. Joann. 1. 8. idēque dicere quotidie Deo debemus dimitte nobis debita nostra. Fateor. Sed si à gravioribus abstinemus peccatis, & leviora vincere per gratiam Dei studuerimus, merebimur tandem hinc exire sine peccato, & vitā donari eternā. Itā S. Augustinus epist. 157. aliās 89. ad Hilarium cap. 1. qui, inquit, misericordiā Dei adiutor, & gratiā, se ab eis peccatis abstinuit, qua etiam crimina vocantur: atque illa peccata, sine quibus hic non vivitur, mundare, operibus misericordia, & piis orationibus non neglexerit, merebitur hinc exire sine peccato, quamvis cum hic viveret, habuerit nonnulla peccata.

XVII. Dicit quartō. S. Paulus Rom. 6. v. 23. scribit, mortem esse stipendium peccati, vitam verō eternam esse gratiam Dei, ergo non ex meritis, aliās non bene contraheret mortis vitam eternam.

Respondet S. August. Epist. 194. aliās 105. ad Sixtum cap. 5. Apostolum benē, ac verē potuisse dicere etiam stipendium iustitiē vitā eternā: quia sicut merito peccati tanquam stipendium redditur mors: itā merito iustitiā tanquam stipendium vitā aeterna... Unde etiam & merces appellatur plurimis Sanctorum Scripturarum locis. Noluisset tamen hoc dicere ne iustitia se extolleret de humana bono merito, quasi eam habere posset à se, ut postea præsumere Pelagiani, idēque addidit in Christo Jesu Domino nostro.

Tem. IV.

Respondet secundō S. Thomas 1. 2. qu. 114. art. 3. ad 2., Vitam eternam dici gratiam quantum ad primam causam perveniendi ad vitam aeternam, qua est meratio Dei, meritum autem nostrum est causa subsequens. Sed hæc satis: plura enim dicemus in tractatu de iustificatione, & merito, si Deus dederit. Interim videri possunt, quæ diximus in Verā Ecclesiā tom. 2. p. 1. art. 9.

# §. I V.

Electio Prædestinatorum ad Gloriam gratuita ex Scripturis.

XVIII. Dico secundō. Homo non prædestinatur, seu non primō eligitur ad Gloriam ex prævisis meritis per auxilium gratiæ comparandis, sed voluntate prorsus misericordi, & gratiā antevitente omnem meritum prævisionem; quod est idem ac dicere electionem ad gloriam nullam supponere, causam ex parte nostri. Hanc eligo, quia eam modo loquendi Sacre Scripturæ conformiorem, & esse eam, quam prædicavit S. Augustinus adversus Pelagianos, & Semipelagianos, existimo, quamque Ecclesiā in Augustino probavit. Hinc Bellarminus Lib. 2. de gratiā, & lib. arbitrii. cap. 11. postquam ostendit, hanc sententiam nedum Patrum suffragio, sed & publico Ecclesiæ testimonio à Cælestino, à S. Leone, & Gelasio fuisse approbatam, concludit: Itaque sedes Apostolica non tantum semel, sed etiam secundō, & tertiō adversus Pelagianorum reliquias pro defensoribus gratiā, & prædestinationis sententiam tulit, ut jam hæc sententia non quorumvis Doctorum opinio, sed fides Ecclesiæ Catholica esse debeat. Ego autem, qui non usque aded volo procedere, ut adversæ sententię detrahā, eique notam ullam inuram, dico solum, hanc esse sententiam D. Thomæ, & Scoti, & utriusque Scholę Professorum, paucis exceptis Scoti discipulis recentioribus, inter quos Frassen, qui statuti electione efficacis prædestinatorum ad gloriam ex prævisis eorum meritis (nescio quā veritate) subdit: hæc est graviorum, & meliorum nota Theologorum aperta sententia. Sed hoc dimisso.

I

XIX.

XIX. Probo primò ex illo Act. 13. v. 48. Audientes autem gentes gavisæ sunt, & glorificabant Verbum Domini: & crediderunt quotquot erant præordinati ad vitam æternam. Ergo ex iis, qui audierunt concionem Pauli, Judæi contradixerunt, ex gentibus autem multi idè crediderunt, quia hi præordinati erant ad vitam æternam, non idè præordinati fuerant, quia prævisi fuerant credituri.

Secundò ex illo Christi ad Apostolos Joann. 15. v. 16. non vos me elegistis, sed ego elegi vos... ut estis, & fructum afferatis, & fructus vester maneat; atqui hoc non potuisset dicere Christus, si eos ex aliquorum meritorum per gratiam versatilem comparandorum prævisione elegeret: sic enim Apostoli potius cooperando illi gratiæ usque in finem elegerent Christum; ergo &c.

Tertiò. S. Paulus ad Ephef. 1. v. 4. 5. Prædestinationem non refundit in opera bona prævisa, sed potius opera bona refundit in prædestinationem, ut in causam, & radicem: *Elegit nos* (inquit) *in ipso ante mundi constitutionem, ut essemus sancti, & immaculati* (non quia prævidit nos futuros Sanctos)... *Qui prædestinavit nos in adoptionem filiorum per Jesum Christum in ipsum: cujus rationem reddens non ait: pro ut præviderat nos esse futuros, seu secundum præscientiam: sed: secundum propositum Voluntatis suæ.* Et v. 11. *In quo etiam* (inquit) *& nos sorte vocati sumus, prædestinati secundum propositum ejus, qui operatur omnia secundum consilium Voluntatis suæ.* Ecce ergo secundum Paulum ordinem, quem Deum tenuisse in negotio Prædestinationis concipere debemus. Primò secundum propositum, seu consilium Voluntatis nos prædestinando, atque præ multis aliis eligendo, ut essemus sancti, & in sanctitate usque in finem permaneremus. Ex hac voluntate secuta est electio ad gratiam vocationis ad fidem, deinde ad justificationem, tandem ad glorificationem. Hunc ordinem idem S. Paulus expressit Roman. 8. v. 30. *Quos autem prædestinavit, hos & vocavit, & quos vocavit, hos & justificavit, quos autem justificavit, illos & glorificavit.* Ubi Sanctus Thomas in Ep. ad Ephef. cap. 1. lect. 4. cujus quidem (inquit)

prædestinationis ratio non sunt merita nostra, sed mera Dei voluntas, propter quod subdit secundum propositum ejus... *Quod autem secundum propositum prædestinaverit, probat, quia non solum hoc, sed etiam omnia alia, quæ Deus facit, operatur secundum consilium voluntatis suæ.* Hæc D. Tho. & S. Augustinus contra Pelagianum dicentem: *Præciebat ergo Deus, qui futuri essent sancti per liberam voluntatis arbitrium, & idè eos ante mundi constitutionem in ipsa sua præscientia, quæ tales futuros esse præcivit, elegit: sic discussit lib. de Prædestin. SS. cap. 18. Inveniamur ergo verba Apostoli, atque videamus, utrum propterea nos elegerit... quia sancti, & immaculati futuri eramus, an ut essemus... Elegit nos in ipso ante mundi constitutionem, ut essemus sancti, & immaculati.* Non ergo quia futuri eramus, sed ut essemus. Nempe certum est, nempe manifestum est: ideo quippe tales eramus futuri, quia elegit ipse, prædestinavit, ut tales per gratiam ejus essemus.

XX. Respondent contrarii, nos tere-re tempus: nam S. Paulus hic non loquitur (imò nec S. Augustinus) de prædicatione ad gloriam, sed de prædestinatione ad gratiam. Nam dicit *elegit nos in ipso &c.* ut essemus sancti, non, ut essemus beati, electio autem ad gratiam non supponit opera, ea tamen supponit electio ad gloriam.

Sed contra. Nam primò, teste Augustino ibi, ex eodem proposito, quo Deus vocavit nos ad gratiam, vocavit nos ad gloriam. Ex hoc (inquit) proposito ejus est illa electio propria vocatio, quibus omnia cooperantur in bonum, quia secundum propositum vocati sunt; ergo si electio ad gratiam, quia secundum propositum est, gratuita, & non ex operibus est, gratuita etiam, & non ex operibus erit electio electorum ad gloriam, quæ ex eodem proposito est.

Secundò. Electio ad gratiam est effectus electionis ad gloriam, seu prædestinationis juxta dictum Pauli præallatum. Quos autem prædestinavit, hos & vocavit, & quos vocavit, hos justificavit; ergo si electio ad gratiam antecedit merita, & non supponit, multò magis ea antecedit electio ad gloriam.

Ter-

Tertiò. Modus loquendi S. Pauli indicat, se loqui de prædeterminatione ad perseverantiam usque in finem, cui conjuncta est prædeterminatio ad gloriam. Ità S. August. lib. de Dono Persever. cap. 7. ubi postquam dicit: Deus ergo donat perseverantiam, statim subdit: Ipsa est prædeterminatio Sanctorum, quos elegit in Christo ante constitutionem mundi, ut essent sancti &c. & cap. 9. ubi loquens de duobus piis, cur huic donetur perseverantia usque in finem, illi non donetur: dicit: Illud fidelibus debet esse certissimum, hunc esse ex prædeterminatis, illum non esse. Et adducto testimonio 1. Joann. 2. v. 19. Nam si fuissent ex nobis, mansissent utique nobiscum, ait: Quid est quaso, non erant ex nobis, nam si fuissent ex nobis, mansissent utique nobiscum? Nonne utrique à Deo creati, utrique ex Adam nati, utrique de terra facti erant? ... Nonne postremo utrique vocati fuerant, & vocantem secuti, utrique ex impiis iustificati, & per lavacrum regenerationis utrique renovati? Vera sunt hæc: secundum hæc omnia ex nobis erant: verumtamen secundum aliam quandam discretionem non erant ex nobis; nam si fuissent ex nobis, mansissent utique nobiscum. Qua est tandem ista discretio? Patent libri Dei; non avertamus ad spectum. Clamat Scriptura divina, adhibeamus auditum. Non erant ex eis; quia non erant secundum propositum vocati: non erant in Christo electi ante constitutionem mundi: non erant in eo sortem consecuti: non erant prædeterminati secundum propositum eius, qui universa operatur. Nam si hoc essent, ex illis essent, & cum illis sine dubitatione mansissent. En quomodo S. Augustinus ad prædeterminationem nedum ad gratiam, sed ad perseverantiam, & ad gloriam refert præfata Pauli verba.

§. V.

Gratuita Prædeterminatio ex Paulo ad Rom. 9.

XXI. **C**larissimum pro gratuita prædeterminatione argumentum exhibet S. Paulus ad Rom. 9. ubi proponens exemplum Prædeterminati, & Reprobii. Jacob, & Esau ait: à v. 11. Cum enim

non dum nati fuissent, aut aliquid boni egissent, aut mali (ut secundum electionem propositum Dei maneret) non ex operibus; sed ex vocante dictum est ei: (idest Rebecca) quia major serviet minori, sicut scriptum est: Jacob dilexi, Esau autem odio habui. Ex quibus pie arguo. Ità se habet ex Paulo prædeterminatio ad gloriam, sicut se habet Dei dilectio erga Jacob, hujus enim dilectio figura prædeterminationis est; sed Dei erga Jacob dilectio non est ex operibus, etiam prævisis, sed ex gratuito Dei proposito; ergo nec hominis lapsi prædeterminatio est ex operibus prævisis, sed ex gratuito Dei proposito.

Verum quia huic doctrinæ velut nimium asperæ poterat quis opponere. Si Deus elegit Jacob, & odio habuit Esau, antequam aliquid boni, aut mali egissent; ergo in Deo locum habebit iniquitas, id est acceptio Personarum, dicens v. 14. Quid ergo dicemus? nunquid iniquitas apud Deum? Sanè si Paulo persuasum fuisset, Deum dilexisse Jacob, & odio habuisse Esau, ed quod illius futura bona opera, istius autem mala præseivisset; hinc locus erat, ut ad ea confugeret; Cum hæc responsio sponte se offerat ei, cui ratum est, electionem illam, & discretionem esse ex prævisis meritis, sive naturæ viribus, sive gratiæ versatilis auxilio comparandis. At ad hanc evasionem Paulus non recurrit, imò in proposito divinæ voluntatis persistens, à vers. 14. Abst. (inquit) Moyse enim dicit, miserebor, ejus miserebor, & misericordiam præstabo, ejus miserebor. Inde opera aperte excludens quæcumque, concludit vers. 16. igitur non volentis, neque currentis, sed miserentis est Dei: & statim posito exemplo Pharaonis, quem excitavit, ut ostenderet potentiam suam, inde infert v. 18. Ergo cujus vult miserebitur, & quem vult indurat.

Porro, cum validiorem sibi objectionem fecisset, nempe, si Deus ad hominis opera in sui dilectione, vel odio non respicit, sed cujus vult miserebitur, quem vult indurat, injustè ergo conqueritur de hominibus, qui in massa perditionis cum Esau, & Pharaone relictis, ejus solâ voluntate indurati bona non agunt; Vo-

luntati enim ejus nemo resistit : *Dicit itaque mihi v. 19. Quid adhuc queritur? Voluntati enim ejus quis resistit?* Huic forti argumento respondisset Molinæ Discipulus, Deum jussit conqueri, quia non merâ voluntate, sed ex pravo suæ gratiæ usu prævitæ hominem indurare, dicitur, ac eum præ alio rejicere. At Paulus non ita. Imò acriter reprehendens sic arguentem v. 20. *O homo, tu quis es, qui respondeat Deo? suam doctrinam fortiori similitudine confirmat, comparans Deum figulo, & hominem figmento; sic, ut quemadmodum nihil erat in luto potens movere figulum ad faciendum vas in honorem potius, quam in contumeliam, neque vas sanctum in contumeliam potest dicere figulo, quare me fecisti sic? Ità nec homo potest sic dicere Deo. Nunquid (ait v. 20. &c.) dicit figmentum ei, qui se finxit: quid me fecisti sic? An non habet potestatem figulus luti, ex eadem massa facere aliud quidem vas in honorem, aliud verò in contumeliam? Ne autem quis putaret, Deum esse crudelem, quasi vasa, idest homines ad interitum absque ullo demerito damnetur: concludit dilectionem quidem prædestinatorum exemplo dilectionis Jacob fuisse ex misericordia, sed odium reproborum figuratum in odio Esau fuisse ex iustitia, dicens, à v. 22. Quod si Deus volens ostendere iram, & notam facere potentiam suam, sustinuit in multa patientia vasa ira, apta in interitum, ut ostenderet divitias gloria sua in vasa misericordiae, quæ præparavit in gloriam. Quos & vocavit Græc. Ubi notandum, Apostolum, dum loquitur de vasis ira, non dixisse, quæ aptavit in interitum: sed: apta in interitum, quia peccatum sive originale, sive actuale, quo homo aptatur in interitum, ex ipso homine est, qui corruptione naturæ, seu voluntatis prævitæ sibi accersit interitum. Dum verò loquitur de vasis misericordiae, non dixit præparata in gloriam: sed: quæ præparavit in gloriam. Si autem ex prævisione bonorum operum istos elegerit, sicut ex prævisione malorum reject illos, debuisset eodem modo de utriusque loqui.*

Observationem hæc ex D. Thomæ de summi in cap. 9. ad Roman. lect. 4. ubi ait: *Usus malorum, ad quem utitur eis Deus,*

*est ira, idest pæna, & idæ vocat eos vasa iræ... Adus verò, quem Deus erga eos exercet, non est quidam dispositio ad malum, quia ipsi de se habent dispositionem ad malum ex corruptione primi peccati: unde dicit: Vasa apta in interitum, idest, habentia aptitudinem ad eternam damnationem... Hoc autem solum Deus circa eos agit, quod eos permittit agere, quæ concupiscunt. Unde signanter dicit sustinuit. Et hoc ejus patientiam demonstrat, quod non statim vindictam infert. Unde addit in multa patientia. Loquens verò S. Doct. de vasis misericordiae sic ait: Nominat autem bonus vasa misericordiae, quia utitur eis Deus, quasi instrumentis ad suam misericordiam manifestandam. Ponit etiam alium, quem circa eos Deus exercet. Non enim Deus eos solum sustinet, quasi de se aptos exiliter ad bonum, sed eos præparat, & disponit, vocando ad gloriam. Unde dicit. Quæ præparavit in gloriam. Est autem (adverit S. Doct.) constructio descriptiva, & suspensiva usque hic, ut sit sensus. Si Deus volens hoc facere, quibusdam miseretur, & quosdam indurat, quid contra hoc jussu poteris dici? Quasi dicat: Nihil. Non enim sic quos vult indurat, ut eos peccare compellat, sed sustinet eos, ut secundum suam inclinationem tendant in malum.*

## 6. V I.

*Evæsiones contrariæ propositæ, & rejectæ.*

XXII. **H**OC addeò aperto testimonio valde contorquentur Adversarii, ac multis viis evadere, ejusque vim conantur declinare. Primò ergo respondent aliqui, verba illa: *major serviet minori*, non intelligi de Personis singularibus, Jacob, & Esau, sed de duobus Populis, Israelitico ex Jacob, & Idumæo ex Esau. Illa verò: *Jacob dilexi, Esau autem odio habui*, non intelligi de Prædestinatione, aut reprobatione in ordine ad bona spiritualia alterius vitæ, sed in ordine ad hæreditatem, & bona temporalia vitæ præsentis. Cum enim Gen. 25. v. 23. Rebecca Deum consulere, cur parvuli, quos gestabat in utero, pugnant inter se, hoc accepit responsum: *Dua*

*gem.*

*gentes sunt in utero tuo, & duo populi ex ventre tuo dividuntur, populusque populum superabit, & major serviet minori.* Et Malachia 1. v. 2. & 3. cum Deus dixisset dilexi Jacob, Esau autem odio habui, explicans, quo sensu illum dilexerit, & hunc odio habuerit, subdit: *Posui montes ejus (Esau) in solitudinem, & hereditatem ejus in dracones deserti.* Ergo ex illo Apostoli textu mihi colligitur gratuita prædestinatio: aliis Esau in numero reproborum esset ponendus, quem tamen, filium non pauci sentiunt.

XXIII. Respondeo, nos non disputare de loco Genesis, aut Malachiae, sed de verbis illis, ut à Paulo assumtis. Quamvis enim Scriptura vetus ad litteram loquatur de duobus populis, & de bonis temporalibus; Paulus tamen ad Romanos scribens, modum, quo se gessit Deus erga Esau, & Jacob, ac duos illos populos circa bona temporalia, assumit, ad ostendendum modum, quo Deus se gerit erga homines in bonis spiritualibus, & in ordine ad vitam æternam; per Esau intelligens reprobos, per Jacob, electos, per terram autem promissionis, vitam æternam. Ac proinde sicut se gessit Deus erga Jacob, & Esau, eorumque posteros, unum bonis temporalibus gratis, & nullis operibus etiam prævisis, donando, alterum rejiciendo; sic se gerit bona æterna distribuens, quibus voluit largiens, quibus voluit denegans absque ulla meritorum prævisione: & hoc patet Esau, quia non exclusus ab hereditate æterna, quia tamen exclusus ab hereditate temporalis, assumi potuit, ut figura reproborum. Videatur S. Augustinus, qui totâ serâ epist. 194. aliis 105. ad Sixtum hunc locum de prædestinatis, & reprobis interligit.

Neque dicas. Si textus iste de prædestinatis, & reprobis usurpandus est, cum dicatur, Deum ante ulla bona merita dilexisse Jacob, & ante ulla mala merita odio habuisse Esau, jam sequetur, quod sicut Deus gratis, & ante prævisa merita prædestinavit Jacob, & prædestinat electos, ita ante prævisa demerita reprobavit Esau, & reprobet præcitos, at reprobatio ante prævisa demerita non fit, cum sit adus iustitiæ; ergo &c.

XXIV. Nam respondeo, solum sequi, quod reprobatus Esau fuisse fuerit ante prævisa demerita personalia, non verò ante prævisum demeritum originale: quare Apostolus dicit antequam quidquam boni egissent, aut mali: quibus ostenditur, unum fuisse dilectum, & electum, & alterum odio habitum, ante operum, quæ ipsi facturi essent, & proinde personalium, prævisionem: non tamen ante prævisionem demeriti originalis, cui natura utriusque obnoxia erat. Imò ex hoc ostendit Paulus, Deum virtutem, ac potentiam suam manifestare, quod ex eadem massa damnatâ misericorditer extrahit unum, ut fiat vas in honorem, iustè in eadem alterum relinquendo, ideoque sit, ut meretur, vas in contumeliam.

Ità S. Augustinus epist. 194. citatâ ad Sixtum, ubi instruens ipsum contra Pelagianorum argumenta cap. 2. sic ait: *Sed injustum est, inquiunt (Pelagiani) in unâ, eademque massâ exusâ, hunc liberari, illum puniri.* Respondet: *Nonne ergo justum est utrumque puniri. Quis hoc negaverit? Agamus ergo gratias Salvatori, dum nobis non redditum certumini, quod in damnatione similium nobis debitum fuisse cognoscimus.* Et inferius: *quia universa ista massa meritis damnata est, contumeliam debitam reddit iustitia, honorem dat indebitum gratia, non meritis prerogativa.... sed altitudine divitiarum sapientia, & scientia Dei.* Et S. Fulgentius lib. 1. de veritate prædestinatis, & gratiæ. In uno (inquit) meritis sunt damnationis inventa, alteri verò meritis glorificationis gratuita sunt justificatione collata. Ille unde displiceret, in se habuit: iste autem, unde Domino placeret, ab ipso, cui esset placiturus, acceptus. In omnibus igitur, qui gebennali traduntur incendio, invenit iusta severitas, quod puniat eorum malum; in quibusdam originaliter tractum, in quibusdam etiam vitio propria voluntatis adjectum. Esau ergo primò Deus reiecit ante prævisum vitium propriæ voluntatis, esto non ante prævisum vitium origine contractum.

XXV. Respondent secundo. Dico, quod ibi agitur de Prædestinatione ad bona spiritualia, non agi tamen de prædestinatione completâ, nempe ad gloriam, sed

sed de incompletâ solum, nempe ad fidem, & ad gratiam. Ex quo sequitur, gratuitam quidem esse praedestinationem ad gratiam, sed non ad gloriam.

Sed contra primò. Paulus de illâ praedestinatione loquitur, in quâ discreti fuerunt Jacob, & Esau, quorum unus adducitur ut figura electorum, alter ut figura reprobatorum; ergo loquitur de praedestinatione supponente electionem ad gloriam, & non ad gratiam. utrique communem. Unde S. Augustinus. qu. 154. in Exod. ad illa verba: *Miserere, cui miserum ero &c.* ibi (inquit) plane expressus ostendit vocationem, quâ nos vocavimus in suum regnum, & gloriam: non pro meritis nostris, sed pro misericordiâ suâ.

Secundo. Praedestinos, de quibus loquitur, vocat Paulus vasa honoris, quæ Deus præparavit in gloriam: Reprobos autem vocat vasa ira apta in interitum. Quid autem sunt vasa honoris, quæ Deus præparavit in gloriam, nisi praedestinati nedom ad fidem, sed ad finaliter perseverandum, & proinde ad gloriam? Quid sunt vasa ira apta in interitum, nisi finaliter reprobi? Aliis si vocatio ad fidem sufficeret ad constituendum vas honoris; Judas, qui fuit electus, & vocatus ad Apostolatam, inter vasa honoris esset reponendus.

Tertio. Vasa misericordiæ, & honoris in hoc differunt à vasis iræ, & in contumeliam, quod in illis Deus manifestat divitias suæ gloriæ, idest abundantiam suæ misericordiæ, in istis verò thesaurum iræ, idest abundantiam suæ iustitiæ; atqui hoc discrimen non posset subsistere, si dicerentur vasa misericordiæ, aut iræ per respectum ad solam gratiam: etenim plures sunt, quibus datur gratia ad tempus, quibusque denegatur in aeternum, in quibus incomparabiliter magis manifestatur ira & iustitia, quàm misericordia; & plures è contra sunt, quibus gratia pro aliquo, & multo tempore negatur, ut contigit pio Iatroni, in quibus magis in infinitum abundat misericordia, quàm iustitia: ergo vasa misericordiæ, & iræ; Vasa preparata in gloriam, & apta in interitum dicuntur per ordinem non ad gratiam solum, sed ad gloriam.

XXVI. Respondent alii tertio, Apostolum ibi excludere opera præsentia. Ait enim: eum nondum nati fuissent, aut aliquid boni egissent, aut mali; non autem opera futura ab ipso Deo prævisa.

Sed hanc responsionem dabant etiam Pelagiani, & Somipelagiani. Hanc refellit S. Augustinus, cuius verba audiamus. *Epist. olim. 105. nunc 194. ad Sicutum cap. 8. Mirum est autem (inquit) cum his coarctantur angustiis, in quanta se abrupta præcipitent metuentes vetia veritatis. Ideo inquirunt, nondum natorum alium oderat, alium diligebat, quia eorum futura opera prævidebat. Quis istum acutissimum sensum defuisse Apostolo non miretur? Hoc quippe ille non vidit, quando sibi velut adversantis objectâ questione, non id potius tam breve, tam apertum, tam (sicut isti putant) verum, absolutumque respondit. Cum enim rem stupendam proposuisset, quomodo de nondum natis, nec aliquid agentibus boni, aut mali rectè dici potuerit, quod unum Deus dilexerit, alium odio habuerit, sibi objectâ questione motum exprimens auditoris; Quid ergo dicemus, inquit, nunquid iniquitas apud Deum? abest. Hic ergo erat locus, ut diceret quod illi sentiant: Futura enim Deus opera prævidebat, quando majori minorem servitutum esse dicebat. Non autem hoc Apostolus dicit: sed potius ne quisquam de suorum operum meritis audeat gloriari, ad Dei gratiam, & gloriam commendandam voluit valere quod dixit.*

Idem asserit lib. 1. contrâ duas Epist. Pelagian. cap. 7. ubi allato exemplo Jacob, & Esau postquam dixit, quod Deus non ab alio factum, quod eligat invenit, sed quod inveniat ipse facit: sicut de Reliquiis Israel Scriptum est. Rom. 11. v. 5. Reliquia per electionem gratia salva facta sunt. Si autem gratia, jam non ex operibus, aliquin gratia jam non est gratia. Inde conversus ad Pelagianos. Propter quod, inquit, profectò despicit, qui, dicente veritate non ex operibus, sed ex vocante dictum est; vos dicitis ex futuris operibus, quæ Deus illum facturum esse præsciebat, Jacob fuisse dilectum; atque ita contradicis Apostolo dicenti, non ex operibus, quasi non posset dicere: non ex præsentibus, sed futuris operibus. Sed ait, non ex operibus.

vibus ut gratiam commendaret.....  
Præcedit namque non debita, sed gratuita gratia, ut per illam fiant bona opera &c. Hoc etiam fuscè pertrahat in Enchiridio cap. 98. ubi ait: *Quā in re si futura opera vel bona vel mala illius, qua Deus utique præsebat, vellet intelligi, nequaquam diceret, non ex operibus: sed diceret ex futuris operibus; eoque modo istam solveret questionem, imò nullam, quam solvi opus esset, faceret questionem.*

XXVII. Hic aded claris Adversarii dicunt, Apostolum, & Augustinum excludere quidem opera tum præsentia, tum futura, & prævisa ex viribus naturæ faciendā, ut volebant Pelagiani, & ex parte Semipelagiani, non verò opera prævisa, ut futura ex gratiæ auxilio.

Sed contra est. Vel hoc auxilium gratiæ, ex quo opera bona prævidentur futura, est ex se indifferens & humano arbitrio quasi submissum, ab eoque determinationem expectans, itaut intantum sit efficax, inquantum homo pro sua libertate eo bene utitur; vel est ex se efficax. Hoc secundum non dicunt Contrarii, aliis nobiscum sentirent. Primum verò dici nequit. Primò: quia rediret argumentum, quod D. Augustinus laudatus urget, nempe quod quæstio Apostoli de electione Jacob, & reiectione Esau facillè solveretur, imò nulla esset quæstio, ac multò minus esset ratio exclamandi, & admirandi. Statim enim responderetur: iste est electus cum Jacob, quia prævisus fuit gratiæ sibi datæ consensurus; ille est reiectus cum Esau, quia prævisus fuit eidem gratiæ non consensurus. Neque esset ad rem exemplum adductum à Paulo de figulo respectu vas. Nec posset dicere, non ex operibus, sed ex vocante, imò potius, non ex vocante, sed ex operibus faciendis per gratiam. Hinc S. Fulgentius lib. 1. de Veris. Prædest. ait: *Ex operibus enim sine dubio Apostolus dixisset, si futurorum saltem ibi humanorum operum bona merita cognovisset. Sed quoniam in utroque sola damnationis inesse merita sciuit, electionis causam soli proposito divinæ bonitatis attribuit. Quocirca ex duobus istis fratribus... sola quem voluit à massa damnationis misericordia divina disere-*

vit: cui patrocinata est gratuitorum prædestinatio munerum, non futurorum præscientia meritorum. Videatur ulterius Sanctus Fulgentius loco citato, ubi fuscè prosequitur, ad solam Dei misericordiam referens electionem unius, & ad justum. Dei iudicium reprobationem alterius.

Contra secundò. Ex datā responsione intellectā de auxilio indifferenti sequitur, quod homo facit seipsum vas misericordiæ, seipsum discernit à vasīs iræ, & opus prædestinationis non est opus Dei misericordis, sed hominis volentis, atque currentis. Nam discretio unius præ alio non petitur ab eo, quod est commune, utrique, sed ab eo, quod uni convenit, & non alteri. Cùmque gratia, de se indifferens, sit utrique communis, vasa misericordiæ non discernuntur à vasīs iræ per gratiam indifferenter misericorditer concessam utrique, sed per propriam libertatem, quā unus eam reddit efficacem, ac se facit vas misericordiæ, alter verò eam efficacem non reddit, & se facit vas iræ; atque similitudo figuli ineptia foret.

XXVIII. Sed præstat iterum audire Augustinum in Enchiridio c. p. 32. *Si propterea dictum est: non volentis, neque currentis, sed misericordis est Dei, quia ex utroque fit, & voluntate hominis, & misericordia Dei, ut sic dictum accipiatur: Non volentis, neque currentis, sed misericordis est Dei; tanquam diceretur: non sufficit sola voluntas hominis, si non sit etiam misericordia Dei: Non ergo sufficit & sola misericordia Dei, si non sit etiam voluntas hominis: ac per hoc, si rectè dictum est: Non volentis hominis, sed misericordis est Dei, quia id voluntas hominis sola non implet: cur non & contrariò rectè dicitur: non misericordis est Dei, sed volentis est hominis, quia id misericordia Dei sola non implet? Porro si nullus dicere Christianus audebit: non misericordis est Dei, sed volentis est hominis, ne Apostolo apertissimè contradicatur, restat, ut propterea rectè dictum intelligatur: non volentis, neque currentis, sed misericordis est Dei, ut totum Deo detur, qui hominis voluntatem bonam, & præparat adjuvandum, & adjuvat præparatum.*

XXIX. Iisdem fere verbis loquitur fidelis

dellis S. Augustini Discipulus S. Thomas in cap. 9. ad Rom. lect. 3. ubi postquam dixit, salutem, secundum aliquos, partim esse ex misericordia Dei, partim ex hominis arbitrio: & ita ab illis explicari hæc verba non volentis &c. sed miserentis est Dei. Subiecit: sed si hoc solum in hoc verbo intellexisset Apollolus: cum etiam gratia sine libero arbitrio hominis non vellet neque curras; potuisset è converso dicere non est miserentis Dei, sed volentis, & currentis, quod aures pia non ferunt. Unde plus aliquid ex his verbis intelligentium est, ut scilicet principaliter gratia Dei attribuitur. Semper enim actio magis attribuitur principali agenti, quam secundario, puta si dicamus; quod securus non facit arcam, sed artifex per securum: Voluntas autem hominis movetur à Deo ad bonum, unde supra cap. 8. v. 14. dictum est: Qui Spiritu Dei aguntur, hi sunt filii Dei; & ideo hominis operatio interior non est homini principaliter, sed Deo attribuenda, Philipp. 2. v. 13. Deus est, qui operatur in nobis velle, & perficere pro bona voluntate.

Prævidens autem adversariorum instantiam, nempe, quod si hoc esset, tolleret humanam libertas; prosequitur sic: Sed si novum est volentis velle, neque currentis currere, sed Dei moventis ad hoc hominem, videtur quid homo non sit Dominus sui actus, quod pertinet ad libertatem arbitrii. Ecce instantiam familiarem. Cui respondet; Et ideo dicendum est, quod Deus omnia movet, sed diversimodè, in quantum scilicet unumquodque movetur ab eo secundum modum naturæ suæ; & sic homo movetur à Deo ad volendum, & currendum per modum libera voluntatis. Sic ergo velle, & currere est hominis ut liberè: non autem est hominis, ut principaliter moventis, sed Dei.

## S. V I I.

*Prædestinatio gratuita ex Patribus.*

XXX. **Q**uemadmodum Patres, qui ante Arianam hæresim flouruerunt, pauca de Filii consubstantialitate locuti sunt: ita qui Pelagium Prædestinationis, & Gratia hostem.

apertum præcesserunt, non admodum solliciti fuere de causâ Prædestinationis, & Gratia investigandâ. Tunc solum caput servare de hæc re rigorosum criterium, cum Pelagius, ut liberum extolleret arbitrium, de gratiâ, & divinâ Prædestinatione male loquutus fuit. Tunc, inquam, caput inquiri & apparere, quænam esset hæc de re Catholica sententia. Ut enim docet S. Augustinus lib. 7. Confess. cap. 19. Improbatio hæreticorum facit eminere quid Ecclesia sentiat, & quid habeat sana doctrina. Et hoc modo ait lib. di. v. Relig. cap. 8. Hæretici plurimum profant, non verum docendo, quod nesciunt; sed ad verum querendum carnaliter, & ad verum apriendum spiritaliter Catholice existando.

Cum ergo Pelagius eruperit D. Augustini, & Hieronymi temporibus, uterque in ejus errore confutando, & Catholica veritate aperienda laboravit. In hoc Augustinus emicuit, cujus doctrina ut doctrina Ecclesiæ habita fuit, & quod magis impetita, ed fortior evasit. Quare cum (eo iam vitâ fundo) quærelæ, contra ejus scripta delatæ ab aliquibus fuerint ad Celestinum Papam, h's eximius laudibus ejus doctrinam celebrans, talibus verbis ad Episcopos Galliæ rescriptit: Unde resistendum talibus, quos male crescere videmus. Sed quanti in hac materiâ S. Augustini auctoritas faciendâ sit superius ostendimus, & videri potest S. Prosper lib. contra Collatorem cap. 21.

XXXI. Probo ergo, Augustinum Prædestinationem gratuitam ad gloriam docuisse, sic. Eam de prædestinatione Augustinus sententiam docuit, quam in ipso reprehenderunt, & de quâ scandalizati fuerunt Semipelagiani, dicentes, per eam correctionem, indulgentiam, orationem tolli; atque huiusmodi non poterat esse prædestinatio dependens à meritis præviis, sed prædestinatio antecedens merita, & prorsus gratuita: ergo hanc docuit S. Augustinus. Maj. videtur certa; quia S. Doctor nunquam conqueus est, sibi in doctrinâ Prædestinationis à Semipelagianis imponi. Imò doctrinam de Prædestinatione à Prospero, & Hilario Semipelagianorum nomine sibi propositam, ut suam agnosceret, & objectiones contra eam, quas



quas per eodem ad ipsum detulerant, solvit: ergo ea quam Semipelagiani in eo reprehendebant de prædeterminatione, erat vera Augustini doctrina.

Nunc probanda est minor. Doctrina prædeterminationis, quam in Augustino Semipelagiani reprehendebant erat illa, ex qua putabant, sequi humane libertatis excidium, induci fatalem necessitatem, tolli omnem prorsus industriam, homines in desperationem trahi: sic enim in Epist. ad August. Sanctus Prosper refert: *Multi servorum Christi, qui in Massiliensi Urbe consistunt in Sanctitatis tua scriptis, qua adversus Pelagianos hæreticos condidisti, contrarium putant Patrum opinioni, & Ecclesiastico sensui quidquid in eis de vocatione electorum secundum Dei propositum dispensasti. Et ne quis ambigat, an S. Prosper hic loquatur de solâ electione ad gloriam, subdit: Hoc autem propositum vocationis Dei, quo vel ante mundi initium, vel in ipsâ conditione generis humani eligendorum, & rejiciendorum dicitur facta discretio, ut secundum quod placuit Creatori, alii vasa bonorum, alii vasa contumelie sint creati, & lapsi curam resurgendi adimere; & Sanctis occasionem teporis adferre, eò quòd in utraq; parte superfluus labor sit, si, neque rejectus ullâ industriâ possit intrare, neque electus ullâ negligentia possit excidere. Quoquo enim modo se egerint, non posse aliud erga eos, quàm Deus definivit, accidere... removeri itaque industriam, tollique virtutes, si Dei constitutio humanas præveniat voluntates, & sub hoc prædeterminationis nomine, fatalem quandam induci necessitatem.*

Hæc adversus Augustinianam prædeterminationem opponebantur capita. Quòd assereret discretionem eligendorum, & rejiciendorum, quâ alii vasa contumelie sint creati, factam esse secundum quòd placuit Creatori: cùmque Dei propositum sit infructuabile inferebant, lapsi curam resurgendi adimere, Sanctis occasionem teporis adferre, removeri industriam, tolli virtutes si Dei constitutio humanas præveniat voluntates. Quoquo enim modo homines se egerint non potest aliud, quàm Deus definivit, accidere. Hæc certe non opposuissent, contra prædeterminationem.

Tom. IV.

nem, quæ nihil statueret, nisi dependenter à prævisione meritum, quæ quisque facurus esset; ergo hæc opponebant, quia prædeterminatio, quam Augustinus docebat erat independens, & antecedens prævisionem meritum. Eò vel maxime quia si hujusmodi querelas ex prædeterminatione dependente à meritis Semipelagiani intulissent; Augustinus eis respondens in libris de Prædeterminatione Sanctorum, & de dono Perseverantiæ, eos monuisset (quod Adversarii facerent, imò vir maxime rudis facere posset) se non ponere prædeterminationem, & discretionem eligendorum à rejiciendis, in propositio, & placito Creatoris antecedente humanas voluntates, sed eas subsequente, & supponente prævisa unicujusque merita. Quod tamen Augustinus non præstitit. Imò lib. de dono perseverantia cap. 15. eadem inconvenientia, quæ Semipelagiani inferebant contra prædeterminationem secundum propositum, ostendit inferri etiam ex prædeterminatione secundum præscientiam. Cùm enim sibi opposuisset Semipelagianorum querelam, responderet: *Ista cum dicuntur, ita nos à constituenda vera Dei gratia, idest, qua non secundum merita nostra datur, & à constituenda secundum eam prædeterminatione Sanctorum (ecce Augustinus asserentem prædeterminationem Sanctorum esse secundum gratiam, & non secundum merita, eo modo, quo ipsa gratia) detertere non debent, sicut non deterremur à constituenda præscientiâ Dei, si quis de illâ populo se loquat, ut dicat: sive nunc rectè vivatis, sive non rectè, tales eritis postea, quales vos Deus futuros esse præscivit, vel boni, si bonos, vel mali, si malos. Nunquid enim, si hoc audito nonnulli in torporem, segnitatemque vertantur.... propter eò de præscientiâ Dei falsum putandum est esse, quod dictum est? hinc.*

Hoc idem manifestè offendo. Semipelagiani id non reprehendebant in Augustino, quod ipsi ultro admittebant; sed prædeterminationem ad gloriam dependentem à prævisione meritum ipsi ultro admittebant; sic enim apud Prosperum, epist. ad August. loquuntur: *Qui autem credituri sunt, quia in eâ fide, qua deinceps per Dei gratiam sit juvanda, mansu-*

X

vi

ri sunt, præfuisse ante mundi constitutionem Deum, & eos prædestinasse in regnum suum, quos gratis vocator, dignos futuros electione, & de hac vitâ bona sine excessibus esse præviderit. Hoc idem aderebant apud Hilarium Episc. ad August. Cæterum (ajebant) præsentiam, & prædestinationem, vel propositum, ad id valere contendunt, ut eos præscieris, vel prædestinaveris, vel proposueris eligere, qui in eum fuerant credituri. Et inferius: Unde illam præsentiam sic accipiunt, ut propter fidem futuram intelligendi sint præfissi: nec cuiquam talem dari perseverantiam, à quâ non permittatur pravariari, sed à quâ possit suâ voluntate deficere, & infirmari. Ex quibus aperte constat, controversiam inter Semipelagianos, & Augustinum fuisse non de solâ prædestinatione ad gratiam, sed etiam ad gloriam; & propterea sicut illi utramque ex prævisione meritum volebant, ita Augustinus utramque gratuitam ex adverso ita tuebatur.

- XXXII. Secundo probo, Prædestinationem ad Gloriam in sententiâ Augustini esse gratuitam, sic. Qui prædestinationem nostram docuit factam esse ad similitudinem prædestinationis Christi, docuit prædestinationem gratuitam, & prorsus independentem à meritis; sed hoc docuit Augustinus; ergo &c. Min. prob. Lib. enim de Prædestin. SS. cap. 15. postquam ostendit, Christi prædestinationem exemplar esse nostræ prædestinationis, ait: Sicut ergo prædestinatus est ille unus, ut caput nostrum esset, ita multi prædestinati sumus, ut membra ejus essemus. Humana his merita conticescant, qua perierunt per Adam. Porro Christi Prædestinationem fuisse gratuitam supra docuerat, dicens: Respondeatur quæso: ille homo, ut à Verbo Patri contermino in unitatem Persona assumptus, Filius Dei unigenitus esset, unde hoc meruit? quod ejus bonum, qualecumque præcessit? quid egit antea? quid credidit, quid petiit, ut ad hanc ineffabilem excellentiam perveniret?

Scio responderi à Frassen, Christi Prædestinationem esse exemplar nostræ prædestinationis ad gratiam, non verò ad gloriam. Sed contra: nam etiam Augustinus ibi loquatur etiam de nostrâ prædestina-

tione ad gratiam, loquitur tamen quoque de prædestinatione ad gloriam: utriusque enim prædestinationis Christi exemplar, & forma est. Nam sicut in Christo, & per Christum prædestinati sumus ad gratiam, ita in ipso, & per ipsum prædestinati sumus ad gloriam, ad quam suis meritis nobis aperuit viam, ut docet D. Paulus ad Ephes. 1. Ergo si nostrâ prædestinatio ad gratiam, quia conformis prædestinationi Christi, non est secundum meritis; sic nec secundum merita erit nostrâ prædestinatio ad gloriam: sicut nec prædestinatio Christi ad gloriam animæ fuit ex meritis. Præterea: antea produxerat exemplum duorum parvulorum, quorum unus baptizatus, alius non baptizatus moritur. Ubi certè loquitur de prædestinatione ad gratiam, & gloriam unius, & refectione à gratiâ, & gloriâ alterius. Cum ergo ibi cap. 14. dicat, quod hæc *scilicet* indicant misericordiam, & judicium: misericordiam quidem gratuitam, judicium debitum; evidens est, Augustinum statuere ex misericordiâ, & gratuitâ, prædestinationem nedom ad gratiam, sed & ad gloriam.

XXXIII. Porro, ut appareat, quàm sint à mente Augustini alieni, qui volunt, eum docuisse quidem gratuitam prædestinationem ad gratiam, non tamen ad gloriam: præter dicta, voco studiosum ad librum de corrept. & gratiâ cap. 7. Ubi ad illa verba. Matth. 20. 16. *Multi sunt vocati, pauci vero electi*, ait: sed quoniam secundum propositum vocati sunt; profectò & electi sunt per electionem, ut dictum est, gratia, non præcedentium meritum suorum, quia gratia illis est omne meritum. Deinde ad illa Pauli verba. Rom. 8. v. 28. &c. Quos prædestinavit, illos & vocavit &c. Ex illis (inquit) nullus perit, quia omnes electi. Electi sunt autem, quia secundum propositum, vocati sunt: propositum autem, non suum, sed Dei, de quo alibi dicit. Ut secundum electionem propositum Dei maneret, non ex operibus, sed ex vocante &c. Rom. 9. v. 11. Ut verò manifestum faceret, de quâ electione loqueretur, post multa ait: *electi sunt autem ad regnandum cum Christo*. Rursus ad verba Domini Joann. 6. v. 71. *Nonne ego vos* *duodecim*

cim elegi, & unus ex vobis diabolus est? dicit: illos debemus intelligere electos per misericordiam, illum per iudicium: illos ad obtinendum regnum suum, illum ad fundendum sanguinem suum.

Item *ibid.* cap. 8. querens, cur Deus uni det perseverantiam, & alteri non; cur ex duobus pueris unum ad baptismum trahit, & introducit in Regnum, et si parentes sint infideles, & impii; alterum. verò ex fidelibus, piisque parentibus ortum, sine baptismo mori sinat, & à Regno Cælorum excludat. Cur illum de periculis huius vitæ rapiat, ne malitia mater intellectum ejus; alium verò non rapiat, & eum corrumpi sinat, & damnari: Nihil respondet de præsentia operum, sive nature, sive gratiæ, sed fateatur se ignorare ejusmodi diversitatis causam, exclamans: O altitudo divitiarum &c. Rursus *ibid.* cap. 9. ad illa Christi verba, ut omne, quod dedisti mihi, non pereat, ait: Hi ergo Christo intelliguntur dati, qui ordinati sunt in vitam æternam. Ipsi sunt illi prædestinati, & secundum propositum vocati, quorum nullus perit. Unde patet, quòd qui dicunt; omnes iustificatos posse dici datos Christo à Patre, esse finaliter perseveraturi non sint, loquuntur contrà Augustinum, imò contrà Script. Jo. 6. v. 39. Hac est autem voluntas ejus, qui misit me Patris, ut omne quod dedit mihi, non perdonam ex eo.

Tandem cap. 13. *ibid.* Loquens de numero prædestinatorum: Numerus ergo (inquit) Sanctorum per gratiam Dei Regno prædestinatus, donatà sibi etiam usque in finem perseverantiâ, illuc integer perducetur.

XXXIV. Probo tertio principale assertum. Qui admittit intentionem efficacem in Deo conferendi aliquibus gloriam, & hanc docet esse causam, quare, sic electi dentur gratia, cætera donat, & merita, quibus eam comparare possint, docet prædestinationem, seu electionem ad gloriam, esse ante prævisa merita, & consequenter gratuitam; quia nullus effectus potest prævideri futurus ante suam causam: sed Augustinus id docuit; ergo docuit prædestinationem ad gloriam esse gratuitam.

Min. prob. 1. ex lib. de Prædest. 55. cap.

20. ubi cum dixisset, Deum in prædestinandis hominibus ad gloriam se gerere, sicut se gerit in prædestinandis hominibus ad regnum terrenum; & si quibusdam non placeret ista similitudo, asserentiis non bene duci similitudinem à regno terreno ad Regnum Cæleste: Quare displicuit ista similitudo? ait S. Dodor. An forte quis ostendimus Deum egisse in cordibus hominum, & ad hoc perduxisse, quorum ei placuit voluntates, ut Rex constitueretur Saul, siue David; idè hæc exempla causa huic convenire non putant, quoniam non hoc est temporaliter regnare in hoc seculo, quod est in æternum regnare cum Deo; ac per hoc existimant ad regna terrena faciendâ Deum inclinare: ad regnum vero Cæleste obtinendum Deum non inclinare, quorum voluerit voluntates? Sed puto propter regnum Cælorum, non propter regnum terrenum esse dictum: Inclina cor meum in testimonia tua. Vel à Domino gressus hominis dirigetur, & viam ejus volet &c. pluribusque aliis scripturarum adductis testimoniis, Deum his, quos voluit, ad Regnum Cæleste parare media, eorum: corda, gressus, voluntates inclinare probantibus, concludit: Audiant hæc, & alia quacumque non dixi, quibus ostenditur Deus ad Regnum etiam Cælorum, & ad vitam æternam parare, & convertere hominum voluntates. Cogitate autem, quale sit, ut credamus, ad constituendâ regna terrena hominum voluntates operari Deum; & ad capeßendum Regnum Cælorum homines operari voluntates suas.

Secundò probatur eadem min. ex lib. de corrept. & gratiâ cap. 7. ubi postquam ostendit, quòd qui evangelium non audierunt, vel eo audito perseverantiam non acceperunt; & qui per ætatem parvulam nec credere potuerunt, & sine baptismo mortui sunt, si omnes non sunt à massa perditionis discreti ait: discernuntur autem non meritis suis, sed per gratiam Mediatoris. Ex quo B. Cyprianus ad Quirinum scribens, inquit: In nullo esse gloriantur, quando nostrum nihil sit. Exponens deinde, quid faciat Deus in his, quos per gratiam Salvatoris ab illâ massa perditionis discrete, ait: Quicumque ergo ab illâ originali damnatione istâ divina gratia largitate discreti sunt, non est

est dubium, quod & procuratur eis audiendum Evangelium, & cum audiunt, credunt; & in fide, qua per dilectionem operatur, usque in finem perseverant; & si quando exorbitant, correpti emendantur, & quidam eorum, etsi ab hominibus non corripiantur, in viam, quam reliquerunt redeunt; & nonnulli acceptâ gratiâ in qualibet ætate, periculis hujus vitæ mortis celeritate subtrahuntur. Hac enim omnia operatur in eis, qui vasa misericordiae operatur est eos, qui & elegit eos in Filio suo ante constitutionem mundi per electionem gratiâ.... non præcedentium meritorum suorum, quia gratia (electionis) est illis omne meritum: Non ergo impenitentia S. Augustini Deus prius eligit ad gratiam, & ex prævisione boni usus eligit ad gloriam: sed prius gratuito quos vult discernit, & per gratiam Jesu Christi eligit ad gloriam: ex hac electione gratia fit, ut Evangelium audiant, baptizentur, credant, emendantur, perseverent, salventur.

Tertio prob. min. ex Epist. 194. (aliâ 203.) ad Sixtum cap. 7. ubi contendit, intentionem efficacem dandi aliquibus parvulis gloriam, esse unicam causam, quare his baptisma paulô ante mortem conferatur, dum alii sine baptismo mori fiunt. Quam quaso (inquit) allaturi sunt causam, quod alius sic gubernetur, ut baptizatus hinc exeat; alius infidelium manibus traditus, vel etiam fidelium, priusquam ab eis baptizandus offeratur exspirat? Inde præclusis quæ ab adversariis afferri possent, concludit, non aliam assignari posse, quam inscrutabilia Dei Judicia, dicens: Nimia vanitatis, & cecitatis sunt, si etiam his considerandum dignantur exclamare nobiscum: O altitudo divitiarum sapientiæ, & scientiæ Dei! Quàm inscrutabilia sunt Judicia ejus, & investigabiles viæ ejus! Non itaque misericordiae gratuita Dei pertinacissimâ adversentur insaniâ. Nomine autem Judiciorum Dei non aliud intelligere, quàm efficacem electionem ad gloriam Augustinus ipse testatur lib. 4. contra Julian. cap. 8. ubi hanc eandem causam pertrahens: Novit (inquit) Dominus qui sunt ejus, & in eorum salute, atque in summi regni introductione certa est voluntas

ejus. Cum autem Epist. citatâ exemplo parvulorum allato utatur ad explicandum cur Jacob fuerit dilectus, & Esau odio habitus: manifestum est Augustinum velle eandem causam esse prædestinationis adultorum & parvulorum; ac proinde, sicut ista gratuita est, ita & illa.

Quarto prob. min. Eidem voluntati efficaci dandi gloriam tribuit Augustinus omnia adultorum merita. Eidem quæ totius meriti initium est prædestinationi ad gloriam adscribit, dicens Epist. 217. olim 107. ad Vitalem cap. 7. Non enim apud omnes, etiam vobis ornantibus, & glorificabitur Verbum Dei. Quia ipsi utique fuerant credituri, qui ordinati erant in vitam æternam, prædestinati in adoptionem, filiorum per Jesum Christum in ipsum, & electi in ipso ante mundi constitutionem. Eidem intentioni efficaci dandi, vel non dandi gloriam adscribit, cur aliquibus detur poenitentia donum, aliis non detur. Aut enim lib. de Corrept. & gratiâ cap. 14. Omnes homines corrigi debere, quando peccant, etiam emendatio incerta sit: ut si is qui corripitur ad prædestinatorum numerum pertinet, sit ei correctio salubre medicamentum; si autem non pertinet, sit ei correctio panale tormentum. Ad idem reducit, quare uni detur perseverantia, alteri non, eodem lib. de corrept. & gratiâ cap. 9. dicens: Nec nos moveat, quod filiis suis quibusdam Deus non dat istam perseverantiam. Absit enim ut ita esset, si de illis prædestinati essent, & secundum propositum vocatis, qui verè sunt filii promissionis. Et post multa: Fuerunt ergo isti ex multitudine vocatorum; ex electorum autem paucitate non fuerunt. Non igitur filiis suis prædestinatis Deus perseverantiam non dedit; haberent enim eam, si in eo filiorum numero essent.... ac per hoc tales filii Filio Christo dati essent: quemadmodum ipse dicit ad Patrem, ut omne, quod dediti mihi, non pereat, sed habeat vitam æternam. Hi ergo Christo intelliguntur dati, qui ordinati sunt in vitam æternam. Ipsi sunt illi prædestinati, & secundum propositum vocati, quorum nullus perit. Ac per hoc nullus eorum ex bono in malum mutatur finis hanc vitam, quoniam sic est ordinatus, & ideo Christo datus, ut non pereat, sed habeat vitam æternam.

Ex

Ex his omnibus tale argumentum conficio. Quod est causa, cur dentur seu præparentur media efficacia, nempe merita, quibus gloria comparetur, non potest pendere à meritis, nec ea adhuc prævisa supponere; neque enim causi supponere potest futurum, quod ipsa facit esse futurum: Atqui prædestinatio, seu electio, vel ordinatio ad vitam æternam ex Augustino est causa, ut aliquibus dentur media efficacia ad vitam æternam; idè enim parvulo statim morituro datur baptisimus, idè adulto datur, ut credat, ut poenitentiam agat, ut perseveret usque in finem: quoniam sic est ordinatus, & idè Christo datur, ut non pereat, sed habeat vitam æternam: Ergo evidens est, meo videri, secundum Augustinum, prædestinationem ad gloriam merita antecedere, non subsequi. Quare de dono Persever. cap. 14. non timet asserere, quod non profuit Tyriis posse credere, quia non erant prædestinati: nec obsuisset Judæis non posse credere si fuissent prædestinati: Sed nec illis profuit (Tyriis) quod poterant credere, quia prædestinati non erant ab eo, cujus sunt inscrutabilia iudicia, & investigabiles viæ: nec illis (Judæis) obsuisset, quod non poterant credere, si ita prædestinati essent, ut eos cæcos Deus illuminaret, & induratis cor lapideum vellet auferre &c.

XXXV. Hujusce suæ sententiæ fuisse Patres Augustino antiquiores Cyprianum, Gregorium Nazianzenum, Ambrosium, ipsemet testatur, eorumque dicta assert lib. de prædest. SS. cap. 18. & 19.

Prosperum etiam, & Fulgentium eandem cum Augustino de prædestinatione secundum propositum Dei, & non secundum merita sententiam docuisse, liquet ex eorum scriptis.

Prosperi quidem, tum epist. de Ruffinum cap. 11. ubi ait: Certus apud Deum definitusque est numerus prædestinati in vitam æternam populi, & secundum propositum Dei vocantis electi. Deinde procedens ad examinandam causam, quare aliqui elegantur ad regnum, alii rejiciantur, sive ex majoribus natu, sive ex parvulis, ad solam Dei gratuliam voluntatem confluens: Est (inquit) majoribus natu (quod non rectè dicitur) mala opera,

qua libero arbitrio commiserant obferunt; quasi boni, non mali gratiã liberentur inter salvatores parvulos, & non salvatores parvulos, qua meritum potuit esse discretio? quid istos introduxit in Regnum Dei? quid istos exclusit à Dei Regno? Equidem si meritum consideres, non una pars salvari meruit; sed utraque damnari; quia omnibus in Ada pravaricatione prostratis, nisi quosdam adsumeret misericordia gratia, maneret super universos inculpata justitia. Quæ autem sit discretionis istius in secreto Consilio Dei causa, vel ratio, & supra facultatem humanæ cognitionis inquiratur, & sine fidei diminutione nescitur. Videri potest insuper Carmine de Ingratis cap. 18. & 33. ubi ait:

Cur verò humani generis de germine toto

Pars quadam in Christo rursus generanda legatur,

Pars pereat, eam causa eadem simul implicet omnes,

Nec discernantur merito qui munere distant;

Non satis audeamus scrutari....

Deinde ostendit, non obesse fidei hæc nescire; sicut non obesse nescire, quando mundus finietur, cur ex hominibus ejusdem naturæ unus tamen assumatur ad regnum, alter in servitute relinquatur, unus ingenio potens, alter infirmus, unus calidi, alius frigidi temperamenti &c. cilm tamen nemo Deum audiret arguit: Ita nec obest nescire causam, quare Deus unum vocet, alium non. Unde concludit.

Audeat amenr

Impietas tumido arbitrio subnectere causas

Divinorum operum: nos cum mansessa videmus

Dona Dei, quorum est fons unus, summas voluntas

Cum Paulo tremuisse juvat, stupidumque modestè

Invidium ad solium Christi suspendere nutum,

Cujus iudicium se inscrutabile, & altum

Dicimus, ut verax prorsus fateamur, & æquum.

Nam meritum ad mortem subeundum sufficit unumz Ad

*Ad vitam, nisi quod donavit gratia, nullum.*

XXXVI. Fulgentii verò hæc sunt. *Lib. de Fide ad Petrum cap. 3. illi cum Christo regnabunt, quos Deus gratuita bonitate sua prædestinavit ad Regnum.* Et lib. 1. de verit. Prædestin. *Ab illâ igitur massa damnata nemo futurorum præscientiâ operum discernitur, sed miserantiis singuli ope, atque opere segregatur.* Et postea: *Hæc misericordiâ prævenit Jacob, non secundum meritum præteriti, vel futuri cuiusquam humani operis, sed secundum propositum Dei prædestinantis priusquam nasceretur electus est.* Et infra: *Solia quem voluit à massa damnationis gratia divina discrevit: cui patrocinata est gratuitorum prædestinatio munus, non futurorum præscientiâ meritum.* Sic enim secundum electionem propositum mansit, ut ex proposito Dei gratuita foret electio. Ex quibus colligo, mentem Fulgentii esse, Deum prius à massa perditionis gratis eripere, deinde hanc electionem sequi gratuitorum prædestinationem munus, nempe, gratiæ & meritum. Post multa autem transiens ad exemplum duorum parvulorum: *Ubi autem (inquit) duorum prorsus æqualis est causa, non utique possunt merita pronuciari disparia.* Nulla igitur est causa diversitas in infantibus, quæ faciat unum eligi, alterum reprobari. Si verò parentum consideretur voluntas, illi qui Christiani sunt, ut eorum filius baptizaretur sollicitè voluerunt, instantissimè curaverunt; quorum tamen, filius antequam baptizaretur, morte præventus, æternis est ignibus deputatus. Ille verò qui de Infidelibus natus est, contra voluntatem parentum perductus ad gratiam baptismi, factus est heres Dei, & coheres Christi. Quid in his prævidit Dominus futurum, ut uni nihil conferre posset caritas parentalit, & alteri multum crudelitas prædesset hostilis? (Quæ scilicet violentiâ aut furto puerum à parentibus infidelibus eripuit) Quis istam profunditatem mysteriorum Dei penetrare valeat? Quis non tamen hic, & misericordiam gratuitam bonitatis, & iustitiam divina severitatis agnoscat?

XXXVII. Patribus adjungo S. Thomam, qui passim docet, Prædestinatio-

nem ad Gloriam non supponere prævisionem meritum. Tùm qu. 6. de verit. art. 1. ubi querit an præscientiâ meritum sit causa Prædestinationis, & respondet negativè. Tùm in 3. contragentes cap. ultimo. Tùm in cap. 9. ad Roman. lect. 1. & 3. & in cap. 1. ad Ephes. lect. 4. Maximè tamen hæc qu. 23. tam art. 4. quam 5. cujus rationibus probabimus nostrum assertum. Addi possent Doctores scholastici, Scotus, & Scotistarum plures; quin ex Societate Celeberrimi, Academicæ, quæ nostram sententiam amplectuntur; quæ omnia videnda relinquo apud Sylviu in 1. part. qu. 23. art. 5. Sed jam ad rationem accedamus.

### S. V I I I.

*Rationes pro Prædestinatione gratuita.*

XXXVIII. Probatur primò à paritate superius & sæpe allatâ de parvulis. Eodem enim modo discurrendum est de Prædestinatione adultorum, sive eorum, qui ad ætatem adultam sunt perducendi, ac de prædestinatione parvulorum, qui ante ætatem adultam sunt morituri: sed hi prædestinantur unice ex gratiâ Dei voluntate, non autem ex prævisis meritis, quæ comparassent si ad adultam ætatem pervenissent, ut volebant Semipelagiani, & superius cum Augustino improbavimus; ergo &c. Maior patet ex Augustino, Prospero, & Hilario, hoc exemplo Semipelagianos urgentibus; qui nescientes invenire discrimen, dicebant etiam parvulos prædestinari ex prævisione operum, quæ scilicet, si ad adultam ætatem pervenissent.

XXXIX. Respondet Frassen tr. 1. disp. 3. art. 1. sect. 2. qu. 3. de caus. Prædest. Aliquos parvulos rapti statim post baptismum, alios, paulò ante susceptionem baptismi, etiam adhibitâ omni diligentia, ut procuraretur eis baptismus, non provenire ex electione ad gloriam, aut reprobatione, quæ omnem futurorum prævisionem antecedit; sed accidere posse, vel propter negligentiam, aut malitiam parentum; vel propter rerum ordinem, quia nimirum parvulus ille naturaliter erat moriturus, quem rerum ordinem

dinem Deus invertere non tenetur; sicut nec tenetur impedire, quin monstra nascantur, vel quin sequatur mors illius adulti, qui statim post mortale peccatum incidit in amentiam, aut lethargum, vel apoplexiam. Quod si aliquando hunc naturalem cursum immutat, hoc est ob premissas priorem, & maxime parentum preces.

XL. Contrà sic. Igitur nihil mirabile videt Frassen in hoc, quod ex duobus rueris statim moriturus, unus ad baptismum rapiatur, alter non, etiam adhibita omni diligentia; & quod natus ex fidelibus summo opere procurantibus, ut baptizetur, moriatur ante baptismum, natus autem ex infidelibus, furto aut violentia rapiatur, baptizetur, & statim moriatur. In his nullum signum, seu effectum predestinationis unius, & reprobationis alterius, sed purum naturæ cursum, quem Deus noluit impedire, agnoscit Frassen. At non ita senserunt Augustinus, Prosper, Fulgentius relati; ne dicam Paulus ipse, qui in similibus casibus inscrutabilia iudicia Dei volentis unum liberare, alterum in damnatione communi relinquere venerantur, & admirantur, ut superius ostendimus.

XLI. Rursus. Nec propter negligentiam, aut malitiam, nec propter rerum ordinem contingere quod unus moriatur sine baptismo, sicut neque ex parentum merito, ac precibus, quod alter parvulus baptizetur, ostendit S. Augustinus lib. 2. contra duas Epist. Pelagianorum cap. 6. ubi cum Pelagiani tribuerent merito parentum, quod filius baptizaretur ante mortem, & Fato (nimirum naturali cursu rerum) sic petente, alter non baptizaretur, sic contra eos discurrit: *Dicite ergo nobis: quicumque baptizati in Christo parvuli de corpore exierunt, hoc tam sublimis donum, quibus meritis acceperunt? Si dixeritis, hoc eos parentum pietate meruisse: Respondetur vobis: eum aliquando piorum filiis negatur hoc bonum, & filiis tribuitur impletum? Nonnunquam enim de religiosis orta proles in tenera aetate, atque ab utero recentissima prævenitur morte, antequam lavacro regenerationis ablatur; & infans natus ex inimicis Christi, misericordiam Christianorum bapti-*

*zatur in Christo: plangit baptizata mater non baptizatum proprium; & ab impudica expositum, baptizandum casta factum colligit alienum. Hic certe merita parentum vacant.... Qua igitur causa huic parvulo baptismum procuravit, huic negavit? An ipsi fatum habent, quia meritum non habent? an in his est acceptio à Domino personarum? Nam utrumque dixistis, prius fatum, acceptionem postea personarum &c.*

XLII. Præterea. Cur Deus in aliquibus permittit cursum naturæ peragi, in aliis non: eum duobus statim morituris, secundum naturalem cursum, uni adest qui eum baptizet, etiam ex parentibus impiis nato, alteri deest, qui imvis parentis pii hoc optaret? non alia certe causa à vero Christiano adduci poterit, nisi quia illum ad salutem providentiæ speciali ordinaverat, istum vero non. Quare D. Augustinus lib. 4. contra Julian. cap. 8. qui dicebat Deum velle omnes homines salvos fieri, sed idcirco non venire, quia ipsi nolunt, sic arguit: *Si Deus vult omnes homines salvos fieri, & in agnitionem veritatis venire; sed idcirco non veniunt, quia ipsi nolunt, cur tot milia parvulorum, qui non percepto baptismo moriuntur, non veniunt in regnum Dei, ubi certa est agnitio veritatis? Nunquid aut homines non sunt, ut non pertineant ad id, quod dictum est, omnes homines? Aut aliquis potest dicere, Deus quidem vult, sed ipsi nolunt? & post multa concludit: Novit dominus, qui sunt ejus; & in eorum salute, atque in suum regnum introductione certa est voluntas ejus. Ex voluntate ergo Dei aliquos salvandi, vel non salvandi oritur, quod parvulorum aliqui baptizentur, aliqui non. Cumque idem, quod de parvulis, Augustinus dicit de adultis; imò parvulos trahit in exemplum, sequitur, quod, sicut parvulorum prædestinatio absque ulla prævisione meritorum, sed unice à Dei voluntate est, sic & prædestinatio adultorum.*

Hinc citato lib. & capite sic Augustinus prosequitur: *Ubi si dixeris: Cur ergo non convertitis omnium volentium voluntatem? Respondedo: cur non omnes morituri à baptisio lavacro regenerationis infantes, quarum adhuc nullas, & idcirco nec contrarias*

*inven-*

est; ergo velint, nolint adversarii, etiam postea sua provisione meritum, fateri debent, prædestinationem esse gratuitam.

XLVI. Tertiò probatur. Quidquid est gratiæ in prædestinato est effectus prædestinationis ejus, comprehenditur enim sub prædestinatione tanquam sub causâ; idè enim Deus prædestinato dat gratiam, quia ipsum dilexit ad gloriam. Nam ut docet D. Thomas hæc qu. 13. art. 4. *Voluntas Dei quæ vult bonum alicui diligendo est causa, quod illud bonum ab eo præ aliis habeatur.* Ergo & quidquid est à gratiâ erit effectus prædestinationis: sed merita, & bonus usus gratiæ, & ea quæ per gratiam sunt, sunt à gratiâ, ut effectus ejus: non enim distinguitur id, quod est à gratiâ, & id quod est à libero arbitrio, sicut nec id, quod est à causâ secundâ distinctum, est ab eo, quod est à causâ primâ: quia nec illud agit nisi virtute gratiæ, nec ista proportionaliter nisi virtute causæ primæ; ergo nec bonus usus gratiæ, & consequenter nec merita possunt prævideri antea prædestinationem, & esse ratio, cur homo à Deo prædestinetur.

Hæc ratione utitur S. Thomas hæc qu. 13. art. 5. ubi ait: *fuerunt alii, qui dixerunt . . . quod idè Deus dat gratiam alicui, & præordinavit se daturum, quia præscivit, eum bene usurum gratiâ, sicut si Rex det alicui militi equum, quem scit, eo bene usurum.* Quam opinionem rejicit ratione allatâ. Quam etiam refert, & rejicit in cap. 8. ad Rom. lect. 6. his verbis: *Dicunt quidam, quod præscientia meritum honorum, & malorum est ratio prædestinationis, & reprobationis, ut scilicet intelligatur, quod Deus prædestinet aliquos, quia præscit eos bene operaturos, & in Christum credituros, & secundum hoc littera sic legitur: Quos præscivit conformes fieri imaginis Filii sui, hos prædestinavit. Et hoc quidem rationabiliter diceretur, si prædestinatio respiceret tantum vitam æternam, quæ datur meritis: sed sub prædestinatione cadit omne beneficium salutare, quod est homini ab æterno divinitus præparatum. Unde eadem ratio, omnia beneficia, quæ nobis confert ex tempore præparavit ab æterno. Unde ponere, quod aliquod meritum ex parte nostrâ præsupponatur, ejus præscientiæ sit ratio præ-*

Tom. IV.

*destinationis, nihil est aliud, quàm gratiam ponere dari ex meritis nostris. . . . Unde convenientius sic ordinatur littera. . . . Quos præscivit, hos & prædestinavit fieri conformes imaginis Filii sui. Ut ista conformitas non sit ratio prædestinationis, sed terminus, vel effectus.*

XLVII. Quartò. Probatur ratione communi, quæ est D. Thomæ 1. part. qu. 13. art. 5. aliusque in locis, & Scoti in 1. dist. 41. nu. 11. Qui ordinatè vult, prius vult finem, quàm media; sed gloria est finis, & merita sunt media ad illam: ergo Deus qui ordinatè vult, prius vult gloriam, quàm merita, & consequenter antequam illa prævideat ut futura, quia non videt ea futura, nisi ea velit. Maj. prob. quia finis volutus est causa ut eligantur media, sicut principia cognita sunt causa, cur cognoscatur conclusio; Unde Medicus ex voluntate sanandi infirmum movetur ad ei propinandum remedia; & infirmus ex amore sanitatis movetur ad sumendum remedium sibi à Medico propinatum. Minorem omnes Adversarii admittunt, uno Gregorio à Sebenico excepto Carmel. in suo libello *Nova concordia prædestinationis cum libertate humanâ* inter libros proscriptos amandato; qui asserit, gloriam esse quidem finem respectu hominis, qui propter gloriam acquirendam in præmium ponit merita, non tamen esse finem respectu Dei, qui potius quia vult in illis bona opera proponit eis gloriam ut præmium. Sicut respectu Operariorum in Vineâ finis quidem est denarius, propter quem ut mercedem in Vineâ operantur, sed non respectu Domini Vineæ, qui potius pro fine habet culturam vineæ, & propter hanc proponit Operariis denarium.

Sed adversus hanc singularem & contrariam omnium Doctorum menti expositionem clamant etiam Scripturæ, in quibus vita æterna proponitur tanquam finis, ob quem Deus hominem creavit, creatum redemit, ob quem ipsum vocat, justificat. Divus Paulus Rom. 5. ubi exponit finem, ob quem Christus mortuus est v. 21. ait: *ut sicut regnavit peccatum in mortem, ita & gratia regnet per justitiam in vitam æternam.* Ibid. cap. 8. ostendit Deum homines prædestinasse, ut eos vocet,

L



caret, vocasse, ut iustificaret, iustificasse, ut glorificaret v. 30. *Quos autem praedestinavit, hos & vocavit, & quos vocavit, hos & iustificavit, quos autem iustificavit, illos & glorificavit*: quibus finem Dei proximum quidem in toto ordine praedestinationis fuisse hominis glorificationem aperte ostendit, ultimum, verò suae bonitatis ostensionem. Unde, ibid cap. 9. v. 13. *Ut ostenderet (inquit) divitias gloriae suae in visâ misericordia, quae preparavit in gloriam*. Non ergo Deus elegit gloriam dare ut medium, & bona opera ut finem, sed ad bona opera hominem praedestinavit, ut per ea illum ad gloriam perduceret. Nec se habet gloria respectu Dei ut denarius respectu Domini-Vinea, sed potius ut collectio frugum ex cultura proveniens, quamvis sine labore non exerceatur, nec labor sine mercede. Sic Gloria quamvis non reddenda, sine meritis, & nisi ut primum meritum, non fuit tamen primum volita ut primum, sed ut ex glorificatione hominum per merita implenda divitias suae bonitatis ostenderet; sicut qui eligeret aliquem ad regnum, quamvis illud non esset obtinendum nisi labore, nemo diceret, laborem esse finem eligentis, regnum autem esse medium. Gloria autem regnum in Sacris Litteris nuncupatur. Sed hæc satis.

XLVIII. Huic rationi variè respondent Adversarii. Primum dicunt, eam nimis probare: nempe quod cum Deus semper ordinatè velit, ut nihil inordinatè possit velle, non posset nec de potentiâ absolutâ velle prius merita, quam gloriam, quod est absurdum. Ita Frassen.

Respondeo, quod cum voluntas efficax mediorum efficaciam ad finem essentialiter pendeat à voluntate finis, sicut cognitio conclusionis ut talis à cognitione principiorum; sicut non potest nec à Deo esse cognita conclusio ut talis, nisi ex principio cognito; ita nec medium efficax efficaciter potest esse volitum à Deo, ut medium, nisi ex fine iam volito: Cum ergo hoc modo velit gratiam & merita iis, quos praedestinavit, & quibus efficaciter vult gloriam; idem sic vult merita propter gloriam volitam, ut aliter non possit ea velle.

XLIX. Respondent secundò, satis ef-

fe, ut voluntas efficax mediorum supponat voluntatem inefficacem finis. Quare bene potuit Deus ante praevisionem meritorum velle ineffaciter dare gloriam, deinde aliâ voluntate dependenter à meritis praevisis velle efficaciter eam dare.

Sed contrà. Cum electio mediorum debeat procedere ab intentione finis; sicut ab intentione efficaci non potest procedere electio inefficax, ita ab intentione inefficaci electio efficax. Addo, quod cum electio in practicis sit sicut conclusio in speculabilibus, sicut non potest esse, maior certitudo in assensu conclusionis, quam in assensu principiorum: ita nec potest esse maior efficacia in electione mediorum, quam in intentione finis.

L. Dicunt propterea alii tertio, maiorem illam esse veram de eo, qui vult absolutè media, non autem de eo, qui vult ea solùm conditionatè. Sic autem Deus vult fidem, perseverantiam &c. nimirum conditionatè, si creatura velit gratia suae cooperari.

Sed contra. Hæc responsio locum non habet in parvulis, qui paulò post baptismum moriuntur: in his enim locum non habet praevisio, aut volitio mediorum, sub conditione cooperationis; ergo saltem parvulis voluit Deus prius gloriam, & ex tali voluntate elegit eorum mortem statim post baptismum. Sed ut superius ostendimus ex Augustino, Prospero, & Fulgentio, eodem modo discurrendum est in negotio praedestinationis de adultis, ac de parvulis; ergo &c.

Secundò illa media, ut à Deo volita, vel sunt absolutè efficacia ad gloriam, vel non; sed solùm efficaciam absolutam habent à cooperatione creaturae. Si primum; ergo supponunt voluntatem efficacem dandi gloriam, & ab ea proveniunt. Si verò secundum; videtur totaliter destrui praedestinatio, & incidi in sententiam Semipelagianorum, ac Deum imprudentem facere, seu ignorantem. Prima pars prob. Ratio enim praedestinationis secundam Augustinum est, quod sit preparatio beneficiorum Dei, quibus certissimè liberantur quicumque liberantur, & proinde mediorum absolutè efficacium. Pro secundâ parte prob. nam sequitur, quod, si ut volita à Deo non sint effi-

efficacia, media ut efficacia ad affectuionem glorię non sint dona Dei, quod erat Semipelagianorum error. Hinc frustra orando preteremus à Deo media ad salutem nostram, si quatenus efficacia sunt, ab ipso non veniunt, sed à nobis. Cur (inquit S. Augustinus lib. de dono persever. cap. 2.) *perseverantia ista poseitur à Deo, si non datur à Deo? An & ista irrisoria petitio est, cum id ab eo petitur, quod seitur, non ipsum dare, sed ipso non dante, esse in hominis potestate; sicut irrisoria est etiam illa actio gratiarum, si ex hoc gratia aguntur Deo, quod non donavit ipse, nec fecit?* Tertia quoque pars probatur. Nam Deus illa media efficacia, quę ipse efficacia non fecit, vel scivit esse efficacia, vel non scivit. Si non; ergo fuit ignorans: si scivit, & eorum efficaciam non intendit; ergo præter ejus intentionem efficacia sunt. Ubi est ergo Dei Providentia?

II. Dicunt quartò. Maj. esse veram de mediis physicis, secus de mediis solum moralibus, qualia sunt merita. Hęc enim cum habeant movere præmiatorem ad volendum efficaciter finem, nempe præmium, debent esse prius cognita, & voluta, quàm sit volutus finis, ac præmium.

Sed contra. Medium sive physicum sit, sive morale, si ametur ut medium, amari debet ex amore finis prius amati; nam etiam concio, sive monitio medium morale est ad conversionem hominis, & tamen non possum ego eligere concionem, aut monitionem, ut medium ad conversionem hominis, nisi ex desiderio conversionis illius.

Dices (& est quinta & principalis responsio) quòd hoc verum est de electione mediis moralis absolutè, non autem de electione conditionata: Cum enim conversio Petri sit ponenda, non à me, sed à Petro, qui potest, eam adhuc stante concione, vel monitione ponere, vel non ponere, idcò ne cæco, ac frustratorio modo procedam, debeo prius videre, an posita concione, vel monitione Petrus sit convertendus: & sic velle concionem, aut monitionem sub conditione, deinde ejus conversionem. Sic in casu. Cum merita non sint ponenda à Deo, sed ab homine adjuto per gratiam, & homo possit

gratię consentire, vel non consentire, debet prius Deus videre, & velle media aptiora ad obtinendum consensum, deinde viso consensu ea eligere. Ad hoc autem sufficit, quod præcesserit voluntas inefficax, & conditionata finis. Sicut enim ordinatè ageret Rex, qui statueret nobilitare singulos milites in fine belli, si singuli benè se gererent: audito autem, quòd solum mille benè se gessissent, hos solos velle nobilitare negligis aliis. Ita ordinatissimè agit Deus volendo dare gloriam omnibus, si omnes benè vivant, & omnibus eligendo dare gratiam; videns autem aliquos benè usuros, alios non, illos absolute eligat, istos rejiciat.

III. Contra primò. Nam hoc est facere Deum quasi Regem terrenum. Hoc est dare gloriam proprię prædestinationis hominibus potius, quàm Deo, cum Apostolus dicat; ne quis gloriectur nisi in Deo. Sicut illi mille milites, qui strenuè se gesserunt in bello, & proinde nobilitati sunt à Rege, sibi, ac suę strenuitati deberent, quòd præ aliis essent à Rege nobilitate donati. Esto enim non nisi gratià juvante benè egissent, quia tamen ipsi, præ aliis eisdem gratià donatis, benè usi fuerunt, inflari possent adversus alios, sicut inflari possent milites, qui eisdem armis à Rege donatis, fortiter se gessissent, alius verò segniter.

IIII. Contra secundo. Qui haberet in suà potestate, ut concio esset efficax ad obtinendam conversionem Petri, non egeret prævidere Petri consensum, antequam eligeret concionem ut medium ad ejus conversionem; & qui haberet in suà potestate ut omnes milites strenuè se gererent, non egeret prævidere, quinam strenuè se gessuri sint, antequam eligeret hos nobilitare præ aliis: sed Deus habet in sui potestate, ut concio sit efficax ad obtinendam conversionem, & ut quis benè utatur suà gratià: cum habeat in sui potestate consensum Petri magis, quàm Petrus ipse, ut supra probatum est agendo de efficaciã gratiæ, quę non à consensu futuro petitur, sed ex naturâ gratiæ, & voluntate Dei; & Augustino teste, Deus magis habet in suà potestate voluntates hominum, quàm ipsi suę: ergo &c. Quare hęc redeunt omnia supra allata. Etenim

nim consensus meus Concioni, aut gratiæ est ne de genere boni, aut mali? Certè de genere boni. At nonne omne bonum defursum est? Quid habes quod non acceperis? Insuper est ne naturalis, vel supernaturalis? Si supernaturalis; ergo à gratiâ Dei promovente consensum potius, quàm non consensum. Si naturalis, quomodo potest gratiam reddere efficacem, eique dare vigorem? Rursus si consensus meus dat efficaciam gratiæ, ut ex meo consensu potius sit mea conversio, quàm non conversio; ergo mihi potius, quàm gratiæ mea conversio tribuitur; ergo ego me discerno. Si enim gratia, quatenus à Deo descendit inefficax est, atque efficacem accipit à meo consensu, mihi potius, qui volo, erit ascribenda conversio: quia Deus quamvis velit, si ego nolim, conversio mea non erit, & consequenter neque mea prædestinatio; ergo conversio, iustificatio, prædestinatio erit opus hominis potius, quàm Dei. Sed hæc jam satis dicta, & expensa superius sunt.

LV. Tandem probatur Conclusio. Mysterium prædestinationis, seu electionis unius præ alio ad gloriam sive in parvulis, sive in adultis secundum Scripturas poni debet omnino inscrutabile; sed id falsum esset, si prædestinatio non esset omnino gratuita; ergo &c. Maj. ex superioribus dictis, tum ex Paulo, tum ex Augustino constat. Min. verò probatur. Inscrutabile illud non est, cuius de facili possit reddi ratio; at posita prædestinatione non gratuita, de facili potest reddi ratio, cur Deus prædestinaverit potius D. Petrum, quàm Judam; quia nempe Deus prævidit D. Petri gratiæ suæ cooperationem, & proinde conversionem, & è contra prævidit in Juda futuram gratiæ suæ resistentiam; ergo &c.

Si dicatur, adhuc esse inscrutabilem prædestinationem; quia licet Deus prævideat bonum consensum, tamen in eius potestate est ponere hominem in illis circumstantiis, in quibus prævidit eum consensurum, vel non ponere: & si ponit prædestinat, si non ponit, reprobatur.

LV. Contrà est primò. Ergo prædestinatio formaliter, ut est discretio prædestinati à reprobo, unicè ex Dei voluntate pendet: ergo est prorsus gratuita, ut superius ostendi.

Contrà secundò. Si Deum prædestinare est præcisè hominem ponere in illis circumstantiis, in quibus prævisus est gratiæ divinæ cooperaturus, Deum prædestinare est præcisè ponere extrinsecam conditionem, sine qua homo non salvaretur; non verò ponere ea, quæ sunt causa salutis, nempe bonum usum gratiæ usque in finem; quia hic esto sine gratiâ non sit, à gratiâ tamen non habet, eum potius sit, quàm non sit, sed ab hominis libertate. Hoc autem posito, magis nobis, quàm Deo deberemus gratias agere de nostra salute, & dicere non amplius *salvum me fecit quoniam voluit me*: sed potius *salvum me feci, quoniam volui ego*. Sicut si Pater afferat filio libros in ea circumstantiâ in qua prævidit, eum illis bene usurum ad studium, non dicitur per hoc Filium fecisse Doctorem: imò filius ipse Doctorem se fecit, quia voluit studere, & bene uti libris, & occasione illâ, in qua positus fuit à Patre.

Contrà tertio. Si adhuc stante prævisione boni usus gratiæ, est in libertate Dei ponere, vel non ponere hominem in illis circumstantiis, in quibus prævidit eum bene usurum; non cessabunt, imò insurgent majores hominum querelæ. Dicent enim qui prædestinati non sunt: Domine si prævidisti, me in talibus occasionibus bene usurum tuâ gratiâ, & in eâ me perseveraturum, & salvandum; quare me in illâ non posuisti, sed potius in aliâ, in qua prævideras, me male usurum, & non perseveraturum, & damnandum? quantum ex me erat, gratiam tuam reddidissem efficacem, sed tu noluisti. Sicut iustè quereretur homo, qui prævisus in unâ occasione bene usurus gladio, in aliâ malè, occidendo hominem, & poneretur ab aliquo in eâ occasione, in qua vidit eum malè usurum, & occisurum, propter quod capitis poenam lueret. Si ergo pares possunt esse querelæ, melius nobis, ac tutius sit Paulo, & Augustino adhærere, qui mirè favent gratuitæ prædestinationi, quàm ad prævisionem confugere, quâ Paulus nunquam est usus, & quam Augustinus expressè rejecit.

§. I X.

*Contrarium argumentum ex Scriptura, & Patribus.*

LVI. **O**bjiciunt primò illud Matth. 23. v. 34. & 35. *Venite benedicti Patris mei, possidete paratum vobis Regnum à constitutione mundi. Esurivi enim & dedistis mihi manducare &c.* Ubi ly enim facit sensum, quòd causa, ob quam fuit Gloria præparata, & non solum reddita, sint bona ipsorum opera, ut prævisa. Unde S. Joann. Chrysost. homil. 80. in Matth. Nam (inquit in personà Christi) antequam nati sitis, quia sciebam, vos hujusmodi futuros, hæc vobis à me præparata fuere. Et S. August. in Psalm. 49. expendens præfata verba, ait: *Quid percipite? Regnum. Pro qua re? esurivi, & dedistis mihi manducare. . . . Tanti valet Regnum Celorum &c.*

Confirmant ex sequentibus Christi verbis v. 41. & 42. *Discedite à me maledicti in ignem æternum, qui paratus est Diabolo, & Angelis ejus: Esurivi enim, & non dedistis mihi manducare.* Ex quibus sic Præsen discurre. Eodem modo ratiocinandum est de destinatione Justorum ad gloriam, quomodo de destinatione Reproborum ad gehennam: sed Diabolus, & Reprobi ejus affectu non sunt ab æterno destinati ad gehennam, nisi ob eorum prævisa demerita; ergo nec regnum Justis est paratum, nisi ob eorum prævisa merita. Major patet. Utrobique enim est eadem particula causalis: *enim*, & antithesis continva Electorum, & Reproborum, bonorum operum & malorum, regni, & ignis æterni.

LVII. Hoc argumentum Henno alter Scotista tract. de Deo uno disp. 9. qu. 4. retorquet sic in Frassen, & alios adversarios: Paulò inferius dicitur reprobis: *Discedite in ignem æternum, qui paratus est Diabolo, & Angelis ejus. Esurivi enim, & non dedistis mihi manducare*; ergo Christus carentiam eleemosynæ in hominibus assignat tanquam causam, cur ignis Diabolo sit paratus. Qui s autem hoc vel tantum audeat cogitare? unde sicut carentia eleemosynæ non est causa præpa-

rationis ignis, sed missionis in ignem: ita eleemosynæ erogatio non est causa præparationis regni, sed possessionis ejusdem. Et sicut carentia eleemosynæ est causa, cur dicatur *discedite &c.* ita erogatio eleemosynæ est causa, cur dicatur *possidete &c.* Quare illa causalis enim non debet constitui, vel referri ad illud verbum paratum, quasi quòd causa, quare parata sit gloria, sit, quia prævisi fuerant daturi manducare: sed debet referri ad verbum *possidete*, ita ut causa, quare gloriam sint possesuri in executione, sint opera misericordiarum.

Neque contrarium sentiunt allati Patres. Non Chrysostomus. Hunc enim loqui de præparatione executivè supponente electionem, & præscientiam operum, non de intuitivè electionem operum antecedente, offendunt ejus verba sequentia: ait enim: *Quibus verò pro rebus hæc sibi retribuuntur? Pro tello, pro veste, pro aqua frigida &c.* Non dixit: *Quibus verò pro rebus hæc sibi præparata fuere.* Neque S. Augustinus. Eum quippe loqui de redditione, non de præparatione gloriæ, aperte ejus verba produnt: *Quid enim, ait, percipite? Regnum. Pro quâ re? esurivi &c.* de perceptione igitur regni, non de præparatione loquitur.

LVIII. Ad confirmat. jam dictum est: *ly esurivi enim; & non dedistis mihi manducare*, referri ad *ly discedite à me maledicti in ignem æternum*, non autem ad *ly qui paratus est*. Quare carentia operum misericordiarum erit quidem causa, cur detrudendi sint in ignem æternum, non autem cur ignis primò paratus sit.

Respondeo etiam negando majorem. Prima enim causa, cur homines admittantur ad regnum est divina misericordia; cur verò detrudantur in ignem est divina justitia: Deus enim (ait Tertullianus) *De suis misericordiis, de nostro iustis*. Ut exerceat misericordiam sufficit Deo sua bonitas; ut exerceat justitiam prærequiritur nostra culpa. Quare vocans electos dicit: *Venite benedicti Patris mei*; Reijciens verò reprobos dicit: *discedite à me maledicti*. Benedictio ex misericordiâ Dei descendit; maledictionem autem homo suâ culpâ accersit. Unde Chrysostomus citatus in Personâ Christi Nam.

ego (inquit) regnum vobis, ignem autem non vobis, sed Diabolo & Angelis ejus paravi; in quem quoniam vos sponte inieistis, vobis id reputate. Idcirco ante merita paratum quidem fuit regnum, sed non ante demerita ignis æternus.

LIX. Obijciunt secundò ex Divo Paulo Romanorum 8. ubi describens ordinem, quem Deus tenuit in prædestinando, ait v. 29. *Nam quos præseivit, & prædestinavit conformes fieri imaginis Filii sui: ubi prius ponit præscientiam, deinde prædestinationem; ergo prædestinatio est ex præscientia.* Unde Ambrosius lib. 5. de fide cap. 2. *Non enim (inquit) ante prædestinavit quàm præseiret, sed quorum merita præseivit, horum præmia prædestinavit.* Et D. August. lib. 1. c. prædest. cap. 3. *Ex præscientia virtutis, prædestinatio fit remunerationis.* Cui accedit Hieronymus in cap. 8. ad Roman. *Quos præseivit conformes futuros in vitâ, voluit ut fierent conformes in gloriâ.*

Hoc Pauli textu sibi videntur de causâ triumphasse Adversarii. Attamen potest in ipsos retorqueri. Si enim mens Pauli esset, ut Deus, quorum præseivit merita, hos prædestinavit; ergo omnes, quorum merita præseivit, prædestinavit ad gloriam: atqui ipsi fatentur innumeros esse, quos Deus præseivit bene usus gratiâ, si eis daretur congruè, quibus tamen gratiam congruam denegat; quin potius dat incongruam, atque ita non sunt prædestinati ad gloriam; ergo &c.

LX. Respondeo ergo primò, observando, Paulum non dicere, quorum merita præseivit, hos & prædestinavit, sed quos præseivit, & prædestinavit; ubi loquitur de personâ prædestinanda, non de meritis, aut motivo prædestinandi. Certè enim prædestinatio sine præscientiâ stare non potest, præscientia tamen non est ratio prædestinationis, sed conditio: unde sensus est, quos præseivit, idest quos distinctè præcognovit, prædestinavit ut conformes essent in glorificatione tum corporis, tum animæ imaginì Filii sui. *Non quia omnes præseitos prædestinet, sed quia eos prædestinare non poterat, nisi præseiret.* Jerem. 1. Priusquam te formarem in utero novi te. Ita S. Thom. in cap. 8. ad Rom. lect. 6. ubi notaverat, Paulum

non dicere quos præseivit conformes fieri imaginis Filii sui, & prædestinavit; quod dicere debuisset, si mens ejus esset præscientiam bonorum operum esse rationem, & causam prædestinationis: sed dicere, Quos præseivit, hos, & prædestinavit conformes fieri imaginis Filii sui; Ut (ait S. Doctor loco citato) ista conformitas non sit ratio prædestinationis, sed terminus, vel effectus.

LXI. Respondeo secundò, in præfatio Pauli textu ly præseivit idem esse ac prædilexit, aut prælegit ad gloriam: ly verò prædestinavit idem esse ac præparavit, seu prædestinavit ad gratiam, ut li sensus: quos præseivit, idest quos prædilexit, aut prælegit ad conformitatem in gloriâ cum filio suo, hos prædestinavit, idest illis certò statuit, & præparavit hanc conformitatem, seu media elegit, ut ad hanc conformitatem possint pervenire. Quoniam autem sunt media, quæ eis præparavit, statim subiunxit, dicens: *quos autem, prædestinavit, hos & vocavit, & quos vocavit, hos & iustificavit, quos autem iustificavit, illos & glorificavit.* Ubi semper advertendum est, quòd Apostolus non dixerit quos præseivit bene viutores, sed absoluit quos præseivit; ut nimirum eòdem referri debeat, quòd verbum prædestinavit, nempe ad conformitatem imaginis Filii Dei, quòd est, consummatam beatitudinem animæ, & corporis.

Nunc duo ostendendi sunt: unum, quòd ly præseivit possit sumi pro eodem ac prædilexit, seu prælegit; alterum, quòd idem sit ac prædilexit prælegit, seu prædestinavit ad gloriam. Primum indicat Paulus ipse Roman. 11. v. 2. *non repulsi Deus plebem suam, quam præseivit.* Ubi D. Th. lect. 1. non repulsi (inquit) plebem suam totam, quam præseivit, idest prædestinavit. Eodem modo S. Petrus Ep. 1. cap. 1. v. 1. 2. dicit: *Electis advenit . . . secundum præscientiam Dei Patris in sanctificationem spiritus: idest secundum prædestinationem, quâ prælegit, ut essent sancti spiritu; Et v. 20. vocat Christum, præcognitum ante mundi constitutionem; idest prædestinatum, & prædictum.* Ex quibus patet alterum, nempe, quòd præseire idem aliquando sit, ac prædestinare. Totum hic expressit D. August. lib. de

de dono persever. cap. 18. dicens: *Ubi ait Apostolus: non repulit Deus plebem suam, quam præcivit, prædestinationem significare voluisse. Præcivit ergo reliquias, quas secundum electionem gratiæ fuerat ipse factururus. Hoc est ergo prædestinavit: sine dubio enim præcivit, si prædestinavit: sed prædestinasse est hoc præcivisse, quod fuerat ipse factururus. Et cap. 19. Quid ergo nos prohibet (inquit) quando apud aliquos Verbi Dei tractatores legimus Dei præscientiam, & agitur de vocatione electorum, eandem prædestinationem intel- ligere?*

Ad auctoritates verò Patrum dico: Ad primam ex Ambrosio, eum non loqui de præscientia meritorum ante decretum Dei, & electionem, sed de præscientia consecuta ad electionem, & meritorum, quæ sint effectus electionis, non causa movens ad electionem. Prædestinatione quippe Deus ea præcivit, quæ fuerat ipse factururus: ait August. lib. de prædest. SS. cap. 10. Unde sensus Ambrosii est, Deus non ante prædestinavit, quàm præcivit quia secundum August. relatum: *prædestinatio est, qua sine præscientia non potest esse; sed quorum merita præcivit, idest merita facta per ipsum, dono suo, & voluntate, horum præmia prædestinavit. Sicque merita consequuntur gloriam, ut primò volitam; quia ex voluntate dandi gloriam sunt præparata; præcedunt autem consecutionem gloriæ, quia sunt causa meritoria movens Deum ad gloriam in præmium reddendam.*

Ad auctoritates verò Augustini, & Hieronymi dico, eas nihili esse faciendas. Nam liber ille de Prædestinatione, ex quo depromitur, non est Augustini, sed incerti Auctoris. Expositio autem super Epist. ad Romanos non est Hieronymi, sed Pelagii. Quamvis possent explicari de præscientiâ supponente electionem ad gloriam, non de præscientiâ electionem præcedente.

LXII. Obijciunt tertid. Matth. 22. v. 14. *Multi enim sunt vocati, pauci verò electi. Quare? nisi quia vocati noluerunt venire; ergo vocare, Dei est, electos autem fieri, vel non, nostrum est, ait Theophilactus.*

2. Rursus. Si prædestinatio à sola Dei

voluntate penderet, plures essent electi, quàm reprobi; cùm Deus sit infinitè bonus, & proinde sui communicativus; ergo si pauci sunt electi, ex culpâ nostrâ est.

3. Ulterius. Primæ ad Timoth. 2. v.

4. *Deus vult omnes homines salvos fieri; ergo ante merita, vel demerita in Deo est æqualis voluntas dandi gloriam omnibus; ergo ex meritis est, quòd aliquos prædestinet, ex demeritis, quòd aliquos reprobet.*

4. Præterea. Matth. 10. Deus tanquam Pater familias conducit Operarios, & statuit cum illis mercedem; ergo prius spectat opus, quàm mercedem.

5. Tandem. Joan. 16. v. 17. *Ipse enim Pater (ait Christus) amat vos, quia vos me amastis, & credistis; ergo ob amorem, & fidem in Christum prævivam in Discipulis, Pater eos ab æterno dilexit.*

LXIII. Ad hæc sigillatim respondeo. Ad primum, falsum esse, idèd aliquos non esse electos, quia vocati noluerunt venire, aliàs prædestinatio, aut reprobatio esset in manu hominis, non Dei, quod nemo nisi Semipelagianus dixerit. Sed quia non sunt electi, idèd illis non datur, ut velint venire. Unde S. Augustinus de *Dono Persever. cap. 14.* dicit, quòd in massa perditionis iusto Dei iudicio relictæ sunt Tyræ & Sidonæ, qui etiam credere potuerunt, si mira in la Christi signa viderent: sed quoniam ut crederent non erat eis datum, etiam unde crederent est negatum. Theophilactus solùm loquitur de electionis effectu, seu implemento. Vocare enim solius Dei, electionis verò implementum nostrum est, quatenus electio nostra non impletur solo Deo operante, sed homine (divini tamen gratiæ prævento: & adjuto) cooperante. Quare in cap. 6. Joannis idem Theophilactus ait: *Electio fit à Deo, qui abhorretur nos ad bonum, & suam nobis impertit bonitatem; scilicet, ut eâ electionem suam impleamus.*

Ad id quod additur, dico, antecedens verum fore, si Deus ita esset bonus, ut non esset etiam iustus. Cum enim tota natura humana ex culpâ Protoparenis esset damnata, ac iuste à Regno Cœlesti exclusâ, etiam in electione paucorum suam

ximè offendit bonitatem, qui nec vel uuum eligere teneretur, imò iustissimè omnes in damnatione posset relinquere. Sicut maximam bonitatem offenderet Rex, qui, cum iuste posset omnes rebelles suos morti tradere, eorum tamen aliquos saluaret, & Aulicos & amicos suos crearet. Et instantia hæc potest in Adversarios retorqueri. Si enim electio ex prævisione operum pendet, cum nullus sit, qui prævisus non fuerit in aliquâ occasione bene operaturus, si Deus bonus est, cur non omnes eligit, cur non omnes in eâ circumstantiâ propitiâ ponit?

Ad tertium dico, ex eo diseursu sequi, Deum (quantum in se est) nullum reprobare, sed omnes prædestinare; qui erat error Semipelagianorum, ut D. Augustinus exponit Hilarius his verbis; *Illud pa- viter non accipiunt, ut eligendorum, re- sciendumque esse definitum numerum ve- lint... idest, ut nonnisi omnes homines salvos fieri velit, & non eos tantum qui ad sanctorum numerum pertinebunt: sed omnes omnino, ut nullus habeatur excep- tus.* Quomodo cum Voluntate generali Dei de omnium hominum salute Act Voluntas specialis de exclusionem aliquorum à regno, offensum est superius Tractatu de Volunt. Dei; dum de Voluntate ante- cedente & consequente ageremus, quod studiosum remitto. Interim huic instan- tiæ respondere tenentur Adversarii, qui contra Janfenium fatentur, Deum sincerè velle omnium salutem, & tamen multos, etsi prævideret eorum bona opera, à salute rejicit. Ex quo inferitur, non esse ex meritis, quod aliquos Deus de facto prædestinet, neque ex demeritis, quod hos præ aliis reprobet, sed ex Dei arcana voluntate, & inscrutabili consilio. Quare D. Fulgentius lib. de Incarnat. cap. 29. *Hi (inquit) qui voluntatem Dei, quò om- nes homines vult salvos fieri æqualem cir- ca redimendos, & damnandos existimant; eum interrogati fuerint, cur velit Deus omnes homines salvos fieri, nec tamen om- nes salvos fiant, quid respondebunt? & cap. 30. urget exemplum de infantibus, in quibus certè nulla opera bona, aut mala prævisa fuerunt; cum tamen eorum aliqui morientes ante ætatem adul- tam baptizati salvantur, alii sine baptis- mo damnantur.*

Ad quartum nego consequ. maxima enim differentia est inter Deum, & homi- nes. Nam hi in conducendis operariis suam præcipuè spectant utilitatem; ideo- que primò volunt opus eorum, tanquam sibi utile, deinde secundariò dare volunt mercedem. At Deus suam in conducen- dis operariis utilitatem non spectat, nam bonorum nostrorum non indiget, sed po- tius bonum nostrum, & ultimò gloriam suam. Alia etiam est differentia; quod homo dum operarium conducit, supponit in eo idoneitatem ad opus, & ex ejus prævisione eligit, & statuit mercedem; At Deus ei, quem eligit eligendo dat virtutem ad opus, imò etiam ipsum opus, quia sine ipso homo laborare, ut oportet, non posset; & si posset, ipso non- dante non laboraret; ideoque non eget antequam eligat prævidere merita, quæ nulla sunt, & si sunt, ab ipso donata sunt.

Ad quintum tandem, nego similiter consequentiam: sensus enim Verborum Christi est. *Pater amat vos majoribus gratiæ donis vos cumulando, quia vos me amastis*, idest quia mihi adhaesistis, & secuti estis me, tracti nimirum à Patre meo, quia nemo potest venire ad me, nisi Pater, qui misit me, traxerit eum (Jo. 6. v. 44.) significant autem hæc, simileque sententiæ, quod gratia gratiam præcedit, & meretur; quodque (ut docet D. Tho. hoc art. 5.) licet totus effectus prædesti- nationis non habeat causam ex parte no- strâ, quia totus sub prædestinatione com- prehenditur, unus tamen prædestinatio- nis effectus potest esse causa, & ratio al- terius. Et sic fides, & amor Discipulo- rum erga Christum, qui tamen fuit gratiæ prævenientis beneficium, & effectus prædestinationis ipsorum, & dilectionis Dei, potuit esse causa, & ratio, cur Deus eos abundantiori amore, & ad ubero- res gratias diligeret.

LXIV. Obijciunt quartò. Ad id ho- mo gratuito non prædestinatur, quod est in eius potestate, atqui gloria est in ho- minis potestate; ergo &c. Min. prob. primò. Homo suis orationibus posulat, ut inter electos numeretur, & hoc suis bonis operibus impetrat. 2. ad Timoth. postquam S. Paulus dixit, in magna Domo alia

alia esse vasa aurea, & argentea, alia lignea, & fictilia: Et quadam quidem in honorem, quadam autem in contumeliam. Subdit v. 21. *Si quis ergo emundaverit se ab istis, erit vas in honorem sanctificatum*: sed juxta phrasim Sancti Pauli vasa in honorem sunt Electi, sicut vasa in contumeliam sunt Reprubi; ergo &c. Rursus 1. Petri 1. v. 10. *Satagite, ut per bona opera certam vestram vocationem, & electionem faciatis*. Secundò prob. min. Roman. 11. supponit Paulus, quòd qui non infertus est in bonam olivam, idest in prædestinatorum numerum, possit inferi, ait enim v. 23. *Sed & illi (Judæi) si non permanserint in incredulitate, inferentur: potius est enim Deus iterum inferere illos*.

LXV. Respondeo, dist. min. Gloria quoad consecutionem est in hominis potestate, conc. min. quoad præparationem æternam, nego min. Aliàs sequeretur error Semipelagianus, quòd neminem Deus absolute ab æterno prædestinaverit. Neque aliud indicant auctoritates allatæ. Cum enim rogat Ecclesia, ut Filii sui inter electus numerentur, rogat, ut eis gratia, & perseverantia detur, quæ consequantur gloriam, quam per talia media consequendam Deus ab æterno disposuit, & præparavit. Hinc cum dicit Paulus, qui se emundaverit à peccatis, erit vas honoris, sit sensus, quòd erit vas honoris in tempore, sicut, ut esset, fuerat ab æterno dispositum. Sic etiam S. Petrus dicit, per bona opera certam fieri gloriæ consecutionem, non autem præparationem, quæ bona opera non supponit, sed causat. Vel bona opera esse signum, ex quo à posteriori dignosci potest certo, aliquem de numero electorum esse.

Judæi quoque, si incredulitatem reliquissent, poterant inferi bonæ olivæ, idest præduci cum effectu ad gloriam, ad quam fuerant præordinati ab æterno, ejus fuisset signum, incredulitatis depositio.

LXVI. Obijciunt quinto S. Augustinum. 1. lib. quæst. ad Simplicianum qu. 2. ubi explicans illud P. uli dictum ad Roman. 9. & excipiens questionem, quomodo dici potest electus Jacob præ Esau, eum dicatur electus antequam quidquam boni,

Tom. IV.

aut mali uterque egisset, & consequenter dùm essent æquales, electio autem supponat inæqualitatem, seu distantiam, respondet: *Non ergo secundum electionem propositum, sed ex proposito electio: idest non quia invenit Deus opera bona in hominibus, quæ eligat, ideo minet propositum justificationis ipsius: sed quia illud manet, ut iustificet credentes, idest invenit opera, quæ jam eligat ad Regnum Cælorum*. Quasi diceret: non quia elegit homines ad Regnum Cælorum voluit eos iustificare: imò quia eos iustificavit, idcirco elegit ad Regnum Cælorum. Unde subdit: *Non tamen electio præcedit justificationem, sed electionem justificationis, nemo enim eligitur nisi jam distans ab illo qui rejicitur*. Unde quod dictum est: *Quia elegit nos Deus ante mundi constitutionem, non video quomodo sit dictum nisi præscientiâ: Operum scilicet bonorum cum Dei gratiâ, & perseverantiâ finali*. Quibus aperte significat, idcirco unum seligi præ alio, quia jam ratione præsciti meriti est distans ab eo, qui rejicitur. Nam ut antea dixerat: *Quomodo enim est iusta, aut qualiscunque omnino electio, ubi nulla distantia est? si enim nullo merito electus est Jacob nondum natus, & nihil operatus, nec omnino eligi potuit nullâ existente differentia, quæ eligeretur*.

Secundum testimonium sumitur ex serm. 7. de verbis Apost. nunc serm. 165. ubi exponens illud: *nemo ponens manum suam ad atrum, & respiciens post tergum aptus est Regno Dei*, ait: *In hoc capitulo discimus, quoniam quos voluit Dominus, hos elegit*. Elegit autem, ut dicit Apostolus, & secundum suam gratiam, & secundum illorum justitiam. Et infra præmissis illis Apostoli verbis. *Reliqui mihi septem milia, qui non curaverunt genus ante Baal*. Subdit. *Quid est reliqui mihi? Ego illos elegi, quia vidi mentes illorum de me præsumentes, non de se, nec de Baal*. Quibus aperte ostendit, se aliquos eligere ex suâ gratiâ quidem, sed etiam ex justitiâ, si u ex præviis meritis.

Tertium sumitur ex serm. 133. de tempore, ubi Multi (inquit) *seire volunt, quare illum vocat Dominus, & illum non vocat, uni subvenit, alii non: Hunc dignum habet, & illum indignum, illum,*

M

bono.



*honoret, & illum cruciat. Respondet: Audi homo! hunc dignum habet pro bonis operibus suis; illum habet indignum pro suis operibus malis. Idipsum confirmat l. 83. qu. 68. Præcedit ergo, inquit, aliquid in peccatoribus, quo quovis nondum sint iustificati, digni efficiuntur justificatione: & item præcedit in aliis peccatoribus, quo digni sint obtusione.*

Quartò. Testimonia, quæ ex Augustino à nobis proferuntur pro prædestinatione gratiuit, debent accipi de prædestinatione ad gratiam, non ad gloriam. Controversia enim inter Augustinum, & Semipelagianos nunquam fuit de prædestinatione ad Gloriam independentem à meritis per Christi gratiam comparatis; sed de soli prædestinatione ad gratiam, quam dicti hæretici volebant fieri ex prævisione meritorum à libero arbitrio procedentium; ergo loca, quæ ex Augustino proferuntur debent intelligi de prædestinatione ad gratiam, non ad gloriam.

LXVII. Respondetur. Et quidem ad primum, quod valde magnificant Adversarii, primò illud retorquendo in ipsos. Nam si non potest eligi unum præ alio, nisi supponatur inæqualitas inter illa, & idèd non potest Deus unum præ alio eligere ad gloriam, nisi præciat in uno meritum, quæ non in alio; nec etiam poterit eligere unum præ alio ad gratiam, nisi ex prævisione meriti in uno, & non in alio; quia electio supponit in eligendis diversitatem, & inæqualitatem. Et sic Augustinus non solum electionem ad gloriam, sed & ad gratiam ex prævisis meritis admittet; ergo Augustinus erit Semipelagianus, imò Pelagianus, asserens gratiam secundùm merita nostra dari.

Respondent aliqui, S. Doctorem, dùm hunc librum quæstionum ad Simplicianum conscripsit, in sententiâ fuisse, electionem ad gloriam ex præscienciâ meritorum esse (illum enim scripsit vix factus Episcopus, & nondum exortâ, hæresi Pelagianâ) quam postea, contra Pelagianos agens, retractavit. Sed huic responsioni acquiescere non possum. Tùm quia hujus retractationis (si eam fecisset) extaret vestigium in libris Retractionum, maxime in Libro 1. Retract. cap. 5. ubi

recenset hunc librum: in quo tamen nondum quidquam non retractat, sed potius in eo dicta probat. Tum quia lib. de bono persever. cap. 22. quæ scripserat ad Simplicianum commemorans, ait, se in illis pleniùs sapere cæpisse gratiæ, & prædestinationis doctrinam. Quod pleniùs sapere capi in eâ disputatione, quam scripsi ab beata memoria Simplicianum Episcopum Mediolanensis Ecclesiæ, in mei Episcopatus exordio, quando & initium fidei donum. Dei esse cognovi, & asserui.

LXVIII. Respondeo ergo, S. Augustinum loqui, non de electione, seu primâ dilectione Personarum, quæ ex communi massâ perditionis aliquos dilexit ad gloriam, aliosque in perditione reliquit, quæ, cùm solum respiciat finem, dicitur potius intentio, quàm electio: Sed de electione mediorum, seu meritorum, quibus homines jam dilecti effeciteer ad gloriam, certissimè eam, ad quam dilecti sunt, consequuntur. Hæc enim electio mediorum non facit differentiam prædestinatorum à reprobis, sed jam factam supponit. Hæc etiam non præcedit eorum justificationem, & merita prævisa, sed supponit æternum propositum eos iustificandi. Porro quod ista sit Augustini mens, verba ejus ostendunt. Ait enim: Sed quia illud manet (nempe propositum) ut iustificet credentes (ecce æternam voluntatem iustificandi ortam ex primâ Personarum dilectione ad gloriam) idèd invenit opera, quæ jam eligat (ecce electionem meritorum ortam ex voluntate iustificandi) ad Regnum Celorum: idèd, ut per ea ad Regnum Celorum perducatur eos; quos jam dilexerat. Pro cuius observatione noto, quodd alia est electio mediorum ad finem, alia electio, seu verius, dilectio Personarum ad talem finem. Electio mediorum ad finem, puta Gloriam, non facit electos primò discerni à reprobis, sed supponit illos jam gratuitò discretos per primam dilectionem, quâ illis voluit gloriam præ aliis; nec præcedit voluntatem iustificandi, sed ex illâ nascitur. Et de hac dicit S. Doctor: Non tamen electio præcedit justificationem, sed electionem justificationem. Unde quod dictum est, quia elegit vos Deus ante mundi constitutionem: non video quomodo sit dictum, nisi

*nisi praeſcientiâ* ; Quia electio operum, ſubſequens juſtificationem, ſupponit operum praeſcientiam. At dilectio, ſeu velis, electio Perſonarum, quâ ſcilicet ex communi maſſâ hominum, quosdam dilexit, & liberare decrevit, quosdam reliquit, hæc certè non ſupponit juſtificationem, aut merita ex illâ ſecutura, ſed utraque præcedit. Sicut voluntas quâ quis vult alicui ſinem, non ſupponit, ſed inſert voluntatem mediorum; & dùm quis vult liberare ex captivis aliquos, priùs diligit hos, quos liberare intendit, deinde tradit de mediis pro tali redemptione exequenda. Et de hæc dicit S. Doctor : *Non ergo ſecundùm electionem propoſitum Dei manet, ſed ex propoſito electio, quia non invenit Deus opera bona in hominibus, quæ eligit, ſed hæc in hominibus quos diligit facit.*

Conſormiter ad hanc S. Auguſtini doctrinam fidelis ejus Diſcipulus Sanctus Thomas hæc qu. 23. art. 4. docet, quòd Prædeſtinatio, quæ eſt ordinativa mediorum, præſupponit ſecundùm rationem electionem, electio autem dilectionem. Et rationem aſſignans dicit : *Quod electio, & dilectio aliter ordinantur in nobis, & in Deo, id quòd in nobis voluntas diligendo non cauſat bonum, ſed ex bono præexiſtente incitatur ad diligendum, & ideo eligimur aliquem, quem diligamus. Et ſic electio dilectionem præcedit in nobis. In Deo autem eſt id converſo. Nam voluntas ejus, quâ vult bonum alicui diligendo, eſt cauſa, quòd illud bonum ab eo præ aliis habeatur. Et ſic patet quòd dilectio præſupponitur electioni ſecundùm rationem, & electio prædeſtinationi.*

Reſponderi aliter poteſt, S. Auguſtinum eo in loco non ſtatuiſſe, electionem Jacob præ Eſau faſtam fuiſſe ex præſcientiâ operum, ſed potiùs, cùm Paulus dicat, quòd Deus non elegerit Jacob præ Eſau ex præſcientiâ vel fidei, vel operum, dicendum exiſtimat, non fuiſſe veram electionem, quæ debet ſupponere inæqualitatem, & diſtantiâ inter ea quæ eliguntur. Nondum enim percipiebat, dici poſſe electionem, quæ non ex operibus eſſet, ſed ex vocante. Progreſſu verò temporis exortâ jam hæreſi Pelagianâ, & re clariùs elucidatâ, ab hæc explicatio-

ne & dubietate receſſit, & intellexit, poſſe dari in Deo electionem unius præ alio, ubi nulla præcedit imparitas, aut fidei, aut operum ; electionem ſcilicet gratiæ non debite, electionem, quâ eligendos facit ipſe, & non invenit : Unde lib. de correptione & gratiâ cap. 7. & de Prædeſt. SS. cap. 17. *Intelligamus ergo (inquit) vocationem, quâ ſunt electi, non qui eliguntur, quia crediderunt, ſed quia eliguntur, ut credant.* Et epiſt. 205. nunc 194. eam vocat electionem gratiâ, quæ non invenit eligendos, ſed facit. Et hæc dicit in propoſito Jacob, & Eſau. Quibus pater S. Auguſtinus agnoviſſe electionem, quæ opera non ſupponat, ſed faciat.

LXIX. Ad ſecundum teſtim. ex Divo Auguſtino dico, S. Doctorem dicere, quòd Deus eligat, & ſecundùm ſuam gratiam, & ſecundùm illorum juſtitiam; quia gratias elegit, quibus ſecundùm juſtitiam mercedem tribuat. Ad id verò, quòd additur, dico, ſermonem eſſe de temporali electione illorum, qui ſegregati ſunt, ne cum cæteris occiderentur ut legitur 3. Rom. 19. v. 18. hanc enim ex præviſione bonorum operum, quæ Deus in eis præparat, ſecutam fuiſſe non negamus.

LXX. Ad tertium teſtim. ex ſermone 233. de tempore, dico, Sermonem illum inter ſuprios rejeſtum eſſe, præcipuè ob citatâ verbâ ab Arguente : quæ probant, Deum non ſolùm eligere ad gloriam ob merita, ſed etiam ad gratiam, quòd ſapit doctrinam Pelagianam Auguſtino indignam, qui contra Pelagianos adeò ſtreuè pugnavit. Ad aliud Teſtimonium ex lib. 83. quæſt. 68. dico, S. Doct. velle, quòd præcedat aliquid in peccatoribus, quòd digni efficiantur viâ quidem executionis, non tamen viâ intentionis, & hoc à gratiâ, ſeu Deo ejus cor movente per gratiam; aliàs faceremus Auguſtinum Semi-pelagianum, ſi vellet exordium juſtificationis ab ipſis eſſe. Loquitur ergo de juſtificatione viâ executionis, qui nullus, ſi ſit adultus, in executione juſtificatur, niſi in eo præcedant motus liberi arbitrii, quibus incipiat ad Deum moveri ; ſed hi motus à Spiritu Sancto ſunt movente cor, licèt nondum inhabitante. Et quòd hæc fuerit Auguſtini mens, teſtatur ipſe lib. 2. retrah. cap. 26. ubi referens ea, quæ

supra nobis objecta sunt, sic ait: Ubi dixi: Quia etiam si levioribus quisque peccatis, aut certe quamvis gravioribus, & multis, tamen magno gemitu, & dolore penitendi misericordiâ Dei dignus fuerit, non ipsius est, qui si relinqueretur interiret; sed misericordis Dei, qui ejus precibus, doloribusque subvenit. Et statim subiungit: Hoc dictum est post penitentiam. Nam est misericordia Dei etiam ipsam præveniens voluntatem, qua si non esset, non prepararetur voluntas à Domino. Ad eam misericordiam pertinet & ipsa vocatio, qua etiam fidem prævenit &c.

LXXI. Ad quartum fateor, initium disputationis inter Pelagianos, & Semipelagianos, & Augustinum de solâ prædestinatione ad gratiam fuisse, in decursu tamen etiam ad prædestinationem ad gloriam, quam similiter gratuitam asserbat Augustinus (ut superius §. 7. ostensum est) disputatio excurrit. Nec mirum, quia una ab aliâ pendet. Cum enim secundum Augustini mentem gratia non ex prævisione, sed ex naturâ suâ efficax sit, & necessaria ad quemcumque actum: ex suppositione, quod hæc aliquibus datur, aliis non, admitti debet gratuita prædestinatio aliquorum ad gloriam. Nam sicut non potest reddi ratio, cur Deus potius dederit Petro gratiam efficacem, quam Judæ; ita nec, cur Petrum potius prædestinaverit ad gloriam, quam Judam. Nec Semipelagiani poterant carpere doctrinam S. Augustini de gratuita prædestinatione ad gratiam, quin etiam male haberent doctrinam ejusdem de prædestinatione ad gloriam, ut epistolæ Prosperi, & Hilarii superius indicatè demonstrant.

LXXII. Obijciunt sextò S. Prosperum, quod respons. 3. ad capita Gallorum de peccatoribus à Deo derelictis, ait, quod birds fuerint renati, fuerint iustificati, ab eo tamen, qui illor tales præstitit non sunt prædestinati. Et ad object. Viacentianus respons. 12. ad illa verba Exierunt ex nobis, sed non fuerunt ex nobis, ait: Voluntate exierunt, voluntate ceciderunt; & quia præstiti sunt casuri, non sunt prædestinati.

Sanctum item Fulgentium lib. 3. de veritate prædestinatis. & gratia circa finem, qui

ait: sicut per misericordiam præparavit gratuitum justificationis donum, ita per justitiam præparavit æterna justificationis premium. Opus itaque gratia in omnibus prædestinatis gratuita misericordiâ inebatur, & iustâ retributione persequitur.

Respondeo de mente SS. Prosperi, & Fulgentii satis constare ex superius dictis. Quoad D. Prosperum respondeo, quod dum locis citatis, & similibus dicit, quod idem non sunt prædestinati ad regnum, quia præsciti sunt casuri, de præscientia loquitur, non antecedente, sed supponente, & fundata in Decreto, quo noluit impedire eorum lapsum, nec gratiam illis preparare, quæ ex lapso resurgerent. Quare autem hoc? respondet citatâ resp. 3. ad capit. Gallorum. Et respons. 8. ad excerpta Genuens. nec est necessarium querere, nec possibile reperire, cum omnis discretio istius causæ, scire sufficeret, quod nec misericordia iustitiam, nec iustitia auferat misericordiam apud eam, à quo nemo, nisi iustè damnatur, nemo nisi misericorditer liberatur.

Ad Sanctum Fulgentium dico, cum vellet, quod complementum, & effectus prædestinationis ad gloriam, non verò initium & causa, sit ex iustitiâ; quod indicant illa verba: opus itaque gratia in omnibus prædestinatis gratuita misericordiâ inebatur, & iustâ retributione persequitur. Neque contrarium Arguens existimasset, si tres illos Sancti Fulgentii libros de veritate Prædestinationis, & gratiæ attentius legisset, præcipuè autem citatum librum tertium ubi superius dixerat. Prædestinavit; ergo gratis iustificandos impios, & glorificandos justos, quos præveniret, & subsequeretur misericordia ejus. Hi sunt secundum propositum vocati; hi sunt, quos Deus præscivit, & prædestinavit conformes fieri imaginis Filii ejus.... Ipse itaque quos prædestinavit, fecit, & facit conformes imaginis Filii sui.... Omnes isti prædestinati sic vocantur, ut iustificentur, sic iustificentur, ut glorificentur. Ac per hoc prædestinavit, quos voluit & ad opera bona, & ad præmia sempiterna: prædestinavit ad vitam bonam, prædestinavit ad vitam æternam; prædestinavit ad fidem, prædestinavit ad speciem & præ-

*prædestinavit adoptandos in seculo, prædestinavit glorificandos in Regno &c. Gratuitam ergo statuit Fulgentius æquæ prædestinationem ad gloriam, ac prædestinationem ad gratiam.*

§. X.

*Solentur argumenta ex ratione.*

**LXXIII.** *O*bjiciunt primò. Qui prædestinat aliquem ad mercedem, ad coronam, ad præmium, ad bravium, non prædestinat gratuito, sed ex præcienti à meritum, quia merces, corona, præmium, bravium in suo conceptu essentiali dicunt, dari propter laborem, certamen, meritum, & cursum. Sed Deus prædestinat homines ad gloriam, ut ad mercedem, Matth. 5. v. 12. *Merces vestra copiosa est in Cælis*: ut ad coronam 2. ad Timoth. 4. v. 8. *reposita est mihi corona justitia, quam reddet mihi Dominus in illa die iustus Iudex*: ut ad bravium 1. Cor. 9. v. 24. *Omnes quidem currunt, sed unus accipit bravium*: ergo &c.

Respondet, distingu. maj. Qui prædestinat aliquem &c. si merita ad consequendam mercedem &c. non sint in ejus potestate, conc. maj. si nedum merces, verum etiam merita, quibus merces reddenda est, in ejus sint potestate, nego maj. Verum quidem in humanis est, quod qui vult destinare aliquem ad præmium, efficaciter consequendum, debet prænosse merita ejus, quem destinat: quia cum non sit in ejus potestate dare illi merita, per quæ possit illi comparare præmium, debet illa supponere, & præscire, antequam illum efficaciter destinet, & eligat, ne in suâ dispositione decipiat. At Deus; in cujus potestate est, nedum gloria, quæ reddenda est meritis, sed etiam ipsa bona opera, seu merita, quibus infallibiliter gloriam, ut coronam consecuturi sunt homines ab eo electi, Deo donante sint; ipse enim *his, quos elegit sine meritis, dat nunc ornentur ex meritis* (ut ex Auctore lib. de vocat. gentium lib. 2. cap. 35.) *Magisque habet in suâ potestate voluntates hominum, quam ipsi suæ, ut ex Augustino dictum est;*

potest nullâ præviâ operum prævisione homines prædestinare ad gloriam, & ad merita, quibus illam infallibiliter consequantur.

**LXXIV.** Hoc argumentum sibi proposuit D. August. lib. de grat. & lib. arb. cap. 8. his terminis: *Si enim vita æterna bonis operibus redditur.... quomodo gratia est vita æterna, cum gratia non operibus reddatur, sed gratis detur? .... An forte vitam æternam non dixit Apostolus gratiam? imò verò sic dixit... Cum enim dixisset Rom. 6. v. 23. Stipendium peccati mors continend subiecit: Gratia autem Dei vita æterna in Christo Jesu Domino nostro.*

Cui respondet. *Ista ergo quaestio nulla modo mihi videtur posse dissolvi, nisi intelligamus, & ipsa bona opera nostra, quibus æterna redditur vita, ad Dei gratiam pertinere. Et post multa concludit: Itaque carissimi, si vita nostra nihil aliud est, quam Dei gratia, sine dubio & vita æterna, qua bona vita redditur, Dei gratia est: & ipsa etiam gratis datur, quæ gratis data est illa, cui datur. Sed illa, cui datur, tantummodo gratia est: hæc autem, quæ illi datur, quoniam præmium ejus est, gratia est pro gratiâ, tanquam merces pro justitiâ, ut verum sit, quoniam verum est, quia reddet unicuique Deus secundum opera ejus. Hæc Augustinus, quæ repetit lib. de corrept. & gratiâ cap. 13. Si ergo Deus est, qui præparat non solum mercedem, sed etiam opera, quibus mercedem certò consequamur, & utrumque in potestate ejus est; ab ipso enim petimus non solum gloriam, sed merita; ipsi gratias agimus, sed merita pro gloria, sed pro meritis, non exploravit prius merita, antequam efficaciter decernat gloriam homini, sed elegit eum ad gloriam, ut reddendam per merita, quæ ipse suâ gratiâ daturus erat.*

**LXXV.** Cohærenter ad hanc doctrinam S. Thomas *qn. 6. de veritate art. 3.* ubi quaerit, an prædestinatio sit certa: formans sibi argumentum, quod est quartum quod omnis certitudo, quæ est cum suppositione alienius, non est certitudo absoluta, sed conditionalis, sicut non est certum, si sol eaufes fructum in planta, nisi

sum

eum hâc conditione si virtus generativa in plantâ fuerit bene disposita. Cùmque certitudo prædestinationis supponat causam secundam, ejusque opera; vel prædestinatio non habebit certitudinem, nisi conditionalem, sicut habeo ego, quod iste salvabitur, si bene ager; vel si habet certitudinem absolutam, hanc non habebit nisi suppositâ, & prævisâ bonâ vitâ, & cooperatione creaturæ. Cui argumento, quod est apud contrarios palmare, sic respondet: *Ad quartum dicendum, quod causa secunda, quam oportet supponere ad inducendum prædestinationis effectum, etiam ordini prædestinationis subjacet: non autem est ita in virtutibus inferioribus respectu alienius superioris virtutis agentis, & idè ordo divina prædestinationis, quamvis sit cum suppositione voluntatis humanae: nihilominus tamen absolutam habet certitudinem, etsi in exemplo indulto contrarium appareat.*

LXXVI. Secundò obijciunt, & repli-  
cant. Collatio gloriæ in tempore est actus externus justitiæ; ex Apostolo: *reposita est mihi corona justitiæ, quam reddet Cr. mihi Dominus in illâ die iustus iudex.* a. Timoth. 4. ergo & voluntas efficax dandi eam est actus justitiæ. Consequentia probatur. Tùm quia, eum actus externus participet moralitatem ab actu interno, non potest actus externus habere honestatem justitiæ, & actus internus honestatem liberalitatis. Tùm etiam, nam quia collatio primæ gratiæ est gratuita, & ex liberalitate, etiam intentio eam conferendi debet esse gratuita; ergo è contra, si collatio gloriæ est ex justitiâ, etiam intentio eam conferendi erit ex justitiâ.

Respondeo, negando consequentiam. Ad ejus primam probationem, concedo totum: at actus internus decernens collationem gloriæ ex justitiâ, & proinde qui sit actus volens exercere justitiam, non est illa prima intentio dandi gloriam, sed usus activus divinæ voluntatis movens Omnipotentiam ad conferendam gloriam propter merita. Collatio enim exterior gloriæ supponit in Deo duplex decretum: unum pertinens ad ordinem executivum supponens merita jam prævisa; aliud pertinens ad ordinem inten-

tivum merita non supponens, sed inferens: collatio igitur gloriæ honestatem, & speciem sumit non ab actu intentivo, qui solum radicaliter ad eam eoncurrit; sed ab actu interno executivo, à quo immediatè imperatur. Et hoc necessariò dicendum est: quia cùm nihil possumus dare Deo, quod prius ab eo gratiose non acceperimus. *Quis enim prior dedit illi, & retribuetur ei?* Rom. 11. v. 35. non potest erga nos exercere justitiam, nisi erga nos præcesserit misericordia; quare dum coronat merita nostra, coronat dona sua. Quod & ipsi adversarii sateri tenentur, apud quos voluntas efficax dandi merita supponit intentionem gratuitam, saltem generalem, quâ vult omnes homines salvos fieri.

Ad secundam probat. nego consequ. Nam gratia neque in intentione, neque in executione supponit merita; at gloria est in intentione merita non supponat, sed inserat, in executione tamen ex meritis redditur: & propterea gloria in Scripturis dicitur gratia, & simul corona, ut superius observatum est.

LXXVII. Sed contra dicta argues. Deus, ex concessis, de facto confert gloriam ut coronam; sed Deus intendit dare gloriam eo modo, quo illam confert, quia nihil est in executione, quod prius non fuerit in intentione; ergo eam intendit dare ut coronam, & consequenter propter merita.

Confirmatur. Non stat Deum velle dare gloriam ut coronam, & eam velle dare gratis, seu ex liberalitate; sicut non stat velle aliquid dare in poenam, & non velle dare ex justitiâ, seu propter demerita.

LXXVIII. Respondeo, dist. min. Eo modo, modo se tenente ex parte gloriæ dandæ, conc. min. modo se tenente ex parte Dei volentis, seu ex parte motivi, quo Deus vult illam dare, nego min. Deus ergo nihil excquirit in tempore, quod non fuerit ab eo ab æterno volitum, & proinde si in tempore dat gloriam propter merita, gloria fuit ab æterno ab eo volita; ut danda propter merita: non ita tamen, ut merita, quæ sunt motivum, ut gloria conferatur, fuerint etiam motivum, quo Deus motus fuerit ad illam.

Iam primò sic volendam. Sed bonitas sua, quæ fuit motivum, quare his potius, quam aliis voluerit dare gloriam, fuit etiam motivum, quare his potius, quos elegit, voluerit dare merita, quibus gloriam consequerentur, quia & gloria, & merita sunt sua dona. Ad id quod additur, fateor, nil posse relucere in executione, quod prius non fuerit in intentione ex parte rei volitæ, quia nihil potest esse executum, quod non fuerit præintantum; aliàs esset casuale, & fortuitum, Deo autem nihil casuale esse potest, cuius dispositione omnia eveniunt: non tamen ex eodem motivo, quo res est executæ, debet esse intenta. Sicut ergo Deus gloriam dat per merita, ita eam voluit dare per merita: non ita ut merita fuerint motivum volendi, sed res subinde volita, non ut causa, sed ut effectus. Cum enim gloriam ut coronam non possit velle dare, nisi det & merita, quibus eam acquirat, idem voluntas dandi gloriam parit voluntatem dandi merita. Sicut si ego mea liberalitate vellem aliquid dare amico in præmium, & scirem eum non habere vires ad illud acquirendum, ex hac mea gratuità voluntate oriretur in me voluntas dandi ei media, quibus illud posset acquirere.

LXXXIX. Ad confirmat. distinguo. Si ly gratis cadat supra dare, concedo. Si cadat supra velle, seu supra motivum volendi illam dare, nego. Unde eautè distinguendum est inter has duas propositiones: *Deus gratis vult dare gloriam: & Deus vult dare gloriam gratis.* Ex quibus prior vera est, quia ly *gratis* cadit supra motivum volendi, posterior autem falsa, quia ly *gratis* cadit supra rem volitam, facitque sensum, quod gloria danda sit gratis, & non propter merita. Unde Scotus ipse in reportatis dist. 41. qu. unic. explicans hanc propositionem, *Deus vult premiare Petrum propter merita*, dicit esse falsam, si ly *propter merita* immediatè construatur cum ly *vult*, veram autem si construatur cum ly *premiare*. Neque opponitur, Deum gratis velle dare gloriam, & velle dare eam propter merita; variatur enim appellatio, dum in uno *gratis* appellat supra velle, ly verò *propter merita* in altero appellat supra dare.

Neque est si nile de poenâ. Nam in tantum præmium, licet dandum per meritum, non debet ex parte Dei primò volentis illud supponere pro motivo merita, quia æquè sunt effectus divinæ liberalitatis merita ipsa, quibus reddenda est gloria, ac sit ipsa gloria. At cum demerita non sint effectus divinæ voluntatis, sed defectus voluntatis humanæ, non potest à Deo intendi poenâ, nisi ex parte nostrâ supponat pro motivo demerita. Unde illud effatum: *Deus de suo misericors, de nostro iustus*, & S. Paulus Roman. 6. v. 13. loquens de poenâ peccati (ait: *Stipendium enim peccati mors*). De gloriâ verò, quæ est præmium: *gratia autem* (Inquit) *Dei vita æterna*. Et S. August. de Prædest. SS. cap. 10. ait: *Prædestinatione quippe Deus ea præfciuit, quæ fuerat ipsa salutarum... præfciere autem potens est etiam, quæ ipse non facit, sicut quæcumque peccata... Quo circa prædestinatio Dei, quæ in bono est, gratia est, ut dixi præparatio; gratia verò est ipsius prædestinationis effectus*. Si gratia est prædestinationis effectus; ergo & merita, quæ gratiam supponunt.

LXXX. At dices. Non potest stare, quod voluntas dandi gloriam sit ex motivo gratuita, & quod non sit danda ex gratia, sed ex iustitiâ: sicut non posset stare, quod esset volita ex motivo iustitiæ, & quod esset in executione danda gratiis.

Respondéo, disparitatem esse: quia si gloria esset volita ex motivo iustitiæ, iam merita non essent prædestinationis effectus, sed causa; idèque gloriam deberent præcedere nedum in intentione, sed in executione. At licet merita sint causa, cur in executione gloria reddatur, in intentione tamen non sunt causa, cur Deus prædestinet, sed sunt prædestinationis effectus: ex quo enim Deus suâ bonitate velit hominibus gloriam, & hanc velit illis conferre per merita, sequitur in eo voluntas dandi gratiam, quâ sibi merita comparare queant, & per ea gloriam consequi.

LXXXI. Tertio obijciunt. Gratuita prædestinatio ad gloriam stare nequit cum verâ, ac sincerâ voluntate salvandi omnes, quam supra stabilivimus contra Jansenium.

um. Etenim si in eodem instanti, quo suos prædestinatos elegit ad gloriam, exclusit ab eâ reprobos, quomodo habet voluntatem eos salvandi, nisi illud foris? si autem esset illud foris voluntas illius, qui postquam clausit cubiculum non amplius aperiendum, foris ad eos exclusos adhuc invitaret, ut intrarent.

Secundò. Sequeretur hæc posita sententiâ, dari prædestinatis occasionem nimix fiduciæ, quia scirent, se electos per decretum omnino immutabile; & reprobis occasionem omnimodæ desperationis, quia scirent decreto irrevocabili se esse exclusos.

Tertio. Non esse curandum de bonis operibus, neque de orationibus, & hortationibus, quia cum prædestinatio sit infallibilis, habebit effectum suum independent ab illis.

LXXXII. Hæc, alia, & similia opposita fuere Augustino à Semipelagianis, ut videre est in Epistola Properi ad Augustinum, qui Semipelagianos ita loquentes describit: Hoc propositum vocationis Dei, quo vel ante mundi initium, vel in ipsâ conditione generis humani eligendorum, & reiecti eorum dicitur facta discretio, ut secundum quod placuit Creatori, alii vasa honoris, alii vasa contumelie sint creati, & lapsi curam resurgendi admittere, & Sanctis occasionem teporis adferre, eò quod in utraq; parte superfluus labor sit, si neque reiectus ullâ industriâ possit intrare, neque electus ullâ negligentia possit excidere. Quoquo enim malo se egerint, non posse aliud erga eos, quam Deus definit accidere... removeri itaque industriam &c. Eadem ferè scribit Hilarius ad eundem Augustinum. Et Faustus Rejenfis lib. 1. de lib. arb. cap. 4. contra gratiæ defensores, ait: In alterutram partem subsidia orationis excludunt. Quid enim ultra speret, quem jam gratia suum fecit? In quo è contrario non desperet, quem præstitit violenta damnavit?

LXXXIII. Retorqueri tamen potest contra Mediâssas. Nonne enim Deus quæ illuderet, si postquam per scientiam mediâ prævidisset, quænam gratia foret congrua, vel favorabilis, aut è contrario, quænam incongrua, & funesta, ex

puro suo beneplacito (ut ipsi dicunt) his gratiam congruam dare decerneret, & sic ad gloriam eligere; illis verò gratiam incongruam, & in circumstantiis funestis conferre, & eos reprobare? Quomodo quæso cum hoc decreto stare possit voluntas sincera salvandi ipsos? nonne esset illudere, aut non sincera voluntate velle, aliquos foris stantes cubiculum intrare, clausum; si postquam vidit, quænam clavis esset congrua ad aperiendum, quænam non, eis non projiceret, nisi clavem, quam seivit esse ad aperiendum incongruam?

Hanc retorsionem vidit, eaque usus est Augustinus lib. de dono persever. cap. 15. ubi relatus is, quæ à Prospero, & Hilario audierat dicta à Semipelagianis, qui, rejectio Augustiniano decreto, ad præscientiam recurrerant: *Illi* (inquit) cum dicuntur, ita nos à consentiâ verâ Dei gratiâ, id est, quæ non secundum merita nostra datur, & à consentiâ secundam eam prædestinatione Sanctorum deterere non debent, sicut non deterremur à consentiâ præscientiâ Dei, si quis de illâ populo sic loquatur, ut dicat: sive nunc redde vivatis, sive non redde, tales eritis postea, quales vos Deus futuros esse præcivit; vel boni si bonos, vel mali si malos. Numquid enim si hoc audito nonnulli in torporem, segnitieque vertantur, & à labore præcives ad libidinem post concupiscentias suas eant, propterea de præscientiâ Dei falsum erit, quod dictum est? Nomen si Deus illos bonos futuros esse præcivit, boni erunt, in quantalibet nunc bonitate cernantur? Fuit quidam in nostro Monasterio, qui corripientibus fratribus, cur quadam non facienda faceret, & facienda non faceret, respondebat: *Qualicumque nunc sim, talis ero, qualis me Deus futurum esse præcivit.* Qui profecto &c. verum dicebat, & hoc vero non præsciebat in bonum: sed usque adeo profecit in malum, ut desertâ Monasterii Societate, fieret canis reversus ad suum vomitum: & tamen adhuc qualis sit futurus, incertum est. Numquid ergo propter huiusmodi animas, ea qua de præscientiâ Dei vera dicuntur, vel neganda sunt, vel tacenda? tunc scilicet, quando si non dicantur, in alios itur errores? Hæc Augustinus. Quæ

in hac materiâ præ oculis habere debet studiosus.

LXXXIV. Respondeo igitur in omnium Catholicorum sententiâ ad primum; Deum efficaciter quidem suis, ac solis prædestinatis Januam Regni Cœlorum aperire, sed tamen reprobis non clausisse; imò eis semper aperire sufficienter, & aperiret efficaciter etiam, nisi ipsi impedimentum ponerent. Ita enim docuit D. Thomas, tùm super *cap. 17. Joann. lect. 2.* ubi de Christi oratione loquens ait: *Christus quantum est de se pro omnibus oravit, quia oratio sua quantum est de se efficax est, ut valeas toti mundo. Sed tamen non in omnibus sortitus effectum, nisi in Sanctis, & electis Dei, & hoc propter impedimentum mundanorum.* Tùm etiam 1. ad *Timoth. 2. lect. 1.* ubi super illud 1. *Joann. 2. ipse est propitiatio pro peccatis nostris*: (dicit) *pro aliquibus efficaciter, sed pro omnibus sufficienter, quia pretium sanguinis ejus est sufficiens ad salutem omnium, sed non habet efficaciam, nisi in electis propter impedimentum.* Videnda superius dicta Tractatu de Voluntate; & præcipuè, quod auxilium sufficiens omnibus à Deo collatum ad salutem conjungi petit eum effici, & de facto conjungeretur, si homo obstaculum ad illud non poneret; ideoque Deus verissimam, ac sincerissimam habet voluntatem de omnium etiam reproborum salute, neque ulli claudit regnum, sed homines subimet claudunt; sicut non diceretur excludere foras itantes à cubiculo ille, qui eis daret clavem sufficientem, paratus etiam dare efficacem ad aperiendum, si eâ bene uti vellent.

LXXXV. Hinc respondetur ad duas alias subjunctas instantias, quæ eum S. Augustinus nuper ludato retorqueri possunt contra præscientiam quovis modo explicatam. Similes enim difficultates non proveniunt ex hoc, quòd prædestinatio sit ante, vel post prævisa merita; sed ex eo quòd est infallibile, quòd Prædestinatus salvabitur, & quòd Reprobus damnabitur, undeumque hæc infallibilitas proveniat, sive à præscientiâ, sive à decreto. Quâ infallibilitate supposito semper opponi potest, quòd in prædestinatis foret nimia fiducia, in reprobis verò occa-

sio desperationis, nec daretur amplius locus orationibus, exhortationibus &c. Quibus in omni sententiâ respondendum est, quòd licet prædestinatus infallibiliter sit salvandus, erit tamen salvandus per merita, quia ista etiam sub prædeterminatione eadunt, & adhuc potest non salvari: & reprobis licet infallibiliter sit damnandus, erit tamen damnandus ob sua demerita, & hoc non obstant potest adhuc salvari potentiâ, non quidem positionis, & consequente, sed possibilitatis, & antecedente.

LXXXVI. Hæc difficultatibus implicatus Cicero (apud D. August. lib. 3. de *Civit. Dei cap. 9.*) Negabat Deo præscientiam, ne omnia Fato evenirent: ajebat enim: *Si præscita sunt omnia futura, hoc ordine venient, quo ventura esse præscita sunt: & si hoc ordine venient, certus est ordo rerum præscienti Deo: & si certus est ordo rerum, certus est ordo causarum: non enim aliquid fieri potest, quòd non aliqua efficiens causa præcesserit: si autem certus est ordo causarum, quo fit omne, quòd fit; Fato sunt omnia quæ sunt. Quòd si ita est, nihil est in nostrâ potestate, nullumque est arbitrium voluntatis.* Ita Cicero, cui S. Augustinus respondet: *Ordinem causarum, ubi voluntas Dei plurimum potest, neque negamus, neque Fati vocabulo nuncupamus. Concedit, quòd id, quòd semel locutus est Deus, intelligitur immobiliter: hoc est, incommutabiliter est locutus, sicut novit incommutabiliter omnia, quæ futura sunt, & quæ ipsa facturum est. Et hæc ratione possemus à fando Fatum appellare... Non est autem (inquit) consequens, ut si Deus certus est omnium ordo causarum, ideo nihil sit in nostrâ voluntatis arbitrio. Et ipse quippè nostras voluntates in causarum ordine sunt, qui certus est Deo, ejusque præscientiâ continetur, quoniam & humana voluntates in ordine causarum sunt. Atque ita quæ omnes rerum causas præcivit, profecto in eis causis etiam nostras voluntates ignorare non potuit, quæ nostrorum operum causas esse præcivit.*

Ne autem Adversarii existimarent S. Doctorem loqui de præscientiâ antecedente suum decretum, circa finem citati capituli ait: *Quapropter voluntates nostras*



*tantum valent, quantum Deus eas valere voluit, atque præsevit (ecce præscientiam voluntati innixam) & idèd quidquid valent, certissimè valent; & quod factura sunt, ipsa omnino factura sunt, quia, valituras, atque facturas ille præsevit, cujus præscientia falli non potest.*

LXXXVII. Præterire tamen non possum minorem dari occasionem desperationis, imò majorem occasionem spei in nostrâ, quàm in adversâ sententiâ. Si enim Deus alicui diceret: do tibi optionem, ut tuæ salutis negotium, vel mihi committas, vel illius tu ipse eam suscipias, & protestor tibi, quod nulla tibi denegabo auxilia ad hoc necessaria: sed vel dabo efficaciam, vel saltem sufficientiam, cum quibus conjungentur efficaciam, si obicem non posueris. Quis, nisi omni ratione, sensuque carens magis vellet fidere sibi ipsi, quàm Deo? Discursus iste est D. August. lib. de prædest. 53. cap. 11. his verbis: *sanè cum Apostolus dicat. Ideo ex fide ut secundùm gratiam firma sit promissio: miror, homines infirmitati suæ se malle committere, quàm firmitati promissionis Dei. Sed incerta est mihi, iniquis, de me ipso voluntas Dei. Quid ergo? tua ne tibi voluntas de te ipso certa est? nec timer: Qui videtur stare, videat ne cadat? Cùm igitur utraque incerta sit, cur non homo firmiori, quàm infirmiori fidem suam, spem, caritatemque committit? Et lib. de dono persever. cap. 11. An verò (inquit) timendum est, ne tunc de se homo desperet, quando spes ejus ponenda demonstratur in Deo, non autem desperaret, si eam in se ipso superbissimus, & infelicitissimus poneret? & demum ibidem cap. 6. ait: Tutiores igitur vivimus, si totum Deo damus, non autem nos illi ex parte, & nobis ex parte committimus.*

LXXXVIII. Quartò obijciunt, varia secutura inconvenientia ex nostrâ positione. Primò quia sententia de Prædestinatione gratuita convenit cum hæresi Prædestinationaria, de qua Gennadius in Catal. de hæresibus Hincmarus Remensis Episc. ad Nicolaum Papam. Sigebertus in Chronico ad ann. 415. & Faulhus Rejenis asserens, eam fuisse damnatam in duobus Conciliis Arelatensi primo & Lugdunensi.

Secundò, Sententia de Prædestinatione gratuita eadem omnino est cum errore Calvinii. Hoc enim quod dicimus nos, nempe unicam, & adequatam prædestinationis causam debere repeti ex solâ Dei voluntate, Calvinus quoque dicit.

Tertiò, Gratuitæ prædestinationis doctrina humanam libertatem evertit hoc autem error est. Ant. prob. est enim suppositio antecedens independens à nostro consensu, inferens infallibiliter merita nostra, quod cum libertate coherere non potest, quæ necessariò indifferentiâ exigit, quâ possit agere, & non agere.

LXXXIX. Respondeo, nullum ex præallatis incoavenientibus sequi. Ad primum de Prædestinationaria hæresi, an revera fuerit, an verò hoc nomine per calumniam, aut inscitiam traducti fuerint S. Augustini discipuli, queritur adhuc ab Eruditis, quibusdam eam reverâ fuisse contentiones, quibusdam negantibus. Nos rem in medio reliquimus superius qu. 1. dub. 1. §. 1. num. 6.

Verùm admissò, Prædestinationam heresim extitisse, nego, eam cum sententiâ de gratuita prædestinatione convenire, aut ex hac sequi absurda, quæ illa asserbat; Deum nempe non minùs ad malum culpæ, quam ad malum pœnæ prædestinare, & prædestinatione induci fatalem necessitatem, & humanam everti libertatem, imò per eam statui: cum sub prædestinatione cadant etiam merita, ut liberè à creatâ voluntate ponendâ, quod supra tractatu de volunt. dum ageremus de efficaciâ decretorum Dei probatum est. Nos enim cum C. helio Arausicano secundo, sicut dicimus Can. 18. Nulli meritis gratiam prævenientibus debetur merces bonis operibus, si fiat: sed gratia, qua non debetur præcedit, ut fiant. Ita cum eodem Can. 21. Hoc etiam secundùm fidem Catholicam credimus, quòd acceptâ per baptismum gratiâ omnes baptizati Christo auxiliante, & cooperante, quæ ad salutem animæ pertinent, possint & debeant, si fideliter laborare voluerint, adimplere. Aliquot verò ad malum divinâ potestate prædestinatos esse, non solùm non credimus, sed etiam, si sunt, qui tantum malum credere velint, cum omni detestatione illis anathema dicimus.

XC.

XC. Ad secundum dico, tantum distare sententiam de prædestinatione gratuita, ut asseritur à nobis, ab errore Calvini, quantum, juxta Adversarios, eorum sententia de Prædestinatione post prævisa merita distat ab errore Pelagianorum, & Semipelagianorum. Calvinus enim, ut superius qu. 2. dub. 1. §. 2. adnotavimus, docuit, prædestinationem imponere inevitabilem necessitatem prædestinato bene operandi, sicut & reprobationem, male operanti. Nos cum prædestinatione salvamus integram humanam libertatem, æquè ac Adversarii eum præscientiâ. Calvinus erravit, quia dixit, Deum certos homines nullâ prævisione demeritorum, solâ suâ voluntate creare ad interitum, prædestinasse ad poenam, ad damnationem, eos ad peccatum impellere, imò necessitando compellere. Nos dicimus Deum non prædestinasse ad poenam, nisi ex prævisione demeritorum, ad quæ homines in tempore suâ defectuosâ libertate, non à Dei impulsu, patrandam moventur. Sed de his superius egimus.

XCI. Ad tertium pariter dictum est in *tract. de volunt.* ubi cum efficaciam Decreti Divini conciliavimus, præsertim ex doctrinâ D. Thomæ, humani arbitrii libertatem: unde ibi dicta videnda sunt. Et insuper recolendum, similia objecta fuisse D. Augustino, qui nunquam recurrit ad præscientiam, quamvis eam ex ore Semipelagianorum semper audiret: imò constanter gratiam humanas prævenientem voluntates, facientem de volentibus volentes prædicavit. Ut lib. 2. contra duas Epist. Pelagian. cap. 20. ubi ad illa verba: *nemo potest venire ad me nisi Pater, qui misit me traxerit eum*, inquit: Non enim ait, duxerit, ut illis aliquomodo intelligamus procedere voluntatem. Quis trahitur, si jam volebat? & tamen nemo venit, nisi velit. Trahitur ergo miris modis ut velit, ab illo qui novit intus in ipsis hominum cordibus operari, non ut homines, quod fieri non potest, nolentes credant, sed ut volentes ex nolentibus fiant: Et lib. de Prædest. SS. cap. 8. Hac itaque (inquit) gratia, quæ occultè humanis cordibus divinâ largitate tribuitur, à nullo duro corde respuitur. Idè quippe tribuitur, ut cordis duritia primitivè auferatur.

*Quando ergo Pater intus auditur, & docet, ut veniat ad Filium, aufert cor lapideum, & dat cor carneum, sicut Prophetâ prædicante promissit. Sic quippe facit filios, & vasa misericordiae, quæ præparavit in gloriam. En igitur ex Augustino divinæ voluntatis energia, & efficacia non destruens, sed faciens voluntatem; facit enim, non ut nolentes veniant, sed ut volentes ex nolentibus fiant.*

Licet ergo prædestinatio gratuita infallibiliter inferat salutem prædestinati, & merita ipsius, ea tamen infert ut liberè ab eo ponenda; quia (ut dictum est supra) efficacia hæc descendit in voluntatem secundum naturam voluntatis, & faciens, nedum ut faciat, sed ut liberè faciat, & eum indifferentia potestatis ad. non faciendum. Quare licet qui prædestinatus est, infallibiliter sit bene operaturus, & salvandus, ut subest prædestinationi; absolute tamen potest non salvari, potentia non quidem futuritionis, sed possibilitatis, quod in omni sententiâ dicendum est. Videantur superius dicta. Interim ad rem hanc audiendus est D. Thom. qu. 6. de verit. art. 3. ad 7. *Aliquid (inquit) potest dici posse dupliciter. Uno modo considerando potentiam quæ in ipso est, sicut dicimus, quod lapis potest moveri deorsum. Alio modo considerando id, quod ex parte alterius est, sicut si dicerem, quod lapis potest moveri sursum, nonnisi per potentiam projicientis. Cum ergo dicitur prædestinatus iste potest in peccato mori: Si consideretur potentia ipsius, verum est. Si autem loquamur de prædestinato secundum ordinem quem habet ad aliud, scilicet ad Deum prædestinatum, sic ordo ille non compatitur secum istum eventum, quamvis compatitur secum istam potentiam. Pulchra sanè doctrina! & ad intentum. Videri potest etiam ibi ad octavum. Sed hæc satis.*



## DUBIUM IV.

## De effectibus Prædestinationis.

## §. I.

*Quadam prænotantur.*

**I**tinguere oportet primò subiectum prædestinationis, & effectus. Subiectum est Persona, seu Creatura Rationalis, quæ transmittitur ad finem Beatitudinis, & cui præparantur media, ut beatitudinem consequatur: effectus autem sunt omnia ea beneficia gratuita, quæ voluit, & præparavit Deus illi Personæ, ex fine ipsam perducenti per illa ad beatitudinem: cum prædestinatio ex dictis sit *præparatio beneficiorum Dei*, quibus certissimè liberantur quicumque liberantur.

Ex his autem, quæ possunt esse effectus, seu volita à Deo ex intentione prædestinandi, alia procedunt quasi elicitive, & immediatè tanquam effectus proprii providentiæ prædestinativæ. Alia eliciuntur quidem à providentiâ inferiori, & naturali, sed à providentiâ prædestinativâ sunt imperata ad finem Beatitudinis. Gratia enim utitur naturâ, ut sibi inferiori, & subiectâ ad finem suum: & sic providentiæ supernaturalis, seu præparativa gratiæ imperat providentiæ naturali (ex parte objecti tamen, non actus) & facit, ut res naturales, quæ sunt ejus objectum, fiant etiam propter finem supernaturalem.

Quare effectus Prædestinationis ad tria capita reducuntur. Primò, ad effectus supernaturales, qui propriè, & elicitive ad prædestinationem pertinent; sicut vocatio, justificatio, glorificatio. Secundò, ad effectus ordinis naturalis, qui imperantur à Providentiâ prædestinativâ; ut sunt vita prædestinati longior, vel brevior, sanitas, bona indoles &c. quæ effectus quidem sunt providentiæ naturalis, sed providentiâ prædestinativa facit, ut deserviant ad finem suum. Tertio, ad effectus prædestinationis reduci potest ipsa peccati permissio, quæ in prædestinato utilis esse potest ad finem prædestinationis.

Porro, ut aliquid sit effectus Prædestinationis, sive elicitus, sive imperatus, dux præcipuè conditiones requiruntur. Prima est, quòd sit à Deo positive volitum, & effectus ejus, & non solum permittum. Quâ ratione peccatum pro formali deformitatis, & malitiæ non potest esse effectus prædestinationis, quia non potest esse volitum, & causatum à Deo. Secundò, Quòd Deus velit illud ex intentione efficaci dandi gloriam. Quare defectu hujus Incarnatio, & merita Christi, esto maxime conducant ad gloriam nobis obtinendam, quia tamen non sunt volita ex intentione dandi nobis gloriam sed potiùs intentio dandi nobis gloriam ex ipso Christo, & meritis ejus ortum habet, idè non sunt effectus, sed potiùs causa nostræ prædestinationis. His præmissis.

## §. I I.

*De substantiâ Prædestinati.*

**I**nter effectus prædestinationis multi ex Nostri ponunt ipsam substantiam, seu Personam hominis Prædestinati. In quo mihi distinguendum videtur. Aut enim volunt, quòd substantia hominis, præsupposita jam per providentiam creativam pro uno priori ab æterno destinata ad esse, pro alio posteriori fuerit per providentiam prædestinativam ordinata ad finem suum, nempe gloriam: aut volunt, quòd substantia hominis prædestinati quo ad suum primum esse sit effectus imperatus prædestinationis; ita ut providentiâ prædestinativa imperaverit productionem substantiæ hominis, quem Deus decreverat prædestinare, ad finem eum prædestinandi. Si velint primum, non dissentio. Quidquid enim jam à Deo volitum, & existens ordinatur à Deo ad finem prædestinationis, dici potest aliquo modo cadere sub prædestinatione, & esse effectus ejus saltem ordinatus, & directus: atqui substantia hominis prædestinati ordinatur per modum subiecti ad consequendam suo tempore gloriam; ergo potest dici effectus ordinatus &c. & idem dico de aliis donis naturalibus, quoad sui primum esse, quæ in prædestinato sunt;

ut

ut bona incholes, sanitas, ingenium: omnia enim hæc ordinantur ad finem ipsum glorificandi. Et hoc modo intelligo illud Pauli Roman. 8. v. 28. *diligentibus Deum omnia cooperantur in bonum, iis, qui secundum propositum vocati sunt Sancti.* Si verò velint secundum

III. Dico. Probabilius mihi esse, substantiam prædestinati secundum se, & quoad suum primum esse de se non suis, se imperatam, & volitam à providentiâ prædestinativâ, idèque neque esse effectum imperatum prædestinationis. Quod aliis terminis explicio sic. Deus non decrevit producere substantiam prædestinativâ, ut eam prædestinaret, seu ex intentione illam glorificandi. Ita sentire videntur Aurelius, & S. August. epist. 197. aliis 95. ad Innocentium. *Est enim (inquiunt) quiddam non improbandum ratione, dicitur gratia Dei, quod creati sumus... alia est tamen, quâ prædestinati vocamur, iustificamur, glorificamur:* atqui si substantia prædestinati esset producta ex intentione eam glorificandi, eidem gratiâ, quâ prædestinati sumus, essemus etiam creati, quod non negabat Pelagius; ergo &c. Secundò. Docet S. Augustinus, hominum productionem non esse ex meritis Christi. Epist. enim aliis 105. modò 194. ad Sixtum cap. 2. *Christus (inquit) non pro iustis ut homines conderentur, sed pro impiis mortuus est, ut iustificarentur.* Si autem Deus produxisset homines ex sine eos prædestinandi, iam eorum productio esset ex meritis Christi, sicut ex meritis ipsius est ipsi prædestinatio.

IV. Præterea. Ipse S. Thomas postquam hæc qu. 23. sæpe dixit Prædestinationem esse quandam rationem ordinis aliorum in vitam æternam, postea qu. 9. *de verit. art. 8. ad 2. ait, quod ordo rei præsupponit ejus esse; ergo prædestinatio supponit jam decretum esse substantiæ, quam prædestinat, idèst quam ordinat in vitam æternam.* Idem dicit in 1. dist. 47. qu. 1. art. 1. ad 4. dicens: *Operationi divinæ, quâ iustificat & glorificat, præcessit natura, vel in proprio esse, vel in divinâ cognitione.* Ex quo inferit, quoddam, quæ prædestinantur, cadunt sub electione, non autem creatio rei: at si creatio rei esset effectus prædestinationis, jam

creatio cadere posset sub electione; ergo &c. Tum etiam: nam 3. p. qu. 1. art. 3. ad 4. docet, quod prædestinatio præsupponit præscientiam futurorum; ergo supponit præscientiam substantiæ, quam prædestinat. Sed clarè in cap. 1. ad Rom. lect. 3. postquam dixit, quoddam res in se ipsâ constituitur, non dirigitur ex hoc ipso in aliud: unde præpositio constitutionis rei propriè prædestinatio dici non potest, subiungit: *sed quia omnia naturalia pertinent ad constitutionem rei ipsius, quia vel sunt principia, ex quibus res constituitur; vel ex huiusmodi principiis consequuntur: consequens est, quod naturalia propriè sub prædestinatione non cadunt.*

V. Accedit etiam, quod si substantia, prædestinati est effectus prædestinationis ejus, ita etiam substantia hominis reprobati erit effectus ejus reprobationis saltem negativæ, & quod sicut unum hominem produxit, ut eum prædestinaret, ita etiam alterum produxerit, ut eum reprobarer, seu eum perpetuò excluderet à Regno. Hoc autem esset incidere in errorem Calvini, qui lib. 3. Instit. cap. 23. §. 6. ait: *quum penes ipsum (Deum) resideret salutis, ac mortis arbitrium, consilio, nutuque suo ita ordinat, ut inter homines nascantur ab utero certa mortis devoti, qui suo exitio ipsius nomen glorificent.*

VI. Ratione autem probatur. Nam decretum de homine producendo prius est decreto ipsam prædestinandi, quia decretum de producendo homine prius est decreto permittendi illius peccatum, & consequenter prius decreto Incarnationis, & tandem prius decreto hominem prædestinandi; quia decretum hominem prædestinandi, cum supponat merita Christi, supponere debet decretum mittendi Christum: hoc supponere debet peccatum hominis: peccatum autem hominis supponere debet hominem, ejusque conditionem.

Confirmatur in sententiâ S. Thomæ volentis, quod si Adam non peccasset, Verbum non fuisset incarnatum. Incarnatio Verbi supponere debet peccatum Adami prævisum, ut futurum; atqui non potest supponi peccatum Adami prævisum, ut futurum, nisi supponatur Adamus ut futurus;

rus; ergo decretum Incarnationis supponit Adamum futurum. Cum ergo prædestinatio hominum, quæ unicè ex meritis Christi est, supponat Incarnationem jam decretam, si hæc supponit Adami substantiam jam conditam, quare eam non supponit prædestinatio? quod si hæc eam supponit, quomodo substantia, ut primò condita, poterit esse effectus prædestinationis, nisi dicamus quod effectus præcedat causam?

VII. Si dicas. Quod puer tali loco nascitur, ex quo statim sit accepturus baptismum; quod habeat parentes Catholicos, à quibus ei procuretur baptismus ante mortem, sunt effectus à Deo dispositi, quia illum vult salvum, & consequenter quia illum prædestinavit; ergo nativitas, & consequenter productio substantiæ prædestinati cadunt sub prædestinatione, ut effectus ejus.

VIII. Si distinguas consequens: ergo nativitas quantum ad substantiam, nego consequ. quantum ad circumstantias, concedi. concedimus enim, aliquas circumstantias nativitatis esse imperatas, & effectus providentiæ supernaturalis prædestinatiæ, quales sunt allatæ in argumento: negamus tamen, nativitatem ipsam secundum se, cum sit undequaque naturalis, & prior decreto prædestinandi, supponere providentiam prædestinativam, & ex fine ipsius imperari.

IX. Contra est. Decretum illud decernens circumstantias nativitatis pertinet ad decretum de generatione hominis; ergo prius est decreto prædestinativo; ergo si hoc non obstante circumstantiæ possunt esse effectus prædestinationis, cur non & ipsa generatio & nativitas?

X. Respondeo, dist. antec. sumt generacione inadæquatè, nego antecedens. Sumt adæquatè, & consummative, concedi. antec. & nego consequ. Nam generatio potest sumi inadæquatè, pro ut tantum respicit substantiam rei genitæ, & sic præcedit prædestinationem, nec est effectus ejus. Potest etiam sumi adæquatè, & consummative, ut tangit omnia, quæ circumstant nativitatem, seu ea, in quibus nativitas est ponenda: & sic decretum de illis ponendis, cum sit factum ex meritis Christi, ut quod puer statim mo-

riturus nascatur propè fontem; quod parentes prædici sint, vel quisquis alius, qui cum baptizet, ipsi prædestinatione posterius est. Hujus aptissimum exemplum habemus in Incarnatione. Decretum enim Incarnationis quoad substantiam præcedit omne meritum hominis etiam de congruo: Decretum autem de circumstantiis Incarnationis, puta quod carnem sumat ex tali muliere, supponit merita. B. V. ante prævisa, & quod carnem sumat ex tali progenie, aut tali tempore, supponit merita Abraham, David, ac cæterorum veterum Patrum, ut traditur in Tractatu de Incarnatione.

XI. Ex dictis inferiur, quod dona omnia naturalia, ut indoles, ingenium, bona animi, & fortunæ, quæ in Prædestinatiis sunt, conducunt quidem, & in eis sunt effectus ordinati ad eorum prædestinationem; non tamen sunt quoad eorum primum esse imperata à Providentiæ prædestinativæ.

### §. III.

#### *De Donis Supernaturalibus.*

**I**Nter dona supernaturalia veniunt glorificatio, vocationes efficaces, sanctificatio, vel continuata usque ad mortem, vel interrupta, aut semel, aut pluries per peccatum, & etiam vocationes inefficaces. De omnibus aliqua breviter dicemus.

XII. Dico primò. Quæcumque efficax vocatio, justificatio, & glorificatio sunt in prædestinato effectus prædestinationis. Ita ex Apostolo Rom. 8. v. 30. *Quos autem prædestinavit, hos & vocavit: & quos vocavit, hos & justificavit: quos autem justificavit, illos & glorificavit.* Quibus ordinem, quo Deus prædestinatis præparavit gloriam, describit Paulus.

Probatur etiam sic: Quæ procedunt à Deo ex intentione efficaci dandi gloriam, sunt effectus prædestinationis, quia orta ex voluntate prædestinandi: sed hujusmodi sunt prædicta; ergo &c. Min. prob. Media ordinata ad finem, sicut etiam consecutio finis, procedunt ab agente ex intentione efficaci finis; ex voluntate enim efficaci medici, quæ vult infirmo sanita-

tem,

tem, non solum oritur, quod applicet remedia, quæ judicat efficacia ad sanitatem, sed tandem, ut per illa causetur sanitas in infirmo: at vocatio efficax, & justificatio continuata usque ad mortem, sunt media efficacia ad consecutionem Glorix, & glorificatio est ipsa consecutio finis; ergo &c.

Est autem Prædestinatio, utpote, pars Providentiæ, fit immediatè solum de mediis, est tamen mediatè etiam de fine. Et rursus: licet vocatio, & Justificatio inveniantur aliquando in reprobis, non tamen cum ordinatione efficaci ad gloriam, & perseverantiam finalem, sicut sunt in prædestinatis. Et demum: licet vocatio ad gratiam non ordinet Prædestinatos ad gloriam ultimatè & completè, ordinat tamen eos initiativè. Quibus præveniuntur ea, quæ obijci possunt.

XIII. Dico secundò. Gratia semel, vel sæpius per peccatum interrupta, & tandem per poenitentiam recuperata pro semper, est formaliter prædestinationis effectus: cum hoc tamen discrimine, quod ut recuperata, hoc habet ratione sui; ut verò prius collata, hoc habet ratione alterius. Ut assertio hæc intelligatur, supponendum est, quod licet per unum peccatum mortale gratia physicè destruat, & pereat, sicque dicatur interrumpi, semper tamen subsistit moraliter, & in acceptatione divinà: quia gratia, & meritum per eam comparatum, semel ac à Deo per Jesum Christum est acceptatum, semper apud Deum moraliter perseverat eum jure ad gradum gloriæ sibi proportionatum, quem Deus ex summâ suâ bonitate paratus est dare, dummodo tollatur per poenitentiam obstaculum peccati. Et hæc est reviviscentia meritum, quam docent Theologi in Tractatu de virtute Poenitentis. His suppositis.

XIV. Prima pars, nempe, quod gratia per peccatum recuperata fit in prædestinato effectus suæ prædestinationis, patet. Quod enim dederit Deus D. Petro auxilium, ut à peccato resurgeret, & gratiam trinâ negatione amissam recuperaret, & non potius sineret eum in peccato mori, ut fecit erga Judam, ex eo processit, quia eum efficaciter volebat salvare, & consequenter ex voluntate,

quâ D. Petrum præ Juda prædestinaverat.

Quod verò etiam gratia non solum ut recuperata, sed etiam ut primò collata prædestinato, fit in eo aliquomodo effectus prædestinationis, quæ est secundæ pars, probatur. Quia eò ipso quod Deus contulit primò gratiam D. Petro cum intentione, ut eam amissam recuperaret per poenitentiam, illa prima collatio gratiæ fuit à Deo volita ex animo ipsum prædestinandi: quia licet physicè esset interrumpenda per peccatum, erat tamen ex unâ parte mansura semper moraliter in acceptatione divinâ cum jure ad gloriam; & licet illud jus esset impediendum quoad effectum à peccato, tale tamen impedimentum erat aufcendum; ergo dici potest, quod etiam gratia, ut primò collata D. Petro, fuerit effectus prædestinationis ejus, non immediatè, & ratione sui, sed solum mediatè, & ratione alterius, nempe poenitentis futuræ; non tanquam rationis formalis, sed tanquam puræ conditionis & removens obstaculum, nempe peccatum, sine quâ illud jus nunquam cum suo termino conjungeretur.

XV. Sed dices. Gratia primò collata Adamo in statu innocentis non fuit effectus prædestinationis illius, sed solum ut recuperata per poenitentiam; ergo neque gratia, ut primò collata aliis electis, si semel interrumpatur per peccatum.

Respondeo, negando consequ. & disparitas est. Gratia enim non fuit primò collata Adamo innocenti ex intentione ipsum glorificandi: Decretum enim Prædestinationis Adami supponit decretum Prædestinationis Christi, & hæc peccatum originale, & peccatum originale statum innocentis. Unde cum primò collata fuit Adæ, non fuit illi collata ex voluntate ipsum prædestinandi, neque ex vi primæ infusionis ullum dicebat ordinem ad gloriam; sed hunc cepit dicere ex vi reparationis decretæ per Christum; sicque solum ut reparata fuit effectus prædestinationis, & Christi, & Adæ. At gratia primò collata nobis cum sit ex meritis Christi, dum primò confertur prædestinato, ex Providentiâ prædestinativâ ei confertur.

XVI. Dico tertio. Vocationes ineff-

tares in electis dici possunt effectus prædestinationis illorum, non per se & ratione sui, sed occasionaliter solum, & quasi per accidens, modo explicando. Prima pars probatur. Quia vocationes inefficaces, sive auxilia insufficientia, quibus Deus hominem vocat, & excitat ad bonum, & quæ homo ipse culpâ suâ reddit inefficacia, non habent formaliter & per se, quod efficaciter conferant ad prædestinati justificationem, & salutem, ut patet: & licet quandoque auxilia sufficientia aliquos producant effectus, quibus peccatores prædestinati paulatim disponuntur ad justificationem, omnes tamen hujusmodi effectus essent inefficaces, nisi supervenirent auxilia efficacia, quibus infallibiliter converterentur. Non ergo ratione sui, vel suorum effectuum vocationes inefficaces, & solum sufficientes habent, quod sint effectus conducentes ad finem prædestinationis, sed ratione alterius, nimirum auxiliorum, & vocationum efficacium.

Secunda verò pars probatur. Quia prædestinati considerantes, quod non consentiendo vocationibus inefficacibus, vel eis resistendo posuerunt obstatulum divinæ gratiæ, sumunt ex hoc occasionem humilitatis, poenitentiae, aliarumque virtutum, quibus efficaciter ad gloriam perveniunt; ergo saltem occasionaliter sunt effectus prædestinationis.

## §. I V.

*De malis naturæ, pœnæ, & permissione peccati.*

**XVII.** **D**ico primò. Mala tùm naturæ, tùm pœnæ sunt effectus prædestinationis voliti à Deo prædestinatis ex voluntate eos salvandi. Prior pars de malis naturæ probatur exemplo eorum, quos Deus præmaturâ morte rapit, ne (ut dicitur Sap. 4. v. 11.) malitia mansaret intellectum eorum, aut ne fœditas deperiret animam illorum: quod Deus fecit, quia voluit eos salvare.

**XVIII.** Altera verò pars de malis pœnæ, seu poenalitibus vitæ præsentis probatur. Etenim ea ex intentione divina sunt effectus prædestinationis, quibus

Deus utitur tanquam mediis, ut electos suos ad finem prædestinationis perducatur; sed ad hoc Deus sæpe utitur malis pœnæ, cæterisque poenalitibus, dicente Apostolo Philipp. 1. v. 18. 19. Temporales hujus vitæ pœnas esse in electis dona Dei, non in se quidem, sed in intentione divinâ, quâ Deus illas præparavit, ut ex his electi purgatiore, & fortiores fiant; *In nullo (inquit) terreamini ab adversariis: quæ illis est causa perditionis, vobis autem salutis, & hoc à Deo. Quia vobis donatum est pro Christo, non solum ut in eum credatis; sed ut etiam pro illo patiamini.* Tum etiam: per multas tribulationes oportet intrare in Regnum Cælorum.

**XIX.** Dico secundò. Etiam permissio peccati, seu denegatio gratiæ efficacis in hac aut illâ occasione electis potest procedere ex intentione illos salvandi, & consequenter esse effectus prædestinationis illorum. Probitur. Id quod Deus positivè vult ad bonum finale prædestinati, est volitum ad finem eum salvandi, & proinde effectus prædestinationis illius; atqui Deus sæpe vult permittere peccatum prædestinato ad bonum finale ipsius; vult enim interdum subtrahere gratiam efficacem electo, ut ipsum doceat propriam miseriam, nec esse in humanis viribus corrigendum, sed in solo Deo, qui ut ait Apostolus Philipp. 2. v. 13. *Operatur in nobis velle, & perficere pro bonâ voluntate; & discant cum metu & tremore salutem suam operari, scientes sine illo nihil se posse facere, & ideo humiles fiant: finit quoque electos suos cadere, ut deinceps cautiore, & vigilantiores efficiat; ergo &c.*

Hinc S. August. lib. de corrept. & grat. cap. 9. *Talibus (inquit) Deus diligentibus cum omnia cooperatur in bonum; usque adeò prorsus omnia, ut etiam si qui eorum deviant, & exorbitant, etiam hoc ipsum eis faciat proficere in bonum, quia humiliores redeunt, atque doctiores. Discunt enim in ipsâ viâ iustâ eum tremore se exsultare debere, non sibi arrogando tanquam de suâ virtute fiduciam permanendi &c.* Et de naturâ & gratiâ cap. 18. *Deseris (inquit) aliquantum Deus ut scias, non suum, sed ejus esse, & distas superbus non*

*non esse. Et S. Gregorius lib. 2. Mor. 11. nunc cap. 49. ait: Unde fit, ut aliquando se hac eadem gratia utiliter subtrahas, & prajudicium menti, quantum in se instruitur, ostendas. Tunc enim verè cognoscimus bona nostra unde sunt, quando hac quasi amittendo, sentimus, quia à nobis servari non possunt. Idem ait lib. 8. cap. 19.*

XX. Sed dices primò. Omnis effectus prædestinationis est beneficium Dei; est ex meritis Christi; & potest à nobis postulari à Deo: sed permissio peccati non est beneficium, sed negatio beneficii; non est ex meritis Christi, quia Christus meruit nobis gratiam, non gratiæ denegationem; neque potest à nobis postulari: quis enim à Deo postularet, ut sinat, se in peccatum labi? ergo &c.

Respondeo, quod licet denegatio gratiæ absolutè, & in se non sit beneficium, sed negatio beneficii, neque sit ex meritis Christi; ut tamen ex divinâ pietate, ordinatur ad majus bonum nostrum, nempe ad majorem cautelam, humilitatem, firmiorem perseverantiam, & etiam gratiæ incrementum, sic est maximum Dei beneficium. Sicut inflicto vulneris absolute non est beneficium, ut tamen facta à medico ex intentione longioris sanitatis, beneficium est. Et licet gratia præsens sit majus beneficium, quàm ejus denegatio, ut tamen includens majorem profectum, ac subliorem permanentiam in gratiâ majus beneficium est. Et sic Christus non meruit nobis absolute denegationem gratiæ: sed gratiæ denegatio nunc, ut ordinata ad firmiorem perseverantiam, voluta est ex meritis Christi.

Quod autem nos non possimus à Deo absolutè petere ut sinat nos in peccatum labi, inde provenit, quia voluntas nostra non potest velle permissionem peccati, quin, utpote particulare volens, velit etiam, & sibi complaceat in peccato. Cæterum sub conditione, quod denegatio gratiæ conducere ad majorem nostram utilitatem, & ab ipso ita esset dispositum, non existimarem absolum, posse à Deo humiliter peti, ut de nobis faciat quidquid nobis ad æternam salutem expediens decreverit. Sicque etiam ut nos suâ gratiâ privet ad tempus, quando ab eo ita dispositum foret.

Tom. IV.

XXI. Replicabis tamen. Si quia permissio peccati est occasio majoris boni in prædestinato poni debet inter effectus prædestinationis, cur non etiam peccatum ipsum poterit poni inter effectus ejusdem, cum etiam peccatum in electo sit occasio majoris, & firmioris humilitatis?

Respondeo, permissionem peccati esse effectum prædestinationis in electis, non, quia præcisè est occasio majoris boni in prædestinato, sed quia est à Deo voluta ad talem finem, ad quem ab ipso eligitur tanquam medium; sicut à medico eligitur inflicto vulneris, ut medium ad firmiorem sanitatem. Verùm peccatum nec potest esse volitum à Deo, sed solum permissum, nec potest conducere ut medium ad majorem virtutem. Nam medium infuit ad consecutionem finis, peccatum autem potius revocat; & solum esse potest mera occasio, ex qua peccator gratiâ Dei ob oculos ejus peccati seditatem ponentis adiutus, humilior sit. Quare utilitas, quæ advenit peccatori, non ex peccato est, sed ex gratiâ Dei. Neque sequitur, Deum volendo permissionem peccati, velle etiam peccatum, quod ex ipsâ sequitur. Nam peccatum licet sequatur posita ejus permissione seu degnatione gratiæ, sequitur solum sequela logicâ, non physicâ: unde non sequitur, Deum volentem denegare gratiam, velle etiam peccatum; hoc enim ex solâ pravâ hominis voluntate ponitur, Deo solum permittente.

XXII. Dices secundò. Non est prudentis provisoris permittere majus malum ex intentione majoris boni: sed peccatum est malum majus, quàm sit bonum humilitas peccatoris, imò ipsa beatitudo; quia peccatum, utpote offensa Dei, est infinitè malum, humilitas autem, & ipsa beatitudo formalis, sunt bonum finitum; ergo &c.

Respondeo, quod licet non sit prudentis provisoris permittere majus malum, ex intentione minoris boni, quod sub omni ratione sit minus, secus tamen si illud minus bonum ut volitum à provisorè, induat rationem majoris boni. In casu ergo, est peccatum in ratione malitiæ, & offensæ sit majus malum, quàm sit bonum humilitas, & beatitudo hominis se-

O

cun-



cundum se, secundum tamen ut hæc sunt volita à Deo; quia ea vult, quatenus ad bonum Universi conducunt. Bonum autem universi, quod est bonum divinum, majus est, ac superexcedens gravitatem offensæ. Et hæc eadem ratione etiam in naturalibus intenditur destructio nobilioris formæ, ut alia imperfectior inducatur, bono Universi ita exigente. Bonum verò quod in Universo confurgit, est offensio misericordiæ divinæ erigentis Electum suum à lapsu.

XXIII. Quæres, an peccatum permitti possit à Deo ex præiuncta poenitentia? Videtur quod non. Quia intentio poenitentis necessariò supponit peccatum prævisum ut futurum; cum enim essentialiter sit destructiva peccati, non potest amari, nisi supposita prævisione peccati: sicut quia Redemptio est à peccato, non potuit Deus velle redemptionem, nisi supposita prævisione peccati. Si autem peccati permissio supponitur prævisa ante voluntatem poenitentis; ergo non potest eligi permissio peccati ex amore poenitentis, & ut medium ad illam, quia media non possunt prævideri futura ante volitionem finis.

Rursus. Innocentia est majus bonum, quàm poenitentia; ergo Deus non potuit permittere peccatum ob poenitentiam, si ob illam permissionem deperditur majus bonum.

XXIV. Attamen sententiam affirmativam probabiliorē existimo, supponendo, poenitentiam posse tripliciter considerari. Primò. Ut virtus est per se destructiva peccati. Secundò. Ut est virtus manifestativa omnipotentis Dei, quæ parcendo, & miserando maxime manifestatur. Tertio. Ut est utilis ad uberiorem gratiæ consecutionem, & finalem perseverantiam. Licet ergo poenitentia si intendatur præcisè, ut destructiva peccati, debeat supponere peccatum prævisum, quia sic solum amatur, ut bonum occasionatum ex illo, secus tamen si intendatur secundum aliquam ex aliis duabus considerationibus. Cum ergo Deus velit poenitentiam electorum prout est manifestativa suæ Omnipotentis, & utilis ad uberiorem gratiam, & perseverantiam ipsorum, ideo non est necesse, ut supponat

ex parte Dei peccatum prævisum; quia licet specificativè sumta sit occasionata ex peccato, reduplicativè tamen ut volita à Deo prædestinati non explicat hoc minus. Et hinc patet disparitas ad exemplum de Redemptione: Deus enim voluit Redemptionem reduplicativè, ut satisfactivam pro peccato, & ideo debuit supponere prævisionem peccati.

XXV. Ad id quod additur respondens cum D. Thoma 1. part. qu. 20. art. 4. ad 4. *Quod poenitentes, & innocentes se habent, sicut excedentia, & excessa. Nam sive sint innocentes, sive poenitentes, illi sunt meliores, & magis dilecti, qui plus habent de gratiâ; ceteris tamen paribus innocentia dignior est, & magis dilecta. Dicitur tamen Deus plus gaudere de poenitente, quàm de innocente, quia plerumque poenitentes castiores, humiliores, & ferventiores resurgunt.* Undè Gregorius dicit (homil. 34. in Evangel.). Quod Dux in prælio eum militem plus diligit, qui post fugam conversus fortiter hostem premit, quàm qui nunquam fugit, nec unquam fortiter fecit.

*Vel aliâ ratione; quia aequale donum, gratia plus est comparatum poenitenti, qui meruit penam, quàm innocenti, qui non meruit: sicut centum marica, majus donum est, si dentur pauperi, quàm si dentur Regi.* Hæc D. Thomas.

## QUÆSTIO IV.

### De Reprobatione.

**R**eprobatio Prædestinationi opponitur. Quia verò oppositorum eadem ratio est, ac disciplina, ideo sicut Prædestinatio essentialiter sumta nominat actum intellectus includentem actum Divine Voluntatis, quo vult aliquos ad gloriam admittere, eisque media preparare; ita Reprobatio essentialiter in actu intellectus collocari debet, supponente tamen actum voluntatis, quo vult Deus aliquos à gloriâ rejicere modo inferius explicando. De hæc ergo pro complemento huius Tractatus in presenti agemus; quærentes, an sit, quid sit, causas ejus, & demum effectus.

DU.

## DUBIUM I.

An sit Reprobatio, &amp; quid sit?

## §. I.

Deus aliquos reprobat.

**V**eritatem hanc docent Scripturæ. Roman. enim cap. 2. v. 6. de Deo loquens Paulus: *Qui reddet (inquit) unicuique secundum opera ejus. Iis quidem, qui secundum patientiam boni operis, gloriam, & honorem, & incorruptionem quarunt, vitam æternam. Iis autem, qui sunt ex contumelia, & qui non acquiescunt veritati, credunt autem iniquitati, ira, & indignatio. Et cap. 9. v. 22. & 23. ait: Quod si Deus volens ostendere iram, & notam facere potentiam suam, sustinuit in multa patientiâ vasa ira apta in interitum, ut ostenderet divitiis gloria sua in vasa misericordiæ, que preparavit in gloriam. Quod aliis multis in locis testatur Paulus.*

II. Aliques à Deo reprobari ostendit D. Thom. hæc qu. 23. art. 3. ita discurrens. Deus est supremus, & universalis Provisor: ad universalem autem Provisorum pertinet aliquem defectum in rebus à se provisus, & sibi subiectis permittere, & non omnes suum assequi finem, ut videre est in his, que naturaliter contingunt: sicut enim exigit universalitas creaturarum, ut ex illis aliquæ bonæ sint, & dignæ præmio; aliæ præve, & dignæ supplicio, dicente Paulo 2. ad Timoth. 2. v. 20. *In magnâ autem domo non solum sunt vasa aurea, & argentea, sed & lignea, & stibilia: quædam quidem in honorem, quædam autem in contumeliam. Super quæ idem D. Thomas lect. 3. In domo (inquit) una, est una fenestra alterâ pulchrior. Si quis ergo quærat, quare non tota domus est fenestra? Ratio est, quia, tota domus esset imperfecta. Similiter dicit Apostolus 1. Cor. 12. Si totum corpus esset oculus, ubi auditus? Sic ergo dicit Apostolus in effectum gratia, quia oportuit, quod Deus manifestaret iustitiam, & misericordiam. Si enim omnes salvaret, esset*

*solum ejus misericordia. Si omnes damnaret esset solum iustitia. Et idem volens Deus manifestare iram, id est iustitiam. &c.*

III. Altera hinc oritur ratio, quam idem S. Doctor tradit in 1. ad Ananias. dist. 40. qu. 1. art. 3. his verbis: *Ordinavit ergo divina providentiâ ab æterno humanam naturam ad beatitudinis consecutionem per liberum arbitrium. Quod quia deficere potest per seipsum, à solo autem Deo indeficientiam habet, idcirco ab æterno proposuit, quod quosdam permetteret deficere, quibusdam verò auxilia apponeret, ne deficerent, ut in utrisque manifestaretur virtus gratiæ, & defectus naturæ. Ex quibus concludit: Sic ergo ab æterno fuit propositum Dei & respectu culpæ permittenda, & respectu pænæ infligenda, & hæc dicitur reprobatio. Ergo sicut ad manifestandam virtutem gratiæ oportebat aliquos prædestinari; ita ad ostendendam defectibilitatem liberi arbitrii creati, conveniens fuit aliquos reprobari.*

IV. Sed dices primò. Deus habet providentiam naturalem supra Angelos, & tamen non tenetur in eis aliquem defectum in esse permittere, cum Angeli non deficient in suo esse; ergo ratio allata non evincit.

Respondeo, negando consequ. Ad providentiam enim pertinet quidem permittere aliquem defectum in rebus provisus, sed in eo, in quo sunt defectibiles. Angeli autem secundum suam naturam sunt indefectibiles in esse; & idcirco non tenetur Provisor permittere, ut aliquis eorum in esse deficiat. At homines, habent liberum arbitrium suapte naturâ moraliter defectibile, & circa finem, & circa media; & propterea Deus ut Universalis Provisor tenetur in aliquibus talem defectum permittere, & circa media eis denegando gratiam, & permittendo ut peccent; & circa finem disponendo, ut aliqui à suo fine deficient. Imò retorquetur instantia. Quia enim Angeli esto indefectibiles in esse naturali, defectibiles tamen sunt in operando moraliter circa finem supernaturalem, ideo permittit Deus, ut aliqui Angelorum peccando deficerent, & sic à suo fine supernaturali deciderent.

V. Dices secundò. De Deo Sap. 11. v. 25. dicitur: *Diligis enim omnia quæ sunt, & nihil odisti eorum quæ fecisti*; ergo Deus nullum hominem, quem creavit odit; ergo nullum reprobat.

Respondet D. Thom. hæc qu. 13. art. 3. ad 1. quod *Deus omnes homines diligit, & etiam omnes creaturas, in quantum omnibus vult aliquod bonum*; non tamen quodcumque bonum vult omnibus. In quantum igitur quibusdam non vult hoc bonum, quod est vita æterna, dicitur eos habere odio, vel reprobare.

VI. Replicabis. Ex Apost. 1. ad Timotheum 2. v. 4. *Deus omnes homines vult salvos fieri*. Et 1. Petri 3. v. 9. *Nolens aliquos perire sed omnes ad penitentiam reverti*; ergo omnibus vult hoc bonum, quod est vita æterna.

Secundò. Nullus prudens excludit à consecutione finis id, quod producit ob consecutionem dicti finis; sed Deus produxit omnes homines ob vitam æternam consequendam; ergo &c.

Respondet, ad primam replicam superius in Tractatu de Voluntate Dei fuisse dictum esse, Deum velle omnes homines salvos fieri, & nolle aliquos perire voluntate generali, & antecedente, quæ omnibus data auxilia sufficientia, quibus, si non obstitent, possint bene uti, & salvari. Non tamen omnes velle salvos fieri, & neminem perire voluntate efficaci & consequente, aliàs omnes de facto salvarentur.

Ad secundam replicam dico, non esse contra munus sapientis, & prudentis Provisoris, qui speciem aliquam producit ob aliquem finem, quòd aliquos à consecutione finis excludat, quando naturaliter defestibiliter ad illum.

VII. Dices tertio. Deus non est causa perditionis hominum juxta illud Osæ 13. v. 9. *perditio tua, Israel: tantummodo in me auxilium tuum*; ergo Deus neminem reprobat; aliàs sicut dum aliquos prædestinat, dicitur esse causa salutis eorum, sic si alios reprobareret, diceretur causa perditionis illorum.

Respondet, negando absolutè consequentiam. Nam Deus prædestinans, causat non solum gloriam, quæ habebitur in futuro, sed etiam mediā, quæ prædestinato con-

feruntur in præsentī, & quibus ad salutem pervenit, nempe merita; & idèd dicit Osæ: *ex me auxilium tuum*. At Deus reprobandus, non causat mediā, quibus tendit homo ad perditionem, sed solum ea permittit. Peccata enim sunt, non à Deo, sed à libera voluntate humana se subtrahente à Divinā causalitate; unde homo est causa suæ perditionis, & idèd dicit Propheta: *perditio tua*. Est quidem Deus causa poenæ, quam homines per peccata meruerunt in futura vita, non tamen culpæ, quā meruerunt talem poenam. Vide S. Thom. hæc qu. 13. art. 3. ad 2.

VIII. Instabis. Nulli debet imputari, quod vitare non potest; sed si Deus hominem reprobat, non potest iste vitare culpam, quā peccat, quia non potest gratiam adipisci, quā non peccet; ergo &c.

Respondetur ex D. Thom. laudato loco ad tertium: *Quod reprobatio Dei non subtrahit aliquid de potentia reprobati*. Unde cum dicitur, quod reprobatus non potest gratiam adipisci, non est hoc intelligendum secundum impossibilitatem absolutam, sed secundum impossibilitatem conditionatam, sicut supra dictum est (qu. 19. art. 3.) quod prædestinatum necesse est salvari necessitate conditionatā, quæ non tollit libertatem arbitrii. Unde licet aliquis non possit gratiam adipisci, qui reprobatur à Deo; tamen, quòd in hoc peccatum, vel illud labatur, ex ejus libero arbitrio contingit. Unde & meriti sibi imputatur in culpam.

IX. Dices quartò. Si in Deo daretur Reprobatio aliquorum, existeret in eo liber Mortis; sicut quia datur in eo prædestinatio, datur in eo liber Vitæ: at hoc est contra D. Thom. 1. p. qu. 24. art. 1. ad 3. ergo &c.

Confirmatur. Positā in Deo reprobatione, poni debet, Deum prædestinare ad malum: hoc autem damnatum fuit à Conc. Arausico. 2. Can. 25. & à Trident. sess. 6. Can. 17. ergo &c.

Respondet, negando maj. ex eodem D. Thom. citato: *Quod non est consuetum conscribi eis, qui repudiuntur, sed eis, qui eliguntur*. Unde reprobationi non respondet liber Mortis, sicut prædestinationi liber Vitæ; Quòd verò consuetum sit conscri-

scribere eos, qui ad aliquid eliguntur, probat D. Thom. ibi in corpore exemplo militum, & consiliariorum, qui olim dicebantur Patres Conscripti.

Ad confirmationem dico, positā reprobatione sequi solum, Deum prædestinare ad malum poenæ, non tamen ad malum culpæ, ut aiebant Prædestinatiani, & post eos Calvinus. Et hoc damnant Arausiacani, & Tridentini Patres.

§. I. I.

*Quid sit reprobatio.*

**X.** **R**eprobatio dividitur in negativam, & positivam. Negativa, secundum aliquos, est mera non electio ad gloriam. Secundum alios verò est actus positivus, quo Deus aliquos, non solum non eligit, sed actu positivo excludit à Gloria. Positiva autem est actus, quo aliquibus præparatur poena, tum damni, tum sensus.

XI. Reprobationem negativam negant multi, & ii præsertim, qui volunt Deum non prædestinare, nisi ex prævisis meritis; ex quo consequens est, nec nisi prævisis demeritis reprobare; addentes, Reprobationem negativam præscindentem à demeritis prævisis, Patribus, & Theologis antiquis fuisse ignotam; & insuper quoddam, eā positā, sequatur, non electos nullā viā posse salvari, & proinde necessarii dampnari.

Sed immeritò. Reprobationem enim negativam indicavit sæpè S. Augustinus, dum ait, aliquos in massā perditionis relinqui, alios ab eā erui, alios liberari, alios non; & ad Dei beneplacitum unicè referendum esse: ut lib. 1. contra duas Epist. Pelagian. cap. 7. lib. de prædest. SS. cap. 9. & alibi. Post ipsum S. Thomas hæc qu. 13. art. 3. ad 1. ubi ait: *In quantum Deus quibusdam non vult hoc bonum, quod est vita æterna, dicitur eos habere odio, vel reprobare.* Hæc autem positā sequitur solum, eos, qui non liberantur, necessario dampnandos necessitate conditionatā, non absolutā, ut nuper cum D. Thom. dicebamus.

An verò reprobatio negativa nullum ex parte Dei actum importet, sed puram

omissionem electionis ad Gloriam; an, potius actum positivum dicat, quo Deus voluerit eos excludere à Gloria, utrumque probabile iudico. Nos tamen, qui superius diximus, voluntatem Dei non potuisse circa aliquid manere suspensam, cogimur reprobationem negativam in aliquo actu positivo collocare nempe in actu, quo Deus noluit aliquos à communi massā perditionis liberare, seu voluit eos in eā relinquare.

Patet etiam, eandem reprobationem negativam à positivā differre; quoddam duplicem terminum positivum includat, nempe à quo, idest Regnum Cælorum, à quo Reprobis excluditur, & ad quem, nempe poenam, tum damni, tum sensus, quæ Reprobo præparatur. Illa verò è contra dicit solum terminum à quo, nempe Regnum Cælorum, à quo Reprobi excluduntur, aut massam perditionis, à quā Deus non vult eos liberare, præscindendo à termino ad quem destinandi sunt. Colligitur hoc ex D. Thom. in 1. ad Anabald. dist. 41. qu. un. art. 3. ubi hæc habet: *Voluntati divina de salute hominum duplex voluntas opponi videtur, scilicet voluntas de contradictorio, secundum quoddam vult aliquem non salvare: Et voluntas de contrario, secundum quod vult dampnari aliquem. Prima quidem voluntas non requirit aliquam rationem ex parte voliti, cum salus gloria non sit debitum humane nature. Non enim requiritur ratio, quare non detur alicui, cui dare non debet.*

DUBIUM II.

An Deus Reprobet ante, vel post prævisionem demeritorum.

§. I.

*Error Calvini rejicitur.*

**I.** **J**ohannes Calvinus inter alios suæ Sectæ errores docuit primò. Unicam, & adæquatam, tum negativā, tum positivā reprobationis causam, esse solam Dei voluntatem. Censuit enim, Deum independentem à prævisione ejuslibet peccati, sive originalis, sive actualis quosdam Homines, & quosdam Angelos

illos ab æterno exclusisse à Regno Cœlesti, illisque præparasse poenam, tum damni, tum sensus. Docuit secundò. Nec Angelos, nec Homines reprobos fuisse creatos ad Cœlestem beatitudinem, sed ad æternam damnationem. Docuit tertio. Deum, ut latum à se decretum exequatur, imponere eis necessitatem, ut peccent; imò eos positivè, ut peccent impellere. Totum hoc apparet ex iis, quæ habet tum in 3. *Instit. cap. 23. §. 6.* ubi asserit, quòd Deus consilio, nusquam suo ita ordinat, ut inter homines nascantur ab utero certa mortis devoti, qui suo exitio ipsius nomen glorificent. Tum *cap. 22. §. 6.* ubi aperit negat, Deum ex otiosa speculà speculandi merita, vel demerita. Tum in *cap. 9. ad Rom.* ubi postquam dixit, Deum pro arbitrio suo quem visum illi fuerit misericordià dignari, in quemcumque libuerit iudicii severitatem stringere, Induendi verbum, quum Deo in Scripturis tribuitur, non solum permissionem, sed divina quoque ira actionem significare. Quod Satau ipse, qui inique efficaciter agit, ita est ejus minister, ut non nisi ejus imperio agat. Concludit; Corruit ergo frivolum. illud effugium, quod de præscientià Scabellatici habent. Neque enim prævideri ruinam impiorum à Domino Paulus tradit, sed ejus consilio, & voluntate ordinari quemadmodum & Salomon docet, non modo præcognitum fuisse impiorum interitum, sed impior ipsos fuisse destinatos creatos ut perirent (Proverb. 16. v. 4.) Idem docuerat in *cap. 1. ejusdem epistolæ ad Rom.* dicens: de modo, quo Deus hominem in vitium tradit .... Certum quidem est, non finiendo tantum, & connivendo illum permittit homines prolabi, sed iusto iudicio se ordinare, ut tum à propriâ concupiscentiâ, tum à Diabolo in ejusmodi rabiem agantur, & ferantur. Hæc Calvinus.

II. Verum nedum falsa, sed impia est hæc doctrina. Primò. Quia evertit ordinem divinæ reclusionis, & iustitiæ, quæ petit, ne poena præcedat culpam, ne poenæ preparatio antecedit prævisionem culpæ; & ne creatura destinetur ad poenam, antequam prævideatur alicuius criminis facia. Secundò. Quia de Deo facit crudelem tyrannum, dum ponit, Deum, ut exequatur suum decretum de homine,

perdendo, enim creasse ad exitum, imponendo illi necessitatem peccandi; eumque non permittit tantum, sed positivè, & absoluto decreto ordinare in reprobis peccatum, eos ad peccandum impellere; & hoc modo Deum summè sanctum fieri auctorem peccati; quod olim Ecclesiæ, execrata fuit in Marcionitis, Manichæis, Priscillianistis, qui idipsum ausi fuerant eisture; quodque Arausiana Secunda Synodus Can. 25. his verbis proscripsit: Aliquos verò ad malum divinâ potestate prædestinatos esse non solum non credimus; sed si qui sunt, qui tantum malum credere velint, cum omni detestatione illis anathema dicimus. Quod etiam abominatæ est Tridentina Synodus sess. 6. can. 17. Si quis .... dixerit, reliquos omnes, qui vocantur, vocari quidem, sed gratiam non accipere, utpote divinâ potestate prædestinatos ad malum, anathema sit. Tertio. Tandem divinæ misericordiæ injuriosa, quæ omnes ad poenitentiam expellat, quæ nullum perire vult; imò omnes salvos fieri, ut superius ostendimus. Injuriosa etiam Christo, qui pro omnibus mortuus est, qui se dedit redemptionem pro omnibus, ut fuscè Tract. de Voluntate probavimus.

III. Dices tamen primò. D. Petrus act. 2. v. 23. de Christo: Hunc (inquit) definito Dei consilio, & præscientiâ Dei traditum, per manus iniquorum asilgentes interemissit; Ergo Deus definito consilio Judæos reprobos impulit ad Deicidium. Rursus: Deus dicitur excæcare Joann. 12. v. 39. & 40. Propterea non poterant credere, quia iterum dixit Isaias, Excæcavit oculos eorum, & induravit cor eorum; ut non videant oculis, & non intelligant corde, & convertantur, & sanem eos. Item: Exodi cap. 7. v. 3. de Pharaone dicit Deus: Sed ego indurabo cor ejus ... & non audiet vos. Quid autem est excæcare mentem, quid indurare cor, nisi statuto consilio prædestinare ad malum?

IV. Respondetur ad primum, exponendo Petri dictum, Definito Dei consilio de Redemptione, concedo. De Deicidio, nego. Vox autem illa traditum, non refertur ad Judæos, seu iniquos; itaut sensus sit, iniquos definito Dei consilio Christum interemisse, sed refertur ad Deum

Pa-

Patrem, qui *definito consilio* tradidit Filium suum pro humani generis Redemptione, quamvis permiserit iniquitatem Judæorum, ut latum ab æterno de Filii morte decretum exqueretur. Eadem actio (inquit D. Thom. 3. par. qu. 47. art. 3. ad 3.) *diversimodè* judicatur in bono, vel in malo, secundum quod ex diversâ radice procedit. Pater enim tradidit Christum, & ipse semetipsum ex caritate, & ideo laudantur. Judæi autem tradidit ipsum ex cupiditate, Judæi autem ex invidia, Pilatus ex timore mundano, quo timuit Cæsarem; & ideo ipsi vis superantur.

V. Ad secundum, dist. ant. Dicitur excecâre, obdurare, infundendo malitiam, vel impellendo ad peccatum, nego ant. Subtrahendo, & non largiendo gratiam, conc. ant. Deus reprobos excecât, inducat, non infundendo, aut eausando malitiam, vel illos ad peccandum positivè impellendo; sed excecatio, & induratio in hoc posita est: Primò. Quòd Deus non velit reproborum misereri, ut obduratio Dei sit nolle misereri: ut non ab illo irrogetur aliquid, quod sit homo deterior; sed tantum quod sit melior non erogetur. Ita S. August. lib. 1. de div. quæst. ad Simplician. qu. 2. Secundò. Quòd eos deserat: ita idem S. Doct. tract. 53. in Joann. Sic enim excecât, sic obdurât Deus, deferendo, & non adjuvando, quod occulto iudicio facere potest, iniquo non potest. Quia excecationem, & obdurationem eorum pravâs voluntates meruisse ibidem docet. De his autem, qui se suâ culpâ deserti non adjuvant, dicitur, quòd non possunt credere, sed potentiâ tantum futuritionis, non possibilitatis, ut superius Tract. de Volunt. ostensum est.

VI. Sed instabis. S. Augustinus lib. de gratiâ, & lib. arb. cap. 10. aperit dicit: Malorum hominum voluntates à Deo ad malum inclinari, & demonstrat exemplo Pharaonis: Sicut est (inquit) induratio Pharaonis, cuius & causa dicitur, ad ostendendam in illo virtutem Dei. Quare dixerat ante, quòd Scriptura divina, si diligenter inspicatur, ostendit, non solum bonas hominum voluntates, quas ipse facit ex malis, & à se facit bonas in actus bonos, & in æternam dirigit vitam: ve-

ram etiam illas, quæ conservant sæculi creaturam, ita esse in Dei potestate, ut eas quòd voluerit, quando voluerit, faciat inclinari, vel ad beneficia quibusdam præstanda, vel ad punas quibusdam ingerendas &c.

VII. Respondeo, D. Augustinum non velle, Deum malas hominum voluntates inclinare ad malum, sed suâ potestate uti malo, quòd in ipsis permittit; vel ad eorum poenam, nam (inquit) invenimus aliquæ peccata etiam punas esse aliorum peccatorum, ut constat in Pharaone; vel etiam in beneficiis aliorum: unde post multa, ait: Ecce quo modo probatur, Deum uti cordibus etiam malorum ad laudem atque adiumentum bonorum. Sic usus est Judâ tradente Christum: sic usus est Judæis crucifigentibus Christum. Et quanta inde bona præstitit Populo credituris? Qui & ipso Diabolo utitur pessimo, sed optimè, ad exerceendam, & probandam fitem, ac pietatem bonorum &c. Quare Deus non inclinat ad malum, sed voluntate malâ utitur ad bonum.

VIII. Dices secundò. Reprobi necessariò damnantur: si enim possent salvari, latum de eorum reprobatione decretum, frustrari posset suo effectu.

Si respondeas ex sæpè dictis, quòd reprobatus necessariò quidem damnabitur necessitate consequentiæ, cum insalubilis sit hæc consequentia: Judas ab æterno reprobatus est; ergo damnabitur. Non tamen necessitate consequentis, quia verum non est dicere: Judas ab æterno reprobatus est; ergo necessariò damnabitur; damnabitur enim liberè, quia nemo liberè peccando volet damnari: poterit enim converti ad Deum, poterit flare in iustitiâ, quamvis, aut de facto non sit convertendus, aut non perseveraturus usque in finem, si convertatur: quod bene salvat decretum Dei de ejus reprobatione non esse frustrandum suo effectu, & hominem adhuc non necessariò, sed liberè damnari.

IX. Replicabis. Ille necessariò damnatur, pro cuius salute non possem orare, si latum de ejus reprobatione decretum, mihi, Deo relevante, fieret notum: at qui revera non liceret mihi orare pro salute alicujus reprobî, si mihi revelatum esset

esset decretum de ejus reprobatione; ergo &c. Maj. patet. Ideo enim in illo casu non liceret orare pro salute illius reprobī, quia certò scirem, eum non posse salvari. Min. vero est August. qui lib. 11. de civit. Dei cap. 24. sic ait: *Si de aliquibus ita certa esset (Ecclesia) ut qui sint illi, etiam nosset, qui licet adhuc in hâc vitâ sint constituti, tamen prædestinati sunt in æternum ignem ire cum Diabolo; tam pro eis non oraret, quàm nec pro ipso. Sed quia de nullo certa est, orat pro omnibus &c.*

X. Respondeo tamen, neg. maj. ad prob. nego iterum ant. non enim in illo casu non liceret mihi orare pro salute illius reprobī, quod ille non posset absolute consequi salutem; sed quod illâ revelatione tolleretur à me spes obtinendi à Deo pro illo media efficacia ad salutem, nempe, aut actualem ejus conversionem, aut finalem perseverantiam. Obiectum enim spei (ut in Tract. de Spe) est bonum futurum, non merè possibile.

Addo, quod licita in eo casu non esset oratio, quia qui tunc pro illo oratione particulari oraret, videretur, Deum vellet facere mendacem. Nam Deus diceret: Petrus actu damoabitur; orans vero pro ejus salute Deo diceret: fac ne Petrus actu damnetur: hoc est, falsum redde, quod à te revelatum est.

## §. I. I.

## Reconsensur Opiniones.

XI. **R**efectio Calvinī errore, referendæ supersunt, quæ inter Catholicos circumferuntur opiniones. Eftius, ac Sylvius damnant quidem Calvinum ponentem, reprobationem positivam antecedere prævisa demerita: sed contendunt, reprobationem negativam, tùm in Angelis, tùm in Homīnibus antecedere omnem demeritorum prævisionem. Huic sententiæ addiulantur plures ex Thomistis distinguentes inter reprobationem negativam, quæ est exclusio à Glorîâ, ut à beneficio indebito, & reprobationem positivam, quam dicunt esse voluntatem infligendi poenam, & damni, & etiam sensus. Hanc secundam ponunt dependenter

à prævisis demeritis. Primam dicunt factam antecedenter ad omnem demeritorum prævisionem. Cui opinioni favere videtur D. Thomas supra relatus in 1. ad Annib. dist. 41. qu. un. art. 3. Et qu. 6. de verit. art. 2. ad 9. ubi ostendit discretionem Reprobatorum ab Electis esse rationabilem: nam per hoc ipsum, quod est non habere debitum ad hoc, quod eis gratia conferatur, rationabiliter possumus velle denegare, aliquid alieni, quod sibi non debetur.

XII. Ludovici verò Molinæ Sectatores, omnesque qui contendunt, electionem ad Gloriam non esse factam, nisi post merita prævisa, consequenter etiam dicunt, reprobationem sive negativam, sive positivam factam esse dependenter à prævisione demeritorum. Concipiunt enim, Deum in reprobando, tum aliquos ex Angelis, tum ex hominibus hunc ordinem servasse. Primò Deus (inquunt) Angelos, & homines decrevit in statu gratiæ condere cum ordinatione ad Regnum Cœlestē. Secundo statuit utrisque conferre gratiam actualem, cujus usus penderet ab eorum liberâ acceptione. Tertiò. Prævidit, Angelos apostatas eâ gratiâ benè usuros non esse, & proinde casuros. Quarto. In poenam hujus lapsus statuit eos excludere à Regno Cœlesti, & detrudere ad tartara cruciandos.

Circa homines verò dicunt, Deum post hominem eonditum in ipsius originali, & gratiâ illius status, prævidisse ejus lapsum: quo præviso statuisse illi & ejus posteris dare Redemptorem, & ex ejus meritis auxilium versatile, sufficiens tamen ad recuperandum amissæ iustitiæ statum, & perseverandum usque in finem. Cùmque prævidisset, ab aliquibus tale auxilium non acceptandum, hos eadem ratione, quâ Angelos Apostatas, à Regno Cœlesti excludisse, illisque in poenam peccatorum, in quibus prævisi sunt morituri, præparasse perpetuam tùm damni, tùm sensus poenam. Porro quoniam ex duabus recentitis opinionibus nobis magis arduæ, in sequentibus exponemus.

§. III.

*Resolutio de Reprobatione positiva.*

XIII. **D**ico primo. Reprobatio positiva, pro ut est statutum Dei infligendi poenam aeternam, tam damni, tam sensus reprobato, supponit praevisionem demeritorum. Ita omnes Catholici contra Calvinum supra rejectum; alioquin fieret Deus nimis crudelis, si vellet homines ad poenam destinatos, atque praevia eorum demeritorum praevisione; sicutque insuper causa positiva influens, & volens, eorum peccata; quod esto Calvinus non renuat, nos tamen horremus vel cogitare.

Ratio insuper est; quia voluntas puniendi supponit culpam, ut motivum: est enim voluntas exercendi iustitiam punitivam, quae supponere debet debitum puniendi, hoc autem fundatur in culpâ, idèdque debet culpam supponere. Cum ergo reprobatio positiva sit voluntas infligendi poenam, est voluntas exercendi iustitiam punitivam, & consequenter debet supponere culpam.

XIV. Hinc patet differentia inter damnationem, & Gloriam; cur Gloria, esto danda ut praeium, intendatur ante merita praevisa; damnatio autem quatenus infligenda ut poena, non possit intendi nisi ex praevisis demeritis. Nam primò. Gloria est maximum beneficium, idèdque non fit iniuria, etsi praeparetur ante praevisa merita: at poena reprobo est maximum malum, quod sine iniuriâ nequit praeparari absque demerito. Secundò. Gloria est per se bona, & per se à Deo volibilis: at poena est bonum occasionatum ex malo, nempe ex culpâ, idèdque non est volibilis, nisi ob culpam. Tertiò. Deus qui dat Gloriam, dat etiam merita; imò ex volitione dandi Gloriam oritur volitio meritorum: At Deus qui dat poenam, non dat culpam, cui debetur poena; unde voluntas poenae debet supponere praevisam culpam ab homine ponendam.

XV. Colligitur hæc veritas ex Concilio Arausicano Secundo cap. 13. ubi dicitur: *Fidenter fateamur prædestinationem*  
Tom. IV.

electorum ad vitam, & prædestinationem impiorum ad mortem. In electione tamen salvandorum misericordiam Dei præcedere meritum bonum: in damnatione verò periturorum meritum malum præcedere iustum iudicium Dei. Quod dixerat S. August. lib. 3. contra Julian. cap. 18. *Bonus est Deus, iustus est Deus. Potest aliquos sine bonis meritis liberare, quia bonus est. Non potest quemquam sine malis meritis damnare, quia iustus est.* Unde D. Thom. in cap. 9. ad Roman. lect. 2. in fine assignans differentiam reprobationis à prædestinatione: *Prædestinatio (inquit) importat preparationem meritorum, quibus pervenitur ad Gloriam: sed reprobatio non importat preparationem peccatorum, quibus pervenitur ad poenam.* Est idèd præscientia meritorum non potest esse aliqua ratio prædestinationis, quia merita præscita cadunt sub prædestinatione: sed præscientia peccatorum potest esse aliqua ratio reprobationis ex parte poenae, quia praepratur reprobatio; in quantum scilicet Deus proponit, se puniatur malor præter peccata, quæ à seipsis habent, non à Deo. Iustos autem proponit se premiaturum propter merita, quæ à seipsis non habent. Osee 13. *Perditio tua ex te Israel, tantum in me auxilium tuum.* Hæc D. Thomas.

§. IV.

*De Reprobatione negativa.*

XVI. **D**E hæc maior difficultas est, an habuerit pro motivo, si non culpam actualem, & personalem, saltem culpam originalem; & hanc non solum in iis, qui moriuntur cum culpâ originali, quia sine baptismo; sed etiam in iis, qui per baptismum renati, & ab originali liberati, per peccata subsequenta damnantur; an verò reprobatio negativa fuerit pura denegatio Gloriæ, & exclusio à Regno, ut à beneficio indebito, antequamcumque demeritorum praevisionem. Quæ in re divisos reperio Nostrates, idèdque officium potiùs Discipuli audiendo, quam Magistri statuendo implere vellem. Attamen ut in re aded. asperâ aliq. quid dicam.

XVII. Suppono, peccatum originale,  
P. sicut



sicut fuit sufficiens motivum, cur Deus totum genus humanum à Regno excluderet, ita fuisse motivum sufficiens, ut supposita misericordiae aliquorum liberatione, & electione ad Gloriam per Christum, aliquos in massâ perditionis relinqueret, eosque à Coelesti Regno excluderet. Probatur. Quia peccatum originale reddidit hominem peccatorem privatum gratiâ, odio dignum, & à Regno exclusum; ergo cum aliâ reprobatio hominum, utpote facta post electionem Christi Redemptoris, supposuerit peccatum originale jam prævisum, fuit sufficiens ratio, quâ Deus in poenam illius aliquos homines à Gloriâ excluderet. Ex vi namque præfati peccati facti fuerant omnes homines debitores aeternæ mortis. Quod si non omnes voluit punire, sed aliquos misericordiae dignatione liberare, gratia fuit Mediatoris; cum quo fiat, quoddam alios non liberare injustitia non sit: quia ex pluribus debitoribus potest creditur uni gratiosè condonare debitum, & ab alio ex iustitiâ exigere integram debiti solutionem.

XVIII. Suppono etiam, motivum reprobandi parvulos, qui moriuntur sine baptismo, de facto fuisse solum peccatum originale. Labor est in resolvendo, an etiam in iis, qui damnantur non solum ob originale, sed etiam ob actualia, & personalia peccata, ratio, & radix, nedum sufficiens, sed actualis, efficax, & adæquata illis reprobandi, & excludendi à Gloriâ fuerit peccatum originale: & hoc tam in adultis, qui moriuntur, & damnantur sine baptismo, quàm in iis, qui post baptismum susceptum alia peccata patrarunt, & damnantur.

XIX. Noto tamen pro pleniori hujus intelligentiâ, quoddam electio ad Gloriam, & exclusio à Gloriâ dupliciter considerari possunt. Vel absolute, & in generali, quatenus aliqui ex hominibus sunt ad Gloriam electi, aliqui sunt ab eâ exclusi. Vel comparative, & in particulari, quatenus comparando in particulari homines ad invicem, unus potius, quàm alius ad Gloriam eligitur, vel à Gloriâ excluditur. Hanc distinctionem accipimus à Divo Thoma in cap. 6. Joân. lect. 5. ubi exponens dictum Christi *Nemo potest venire ad me, nisi Pater, qui misit me, traxerit eum,*

ait. *Ex quo ergo Deus paratus est dare omnibus gratiam, & ad se trahere, non imputatur ei, si aliquis non accipiat; sed ei, qui non accipit. Quare autem non omnes adversus trahit, sed aliquos, licet sint omnes aequaliter adversi, ratio quidem in generali potest assignari: ut scilicet in iis, qui non trahuntur appareat, & resurgat ordo divinae iustitiae, in illis autem, qui trahuntur, immensitas divinae misericordiae. Quare autem in speciali trahat hunc, & illum non trahat, non est ratio aliqua, nisi beneplacitum voluntatis divinae. Unde dicit Augustinus. Quem trahat, & quem non trahat; quare illum trahat, & illum non trahat, noli velle judicare, si non vis errare. Hâc à nostro Doctore Angelico acceptis, & suppositis.*

XX. Dico primò. Ratio, quæ movet Deum ad aliquos absolute excludendos à Gloriâ, seu reprobandos negativè fuit peccatum originale. Probatur ex Script. Roman. 9. ubi reprobatio exprimitur ab Apostolo nomine *Odii*: reprobi insuper vocantur *vasa ira apta in interitum*. In reprobato autem, quid invenit, quod odisset Deus? Certè non naturam, hanc enim Deus ipse fecit: nam Sapientie 11. v. 25. de Deo dicitur: *nihil odisti eorum quæ fecisti*. Neque etiam propier naturam potuit reprobos esse vas, seu objectum iræ Dei. Remanet ergo, quod fuerit objectum odii, & iræ Dei propter peccatum, non quidem actuale, quia ab Apostolo describitur Esau reprobatus, antequam quidquam mali prævisus fuisset acturus; ergo propter peccatum originale, quo tota natura humana vitata facta fuit objectum odii, & iræ Dei. Quare August. Epist. 194. aliàs 105. ad Sixtum cap. 6. Si (inquit) *Vasa sunt ira, quæ perfecta sunt ad perditionem, qua illis debita redditur, sibi hoc imputent, quia ex eâ massâ facta sunt, quam propter unius peccatum, in quâ omnes peccaverunt, merito, iustè, quædam damnavit. Si autem vasa sunt misericordiae, quibus ex eadem massâ facti supplicium debitum reddere voluit, non se insultent, sed ipsam glorificent, qui eis misericordiam non debitam præstitit. Et cap. 8. Quid enim (ait) diligebat in Jacob antequam natus fecisset aliquid boni, nisi gratuitum misericordiae suæ donum? Et quid*

ade-

oderat in Esau antequam natus fecisset aliquid mali, nisi originale peccatum? Nam neque in illo diligeret iustitiam, quam nullam ille fecerat: neque in isto odisset naturam, quam bonam ipse fecerat.

XXI. Hoc idem confirmat S. Doctor lib. 2. contra duas Epist. Pelagianorum ad Bonifacium Romanæ Ecclesiæ Episcopum. cap. 7. dicens: Ubi autem dicitur; ergo cui vult miseretur, & quem vult obdurat; qui facit aliud vas in honorem, aliud in contumeliam: bonum quidem immeritò, & gratis datur, quia ex eadem massa est, cui non datur; malum verò merito, & debitum redditur, quia in massa perditionis malum malo non malè redditur, & ei cui redditur, malum est, quia supplicium eius est; ei verò à quo redditur, bonum est, quia reus factum ejus est. Nec ulla est acceptio personarum in duobus debitoribus aequaliter reus, si alteri dimittitur, alter exigitur, quod pariter ab utroque debetur. Et adducto exemplo duorum parvulorum, quorum unus baptizatur antequam moriatur, alter non: Quid (inquit) restat quantum ad baptizatum admet, nisi gratia Dei, qua vasis factis in honorem gratis datur; quantum autem ad non baptizatum, ira Dei, qua vasis factis in contumeliam pro ipsius massa meritis redditur? Inde ad Pelagianos conversus: vos (inquit) videritis, qui non vultis esse originale delictum. Videndus est S. Doctor lib. de corrept. & gratia cap. 7. de dono persever. cap. 8. nimis enim in longum iremus, si omnes Augustini textus in materia, in qua perpetuus est, huc adducere vellemus.

XXII. S. Augustino subscribit Sanctus Thomas, tum in cav. 9. ad Rom. lect. 3. dicens: Si aliqui duobus aquè ipsum offendentibus uni dimittat offensam, & non alteri, est misericors uni, & iustus ad alterum, neutri verò iniquus. Cum enim omnes homines propter peccatum primi parentis damnationis nascantur obnoxii, quos Deus per suam gratiam liberat, solà misericordiâ liberat: & sic quibusdam est misericors, quos liberat, quibusdam autem iustus, quos non liberat, neutris autem iniquus.

Thm 1. part. qu. 23. art. 5. ad 3. ubi docet, manifestationem duplicis attributi

miscericordiæ, & iustitiæ esse causam, cur licet omnes homines sint æquales, & secundum naturam, & secundum peccatum originale (ut in argumento opponeretur) unum tamen Deus prædestinet, alterum reprobet, dicens: Voluit igitur Deus in hominibus quantum ad aliquos, quos prædestinat, suam representare bonitatem per modum misericordiæ, parcendo, & quantum ad aliquos, quos reprobat, per modum iustitiæ puniendo. Et hæc est ratio, quare Deus quosdam eligit, & quosdam reprobat. Et hanc causam assignat Apostolus ad Rom. 9. dicens: Volens Deus ostendere iram, id est vindictam iustitiæ; & notam facere potentiam suam, sustinuit, id est permisit in multâ patientiâ vasa iræ apta in interitum... & 2. Timoth. 2. In magnâ domo non solum sunt vasa aurea, & argentea; sed etiam lignea, & siccilia: & quædam quidem in honorem, quædam in contumeliam. Hæc D. Thomas.

XXIII. Ex quibus sic discurro. Prædestinatio ad Gloriam facta est per modum misericordiæ parcendo; reprobatio verò à Gloriâ, quæ est reprobatio negativa, facta est per modum iustitiæ puniendo, & ut ait Apostolus, iram, & vindictam manifestando: sed in eo instanti, & signo, quo facta est prædestinatio, & reprobatio, seu discretio electorum à reprobis, nihil erat, ob quod Deus posset parcere, vel punire, nisi originale peccatum: Cùm enim in eodem signo, quo facta est prædestinatio aliquorum, facta fuerit reprobatio aliorum, prædestinatio autem facta sit ante merita, vel demerita personalia prævisa, & si parcendo facta est, hoc esse non potuit nisi peccatum originale condonando: ita reprobatio ante peccata personalia facta fuit, & si puniendo facta est, hoc esse non potuit, nisi puniendo peccatum originis.

XXIV. Dico secundò. Reprobatio in particulari, seu comparativa, nempe unius præ alio, non habuit aliam causam, quàm divinum beneplacitum. Ita S. Thomas loco supra citato ex cap. 6. Joann. lect. 5. ubi postquam dixit posse quidem assignari rationem, cur aliquos Deus reprobet, non autem cum reprobet hos præ illis, subiungit exemplum artificis, dicens: Nam assignari potest ratio, quare

ponit aliquos lapides inferias, & aliquos superiùs, & aliquos ex lateribus, ex dispositione domus, ejus complementum hoc exigit. Sed quare hos lapides hic ponat, & hoc ibi, dependet à sua simplici voluntate. Et inde est, quod prima ratio dispositionis refertur ad voluntatem artificis. Et rursus 1. part. qu. 13. art. 5. ad 3. post verba superius laudata prosequitur: *Sed quare hoc elegit in Gloriam, & illud reprobavit, non habet rationem, nisi divinam voluntatem, unde Augustinus dicit super Josuam (tract. 26.) Quare hunc trahat, & illum non trahat, noli velle judicare, si non vis errare. Sicut etiam in rebus naturalibus potest assignari ratio, cum prima materia tota sit in se uniformis, quare una pars ejus est sub forma ignis & alia sub forma terra à Deo in principio condita, ut sic sit diversitas specierum in rebus naturalibus. Sed quare hac pars materia est sub ista forma, & illa sub alia, dependet ex simplici divinâ voluntate; sicut ex simplici voluntate artificis dependet, quod ille lapis est in ista parte parietis, & ille in alia, quamvis ratio artis habeat, quod aliquis sint in hac, & aliqui sint in illâ. Neque tamen propter hoc est iniquitas apud Deum, si inæqualia non inæqualibus præparat. Hoc enim esset contra iustitiam rationem, si prædestinationis effectus ex debito redderetur, & non daretur ex gratiâ. In his enim, quæ ex gratiâ dantur, potest aliquis pro libito suo dare cui vult plus; vel minus, dummodo nulli subtrahat debitum, absque præiudicio iustitiæ. Et hoc est, quod dicit Pater familias Matth. 20. Tolle, quod tuum est, & vade, au non licet tibi quod volo facere? Quibus S. Magistri verbis, nedum appareat, nostram assertionem ejus mentem germanè assequi; verum etiam ab eodem ratione, exemplisque abundè probatam esse.*

## §. V.

## Objecta contra dicta.

**XXV.** **C**ontra primam assertionem obstat primò D. Paulus, qui Rom. 9. Non minus excludit demerita à reprobatione, quàm merita à prædestinatione; Cùm (inquit) vultum nati fuisset,

sensit, aut aliquid boni egissent, aut mali... non ex operibus, sed ex vocante dictum est, quia major serviet minori, sicut scriptum est: Jacob dilexi, Esau autem odio habui; Ergo sicut electio ad Regnum est ante prævisa merita, ita rejectio à Regno erit ante prævisa demerita.

**XXVI.** Confirmatur. Paulus reprobationem negativam reducit in solam Dei voluntatem. Cùm enim contra se objecisset v. 14. Nunquid iniquitas apud Deum? non respondet, non esset apud Deum iniquitas, quia reprobatur secundum demerita saltem originis, ut responderet debuisse; sed coniungens ad supremam Dei voluntatem, & dominum: *Misereror* (inquit v. 15.) *cujus misereror*; & concludit v. 16. *igitur non volentis, neque currentis, sed miserentis, est Dei.* Quod confirmat exemplo Pharaonis v. 17. *dicit enim Scriptura Pharaoni, quia in hoc ipsum excitavi te, ut ostendam in te virtutem meam, & ut annuncietur nomen meum in universâ terrâ.* Quasi diceret: sicut calamitatum, quibus afflicti sunt Pharaon, non est querenda alia causa, quàm manifestatio suæ virtutis, & sui nominis Gloria; ita reprobationis quorundam, alia causa querenda non est. Quia verò respondere adhuc quis poterat: si Deus soli suâ voluntate homines reprobavit, cur conqueritur de reprobis, si propriæ salutis operam dare negligunt? *Dicit itaque mihi (v. 10.) Quid adhuc queritur? voluntati enim ejus quis resistit?* Indignatus, sic loquentem increpat. *O homo tu quis es, qui respondeas Deo? numquid dicit figmentum es, qui se finxit: quare me fecisti sic?* Et in exemplo Figuli sitens prosequitur: *An non habet potestatem Figulus luti ex eadem massâ facere aliud quidem vas in honorem, aliud verò in contumeliâ?* Sicut ergo Figulus ex merâ suâ voluntate facit ex eadem massâ aliud vas in usus honorabiles, aliud in usus viles; ita Deus volens ostendere iram, & notam facere potentiam suam, sustinuit in multâ patientiâ vasa ira apta in interitum, ut ostenderet divitiis gloria sua in vasa misericordiæ, quæ præparavit in Gloriam.

**XXVII.** Respondeo, S. Paulum, tam in argumento, quàm in confirmatione non contradicere nostræ primæ assertioni,

ni, sed potius confirmare secundam, toto enim illo capite nono agit de electione, & reprobatione comparativa. Querit enim, cur Esau potius, quam Jacob, qui æqualiter erat reus, fuerit reprobatus; sicut cur Judæi potius fuerint reprobandi, quam Gentes. Hanc autem reprobationem comparativam, non aliam habere causam, quam divinam voluntatem, quæ ex duobus æqualiter origine reis, unum suâ dilectione liberavit, alium iusto odio persecutus fuit, in secundâ assertionem diximus. Cum quo tamen fiat, quod causâ radicalis, quare ex illis duobus unum reprobavit, fuerit peccatum originis. Circa enim electionem bonorum, & reprobationem malorum duplex questio potest moveri (ait D. Thom. in dictum cap. 9. ad Roman. lect. 4.) una quidem in generali, quare Deus velit quosdam indurare, & quorundam misereri. Alia verò in speciali, quare velit bujus misereri, & hunc vel illum indurare. Et potest quidem ratio bujus questionis assignari. Secunda autem questionis non potest assignari, nisi simplex Dei voluntas. Cujus exemplum patet in rebus humanis. Si enim aliquis edificare volens haberet multos lapides similes, & aequales congregatos, posset ratio assignari, quare quosdam ponat in summo, & quosdam in imo, ex parte finis; quia ad perfectionem domus, quam facere intendit, requiritur, & fundamentum quod habet lapides in imo, & cacumen parietis, quod habet lapides in summo. Sed quare ponat hos lapides in summo, & quos in imo, non habet aliquam rationem, nisi quia artifex voluit.

XXVIII. Inferius autem ad exemplum Figuli, & Vasorum, quo utitur Apostolus: Considerandum est (inquit) quod si aliquis artifex ex materiâ vili faciat vas pulchrum, & nobilibus artibus accommodatum, totum ascribitur bonitati artificis, puta si ex luto faciat scutellas, & urceos ad nobilem mensam decentes. Si verò ex vilis materiâ puta ex luto faciat vas accommodatum vilibus usibus, puta coquina, vel hujusmodi officii, non posset vas conqueri, si rationem haberet. Posset enim conqueri, si ex materiâ pretiosâ, qua præfaceret artificis operationi, puta ex auro, & lapidibus pretiosis faceret vas ad vilis

officia deputatum. Humana autem naturâ vilitatem habet ex suâ materiâ, quia, ut dicitur Genes. 2. fecit Deus hominem de limo terræ. Sed majorem vilitatem habet ex corruptione peccati, qua per unum hominem in hunc mundum intravit. Et ideo homo luto merito comparatur. Job. 30. Comparatus sum luto, & assimilatus sum favillæ & cineri. Unde quidquid habet homo debet bonitati divinæ quasi peritæ Figuli ascribere. Isaia 64. Nunc Domine Patet es tu, nos verò lutum, & sicut nos tu, & opus manuum tuarum omnes nos. Si verò Deus hominem ad meliora non promoveat, sed in suâ infirmitate eum dimittens, deputat eum ad infimum usum, nullam ei facit injuriam, ut possit iuste de Deo conqueri.

Rursus ad illa verba: An non habet potestatem &c. ait: Fugmentum idest vas fictile non posset dicere Fictori, quid me fecisti sic: quia Figulus liberam potestatem habet ex materiâ luti facere quodcumque sibi placuerit. Unde dicit: An non habet potestatem, scilicet liberam, Figulus luti, qui scilicet operatur in vili materiâ, ex eadem massâ, scilicet vili materia facere absque alienius injuria, aliud quidem, vas in honorem, idest in honorabilem usum, aliud verò in contumeliam, idest in usum viliores. ... & similiter Deus liberam potestatem habet facere ex eadem corruptâ materiâ humani generis, sicut ex quodam luto nulli faciendo injuriam, quosdam homines præparatos in Gloriam, quosdam autem in miseriam derelictos. Hucusque D. Thomas addit clarè nostram sententiam, expressit, ut aliud addere supervacaneum sit.

XXIX. Hâc doctrinâ & distinctione, nimirum reprobationis absolutæ, & in generali, & reprobationis comparativæ, & in speciali solui possunt omnes instantiæ, quæ ex DD. August. & Thomâ contra nostram primam assertionem produci solent. Cum enim hi Sancti Doctores doceant, reprobationis non esse querendam causam, sed recurrendum ad inscrutabilia Dei judicia, ad Dei voluntatem, & supremum dominum, dicendum est, eos loqui de reprobatione comparativâ, & in speciali, quia hic præ alio reprobatus est. Hujus enim alia ratio reddi non potest, quam

quàm divina voluntas. Licet enim ad interrogationem, cur Petrus, cur Joannes sint reprobi, reddi possit ratio, nimirum originale peccatum, quo uterque est infectus, ac uterque reprobari demeruit; Ad interrogationem tamen, cur Petrus, & Joannes fuerint reprobati, & Paulus, & Jacobus fuerint prædestinati, licet non minus rei in origine, quam illi, recurunt Augustinus, & Thomas cum D. Paulo ad inscrutabilia Dei judicia, cui placuit his misereri, & condonare culpam, non illis.

XXX. Contra eandem primam assertionem obstat secundò difficilis instantia, hoc modo. Assertio hæc non habet locum in iis, qui per Baptismum ab originali liberati sunt; & tamen, quia reprobati, damnantur. Hi enim damnari non possunt ob originale, quod in eis remissum est quoad culpam, dicente Apostolo Roman. 8. v. 1. *Nihil nunc damnationis est iis, qui sunt in Christo Jesu.* Unde Concil. Trident. sess. 5. in Decreto de peccato originali statuit, quod in renatis nihil odit Deus, quia nihil est damnationis iis, qui verò conscripti sunt cum Christo per Baptismum in mortem; & anathemate ferit, qui diceret, Baptismo non tolli totum id, quod verum, & propriam rationem peccati habet. Ex quibus sic arguunt. Vel Reprobis, qui in infantia Baptismate tincti est, damnatur propter peccatum originale; vel non damnatur propter illud. Si primum; ergo contra Apostolum, & Tridentinum aliquid damnationis in renatis manet; ergo aliquid in eis odit Deus. Si verò secundum; ergo peccatum originale in renatis non est causa reprobationis.

XXXI. Variè huic argumento respondet nostræ sententiæ Patroni. Quidam dantes manus victas concedunt, peccatum originale non fuisse causam reprobationis eorum, qui ab eo mundandi erant per Baptismum: sed eorum tantum, qui sine Baptismo erant decessuri.

Sed hi à DD. Angustino, & Thoma recedunt, qui nullà adhibita distinctione, ut superius offendimus, causam reprobationis negativæ in hominibus dicunt esse peccatum originis. Imò D. August. lib. de corp. & gratiâ cap. 7. loquens de illis, qui post Baptismum perseveraturi

non sunt, dicit: *Non enim sunt à massa illâ perditionis præscientiâ Dei, & prædestinatione discreti. . . . & tamen quis negat, eos electos, cum credunt, & baptizantur, & secundum Deum vivunt? Plane dicuntur electi à nescientibus, quid futurisint, non ab illo, qui eos movit, non habere perseverantiam Græ.*

XXXII. Dicunt alii, duplicem infectionem distinguendam esse, nimirum naturæ, & Personæ: sublatâ autem per baptismum infectionem personæ, remanere infectionem naturæ, nempe concupiscentiam, & ob hanc damnari. Sed hi videntur admittere in renatis aliquid damnationis, aliquid esse, quod in eis oderit Deus, & insuper concupiscentiam in renatis esse peccatum, quod Catholicæ refragatur doctrinæ.

XXXIII. Mediâ ergo viâ & tutiori incedens, dico: Reprobis jam baptizatum non damnari quidem immediatè, & proximè propter originale, sed propter actualia peccata; damnari tamen remote, & radicaliter propter illud. Non, inquam, damnari proximè; quia nulla peccati originalis culpa remanet in Reprobo, qui in infantia, vel post baptizatus est, nec unquam reditura est culpa, quæ Baptismum præcesserat. Damnari tamen remotè, & radicaliter propter peccatum originale, quatenus, eo licet quoad culpam remisso, remanent tamen miseræ ejus reliquæ, inter quas concupiscentia, quæ ex peccato est, & ad peccatum inclinât; eique adhuc manet indubitum speciale auxilium, quod ad actum perseverandum requiritur. Quare quod homini baptizato denegetur speciale auxilium ad perseverandum finaliter, & sic damnatur, esto proximè ob peccata personalia contingat, in peccato tamen originali radicem habet.

XXXIV. Pro quo adverto, quod dupliciter contingit, aliquem à massa perditionis originalis liberari. Uno modo perfectè, & completè; quia nedum gratiam accipit baptismalem, sed etiam perseverantiz donum, quo Gloriam æternam adipiscitur. Alio modo imperfectè solum, & incompletè; quia etsi credat, baptizetur, recipiat gratiam, non tamen perseverat, nec ad Gloriam pervenit.

Hi

Hi ergo, qui per Baptismum mundati ab originali in alia peccata incidunt, & finaliter damnantur, non sunt plenè, & perfectè à mafsà perditionis liberati, sed solum imperfectè, & semiplenè; quia mundati sunt quidem à culpà originalis peccati, sed non sunt liberati ab omnibus pœnalitatibus consequentibus ipsum, & maxime ab hoc, quod donum perseverantiæ non eis denegetur, & sit indebitum; quæ ratio indebiti ex peccato originali radice, ortum, aut saltem occasionem habuit.

XXXV. Hoc indicavit S. Thomas qu. 6. de veritate art. 2. ad 9. ubi ait: *Discendum quod electio Dei, quâ unum eligit, & alium reprobat, rationabilis est, nec tamen oportet, quod ratio electionis sit meriti: sed in ipsâ electione ratio est divina bonitas. Ratio autem reprobationis est in omnibus peccatum originale, ut dicit Augustinus, vel in futuro per hoc ipsum, quod est non habere debitum ad hoc, quod eis gratia conferatur: rationabiliter autem possumus velle denegare aliquid alicui, quod sibi non debetur. Quasi diceret: respectu eorum, qui de præsentibus sunt originali peccato infecti, reprobatio immediatè venit in pœnam illius. Respectu vero eorum, qui ab eo mundati sunt per Baptisma, in alia tamen peccata labuntur, quibus damnabuntur, erit eorum reprobatio immediatè quidem ob peccata actualia, radicaliter tamen ob ipsum originale, ex quo factum fuit, ut collatio gratiæ ad perseverandum esset eis indebita.*

XXXVI. In hanc sententiam conspirarunt Episcopi in Sardinia exules, *Epist. Synodica*, ubi de Jacob, & Esau loquentes, sic ajunt: *Deus ergo in Jacob misericordiam gratuita bonitatis, in Esau verò judicium justæ severitatis offendit; qui Sacramentum quidem Circumcisionis octavo die secundum tenorem divinæ constitutionis acceperat, reatu peccati originalis caruit, sed per nequitiam cordis in hominis terreni vetustate permansit, illius ibi judicio develidit, qui gratia salvat; justèque damnat. In ejus Persona significati sunt, non illi tantum, qui fidem negant, sed & illi, qui usque in finem vita sua intra Ecclesiam positi, in malis operibus perseverant.*

*rant.... Ad eundem quippe veterem hominem pertinent, non solum illi, qui ignorant Dominum, sed etiam illi, de quibus dicit Apostolus: continentur se nosse Dominum, factis autem negant.*

XXXVII. Obstat tertiò videtur S. Thomas, tùm quæst. 23. hujus 2. p. art. 3. ubi reprobationem aliquorum docuit esse actum divinæ providentiæ, ad quam pertinet aliquos permittere à vita æterna deficere: atqui si reprobatio esset ex peccato originali, esse actus justitiæ vindicativæ, reprobarer enim in pœnam peccati originalis; ergo &c.

Tum etiam, quia loco citato docet, voluntatem permittendi aliquem cadere in culpam, esse effectum reprobationis, sicut voluntas conferendi gratiam, est effectus prædestinationis: Sicut enim (inquit) *prædestinatio includit voluntatem conferendi gratiam, & gloriam; ita reprobatio includit voluntatem permittendi aliquem cadere in culpam; ergo sicut collatio gratiæ est effectus prædestinationis, ita permissio culpæ erit effectus reprobationis, & consequenter eam non præcedet.*

.XXXVIII. Respondeo, D. Thomam asserere quidem, reprobationem esse actum providentiæ, sed non negare esse quoque actum justitiæ: imò sicut prædestinatio, est actus providentiæ sit, adhuc tamen est actus misericordiæ, quia quos à mafsà perditionis liberat, gratis & ex misericordiâ liberat; ita quos in mafsà perditionis relinquit, nec à miseriâ liberat, actus justitiæ est, iusto enim judicio reus damnationi addicitur. Est ergo ibi, & ratio providentiæ, quatenus permittit, aliquos ab ipso sine deficere: est etiam actus justitiæ, quatenus ad id permittendum ex parte eorum justam habet causam, nempe corruptionem naturæ, Unde Augustinus lib. 2. contra duas Ep. Pelagian. cap. 7. citatus: *bonum quidem (inquit) immeritò, & gratis datur, quia ex eadem mafsâ est, cui datur; malum verò meritò, & debitum redditur, quia in mafsâ perditionis malum malo non malè redditur. Et D. Thom. laudat qu. 23. art. 5. ad 3. docet, quod sicut Deus dum aliquos prædestinat, voluit representare bonitatem per modum misericordiæ par-*

parendos ita quantum ad aliquos, quos reprobat, per modum iustitiae puniendo.

Ad secundum, dist. ant. cadere in culpam actuale esse effectum reprobationis, conc. antecedens, ut infra dicemus. In culpam originale, nego antecedens. Voluntas enim permittendi culpam originalem praecedit voluntatem reprobativam, ut in Doctrinâ S. Thomae constans est.

XXXIX. Ex omnibus hucusque dictis constare poterit, quam immeritò quidam opinionem hanc censurâ notare ausi fuerint: cum sit aperta D. Augustini, D. Thomae sententia, eamque plures ejus Discipuli tueantur, inter quos Gonet, qui plures ex nostris pro eâ laudat, & ex exteris Suarez. in 1. p. lib. 5. de reprobat. cap. 5. Ruiz disput. 14. de praedest. sect. 4. & sequentibus: & omnibus aliis Societatis Jesu Theologis defendenda proponatur à P. Claudio Aquaviva Praeposito Generali. Hæc enim habet pag. 16. libri de ratione studiorum Societatis editi Romæ anno 1586. *Reprobationis, quâ ceteri homines ab ultimo fine excidere permitti sunt, causa fuit peccatum originale.*

Demùm ex dictis constare poterit, reprobationem negativam Angelorum fuisse ante prævisa eorum demerita. Cum enim in eorum naturâ nullum vitium originis adfuerit, eodem instanti, quo suâ simplici voluntate aliquos eorum ad finem Gloriæ Deus transmisit, alios simplici voluntate à fine Gloriæ decidere permisit; sic exigente generalis Providentiæ ordine, & suorum attributorum offensione; quibus tamen, esto gratiam efficacem ad perseverandum non dederit, gratiam tamen, quâ perseverare possent, non denegavit.



## DUBIUM III.

## De effectibus reprobationis.

## §. I.]

## Aligua præmittuntur.

I. **B**reviter ab hoc dubio nos expediemus, cum ex iis, quæ diximus de effectibus prædestinationis, facilè solvi possit. Recolendum igitur est, tria requiri, ut aliquid sit effectus reprobationis. Primò. Ut sit à Deo volitum: Deus enim est qui excludit, & condemnat reprobum. Secundò. Ut ad reprobationis finem conducatur. Tertiò. Ut ad eum finem conducatur ex intentione Dei.

Inter reprobationis effectus recenseri possunt permissio peccati, excommunicatio, induratio, damnatio æterna, & tandem plura peccata actualia, de quibus omnibus quæremus.

Ex dictis enim suppono peccatum originale, ejusque permissionem effectum reprobationis non esse. Non quidem peccatum ipsum, quia ut dicemus nullum peccatum effectus reprobationis esse potest, cum peccatum à Deo esse non possit. Nec etiam peccati originalis permissio, quia quod supponitur ad decretum Reprobationis, & insuper est ratio movens ad decretum illud formandum, non potest esse reprobationis effectus, quia effectus non potest esse prior, & causa suæ causæ: sed peccatum originale est prius permissum, quàm fuerit volita aliquorum reprobatio, & insuper fuit ratio, & causa motiva, ut aliquos ex hominibus Deus à Gloriâ excluderet, ut Dubio præcedente ostensum est; ergo non potest esse Reprobationis effectus.

## §. II.

## Resolutiones Dubii.

II. **D**ico primò. Permissio peccati actualis, quod nunquam debet remitti, est effectus reprobationis. Prob. Id, quod est à Deo volitum, id quod ad finem

finem reprobationis ex Dei intentione, conducit, est effectus reprobationis: sed huiusmodi est permissio peccati non remittendi: hoc enim Deus non vult remittere, quia statuit peccatorem à Gloria excludere; ergo &c. Unde D. Thomas hac qu. 23. art. 3. Sicut (inquit) *prædestinatio includit voluntatem conferendi gratiam, & gloriam; ita reprobatio includit voluntatem permittendi, aliquem cadere in culpam, & inferendi damnationis poenam pro culpa.*

III. Neque opponas. Permissio peccati non conducit ad finem reprobationis, nisi ratione peccati; ergo reprobatio per se intendi non potuit, nisi per se intendatur peccatum; ergo potius debet dici permissionem peccati esse à Providentiâ generali, & deinde ordinari per providentiam reprobativam ad finem reprobationis.

IV. Nam respondeo, permissionem peccati non conducere ad finem reprobationis, nisi ratione peccati ponendi tamen ad homine, non à Deo. Deus enim permittens peccatum, per se solum intendit denegare auxilium gratiæ indebitum, & hæc est permissio, quæ per se à Deo volita, ponitur ut effectus reprobationis. Quod autem ex tali gratiæ denegatione sequatur insalubriter sequellâ logicâ peccatum, hoc est præter intentionem Dei, esto non sit præter eius providentiam, sed ex voluntate peccatoris, qui à Deo derelictus, spontè labitur in peccatum. Unde D. Thomas qu. 23. citatâ art. 3. ad 2. *Reprobatio (inquit) non est causa ejus, quod est in presenti, scilicet culpa, sed est causa derelictionis à Deo. Est tamen causa ejus, quod redditur in futuro, scilicet pena æterna: sed culpa provenit ex libero arbitrio ejus, qui reprobatur, & à gratiâ deseritur. Et secundum hoc verificatur dictum Propheta, scilicet: Perditio tua Israel ex te.*

V. Dico secundò. Denegatio specialis doni perseverantiæ est effectus reprobationis. Prob. Reprobatio est causâ, cur Deus iustus, qui Reprobos est, denegat speciale donum perseverantiæ. Interroganti enim, ex duobus piis, cur huic donetur perseverantia usque in finem, illi non donetur: Respondet post multa S. Au-

gustinus lib. de dono Persev. cap. 9. *Quia non erant secundum propositum vocati, non erant in Christo electi ante constitutionem mundi, non erant in eo sortem consecuti, non erant prædestinati secundum propositum ejus, qui universa operatur.*

VI. Dico teritiò. Excecatio, & obduracyo in Reprobo sunt effectus reprobationis ejus. Patet, quia excecatio, & obduracyo nil aliud sunt, quàm integra hominis impii suæ malitiæ derelictio: atqui integra impii derelictio suæ malitiæ à Deo est ex intentione ipsum reprobandi, ut vidimus ergo &c. Major patet ex Augustino epist. 194. olim 105. ad Sixtum cap. 3. dicente: *Nec obdurat Deus impertinendo malitiam, sed non impertiendo misericordiam.*

VII. Dico quartò. Peccata ipsa non sunt in reprobis effectus reprobationis eorum. Est contra Calvinum. Peccata enim, nec sunt, nec possunt esse à Deo, nec à Deo volita: sed ut aliquid sit effectus reprobationis debet esse à Deo reprobante, & volutum; ergo &c. Major patet; quia Deus vult quidem permittere peccata, seu denegare gratiam, sed peccatum non vult facere, neque vult fieri. Quare, ut dicebamus, peccata præter intentionem Dei eveniunt, non tamen, præter illius providentiam, quâ sinit illa fieri: Ut (ait August. in Enchirid. cap. 100.) *miro, & ineffabili modo non fiat præter ejus voluntatem, quod etiam contra ejus sit voluntatem. Quia non fietet, si non sineret: nec utique nolens sinit, sed volens: nec sineret bonus fieri malè, nisi omnipotens, & de malo facere posset bene.* Et cap. 101. concludit: *Deus igitur omnipotens, siue per misericordiam ejus vult misereatur, siue per judicium, quem vult obduret, nec iniquè aliquid facit, nec nisi volens quidquam facit, & omnia quacumque vult facit.*

VIII. Hinc non sequitur, Deum volentem denegationem gratiæ, ad quam sequitur peccatum, velle adhuc indirectè peccatum, licet volens illud sinit fieri. Nam tunc solum omisso gratiæ, & permissio peccati volita, esset indirecta, volitio peccati exâ secuti, quando aliàs gratia, & auxilium essent debiti: tunc enim sinitetur, & non facit aliquid, ex quo



quo sequitur aliquid, imputatur ei indirectè malum, quod sequitur. Auxilium autem ad vitandum peccatum nulli debitum est. Eò vel maxime, quòd ad subtractionem gratiæ Deus causam habet ex parte nostrâ. *Quod enim gratia alicui non apponatur, non est causa ex Deo, sed ex hoc, quòd ipse, cui gratia apponitur, impedimentum gratiæ præstat, in quantum avertitur à non avertente se lumine.* Ità S. Thom. *qu. 3. de malo art. 1. ad 8.*

IX. Dico quintò. Aeterna pœna, tùm damni, tùm sensus effectus reprobationis sunt. Probatur. Quia aeterna pœna parata est reprobis à Deo ex voluntate eos reprobandi. *Matthæi 25. v. 41. Discedite à me maledicti in ignem æternum, qui paratur, idest prædestinatus, est Diabolo, & Angelis ejus.* Et S. August. *lib. 15. de Civit. Dei cap. 1.* Dux Civitates, hoc est duas societates hominum distinguit: quarum est una, qua prædestinata est in æternum regnare cum Christo, altera æternum supplicium subire cum Diabolo.

## S. I I I.

*Aliqua per coronide resolvuntur.*

X. **Q**Uæres primò. An numerus Prædestinatorum, & Reproborum sit certus?

Respondet D. Thom. tùm *hæc qu. 23. art. 7. tùm qu. 6. de veris. art. 4.* Indubitatum esse, numerum Prædestinatorum, & etiam Reproborum esse certum, non solum formaliter, sed etiam materialiter; idest, Deum certò scire, non solum quot sint salvandi, sed etiam, qui sint illi: & idem dicito de Reprobis, modo tamen infra explicando. Id asseruit Christus Joann. 10. v. 14. *Cognosco oves meas.* Paulus 1. ad Timoth. 2. v. 19. *cognovit Dominus, qui sunt ejus.* Unde Ecclesiæ in secreta quidam dicit: *Deus, cui soli cognitus est numerus electorum in supernâ felicitate locundus &c.* Numerum etiam Reproborum Deo esse certum, & immutabilem, constat ex certitu sine, & immutabilitate Divinæ Præscientiæ, Voluntatis, & Providentiæ: unde tam ad Reprobos, quàm ad Electos pertinet illud Psalm. 138. v. 16. *In libro tuo omnes scribentur.*

Ità autem Deo æquè sit certus, & in-

variabilis numerus Reproborum, sicut & Prædestinatorum, quia sicut prædestinatus non potest esse, & fieri non prædestinatus, ita nec Reprobis potest fieri non. Reprobis: Attamen certitudo numeri Prædestinatorum ex duplici certitudine procedit, nempe ex certitudine prædestinationis, & certitudine præscientiæ (quæ est certitudo cognitionis) & etiam ordinationis. Certitudo artem numeri Reproborum est certitudo præscientiæ, seu cognitionis tantum: Non enim Deus præordinat ad peccandum homines reprobos, sicut prædestinatos ordinat ad merendum. Ità S. Thom. *qu. 6. de veris. art. 4. citato.*

XI. Ne tamen hinc inferas, numerum Reproborum nullo modo præfixum esse à Deo; sed solum non ita principaliter, & per se, sicut præfixus est numerus Electorum; quia Reprobi non propter se, sed propter Electos ordinati sunt. Idèd quivis eorum certum, ac statutum numerum penes se habet Deus, quia tamen eos speciali providentiâ non curat, sed obicit, & reprobat; idèd apud ipsum quasi non numerati dicuntur. Et namque in numero quis habere dicitur, quæ diligit, & diligenter curat; & quorum singularem præ alius rebus habet providentiam. Unde Apocal. 11. Jubetur Joannes metiri Templum Dei, & adorantes in eo: Atrium autem, quod est foris Templum, quo figurantur Reprobi, metiri prohibetur. Et hinc est, quòd licet notitia Reproborum non malè diceretur *Liber mortis*, sicut notitia Electorum dicitur *Liber vite*: quia tamen non solet haberi magna cura de rebus malis, & vilius, neque talium numerus conscribi; idèd (D. Thom. *qu. 24. hujus pr. part. art. 1. ad 3. asserente*) non dicitur esse aliquis Liber mortis.

XII. At dices. Si adèd certus est prædestinatorum numerus, ut variari non possit, quomodo Prædestinatio juvari poterit precibus Sanctorum? Quomodo Ecclesiæ in Canone Missæ Deum orat, ut in Electorum suorum jubeat nos grege numerari? quomodo illud Augustini: *Si non es prædestinatus, ora ut prædestineris*?

XIII. Respondeo ad primum cum D. Thom. *hæc qu. 23. art. 8.* Duo in Prædestina-

finatione consideranda esse, nempe divi-  
nam præordinationem, & ejus effectum.  
Quantum ad illam juvari non potest: non  
enim precibus Sanctorum sit, quod non  
præordinatus à Deo ad vitam æternam,  
fiat præordinatus. Quantum ad istum ta-  
men juvari potest, quia sic Deus aliquo-  
rum salutem prædestinavit, ut etiam præ-  
ordinaverit media omnia, per quæ ad illa  
perveniat; inter quæ possunt etiam esse  
orationes nostræ, & aliorum: unde præ-  
destinati (ait S. D.) *conandum est ad bene  
operandum, & orandum, quia per hujus-  
modi prædestinationis effectus certitudina-  
liter impletur. Propter quod dicitur 1.  
Petri 1. Satagite, ut per bona opera cer-  
tam vestram vocationem, & electionem  
faciatis. Providentia enim, cujus præ-  
destinatio est pars, non subtrahit causas  
secundas, imò sic eas disponit, ut non nisi  
per eas effectum suum fortiatur.*

Ad secundum dico, Ecclesiam non pe-  
tere, ut Deus immutet suum propositum:  
sed causam ponens pro effectu, orat, ut  
Deus nobis tribuat conversionem, per  
quam aggregemur hic numero Sanctorum,  
& tandem ad æternam beatitudinem cum  
eis perducamur. Quia cito à Deo statu-  
tum irrevocabiler sit, quinam sint per-  
ducendi, piè credimus, ad hunc effectum  
multum orationes prodesse. Nam Deus  
multa quidem donat etiam non petenti-  
bus, alia tamen statuit non dare, nisi per  
orationes. Unde Christus orabat pro ele-  
ctis, Joann. 17. v. 9. *Ego pro eis rogo: non  
pro mundo rogo, sed pro his, quos dedisti  
mibi, quia tui sunt... serva eos in no-  
mine tuo, quos dedisti mibi: quos tamen  
cap. 10. 18. dixerat sibi non esse eripien-  
dos: Ego vitam æternam do eis, & non  
rapiet eas quisquam de manu mea.* Qua-  
propter D. August. serm. 1. de S. Step-  
hano: *Si Stephanus (inquit) sic non offret,  
Ecclesia Paulum non haberet.*

Ad tertium nego, dictum axioma apud  
D. August. inveniri, sed hoc (Tract. 16.  
in Joann.) *si non traberis, ora ut traba-  
ris.* Dicere ergo: si non es prædestina-  
tus, ora ut prædestineris, non aliud est,  
quàm dicere: Si nondum in te percipis  
effectus, & signa prædestinationis; ora ut  
ea assequaris.

XIV. Quæres Secundò. Quantus sit  
numerus Electorum?

Respondet S. Thomas hæc qu. 13. art. 7.  
*De numero omnium prædestinatorum, quis  
fit: dicunt quidam, quòd tot ex homini-  
bus salvabuntur, quot Angeli ceciderunt.  
Quidam verò, quòd tot salvabuntur, quot  
Angeli remanserunt. Quidam verò, quòd  
tot ex hominibus salvabuntur, quot Ange-  
li ceciderunt, & insuper tot, quot fue-  
runt Angeli creati. Sed melius dicitur,  
quòd soli Deo est cognitus numerus electo-  
rum in supernâ felicitate locandus.*

XV. Quæres tertio. An major sit nu-  
merus Reproborum, quàm Prædestinato-  
rum?

Respondet D. Thom. laudato loco ad 3.  
*Quod bonum proportionatum communis sta-  
tui natura accidit ut in pluribus, & de-  
ficit ab hoc bono, ut in paucioribus. Sed  
bonum, quòd excedit communem statum,  
natura invenitur ut in paucioribus, & de-  
ficit ab hoc bono, ut in pluribus. Sicut pa-  
tet, quòd plures homines sunt qui habent  
sufficientem scientiam ad regimen vitæ suæ;  
pauciores autem, qui hæc scientiâ carent,  
qui moriones, vel stulti dicuntur. Sed  
paucissimi sunt respectu aliorum, qui at-  
tingunt ad habendam profundam scientiam  
intelligibilem rerum. Cùm igitur Beati-  
tudo æterna in visione Dei consistens exce-  
dat communem statum naturæ, & præcipue  
secundum quòd est gratiâ destituta per cor-  
ruptionem originalis peccati, pauciores  
sunt qui salvantur. Et in hoc etiam ma-  
ximè misericordia Dei apparet, quòd ali-  
quos in illam salutem erigit, à quâ plu-  
rimi deficiunt secundum communem cur-  
sum, & inclinationem naturæ. Hæc D.  
Thomas. Quare electos pusillum gregem  
vocat Christus Lucæ 12. v. 32. *Nolite ti-  
mere pusillus grex.* Et Matth. 20. v. 16. 22.  
v. 14. *Multi (inquit) sunt vocati, pauci  
verd electi.* Et Matth. 7. v. 13. 14. *Lata  
(inquit) porta, & spatiosa via est, qua  
ducit ad perditionem, & multi sunt, qui  
intran per eam. Quàm angusta porta, &  
arcta via est, qua ducit ad vitam, & pau-  
ci inveniunt eam.**

Hoc quisque conspicerè poterit, si ho-  
minum mores à mundi exordiis ad hæc us-  
que tempora consideraverit. Noe ætate  
tanta fuit hominum malitia super ter-  
ram, ut solus Noe cum suâ Familiâ in-  
ventus fuerit justus, cæteri homines de-

leti fuerint generali Diluvio. Post Diluvium adeo abundavit iniquitas, ut quinque Civitates, nullæ excepto, igne in potnam absumptæ sint. Idololatria adeo per Orbem grassata est, ut cultus veri Dei ad solas Patriarcharum familias restrictus fuerit: ex quibus etiam aliqui reprobi exierunt, ut Esau. Ex populo Israelitico, quot Idololatrias, quot impios nobis demonstrat Scriptura? Post Christi adventum minima pars est, quæ Christum colit; adeo ut ex quatuor mundi partibus, nec unam invenias integrè Christianam. Ex Christianis pars non modica schismatica est, aut hæretica. Ex Catholicis, si omnium status percurreris, quot male viventes inveniemus; quàm paucos, qui Dei Legem, sine cujus observantiâ vita æterna non datur, exactè custodiant? Hoc de suâ ætate expressit David Psalm. 13. v. 3. *Omnes declinaverunt, simul inutiliter facti sunt: non est qui faciat bonum, non est usque ad unum.*

XVI. Quæres quartò. An aliquis possit esse certus in hac vitâ de sua prædestinatione, aut reprobatione?

Respondet D. Thom. qu. 6. de verit. art. 5. Negative, attendendo cursum ordinatum. Imò etiâ non esset inconveniens Deo alicui suam prædestinationem revelare; attamen secundum legem communem non est conveniens, ut omnibus reveletur, duplici ratione. Quarum prima (inquit) potest sumi ex parte eorum, qui non sunt prædestinati: si enim omnibus prædestinatis sua prædestinatio nota esset, tunc omnibus non prædestinatis certum esset, se prædestinator non esse, ex hoc quòd se prædestinatos nescirent. Et hoc quodammodo eos in desperationem induceret. Secunda ratio potest sumi ex parte prædestinatorum. Securitatem enim negligentiam parit. Si autem certi essent de suâ prædestinatione, securi essent de suâ salute, & ideo non tantam sollicitudinem ponerent ad

vitanda peccata. Et propter hoc à Divinâ providentiâ salubriter est ordinatum, ut homines suam prædestinationem, vel reprobationem ignorent. Ita S. Thomas.

XVII. Ut igitur homines alacri animo currant ad præmium, & de eo certificentur, sat est eis certitudo conditionata, hoc est quod pervenient, nisi ex seipsis deficiant; quæ certitudo unicuique prædestinato per virtutem spei infunditur. Sicut & in pugna seculari, ille, qui est à Duce exercitus ad pugnam adscriptus, non certificatur de præmio, nisi conditionaliter, quia non coronabitur, nisi qui legitime certaverit: & hoc maxime in casu præsentis. Cum enim neque per certitudinem possit esse homini notum, utrum sit in statu merendi, juxta illud Eccles. 9. *Nemo scit utrum amore, an odio dignus sit, sed solum ex aliquibus conjecturis possit probabiliter existimare; multò minus potest esse certus de præmio certitudine absolutus.* Hæc ex D. Thom. laudato ad 2. & 3. Propterea Apostolus ad Philip. 2. v. 12. *Cum metu (inquit) & tremore vestram salutem operamini.* Claudis hæc omnia S. Bernardus ferm. 1. de Septuagesimâ his verbis. *Quis potest dicere ego deus filius sum, ego prædestinatus ad vitam, ego de num. filiorum? Quis hæc, inquam, dicere potest? Reclamante nimirum Scripturâ: Nescit homo, si sit dignus amare, an odio. Certitudinem utique non habemus; sed spei fiducia consolatur nos, ne dubitationis hujus anxietate penitus cruciemur...* Hoc enim est, unde semper solliciti, & in timore, & tremore humilicemur necesse est sub potenti manu Dei, quoniam quales sumus nosse possumus, vel ex parte: quales autem futuri sumus, id nosse penitus nobis impossibile est. Itaque qui hæc videat ne cadat; & in eâ formâ, qua salutis indicium est, & argumentum prædestinationis, perseveret, atque proficiat.

# TRACTATUS DE DEO TRINO, S E U DE SANCTISSIMÆ TRINITATIS MYSTERIO.



Hoc est Myfteriorum myfterium, Arcanorum arcanum, adorabile potius, quam investigabile, divinâ fide credendum, non humano ratiocinio penetrandum: ad quod, si, ne oportet, accedatur, nil Christiano dignius; si non, ut oportet, nil infelicius. Unde S. Augustinus lib. 1. de Trinit. cap. 3. *Nec periculosius (inquit) alicubi erratur, nec laboriosius aliquid quaeritur, nec fructuosius aliquid invenitur.* Ut ergo nos veritatem hanc, Christianæ Religionis fundamentum fructuosè inveniamus, Catholicam fidem consulemus, labori in eâ investigandâ non parcentes; sic enim, divino affulgente Lumine, periculosos errorum Scopulos, in quos multi impingentes naufragi fracti sunt, evitabimus. Primò ergo existentia tanti Mysterii statuenda est.

## QUÆSTIO I.

*De Existentiâ Mysterii Trinitatis.*

**U**T Existentia SS. Trinitatis asseratur, tria probanda sunt. Primò. Trinitas Personarum in Deo. Secundò. Unitas Essentiz, quia hoc mysterium in eo situm est, quod Personæ divinæ sint tres realiter distinctæ invicem: at in omnibus una, eadem, ac indivisa sit Essentia, seu natura. Et tertio. An hoc percipi, & cognosci possit.

## IDUBIUM I.

An Trinitas Personarum sit in Deo.

### S. I.

*Recensentur errores.*

**I.** Trinitatem Personarum in Deo pertinaciter negant Judæi, contententes, hæc posita, salvari non posse Dei unitatem, sed Deorum pluralitatem inferri. Hunc errorem à Judæis accipere Mahometani, sic didici, quicumque informem, & diabolicam religionis formam suscipere, quam Mahometes Pseudopropheta, natione Arabs, professione mercator vilissimus, sub Heraclio Imperatore, & Honorio Primo Pontif. circa annum 630. infeliciter cuderat; inter cuius Sæcæ errores is adeit, non esse nimirum Trinitatem Personarum in Divinis.

**II.** Ex Christianis autem primus hunc errorem ex Asiâ attulit, & in Africanis, ac Romanis Provinciis docere cepit Praxeas; qui esse errorem suum, vel retractaverit, vel saltem per hypocrisis aliquandiu dissimulaverit, eum tamen excusâ fronte postea reimbuit, & divulgavit. Contra hunc integrum eadit librum Tertulianus, ubi exp. 1. ait: *Ille (Praxeas) primus ex Asiâ hoc genus perversitatis intulit Romanae humo.... Ita duo negotia diaboli Praxeas Roma procuravit, Prophetiam expulit, & heresim intulit; Paracletum fugavit, & Patrem Crucifixit.* Et post alia exponens, quomodo in spe-

speciem emendatus suæ respicientiæ chi-  
rographum ab Ecclesia reportaverit, sub-  
dit: Ita aliquandâ per hypocrisim subdola  
vivacitate latitavit, & nunc denuo eru-  
pit. Deinde cap. 2. ejus errorem descri-  
bens: Itaque (inquit) post tempus Pater  
natus, & Pater passus: ipse Deus Domi-  
nus Omnipotens Jesus Christus prædicatur.  
Hunc eundem errorem describens lib. præ-  
script. advers. hæret. cap. ultimo, ait:  
sed post hoc omnes (hæreticos, quos enu-  
merat) etiam Praxeas quidam hæresim in-  
troduxit, quam Vitorinus (quis iste fue-  
rit non constat) corroborare curavit. Hic  
Deum Patrem Omnipotentem Jesum Chri-  
stum esse dicit; hunc Crucifixum, passum-  
que contudit: mortuum propterea, seipsum  
sibi sedere ad dexteram suam cum prophe-  
tâ, & sacrilegâ temeritate proponit. Hæc  
Tertull. ex quibus patet, Praxeæ erro-  
rem fuisse, quod cum unam tantum Per-  
sonam Deum assereret, hanc Patrem,  
hanc Jesum, hanc mortuam, hanc sibi ad  
dexteram assidere impie asseveraret. Por-  
ro ad scribendum contra Praxeam exci-  
tatum fuisse Tertullianum, quod suum  
errorem in Africâ etiam seminaisset, cre-  
dibile est ex Philastrio apud D. August.  
lib. de hæres. cap. 41. Praxeani à Praxeæ,  
& Hermogeniani ab Hermogene, qui fue-  
runt in Africâ, qui & ita sentientes ab-  
jecti sunt ab Ecclesiâ Catholica.

III. Hunc errorem, quem desinente  
seculo secundo Praxeas præformaverat,  
vehementius propugnâvit Noetus origine  
Ephesus, ut Epiphanius, vel Smyrnaeus,  
ut Theodoretus, placet. Prodiit iste sub  
annum Christi 245. Hic in tantum fastum  
elatus est, ut diceret se esse Moysen; Fra-  
trem verò suum æroris comitem, He-  
liam Prophetam, ut ex Philastrio hæres.  
53. Ambo propterea ab Ecclesiâ ejecti, &  
non multo post extincti, honore Sepulchri  
à Fidelibus meritò privati sunt. Docebat  
Noetus (ut Praxeas) Christum eundem  
ipsum esse Patrem, & Spiritum Sanctum,  
ut refert S. Aug. de hæres. cap. 36. seu  
Patrem omnipotentem ipsum esse Christum,  
& ipsum natum, & ipsum passum, & ip-  
sum mortuum fuisse in corpore, ut Philas-  
trius relatus. Qui error ex eo procedebat,  
quod putaret, Patrem, Filium, &  
Spiritum Sanctum non naturâ solùm, sed

Personâ esse unum, ac singularem Deum,  
solâ actionum distinctione discretum; fre-  
tus iis Scripturæ testimoniis, quæ plures  
Deos esse negant. Noetum confutavit San-  
ctus Hippolytus Martyr libro, qui ex-  
tat, tom. 2. oper. ejusdem. Est autem  
Sanctus Epiphanius sentire videatur, Noe-  
tum fuisse primum, qui Personarum Tri-  
nitatem negavit, exponendus est, cum  
velle solùm, quod fuerit primus, qui  
hunc errorem publicum fecit: nam, ut  
vidimus, illum à Praxeâ jam præconcep-  
tum suscepit.

IV. Celebratiorem tamen hæresim hanc  
suo nomine, ac patrocinio fecit Sabellius,  
cui natio Lybia, Patria fuit Ptolemæis,  
circa annum Christi 257. de quâ Eusebius  
lib. 7. Hist. eccl. cap. 6. & S. Epiphanius  
hæres. 62. & S. Augustinus, lib. de hæres.  
cap. 41. Noetianos, & Sabellianos, dicit,  
esse unius Sectæ duo nomina, & non tan-  
tùm similis, ut vult Epiphanius; putans,  
Noetianos convenire cum Sabellianis, ex-  
cepto quod isti dicunt Patrem non esse pas-  
sum. Nam, inquit S. Augustinus: Quo-  
modo de Sabellianis intelligi potest (quod  
dicant Patrem non esse passum) eum si in-  
notuerint dicere Patrem Passum, ut Pa-  
tripassiani, quàm Sabelliani crebrius nun-  
cupentur? . . . Vel quomodo possunt inter-  
ligi quilibet eorum Patrem passum fuisse,  
non dicere, eum dicant eundem esse Patrem,  
& Filium, & Spiritum Sanctum?

Explicabat ergo suum errorem Sabel-  
lius. Tum exemplo hominis, in quo sunt  
Corpus, Anima, & Spiritus: Ita ut Cor-  
poris instar sit Pater, animæ Filius, &  
Spiritus Sanctus ad instar Spiritus habeat-  
ur; sic ut eidem hypostasi tres appella-  
tiones conveniant. Tum exemplo Solis,  
in quo triplex est energia, nempe illumi-  
nandi vis, calefaciendi, & rotunda figu-  
ra, seu corpus ipsum solare. Patremque  
dicebat totius divinæ hypostasis esse ba-  
sim, formam, & quasi corpus; vim illu-  
minativam Filium; & calefactivam Spi-  
ritum Sanctum: & sicut solare corpus in  
Cœlo manens emittit radios, & calorem;  
ita Patrem veluti radium in terras lato  
tempore misisse Filium; Spiritum verò  
Sanctum identidem velut calorem in fide-  
lium pectora illabi, ea amore succenden-  
do, vitamque Spiritualem instaurando.

Ita

Ita referente Epiphanio *baref. 62.*

V. Omnes præfati hæretici à Veteribus passim vocati sunt *Patripassiani*; quia nimirum ex eorum doctrinâ consequens erat, Patrem, utpote eandem Personam, ac Filium, esse passum, & mortuum pro nobis. *Sabelliani* (inquit S. August. *tract. 36. in Joann.*) sunt quidam hæretici, qui vocantur & *Patripassiani*, qui dicunt, ipsum Patrem passum fuisse. Et S. Athanasius lib. de Synodis num. 7. Illos verò (inquit) qui dicunt Patrem, & Filium, & Spiritum Sanctum eundem esse, tria hæc nomina de unâ, eâdemque re, ac Personâ impie accipientes, merito ab Ecclesiâ proferimus: eò quòd Patrem, qui nec comprehendendi, nec pati potest, comprehensum & passum per Incarnationem subiciant: ejusmodi sunt, qui apud Latinos *Patropassiani*, apud nos *Sabelliani* vocantur. Quare, ut diximus, recedendum est à S. Epiphanio, qui Sabellianos in hoc à Noetianis discrepasse scribit, quòd Patrem esse passum negarent.

VI. Hæresim istam anno 1050. (teste Euthymio in Panopli. *par. 2. tit. 13.*) ausus fuit evomere quidam Bogomiles, negans esse in Deo Trinitatem. Verùm error cum suo autore ab Alexio Comneno Imperatore in Theatro exutus fuit. Ejusque nec cineres hisce temporibus superessent, nisi redivivum fecissent seculis proximè elapsis.

VII. Michael Servetus, natione Hispanus, Tarraconenfis patriâ. Non tulit Hispania monstrum hoc, quod genuerat; alias enim, variasque terras lustrans Servetus, Lutetiæ Parisiorum Medicinæ operam dedit; inde linguæ Arabicæ studio in Africam trajecit. Ex Africâ reversus, Anabaptista primùm fuit, Baptismum parvulorum fugillans. Deinde ad Sacramentarios declinavit. Mox librum edens (cui titulus de Trinitatis erroribus) spargere cepit, tres illas res incorporeas in unâ Deitate distinctas non posse consistere: omnes, qui Trinitatem statuunt Trinitas, & Atheos vocans, qui nec Deum nisi tripartitum, & aggregatum habeant. Imò (teste Theodoro Beza *Epist. 1.*) Patrem, Filium, & Spiritum Sanctum, Cerberum tripitem, seu triiceps monstrum impie appellabat. Quapropter

à Calvino ipso Senatui Genevensi, ubi tunc Servetus moram trahebat, denunciatus; obstitatus, ac impoñitens, argente Calvino, Senatus præfati sententia vivus exultus fuit 13. Octobris an. 1553. Timens autem Calvinus, ne ex hoc invidia sibi conflaretur, scripto defendit, justè à Magistratu mortis sententiam in hæreticos ferri posse. Quo patet quàm injustè male ferant Protestantes moderni, quòd Hæretici impoñitentes ab Ecclesiâ Catholicâ poenâ mortis multentur.

VIII. Serveto tamen Antitrinitariorum parente combusto, combustus error Serveti non fuit. Poloniam enim, Hungariam, & Transylvaniam invasit, illum promoventibus Valentino Gentili, Georgio Blandratâ, Alciato, Bernardino Ochino, Francisco Dividis, ac Lælio & Fausto Socinis; de quibus ad studiosorum notitiam aliqui dicam.

IX. Valentinus Gentilis, Calaber, Consentinus Patriâ, ex Italiâ profugus, ac Græviæ subsistens, mirari se dixit, cur Calvinistæ, ac Lutherani in rebus minoris momenti, ut in Sacramentis, Purgatorio &c. Ecclesiæ Romanæ contradicerent, in Trinitate autem, fundamentali Mysterio convenirent; terribiles subinde in Sacrosanctum Arcenum blasphemis ejaculans. Quare in Carcerem detrusus, timens sibi sortem Serveti, siquid erroris ejuratione elapsus fuit. Ad Gribaldum Jurisconsultum ejusdem erroris fuliginem tinctum confugiens, inde in Poloniam à Georgio Blandratâ, & Alciato evocatus; sed Sigismundi Augusti Regis edicti anni 1566. quo peregrini dogmatis Auctores proscribebantur, abire compellus fuit. Prius tamen Regi librum voluit offerre, in cujus præfatione conquerebatur, hæc nomina *Persona, Essentia, Trinitas*, omnia Divina Mysteria evertere. In hoc Libro ait, quòd confusio trium in unum, & eundem numero spiritum, fundimentum n., & origo omnium errorum fuit. Qui enim unum Deum in tres Personas distinguit, vel sibi præstigijs facit; vel necessarius unius Dei substantiam dividit, ac discernit. Symbolum S. Athanasii aliter docens, Symbolum *Sabellianum* notius esse, blasphemans. Ex Poloniâ Bernam apollit; ubi comprehensus, capite plexus fuit, atque

atque in feriali pegmate positus jactitasse fertur, cæteros Martyres occubuisse pro Christo, se autem mori pro gloria, & eminentiâ Patris.

X. Georgius Blandrata, Salucienſis in Subalpinis, professione Medicus, Ticinenſis Inquisitionis sibi imminentis metu fugiens, in Poloniam, & Transylvaniam se contulit; ubi Antitrinitarium venenum pluribus infudit. In Transylvania tandem à Cognato suo ejus bonis inhiantes trucidatus, miserè obiit.

XI. Joannes Paulus Alciatus, Mediolanenſis, professione Miles, cum præfatus in Trinitate blasphemus, à Sigismundo Rege ejectus è Poloniâ, ad Mahometanos deficiens, infelici exitu vitam finivit.

XII. Bernardinus Ochinus, Senenſis Patriâ, Ordinis Capuccinorum aliquot annis cultor, ac moderator, deinde desertor, Serveti peste infectus fuit. Asperriam in suo Ordine vitam ducens, magnoque zelo conciones habens, à Valdesio Jurisconsulto Hispano, qui Lutheranismum in Germaniâ imbuerat, deceptus, unâ cum Petro Martyre Vermilio ex Italiâ aufugit; publicis cum sortio, quod secum duxerat, nuptiis celebratis. Genevâ appulsus, apologiam de fugâ suâ calumniis gravem ad Romanum Pontificem direxit. Quam sectari eligeret diu meditatus, tandem Serveti errorem suscepit, cui alterum junxit asserens, modò licitam esse Polygamiam. Verùm cum Genevæ, ubi Servetus flammis addictus fuerat, malè de SS. Trinitate loqui absque vitæ periculo non posset, unâ cum Petro Martyre Angliam petiit; sed inde à Mariâ Regina Catholica pulsus, Germaniam, Poloniam, Transylvaniam perlustrans, ibi sui erroris semina jecit, & propagavit. Eum ante mortem errores suos retractasse, multis testimoniis Annales Capuccinorum probare contendunt. Alii negant.

XIII. Davidis Patria incerta est. Lutheranus primò fuit, deinde Calvinista, postremò Serveti impietate corruptus, eadem plures Transylvanos contaminavit; ibi Sæcæ Princeps aliquo tempore habitus, donec sub Stephano Bathori Catholico Principe carceri mancipatus, tandem captus mente miserè clauſit vitam.

XIV. Celebrius apud Antitrinitarios fuit Lælius, & Fauſti Socinorum nomen. Uterque Senenſis fuit, Lælius Patruus, Fauſtus verò Nepos. Lælius adolescens adhuc, errore contracto, Patriam, ubi tutus non erat, ann. 1547. ætat. 21. reliquit. Quadriennio Galliz, Angliâ, Belgio, Germaniâ lustratis, Tiguri in Helvetia sedem fixit. Ibi Serveti sortem metuens, eo combusto, errorem aded textit, ut eo inficere nonnisi paucos clanculum sibi licuerit. Obijt Tiguri anno 1562. ætat. 37. Fauſtus Nepos de Lælii Patruum morte certior factus, cujus errorem jam hauserat, scripta quoque procuravit; quibus suum pravam jungens animum, & operam, hæresim extendere curavit per Transylvaniam potissimum, & Poloniam; aded ut Sæcæ hodie (ab ipsis) *Sociniana*, vulgò nuncupetur. Nedom tamen Socini SS. Trinitatem evertere tentarunt, sed (quod consequens erat) Christo Divinitatem eripuerunt, dicentes, cum esse purum hominem: dici autem Verbum Dei, quia Verbum Dei annuntiavit; eo modo, quo Joannes dicitur Vox. Obijt Fauſtus propè Cracoviam in Poloniâ anno 1604. Non obijere tamen, sed adhuc grassantur eorum perversa dogmata, quæ qui amplectuntur *Sociniani* vocantur.

In his parumper immorari placuit, ut Candidato meo notum sit, quales prodierint Heroes ex Scholâ Lutheri, & Calvinii, qui ad reformandam Ecclesiam se existisse gloriati sunt; atque hinc judicare possit, an Ecclesiæ potiùs evertores, & Fidei Christianæ exterminatores, quàm Reformatores dicendi sint.

Ecclesia verò Catholica quovis tempore Trinitatem Personarum, non tantùm officiorum, ac munerum in Deo agnovit; & tanquam primum Fidei Christianæ fundamentum jecit.

## §. II.

### Trinitas ex Veteri Testamento.

XV. Dico primò. Trinitas Divinarum Personarum in Veteri Testamento revelata est. Statuitur contra Judæos; & probatur primò ex illo *Genes. 1. v. 26.* ubi Deus hominem formaturus, ita lo-

loquens inducitur: *Faciamus hominem ad imaginem, & similitudinem nostram.* His enim verbis continetur invitatio, seu consultatio plurium circa hominis formationem: atqui non plurium naturâ, ut Judæi fatentur: Constat enim unum esse Deum hominis conditorem, ibi v. 17. *Et creavit Deus hominem ad imaginem suam;* ergo plurium in Personis. Videndus hic Petrus Galatinus lib. 2. de *Arean. Cath. Verit. cap. 8.* ubi ex Hebræo sic legit: *Et dixit Elohîm, idest Dii: faciamus Græc.* Et rursus: *Et creavit Elohîm, idest Dii hominem Græc.* Elohîm autem, juxta antiquorum Judæorum expositionem, intelliguntur tres Middot; per quas (dixerunt) Mundum fuisse creatum, nempe, tres Personas Divinas, Patrem, Filium, & Spiritum Sanctum. Quare per Imaginem Elohîm, idest, Deorum, tres animæ Potentias, Memoriam, Intelligentiam, & Voluntatem, in quibus Divina Imago consistit, intelligere oportet. Sicut igitur ex memoriâ formatur intelligentia, sic ex Patre in Divinis generatur Filius. Et sicut ex memoriâ, & intelligentiâ extensus, & quasi spirantibus bonum, formatur voluntas; sic ex Patre, & Filio, tanquam ex uno spirandi principio spiratur bonum, quod est Spiritus Sanctus. Et sicut tres potentie istæ, Memoria, Intelligentia, & Voluntas sunt una Anima: Ita Pater, Filius, & Spiritus Sanctus sunt unus Deus. Et hæc est Dei imago, ad quam Homo creatus est, juxta veterum Hebræorum sententiam, inquit Galatinus laudatus.

XVI. Respondent primò Judæorum moderni, Deum secum ipso locutum, quasi se ad agendum excitantem.

Sed hoc est merum signum, ac Basilii irrisione dignum. *Quis enim* (inquit in Heximeron homil. 9.) *faber, aut ararius, solus ipse quidem, nec alio quoque sibi cooperante stipatus... sibi ipsi admurmurat dicens, faciamus gladium, aut compingamus aratrum?*

XVII. Respondent secundò alii cum Rabbis, Deum more Principum, in Plurali fuisse locutum, nimirum, auctoritatis ergo.

Sed hoc non valet, inquit Theodoretus qu. 19. in *Genes.* Nam si ita esset, ubi Tom. IV.

cumque loquiter in Scripturâ Deus, deberet in numero plurali loqui, cum semper urgeret eîdem motuum auctoritatis; & præsertim eîdem Judaico Populo aliquid præcipit. Hoc autem falsum est; perraro enim pluraliter locutus est: & tunc solum, cum judicare voluit numerum Personarum Trinitatis. *Etenim* (inquit Theodoretus) *cum lingua confunderet, non dixit singulariter, descendam sed: Venite descendentes confundamus ipsorum linguas.* Et hoc igitur loco, quoniam Deus animal ratione formabat, quod postea renovaturus erat post multas generationes, Sancta Trinitatis invocationibus sacrosanctum Baptisma, influens, eîdem fabricaturus esset naturam, cui hæc mysteria crederentur, obscurè identitatem substantiæ, ac Personarum numerum aperuit. Dùm enim dixit, Deus, communione Divina Natura indicavit. Subjungens autem illud, faciamus, expresse numerum Personarum. Similiter cum iterum in singulari numero dixit, Imaginem, eandem esse naturam ostendit; non enim dixit, ad Imagines, sed ad imaginem: Cum autem dixit, nostram, numerum hypostasem manifestavit. Quare D. Hilarius lib. de Synodis, seu de Fide Orientalium Sirmii congregatorum, inter alia capita damната: *Si quis* (inquit) *faciamus hominem, non Patrem ad Filium dixisse, sed ipsum, ad semetipsum dicat Deum locutum: anathema sit.*

XVIII. Respondet tertio. Deum ibi non Divinas Personas alloqui, sed Angelos, ut suam illi operam navarent; formando scilicet ejus Corpus, dùm ipse hominis Animam crearet, & vitæ spiritum insufflaret.

Sed contra stat S. Basilii supra laudatus. Primò. Nam ibi Deus alloquebatur eos, quorum homo condendus futurus erat imago: futurus autem erat imago, non Angelorum, sed ipsius Dei loquens; unde ait *ad imaginem... nostram;* ergo alloquebatur Personas habentes cum Deo naturam communem; una enim Dei, & Angelorum imago esse non potest.

Secundò. Deus alloquebatur eos, quos ad hominis formationem excitabat: at Angeli in formatione hominis nullam habuerunt actionem adhuc ministerii; non quan-

R

tum



tum ad Animam, secundum quam est ad imaginem Dei; nam hæc immediatè à Deo inspirata fuit. Genes. 2. v. 7. & inspiravit in faciem ejus spiraculum vite, & factus est homo in animam viventem. Nec quantum ad Corpus; quia ibidem dicitur: Formavit igitur Dominus Deus hominem de limo terra.

Tertiò. Effectus sit ad imaginem, non causæ ministerialis, sed principalis; ergo dato, Angelos ad formationem nominis cooperatos fuisse ministerialiter, adhuc ad ipsum similitudinem dici non posset formatus homo: Ergo it, quos alioquitur Deus, dum ait: faciamus... ad imaginem &c. non sunt Angeli, aut quævis alia creatura, sed Deus. Videantur Clemens Alexandr. lib. 5. Stromat. pag. 360. ubi h. minis corpus à præstantissimo (inquit) effectum est artificis, qui ipsum est fabricatus, seipso usus archetypo. Tertullianus lib. de Resurrect. carnis cap. 6. dicens: Recogita totum illi (homini) Deum occupatum, ac debitum, manu, sensu, opere, consilio, sapientia, providentiâ &c. Et Irenæus lib. 4. contra hæres. cap. 37. nunc 10. Non ergo (inquit) Angeli fecerunt nos, nec nos plasnaverunt, nec Angeli potuerunt imaginem facere Dei, nec aliam quis præter Verbum Domini, nec virtus longè abijcens à Patre Universorum; Nec enim indigebat horum Deus ad faciendum, quæ ipse apud se præstiterat fieri, quasi ipse suas non haberet manus. Adhuc enim ei semper Verbum, & sapientia Filius, & Spiritus; per quos, & in quibus omnia liberè, & spontè fecit, ad quos, & loquitur dicens: faciamus hominem ad imaginem, & similitudinem nostram. Ita Irenæus secundo seculo, qui apertius loqui non poterat.

XXIX. Tertullianus item lib. contra Praxeam cap. 12. Si te (inquit) adhuc numerus scandalizat Trinitatis, quasi non connexa in unitate simplici, interrogo, quomodo unitas, & singularis pluraliter loquitur: faciamus hominem ad imaginem, & similitudinem nostram, cum deberit dixisse: faciam hominem ad imaginem, & similitudinem meam, utpote unicuique & singulariter? Sed & in sequentibus (Gen. 3.) Ecce Adam factus est, tanquam unus ex nobis, fallit, aut iudit, ut cum.

unus, & solus, & singularis esset, numero loqueretur. Aut nunquid Angelis loquebatur, ut Judæi interpretantur, quis nec ipsi Filium agnoscerunt: an quia ipse erat Pater, Filius, Spiritus, idè pluraliter se præstant, pluraliter sibi loquebatur? Unde quia jam adbarebat illi Filius secunda Persona sermo ipsius, & tertius Spiritus in sermone, idè pluraliter pronuntiavit: faciamus, & nostram, & nobis. Cum quibus enim faciebat hominem, & quibus faciebat similem, Filio quidem, qui erat induiturus hominem, Spiritu vero, qui erat sanctificaturus hominem, quasi cum ministris & arbitris ex unitate Trinitatis loquebatur &c. Videatur D. Augustinus lib. 3. de Genes. ad lit. cap. 19.

XX. Si autem quæras, cujus Personæ Divinæ sint illa verba: faciamus &c. an Patris, an Filii, an Spiritus Sancti; an omnium simul?

Respondeo, in hoc divisos esse Patres. Augustinus lib. 1. de Trinitate cap. 7. putat esse vocem Dei Patris ad Filium, qui & magni consilii Angelus dicitur. Idem sentit Tertullianus lib. de Resurrect. carnis cap. 6. dicens: Sic enim præfatio Patris ad Filium, faciamus &c. Basilus lib. 4. contra Eunom. vult, vocem esse quidem Dei Patris; attamen non ad solum Filium, sed etiam ad Spiritum Sanctum: quod etiam sentire videtur Tertullianus lib. contra Praxeam cap. 12. verbis superius citatis. Cyrillus verò Alexandrinus lib. 1. Theauri. Et Fulgentius lib. 1. de fide ad Petrum cap. 2. contendunt, verba hæc faciamus &c. non unius tantum esse Personæ, sed omnium simul. Ultra ex his Patrum sententis eligatur, stabit invictum argumentum, quod, pro pluralitate Personarum, ex illis deducitur.

XXI. Secundo. Trinitatem Personarum ostendunt illa verba, Genes. 1. v. 7. Venite igitur descendamus, & confundamur ibi linguam eorum. Super quæ D. August. lib. 1. quæst. in Genes. qu. 11. ait: Utrum ad Angelos Dominus hoc dixisse intelligitur, an secundum illud accipiendum est, quod in exordio libri legitur: faciamus hominem ad imaginem, & similitudinem nostram? Et resolvens pro hæc secundi parte, ait: Nam & quomodo posset dici in singulari numero, quia ibi

con-

confudit Dominus labia terræ: Sic & illis cum dictum esset faciamus ad imaginem nostram, in consequentibus tamen non dictum est: fecerunt, sed fecit Deus. Quare ex hoc textu Trinitatem Personarum inferunt Nyssenus lib. de Trinit. Basilii lib. 5. contra Eunom. Maxime vero Chrysost. serm. de Trinitate: Ubi præfata verba considerans, ait: Dicendo, venite, pares honore exhortando vocat, neque enim si Angelis imperasset, dicere debuit venite: sed imperando: ite. Vide autem, obsecro, quomodo Patris vox Filium, & Spiritum Sanctum vocet; nam si ad unum solum hoc dictum esset, debebat dicere: veni, & descendamus; quia autem dixit venite, nuntius est vox ad duos honore aequalis.

XXII. Tertiò. Hoc idem ostendunt verba Genes. 19. v. 14. igitur Dominus pluit super Sodomam, & Gomorram sulphur, & ignem à Domino de Cælo. Dominus, inquit, à Domino, hoc est Filius à Patre procedens, à quo iudiciariam accipit potestatem, pluit super Sodomam, & Gomorram ignem, & sulphur, ut exponit Hilarius lib. 4. de Trinit. num. 39. Hoc testimonio adversus Judæos ubi sunt Iustinus Dialog. cum Tripbone pag. 277. & 279. Irenæus lib. 3. contra hæres. cap. 6. dicens: Filium enim hæc significat, qui & Abrahæ colloquutus sit, à Patre accepisse potestatem ad iudicandum Sodomitas, propter iniquitatem eorum. Ita statutum ab Orientalibus fuit Sirmii, referente S. Hilario lib. de Synodis: Si quis, pluit Dominus à Domino, non de Filio & Patre intelligat, sed ipsum à se pluisse dicat: anathema sit: Pluit enim Dominus Filius à Domino Patre. Huc spectant quoque verba Genes. 18. ubi v. 1. dicitur quod Abrahæ apparuit Dominus, versu autem 2. & 3. subditur: Cumque eleuasset oculos, apparuerunt ei tres viri stantes propè eum; quos cum vidisset cucurrit in occursum eorum de ostio Tabernaculi, & adoravit in terram: & dixit: Domine, si inveni gratiam in oculis tuis, ne transis seruum tuum. Deinde iterum in plurali loquens (v. 4. & 5.) Lavate (inquit) pedes vestros, & requiescite sub arbore.... postea transibitis: idcirco enim declinastis ad servum vestrum. Qui dixerunt &c. Si tres viri Abrahæ apparuerunt; quomodo ad-

rans dicit: Domine? quomodo dicitur: Dominus apparuit? Si unus; quomodo lavate, requiescite, transibitis, declinastis, qui dixerunt? Item si tres (v. 9.) dixerunt ad eum: ubi est Sara Uxor tua? cur (v. 10.) respondit unus: revertens vocem ad te... & habebit Filium: Sara. Uxor tua? Audiatur S. August. lib. 2. de Trinit. cap. 11. Cum verò tres viri visi sunt, nec quisquam in eis vel formâ, vel ætate, vel potestate major ceteris diſtinctus est; cur hæc non accipiamus visibiliter insinuatam, per creaturam visibilem, Trinitatis aequalitatem, atque in tribus Personis unam, eandemque substantiam? Et Cyrillus Alexandr. lib. 1. contra Julian. circa medium, observans, Abrahamum vidisse Deum, fuisse verò conspectos tres viros, & adorantem non tanquam tribus dixisse, Domini, si inveni &c. Sed Dominum unum vocantem tres, tanquam unum... Certe igitur (inquit) cerne viros tres quidem existeres, & propriâ unumquemque substantiâ Verbo consubstantialitatis subjacentes &c. Et infra: Una est enim consensu omnium divinitatis natura... per intellectum verò extenditur in sanctam, venerabilem, & consubstantialem Trinitatem: in Patrem, inquam, & Filium, & Spiritum Sanctum &c.

XXIII. Quartò. Id ostendunt verba Psalmi 2. v. 7. Dominus dixit ad me: Filius meus es tu, ego hodie genui te: quæ Judæi ipsi Christo cœvi, non de Davide, aut alio, ut recentiores, sed de Messia usurpabant: cum Paulus iis usus sit Act. 13. v. 33. adversus Judæos, ad probandum Christum esse Messiam; & ad Hebræos cap. 1. v. 5. ad probandum Filii Dei excellentiam supra Angelos, ejusque Divinitatem.

Et meritò quidem. Nam verba Psalmi sequentia: tibi dabo Gentem hereditatem, & possessionem tuam terminos terra, nec Davidi, nec alii, sed soli Messie promissa possunt intelligi; ergo habetur in Deo Persona genita, & consequenter Pater, & Filius. Quod colligitur quoque ex Psalm. 109. v. 1. Dixit Dominus Domino meo: Sede à dextris meis: quæ sunt Dei Patris, Filium à se genitum alloquentis. Unde v. 3. subdit: ex utero ante luciferum genui te: quæ etiam Personæ Filii distin-

tionem à Patre ostendunt; eam eadem. Persona, adhuc sub diverso respectu, non possit esse simul genita, & generans. Hoc textu ad probandum, se esse Filium Dei, & non David, usus est Christus *Matth. 22. v. 43. 44. 45.* dicens: *Si ergo David vocat eum Dominum; quomodo Filius ejus est?*

XXIV. Quinto. Trinitatem Personarum evincunt verba *Psalmi 32. v. 6. Verbo Domini Celi firmati sunt: & Spiritu oris ejus omnis virtus eorum.* Ubi Dominus, idest Pater, qui per Verbum à se procedens, omnia sicut, Caelos firmavit; & Spiritu oris sui, idest Spiritu Sancto, cui perfectio operum Dei tribuitur, Caelos virtute ornavit. Quæ antiquiores ex Rabbini negare nesciunt. Rabbi enim Elazar non est (inquit) creatus mundus, nisi verbo Dei sancti, sicut dictum est in *Psalm. 32.* (vel apud *Hebræos 33.*) Verbo Dei Celi facti sunt. Et R. Simeon dicit: Spiravit Deus Spiritum oris sui, & creatus est mundus, sicut dictum est *Psalm. 33.* & Spiritu oris ejus omnis exercitus eorum. Inquitur (inquit Galatinus lib. 2. de arcanis Catholicæ veritatis cap. 4.) tria hæc Deus, Verbum ejus, & Spiritus, distinctè, & aperte in mundi productione concurrere possunt. Hæc autem tria, quid aliud sunt, quàm Pater, Filius, & Spiritus Sanctus? Verbum enim realiter distinguitur à proferente, & Spiritus à spirante... Cum igitur in Deo nullum sit accidens, ut ipsi etiam concedunt... ergo sunt hypostasæ, sive supposita, vel persona realiter distincta... quibus tres proprietates attribuantur, Pater scilicet, Filius, & Spiritus Sanctus, qui non tres Dii sunt, neque tres Creatores, sed unus Deus, unusque Creator.

XXV. Sexto. Hoc mysterium probant verba *Isaia 6. v. 3.* ubi Seraphim clamabant alter ad alterum, Sanctus, Sanctus, Sanctus Dominus Deus exercituum. Quæ eleganter ponderans Divus Ambrosius lib. 2. de fide ad Gratian. cap. 4. Quid sibi vult (inquit) sub uno nomine Sanctitatis trina repetitio? Si trina repetitio, cur una laudatio? Si una laudatio, cur trina repetitio? Trina repetitio: cur, nisi quia Pater, & Filius, & Spiritus Sanctus Sanctitate unum sunt; Non dixit semel, ne Filium sequestraret: non bis, de Spiritum

Sanctum prateriret: non quater, ne creaturas conjungeret. Et ut ostenderet Trinitatis unam esse deitatem, dum ter dixisset Sanctus, Sanctus, Sanctus, addidit singulariter Dominus Deus Sabaoth.

Quod (teste Galatino citato cap. 1.) Veteres Rabbini ita sunt interpretati, maximè R. Simeon ben Johai dicens: Sanctus, hic est Pater. Sanctus, hic est Filius. Sanctus, hic est Spiritus Sanctus. Et R. Jonathas ben Uziel: Idest Sanctus Pater, Sanctus Filius, Sanctus Spiritus Sanctus. Subdit autem Galatinus, quod post tria illa nomina Sanctus, Sanctus, Sanctus immediate semel dumtaxat ponitur nomen Dei Tetragrammaton, per quod Divina Essentia importatur: unde clare innuitur, tres illas Personas, non tres Deos, sed unum Deum esse. Quamobrem veteres illi Thalmudistæ, qui hujus arcani non prorsus ignari erant, statuerunt, quod tam ista Isaiæ verba, quàm illa Deuteronomi 6. v. 4. Audi Israel, Dominus Deus noster, Deus unus est (de quibus infra) ab unoquoque Judæorum bis tantum in die, mane scilicet, & vespere dicerentur: quod apud eos hucusque servatur. Ut dñm Judæi ipsi hæc eadem verba pronunciant ore, & divinarum Personarum Trinitatem, & Divinæ Essentiae unitatem, velint, nolint, profiteantur.

XXVI. Tandem Mysterium Trinitatis demonstrant, quæ Deuteronom. 6. v. 4. nuper laudavimus, nempe: Audi Israel Dominus Deus noster, Deus unus est. Seu veteris Deus, Deus noster, Deus unus est. Hebraicus enim textus loco Dominus habet nomen Dei Tetragrammaton, quod Deum per essentiam, non per effectum, designat; ut notat Galatinus loco citato cap. 1. Dum ergo dicitur Deus unus est, unitas essentiae designatur. Dum verò ter repetitur Deus, quid aliud, nisi Personarum Trinitas in unitate essentiae indicatur? Quare, referente R. Simeon Johai filio, Rabbi Isha ita eum textum exponit: Hic est Israel antiquus, idest Deus, qui est principium omnium rerum, antiquus antiquorum... & dicitur Pater. Elohem idest Deus noster profunditas summuum, & fons scientiarum, qui procedunt ab illo Patre, & Filius vocatur, idest

*ideſt Deus : Hic eſt Spiritus Sanctus, qui à duobus procedit, & vocatur meſura vocis. Unuſeſt, ut unum eum alio concludat, & colliget.*

Illud quoque, quod in Pſalmo 66. (vel 67.) ver. 7. ſcribitur, ſimile eſt: *Benedicat nos Deus, Deus noſter, Benedicat nos Deus: & metuant eum omnes fines terra:* Ubi in eo, quod ter ponitur *Deus*, trium Perſonarum divinarum deſignatur diſtinctio. In eo, quod ſecundo tantum loco additur *noſter*, ſolum. Filium per noſtræ naturæ aſſumptionem, noſtrum fore inſinuat. In eo vero, quod poſtremo *metuant eum*, & non *eor*, dicitur, ipſarum Perſonarum unitas, ac indiſtinctio in natura oſtenditur.

XXVII. Ex his omnibus ad recentiores Judæos placet me ſic convertere. In aſſcendâ, vel negandâ Trinitate perſonarum in unitate eſſentiæ, nolo, ut vos ſtetis Sacræ Scripturæ, ut explicatâ à noſtris Doctõribus; ſicut nec nos ſtare debemus judicio recentiorum Rabbīnorum veſtorum: quia ſicut nos, ut vos dicitis, ſumus in h'c cauſâ partes, ita & illi æſtuant in Chriſtianam Religionem odio præoccupati. Stemus omnes judicio veterum Rabbīnorum, qui vel Chriſtum præceſſerunt, vel ipſi fuerunt cœvi. Hi enim utpote nullius partis ſudio præventi, germanam, ac ſinceram Sacræ Scripturæ intelligentiam accommodaſſe credendi ſunt. At hi, ut oſtendi, in Sacrà Scripturâ Trinitatem Perſonarum in unitate eſſentiæ deprehenderunt; ergo Sacra Scriptura eam docet; ergo vos eam negantes, & veſtris Doctõribus, & ipſi Scripturæ contra dicitis.

XXVIII. Quxres. Cùm (teſte Galatino citato cap. 3.) Veterum Rabbīnorum ſententia fuerit, Myſterium Trinitatis obſcurè traditum in Veteri Teſtamento, reſervatum fuiſſe clare revelandum per Meſſiam: quare hoc factum eſt?

Reſpondeo, hoc factum fuiſſe, quia Judæorum Populus maxime ad Idololatricam proclivis erat, ad quam evitandam univerſa Lex Vetus condita fuit. Ne igitur in eorum, qui plures Deos colebant, errorem incideret, cautè à Divinâ Providentiâ factum eſt, ut ipſum Divinæ Trinitatis Arcanum ſubobſcurè,

& quæſi ſub velamine proponeretur; ne populus rudis, & male diſpoſitus, cum pluralitate Perſonarum, pluralitatem Deitatis miſceret. At quoniam Idololatricia per Meſſiam penitus erat explodenda, ac Orbis univerſus ad unius Dei cultum reducendus; idecirco Trinitatis Sacramentum explicite, & aperte revelandum, ad dies Meſſiæ fuit reſervatum: Quod omnis quoque Kabbaliſtarum Schola plane teſtatur. Rationem hanc tradidit Theodoretus lib. 2. ad Græcos, ubi de Hæbræis, ait: Cùm in Egypto longinquum ſanè tempus permanſiſſent, multorumque ibi Deorum cultus ritu Egyptiaco didiciſſent, Sapientiſſimus Deus nequaquam illis manifeſtè, apertaſque prorsus ratione Trinitatis Myſteria tradidit; ne propoſitam ſibi eſſe Deorum multitudinem arbitranter, ocaſionem hanc haberent ad impietatem Egyptiam declinandi; Trinitatis tamen dogmata, ne tunc quidem venturis inpoſſerim penitus occultavit. In antiquis enim Scripturis perfectioris Theologia materiam, quæſi ſumma quadam diſperſit.

## §. III.

### Trinitas ex novo Teſtamento.

XXIX. Dico ſecundò. Trinitas Divinarum Perſonarum in novo Teſtamento manifeſtè revelata eſt. Primum teſtimonium ſumitur ex cap. 1. Joannis v. 1. 2. *In principio erat Verbum, & Verbum erat apud Deum, & Deus erat Verbum. Hoc erat in principio apud Deum. Si hac (inquit Tertull. lib. contra Praxeam cap. 21.) non aliter accipere licet, quàm quomodo ſcripta ſunt, indubitanter alius oſtenditur, qui fuit à principio, alius apud quem fuit: Alium ſermonem Dei, alium Dominum, licet & Deus ſermo, ſed quâ Dei Filius, non quâ Pater: Alium per quem omnia, alium à quo omnia.*

XXX. Secundum ſumitur ex cap. ultimo Matt. v. 29. ubi Chriſtus Apoſtoliſ: Euntes ergo (inquit) docete omnes gentes, baptizantes eas in nomine Patris, & Filii, & Spiritus Sancti: quo textu ſeruntur nedum Sabelliani, ſed etiam Ari-

## 134 *Quæstio I. De Sanctiss. Trinitatis Existentia.*

Ariani. Nam Pater, Filius & Spiritus Sanctus Trinitatem Personarum demonstrant; Una enim, eademque Persona, nequit esse Pater, & Filius sui, neque à se ipso spirata: Iy verò in nomine unitatem naturæ contra Arianos evincit.

XXXI. Tertium sumitur ex Christi Baptismo, in quo, ut referunt Matthæus cap. 3. v. 16. 17. Lucas 3. v. 11. & Marcus 1. v. 10. & 11. *Iesus ascendens de aquâ vidit Cælos apertos, & Spiritum tanquam Columbam descendentem, & manentem in ipso: Et vox facta est de Cælis: Tu es Filius meus dilectus in te complacui.* Hic describitur Pater loquens, Filius, cui loquitur, & Spiritus Sanctus, qui super Filium descendit, & in eo manet; ergo adest Persona loquens, Persona cui loquitur, & Persona, quæ descendit: hæc enim, per diversas ejusdem Personæ virtutes, & operationes explicari sine violentiâ non possunt.

XXXII. Quartum profertur ex Joannis cap. 10. ubi v. 30. Christus de se ipso dicit: *Ego, & Pater unum sumus*; dicens autem ego, & Pater, distinctionem personarum expressit contra Sabellianos: addens autem *unum sumus*, unitatem essentiae. Nec enim de solâ unitate affectus, & voluntatis loquutus fuit; sed de unitate consubstantiali, ut ostendunt Patres contra arianos. Inter quos S. Augustinus tract. 36. in Joann. sic discurre: *Non dixit, Pater ego sum, aut ego, & Pater unus est: sed cum dicit: Ego, & Pater unum sumus, utramque audi, & Unum, & sumus: & à Charybdi, & à Scyllâ liberaberis. In duobus illis verbis, quod dixit, Unum, liberat te ab Ario: quod dixit, sumus, liberat te à Sabellio. Si unum: non ergo diversum. Si sumus: ergo & Pater, & Filius. Sumus enim non diceret de uno: sed & unum non diceret de diverso. Et sermo. 36. de verb. Dom. (modo tract. 71. in Joannem) ponderans quoque illa verba Joann. 14. v. 10. *Pater autem in me manens ipse facit opera, & ista ibidem à me ipso non loquor*: postquam dixit, ex istis Sabellianum concludere: *Eccè qui Pater est, ipse & Filius. Ariam verò ex illis inferre: Eccè inæqualis est Patri Filius,**

*à se ipso non loquitur. Utrumque ex altero perstringens ait: Audi Sabelliane: usque aded non ipse Pater, sed alter est Filius, ut cum Arianus inaequalem asserat Patri. Audi Ariane: Usque aded Filius aequalis est Patri, ut Sabellianus eundem esse dicat & Patrem. Tu adde, quem tollis, tu adimple, quem minuis, & nubisem ambo constitutis: quia nec tu tollis, nec tu minuis eum, qui alter est à Patre, ut convineas Sabellianum, & aequalis Patri, ut convineas Ariam. Utrisque enim clamat: Ego & Pater unum sumus. Quod ait unum, audiant Ariani. Quod ait, sumus, audiant Sabelliani: & nec illi aequalem, nec illi alterum negando sint vani. Ita acutè Augustinus.*

Tertullianus item lib. contra Praxeam cap. 21. super præfata verba: *Ego & Pater unum sumus. Si enim (loquit) dixisset, quod unus sumus, potuisset adjuvare sententiam illo um (Praxeæ, & negantium pluralitatem Personarum) Unus enim singularis numeri significatio videtur. . . . Unum dicit neutrali verbo, quod non pertinet ad singularitatem, sed ad unitatem, ad similitudinem, ad conjunctionem, ad dilectionem Patris, quæ Filium diligit, & ad obsequium Filii, qui voluntati Patris obsequitur, unum sumus dicens, ego & Pater, ostendit duos esse, quos aquat & jungit. De hoc textu aliqua dicemus etiam infra, dum contra Arianos, & Socinianos res erit.*

XXXIII. Quintum Testimonium sumitur ex Epist. 1. Joann. 5. v. 7. *Tres sunt qui Testimonium dant in Cælo: Pater, Verbum, & Spiritus Sanctus, & hi tres unum sunt.* Quibus nil apertius pro Trinitate Personarum, & unitate essentiae in Divinis. Contra hunc textum multa occurrunt, quæ infra proponentur. Nimius essem, si huc asserere vellem omnia novi Testamenti loca, quæ traditione perpetuâ Patres pro asserendo Trinitatis mysterio contra ipsum impugnantes protulerunt, quæ apud ipsos, & Theologos videnda relinquo.

XXXIV. Placet Sabellianos hoc ratiocinio perstringere. Aliqua in Scripturis de Deo dicuntur, quæ solâ distinctio-

pc

ne munerum, officiorum, seu operationum sine reali distinctione Personarum salvari non possunt. Primum enim in Deo asseritur verus Filius 1. Joann. 5. v. 10. *Et scimus, quoniam Filius Dei venit, & dedit nobis sensum, ut cognoscamus verum Deum, & simus in vero Filio ejus.* Verus igitur Deus verum habet Filium: atque propria, & vera filiatione non dicitur, nisi de supposito, & Persona; non enim pes, vel manus, & multò minus accidens, aut virtus, puta calor, vel color, dicitur filius alterius; sed solum dicitur filius ille, qui est Persona realiter procedens ab altera in similitudinem naturæ ipsius; ergo &c. hæc ratio est D. Thomæ 4. contrag. cap. 5. num. 6.

Secundò. Distinctio ponitur in divinis eum talibus expressionibus, quæ non significant nisi Personas, sicut pronomina: *ego, ille, ipse, & similia*; hæc enim non demonstrant nisi Personas invicem distinctas, eum nec pes, vel manus, nec Sapientia, aut bonitas dicere possint *ego feci hoc, vel illud*. Christus autem de se ipso ait Joann. 8. v. 42. *Ego enim ex Deo processi, & veni; neque enim à me ipso veni, sed ille me misit.* Et Joann. 16. v. 14. de Spiritu Sancto Ille (inquit) *me clarificabit, quia de meo accipiet.* Cùm igitur nulla Persona realiter procedat, mittatur, vel aliquid recipiat à se ipsa, sed ab altera; cùmque ego ille duas Personas distinctas demonstrent, sequitur, in Deo esse Personas realiter distinctas.

Tertiò. In Divinis dicitur unus esse apud alterum, Joann. 1. *Verbum erat apud Deum*: Unus dicitur esse in alio, ibid. v. 18. *Unigenitus Filius, qui est in sinu Patris.* Joann. 10. v. 38. *Pater in me est, & ego in Patre.* Unus dicitur esse in alio, Proverb. 8. v. 30. *Cum eo eram cuncta componens.* Hæc autem nisi de Personis distinctis verificari possunt.

XXXV. Neque dicas primò. Filium non distinguì à Patre, nisi per Incarnationem; ante Incarnationem enim nulla erat distinctio. Nam contrà est, ait D. Thom. loco citato num. 4. *Invenitur ex Sacra Scriptura etiam ante Incarnationem Filius à Patre fuisse distinctus, dicitur enim Joann. 1. In principio erat Verbum, & Verbum erat apud Deum; & Deus erat*

*Verbum. Verbum igitur, quod apud Deum erat (& Deus erat) aliquam distinctionem ab ipso habebat. Habet enim hoc consuetudo loquendi, ut alius apud alium esse dicatur.*

XXXVI. Neque dicas secundò. Per solam connotationem diversorum effectuum omnia præfata posse salvari, ut Deus dicatur Pater per Creationem, Filius per Incarnationem, & Spiritus Sanctus propter Justificationem.

Nam contrà est. Tùm quia Verbum dicitur esse apud Deum etiam ante Creationem, Incarnationem, & Sanctificationem; ergo antequam Deus quidquam faceret extra se, statuenda est in Divinis distinctio, & quidem personalis, eum nullus dicatur esse apud se, sed apud alium. Tùm quia Christus, Joann. 5. v. 19. duo dicit: unum, quod non potest Filius à se facere quidquam, nisi quod viderit Patrem facientem; alterum, quæcumque enim ille fecerit, hæc & Filius similiter facit. Neutrum autem verificari posset, si eadem Persona Patris pro ut incarnata diceretur Filius. Non primum: quia esto de diversis personis, duæ unæ conatur alteram imitari, dicamus, quod Paulus v. g. non facit, nisi quod videt Petrum facientem; de unâ tamen, & eadem personâ etiam sub diverso respectu, non nisi ridiculè diceretur, quod Petrus, ut animal, non faciat, nisi quod videt seipsum facere, ut rationalem. Non alterum: quia cùm illa Divina Persona dicatur Pater, & Filius propter diversos effectus, quos facit, non posset dici quæcumque Pater facit, Filius similiter facit: sed potius oppositum; nimirum, nihil, quod facit Pater, facit Filius, sed totum diversum. Nam Pater ut Pater creat; Filius ut talis non creat, sed incarnatur: sicut homo ut rationalis nihil facit eorum, quæ facit, ut est animal.

Tùm denique. Si enim eadem Personâ, quæ est Medicus, esset etiam Judex, nonnè nonnisi ridiculè diceretur, quod Medicus esset apud Judicem, esset, eum Judice, & in Judice, & mitteretur à Judice? vel ergo omnes Sacrarum Scripturarum locutiones, quibus Verbum dicitur esse apud Patrem, à Patre, cum Patre, in Patre, mitti à Patre, improprie, & quasi ridiculæ sunt; vel Persona Patris alia est à Persona Filii.

## §. I V.

*Anti-Trinitariorum argumenta soluta.*

XXXVII. **S** Abelliani, cæterique Mysterii SS. Trinitatis hostes, partim Scripturis male intellectis, partim rationibus Philoſophicis, seu Sophismatibus nitebantur. Hæc igitur proponenda sunt, ac dissipanda.

Primo obiciebant loca tùm novi, tùm veteris Testamenti, in quibus Deus dicitur esse solus. Ex quibus inferebant, non esse plures in Deo Personas; ubi enim est pluralitas & multitudo, siue Naturarum, siue Personarum, ibi non est solitudo. Porro Deum esse solum probabant ex novo Testamento, præsertim ex illo Joann. 17. v. 3. *Hæc est autem vita æterna: ut cognoscat te, solum Deum verum, & quem misisti Jesum Christum.* Et ex illo 1. Cor. 8. v. 6. *Nobis tamen unus Deus, Pater, ex quo omnia, & nos in illum: & unus Dominus Jesus Christus, per quem omnia, & nos per ipsum.* Ubi solus Pater vocatur Deus; Jesus autem Christus, non Deus vocatur sed Dominus. Et ex illo ad Ephes. 4. v. 6. *Unus Deus, & Pater omnium, qui est super omnes, & per omnia, & in omnibus nobis.*

Ex veteri autem Testamento ratiocinantur sic: Nullus est alius Deus, quàm qui in veteri Lege dicitur: *Deus Abraham, & Deus Isaac, & Deus Jacob, & Deus Patrum nostrorum*, ut ait Petrus act. 3. v. 13. Sed hic est Deus solus, & unus; ergo &c. Min. probabant. Tùm ex illo Deuteronom. 32. v. 39. *Videte quod ego sim solus.* Tùm ex illo Psalm. 85. v. 10. *Tu es Deus solus.* Tùm Isaïæ 37. v. 16. *Tu es Deus solus omnium Regnorum Terra.* Tùm cap. 44. v. 14. *Ego sum Dominus faciens omnia, extendens Cælus solus.* vers. 6. *Ego primus, & ego novissimus, & absque me non est Deus.* Et similia.

XXXVIII. Respondetur. Pluralitatem, & multitudinem tollere unitatem, & solitudinem in eo genere, in quo est pluralitas, & multitudo; cumque in Deo addit pluralitas Personarum, non naturarum, hæc pluralitate tollitur quidem, quod in Deo sit una Persona, non autem

quod in illis tribus Personis sit una, & sola Natura Divina. Quare retorqueo argumentum: iste Deus, qui in Scripturis dicitur unus, & solus, in eisdem Scripturis de seipso pluraliter loquitur, ut ostensum est Genes. 1. v. 26. *Faciamus hominem &c. Venite descendamus.* (Genes. 11. v. 7.) *Ego & Pater unum sumus* (Joann. 10. v. 30.) Sed de eodem omnino tam unitate essentia, quàm Personæ, numerus pluralis verificari non potest; ergo cum in Deo non addit pluralitas naturæ, debet esse pluralitas in Personâ. Ubi enim est unum suppositum subsistens, pluralis prædicatio non recipitur; Christus autem de se, & de Patre pluraliter loquitur dicens: *Ego & Pater unum sumus; non est ergo Filius ipse Pater.* Ita Sanctus Thomas 4. contrag. cap. 5. nu. 3.

Aliter respondeo cum eodem primæ part. qu. 31. ar. 3. Quod cum dicitur Deus solus, hæc dictio solum potest accipi ut categorica; vel ut syncategorematica. Primum modo absolute ponit rem significatam circa aliquid suppositum, ut albus circa hominem, cum dicitur: homo albus. Hoc autem modo non potest adungi alicui termino in divinis; quia poneret solitudinem circa terminum, cui adjungeretur, & sequeretur, Deum esse solitarium. Dictio autem syncategorematica dicitur illa, qua importat ordinem prædicati ad subiectum, sicut hæc dictio omnis, vel nullus; & similiter hæc dictio solus; quia excludit omne aliud suppositum à consortio prædicati. Sicut cum dicitur solus Socrates scribit, non datur intelligi, quod Socrates sit solitarius; sed quod nullus sit ei consort in scribendo, quamvis cum eo multis existentibus. Et per hunc modum nihil prohibet, hanc distionem, solus, adungi alicui essentiali termino in divinis, in quantum excluduntur omnia alia à Deo à consortio prædicati, ut si dicamus: solus Dens est æternus; quia nihil præter Deum est æternum.

XXXIX. Ad testimonia ex novo Testamento, respondeo. Ad primum ex Joann. cap. 17. Dico primum. Patrem appellari solum Deum verum, non per exclusionem aliarum Personarum in eadem verâ Deitate subsistentium, sed per ex-

classe Deorum, quibus à Gentilibus tribuebatur divinitas, cum reverà divinitatem non haberent. Unde fit sensus, Patrem esse solum Deum verum, id est, cujus natura est sola vera divinitas: cumque aliæ duæ Personæ habeant eandem naturam, quam habet Pater, sequitur, quòd & natura illarum sit vera divinitas. Ita Nazianzenus orat. 36. & Athanas. orat. 4. contra Arianos.

Dico secundò cum S. Augustino tract. 105. in Joannem, quòd ordo verborum hic est: *hæc est vita æterna: Ut te, & quem misisti Jesum Christum, cognoscat solum verum Deum.* Quod docet etiam lib. 2. contra Maximin. cap. 15. & cum eo Nazianzenus citatus; Cyrillus Alexand. lib. 11. in Joann. c. 5. & S. Ambrosius. lib. 5. de Fide cap. 1. Quibus subscribit S. Thomas in cap. 17. in Joann. lect. 1. Quia vero hæc eodem textu abutebantur Arianæ ad negandam Divinitatem Filii Dei, idè iterum inferius explanandus erit.

Ad secundum ex D. Paulo, eodem modo respondeo, Patrem dici unum Deum, non excludente Divinarum Personarum, quæ sunt unus Deus, sed exclusionem inanium Deorum, quos colebant, & multiplicabant Gentiles. Quare 1. Cor. cap. 8. v. 5. præmiserat: *Nam etsi sunt, qui dicantur Dii, sive in Cælo, sive in Terrâ, ( siquidem sunt Dii multi, & Domini multi ) statim subdit v. 6. Nobis tamen unus Deus &c.* Eodem ergo modo Pater dicitur à Paulo unus Deus, quòab ipso ibidem Christus dicitur unus Dominus; sicut autem Christus non est unus Dominus cum exclusione Patris, & Spiritus Sancti, ita nec Pater est unus Deus cum exclusione Filii, & Spiritus Sancti. Eodem modo respondetur ad textum ex Epist. ad Ephesios. Igitur non duo Dii Pater, & Filius; nec tres Dii, Pater, & Filius, & Spiritus Sanctus: Sed ipsa Trinitas unus solus verus Deus. Nec idem tamen Pater, qui Filius, nec idem Filius, qui Pater, nec idem Spiritus Sanctus, qui Pater, & Filius; quoniam tres sunt Pater, & Filius, & Spiritus Sanctus: sed ipsa Trinitas unus est Deus. Ita S. August. tract. 150. in Joann. supra citato.

Tom. IV.

XL. Ad ea, quæ ex veteri Testamento opponuntur, dico: Deum esse unum; at solum unitate essentia, non verò Personæ; nec aliud evincunt textus Deuteronom. Psalmi. & Isaia. Illis enim Deus dicitur unus, nec alium esse præter ipsum, ad excludendam pluralitatem Deorum, non Personarum: ut multitudinem falsorum Deorum unitate Divinitatis expellat, habens tamen Filium quòd individuum, & inseparatum à Patre, tantò in Patre reputandum, etsi non nominatum ( Ita Tertull. lib. contra Praxeam cap. 13. ) Atqui si nominasset, illum separasset, ita dicens: Alius præter me non est, nisi Filius meus. Acuta sanè Tertulliani observatio! quia si Filium nominasset, dicendo Alius præter me non est, nisi Filius meus, fieret sensus, quòd Filius sit alius Deus à Deo Patre. Non debuit ergo nominari Filius, ne videretur Filius intimè conjunctus Patri, separari divinitate à Patre. Sicut si Sq<sup>d</sup> diceret ( exemplum est Tertulliani ) *et Sol, & alius præter me non est, nisi radius meus* nonnè denotaret, radium esse alium, & separatum à Sole, cum tamen radius sit intimè cum Sole conjunctus? cum dicitur autem extendens Cælos Solus, hoc dicitur præstruendo Hæreticorum Valentinianorum tabulas, qui ( inquit Tertull. ) *Mundum ab Angelis, & Potestatibus diversis velunt structum*; non excludendo Sapientiam Dei, quæ in ipso est, & quæ Prov. 8. cum eo erat cuncta componens. De hoc videatur D. Thom. supra relictus num. 38. ubi exponit, quot modis sumi potest dictio exclusivæ solus; & quomodo dicta de Deo concedenda sit, quomodo neganda.

XLI. Secundò obijciebant. Ubi sunt tres Personæ, quarum quilibet Deus est, ibi tres Dii sunt: sed tres Deos admittit impius est; ergo &c.

Si respondeas, dist. maj. ibi tres Dii sunt, si in illis divisa sit divinitas conc. maj. si una, eadem, ac indivisa in eis Deitas, seu Divinitas sit, nego maj. cum ergo in tribus Divinis Personis una, ac indivisa Deitas sit, non sunt tres Dii, sed unus Deus, etsi in Personis trinus.

XLII. Contra est primò. Sicut homo significatur, ut habens humanitatem, ita Deus,



138 *Questio I. De Sanctiss. Trinitatis Existencia :*

Deus, ut habens Deitatem: sed tres Personæ divinæ sunt tres habentes Deitatem; ergo sunt tres Dii.

Secundò. Sicut hoc nomen Deus significat habentem Deitatem, ita hoc nomen Persona significat habentem substantiam in naturâ intellectuâ: sed ex quo sunt tres substantiæ, dicimus tres Personas; ergo ex quo sunt tres habentes Deitatem, debemus dicere tres esse Deos.

Tertiò. Gentiles Philosophi unam Divinitatem admittebant: quia tamen illam ponebant in pluribus Personis, cogebantur plures Deos admittere; ergo quamvis unam dicamus Deitatem, si tamen eam in pluribus Personis ponimus, cogimur plures Deos admittere.

XLIII. Respondeo, concessis præmissis, negando consequentiam. Variatur enim appellatio de materiali in formalem, & etiam suppositio. Nam licet Deus significet habentem Deitatem, est tamen alius modus significandi. Nam Deus dicitur substantivè; sed habens Deitatem dicitur adjectivè: Unde licet sint tres habentes Deitatem, non tamen sequitur, quod sint tres Dii. Ita D. Thomas 1. p. qu. 39. ar. 5. ad 1. Porro differentiam inter nomen substantivum, & adjectivum explicat S. Doct. in corpore illius articuli; quod nomen substantivum accipitur pro formâ per se, & ratione sui; nomen verò adjectivum accipitur pro formâ, ut in subiecto, vel supposito existente: Unde nomen substantivum principaliter, & in recto supponit pro supposito, seu Personâ habente formam. Ex quo fit, quod nomina substantiva multiplicari non possunt, nisi forma multiplicetur; nomina autem adjectiva multiplicari possunt, etiam si non multiplicetur forma, dummodo multiplicentur subiecta, seu supposita habentia formam. Cum ergo in Divinis sint quidem tria supposita, sed habentia unum omnino Deitatem, non tres Deitates, possunt quidem dici tres habentes Deitatem, seu tres Divini adjectivè; non tamen tres Dii substantivè. Quare resolvit D. Thomas ibi: quod nomen essentialium quadam significat essentialiter substantivè, quadam verò adjectivè. Ex quidem, quæ substantivè essentialiter significant, prædi-

cantur de tribus Personis singulariter tantum, & non pluraliter. Quæ verò adjectivè essentialiter significant, prædicantur de tribus Personis in plurali.

XLIV. Ad secundam instantiam, concedo pariter præmissas, & nego consequentiam. Vitium enim est, ut ait D. Thom. laudatus ad quartum: Quod forma significata per hoc nomen Personam, non est essentia, vel natura (sicut est forma significata per hoc nomen Deus) sed Personalitas. Unde cum sint tres Personalitates, id est tres Personales proprietates in Patre, & Filio, & Spiritu Sancto, non singulariter, sed pluraliter de tribus.

XLV. Ad tertium, Diss. ant. quia illam ponebant in pluribus divisam, & multiplicatam, conc. ant. indivisam prorsus, & unam realiter in illis, nego ant. Pagani ergo Philosophi Divinitatem ponebant in pluribus realiter in eis divisam, & multiplicatam, eo modo, quo humanitas ponitur in pluribus, nempe in Socrate, & Platone, in quibus nedum multiplicatur supposita habentia humanitatem, sed & humanitates ipsæ: alia est enim humanitas, quæ est in Socrate, alia, quæ in Platone, quamvis secundum similitudinem una sit. At nos Deitatem ponimus in tribus Personis prorsus indivisam, & idcirco non cogimur ponere tres Deos. Audiamus S. Thomam loco citato: Hæc igitur est ratio, quare Socratem & Platonem & Ciceronem dicimus tres homines; Patrem autem, & Filium, & Spiritum Sanctum non dicimus tres Deos, sed unum Deum: quia in tribus suppositis humana natura sunt tres humanitates; in tribus autem Personis est una Divina Essentia.

XLVI. Nec refert, quod Patrum aliqui (inter quos Nysenus, & Basilii) dixerint, tres Divinas Personas esse unum Deum, sicut Paulus, & Joannes sunt unus Homo. Non, inquam; etenim cum similitudo semper diversitatem includat, aliis non esset similitudo, sed identitas; hoc maxime habet similitudo petita ex rebus creatis, ad explicandum Mysterium Trinitatis; quod cum nihil in creatis habeat, cum quo possit comparari, omnis similitudo petita ex creaturis, adeo manca, & deficiens erit, ut plus dissimilitudinis habeat, quam similitudinis. Dū ergo

ergo illi Patres dicunt, tres Divinas Personas esse unum Deum, sicut Paulus, & Joannes sunt unus homo, solum valet in eo, quod sicut proprietates individuales, quibus opponuntur Paulus, & Joannes, non tollunt convenientiam eorum in naturâ humanâ utrique communi; ita proprietates personales, quibus Divinæ Personæ invicem opponuntur, non tollunt, quin eadem Naturâ Divinâ unum sint. Non valet tamen, nec assumpta fuit similitudo ad parificandum modum unitatis. Nam Petrus, & Paulus unum sunt in naturâ humanâ solâ unitate similitudinis; Divinæ autem Personæ unum sunt in naturâ unitate identitatis: itaut natura divinâ in omnibus eadem omnino, ac realiter sit indivisa.

**XLVII.** Tertiò obiciebat Servetus primò. Aut Persona in Deo finita est, aut infinita. Si infinita, una est, quia infinitum unum est. Si finita; ergo infinitæ Personæ ponendæ sunt, quæ divinæ naturæ infinitati respondeant, & eam adæquent.

Secundò. Per se notum est, quod quæ sunt eadem uni tertio, sunt eadem inter se: sed tres Divinæ Personæ essent idem uni tertio, nempe naturæ divinæ; ergo sunt idem, non distinctæ inter se.

Tertiò. Si in Deo ponitur Trinitas propter tres Personas subsistentes, cur non ponitur quaternitas, cum præter illas sit natura divina, quæ pariter subsistens est?

Quartò. Ex illis Personis una procedit, & accipit esse ab aliâ, quod est contra naturam entis omnino increati, & à se.

Quindò. Generare summa perfectio est in vivente: hanc autem perfectionem habet Pater, Filius non habet; ergo Pater; & Filius ejusdem perfectionis non sunt; ergo nec ejusdem naturæ.

**XLVIII.** Respondetur ad singula. Ad primum, dico, Personam in Deo esse infinitam. Nego tamen, eam esse unam in proprietate Personali, sed in pluribus Personis esse unam, ac indivisam perfectionem.

Si dicas. Quia Deus infinitè perfectus est, unus est; ergo si Divina Persona infinita est, una est.

Respondeo, negando consequentiam. Nam cum Deus nominet perfectionem ab-

solutam, si non esset unus, sed alius daretur Deus ab illo, hoc esset, quia illius alterius perfectionem non conineret, ut superius offendimus; quia absoluta non multiplicatur, nisi ex limitatione. At Persona nominat quid relativum in Deo; relativum autem includere non debet, sed potius excludere à se suum correlativum, cum illi realiter opponatur. Hoc tamen non tollit, quin una Persona divina mediâtè saltem, & realiter contineat omnem perfectionem alterius Personæ. Cum enim omnes Personæ idem sint in essentiâ divinâ; ratione hujus identitatis una Persona dicitur esse in aliâ per circuminsessionem, ut ajunt Theologi. Quo sensu dicebat Christus Joann. 14. v. 9. *Philippe, qui videt me, videt & Patrem.* Et v. 10. *Non creditis, quia ego in Patre, & Pater in me est?* Unde Athanas. orat. 3. contra Arianos num. 3. *Filius (inquit) in Patre est, quantum licet intelligere, quia totum quod est Filius, hoc natura Patris proprium est, eo modo quo ex luce splendor, & ex fonte fluvius exoritur; adeò, ut qui Filium videt, id quod proprium est Patri videat, intelligatque, Filium idcirco in Patre esse, quia ex Patre habet ut sit: & vicissim Patrem in Filio esse, quia Filius est id quod proprium est ex Patre, sicut Sol est in splendore, mens in Verbo, & fons in fluvio. Ita enim qui Filium contempletur, id, quod natura Patris proprium est, simul contempletur, Patremque in Filio esse intelligit. Nam cum forma, & divinitas Patri hoc ipsum sit, quod est Filius, omnino sequitur, ut Filius sit in Patre, & Pater in Filio. Quocirca cum antea dixisset: Ego, & Pater unum sumus, hic restit ait: ego in Patre, & Pater in me est; ut scilicet eandem amborum divinitatem, unamque naturam esse doceret.*

**XLIX.** Ad secundum variè respondetur à Theologis. Primò dicunt illud axioma verificari de iis, quæ sunt idem uni tertio realiter, & non sunt ratione diversa, & invicem opposita: non de iis, quæ licet cum tertio idem sint, ratione tamen diversa, imò invicem sunt opposita. Ita Sanctus Thomas 1. part. qu. 28. art. 3. ad 1. Ubi ex Philosopho 3. de Animâ (cujus est præfatum axioma) ponit exemplum in actione, & passione, quæ licet idem reali-

ter sint cum motu, non tamen sequitur, quòd actio, & passio sint realiter idem; quia in actione, & passionem diversi respectus importantur. Cùm ergo Divinæ Personæ licet sint idem realiter cum essentia divinâ, sint tamen rationibus relativis invicem oppositæ, idèd non sunt idem inter se. Quare concludit: *Et similiter licet Paternitas sit idem secundum rem cum essentia divinâ, & similiter Filiatio: tamen hæc duo in suis propriis rationibus important oppositos respectus. Unde distinguuntur ad invicem.* Et oppositæ ratione, quia potentia, & bonitas in Deo non important in suis rationibus aliquam oppositionem, propterea (ibi ad secundum) sunt idem tam inter se, quàm uni tertio. Vide D. Thom. in 1. diff. 2. qu. 1. art. 4. ad 1. & art. 5. in corp. & ad 4.

Secundò dicunt, verum esse axioma de iis, quæ sunt eadem uni tertio adæquatè sumto. Personæ autem divinæ sunt idem cum essentia solum inadæquatè sumtâ; nam essentia adæquatè includit etiam Personas, quæ invicem opponuntur.

Tertiò dicunt, verum esse, quando sunt idem uni tertio incommunicabili; scdus tamen quando illud tertium est communicabile pluribus, sicut divina natura, quæ communicabilis est tribus divinis Personis.

Verùm dici potest, Myſteria Fidei (inter quæ Trinitas Personarum est summum) non esse regulanda per axiomata Philosophorum, maxime Gentilium omni fidei lumine carentium, qualis erat Aristoteles, cuius est præfixum axioma. Nam est etiam commune effatum, quod *ex nihilo nihil fit*; quod a privatione ad habitum non datur regressus: & tamen nihil horum habet locum in Deo, qui ex nihilo omnia produxit, & ad cuius nuntum omnia resurgere possunt, ac reproduci. Quamvis ergo Philosophica argumenta sanè intellecta veritatis supernaturalibus, & Myſterio Trinitatis non contradicant, sed omnia solvi possint, quia verum non contrariatur vero; attamen ex illis supernaturalia myſteria nec probanda, nec regulanda sunt. Quare cum D. Thoma in 1. diff. 2. qu. 1. art. 4. *Concedendum est absque ulla ambiguitate, esse in Deo pluralitatem suppositarum, vel Personarum in unitate essentia; non propter rationes induſtas, quæ non necessario concludunt; sed propter fidei veritatem.*

*L. Ad tertium respondetur, poni in Deo Trinitatem propter tres Personas invicem distinctas; non poni autem Quaternitatem propter divinam essentiam; quia hæc cùm sit Personis intimè identificata, & ab eis non distincta, non potest dici quarta res; quia numerus ex solâ distinctione confurgit. Quare Concilium Lateranense sub Innoc. III. cap. Damnamus statuit contra Abbatem Joachim; Quod una quadam summa res est incomprehensibilis quidem & ineffabilis, quæ veraciter est Pater, & Filius, & Spiritus Sanctus, tres simul Personæ, ac singulatim, qualibet earundem: & idèd in Deo Trinitas est solummodo, non quaternitas, quia qualibet trium Personarum est illares, videlicet substantia, essentia, sive natura divina &c.*

LI. Ad quartum dico, unam Personam procedere ab aliâ non ut à causâ, sed ut à puro principio; quod non obest, ut sit ens à se Persona procedens, non minus, ac ea, à quâ procedit. Et ratio est: quia quod procedit ab alio, ut à causâ, accipit quidem esse simile, non tamen illud idem, quod habet causâ, sed diversum. At quod procedit ab altero, ut à puro principio, accipit, eique per processionem communicatur, illud idem esse, quod est proprium principii: & propterea, si esse principii est independens omnino, & à se, etiam erit independens, & à se, esse, quod communicatur termino procedenti.

LII. Ad quantum dico, summam perfectionem generationis, quæ in Patre est, esse etiam in Filio, nec tamen Filium generare. Est in Filio tota perfectio generationis, quia in Filio eadem essentia est, cum quâ generatio identificatur: sed Filius non generat; quia generare spectat ad proprietatem Patris. Ita respondet Sanctus Ambrosius lib. 4. de fide cap. 4. dicens: *Cur inquit (Ariani) Filius Pater non est? Quia & Pater Filius non est. Cur iste non generavit? Quia nec ille generatus est: Nec idèd minus habet Filius, quia Pater non est. Nec Pater minus habet, quia Filius non est. Dixit enim Filius: Omnia, quæ Pater habet mea sunt.*

*Aded*

*Adde generatio in paternâ proprietate, non in jure potestatis.*

LIII. Si dicas; ergo admittendæ erunt, ut veræ hæc duæ contradicторiæ: *Deus est generans: Deus non est generans.* Nam, Pater est Deus, Filius est Deus; Pater autem generat, Filius non generat.

LIV. Nego, ambas illas propositiones admittendas esse, ut veras. Nam in priori *Deus est generans*, ly *Deus* supponit determinatè pro Patre, & proinde est vera: verè enim Deus Pater est generans. In posteriori vero, *Deus non est generans*, ly *Deus* supponit pro omnibus Personis indistinctè, & illa particula *non* universaliter negat generationem in Deo. Unde facit sensum, quodd nulla Persona, quæ sit Deus, generat; unde patet eam esse prorsus falsam.

LV. Quastò obijci potest. Primi post Christi tempora Christiani Mysterium Trinitatis non sunt professi. Si enim professi essent, Gentiles ex eo sumissent argumentum pro Deorum pluralitate, quam ipsi Christiani exprobrabant; aut saltem Christianos redarguissent, quod & ipsi plures Deos admitterent, quod postea Sabelliani objecerunt. Cùm ergo nihil horum Gentiles fecerint, argumento est, Christianos tunc temporis hoc mysterium professos non fuisse.

LVI. Respondeo, vel non extare libros, quibus Gentiles adversus Trinitatis mysterium, aliæque Christianæ Religionis Dogmata conscripserunt, & Apologias Christianorum illis respondentium: Vel antiquos Patres hoc mysterium apud Gentiles non divulgasse, sed Cathecumenis, quos instituebant, ut Fidei secretum custodiendum committebant. Unde iidem Patres, aut scribentes, aut coram Gentilibus loquentes œconomæ, & ac prudentiæ causâ varia reticebant. De quo videndus est Schelestrate in suo opusculo. *de Disciplina arcani.*

Secundò respondere etiam possem, falsum esse, Gentiles Philosophos nunquam fuisse argumentatos contra Trinitatis mysterium. Nam Justinus in primâ Apologiâ pro Christianis refert, Christianos pro insipientibus habitos fuisse à Gentilibus, quodd Christum ut Dei Filium colerent, quod certè est fateri Trinitatem. Pra-

xeas etiam, qui altero seculo vixit, totus erat, ut ex fide Trinitatis pluralitatem Deorum astrueret, ut videre licet apud Tertullianum, libro contrâ ipsum. Et Celsus Gentilis Philosophus (teste Origene in libris adversus ipsum conscriptis) probabat Deorum pluralitatem sequi ex Trinitate; ne dicam de Juliano Apostata, ut legi potest apud Cyrillum contra Julian. maximè lib. 8.

## DUBIUM II.

De Unitate naturæ in Trinitate.

### §. I.

*Ariana Hæresis.*

I. **D**istinctâ ab Ecclesiâ Christi Sabellianâ hæresi, Ariana successit; non minds impia; quæ licet voce Trinitatem Personarum in Deo admitteret, cùm tamen earum consubstantialitatem negaret, Trinitatem divinam reverà destruebat.

II. Ariana dicta fuit ab Ario Urbis Alexandrinæ Præbytero, genere Lybio, Dialecticæ peritiss. claro; & quamvis externâ specie præferente virtutem, impid tamen in Filii Dei, & Christi Divinitatem blasphemio. Hic ergo sub Constantino Magno Impetatoris & Silvestri I. Rom. Pontificis anno circiter 317. vel (ut alii volunt) 320. evulgare cœpit, Patrem, & Filium, & Spiritum Sanctum, non esse ejusdem substantiæ, & naturæ; Filium Dei esse creaturam, non esse coeternum Patri, non coessentialem: idemque à fortiori de Spiritu Sancto.

III. Arius priusquam fieret hæreticus, fuit Schismaticus; nam Meletii res novas in Ecclesiâ molientis partibus primò se addixerat. Ex Schismate in speciem conversus, Diaconus est ordinatus à S. Petro Alexandrino Episcopo, & Martyre. Verùm cùm is Meletium, ejusque fautores excommunicasset, Arius contra hoc factum blaterans ab Ecclesiâ pulsus est. Porro cum à S. Petro jam in carcere constituto, & Martyrio proximo, se in communionem restitui Arius vehementer efflagitaret, serunt Acta S. Petri præ-

## 142 *Quaestio I. De Sanctiss. Trinitatis Existentia.*

ti, Christum ei noctu apparuisse, veste discissi, causamque rei percontanti, respondisse: *Arius mihi scidit. Præcave omnino, ne cum in communionem recipias. Quin potius iubeto Achilla, & Alexandro Presbyteris, qui post tuum exitum resturi sunt Ecclesiam meam, ne cum in communionem recipiant.* Licet autem visio hæc Viris eruditus dubia reddatur; hoc tamen verum est, mortuo Petro, Arium in Ecclesia irrepisse & ab Achilla in communionem fuisse receptum, indeque factum Presbyterum. Verum, Achilla mortuo, indignè ferens Arius, Alexandrum in Episcopatu Alexandrino sibi prælatum, hæresim, quam corde jam conceperat, apertâ fronte cepit evomere. Rehitit in primis, coactâ Synodo, Alexander Patriarcha Alexandrinus: restiter alii plures. Tandem in Synodo Nicenâ primâ promovente pro excitatione Constantino Magno, & Sylvestro I. annuente auctoritate suâ, damnata hæresis, ejusque parens Arius poenitentiam simulans exulare coactus fuit, nullâ aliâ multatus poenâ.

IV. Non tamen quievêre res. Etenim nondum elapso triennio, anno scilicet 317. Arius cum sociis ab exilio revocatus per Constantinum, eique subdole formulam fidei Catholicæ obtrudens, Alexandrum redeundi facultatem obtinuit. Cumque ab Athanasio, qui Alexandro in Sede Patriarchali successerat, repulsam passus esset, concitatis contra Athanasium turbis, Arianorum arte, ob quos S. Episcopus in exilium amandatus fuit, Arius tandem Constantinopolim à Constantino vocatur. Qui ab Eusebio Nicomediensi Arii fautore iterum delusus, Alexandro Constantinopolitano Episcopo jussit, ut Arium in communionem reciperet. Sed noctu orante Alexandro, ne diutius sinceret Deus tantum serpere malum, mane, dum ad Ecclesiam quasi triumphans pergeret Arius, ventris onere pressus ad latrinas secedens, cum sordibus viscera, & sordentem emisit animam, anno Christi 336.

V. Misere tamen extincto Ario, non extinguitur hæresis; imò invalescit magis, Eusebio Nicomediensi Episcopo in locum Arii succedente, ex quo Ariani *Euse-*

*biani, & Nicomediani* dicti sunt. Infra hæc contra istos pugnavit, & multa passus est S. Athanasius. Res in apertam persecutionem contra Catholicos erupit. Plura hinc, inde Concilia coactâ sunt, scisâ in partes Ecclesiâ, Episcopis huc, illucque distractis; adeo ut totus pene Orbis ingemuerit, ac se esse Arianum miratus sit; donec successu temporis, prævalente contra mendacium veritate, Ariana nequitia cedere, ac sensum mori cepit.

VI. Extinctam porro, tumulatam, imò, incineratam excitare iterum ad lucem, conati sunt recentiores hæretici Servetus, Valentinus Gentiles, Alciatus, alique dubio præcedente recensiti; inter quos, famosiores qui suum errori nomen dederunt, extitere *Lalins, & Faustus Socini*, unde factum est, ut novi Ariani hodierno tempore *Sociniani* nuncupentur. Asserens ergo Faustus Socinus, in essentia divinâ unicam esse Personam, quæ Pater nuncupetur, & implicare, Deum unum in essentia, & in Personis trinum esse, consequenter dicebat; Filium Dei, nempe Christum, nec Personam divinam esse, nec Deum, nisi metaphoricè, & improprie, ob sublimem potestatem à Patre vero Deo participatam, ut esset inter Deum, & homines Mediator. Unde falsa omnia, quæ de Filii Dei generatione æternâ ex Patris substantiâ; falsa quæ de ejusdem Incarnatione dicuntur, nisi figurativè intelligantur: quare nedum Trinitatis, sed Incarnationis mysterium evertibat.

De Spiritu Sancto, assererat, esse quidem virtutem, & efficaciam Dei, sed Personam divinam esse negabat; quibus hæresim Macedonii excitabat. Christum ratione Personæ esse hominem verum, non tamen purum, quia divinâ filiatione ab ortu donatum: ideòque Filium Dei proprium, ac Unigenitum esse dicebat; quia nullus alius virtute divini Spiritus, absque ullo viri concursu, in utero matris fuit sic conceptus, ut ab ortu Filius Dei vocaretur; in quo Nestorii imitabatur errorem.

Christum ante Mariam non fuisse, à Paulo tamen Primumgenitum dici omnis creaturæ; quoddam dignitate, ita tempore

pore omnium novarum creaturarum sit prima, videlicet quia opera Spiritus Sancti conceptus, & à peccato immunis, idèd nova creatura dicitur: & hoc loquendi modo antiquas hæreses Cerinthi, & Ebionis suscitavit.

Christum Prophetam esse docebat; quia antequam prophetico munere inciperet fungi, in Cælum raptus est ad Patrem, à quo plenè de omnibus instructus, & inde in mundum missus fuit, quo cum Mahomete conveniebat.

Insuper Peccatum originale cum Pelagianis negabat; cum Sadducæis Resurrectionem Mortuorum futuram esse nullam asserbat; In Cæna Domini nihil præter panem, & vinum sive à credentibus, sive à non credentibus recipi in memoriam mortis Domini, neque tamen Sacramentum esse asserbat.

Hæc, aliaque impiæ doctrinæ capitula Arianiismi, sed & omnium ferè hæresum renovator docebat Socinus; quibus Poloniam, & Transylvaniam vivens sædavit, & quarum semina moriens anno 1604. ætatis 65. reliquit, quæque hisce temporibus apud miseros homines adhuc pullulare non desinunt.

Cùm ergo hæc sint omnium quasi hæresum colluvies, nos ea, quæ ad alios Tractatus spectant suis locis refutanda dimittimus, solum reservantes caput, quo cum Ario in Filii Dei Divinitatem invehitur: quæ enim contrà Christi Divinitatem blasphematur, in Tractu de Incarnatione dissipanda relinquimus.

VII. Præterire non possum, Lutheranos, & Calvinistas puros, etsi Arianismum in Serveto, Socino, & aliis detestari videantur, ex modo tamen, quo loquuntur, semi-Arianismi suspensionem non evadere, de Voce *Homousion* exprimentem consubstantialitatem Filii cum Patre, non bene loquentes. Lutherus recentiorum hæreticorum Patriarcha in confut. latomitom. 2. pag. 140. Nec est (inquit) quod mihi *homousion* illud obicet. Non fuit receptum à multis &c. Et inferiùs: Quod si edis anima mea vocem *homousion*, & nolim eduti, non ero hæreticus. Laudatque Arianos, quod eam rejecerint. Calvinus item lib. 1. Inst. cap. 13. §. 3. Utinam (inquit) sepulta essent (no-

mina Trinitatis, Personæ, consubstantialis) constaret modo hæc inter omnes fides, Patrem, Filium, & Spiritum Sanctum esse unum Deum. Et ad Polonos contra Stancarum, ait: Precatio vulgè trita est: Sancta Trinitas unus Deus miserere nostri, mihi non placeat, ac omnino barbarum sapit: Et ibi dicit, Filium Dei esse Mediatorem, quatenus æternus sermo Dei est, concludens: Quare insitit ex Mediatoris titulo inferitur, Patre esse maiorem: Quando hæc optime inter se cohererent, Unigenitum Dei Filium eundem, & unius cum Patre essentia fuisse Deum, & tamen fuisse quasi medium inter Deum, & creaturas. Quæ certè cum doctrinâ catholicâ non concordant.

Circa Arium, & Arianæ hæresis progressus multa apud viros Historiæ, ac eruditione sacræ Professores controversantur. Nos præsentî dubio ea, quæ materiæ substantiam tangunt, nempe substantialem Verbi Divinitatem statuimus; aliqua postea de circumstantiis didici.

VII. Quare noto: aliud esse querere, an Verbum seu Filius Dei sit substantialiter Deus; aliud, an Christus sit substantialiter Deus. Etenim adhuc supposito, quod Verbum sit Deus, controversi potest, an Christus sit Deus. Ut enim Christus sit Deus, supposito, quod Verbum sit Deus, requiritur, ut illius humanitas verbo hypostaticè unita sit, quæ hypostatica unio non statim sequitur ex Verbi divinitate. Etenim Nestorius, cui aliàs erat certa Verbi divinitas; quia negabat hanc esse hypostaticè Christo unitam, negabat Christum esse verè, & substantialiter Deum. Ex quo tamen Christus sit substantialiter Deus, sequitur infallibiliter Verbum esse substantialiter Deum; nec enim potest Christus substantialiter Deus esse, nisi quia Verbum illi substantialiter unitum, est substantialiter Deus. Christum esse substantialiter Deum videbimus in Tractu de Incarnatione. Modò Verbum esse substantialiter Deum contra Arianos, & Socinianos statuendum est.

## S. I. I.

*Verbi Divinitas ex Scripturis.*

VIII. **P**rimum pro Verbi Divinitate testimonium exhibet Joann. cap. 1. *In principio erat Verbum, & Verbum erat apud Deum, & Deus erat Verbum. Hoc erat in principio apud Deum. Omnia per ipsum facta sunt; & sine ipso factum est nihil. Quæ verba exponenda sunt. Per has voces: In principio erat Verbum, Verbo tribuitur coeternitas Patri; ly enim erat indicat, illud semper fuisse: Propterea S. Joannes ibi quater repetit, erat, erat, erat, erat. Unde Ambrosius lib. 2. de fide ad Gratianum cap. 3. Ecce (inquit) quater erat: ubi impius invenit, quid non erat? Quod designatur quoque per hanc vocem in Principio, quæ idem significat, ac Ante omnia. Quare Synodus Nicæna prima (ut refert Socrates lib. 2. h. fl. cap. 8.) ex hoc Joannis loco damnavit anathemate Arianos dicentes: fuit aliquando tempus, cum (Verbum) non esset, & antequam gigneretur non erat. Ille autem voces & Verbum erat apud Deum, ut supra vidimus, Sabellianos redarguit negantes, Filium esse Personam à Patre proprietate distinctam.*

Illà verò simplex, & absoluta nomenclatio, quæ Verbum sine ullâ adjedione, dicitur Deus, & Deus erat Verbum, abundè ostendit, Verbum esse naturâ, & substantiâ Deum; non gratiâ, aut delegatione, aut assumptione, sicut Moyses (Exodi 3. v. 19.) datus fuit Deus Pharaonis. Aliud enim est (inquit Hilarius lib. 7. de Trinit. num. 10.) Deum dari, aliud est Deum esse. In Pharaonem enim Deus datus est (Moyses) caterum non ei est, & natura, & nomen, ut Deus sit. Vel sicut iusti Dei dicuntur: Ego dixi Dii estis (Psalm. 82. v. 6.) Ubi enim refertur ego dixi, loquentis potius est sermo, quàm rei nomen. . . & ubi se nomenclationis auctor ostendit, ibi per sermonem auctoris est nomenclatio, non naturale nomen in genere. At verò hie Verbum Deus est, res existit in Verbo, Verbi res enunciat in nomine. Verbi enim appellatio in Dei Filio de Sacramento na-

tivitatit est. Ita Hilarius laudato loco. Et post multa: Cum audio: & Deus erat Verbum, non dictum solum audio Verbum Deum, sed demonstratum esse, quid Deus est. . . hie res significata substantia est, cum dicitur Deus erat. Esse enim non substantia dicit nomen, sed subsistens veritas.

IX. Dices tamen primò. Ly in principio non designare æternitatem Verbi, sicut nec ly in principio positum à Moysè in capite Genes, sed solum initium temporis.

At contra: Nam Moyses non dixit: In principio erat Cælum, & Terra apud Deum, sicut Joanne dicit de Verbo, sed in principio creavit Deus Cælum, & Terram; quibus manifestè patet, Cælum, & terram ab æterno non fuisse, sed initio temporis Deum illa creasse, seu cum tempora suere producta. Quod verò in principio temporis, jam erat apud Deum, ipsi est coeternum.

X. Dices secundò. Nomine Verbi à Joanne non intelligi Verbum à Patre, seu Personam distinctam, sed ipsam Sapientiam Patris, quæ sapiens est.

Sed contra: Jam enim superius ostensum est, Joannem loqui de Verbo, quod erat apud Deum, scilicet apud Patrem; quod autem apud aliquem est, alius est ab ipso. Rursus: de Verbo loquitur, de quo infra dicit v. 14. Vidimus gloriam ejus, gloriam quasi Unigeniti à Patre: quod autem à Patre est, alius est à Patre.

XI. Dices tertio. Verbum Dei dici quidem Deum, sed Deum minorem, seu quasi Deum; sicut infra non dicitur Unigenitus, sed quasi Unigenitus à Patre. Sicut, cum dicit Lucas cap. 3. v. 23. Et ipse Jesus erat incipiens quasi annorum triginta, indicatur Jesum propè quidem fuisse, nondum tamen annum trigessimum attigisse, quia particula quasi est particula diminutiva. Et propterea dum Deus dicitur de Verbo, aliter dicitur, ac dum dicitur de Patre. Nam dum de Patre dicitur, cum emphasi, seu articulo dicitur: Theos: dum autem de Verbo dicitur, absque emphasi, & articulo O indicante magnam ac summum scribitur, nempe Theos.

XII. Sed Respondeo, particulam quasi non esse semper diminutivam, sed sepe expressivam; nec semper designare pu-

ram

ram similitudinem, sed sæpe rei veritatem: cujus exempla habemus in Sacris Litteris, præsertim Num. 11. v. 1. *Ortum est murmur populi quasi dolentium pro labore.* 2. Esdræ 7. v. 2. *Ipse enim quasi vir verax, & timens Deum plus cæteris videbatur.* Matth. 14. v. 3. *Quia sicut Prophetam cum habebant.* Quare in præsentī particulā græcā *ὡς* (latine quasi, sicut) expressiva est, & designativa; sicut enim sensum, vidimus eum quasi Unigenitum, idest, qualem decet esse Unigenitum à Patre, & propterea subiungit: plenum gratia, & veritatis. Ita D. Thom. in cap. 1. Joann. lect. 8. *Hoc autem (inquit) quod dicit quasi est expressivum veritatis, secundum Gregorium (lib. 18. Moral. cap. 6.) Et est modus (ut Chrysostomus dicit. homil. 11. in Joann.) Sicut si aliquis vidisset Regem multiplici gloria incedentem, & interrogatus ab aliquo, qualiter Regem vidisset, volens se expedire, illam multiplicationem gloriam, uno verbo exprimeret dicens, quod ipse incedebat, sicut Rex, idest, qualem Regem decebat. Ita hic Evangelista, quasi interrogaretur ab aliquo, qualis esset Gloria Verbi, quam viderat, non valens eam plenè exprimere, dicit autem esse, quasi Unigeniti à Patre, idest talem, qualem decebat Unigenitum Dei.* Hæc D. Thom.

Quod verò *ly* quasi à Luca usurpetur diminutivè, fundamentum est; quia dicit Lucas: *Iesus erat incipiens quasi annorum triginta.* Si ergo erat incipiens, nondum attigerat completè annum trigésimum. At hic nulla est particula indicans diminutionem, imò potius oppositum. Nam eodem c. 10. v. 18. absolutè dicitur: *Unigenitus Filius, qui est in sinu Patris, ipse enarravit.* Quibus (ut ait Chrysostomus homil. 14. in Joann.) talem esse Unigenitum ostendit, ut cum Patre habeat in substantiâ cognitionem, parem Patri cognitionem, & potestatem.

Porrò quod in Græco textu *ly Theos* dictum de Verbo ponatur sine articulo *O* scrupulus antiquus est, quem contra se objecit, & sprevit S. Joann. Chrysostomus homil. 3. in Joann. his verbis. *Sed dixerit quispiam, Patrem articuli adjestatione, Filium sine articulo positum.* Cui respondet: *Quid ergo? Cum Apostolus in-*

Tom. IV.

*quit: Magni Dei, & Salvatoris nostri. Et iterum: Qui est super omnes Deos, sine articulo Filii meminit. Idem de Patre ad Philipenses scribens: Qui cum in formâ Dei esset, non rapinam arbitratus est, esse se æqualem Deo.* Et ad Romanos 2. *Gratia vobis, & pax à Deo Patre nostro, & Domino nostro Iesu Christo, neglexit articulum.* Supervacaneum namque est ubique id præponere, præsertim cum superius eo frequenter usus sit. Quemadmodum enim de Spiritu Pater loquens inquit: *Spiritus est Deus; neque cum Spiritui articulum non adjiciat, idcirco Deum esse incorporeum non negamus: ita hoc in loco, quamvis Filio articulus non præponatur, non propterea Patre minor est Deus hucusque Chrysostomus natione Græcus.*

Hanc objectionem novit quoque Sanctus Thomas, qui in cap. 1. Joann. lect. 1. dicit: *Quod Origenes turpiter erravit ex modo loquendi, qui in Græco habetur, summens occasionem sui erroris. Consuetudo enim est apud Græcos, quod cuilibet nomini apponunt articulum ad designandum discretionem quandam; quia, ergo in Evangelio Joannis in Græco, huic nomini, quod est Verbum, cum dicitur: In principio erat Verbum, & similiter huic nomini, quod est Deus, cum dicitur: Et Verbum erat apud Deum, apponitur articulus, ut dicatur *ly* Verbum, & *ly* Deus ad designandam eminentiam, & discretionem Verbi ad alia verba, & principalitatem Patris in Divinitate: & idèd cum in hoc, quod dicitur: Verbum erat Deus, non apponatur articulus huic nomini Deus, quod supponit pro Personâ Filii, blasphemavit Origenes, quod Verbum non esset Deus per essentialiam, licet sit essentialiter Verbum, sed dicitur per participationem Deus; solus verò Pater est Deus per essentialiam: & sic ponat Filium Patre minorem. Hucusque D. Thomas.*

Deinde ostendit ex Chrysostomo supra laudato, quod si articulus positus huic nomini Deus importaret majorem excellentiam in Patre respectu Filii, nunquam apponeretur huic nomini Deus, cum de Filio prædicatur, sed solum quando prædicatur, de Patre, & semper, quando dicitur de Patre apponeretur articulus; Cu-

T

jus



contrarium offendit Apostolus ad Titum secundo dicens: *Expectanter beatam spem, & adventum gloria magni Dei*, ubi Deus supponit pro Filio, & apponitur articulus in Græco: ex quo fit, quod Filius sit Deus magnus. Et Rom. 9. *Christus, qui est super omnia Deus &c.* ubi ad ly Deus, similiter in Græco ponitur articulus: de Joann. ultimo, ubi dicitur: *ut simus in vero Filio ejus. .... hic est verus Deus*. Respondens autem ad objectionem ait:

*Ratio autem, quare Evangelista non apposit articulum huic Nomini Deus assignatur à Chrysostomo, scilicet, quia jam bis nominaverat Deum eum appositione articuli, & ideo non oportebat reiterare tertio, sed subintelligitur. Vel dicendum est, & melius, quod Deus ponitur hic in predicato, & tenetur formaliter; consuetum erat autem, quod nominibus in predicato positis non ponitur articulus, cum discretionem importet. Si verò Deus poneretur hic ex parte subiecti, pro quacunque personâ supponeret, sive pro Filio, sive pro Spiritu Sancto, non est dubium, quod in Græco ibi apponeretur articulus. Ita S. Tho.*

XIII. Divinitas Verbi colligitur ex verbis, quæ sequuntur: *Omnia per ipsum facta sunt, & sine ipso factum est nihil*. Si enim Pater omnia per Verbum creavit; ergo verbum infinitæ virtutis est, qualis adcreandum requiritur. Rursus: id, per quod omnia facta, & creata sunt, & sine quo factum est nihil, non potest esse factum, & creatum; aliàs cum seipsum per seipsum facere non potuisset, non omnia per ipsum facta essent; & sine ipso factum esset aliquid, nempe Verbum ipsum.

XIV. Nec dicas primò. Ab illâ generali sententiâ omnia per ipsum facta sunt, Verbum accipi debere.

Nam contra est: quia (ut dicebam) Joannes statim subiungit, *sine ipso factum est nihil*; si autem Verbum esset factum, jam sine Verbo factum esset aliquid. Imò quasi prævenire volens Ariænorum exceptionem, addidit: *Nihil quod factum est*; quasi diceret: nihil eorum, quæ in universum facta sunt, sine Verbo factum est. Hinc S. August. lib. 2.

de Trinit. cap. 6. ait: *Neque enim dicite omnia, quæ facta sunt, idest omnem creaturam. Unde aliquido apparet, ipsum factum non esse, per quem facta sunt omnia. Et si factus non est, creatura non est: si autem creatura non est, ejusdem cum Patre substantia est. Omnis enim substantia quæ Deus non est, creatura est, & quæ creatura non est, Deus est: Et si non est Filius ejusdem substantia ejus Pater; ergo facta substantia est: si facta substantia est, non omnia per ipsum facta sunt: unius igitur, ejusdemque cum Patre substantia est: Et ideo non tantum Deus, sed & verus Deus. Quod idem Joannes apertissime in Epistolâ suâ (1. cap. 5. v. 30.) dicit: Scimus, quod Filius Dei venerit, & dederit nobis intellectum, ut cognoscamus verum Deum, & simus in vero Filio ejus Jesu Christo. Hic est verus Deus, & vita æterna.*

XV. Nec dicas secundò. Omnia per Verbum facta esse, ly per indicante non causam principalem, sed merè instrumentariam, seu minùs principalem, quâ Deus in rerum creatione usus fuit.

Nam contra est; inquit S. Thomas in cap. 2. in Joannem lect. 2. hic fuit error Originis: *Ipse enim sic omnia facta esse per verbum dixit, sicut aliquid fit à majore per minorem, quasi minor sit Filius, & ut organum Patris. Hanc autem præpositionem per non determinatè exprimere causam merè instrumentariam, seu minorem. & minùs principalem offendit ex variis Scripturæ locis: Dicit enim. Apostolus 1. Corinth. 1. v. 9. loquens de Patre: *Fidelis Deus per quem vocati estis in societatem Filii ejus*. Rursus Proverb. 8. v. 15. *Per me Reges regnant*. 1. Cor. 1. v. 1. *Paulus vocatus Apostolus per voluntatem Dei*. Ly ergo per in locis allatis, & in casu præsentis designat potius efficacissimam, & Omnipotentem Verbi expressionem, per quam Pater, sicut artifex per ideam mentis conceptam, omnia fecit: *Quicumque enim aliquid facit* (ait D. Thom. loco citato) oportet, quod illud præconcepit in suâ sapientiâ, quæ est forma, & ratio rei factæ, sicut forma in mente artificis præconcepta est ratio arca faciendæ. Sic ergo Deus nihil facit, nisi per conceptum sui*

*sui intellectus, qui est Sapientia ab aeterno concepta, scilicet Dei Verbum, & Dei Filius.* Quare S. Paulus ad Hæbr. 1. *Novissimè* (inquit) *diebus istis locutus est nobis in Filio, quem constituit heredem universorum, per quem fecit & secula.* Si ergo Filius per quem facta sunt secula, & omnia, factus est hæres universorum; ergo non erit causa instrumentaria, sed verè princeps, ejusdemque virtutis, ac substantiæ cum Patre, tanquam ejus conceptus, & causa exemplaris omnium; maxime quia hoc Verbum, per quod facta sunt omnia, semper erat apud Deum, & hoc Verbum erat Deus, ut jam ostensum est.

XVI. At quia hæc erat familiaris responsio Arianorum (teste S. Thoma 4. contrag. cap. 7. num. 16.) Eam propterea excludit Christi (Joann. 5. v. 19.) testimonio dicentis: *Quaecumque enim ille operatur, hæc & Filius similiter facit.* Ergo, insert S. Thomæ, sicut Pater per se operatur, & propriâ virtute, ita & Filius. Instrumentum enim non agit similiter ut causa principalis, sed valde dissimiliter; neque idem est utriusque operatum, sed diversum. Cùm ergo Filius, & similiter operetur, ac Pater, & sicut quæcumque facit Pater, operatur æquè principaliter, ut Pater.

Imò (subdit S. Doctor) eadem virtute operatur Filius, quâ operatur Pater: plura enim agentia non possunt similiter, & eundem effectum operari, nisi conveniant in unâ virtute; aliâ ab illis, vel non erit idem operatum, vel non erit similiter, sed dissimiliter. Dupliciter autem plura agentia possunt in unâ virtute convenire: vel quatenus ex diversis virtutibus in diversis agentibus repertis congregetur, & formetur una, totalis, & adequata virtus; sicut patet in multis trahentibus unam navem, ex quorum virtutibus simul conjunctis constituitur una virtus tractiva navis: Vel quatenus in illis agentibus una omnino, ac eadem virtus est, quâ fiat, ut uno agente, agit & alterum. Atqui non potest dici, Patrem, & Filium idem, & similiter facere, quia ex virtute uniuscujusque coalescat una totalis virtus; nam ex hoc sequeretur, vel quod virtus Pa-

tris esset insufficiens, nisi conjungeretur cum virtute Filii, ut patet in duobus trahentibus unam navem, quod contingit, quia virtus unius non est sufficiens ad trahendam navem, nisi alterius virtuti conjungatur: Vel quod virtus Filii illi adjuncta esset superflua, si solus Pater suâ virtute facere posset totum id, & æquè perfectè, quod facit, ut conjunctus cum virtute Filii; sicut ad trahendam navem superflua esset virtus, & conatus alterius cause, si vis tractiva unius seipsa esset sufficiens ad tractionem navis. Relinquitur ergò, quod Filius quæcumque facit Pater similiter faciat, quia in Patre, & Filio sit una, & eadem virtus, & consequenter una natura, una substantia, quam tamen Filius accepit, & continuò accipit à Patre. Unde Christus ad præcitata verba præmiserat: *Non potest Filius à se facere quidquam, nisi quod viderit Patrem facientem.* Hinc Hillarius lib. 7. de Trinit. num. 21. *Filius est* (inquit) *quia ab se nihil potest: Deus est, quia quaecumque Pater facit, & ipse eadem facit: unum sunt, quia exequatur in honore, eademque facit, non alia: non est Pater, quia missus est.*

XVII. Secundum celebre Testimonium pro consubstantialitate Filii cum Patre, ejusque divinitate sumitur ex illo Joan. 10. v. 30. *Ego, & Pater unum sumus*, de quo superius diximus. Scio, veteres Arianos, & recentiores Socinianos, voluisse, & velle, Christum hîc non loqui de unitate in naturâ, sed solum in affectu, & voluntate: oppositum tamen senserunt Patres, qui hoc textu contra Arianos maxime usi sunt. Nec me movet, quod Calvinus in hunc locum dicat: *Ahust sunt hoc loco veteres, ut probarent Christum esse Patri homousion.* Neque enim Christi de unitate substantia disputat, sed consensu, quem cum Patre habet. Quis enim non detestetur hujus nebulois temeritatem, qui solus omnium Patrum agmen audeat reprehendere?

XVIII. De unitate ergo in naturâ, & non in solo consensu cum Patre, præfacta verba intellexit primò Divus Athanasius orat. 4. contra Arianos num. 9. ubi ostendens, hoc textu, & Sabellianos confundi, & Arianos, ait: *Quod si duo u-*

## 148 *Questio I. De Sanctiss. Trinitatis Existentia.*

*num sint, necesse est, illos duos quidem esse, unum verò secundum divinitatem, & quatenus Filius Patri est consubstantialis, & ex ipso Patre Verbum est: ita ut duo quidem sint, quia Pater est, & Filius, quod est Verbum: Unum autem, quia Deus unus est. Nam nisi ita sit, dicendum certè illi erat: Ego sum Pater, vel, ego & Pater sum. Nunc vero illà voce ego Filium significat, genitorem autem, cum subdit: & Pater. Denique dictione, unum, unam divinitatem, suamque desig-  
nat consubstantialitatem.*

**XIX.** Hanc veritatem D. Thom. in comment. hujus loci lect. 5. tripliciter deducit. Primò ex modo loquendi Christi, qui absolute, & sine addito dicit, se esse unum cum Patre. Sicut autem aliquid non dicitur simpliciter ens, nisi secundum substantiam. Cùm ergo dixerit Christus absolute, & sine ullà restrictione: ego, & Pater unum sumus, manifestum est, quòd sunt unum secundum substantiam, & naturam. Nunquam autem invenitur, quòd Deus, & creatura sint unum sine aliquo addito; sicut illud 1. Cor. 6. v. 17. *Qui autem adhæret Domino, unus spiritus est.* Secundò ex his, quæ supra dixerat, scilicet v. 19. *Pater meus quod dedit mihi, majus omnibus est.* Deinde concludit: *ego & Pater unus sumus.* Quasi dicat: in tantum unum sumus, in quantum dedit mihi id, quod majus est omnibus, nempe naturam divinam. Tertiò ex suà intentione. Nam Christus probat, quòd non rapiet eas (oves suas) quisquam de manu suà, per hoc, quòd nemo potest eas rapere de manu Patris sui; quod non sequeretur, si potestas ejus esset minor, quàm potestas Patris.

Hoc egregio argumento Arianos perstringebat S. Hilarius lib. 7. de Trinit. num. 12. dicens: *De manu suà nemo rapit: quia à Patre, quod est omnibus majus, accepit: Quid sibi vult tam diversa professio, ut rursum de manu Patris sui nemo rapiat? Filii manus est, quæ accipit à Patre; Patris manus est, quæ dedit Filio: & quomodo quod non rapitur de manu Filii, non rapitur de manu Patris? Quomodo, si quaris, intellige: Ego & Pater unus sumus. Manu Filii, manus Patris est.*

**XX.** Hanc veritatem ea, quæ sequuntur ostendit. Judæi enim statim, ac audierunt Christum dicentem: *Ego & Pater unum sumus*, lapidibus illum obtrudere conati sunt. Cujus causam querenti, responderunt: *De bono opere non lapidamus te, sed de blasphemia, & quia tu, homo eum sis, facis te ipsum Deum.* Ergo Judæi hæc Christi Verba: *Ego & Pater unum sumus*, naturæ unitatem, non voluntatum consensionem, exprimere crediderunt: At si in hoc decepti fuissent, facile Christo fuisset, hanc à se calumniam depellere, negando, se esse unum in naturà cum Patre, & proinde se Deum esse. Quod tamen Christus non præstitit, sed confirmans ea, quæ dixerat, addit: si illi ad quos sermo Dei factus est, in Scripturis Dñi dicuntur; cur ego, qui à Patre in Mundum missus sum, & Filius ejus naturà sum, non gratià, sine blasphemià dicere non potero, quia Filius Dei sum? Inde conversus ad ostendendum ex operibus, quæ faciebat, se esse ejusdem quoque virtutis cum Patre, & Patrem in eo esse, & ipsum in Patre: *Si autem (inquit v. 38.) facio: & si mihi non vultis credere, operibus, credite, ut cognoscatis, & credatis, quia Pater in me est, & ego in Patre.* Quibus persuasi aded fuerunt Judæi, cum confirmare etiam ex operibus, se esse unum naturà, & Deum cum Patre, ut dicat Evangelista v. 39. *quòd quærebant ergo eum apprehendere. Sed exiit de manibus eorum.*

**XXI.** Hæc advertens S. Augustinus tr. 61. 48. in Joann. Ecce (inquit) Judæi intellexerunt, quod non intelligunt Ariani. Ideo enim irati sunt, quoniam senserunt, non posse dici: *Ego & Pater unum sumus, nisi ubi aequalitas est Patris & Filii.* Et S. Joannes Chrysostomus homil. 60. in Joannem ostendit, Christum modò dicendo, quod nemo potest rapere oves suas de manu suà, modò de manu Patris sui, ostendere suam & Patris manum unam esse. Et ne quis arbitraretur, quòd virtute Patris oves tutæ essent, addidisse: *Ego & Pater unum sumus: hoc est secundum potentiam.* Quòd si eadem est, constat etiam, eandem esse substantiam, quæ si vera non esset, Chri-

Christus non dixisset: Ego & Pater unum sumus. Nam si minor erat (Patre) nimis temerarium verbum esset; nihil enim aliud, quàm potentia paritatem signat: Quod Judai intelligentes, lapides in eum jecerunt. Non tamen hanc Jesus abstulit suspensionem, quia si falsa fuisset, corrigenda fuisset, & dicendum: cur hoc facitis? Non parem meam dico, & Patris potestatem ita intelligi. Sed nunc totum contrarium, eam confirmat, & maximè cum exasperarentur: neque accusat, ac si malè dixisset; sed illos reprehendit, ac si malam haberent de se opinionem. Ita Chrysostomus.

XXII. Sed dices primò. Christus satis ibi explicavit, quo sensu dixerit, se Filium Dei, & Deum; nimirum per gratiam, non per naturam; adoptione, sicut ceteri sancti, non generatione, & nativitate; subdit enim v. 34. 35. & 36. Nonne scriptum est in lege vestrà: quia ego dixi Dii estis? Si illor dixit Deos, ad quos sermo Dei factus est. . . . Quem Pater Sanctificavit, & misit in mundum, vos dicitis: quia blasphemus: quia dixi Filius Dei sum?

Respondeo, negando assumptum. Argumentum enim Christi non est à simili, sed à minori ad majus, id est à vocari Deum, ad esse Deum, ac si dicat: si non est blasphemia, illos, ad quos sermo Dei factus est, vocari Deos, multò minus blasphemia erit, quòd ego, qui sermo, seu Verbum Dei sum, dicam me esse Filium Dei, & esse Deum. Ita S. Augustinus tra. 48. in Joannem citato. Si sermo Dei factus est ad homines, ut dicerentur Dii; ipsum Verbum Dei, quòd est apud Deum, quomodo non est Deus? Si per sermonem Dei sunt homines Dii, si participando sunt Dii, unde participant, non est Deus? Si luminata Dii sunt, lunæ, quòd illuminat non est Deus? Si calefacti quodammodo igne salutari, Dii efficiuntur, unde calefiunt, non est Deus? . . . Si ergo, vos Deos facit sermo Dei, quomodo non est Deus Verbum Dei? Ita quoque respondet S. Joann. Chrysost. hom. 60. in Joann. citat; hoc est: si hi, qui gratis hoc acceperunt, non possunt accusari, si se ipsos Deos appellent, qui id naturà habet, quomodo jure accusari poterit?

XXIII. Sed dices secundò. Prædicta verba: quem Pater sanctificavit, & misit in mundum, satis indicant, Christum se asserere Dei Filium, non naturà sanctum, sed sanctificatum, seu factum sanctum per gratiam.

Respondet primò S. Augustinus citatus. Fortè aliquis dicat, si Pater eum sanctificavit; ergo aliquando non erat Sanctus. Respondet; sic sanctificavit, quando genuit. Ut enim Sanctus esset, signando ei dedit, quia sanctum eum genuit. Nam si quòd sanctificatur, autè non erat Sanctum, quomodo dicimus Deo Patri sanctificetur nomen tuum?

Respondet secundo D. Hilar. lib. 7. de Trinitate num. 24. quod totus iste Christi discursus referri debet ad ipsum, non ut Deus tantum est, sed ut Deus, & homo est: Omnis enim (inquit Hilarus) hic de homine responsio est, quia Dei Filius, etiam hominis Filius est. Quæ responsio bene congruit Judæorum interrogationi dicentium: quia homo cum sis, facis te ipsum Deum, v. 33. Aliter tamen sanctificantur homines, qui dicuntur Dii, aliter Christus, etiam ut homo. Nam illi sanctificantur gratia solùm accidentali, tanquam filii per adoptionem, non missi à Patre, sed facti. Christus verò etiam, ut homo, sanctificatur substantiam, & Personam, ut Filius naturalis, non adoptivus. Hanc responsionem probat Divus Thomas in cap. 20. Joann. lect. 6. dicens. sensum discursus Christi hunc esse: Homines aliqui dicuntur Dei solà participatione sermonis Dei. Quomodo ergo dicitur, quia blasphemus, id est reputatis blasphemiam, quòd ille homo dicatur Deus, qui est unitus Verbo Dei in Personà? Et idè dicit: quem Pater sanctificavit. Licet enim qui omnes sanctificantur Deus sanctificet. . . . Christum tamen specialiter sanctificavit, ut esset Filius Dei per naturam, unitus in Personà Verbo Dei. Quod hæc verba ostendunt dupliciter. Primò pro hoc, quòd dicit: Quem Pater sanctificavit; Si enim ut Pater sanctificat, manifestum est, quòd sanctificat & Filium. Rom. 1. Qui prædestinatus est Filius Dei in ei in virtute (id est, ut exponit idem S. Thomas in cap. 1. ad Roman. lect. 3. Ut sit talis Filius, ut beatus

## 130 *Quaestio I. De Sanctiss. Trinitatis Existencia.*

beat aequalē, imò eandem virtutem cum Deo Patre. ) Secundo per hoc quid dixit : Et misit in mundum; *Mitti enim in aliquem locum nō convenit alieni rei, nisi ante fuerit, quàm ibi esset*; ergo ille, quem Pater misit in mundum, scilicet visibiliter, est Filius Dei, qui praeexistit visibili missioni. Ita D. Thomas, qui concludit ex illis verbis: *Ego & Pater unus sumus*; & quod dedit mihi Pater, majus omnibus est, Judaeos intellexisse, eum accepisse naturam à Patre, & esse unum in natura cum eo.

XXIV. Dices tertid. Modum, quo Joann. 10. dixerat se esse unum cum Patre, explicavit Christus ipse Joann. 17. v. 21. & 22. ubi pro Fidelibus Patrem rogans, ait: *Ut omnes unum sint, sicut tu Pater in me, & ego in te, ut & ipsi in nobis unum sint...* ut sint unum, sicut & nos unum sumus: sed non vult Christus, ut Fideles sint unum, sive inter se, sive cum Deo unitate naturæ, sed solà concordia, & unitate voluntatis; ergo hoc solo modo ipse est unum cum Patre, & hoc solo modo ipse est in Patre, & Pater in ipso.

XXV. Hoc erat præcipuum Ariarum asylum, teste D. Hilario lib. 8. de Trinitate. Cum enim premerentur supra laudato Christi dictos: *Ego & Pater unum sumus*, hoc aliud Dominicum statim opponebant; ut persuaderent, ut de alià unitate Christum esse locutum, quàm concordia, & voluntatis, quomodo fideles cum Deo, & inter se unum sunt. Unde S. Thomas in cap. 17. Joann. lect. 5. Arius (inquit) ex hoc arguit, quòd eodem modo Filius est in Patre, & Pater in Filio, quo nos sumus in Deo: sed non sumus per unitatem essentia, sed per conformitatem voluntatis & amoris; ergo & similiter Pater non est in Filio per unitatem essentia.

XXVI. Respondeo primò ex Divo Thoma citato, quòd in Patre, & Filio est duplex unitas, scilicet essentia, & amoris, & secundum utramque Pater est in Filio, & Filius in Patre. De hac ergo unitate loquitur hic Christus, quasi diceret: sicut Pater diligit Filium, & è converso, & sic mutuà charitate sunt unum; ita ipsi diligendo Patrem, & Filium, sint unum charitate cum ipsis. Ita sentit Chrysostomus

homil. 82. in Joann. ly autem sicut non aequalitatis est, sed remotæ similitudinis; neque enim ita unum esse poterant adhuc Charitate, sicut Pater, & Filius unum sunt; sed pro humanâ facultate ait Chrysostomus) sicut cum dicitur misereor sicut Pater.

Hoc autem (ait S. Athanasius orat. 3. contra Ariarum num. 18.) & Ariani ipsi concedere tenentur. Nam si nos sumus in Patre, & Pater in nobis eo modo, quo Verbum est in Patre, & Patre in Verbo; si nos sumus unum cum Patre, & Filio eo modo quo Filius, seu Verbum est unum cum Patre, nihilque aliud interit inter nos, & Verbum, nisi quòd tempore nos præcedat, cæterum naturā creatum sit, sicut nos; ergo non solum ipsum appellabitur Unigenitus Patris, nec solum Verbum, vel Patris sapientia, sed idem quodque nobis omnibus, utpote similibus, concedetur nomen: *Par enim est horum commune esse nomen, quorum una est natura, etiam si aetate inter se differant. Hinc homo est Adam, homo similiter Paulus: homo item, qui modo gignitur: nec intervallis temporum immutari potest natura generis. Quod si nos, nec Verbum, nec sapientia, nec Patris Unigenitus sumus. neque erimus unum cum Patre nos, sicut Verbum est unum cum eo; neque Verbum creatum est, aut factum. Alioquin si omnes ex unum facti sumus, quare ipsum solum est Verbum?*

XXVII. Quapropter respondeo secundò cum S. Athanasio, ly sicut ex intentione Christi non denotare identitatem, seu totalem similitudinem, sed imitationem, proponendo scilicet nobis unitatem Patris cum Filio, ut causam exemplarem, ad quam, quantum possumus respiciamus: Ex rebus enim divinis exempla proponit Salvator. Elitote, inquit, misericordes, sicut Pater vester Coelestis misericors est (Luca 6. 36.) & eritis vos perfecti, sicut Pater vester Coelestis perfectus est (Matth. 5. 48.) Hæc autem dicebat, non ut nos tales efficeremur, qualis est Pater: nam id fieri nequit, cum creati, & ex nibilo facti sumus. Verum quomodo cum ait: nolite fieri sicut equi, non nos cavere iussit, ne iumenta efficeremur, sed ne eorum imitaremur feritatem iis,

ita, non ut Dei similes efficeremur dixit: Effote misericordes, sicut Pater, sed ut ad ejus beneficia attendentes, qua agimus bona, non propter homines, sed propter ipsum agamus &c. & infra num. 20. non ergo ut sui similes efficeremur ait: Ut unum sint, sicut & nos, sed ut quemadmodum ille, tanquam Verbum est in proprio Patre; ita & nos secundum aliquam similitudinem, in ipsumque intuentes, unum, inter nos animorum concordia & consensu efficiamur &c. Quod coligit Athanasius ex diverso modo loquendi Christi. Dùm enim loquitur de unitate sui cum Patre, dicit: sicut ut Pater in me, & ego in te, dùm verò loquitur de unitate Fidelium, dicit: ut & ipsi in nobis unum sint. Ex quibus ita ratiocinatur. Si igitur fieri posset, ut nos eo modo in Patre essemus, quo ipse est Filius, dicendum fuisset: Ut & illi in te unum sint, quemadmodum Filius est in Patre. Atqui hoc nequaquam dixit, sed cùm ait: in nobis, *discrimen*, & *differentiam* rei indicavit, ipsum nempe in solo Patre, ut solum Verbum, & sapientiam esse, nos verò in Filio, & per ipsum in Patre esse. Quibus utique dictis nihil aliud voluit significare, quàm hujusmodi sententiam, nimirum: Ita illi nostrâ unitate unum sint inter se, ut nos naturâ, & reverâ unum sumus: non possunt autem unum inter se esse, nisi in nobis discant unitatem. Hæc Athanasius.

XXVIII. Sanctus verò Hilarius ostendit, nos cum Christo non solâ voluntatum consensione, sed naturâ quoque esse unum; quia Verbum, quod naturâ est unum cum Patre, naturaliter in nobis est, non solum, quia naturam nostram sibi univit, carnem assumens; sed quia carnem, quam assumpsit, quamque sibi unitam inseparabiliter conservat, reverâ nobis cum divinitate conjunctam in Eucharistiâ sicut, ut naturaliter in nobis sit; cùmque naturaliter Verbum sit in Patre, sequitur, quòd carnem illam cum divinitate conjunctam suscipientes, eâ carne mediantē, cum divinâ substantiâ, quæ cum Patre una & eadem est, & nos uniamur. Ecce Hilarii verba: Si enim verè Verbum caro factum est, & verè nos Verbum carnem cibo Dominico sumimus: quomodo non naturaliter manere in nobis

existimandus est, qui & naturam carnis nostrâ jam inseparabilem sibi homo naturæ assumpsit, & naturam carnis suâ ad naturam aternitatis sub Sacramento nobis communicandâ carnis admiscuit? Ita enim omnes unum sumus, quia & in Christo Pater est, & Christus in nobis est. Quisquis ergo naturaliter Patrem in Christo negabit, neget prius, non naturaliter, vel se in Christo, vel Christum sibi inesse: quia in Christo Pater, & Christus in nobis unum in his esse nos faciunt. Si verò igitur carnem corporis nostri Christus assumpsit, & verè homo ille, qui ex Maria natus fuit, Christus est, neque verò sub mysterio carnem corporis sui sumimus (& per hoc unum erimus, quia Pater in eo est, & ille in nobis) quomodo voluntatis unitas aseritur cum naturalis per Sacramentum proprietate perfecta Sacramentum sit unitatis?

XXIX. Ecce non solum valdum contra Arianos argumentum, Christum non solâ voluntate, sed naturâ esse unum cum Patre; sed apertum testimonium contrâ Calvinistas pro veritate Carnis Christi in Sacramento Eucharistiæ. Hoc enim argumento probat, Christum verè, & naturaliter esse in nobis, quia & in Incarnationis mysterio caro nostra est in eo, & in Eucharistiâ Sacramento caro ejus est in nobis: & quòd sicut verè est caro factum, ita & nos verè Verbum carnem cibo Dominico sumimus; ergo sicut Verbum verè caro fuit factum, & non solum apparenter, & in figurâ, ut Manichæi volebant; ita Verbum carnem factum verè, non in typo, non in symbolo, non solâ fide, nec solum Christi Spiritum, sed reverâ ejus carnem in Eucharistiâ sumimus, ut verificetur, quòd sicut naturaliter caro nostra per Incarnationem in eo est, ita ejus caro per Eucharistiâ naturaliter, & non solum spiritualiter in nobis sit.

Discursus iste Hilarii invictè probat, eo seculo æquè certam fuisse doctrinam de veritate carnis Christi in Eucharistiâ, ac doctrinam de veritate carnis assumptæ in Incarnatione; æquè, inquam, certam, necum apud Catholicos, sed & apud Arianos: aliâs Hilarius hoc pro indubitato non assumeret, nec pro inconvenienti reputaret hoc negare; neque diceret, qui

## 152 *Questio I. De Sanctiss. Trinitatis Existentia.*

qui negare vult, naturaliter Patrem in Christo esse, neget prius naturaliter vel se in Christo esse, ratione carnis ab eo assumptæ; vel Christum sibi inesse ratione carnis eius, quam in Sacramento sumimus. Hoc, etsi, præsentis studi non sit, valde tamen notandum est; quia Catholicam veritatem de veritate carnis Christi in Eucharistia contra Calvinistas mirè demonstrat.

XXX. Tertium testimonium pro Consubstantialitate divinarum Personarum, exhibet idem Joannes Episcopus. 3. cap. 5. v. 7. *tres sunt qui testimonium dant in Cælo, Pater, Verbum, & Spiritus Sanctus: & hi tres unum sunt.*

Sed contra primò dicitur, hunc versum non esse indubiæ fidei, cum ab sit à pluribus exemplaribus Græcis; imò & à multis Latinis.

XXXI. Respondetur tamen, quòd est in aliquibus codicibus versus ille desideretur, quare, & à codice, quo S. Augustinus utebatur abfuisse, credibile facit S. Doctoris silentium, aliorumque sui seculi Patrum, qui contra Arianos eo usi non sunt; eorum tamen codices, sive Exscriptorum vitio, sive alià causâ hæc in parte mutilos fuisse, evincit S. Cypriani (qui tertio seculo vixit) testimonium, hunc textum proferentis lib. de Unitate, Ecclesie cap. 4. his verbis: *De Patre, Filio, & Spiritu Sancto scriptum est: hi tres unum sunt* quod indicat etiam Episcopus ad Iubajanum de rebaptizandis hæreticis. Evincit S. Fulgentius lib. respons. contra Arian. dicens: *In Patre ergo, & Filio, & Spiritu Sancto unitatem substantia accipimus: Personas confundere non audemus.* Beatus enim Joannes Apostolus testatur dicens: *Tres sunt, qui testimonium dant in Cælo, Pater, Verbum, & Spiritus Sanctus: & hi tres unum sunt.* Quod etiam beatissimus Martyr Cyprianus in Epistola de unitate Ecclesie confitetur &c. Evincit quoque Victor Vitenus lib. 3. de Persecutione Africanâ, in Professione Fidei Episcoporum Catholicorum Regi Hunnerico oblata, ubi dicitur: *Et ut lucè clarius minus divinitatis esse cum Patre, & Filio Spiritum Sanctum doceamus, Joannis Evangelista testimonio comprobatur: Tres sunt qui testimonium perhibent in Cælo Pater,*

*Verbum & Spiritus Sanctus: & hi tres unum sunt.* Nunquid ergo horum Patrum Afrorum positivum testimonium minoris erit roboris, quàm negativum Patrum, qui eo usi non sunt; aut codicum in quibus hic versus omittitur? nunquid generaliter verum erit Patres hoc testimonio contra Arianos non fuisse usos?

Canonicum, & legitimum S. Joannis esse verum illum, non intrusum, probat Ecclesiæ utriusque Græcæ, & Latinæ consensus. Nam in utraque publicè legitur, & sinceriores codices illum habent. Illum propterea editionis Complutensis Auctores, qui antiquissimos ac sincerissimos codices adhibuere, agnoverunt tanquam legitimum. Illum habebant novem codices, quos legit & contulit Robertus Stephanus. Quid plura? ut legitimum illum agnoscit Calvinus in comment. cap. 5. Ep. 1. Joann.; quamquam dicat *ly tres unum sunt non referri ad essentiam, sed ad consensum.* Illum agnoscit Calvinii assentator Beza. Illum habent Biblia Genevensis Diodati. Illumque Joannes Oxoniensis S. Cypriani operum cum notis editor vindicat à Fausto Socino, supposititium esse contendente. Quare meritò authenticæ Vulgatæ inseritur, atque in Tridentini censuram incideret, qui modò in dubium revocaret.

XXXII. Sed contra secundò. Hoc etiam admissò, nil evincitur contra Arianos, & Socinianos. Nam *ly tres unum sunt* non significant unitatem essentia; sicut nec eam significant ea, quæ sequuntur: *Et tres sunt, qui testimonium dant in Terrâ, Spiritus, aqua, & Sanguis: & hi tres unum sunt.* Certum est autem, quòd Spiritus, aqua, & sanguis ejusdem naturæ non sunt. Quare in aliquibus codicibus legitur: *& hi tres in unum sunt,* nimirum consentiunt Pater, Filius, & Spiritus Sanctus in Cælo; Spiritus, aqua, & sanguis in Terra in unum Testimonium de Christo.

XXXIII. Ad hoc respondent aliqui, voces illas: *& hi tres unum sunt,* hoc postremo versu puriora exemplaria non habere, sed additas fuisse ab Arianiis, ut vim argumenti pro Verbi Divinitate ex priori versu desumpti eluderent; & Lovanienfes correctores testantur, se quindecim

decim Codices Latinos legisse, in quibus non reperiebantur. In hac opinione scilicet fuisse testatur S. Thomas opusc. 24. super secundam Decretalem damnamus, ubi agens contra Abbatem Joachim: *Sed hic (inquit) Joachim perversè trahere, volens ad unitatem caritatis & consensus, inducebat consequentem auctoritatem. Nam subditur ibidem: & tres sunt, qui testimonium dant in terrâ, scilicet spiritus, aqua, & sanguis. In quibusdam libris attenditur: & hi tres unum sunt. Sed hoc in veris exemplaribus non habetur; sed in quibusdam libris dicitur esse appositum ab Arianis, ad pervertendum intellectum sanum auctoritatis præmissæ de unitate essentiali trium Personarum. Propterea Complutenus editio (relatâ hâc D. Thomæ auctoritate) illas voces omittit. Reverâ autem in quibusdam codicibus inveniri (non in omnibus) admittit Concilium Lateran. IV. cap. Damnamus.*

XXXIV. Verùm quia re melius discussâ posterioribus temporibus per Tridentinum, ac subsequentes Pontifices receptum est, præfatas voces: *& hi tres unum sunt*, etiam secundò versui esse apponendas, sicut, & in Vulgatâ apponuntur; aliter modò discurrendum est.

Propterea respondent alii, aliter dici de spiritu, aquâ, & sanguine, quòd unum sint, aliter de tribus divinis Personis; exempla enim creata comparata, & inducta ad significandas res divinas, plus diversitatis habent, quàm similitudinis. Tres enim Personæ divinæ, quæ in Cælo dant testimonium de Christi divinitate, in substantiâ unum debent esse, quia Deus essentialiter unus est: At spiritus aqua, & sanguis unum quidem sunt testificando Christi humanitatem in Terrâ; sed, quia res creatæ, non oportet, ut unum sint in substantiâ. Quare in textu Græco, cui standum esse Sociniani dicunt, dùm sermo est de divinis Personis, absolutè dicitur: *& hi tres unum sunt*; dùm verò de spiritu, aquâ, & sanguine, apponitur particula *ad*, vel *in*: *& hi tres in unum, seu ad unum sunt*, ad unum scilicet testificandum.

XXXV. Tandem Joann. à S. Thomâ, advertens, quod nostra Vulgatâ, quam

Tom. IV.

potius sequi debemus, non dicit *ad unum*, seu *in unum* sunt; sed absolutè *unum sunt*, sicut dicit de Patre, & Verbo, & Spiritu Sancto, dicit, quòd spiritus, aqua, & sanguis, quæ tempore Passionis testificata sunt de Christi humanitate, sunt, spiritus quidem, cum clamando expiravit, seu vejis anima, quæ separata fuit in morie; aqua verò, & sanguis; quæ de ejus latere fluxerunt. Hæc tria ad unam substantiam humanam pertinent, & in substantiâ unum sunt: & similiter Pater, Verbum, & Spiritus Sanctus, quò de Christi divinitate dant testimonium, unius substantiæ sunt; cum hæc solâ differētia, quod hæc, nempe substantiâ divinâ, una est per simplicitatem; illa verò, nempe substantiâ humana, una, est per compositionem.

XXXVI. Aliis Sacræ Scripturæ testimoniis Consubstantialitas Divinarum Personarum, & maxime Filii, probari posset. Sed quia in longum nimis abiremus, ea indicare satis erit. Primò Matth. 28. v. 19. ubi Christus ait: *Euntes ergo docete omnes gentes, baptizantes eos in nomine Patris, & Filii, & Spiritus Sancti*. Ubi in nomine designat unitatem substantiæ; ly verò Patris, & Filii, & Spiritus Sancti distinctionem Personarum. Rursus: si æqualiter baptizare in nomine Filii, ac Patris jubentur Apostoli, æqualis ergo Potestas, auctoritas, & proinde divinitas, est in Filio, ac in Patre; ergo Filius non est creatura, sed Deus: reputat enim inconveniens Paulus 1. Cor. 1. v. 13. in nomine alicujus creaturæ quempiam baptizari, dicens: *nunquid in nomine Pauli baptizati estis?* Quo discursuadè præmebantur Arianis, ut eorum non pauci in formâ Baptismi dicerent: non in nomine Patris, & Filii, sed in nomine Patris per Filium.

Accedit aliud Pauli ad Hæbreos cap. 1. Ubi Christum vocat Filium Dei à Patre genitum, & proinde Deum nativitate, & hæc ratione longè majorem Angelis, figuram substantiæ ejus, sedentem in dexterâ majestatis. Ne autem quis diceret, vocari Filium Dei, non naturâ sed adoptione, & præstò, subdit: *Cui enim dixit aliquando Angelorum: Filius meus es tu, ego hodie genui te?* Quasi di-



## 154 *Quæstio I. De Sanctiss. Trinitatis Existentia.*

diceret: Filius à Patre genitus ejusdem naturæ cum Patre esse debet: at soli Christo, non Angelis dicitur, Filius meus es tu, ego hodie genui te; ergo solus ipse Filius naturalis Dei est, ac ejusdem naturæ cum Patre: qui enim generatione, & nativitate Filius est, in naturâ specificâ similis generanti, quod si non est, monstrum est. Unde Hilarius lib. 7. de Trinit. n. 14. *Intelligentia* (inquit) *istud humana sensus excludit, ut aliquid à naturâ originis sua nascendo diversum sit: nisi forte quod ex naturarum diversitate conceptum, novum aliquid in se ( & ita sit generis utriusque, quodd neutrum sit ) veniat in vitam, quod in pettoribus, ac bestiarum uteretur...* Et cum hæc in his corporalibus causis, & passionibus ita sint; quis, rogo, furor est. Nativitatem Unigeniti Dei ad degenerem ex Deo referre naturam, cum nativitas monni ex proprietate natura sit; & jam nativitas non erit, si proprietas natura in nativitate non fuerit?

### §. III.

*Arianorum, Socinianorum momenta.*

XXXVII. **P**rimò obiciebant. Qui Creatura est, verus Deus non est: sed Filius Dei creatura est; dicitur enim Prov. 8. v. 22. *Dominus creavit me initium viarum suarum in opera sua.* Et Ecclesiastici 24. v. 14. *Ab initio, & ante secula creata sum;* ex- &c.

Respondedo negando minorem, quæ non evincunt auctoritates allatæ. Non illa, quæ ex proverbii ducitur; nam in textu Hebræico, quem sequitur Hieronymus, & Vulgata nostrâ, loco *creavit*, legitur *possedit*; & in versione Septuaginta legitur, *condidit*, idest *Dominus condidit me initium viarum suarum in opera sua.* Verùm et si admittatur verbum *creavit*, observare quoque debuisse Ariani, quodd eadem Persona, quæ de se ipsâ dixerat *creavit me*, dicit quoque, quodd hoc contigit ab æterno, antequam quidquam faceret; dicit ante colles ego parturiebar, aut genui me; cum præparabar Calos ei aedem, curio eram

cuncta componens &c. Cur ergo ex verbo *creavit* arguant, Filium Dei esse creaturam, & non potius ex aliis, quæ subiungit, non concludunt, esse Verbum, quod ab æterno erat apud Deum, quodque erat Deus, coæternus, & consubstantialis Patri, non creatum, non factum, sed per quem omnia facta sunt, & sine quo factum est nihil? hæc fuscè expendit S. Hilarius lib. 11. de Trinit. num. 36. &c. Unde lib. de Synodis cap. 5. *Sapientia itaque* (inquit) *qua se dixit creatam, eadem in consequenti se dixit & genitam: creationem referens ad parentis indemutabilem naturam, qua, extra humani partus speciem, & consuetudinem, sine imminutione aliquâ, ac demutatione sui, creavit ex se ipsâ, quod genuit.*

Responderi etiam potest, maxime ad locum ex Ecclesiastico petiitum, ibi sermonem esse de Sapientiâ Incarnatâ, seu de Christo ut homine; quod indicant illa verba præcedentia v. 12. & 13. *Et qui creavit me, requievit in tabernaculo meo* (idest in humanitate per Incarnationem.) & *dixit mihi: in Jacob inhabitabo, & in in Israel hereditabo, & in electis meis mitte radices,* quæ Christo ut homini aptari, nemo non videt; ipse enim fuit ex Israel, & Jacob prognitus, & electorum radix, & caput. Dicitur autem ab initio, & ante secula creata, quia Incarnatio ab æterno prædefinita fuit; initium etiam viarum suarum, quia ab ipso, nempe Christo, via nostræ salutis exordiumsumsit. Ita intelligit S. August. lib. 1. de Trinit. cap. 11. Ita quoque Sanctus Fulgentius lib. contra sermonem Faustioli Ariani, ubi præfato textu Proverb. ostendit, utramque Filii Dei generationem, æternam scilicet, ac temporalem demonstrari.

Idem sentit S. Athanasius erat. 1. contra Arianos à num. 44. qui observat, quodd post illa verba: *Dominus creavit me*, hæc alia paulò post subiunguntur: *Sapientia edificavit sibi domum.* Unde ait: *Certum est autem Sapientia domum, nostrum esse corpus, quo assumpto factus bonus est; unde iure merito à Joanne dicitur Verbum caro factum est.* Et Sapientia ipsa per Salomonem, baud inconsultè ait; non ego sum creata, sed san-

tum;

tion: Dominus creavit me initium viarum suarum in opera sua, non autem, ut essem, me creavit. . . . Non enim Verbum hoc in loco naturam sui divinitatis, vel aeternum germanumque sui ipsius ex Patre ortum, Salomonis verbis significavit; sed solum humanitatem, & susceptam nostri gratiā dispensationem. . . . Hinc, ut jam monui, non dixit: res sum creata, vel creatura facta sum sed tantum creavit. Siquidem res creata, quia creatam habent naturam à numero rerum factarum sunt. . . . At sola dictio creavit non necessariò naturam, vel ortum significat, sed aliquid aliud circa rem, de quò loquitur, fieri inuit &c. Quod postquam variis scripturæ textibus probavit, num. 47. sic prosequitur: Dominus sciens; suam naturam esse unigenitam Sapientiam, Patrisque factum, & aliam à factis, & ex naturà creatis rebus, nunc perhumaniter dicit, Dominus creavit me initium viarum suarum; quasi diceret: Pater corpus mihi perfecit, & me ad homines pro hominum salute creavit. Quemadmodum enim cum à Joanne audimus, Verbum caro factum est, non totum Verbum carnem esse, sed carnem tantummodo induisse, factumque esse hominem intelligimus. . . . Similiter ergo si vocem creavit in Proverbiis audierimus, non totum Verbum creaturam esse, sed creatum induisse corpus intelligendum est, Deumque pro nobis ipsum creasse, & illi creatum corpus nostri causâ, uti scriptum est, perfecisse, ut in ipso renovari, dique esset possemus. Hæc Athanasius, & quidem egregiè.

XXXVIII. Secundò obijcebant. Qui se dicit esse minorem Patre; se nescire diem Judicii: non esse suum dare Regnum paratum à Patre; à se non posse facere quidquam, dicit, se non esse æqualem, & consubstantiali cum Patre: atqui Filius Dei in Personâ Christi dicit, se minorem Patre Joann. 14. v. 28. quia, Pater major me est; Se nescire diem Judicii, Marcii 13. v. 32. De die autem illo, vel horâ nemo scit, neque Angeli in Cælo, neque Filius, nisi Pater, quod repetit Matt. 24. 36. Non esse suum dare Regnum Cælorum Matt. 20. v. 23. Sedere ad dexteram meam, vel sinistram non esse meum dare vobis, sed quibus paratum

est à Patre meo; A se non posse facere quidquam Joann. 5. v. 19. non potest Filius à se facere quidquam; ergo &c.

XXXIX. Respondendum est ad singula. Ad primum, cui Ariani multum fidebant; unde referente S. Athanasio lib. de Synodis cap. 27. apud Sirmium congregati anno 357. septimam fidei Confessionem ediderunt, in quâ dixerunt: nulli potest dubium esse, Patrem honore, dignitate, claritate, & ipso nomine Patris major esse Filio, ipso testante: Qui me misit major me est. Respondetur tamen primò ex S. Athanasio erat. 1. contra Arian. num. 58. Filium non dixisse, Pater meus præstantior me est, sicut Paulus dicit, Filium esse præstantiorem Angelis, Hebr. 1. ne quis eum, alium à Patris naturâ esse, suspicaretur, sed major dixit, non quidem magnitudine, quâdam, aut tempore, sed quia ex ipso Patre gignitur. Est enim (inquit Hilarius in Psalm. 138. n. 17.) Pater major Filio, sed ut Pater Filio; generatione, non genere: Filius enim est, & ex eo exivit. Est licet paternæ nuncupationis proprietates differat, tamen naturâ non differt; natus enim à Deo Deus, non dissimilis est à gignente substantiâ. Hinc D. Thoma in cap. 14. Joann. lect. 8. ait: est ergo Pater major, quia dat; sed Filius non est minor, sed æqualis, quia totum, quod Pater habet, accipit. Minor enim jam non est donante, cui unum esse donatur. Idem docet 1. par. qu. 42. ar. 4. ad 1.

Si verò intelligatur, Filium dixisse Patrem esse majorem se ipso secundum humanitatem, secundum quam minoratus est non solum à Patre, & Spiritu Sancto, sed etiam ab Angelis Hebr. 1. v. 9. cum autem, qui modico, quàm Angeli minoratus est, videmus Jesum propter passionem mortis &c. Facillor, & secundum responso est, quam probat D. Thomas in cap. 14. Joann. lect. 8. citatâ. Eo enim modo dicit Christus Pater major me est, quo dicit vado ad Patrem: Filius autem non vadit ad Patrem, nec venit ad nos, in quantum est Filius Dei, secundum quod cum Patre fuit ab æterno Joann. 1. In Principio erat Verbum, & Verbum erat apud Deum; sed dicitur

## 156 *Questio I. De Sanctiss. Trinitatis Existentia.*

ire ad Patrem secundum humanam naturam. Sic ergo quod dicit major me est, non dicit in quantum Filius Dei, sed in quantum Filius hominis. Hec D. Th.

Ita jam respondit S. August. contra sermonem Arianorum cap. 5. recolans (inquit) in Epistolâ, quâ ad Hebræos est, de Christo esse intellectum, quod scriptum est: minorasti eum paulominus ab Angelis; & videant, non ad diversitatem, & inæqualitatem naturæ Patris, & Filii valere quod dicit: Pater major me est; sed ad illud potius, quod in formâ servi propter infirmitatem, in quâ pati, & mori potuit, minor etiam Angelis factus est. Idem repetit cap. 9. & cap. 34. ait: Quid verò major est Pater, non pertinet ad naturam genentis, sed hominis, & Dei.

XL. Ad secundum, nonnulli Patrum dixerunt, diem Judicii dixisse, se nescire ut hominem, non verò ut Deum, aut Filium Dei. Ita videtur sentire S. Athanasius orat. 3. contra Arian. num. 44. exponens hoc dictum, & Epist. 2. ad Serapionem num. 9. Ita Gregorius Nazianz. orat. 36. Quamvis Patres isti non velint Christum, etiam ut hominem, diem Judicii nescisse, sed dixisse nescire ut hominem ut ostenderet, se verum hominem esse, cujus conditio est ignorare, quæ futura sunt: quamvis ille homo, qui Christus erat, aliunde sciret revelatum sibi à Patre. Ita sentire videtur S. Hilarius lib. 9. de Trin.: num. 65. &c. ita ut Christus nil nesciens, dispensationis causâ locutus sit, quasi nesciens.

Respondeo igitur, Christum, qui ut homo constitutus fuerat à Patre Judex vivorum, & mortuorum, etiam ut hominem, diem, & horam Judicii, aut quidquid aliud non ignorasse: Interrogatum autem dixisse, se nescire eo modo, quo aliquando Deus ipse ita locutus est, ac ita se gessit, ac si nesciret; nempe, quia aut tempus est non loquendi, aut dispensatio est non agendi; Deus enim nescire dicitur, quod non faciat scire, si eut scire dicitur, cum facit aliquid scire. Cum ergo tempus non esset, ut Christus faceret scire horam, & diem Judicii, dicit se nescire; quia esto sciret, etiam ut homo, quia etiam ut homo omnia ut Patre didicit, non omnia tamen

sciebat, ut manifestaret, & homines doceret, sed ea sola, quæ habebat in mandatis à Patre ut manifestaret: quare Joann. 12. v. 49. Qui misit me Pater, ipse mihi mandatum dedit, quid dicam, & quid loquar. Inter quæ non erat futura: unde ait act. 1. v. 7. non est vultum nosse tempora vel momenta, quæ Pater posuit in suâ potestate. Ita respondet S. Hilarius loco citato num. 63. & 64. & S. Augustinus lib. 1. de Trin. cap. 22. Hoc enim (inquit) nescit, quod nescienter facit, id est quod non ita sciebat, ut tunc discipulis indicaret: sicut dictum, est ad Abraham: nunc cognovi, quod timeas Deum, id est nunc feci, ut cognosceres; quia & ipse sibi in illâ taxatione probatur innotuit.

S. Augustino concinit fidelis ejus discipulus S. Thomas 3. par. qu. 10. ar. 2. ad primum his verbis: dicitur ergo (Christus) nescire diem, & horam judicii, quia non facit scire. Interrogatus enim super hoc ab Apostolis act. 1. hoc eis multo revelare: sicut è contrario legitur Genes. 22. Nunc cognovi, quod timeas Deum, id est nunc te cognoscere feci. Dicitur autem Pater scire, quia ejusmodi cognitionem tradidit Filio; unde in hoc ipso, quod dicitur, nili Pater, datur intelligi, quod Filius cognoscit, & non solum quantum ad divinam naturam, sed etiam quantum ad humanam; quia ut Chrysostomus argumentatur (homil. 78. in Matt.) si Christo homini datum est, ut sciat, qualiter oporteat judicare, quod est majus, multo magis Deum est esse scire, quod minus est, scilicet tempus judicii.

XLI. Nec dicas. Si Christus ait, se nescire diem judicii, quia non manifestabat, pari ratione debeat dicere, quod & Pater nesciebat, quia nec Pater revelabat; atqui de Patre non dicit, quod nesciat, sed potius quod solus sciat; ergo &c.

Nam in primis D. Thomas relictus jam respondit, quod dicitur Pater scire, quia esso non revelet nobis, hujusmodi tamen cognitionem tradidit Filio. Deinde nego consequentiam. Nam non erat officium Patris enuntiare aliquid hominibus, aut legatione fungi, cum sit ingentis, & à nobis.

nullo missus. Quare nulla fuit ratio, ut diceret, Patrem nescire, quia volebat revelare. At Filius à Patre missus in mundum est, ut Paternorum consiliorum Interpres, & Legatus; quare in eo distinguì poterant, & ea quæ sciebat, ut mundo proderet, & ea, quæ tantum secretò, & sibi soli à Patre erant communicata, & dici, quòd illa sciret, ista nesciret.

XLII. Sed quæres. Eset ne hæreticus; qui assereret Christum, ut hominem, revera ignorasse Judicii diem, vel aliquid aliud?

Videtur affirmandum. Etenim sexto f. culo fuerunt hæretici dicti *Agnoeta*, latine *ignorantes*, seu *nescientes*, à quodam Themistio Diacono eorum auctore, dicti quoque Themistiani, ut hæretici habiti; quia ut Bellarminus refert lib. 4. de Christo cap. 1. Diei Judicii ignorantiam non Divinitati Christi, sed ejus Animæ, sive Christo ut homini tribuebant.

Verùm si attentius Agnoetarum errorem scrutemur in Leontio lib. de *Sellis* ass. 10. in S. Gregorio Magno *epist.* 42. libri 8. in S. Ildoro lib. 8. *Origin.* cap. 5. & in S. Joann. Damasceno lib. de *heresibus*, Agnoetarum error, non in eo precisè situs erat, quòd Christus ut homo ignoraret diem Judicii, & alia aliqua; sed quòd absolutè dicerent, Christum diem Judicii ignorare: dicebant enim, in Christo duas naturas non esse, sed unam tertiam ex humanitate, & divinitate compositam. Ita sentit quoque Maldonatus *Comment.* in *Matt.* cap. 14. Propterea qui distinguens in Christo Divinam, & humanam naturam, diceret, secundùm istam aliqua ignorasse, non esset Agnoetis statim annumerandus; eò vel maxime, quòd, ut superius indicavi, ex Veteribus aliqui in hanc sententiam propendere visi sunt.

Dato igitur, quòd non esset hæreticus Agnoeta, qui assereret, Christum ut hominem, diei Judicii, & aliorum quorum à Deo scientiam consequi potest, ignorantia laborasse, turpiter tamen erraret; quia mediàtè saltem contradiceret Scripturæ. Joann. 1. v. 14. *Vidimus gloriam ejus, quasi Unigeniti à Patre.*

*plenum gratia, & veritatis; & Paulo ad Coloss. 2. v. 3. de Christo dicenti: in quo sunt omnes thesauri Sapientia, & Scientia Dei.* Contradiceret quoque Traditioni. Quare Leporius, cum asseruisset: *Dominum nostrum Jesum Christum secundùm hominem ignorare*, Ecclesia Africana adèd commota fuit, ut ipsum ad retractationem adegerit his verbis: *Sed nunc non solum dicere non præsumo, verum etiam priorem anathematizato prolatam in hac parte sententiam, quia dici non licet, etiam secundùm hominem ignorasse Dominum Prophetarum.* Hoc patet ex libello Emendationis, qui Africanorum Antistitum, & inter eos S. Augustini, subscriptione approbatus est.

Inverecundè igitur errarunt Lutherus, & Calvinus. Iste enim in sua *Harmon. Evangelicâ* ad loca *Mattb. 24. & Marc. 13.* apertè dicit, non plus absurdi esse Christum, ut hominem, Judicii diem, & aliqua alia sibi à Patre non revelata ignorasse, quàm sit esse passibilem, ac mortalem, quam secutus fuit Forbesius lib. 3. *Inst. Theologicæ.* cap. 2. asserens ignorantiam diei Judicii in Christo fuisse negativam, non privativam; sed non mirum aberrare à sanâ Theologiâ, quæ à verâ fide aberrarunt. Satis sint hæc. Revertamur ad Arianos.

VLII. Ad tertium respondeo, Christum dixisse, non esse suum dare Regnum Cælorum, non quia in sua potestate non sit, ait enim Joann. 10. v. 28. *Et ego vitam æternam do eis;* sed non esse suæ æquitatis Regnum dare propinquitatis jure, aut merè gratiâ illud concedere, quod labore, ac meritis comparandum est. Vel non esse suum dare, ut homo: *ac si diceretur* (ait August. lib. 1. de Trinit. cap. 12.) *Non est humana potestas hoc dare: ut per illud intelligatur hoc dare, per quod Deus æqualis est Patri.* Non est meum, inquit, dare; idest non humanâ potestate ista do, sed quibus paratum est à Patre meo: *sed jam tu intellige, quia si omnia, quæ habet Pater mea sunt, & hoc utique meum est; & cum Patre illa paravi.*

XLIV. Ad quartum dico cum Divo Thomâ 1. par. qu. 42. art. 6. ad 1. Quòd in hoc quòd dicitur, Filius non potest à se

facere quidquam, non subtrahitur Filio aliqua potestas, quam habeat Pater, cum illam subdat, quod quicumque Pater facit; Filius similiter facit sed ostenditur, quod Filius habet potestatem à Patre, à quo habet naturam. Unde dicit Hilarius (lib. 9. de Trinit. post medium) naturæ divinæ quæ unitas est, ut ita per se agat Filius quod non à se agat. Ita S. Thomas.

Si verò dicas. Filio subtrahitur potestas generandi, cum Pater possit generare, Filius autem generare non potest.

Respondeo cum D. Thomâ laudato loco ad 3. negando ant. Nam sicut eadem essentia, qua in Patre est Paternitas, in Filio est Filiatio; ita eadem est potentia, quâ Pater generat, & quâ Filius generatur. Unde manifestum est, quod quidquid potest Pater, potest Filius; non tamen sequitur, quod possit generare, sed mutatur quid in ad aliquid. Nam generatio significat relationem in divinis. Habet ergo Filius eandem potentiam, quam Pater, sed cum aliâ relatione; quia Pater habet eam, ut dant, & hoc significat, cum dicitur, quod potest generare; Filius autem habet eam, ut accipiens, & hoc significat, cum dicitur, quod potest generari.

## §. I V.

*Trium priorum seculorum Patres Græci.*

XLV. **O**bjiciebant Ariani, & modò obijciunt Sociniani. Trium priorum seculorum Patres Filium non esse verum Deum, ac Patri consubstantialem propugnant. Primò enim Justinus *Dialog. cum Tryphone*; Filium nuncupat Deum, qui administrator est Dei universorum Creatoris, & Patris Voluntate, non naturâ productum. Ibidem docet, Deum nec Moysi, nec Patriarchis nunquam apparuisse, quia nec superiora Cælo spatia relinquere possit, nec in aliqua terra parte conspici; sed solum Filium Dei se videndum exhibuisse. Ibidem scribit, esse Filio causam ut sit. Et in *Apologiâ secundâ*; Christianos Filium Dei in secundo loco habentes venerari. Hæc Justinus, qui seculo secundo anno 175. obiit: quæ certè cum divinitate Filii Dei, ejusque consubstantialitate cum

Patre non coherent.

XLVI. Fateor SS. Patres, qui ante, exhortam heresim Arianam scripserunt, non ita propriè, & fortè non ita cautè, de Trinitate locutos; quo ab substantiam tamen, & veritatem Catholicum hoc dogma fuisse professos. Huic enim veritati accidit, quod & aliis evenit, nimirum, ut antequam errores adversus illas insurgerent, sub quâdam obscuritate tractarentur; Nec Patres de eis scribentes, consilii de ingenuè credentium Fide, essent admodum solliciti latentes in eis difficultates explanare, subtilitates propinquare, ac verborum proprietati audere. Quod emergentibus postea erroribus factum est. Multa quippe (ait August. lib. 16. de Civit. Dei cap. 2.) ad Fidem catholicam pertinentia, dum hereticorum callida inquietudine exagitantur, ut adversus eos defendi possint, & considerantur diligentius, & intelliguntur clariùs, & instantius predicantur; & ab adversario mota questio, discendi existit occasio. Et lib. de dono Persever. cap. 20. Semipelagianis, qui nomine Prædeterminationis, tanquam Antiquis inusitato, offendeantur, dicit: Hæc est Prædeterminatio manifesta, & certa Sanctorum, quam postea diligentius, & operosius, cum jam contra Pelagianos disputarem, defendere necessitas coegit. Didicimus enim singulas quasque hæreses intulisse Ecclesiæ proprias questiones; contra quas diligentius defenderetur Scriptura Divina, quàm si nulla talis necessitas cogeret. His ergo suppositis.

XLVII. Respondeo, Justinum, quo Sociniani maximè abutuntur, Filii Dei divinitatem contra Gentiles, & Judæos asseruisse. *Apologiâ* enim secundâ pro Christianis contra gentiles, pag. 56. de tribus Personis (quod Christianis exprobrabant Aethnici) *Proferunt quidem.* (inquit) nos talium, qui habentur, Deorum esse expertes & atheos: sed non verissimi illius Dei, Patris videlicet justitiæ, & castitatis, & virtutum aliarum... Verum hunc ipsum, & qui ab eo venit... Filium, & Spiritum propheticum colimus, & adoramus cum ratione, & veritate veneranter &c. Cum ergo non distinguat Justinus inter cultum, quem exhibebant sui

fui temporis Christiani Deo Patri, & quem exhibebant Filio, & Spiritui Sancto, dici debet, eodem cultu eos coluisse Patrem Deum, ac Filium; & propterea existimasse Filium esse propriè Deum, sicut Patrem: quod inferius pag. 96. aperte constat, dicens: Patri universorum Filium esse, qui quòd Verbum & Primogenitus Dei sit, Deus etiam est.

In *Dialogo* autem cum *Triphone* aperte docet, Filium esse quidem numero, seu personè distinctum à Patre, sed non esse distinctum naturà, & essentia. Ita pag. 158. ait: *Virtutem istam: quam Deum sermo prophetæ vocat .... non ita ut Solis lumen nomine tantum numerari, verum numero quoque aliud quiddam esse ratione exquisitè supra paucis explicui, Virtutem hanc dicens à Patre genitam, virtute, & consilio, & voluntate ipsius* (ecce distinctionem Personæ Filii à Patre. Nunc ecce indentitatem in naturà) *non per rationem veluti ab essentia Patris dispartitam, pro ut alia omnia divisa & secta, non eadem sunt, quæ ante fuerunt, quàm seiderentur. Inde confirmans exemplo ab igne petito, prosequitur Iustinus: Atque verbi gratia. ea sumsi, quæ ab igne accensa, ignem alium cernimus, illo nihil diminuto, sed in eodem manente, unde multi accendi possunt ignes. Postea asserens textum Genes. 10. v. 24. Pluit Dominus ignem à Domino, dicit ex hoc concludi, duos esse Dominos; unum tanquam Patrem, & Deum, qui alteri Domino auctor est ut sit atque equidem prætor, & Dominus, & Deus ut sit. Hic ergo Iustinus prævenit errorem Sabellii, asserens Patrem, & virtutem eius, nempe Verbum, esse numero duo. Prævenit etiam errorem Arii, dum asserit, quòd eslo duo sint, & unus ab alio sit, non tamen per abscissionem, sicut ea, quæ divisa sunt & secta; sed qui ab alio est eandem naturam cum illo habet, sicut ignis ab alio igne genitus: adeò ut non solum ab eo habeat ut sit, sed habeat quoque, ut Dominus, & Deus sit. Ex quibus aperte patet, Iustinum pro Verbi divinitate stetisse.*

XLVIII. Ad ea verò, quæ obijciuntur.

Ad primum dico, Iustinum dicere Verbum à Patre genitum *non naturà, sed consilio, & voluntate*, vel loquendo non de generatione æternà, & internà, quà Verbum produxit intra se; sed de generationi temporali, quà illud misit extra se per Incarnationem: quo sensu *Apolog. 1. pag. 96.* illud dicit ex Maria Virgine hominem genitum *juxta Patris consilium, & voluntatem*. Vel si loquitur de generatione æternà, & internà, solum velle, Verbum esse à Patre genitum *non naturà*, eo modo, quo homo gignitur ab homine; sed consilio, nempe intellectu, & voluntate, idest non invitè, sed voluntariè, concomitanter tamen, non formaliter. Vocat autem Filium Patris ministrum, non in sensu proprio, ac si non agat per se, & nomine suo, sed Patris nomine, eo modo, quo minister agit nomine sui principalis; sed improprie, quatenus licet agat virtute sibi propria, imò eadem, quà agit Pater, hanc tamen habet sibi communicatam à Patre. Dicit quoque, Patrem nunquam apparuisse, sed Filium; quia secundum Veterum opinionem, qui in antiquo Fædere apparuit Patriarchis sub specie humanà, non fuit Pater, sed Filius, quasi præludens suæ futuræ Incarnationi. Hunc tamen Deum vocat (*Dialogo cum Triph. pag. 357.*) qui *juxta consilium ejus & voluntatem, & Deus est, & Filius ipsius, & Angelus ex eo, quod sententia illius est administer &c.* Et inferius: *Christus, qui Dominus, & Deus Dei Filius est, qui virtute prius apparuerat &c.*

Dicit quoque, Patrem esse Filio causam ut sit sumendo causam lato modo, nimirum pro principio originis, seu pro eo, à quo quis accipit esse, etiamsi absque dependentià illud accipiat: & hoc dixit, ut ostenderet, Filium, & Patrem non esse eandem Personam, sed duas, unam tantum, alteram accipientem esse.

Tandem dicit, Filium secundo loco haberi, non dignitate, sed origine; quia licet eadem dignitas, quæ in Patre est, in Filio sit, Filius tamen hanc habet à Patre; unde ordine originis primò dicitur esse in Patre, secundò in Filio.

XLIX. Secundo obijciunt Athenæoram Iustino scire æqualem, & Tatianum Af-

## 160 *Quaestio I. De Sanctiss. Trinitatis Existencia.*

Arsyrium Justinus discipulum. Primus enim ( *legationis*, seu *Apologia pro Christianis* pag. 10.) Vocat Verbum primigenium Patris progeniem, quæ ut eundem verum idea, & perfectio foret, progressa est; cui aptat illud Proverb. 8. *Dominiis creavit me initium progressionis ejus ad opera sua.* Secundus verò de Verbis generationis sic loquitur, ut illud asserat *Primogenium opus Dei*; quod cum Deus voluit ex ejus simplicitate proficisci; Quidd ante conditum mundum Deus solus erat: quæ indicant, Verbum admittere solum initio temporis productum.

Respondeo, de Athenagoræ mente non esse dubitandum. Is enim citato loco, ut ostendat Ethnicis, Christianos Deo non tribuere Filium, eo modo, quo ipsi Deus suis Filios affingebant, more scilicet humano, dicit: *Filius Dei est Verbum Patris in idea, & efficacia: ab ipso enim, & per ipsum facta sunt omnia, quum Pater, & Filius unus sint; ita ut Filius sit in Patre, & Pater in Filio per unionem, & potentiam Spiritus.* Et infra, *Filium Dei aperit Deum esse pronunciat, dicens: Quis igitur non miretur, nos, qui Deum Patrem predicamus, & Deum Filium, & Spiritum Sanctum, ita ut unionem eorum vim, & ordinis distinctionem exponamus, impiorum, & sic Deo homines vocari?* Cum ergo dicit, Filium esse primigeniam Patris progeniem, quæ in res creatas progressa est, loquitur de progressu exteriori, quatenus omnia per Verbum exterioris in tempore prodire; & huic applicat textum Proverbiorum: non verò de progressu interno, quo apud Patrem est; & ab eo procedit; imò sic verbum vocat Patris progeniem, quæ non ut facta progressa sit, nec in tempore; à principio enim Deus, qui est mens æterna, ipse in seipso loquitur, hoc est Verbum, aut rationem habet.

Nec dissimiliter sentit Tatianus. Imò dicit, quodd mundo nondum conditio in ipso (Deo) per potentiam Verbi tum ipse, tum Verbum, quod in eo erat, existit. Loquitur ergo de Verbo secundum externam processionem in opera Dei, secundum quam non relinquit Patrem, sed adhuc in Patre manet: Nam ( inquit ) &

ego, si loquar, & vos audistis, non tamen propter transitum sermonis, ego qui vobiscum loquor, sermone vacuus fio.

L. Tertio objiciebant Theophylum Antiochenæ Ecclesiæ, post Petrum, sextum Episcopum, qui lib. 2. ad Autolyceum de voce Dei, quam audiuit Adamus dicit: *At vocem quid aliud dixerit, quam sermonem Dei, qui ejus Filius est?*

Respondeo tamen, Theophylum ibi loqui de Verbo Dei, ut exteriori manifestato, non de Verbo Dei, ut interiori producto; nam hoc modo vocat sermonem perpetuò existentem, & insitum in corde Patris Dei. Et paulo post asserit textum Joannis 1. *In principio erat sermo, & sermo erat apud Deum, & subdit: significans, in principio solum fuisse Deum; & in eo sermonem. Postea infert Deus erat ille sermo.*

Hunc ergo sermonem ab æterno in Deo existentem dicit, quod quando vult Pater universum mittit eum sermonem. ( per effectum ) ad aliquem locum.

LI. Quarto objiciebant Irenæum Polycarpi Joannis Apostoli discipuli auditorem, qui anno 110. martyrio coronatus fuit. Is enim plura scripsit, quæ cum Verbi divinitate pugnare videntur. Primò. Nam lib. 3. cap. 8. num. 3. lib. 4. cap. 7. num. 4. & cap. 38. num. 3. scribit, Deum Patrem præcepisse Filio, ut mundum conderet: Cui ergo ( inquit ) præcepit? Verbo scilicet, per quod, inquit, Cæli firmati sunt. Et hæc, ad illa Psalmi 32. v. 9. *Quoniam ipse præcepit, & creata sunt.* Secundò. Lib. 4. cap. 7. aliàs 17. vocat Filium Dei ministrum ad omnia: ministrat enim ei ad omnia sua progenies, & figuratio sua, id est Filius, & Spiritus Sanctus; ex quo infert, Patrem non indigni Angelis ad mundi conditionem. Tertio. Verbo, ut Verbo ignorantiæ diei extremæ ascribit lib. 2. cap. 23. aliàs 48. num. 6. Filium asserit nescire judicii diem: ipse ( inquit ) Filius Dei ipsum Judicii diem, & horam concepit scire solum Patrem. E ibidem. num. 8. assignari causam, quare dixerit Filius, quodd solus Pater sciat Judicii diem, ait, se non aliam invenire, nisi ut discamus per ipsum, super omnia esse Patrem: etenim Pater ait Major me est.

Hæc

Hæc certè cum divinitate Filii Dei non concordant.

III. S. Irenæum tamen Verbi divinitatem fuisse confessum, constat. Primò. Quia lib. 3. *adversus hæres.* cap. 6. statuit, nullum, qui non sit verè Deus definitivè, & absolutè à Domino & Spiritu sancto, & ab Apostolis nominari Deum; Patrem verò, & Filium ejus in scripturis absolutè Deum nominari asserit: Neque igitur Dominus, neque Spiritus Sanctus, neque Apostoli eum, qui non esset Deus, definitivè, & absolutè Deum nominassent aliquando, nisi esset verè Deus; neque Dominum appellassent aliquem ex sua personâ, nisi qui dominatur omnium, Deum Patrem, & Filium ejus, qui dominum accepit à Patre suo omnis conditionis.... Verè igitur cum Pater sit Dominus, & Filius verè sit Dominus, merito Spiritus Sanctus Domini appellatione signavit eor. Inde asserit illud Gen. 19. 24. *pluit Dominus*.... à Domino Subjungit autem illud Psalmi 44. v. 7. *dilexisti iustitiam & odisti iniquitatem*, propterea unxit te Deus, Deus tuus, ait: utroque Dei appellatione signavit Spiritus, & eum, qui ungitur, Filium, & eum qui ungit, idest Patrem.

Deinde lib. 4. cap. 5. alias xx. ubi ostendit, Deum qui Patriarchis locutus fuit, fuisse vivorum Deum, & verum Deum: *Quis enim (inquit) est vivorum Deus, nisi, qui est Deus, super quem alius non est Deus?* hunc autem Deum vivorum dicite esse Deum Patrem, & Verbum: *Qui igitur à Prophetis adorabatur Deus vivus, hic est vivorum & Verbum ejus, qui & locutus est Moysi, qui & Sadducaos redarguit &c.* quibus patet, Irenæum credidisse, verum Deum etiam Christum, unde subdit: *Ipse igitur Christus cum Patre vivorum est Deus, qui loquutus est Moysi, qui & Patribus manifestatus est.*

III. Respondetur ergo, quòd, cum Irenæus dixit, Patrem Verbo suo præcepisse, ut mundum crearet, non summis præceptum propriè, ut dominus præcipit servo, & superior subdito; sed improprie, quatenus per Verbum ab ipso procedens, sibi tamen æquale, & ut ait Irenæus: *quoniam suo Angeli, suo de-*

*cangeli, suo Throni, suo Dominationes*, ab eo, qui est super omnes Deus, & constituta sunt, & facta per Verbum ejus.

Eadem ratione Filium vocat Dei ministrum, nempe improprie; unde ait: *Ministrat ei progenies, & figuratio sua, idest Filius, & Spiritus Sanctus... quibus serviunt, & subiecti sunt omnes Angeli.* Ministrant ergo tanquam progenies principio, à quo procedunt, ut ejusdem substantiæ, ac dignitatis; unde illud vocat innarrabile misterium.

Quod verò dixit, solum Patrem scire Judicii diem, hoc fecit, ut ostenderet, Christum economiz causâ hoc dixisse; non quod ipse nesciret, sed quòd scientiam, quam habebat, ad Patrem referendam esse vellet, & ab eo solo expectandam esse illius diei notitiam; quavis enim ipse eam haberet, eam tamen non habebat, ut aliis communicaret, ut supra dictum est: & hoc, ut exempla suo doceret, non esse temerè exquirenda (quod Gnostici, quos castigabat, præsumebant) quæ Deus abscondita esse voluit.

Patrem Deum dixit majorem Filio, non quatenus Verbum, & Filius Dei est, sed quatenus homo, & filius hominis est, ut superius explicavimus.

IV. Obijciebant quintò, Clementem Alexandrinum lib. 7. *Stromatum* dicentem: *naturam Filii esse soli Omnipotenti conjunctissimam*; quæ autem conjuncta sunt, unum non sunt, sed duo. Rursus ibidem: *Filium omnipotentis Patris voluntati servire*; non servit autem, nisi inferior. Paterea lib. 5. *Stromatum* vocentem Filium Dei: *primò creatam sapientiam*; si autem creatam, ergo eam non fatetur Deum esse.

LV. Sed immeritò. Clemens enim Alexandrinus discipulus Pantæni, qui magistros audit Apostolis coævus, apertè Filii divinitatem fatetur. Etenim libro *Admonitionis ad Gentem* par. 5. *Dei Verbum* (inquit) *sumus nossementa.... quoniam in principio erat Verbum. Sed quoniam Verbum quidem erat, ab alto petita origine, divinum universorum principium fuit, & est.... Hic ergo Verbum Christus, & ut nos olim effemus, erat enim in Deo; & ut nunc effemus, causa fuit. Nunc autem apparuit hominibus hic.*



*ipse, Verbum, qui solus est ambo, Deus & homo. Quid clarius pro divinitate Verbi, & Christi? lib. 1. Pedagogi cap. 5. Christum vocat Deum, qui est Verbum, qui propter nos homo factus est. Et lib. 3. cap. 7. est enim (inquit) minimè indigens, qui Deum Verbum habet omnipotentem.*

LVI. Ad ea ergo, quæ obijciuntur, respondeo, vocem naturam à Cemente usurpatam, ibi sumi pro Personâ, seu pro personali proprietate Filii, quæ est conjunctissima seu propinquissima naturæ, idest Personæ Patris: hoc enim nomine naturæ sive *Usia* eodem modo, nempe pro personâ, aliqui Patres usi sunt, etiam post Concilium Nicænum I. Loquendo tamen de essentiâ, seu naturâ comuni, nedum conjunctam, & propinquam, sed eandem habere cum Patre Filium, docet in sequentibus Clemens: ait enim, quod est *maximè excellentia* Filii, quâ gubernat Universum, inhexaustâ potestate, omnia operans, quod non transit de loco ad locum; est tamen *super ubique, nec continetur nusquam; est tota mens, tota lux paterna, totus oculus, qui omnia videt, omnia audit, scit omnia, potestate scrutatur potestates.* Certè hæc non conveniunt nisi habenti eandem Dei naturam.

Dùm verò ait, Filium Patris voluntati servire, loquitur de Filio Dei, quatenus homo, & Salvator est; qui tamen ibi vocatur *omnium Dominus.*

Quòd verò Filium Dei vocet *primò creatam Sapientiam*, idem est, ac si diceret *primò genitam*, aut productam; quæ solutio evidenter colligitur ex perfectionibus quas, ut observatum est, Verbo Patris tribuit Clemens.

LVII. Obijciunt sextò, Origenem Clementis Alexandrini discipulum malè de Verbi divinitate sensitse; & textus accumulanti.

De Origene incertum est. Quidam ipsum in luto Arianis erroris hærentem, relinquunt; ac de Filii divinitatè pessimâ fuisse locutum, ex libris ejus se colligere arbitrantur. In hæc sententiâ fuit S. Epiphanius *hæresi* 64. cap. 4. & in *Anacorato cap. 63.* Fuit S. Hieronymus *lib. 1. & 2. adversus Rufinum*; quibus con-

sensit S. Thomas 1. par. qu. 34. ar. 1. ad 2. vocans Origenem fontem Arianorum. In quâ sententiâ ex recentioribus est nostrer *Alexandre secul. 3. dissert. 16. art. 2. Alii* conantur ipsum ad bonum sensum trahere, inter quos Juvenin. *Inst. Theolog. par. 2. dissert. 1. de exist. SS. Trinit.* qui ex variis Originis textibus desumptis ex libris *contra Celsum*, ostendere intendit, eum fîsum esse Filii divinitatem, immutabilitatem, impassibilitatem; & Christianos, cum Verbum colunt, non colere aliquam creaturam, sed Dei, ac ejus Filii divinitatem: quos libros, cùm elaborato studio, & jam senex conscripserit, ejus mentem sinceram, ac fidem continere credendum est. Sed quia etiam in præfatis libris aliqua scribit sanam fidem non redolentia, nempe quòd Pater solus sit primarius mundi Opifex; quòd Pater, & Filius sint unum concordia, & voluntate; quod Verbum non sit universorum Deus, quod ostendit ex illo *Pater major me est*; & alia: propterea Originis auctoritas hæc in re non multi faciendâ est.

## §. V.

### *Trium seculorum Patres Latini.*

LVIII. PRIMUS occurrit Tertullianus, qui Verbi æternitatem negasse visus est. Nam lib. contra Hermogenem cap. 3. hæc habet: *Et Pater Deus est, & Judex Deus est: non tamen idem Pater & Judex semper, quia Deus semper. Nam nec Pater potuit esse ante Filium, nec Judex ante delictum. Fuit autem tempus, cum & delictum, & Filius non fuit, quòd Judicem, & qui Patrem Dominum faceret.* Quibus asserit, fuisse tempus, quo Deus non esset Pater, quia fuit tempus, quo non esset Filius; quod erat Arianorum axioma. II. lib. adversus Praxeam. *Et hinc* (post relata Proverb. verba: Dominus creavit me initium viarum suarum, inquit) *adstantem eam* (Sophiam, seu Verbum) *ipsâ separatione cognosce.* Et ibidem cap. 8. ait: *dum Filium agnosco, secundum à Patre defendo.*

LIX. Attamen Tertullianum in Fide Tri-

Trinitatis non errasse, passim ipsemet ostendit. Primò. Apologetico adversus Gentes cap. 21. de verbo dicit: *Hunc ex Deo prolatum didicimus, & prolatione generatum, & idcirco Filium Dei, & Deum distum ex unitate substantia.* Et de Spiritu Sancto, inquit: *Nam & Deus Spiritus.* Et paulò post: *Quod de Deo profectum est, Deus est, & Dei Filius, & unus ambo.* Ita de Spiritu Spiritus, & de Deo Deus, modulo alterum numerum, gradu, non statu fecit, & à matrice non recessit, sed excessit, idest numerum fecit non statu, idest substantià, seu matrice; sed gradu, idest in personali proprietate.

Hinc libro adversus Praxeam cap. 27. Omnia Patris nomina, & attributa Filio Dei competere dicit: *Et nomen Patris Deus Omnipotens, Altissimus, Dominus virtutum, Rex Israelis, qui est, quantum ita Scriptura docent. Hæc dicimus, & in Filium competisse, & in his Filium venisse. & in his semper egisse, & sic ea in se hominibus manifestasse. Omnia, inquit, Patris mea sunt. Cur non & nomina? Et ibidem cap. 22. Unum sumus, dicens, ego, & Pater, ostendit, duos esse, quos aequat, & jungit, nimirum in substantià. Et cap. 2. Reprehendens Praxeam, qui Trinitatem Personarum fatari renebat, ne læderet Deitatis unitatem: *Nihilominus (inquit) custodiantur Sacramentum (dispensatio) qua unitatem in Trinitatem disponit, tres dirigens, Patrem, & Filium, & Spiritum Sanctum. Tres autem non statu, sed gradu; nec substantià, sed formà; nec potestate, sed specie; unius autem substantia, & unius status, & unius potestatis: quia unus Deus, ex quo & gradus isti & forma, & specie in Nomine Patris, & Filii, & Spiritus Sancti deputantur.* Fide igitur Tertulliani circa Trinitatem exoloratà.*

LX. Respondetur ad ea, quæ in oppositum producta sunt. Ad primùm ergo, quod multis ingerit difficultatem, respondeo, Tertulliani mentem esse, non quòd non semper in se fuerit Deus Pater, sicut nec semper in se fuerit Filius à Patre procedens; sed quòd non semper Pater fuerit extra se manifestatus ut Pa-

ter, sicut non semper fuit manifestatus ut Judex, & ut Dominus, neque semper extra manifestatus Filius fuit. Et hoc ut Nermogenem redargueret, quòd extra Deum ponebat materiam còternam; volens ostendere, nihil extra Deum æternum fuisse. Quod non infert, Filium ab æterno apud Deum, & intra Deum non fuisse.

Ad secundùm dico, Tertullianum ibi fuisse separationem non propriè, ac si Filius esset in substantià à Patre secundus, ut in humanis: sed fuisse separationem impropriè, nimirum pro distinctione in Personà contrà Praxeam, volentem, unam, eandemque Personam, esse Patrem, & Filium: *Dum (inquit c. 9.) alius, qui generat, alius qui generatur; dum alius qui mittit, alius, qui mittitur; dum alius qui facit, alius per quem fit.... non divisionem significavit, sed dispositionem.*

Dùm autem vocat Filium secundum à Patre, intelligendus est secundus, non ordine dignitatis, sed tantùm originis.

LXI. Obijciunt secundò Lactantius; qui lib. 2. *divin. Instit.* cap. 9. videtur asserere, Deum produxisse Filium solum antequam mundum crearet. Et lib. 4. cap. 8. Hanc differentiam statuit inter Verbum, & Angelos; quòd licet Filius ex ordine Spirituum sit, hoc tamen ab Angelis differt, quòd Angeli ad ministerium Dei creabantur; Filius verò sono, ex Dei ore processit, sicut Verbum, cū ratione, quia voce ejus ad populum fuerat usus.

LXII. Respondent aliqui, Lactantium Rhetorem fuisse, non Theologum; idèòque in Mysteriis fidei ejus auctoritatem, non multi sciendam esse, quod, errores, qui in ejus libri sparsi sunt, adtestantur.

Cætèrùm ipsum de Filii Dei æternitate, ac divinitate rectè sensisse evidentè probant ea, quæ habet eodem lib. 4. cap. 20. nam proposità sibi Gentilium obedièntia his verbis: *Fortasse quæras aliquis, quomodo, cū Deum nos unum colere dicamus, duos tamen asseramus, Deum Patrem, & Deum Filium.* Sic respondet: *Cum dicimus Deum Patrem, & Deum Filium, non diversum dicimus, nec utrumque secerimus, quia nec Pater à Filio po-*

X 2 test,

testi, nec Filius à Patre secerni: siquidem nec Pater sine Filio unncupari, nec Filius potest sine Patre generari. Cùm igitur & Pater Filium faciat, & Filius Patrem, una utrique mens, unus spiritus, una substantia est: sed ille quasi exuberans fons est, hic tanquam defluens ex eo, rivus; ille tanquam Sol, hic tanquam radius ex Sole porrectus: qui quoniam summo Patri fidelis, & carus est, non separatur, sicut nec rivus à fonte, nec radius à Sole, quia & aqua Fontis in rivu est, & Solis lumen in radio. Hæc Lactantius, qui deinde sic concludit: Quapropter cùm mens, & voluntas alterius in altero sit, vel potius in utroque una, merito unus Deus uterque appellatur &c.

LXIII. Quare ad ea, quæ obijciuntur, respondeo. Ad primum. Lactantium dicere, Filium productum à Deo antequam ordiretur hoc opus Mundi, hoc est ante tempus, seu ab æterno antequam ordiretur; non dicit *crearet*: quasi diceret antequam inciperet in mente sua cogitare, aut decernere de mundo creando produxit similem sui spiritum, qui esset virtutibus Dei Patri pradiatus. Deinde subdit: *eoque simul, & consiliatore usus est, & artifex in excogitandis, ornandis, perficiendisq; verbis*. Si ergo ex Lactantio Filius Dei productus est similis Patri, ejus virtutibus præditus, ejus consiliarius; quid deerat, ut esset æternus, habensque attributa, & naturam Dei sicut Pater?

Ad secundum dico, Lactantium solum voluisse rationem adducere, quare Filius Dei, cum sit Spiritus, quoddam etiam sunt Angeli, dicatur Verbum, & sermo potius, quàm Angeli; & dicit, quoddam Angelum ex Deo taciti Spiritus extitisse, Filius verò processit, sicut Verbum, quia vocatus ad populum fuerat usus. Sed præter hanc, immensam aliam differentiam, recognoscit, nam Filium Dei, quem dicit Verbum, vocat Deum dicens: *Si quis iniquatur, ex Deo Deum prolatione vocis, ac Spiritus potuisse generari; si sacras voces Prophetarum cognoverit, desinet profecto mirari: & tandem producit illud Joann. 1. Verbum erat apud Deum, & Deus erat Verbum*. Et cap. 6. præcedente postquam dixerat, quoddam Deus sanctum, & incorruptibilem, & incomprehensibilem Spiritum

tum, genuit, quem Filium unncupavit, subjecit: *Et quamvis alias postea innumerales per ipsum creavisset, quas Angelos dicimus, hunc tamen solum primogenitum, divini nominis appellatione dignatus est, patriâ scilicet virtute, & potestate polentem*.

LXIV. Alios Patres, tùm Græcos, tùm Latinos omitto, quia de illis nulla dubitatio est. Cùm igitur etiam prælaudati, quos Sociniani in suas partes trahere conantur, pro Filii Dei divinitate militent, ut ostendi; etiam ex trium priorum seculorum traditione invicem habemus pro Filii Dei divinitate argumentum.

LXV. Quapropter, ut bene observat Juvenin loco superius citato, non videtur fuisse æquus censor Dionysius Petavius, qui libro 1. de Trinitate, putat, omnes Patres, qui ante Nicænum 1. sive in Oriente, sive in Occidente vixerunt (paucis exceptis) Arianismo circa Verbi divinitatem laborasse. Sequitur etiam, ineptè Socinianos, Patres trium priorum seculorum in sui erroris præsidium trahere: cùm ut dictum est, esto in loquendi ratione dissentire, dici possint, in re tamen, & dogmatis veritate conveniant. Quod & Petavius ipse in præfatione sui Operis, quasi retractans, indicare videtur.

## DUBIUM III.

Varia circa Arianorum causam examinantur.

### §. I.

De Concilio Nicæno primo.

I. Indignatus Arius ob anathema, quo ipse unâ cum gregalibus suis damnatus fuerat ab Alexandro Alexandrino Episcopo, in Synodo per eundem coacta, Eusebii Nicomediensis (apud quem exulabat) ope ac patrocinio, aliud Bithiniæ in Palestinâ Concilium convocari obtinuit; in quo Eusebius Arium in communionem recepit, atque ad omnes Episcopos litteras dedit, ut suam itidem in Communionem Arium cum sociis & ipsi restituerent, & Alexandrum Alexandri-

drinum ad pacem flecterent. Cujus rei nuntio ad Alexandrum perlato, sanctissimus ille Antistes encyclicas scripsit epistolas, quibus Arii, & sociorum fraudes, ac impietatem detexit, eosque propterea à se fuisse ab Ecclesiâ expulso significavit. Quare Arius, abjecta omni spe pacem cum Alexandro ineundi, satisfactionis tumultibus Alexandriam, Ægyptum, imò totum Orientem exagitare cepit.

II. Quibus in dies crescentibus, obviam ire volentes Sylvester I. Romanus Pontifex, & Constantinus Magnus Imperator, ille suâ auctoritate, iste curâ, subsidio, & operâ, Generale Concilium Nicæn in Bithynia Metropoli, anno Christi 325, Sylvestri 12. Constantini verò 10. indixere; ejus piis expensis, Alexandri Alexandrini hortatu, Episcopi num. 318. adducti fuere. Cui adfuit & ipse Imperator; sed infra Episcopos, & nonnisi ipsis annuentibus sedit. Eique præfuerunt Cordubensis Episcopus, Vitus, & Vincentius Presbyteri, tanquam Romani Pontificis Legati.

III. Præter Arianam hæresim aliæ duæ causæ fuerunt Synodi Nicænæ convocandæ. Una fuit gravis dissensio ab Asiaticis Præsulibus nata; qui Pascha, non Dominicâ die, quâ à mortuis surrexit Christus, sed 14. Lunâ in quacumque incidisset diem, judicio mori celebrari contendebant. Altera Meletii Lycopolitani Episcopi schisma. Is multorum criminum convictus, & præcipuè, quoddam vigente Maximini persecutione sacrificasset Idolis, damnatus, & à suâ sede depositus est. Quod ægrè ferens, schisma fecit; neque solum Patriarchæ Alexandrini obedientiam excoisit, sed & probra contra ipsum evomit: imò ambitione elatus Provincias Thebaidis, ac vicinæ Ægypti invasit, tanquam novum Patriarcham sese ostentans; utque sese magis firmaret, cum Arianis antea inimicis conjuravit, eis quantas poterat suppetias ferens. De quo S. Athanas. *Apolog. 2. Socrates lib. 1. Hist. Eccles. cap. 3. Theodoretus lib. 1. bist. cap. 9.* quamquam Meletius, Schisma quidem fecerit, non tamen hæresim; ideoque Meletiani, ut Schismatici, non ut Hæretici probabilius habendi sunt.

IV. Congregatis igitur in Concilio Patribus, eos ad pacem, & concordiam hortante piissimo Imperatore, impia Arii dogmata recitata fuere: Dies dicta fuit Ario, & suis, ut se defenderent. Inità disputatione, in quâ Athanasius, licet adhuc Diaconus, Catholicorum partes strenuè gessit, Arius in suâ impietate perseverans, unâ cum hæresi Arianâ damnatus est communi Patrum suffragio; & sanctum, Dei Filium Deum de Deo, *lumen de lumine, Deum verum de Deo vero, & Patri homousion*, idest *consubstantialem* esse; ac fidei Symbolum omnium nomine ab Ofio Cordubensi, Sedis Apostolicæ Legato conscribitur: anathemate dicto ipsi Ario, ac duobus Episcopis, *Secundo* Ptolemaïdis, & *Theonis* Marmaricæ, qui nec Fidei Nicænæ, nec Arii damnationi subscribere voluerunt; qui unâ cum Ario, jussu Imperatoris, in exilium amandati sunt. Eusebius Nicomediensis, & Theognis Nicænus, initio quidem Nicænæ fidei subscribere renuerunt, sed metu Imperatoris fidei, & simulatè subscriperunt. Quare deprehensi postea cum Arianis sentientes, & palàm communicantes, in Galiliam ab Imperatore exules missi sunt.

V. Hæresis Ariana, quamvis damnata, & Nicæno decreto recisa, velut hydra in plura capita pullulavit, Eusebio Nicomediensi promovente, qui eam fecit suam. Quare Ariani, extincto Ario, Eusebiani dicti sunt; in tres tamen ramos tractu temporis divisi.

Primus eorum, qui Arii extremam impietatem, & blasphemiam profitebantur. Tales fuere Aetius, & Eunomius, qui proprio errori Arianum quoque conjunxerunt; Filium Patri dissimilem asserentes, ex nihilo, & ex non extantibus factum, dicti *Anomai*, idest *dissimiles*.

Secundus fuit eorum, qui Filium quidem per omnia similem, idest *homousion*, Patri asseverabant, non tamen ei consubstantialem, seu *homousion*: ac propterea Nicænum repudiabant, quoddam Filium Patri *homousion*, seu consubstantialem, ac ejusdem substantiæ cum Patre decrevisset a hi Semi-Ariani dicebantur. Tertius Arianismi ramus fuit Acacianorum (duce Acacio Episcopo Cæsariensi) qui Filium non *homousion*, ut Catholici, non *homousion*, ut

ut Semi-Ariani, non *Anomien* ut blasphemabant Aetiani, & Eunomiani, sed *à mion*, id est similem, non quidem in substantiâ, seu *Ufia*, sed in figurâ appellari contendebant; eo modo, quo pictura, sive statua hominis vivi similis illi est, externâ quidem specie, at non substantiâ: sicque Filium similem Patri esse, non divinitate, vel æternitate parem effutiebant.

Quia verò illa vox *homousion* quâ Patres Nicæni usi fuere ad explicandum, Filium esse consubstantialiæ, nempe ejusdem essentiz, & substantiz cum Patre, malè audita fuit, nedum ab Arianis, sed ab aliquibus etiam, etsi fide sanis, placet de hoc inquirere.

## §. I I.

*De voce Homousion.*

VI. **D**ico. Vox illa *Homousion* aptissima à Synodo Nicæna fuit excogitata, tanquam gladius Ariani erroris jugum petens, & Catholicæ veritatem mirè exponens. Et probò. Nam Ariani dicebant, Verbum ex non extantibus factum esse, fuisse tempus, quo non erat, Verbum esse creaturam, esto in aliquo sensu ab aliis dissimile, idèdque diversæ naturæ à Patre: Atqui ad hoc dissipandum aptissima erat vox *homousion* significans, Verbum esse ejusdem substantiz, & essentiz cum Patre; quod enim ejusdem essentiz cum Patre est, factum non fuit ex non extantibus, non supponit tempus, in quo non fuerit, non potest dici creatura; ergo &c. Catholici è contra dicebant; Verbum esse de substantiâ Patris, Deum de Deo, genitum, non factum; sed hoc benè explicatur per vocem *homousion*; qui enim ejusdem substantiz cum Patre, est, verè, & propriè Deus est, sicut est Pater, æternus est, genitus est, non verò factus; ergo &c.

VII. Confirmatur. Ea vox est aptissima excogitata ad exprimendam Verbi divinitatem, quæ omnem evasionem Arianis præcludit: atqui hujusmodi est vox *homousion*; ergo &c. Min. probatur. Cùm enim Catholici aliis vocibus etiam ex Scripturâ petitis Arianos urgerent, isti eas ad suum pravum sensum.

admittebant: v. g. Ariani interrogati, an Filium Dei crederent ex Deo esse genitum? annebant; sed eo sensu esse ex Deo, & genitum asseriebant, quo aliæ creaturæ ex Deo esse, & ab eo originem trahere per creationem, etiam in Scripturis, dicuntur. Cùm illis dicebatur, Filium esse similem, imaginem, gloriam Patris, æternum &c. negare non audebant; sed invicem mustabant, nihil hic de Filio dici, quod de nobis etiam dici non possit, vel saltem nobis accommodari: nam homo quoque dicitur, quod sit similitudo, imago, & gloria Dei. Ita Athanas. de *Decretis Nicæna Synodi*. Quæsi- titi rursus, an faterentur, Filium Dei esse Deum? affirmabant; sed eum esse Deum intelligebant, qui per gratiam factus esset Deus, non qui esset Deus per naturam. Reprehens, quod Filium Dei creaturam dicerent, negabant; sed scetè- tò intelligebant, eum non esse creaturam ejusdem gradus cum aliis, sed multò sublimioris. At dùm interrogarentur, an crederent Filium Dei esse *homousion*, de substantiâ, ejusdem essentiz, & consubstantialiæ Patri, eis non erat effugii locus: nam vel affirmabant, & sic Catholicos; vel negabant, & sic se Arianos manifestabant: Caterum (inquit Athanasius laudato loco) *Episcopi considerant illorum hypocrisis, & vasfrictie, ipsi quoque necessitate coacti sunt sententiam earum, rerum ex Scripturis colligere, & quæ prius dixerant, apertioribus verbis repetere, & scribere, Filium consubstantialiæ esse Patri, ut non solum similem similitudine, sed eundem eâ voce, quâ dicitur esse ex Patre, significarent.* Et infra: *In his verbis ex Patre esse, & consubstantialiæ esse, vim preemtoriam Patres voluere contineri, ad elidendas has argutias, Filium creatum, aut factum, aut mutabilem esse, aut non fuisse antequam nasceretur.*

VIII. Neque dicas. Vox, quæ non legitur in Scripturis Sacris, sed in Ecclesiâ nova erat, imò olim ab Ecclesiâ damnata, & quæ occasionem dabat erroris, nec appositè, nec prudenter inserta fuit Symbolo fidei à Patribus Nicænis: sed vox *homousion*, primò non legitur in Scripturis. Secundò, nova erat, nec usurpata in Ecclesiâ Catholicâ ante Concilium Nicænum.

Ter-

Tertiò, imò ab Ecclesià damnata in Synodo Antiochenà contra Paulum Samosatenum. Quartò, occasio erat erroris: hùc enim voce quidam unam Personam intellegebant; quidam substantiam Personis priorem, quæ ipsis deinde communicaretur: Alii substantiam in tres divisam portionem, tribus Personis adscriptas; ergo &c.

IX. Respondetur ad omnia. Ad primum dico, non licere quidem novas voces à sensu Sacræ Scripturæ alienas, & quæ neque quoad sonum, neque quoad sensum in eà non reperiantur usurpare; licere tamen, imò oportere (hæreticis novas voces ad detorquendum sensum Sacræ Scripturæ in suum errorem usurpantibus) alias voces, etiam in Scripturâ non expressas, ejus tamen sensum genuinè, ac sincerè exprimentes opponere. Hoc movit Patres Nicænos ad opponendam vocem *homousion*, etiam non scriptam, falsis Arianorum vocibus, & doctrinis. Audire præstat S. Athanasium, & Hilarium ita Arianos redarguentes. S. Athanas. lib. de Synodis Ariani, & Seleuciz: Si (inquit) penitus excludenda putant vocabula omnia non scripta; cur, eam Arius tantùm acerbum dictionum, quæ nusquam in Scripturis occurrunt, ac eum ulxerit, quales sunt: Ex non extantibus; & non erat Filius antequam gigneretur; & erat, quando non erat, & mutabilis est &c. non illi contradixerunt? Sanctus autem Hilarius in lib. contra Constant. Novitatis (ait) vocem, sed prophanas devitari jubet Apostolus. Tu cur pias excludis? Inascribibile scriptum nusquam legitur. Nunquid & hoc negandum erit, quia novum est? Decernis similem Patri Filium? Evangelia non prædicant. Quid est, quod non refugis hanc vocem? In uno novitas eligitur, in alio submovetur. Ubi impietatis occasio patet, novitas admittitur: ubi autem Religiois maxima, & sola cautela est, excluditur.

Sed audire præstat etiam S. Gregorium Nazianz. orat. 49. sic loquentem: Si dicitur mihi, *homousion*, quod est unius essentia nomen; ob hoc nominari non oportere, quia in Scripturis divinis non continetur: quæro autem, à homo, qui hoc prohibet, utrum idè nominari non de-

beat, quis scriptum non est; an quia, credi ita non licet? Quod si ita credendum est, cur non ita præstendum? Aut si idè nominandum non est, quia nec ita credendum; obtinuit Ariana labris assertio.... Frustra times, à homo, prosteri, quod credis: frustra credis, si ita non prosteris; & meritiò hæreticus denotaris. Quid pulchrius, quid acutius?

X. Ad secundum dico, falsum esse, vocem *homousion* fuisse novam, neque ante Nicænum I. usitatam. Eà enim usus fuit S. Iræneus lib. 1. cap. 5. ubi exponens Valentinianorum placita, vocem, *homousion* usurpat, ut significet, rem esse ejusdem essentiz cum alterà. Eà usus est Tertullianus, qui initio libri adversus Praxeam cap. 3. expresse dicit Patrem, Filium, & Spiritum Sanctum esse unius substantia, quod idem est ac Græcè *homousion*: Eà quoque usus est Lactantius supra citatus lib. 4. cap. 19. dum de Patre & Filio ait: una utriusque mens, unus spiritus, una substantia. Eà usus est Dionysius Alexandrinus, ut refert Athanasius lib. de decret. Nicæne Synodi, qui dum sese apud Dionysium Rom. Pontificis purgaret, quòd nempe negasset Filium Patri *homousion*, ait, hanc esse calumniam; & apertè Filium *homousion* consubstantialem constituitur. Idem statetur & Dionysius Romanus. Idem confessum fuisse & Originem S. Athanasius ibidem asserit, ex quibus concludit: En igitur nos quidem hanc sententiam à Patribus ad Patres transisse demonstramus. Quod idemmet Eusebius Cæsariensis, quamvis Arianà fuligine aequaliter fordidatus, fateri compulsum est: etenim in Epistolâ ad suos Cæsarienses datâ, cujus meminit Socrates lib. 1. hist. cap. 8. dicit, se, & Nicænos Patres vocem *homousion* probasse: quandoquidem nonnullis ex veteribus insignes Episcopos, & disertos Scriptores in explicandâ Patris, ac Filii divinitatè, hoc vocabulo *homousion*, consubstantialis usos esse cognovimus. Falsum igitur est, hanc vocem *homousion* ante Nicænum in Ecclesiâ novam, ac inusitatam fuisse.

XI. Verum quomodo est, in Synodo Antiochena eam fuisse proscriptam; sed in eo sensu, quo illâ abutebatur Paulus Samosatenus. Abutebatur autem; vel,

## 168 *Quæstio I. De Sanctiss. Trinitatis Existentia.*

ut ait Hilarius lib. de Synodis num. 81. quia per hanc unius essentia nuncupationem, solitarium, atque unicum sibi esse Patrem, & Filium predicabat, idest inferens Patrem, & Filium esse, non solum unius esse, sed etiam unius Personæ, qui erat error Sabellii: & idcirco vocem *homousion* in hoc sensu usurpatam Antiocheni Patres damnarunt. Vel ut vult Athanasius lib. de Synodis Arimini. & Seleucia. Antiocheni Patres vocem *homousion* proscripterunt, non quia Paulus Filium Patri consubstantialiæ prædicaret; sed quia eâ voce, quâ Catholici utebantur, abutens, contra eos probaret, tres fore in Deo substantias, unam qui prior esset, & duas alias ab eâ productas, & posteriores. Cum Paulus (inquit Athan. num. 45.) arguari vellet, ac diceret, si Christus non ex homine *Dñs factus est*; ergo consubstantialis est Patri; atque hinc necesse est tres esse substantias, unam priorem, duas vero ex illâ procedentes. Idcirco illud Pauli supbia iure caventes, dixerunt Christum non esse consubstantialiæ, neque enim Christus ita se habet respectu Patris, qualiter ipse cogitabat, Cogitabat autem consubstantialitatem ita in Deo intelligendam esse, sicut in corporeis; in quibus quæ consubstantialia sunt, non unius substantiæ, ac indivisæ sunt, sed diversæ, quamvis similis. Quare concludit Athanasius: Utraque Synodus ex legitimâ causâ, hoc modo alia, alio alia loquuta est.

XII. Quod si quis adhuc dixerit, idcirco improbari oportere, quia vitiosè intelligi solent.

Audiat Hilarium laudato lib. de Synodis num. 81. sic reponentem: Hoc si tinemus, delectamus in Apostolo, quod dictum est: mediator Dei, & hominum homo Christus Jesus; quia ad auctoritatem hæresis sua Photinus hoc utitur. Pereat quoque ad Philipponem scripta Epistola, aut igni, aut spongiâ; ne in eâ Marcian relegat; & habita inventus ut homo, phantasmâ corporis consensum esse, non corpus. Non extet Evangelium Joannis; ne Sabellius discent: ego, & Pater unum sumus. Neque isti nunc creatura Prædicatores scriptum habeant: Pater major me est. Neque illi, qui dissimilem Patri Fi-

lium affirmare volunt, legant: de die, autem, & horâ nemo scit, neque Angeli in Cœlis, neque Filii, nisi Pater solus &c. Et infra: non ergo gloriamur Cruce Christi, quia scandalum mundo est: neque in vivente Deo mortem prædicemus, ne ab impiis mortuus Deus arguatur. Malè intelligitur *homousion*. Quid ad me bene intelligentem? Malè *homousion* Samosatenus confessus est: sed nunquid melius Arianæ negaverunt? Oðoginta Episcopi olim responderunt: sed trecenti & decem oïes nuper receperunt.

XIII. Ex his ad ea, quæ quarto loco opponebant, quod vox *homousion* occasio erat erroris, dist. occasio per accidens, accepta, & ex malâ intelligentiâ orta, concedo. Occasio per se, data & ex propria significatione, nego. Malè intelligitur ab Hæreticis Sacra Scriptura, eîque occasio erroris fit: nunquid ideo Sacra Scripturâ tollenda est? Malè intelligitur *homousion*: quid ad me bene intelligentem?

XIV. Sed inquires. Quæ ratio fuit damnandi vocem *Homousion* tempore Antiocheni Concilii, eadem suberat illam proscriptendi, vel saltem de eâ tacendi tempore Nicæni Concilii: eo enim tempore non pauci supererant Paulianistæ, propter quos Canon. 19. à Patribus Nicænis editus est; qui non minus voce *Homousion* abuti poterant, quam eorum. Antistes Paulus Samosatenus. Cùm igitur imprudenter sit vocem inserere Symbolo, quæ hæresim unam debeillando, alteram suscitaret; videntur imprudenter se gessisse Nicæni Patres, vocem *Homousion* Symbolo inserentes, etsi ad hæresim Arianam profligandam plurimum valeret. Maxime quia voce *Homousion* satis Filii divinitas explicabatur, & aliunde vox *Homousion* multis etiam Catholicis erat offensioni.

XV. Respondeo, totam æquivocationem, quæ voci *Homousion* subesse poterat, & ex quâ Paulianistæ occasionem sumere poterant eâ abutendi, sublatam fuisse à Patribus Nicænis; qui sensum, in quo eam usurpabant declararunt toto Cœlo diversum, à quo eam usurpaverat Samosatenus, & in quo à Synodo Antiochenâ fuerat proscripta. Quare de

falsò

facto contra eam oblatrarunt quidem Ariani; sed nullus Paulianistarum eā abusum fuisse post Nicænum legitur, ad suum errorem tuendum. Quod si eā abusus fuisset, non proinde silentio prætereunda fuisset. Alioqui, ut dicebamus eum S. Hilario, multa ex scripturis delenda, aut prætereunda essent; quia iis hæretici abusi sunt. Sic ista vox ingenuus de Filio Dei juxta varium sensum, ab aliquibus affirmata est; ab aliquibus negata: Affirmata quidem, & prolata ab iis, qui Catholicè Filium vocabant ingenuum, idest non factum; negata verò, cum deprehenderent Filium dici ingenuum, idest non factum: negata verò, cum deprehenderent Filium dici ingenuum; quia ex proferentium intentione indicabatur, Filium sui auctorem, vel principium non habere, ut Sabelliani. Videatur S. Athanas. lib. citato de *Synodo*.

Nec verum est, voce *Homousion* ita bene explicari Catholicam veritatem de Filii Dei divinitate, & ita Arianum errorem debellari, sicut hæc voce *Homousion*. Nam illa cum explicet solum Filium esse similem in essentiâ cum Patre, abuti poterant, & de facto abutebantur Arian, & suum errorem tegebant; dicentes, Filium esse quidem similem, at non eundem in essentiâ cum Patre; cum, teste Ambrosio: *aliud sit similitudo, aliud veritas*, lib. de *Filii divinitate*, cap. 2. At ista voce *Homousion*, quæ exprimit veritatem, unitatem, identitatem in essentiâ, abuti non poterant: idèque contrà illam aded conclamabant. Porro qui vocem *Homousion* rejiciebant, alii erant, qui vocem quidem ob pacis studium, sive ob prætextam æquivocationem usurpare renebant; sed pium, & Catholicum sensum, propter quem usurpabatur, religiosè custodiebant: & hi, quia de solâ voce contendebant, ab Athanasio, & Hilario non habentur ut hæretici. Alii verò, qui damnabant vocem *Homousion*, nec rectum illis vocis sensum pati poterant, & Filium similem quidem, sed non eundem in essentiâ cum Patre asseriebant, hi hæretici erant Arian, vel Semi-Arian. Quia verò illius vocis confessio facta erat, quasi veræ Fidei tessera; idèd qui eam usurpare detestabant, etiâ Ca-

Tom. IV.

tholicum sensum se profiteri protestarentur, aliquam tamen suspicionem relinquebant, & quasi scandalum Ecclesiæ erant: ideo S. Hilarius, Antislites *Homousion*, sateri recusantes, ut illud profiteantur hortatur lib. de *Synodo* num. 67. his verbis: *Multi ex vobis, Fratres charissimi, ita unam substantiam Patris, & Filii prædicant, ut videri possint, non magis id piè, quàm impiè predicare. Habet enim hoc verbum (Homousion) in se & Fidei conscientiam, & fraudem paratam. Oro vos, Fratres, admite suspensionem, secludite occasionem. Sed hæc satis.*

## 6. III.

De gestis post Nicænam Synodum.

XVI. **A**bsoluto Concilio Nicæno I. Arianismi fautores, esto non audent Arianum errorem palam amplius profiteri, illum tegere ac Verbis speciosis involvere totis conatibus procurabant; à voce *Homousion* præcipuè cavere eorum studium erat. Propterea in Synodo ( seu veritus conventiculis ) hic ille frequentissimè adunabantur, in quibus Fidei formulas semper variabant. Quamvis autem etiam ipsimet Constantino fucum suis artibus fecissent, aded ut Eusebii Nicomediensis operâ, non aded sibi insensum, sed quasi favorabilem, & nimis indulgentem post Nicænum experti sint; sese tamen eo vivente aliquatenus continuerunt. At eo defuncto, invenientes in Constantio ejus Filio, & in Imperio successore, etiam sui erroris Patronum, in apertum contra Catholicos, & præsertim contra *Homousianos*, eruperunt. S. Athanasius scopus fuit, in quem omnia ferè ipsorum jacula dirigebantur: hunc enim, tanquam murum æneum, pectore infractum, semper experti fuerunt. Is fuit, qui Ario indulgentiâ Constantini ab exilio revocato, sese opposuit; nec Imperatoris litteris, quibus ipsi depositionem, & exilium minabatur, adduci potuit, ut eum in Ecclesiam Alexandrinam reciperet. Quare exasperati Arian anno 335. in Synodo Tyria S. Athanasium, licet innocentiam suam circa crimina sibi falsè assigna, nimirum de

Y

fra-



fractio Calice, de nece Arsenii, & de stupro, Sole clarius comprobasset, Episcopatu exuerunt, & anno sequenti, aliâ pseudosynodo Constantinopoli coactâ, novis eum calumniis operantes, Constantino eorum nequitæ serviente, Treviros in exilium amandarunt, & licet pluries restitutus, pluries tamen iterum depolitus, semper invidus, semper intractus, Arianorum malleus fuit; operi, & calamo nunquam parens, ut eorum nequitiam detegeret, ut ejus scripta testantur, Omnia hæc, aliaque plura, quæ, hæres Ariana per totum serè orbem grassante, Ecclesiam Christi lacerarunt, sicut, & pseudosynodos, quos Ariani, patrocinante Constantio, successivè coegerunt, apud Pater Gravelon *tom. 1. sua historia Ecclesiastica* percurrere poterit studiosus; meum enim est hic Theologum agere, non historicum.

XVII. Dum hæc angustii premeretur Ecclesia, accidit, ut inter Episcopos Arianos orirentur non leves in doctrinâ dissensiones; quæ in causâ fuerunt, cur novas indentidem Fidei formula, pro ut cuique factioni libebat, edentes, nec sibi ipsi unquam constantes, in varias tandem abierint scissas, Eunomianorum, seu purè Arianorum, Semi-Arianorum, & Acacianorum (de quibus superius §. 1.) quæ motu inter se pugnantes, ultimum tandem Arianismo exitum pepererunt.

XVIII. Inter formulas Fidei ab Ariani editas, celebres sunt Sirmienfes, seu editæ Sirmii Pannoniæ Urbe. Tres in hæc Urbe, non quidem eodem, sed diversis annis, editæ perhibentur, tribus diversis in Synodis. Prima Græcè conscripta est cum anathematismis 27. quorum primus sic concepitur: *Eos autem, qui dicunt, de nullis extantibus Filius, vel de alterâ substantiâ, & non ex Deo, & quod erat tempus, vel seculum, quando non erat, alienos scit Sancta, & Catholica Ecclesia.* In postremo autem damnatur hæres Photini, qui negabat divinitatem Christi, & eum purum hominem adstruebat, his verbis: *Si quis Christum Deum Filium Dei ante secula subsistentem, & ministrantem Patri ad omnium perfectionem non dicat, sed ex quo de Mariâ natus est, & ex eo Christum,*

*& Filium nominatum esse, & initium accepisse, ut sit Deus, dicat: anathema sit.* Igitur primus Synodi Sirmienfis anathematismus, seu formula edita est anno 357. quam latine reddidit S. Hilarius *libro de Synodis, column. 1275. Græc.* & ut Catholicam approbat; ac verè ita est, si in se spectatur, nec ullus ad ejus Auctores respectus habetur. Et proinde S. Hilarius *lib. de Synodis* eam commendat, ut Catholicam. Alter contrà Photinum, anathematismus suspensus redditur ex illâ voce *ministrantem Patri Græc.* Eilo enim ab aliquibus Patribus, maxime ante Nicænum, Filius Dei dictus fuerit, *Patri administrat*, ut superius diximus; eorum tamen sana fides de Filii divinitate aliunde nota erat: At à Semi-Arianis, non potest, quin æquivocatione suâ ingerat suspicionem. Quomodo concipiatur, neuter ex præfatis anathematismus Arianum exprimit errorem.

XIX. Secunda Sirmienfis formula apud Sirmium à Semi-Arianis edita fuit anno 357. non quidem in Synodo, sed in paucorum Episcoporum conventu habito eodem anno. Hi enim, nempe *Valens, Ursacius, Germinius, & alii, rejectis, quæ in Synodo statuta fuerant* (inquit D. Athanasius *lib. de Synodis column. 744 num. 28.*) *Quasi præstantiora excogitassent, Fidei doctrinam, formulamque statuunt, & hac Sirmii Latine scribunt, qua Græcè translata sunt.* In eâ autem sic statuunt: *De substantia, qua Græcè Ūsa appellatur, id est (ut expressius intelligatur) homoussion, aut quod dicitur homoussion, nullam omnino fieri oportere mentionem, nec quenguam predicare. . . . Nulla ambiguitas est, majorem esse Patrem. Nulli potest dubium esse, Patrem honore, dignitate, claritate, maiestate, & ipso nomine Patris majorem esse Filio, ipso testante: Qui me misit Pater, major me est. Et hoc Catholicum esse, nemo ignorat, duas Personas esse Patris, & Filii. Majorem Patrem, Filium subiectum cum omnibus his, quæ ipsi Pater subiecit. Hanc secundam Sirmiensem formulam planè hæreticam esse, & Arianam blasphemiam continere, nemo non videt. Quapropter eam inferbit S. Hilarius *lib. de Synodis: Exemplum Blasphemiam apud Sirmium.**

per *Ofium*, & *Potamium conscripta*,

XX. Verùm Semi Arianorum mentes, erroris vento circumferente (secundà formulà rejectà) tertia condita est Sirmii quidem, non in Synodo, sed in paucorum Episcoporum conventu anno 359. & ad Concilium Ariminense à suis auditoribus perlata, ut tanquam Fidei regulà acceptaretur. In eà referente S. Athanasio lib. de Synod. col. 721. fatebantur, Filium natum unigenitum, solum ex solo Patre, Deum de Deo, similem Patri suo, qui eum genuit .... ejus generationem nemo novit, nisi solus qui ipsum genuit, Pater. Et inferiùs: nomen autem substantia, quod simpliciter à Patribus positum, à populisque minimè intellectum offensivæ causa sit: quod etiam in Scripturis non contineatur, de medio tolli, & nullam omnino substantiam mentionem in Deo deinceps faciendam esse placuit .... Patri autem Filium secundum omnia similem dicimus. Quis periclit, auctorum vassities deprehensa est, subdit S. Athanasius: Episcopis enim (qui Ariminensi Synodo aderant) proponitur, ut Ariana cum aliis hæresibus anathemate damnarentur, acquiescentibus omnibus, abnuenerunt Ursacius, & Valens cum sociis: atque demùm convertum est, illos non sincero ea scripsisse animo, sed ut ea, quæ Nicæa acta fuerant abrogarent, eorumque loco nefariam inducerent hæresim.

His ergo suppositis, in quæstionem verti solent: an præfatis Sirmienensibus formulis subscripserint duo viri aliàs Arianorum hostes insensissimi, nimirum Osius Cordubæ in Hispania Episcopus; & Liberius Romanus Pontifex. Rursus: cui ex illis subscripserint: an primæ sensum Catholicum præferenti; an secundæ, aut tertiz hæreticum sensum continentibus?

#### §. I V.

De asserto Osi, & Liberii lapsu.

XXI. Osius Cordubensis Episcopus, qui Synodo Nicænæ, ut Legatus Silvestri Romani Pontificis præfuit; qui unà cùm Legatis ejusdem Rom. Pontificis insardicensi primas partes gessit; qui Concilio Gangrensi, aut præfuit, aut

saltem interfuit; qui demùm tantam pro fide Catholicà adversùs Arianos infractio pectore patraverat, ut ab Arianis in Pseudo-Synodo eorum Sardicensi unà cum Athanasio, Marcello, & Julio Papà anathemate damnatus sit; nescio quo fato, nonagenarius (vel centenarius, ut Athanasio placet) uni ex Sirmienensibus Arianorum præfatis formulis subscripsisse perhibetur, & hoc factò senectutem suam sèdasse. Hoc apud Historicos, ut certum habetur: cui verò ex illis subscripserit, an primæ, an secundæ in quæstionem vocatur.

XXII. Liberius item, qui in Romanà Sede Julio I. successit anno 352. qui ab Imperatore Constantio Ariano sollicitatus ad damnationem Athanasii, & fideli Nicænæ, exilium, ni faceret, comminante, illas cedro dignas voces respondisse refertur à Theodoretò lib. 2. hist. cap. 16. *Leges Ecclesiasticas observare pluri faciendum censet, quàm Roma domicilium habere*, quæ propter in exilium Bærzam Thraciæ amandatus est. Is, inquam, vix in exilio biennium transegerat, cùm tedio victus, ac impotenti desiderio recuperandæ Sedis æstuans, oblata sibi ab Arianis Sirmienfi formulæ, ac simul (fractà penitus constantiâ, sui quemet oblitus) Athanasii damnationi subscripsit. Cui verò Sirmienfium formularum subscripserit, dubium est.

XXIII. Dico primò. Probabilius est; Osius Cordubensem Episcopum Ariana impietati in secundâ formulâ Sirmienfi, ut supra æxaratæ, vi compulsus manu saltem subscripsisse: factum tamen, ante mortem retractasse, omnemque erroris suspicionem absterxisse. Duas habet partes hoc assertum.

Prima probatur ex S. Hilario libro de Synodis, ubi secundum Sirmienfem formulam sic inscribit: *Exemplum blasphemiam apud Sirmium per Osum, & Potamium conscripta*. Et eodem libro circa finem exhortans ad non tacendum de Homousion, vel de Homousio: *oro vos* (inquit) *ne quisquam alius ex his, præter senem Osum, & ipsum illum nimium sui sepulchri amantem, reperiat, qui tacendum existimet de utroque*. Formula autem, quæ decretum erat tacendum de Homousion,

Y a &

& de *Homo* fuit secunda Sirmienfis, ut ostendi; ergo fentit Hilarius, isti *O*-*lium* subscripsisse.

XXIV. Secundò. Hoc idem suadet *Au-*  
*thoritas S. Athanasii Episc. ad Solitarios*, seu  
*Monachos*, qui *O*si lapsum referens, ait,  
quòd Constantius, *O*si Neque *fenestru-*  
*tem* (centenarius quippe erat) venerat  
us.... Tantam *feni vim* intulit, tan-  
diu illum detinuit, ut malis oppres-  
sus, vix tandem cum *Valente*, & *Ursa-*  
*cio* communicaret; neque tamen subscri-  
beret contra *Athanasium*. Sed eam rem  
minimè neglexit *fenex*; instante quippe  
morte vim *ibi* illatam, quasi testamento  
aclaravit; *Arianamque*, *heresim* *serius*  
*anathemate*, *vetuitque*; ne quis illam  
reciperet. Quibus & *O*si culpam, & reli-  
pientiam describit.

XXV. Tertio accedit testimonium *Socra-*  
*tis*, qui hoc factum referens lib. 1. hist.  
cap. 31. ait: Tunc verò studio, atque im-  
pulsu eorum, qui *Sirmum* conveniant,  
Imperator (Constantius) illos eum (*O*siu)  
evocavit, volens, ut vel spontè, vel con-  
tusus cum *Episcopis*, qui aderant consen-  
tiret. Hoc enim factò illorum fidei ma-  
ximum testimonium videbatur accedere.  
Hanc igitur ob causam necessitate compul-  
sus, ut dixi, adfuit invitus. Sed cum  
ille consentire renueret, verbera, & tor-  
menta inflixerunt *Seni*. Itaque vi, &  
necessitate adactus, editis tum fidei ex-  
positionibus consensit, atque subscripsit.

XXVI. Secunda verò pars, nempe,  
quod postea errorem retraxerat constat,  
tùm ex dicto *S. Athanasio* mox laudato,  
qui proinde, eo jam defuncto, semper  
honorificè, ut de viro Sancto loquitur;  
quod certè non faceret, si eum in hæ-  
resim mortuum credidisset. Tùm etiam ex  
facto comprobatur: cum enim *O*sius for-  
mulæ Sirmienfi vi, ac metu adactus con-  
senserit, statim credibile sit, quòd li-  
bertati restitutus, consensum præstitum  
ejuraverit.

XXVII. Neque refert, quòd *Faus-*  
*tinus*, & *Marcellus* in libello, quem  
*Theodosio* Imperatori porrexerunt, as-  
serant, *Gregorium Illiberitanum* *Epis-*  
*copum* noluisse cum *O*si ab exilio rever-  
tente communicare, & *O*siu ob id *Gre-*  
*gorii* depositionem tentasse; at tentatam,

cùm vellet exequi, capite & ore diffor-  
tis, in terram à sede suà (Deo vindice)  
dejectum, atque elisum, repentè occu-  
buisse. Cui narrationi suffragatur *S. Iu-*  
*dorus Hispalensis lib. de viris Illustribus*  
cap. 14.

Non inquam refert. Nam nec *Faus-*  
*tinus*, & *Marcellinus* testes sunt, qui si-  
dem mercantur. Tùm quia Presbyteri  
*Luciferiani* erant, fuminoque odio ac-  
censi in *O*siu, aliosque *Episcopos*, qui  
in *Constantii* persecutione lapsi erant;  
aded ut cum ipsis communionem inire,  
noluerint, & maluerint ab Ecclesia nefario  
Schismate dividi, quàm cum eis re-  
conciliari. Tùm quia libellus *Theodosio*  
ab illis oblatu convitus refertus est, ne-  
dum contra *O*siu, sed & contra *Atha-*  
*nasium* ipsum. Cùm ergo *S. Athanasius*,  
ut vidimus, *O*si retractationem testetur,  
plus isti credendum est, quàm viris *Schis-*  
*maticis*: eò vel maximè, quòd *O*si in-  
felicem obitum, si verus fuisset, *S. Atha-*  
*nasius* non siluisset; cùm hoc non leve  
argumentum contrà *Arianos* ei submini-  
strasset.

Liber autem ille de *Viris Illustribus* *S.*  
*Iudori* Hispalensis sctus non est; ejus  
enim non meminit *S. Ildephonsus*, qui in  
libro de *Viris Illustribus* omnia ejus opera  
recenset. Ex lacunis ergo *Luciferianis*  
extractus est cum suà fabulà liber ille.

XXIX. Dico secundò. *Liberius Pont.*  
*Rom.* non subscripsit secundæ formulæ  
Sirmienfi, sed primæ. Probatur primò.  
Formula, cui subscripsit *Liberius*, quam-  
que ad ipsum tulit *Demophilus* (teste  
*S. Hilario fragmento 61.*) fuit conscripta  
à *Narcisso*, *Theodoro*, *Basilio*, *Eudoxio*,  
*Demophilo*, *Cecropio*, *Silvano*, *Ursacio*,  
*Valente*, *Evagrio*, *Hyrenio*, *Exuperan-*  
*tio*, *Terentiano*, *Basso*, *Gaudenzio*, *Ma-*  
*cedonio*, *Martho*, *Africo*, *Julio*, *Surino*,  
*Simplicio*, & *Juniore*, qui numero 11.  
sunt: atqui (teste eodem *S. Hilario*, lib.  
de *Synodis num. 11.*) secunda Sirmienfis  
formula edita anno 357. quam ipse vocat  
*exemplum blasphemum apud Sirmium*, fuit  
conscripta à solis quinque, nimirum *O*siu,  
& *Potamio*, *Valente*, *Ursacio*, & *Germi-*  
*nio*; ergo formula, cui subscripsit *Libe-*  
*rius*, non fuit secunda, quæ à paucis edi-  
ta fuit, sed prima edita in plena Synode

an-

anno 338. Accedit, quod inter supra-  
numeratos auctores formulæ à Liberio ac-  
ceptæ, non recensentur nec Germinius,  
nec Osius, nec Potamius, qui tamen à S.  
Hilario inter Auctores secundæ formulæ  
recensentur.

XXX. Secundò probatur. Liberius  
statim ac formulæ subscripsit, litteris ad  
eos datis, certiores fecit Orientales, di-  
cens: *Fidem vestram, & Catholicam...*  
*qua Sirmio à pluribus Fratribus, & Coe-*  
*piscopis nostris tradita, exposita, & sus-*  
*cepta est... libenti animo suscepi: at si*  
*suscepisset secundam formulam, apud*  
*Orientales dicere non potuisset suscepi*  
*fidem vestram; nam secunda à solis Occi-*  
*dentalibus, Ursacio, Valente, Germi-*  
*nio, Potamio, & Osió exposita est, ut di-*  
*xi, ac proinde non poterat Orientalibus*  
*dici fidem vestram. Multò minus illis pote-*  
*rat dici Catholica, quæ vix Sirmium e-*  
*gressa est, cum eam omnes Orientales,*  
*etiam Semi-Ariani aversati sint: unde in*  
*Synodo ipsorum Ancyrano, anno 338,*  
*duodecim anathematismos ei planè con-*  
*trarios ediderunt, ex quibus duodecim,*  
*S. Hilarius, lib. de Synodis recenset, quos*  
*ad Constantium Sirmii tunc morantem,*  
*transmiserunt, qui propterea secundam*  
*Sirmiensem formulam solemnè edicto re-*  
*probavit: ac eà occasione Marcius Are-*  
*thusus, qui cum aliquot Episcopis tunc*  
*erat in comitatu, tertiam illam formu-*  
*lam Sirmiensem dictavit, quàm superius*  
*indicavimus. Minus etiam dicere pote-*  
*rat Liberius, fidem, quàm susceperat*  
*fuisse Sirmii expositam à pluribus fratri-*  
*bz & Coepiscopis; cum, ut superius ob-*  
*servatum est, secunda formula à solis*  
*quinque fuerit exarata, inter quos, cum*  
*non fuisset Demophilus, neque dicere*  
*potuisset, eam sibi fuisse oblatam à De-*  
*mophilo.*

XXXI. Tertio. Nucusque dicta con-  
firmat Sozomenus lib. 4. hist. cap. 23. ubi  
factum hoc narrans ait, quod, cum Con-  
stantius Liberium Beræ ad se accessisset,  
cepit eum compellere, ut Filium Patri  
non esse consubstantialium profiteretur. In-  
stabant, & Imperatorem ad hoc impelle-  
bant, Basilium, Eusebium... Qui eum  
ea, quæ contrà Paulum Samosatensem, &  
contrà Photinum Episcopum Sirmii, acce-

ta fuerant, ac præterea Sedi formulam in  
dedicatione Antiochenis Basilica editam,  
in unum tunc Libellum coniecerunt...  
effecerunt, ut Liberius, & Athanasius  
&c. ei formula consentirent... Sed &  
confessionem à Liberio viciissim susceperunt,  
quæ eor, qui Filium secundum substan-  
tiam & per omnia Patri similem non esse,  
assererent, alienos ab Ecclesia pronuncia-  
bat. Deinde subdit, quod hisce concessis  
Imperator Romanæ redeundi potestatem Li-  
berio concessit. Ex his dico sic. Liberius,  
Constantio, & Semi-Arianis impellenti-  
bus, eam formulam Sirmii approbavit,  
cui Beræ sibi à Demophilo oblata sub-  
scripserat; nec enim credibile est opposi-  
tum, cum Constantius Liberium Sirmium  
ad se accersiverit, ut eam, quam Beræ  
susceperat fidem, coram confirmaret;  
atqui fides, quam Sirmii confirmavit, &  
ob quam Romanæ remissus fuit, non fuit  
contenta in secundâ Sirmienfi formulâ,  
sed in primâ: fuit enim illa, quæ edita  
fuerat anno 331. contrà Photinum, & an-  
341. in Synodo Antiochena; in quibus,  
& si nihil sit de consubstantialitate Filii,  
asseritur tamen similis Patri per omnia.  
Rursus: fides, quam Liberius probavit  
Sirmii, anathema dicit ei, qui Filium se-  
cundum substantiam per omnia Patri simi-  
lem non assereret, quod est directè secun-  
dæ formulæ Sirmienii contrarium; ergo  
evidens est, formulam, cui Liberius  
subscripsit, & quam Sirmii Liberius pro-  
bavit, non fuisse Sirmiensem secundam,  
sed primam.

XXXII. Sed dices primò. Ibi formu-  
læ Liberius subscripsit, quæ sperabat, se  
ab exilio revocandum, ac suæ Sedi res-  
tituendum fore, sicut de facto fuit revoca-  
tus, & restitutus; atqui hoc sperare non  
poterat, nisi subscriberet secundæ for-  
mulæ, quæ sensum Ariarum exprime-  
bat; ergo &c.

Retorquo instantiam. Ubi Liberius  
Beræ exul formulæ fidei subscripsit à De-  
mophilo sibi oblatæ, non est propterea  
ab exilio revocatus; sed oportuit, ut suis  
litteris rogaret Orientales, & Occiden-  
tales, ad hoc, ut ei apud Imperatorem  
creditum ad suam Ecclesiam intercede-  
rent, quæ leguntur apud D. Hilar. in  
fragmento 6. & rursus oportuit, ut Sic-

mii coram Imperatore se sisset, & iterum confessionem fidei repeteret, ut ex Sozomeno vidimus; at qui si secundam formulam Sirmienensem planè Arianam probasset, hæc omnia statim confectus fuisset; nihil enim ampliùs erat Constantio, & Arianis à Liberio expetendum; ergo non subscripsit secundæ formulæ Sirmienensii Liberius.

XXXIII. Respondeo igitur, negando min. neque enim Constantius, neque Semi-Ariani, quibus impensè favebat, à Liberio expetebant, ut secundæ Sirmienensii formulæ neganti æquè *homousion* ac *homousion*, & propterea errorem Anomæorum continenti subscriberet; vix enim edita, & ab Orientalibus audita formula illa, eis caput displicere; adeò ut (referente Socrate lib. 1. Hist. cap. 30.) Imperiali edicto quotquot reperiri poterunt ejus exemplaria recepta fuerint, ac suppressa. Solùm ergo, & Constantius, & Semi-Ariani à Liberio extorquere conabantur, ut *homousio* & cum Athanasio communioni renunciare; unde cum utrumque obtinuissent, primæ formulæ subscriptione, & apertâ Athanasii damnatione, Liberium dimiserunt.

XXXIV. Dies secundò. Formulam, cui subscripsit Liberius, *libro fragmentorum* vocat S. Hilarius *perfidia Ariarum*; & ob eandem, ei anathema dicit ter Hilarius: *Anathema* (inquit) *tibi à me dictum, Liberi, & sociis tuis. Iterum tibi anathema, & tertio prævaricator Liberi*. Atqui S. Hilarius, nec vocasset Arianam perfidiam, nec anathema dixisset Liberio, si primæ formulæ Sirmienensii subscripsisset, hanc enim lib. de Synodis tanquam Catholicam admittit, & exponit; ergo &c.

XXXV. Respondet primò, non esse inverisimile, verba illa, quibus Liberius ad Orientales Epistola apud Hilarium. intercipitur, & quadam parentesi ab aliis secernuntur, non esse reverà S. Hilarii, sed irreptitia. Cum enim Liberius vix ab Arianis elapsus, ac libertati restitutus, prius ignavia labem delevisset, suæque constantiæ in tuendâ Nicænâ fide toti Orbi testimonium dederit; maxime adversus Ariminense conciliabulum, quod nullis artibus adduci potuit, ut confirma-

ret, ut testatur Damasus in Epist. ad Illyrici Episcopos apud Theodoretum lib. 1. hist. cap. 22. nimium iniquus videretur in Liberium S. Hilarius, si ipsi anathema velut Apostatæ, & prævaricatori dixisset in libro Fragmentorum, quem post Ariminense Concilium scripsit.

Hanc suspitionem magis firmo: quia, in eodem fragmentorum libro *fragment.* 4. asseritur quædam Epistola Liberii nomine ad Orientales data ante exilium, in qua scribit, se communionem suâ privasse S. Athanasium; quam Epistolam S. Hilarius ornat hoc elogio: *Quid in his litteris non Sanctitatis, quid non ex metu Dei eveniens est?* Certum autem est, Liberium ante exilium Athanasium non damnassee; inò quia Athanasium damnare noluit, si se ex parte exilii sui causam. Certum quoque illud elogium Hilarii non esse. Sicut ergo credibile est, Epistolam illam ab Arianis confictam esse, & elogium Epistolæ plaudens; ita credibile est, verba illa Hilarii dicentis Anathema Liberio, non esse Hilarii, sed in librum fragmentorum intrusa.

XXXVI. Respondeo secundò, negando min. cum enim S. Hilarius fidei Nicænæ adeò adhaereret, ut omnem aliam Orientalium fidem postea editam reprobarer, unde lib. contra Constantium: *Quidquid* (inquit) *apud te præter fidem unam est, perfidia, non fides est; consequens est, eum, etiam primam Sirmienensem formulam, quæ præter Nicænâ erat, perfidiam vocare potuisse.* Ego autem eam laudaverit, ut ab Arianis conditam, potuit tamen eam carpere, ac reprehendere ut à Liberio firmatam. Etenim sicut illi digni sunt laude, qui à malo ad bonum sensum accedunt; ita qui à bono deficiunt, meritò vituperandi sunt. Porro Orientalibus, qui Filium ex nihilo, & intra tempus exstitisse priùs asserabant, postea à Sirmienensii fide Ancyranis decretis illustratâ, eundem ante tempora, & ex Dei substantiâ prodiisse, confiteri, ad veram fidem proficere, & quodammodo Catholicos evadere fuit, ac proinde laude dignum. E contra Liberio, qui Sirmienensii fidei confessione, etiam errorem non profiteretur, Sanctam tamen consubstantialis fidem suppressit, à verâ fide de-

fecit.

ficere quodammodo fuit, & hæreticę perfidie adulando, à verâ fide prævaricare, videri poterat; eò vel maximè, quia cum Sirmienfis fidei confessione Athanasii damnationem conjungebant, cujus causa cum fidei causâ tunc temporis connexa, esse videbatur; & eò magis, quia post susceptam fidem, cujus Auctores hæretici erant, cum eis communionem apertè profiteretur. Qui autem cum hæreticis communicat, & credendi legem ab ipsis pravo sensu conditam, licet sano intellectu suscipit, Catholicus quidem fide, & interiori conscientia esse potest; suspicio tamen & rumore publico, ut hæretici haberi potest; & in hoc sensu loquebatur Hilarius.

In hoc sensu quoque locutus est S. Hieronymus, dum de *viris Illustribus cap. 97. de Fortunatiano* Aquileensi hæc scribit: *In hoc habetur detestabilis, quoddam Liberium Romana Urbis Episcopum pro fide, ad exilium pergentem primus sollicitavit ac fregit, & ad subscriptionem hæreseos compulsi.* Et in Chronico: *Liberius* (inquit) *radio viduus exilii in hæreticam pravitatem subscribens, Romam quasi viduus intravit.* Hæresis enim subscripsisse dicit Liberium, non quia formulæ in se hæresim continenti subscripserit; sed quia formulæ ab hæreticis editæ, hæreticis instigantibus subscripsit, & cum eis Athanasio damnato, pro quo causa fidei stare videbatur, cum hæreticis palam communicabat: quo peccavit peccato scandalii, maximè cum esset supremus Pastor, atque in eum omnium oculi essent intenti.

XXXVII. Non esse autem mirandum, si S. Hilarius, Hieronymus, & alii Liberium, ut anathema, ut Apostatam, ut prævaricatorem, & hæreticum (quamvis reverà non fuerit) damnaverint, eo tempore, quo omnia confusione, omnia suspitione plena erant, testatur idem S. Hilarius in libello, quem obtulit Imperatori Constantio, dicens: *Conseci nobis invicem sumus, post Nicani conventus Symmachum nihil aliud, quam Eadem scribi. Dùm in verbis pugna est, dùm de novitatibus questio est, dùm de ambiguis occasio est, dùm de auctoribus querela est, dùm de iudiciis certamen est, dùm in consensu diffi-*

*cultas est, dùm alter alteri anathema esse capit: propiã jam nemo Christi est. Incerto enim doctrinarum vento vagamur; & aut dùm docemur, perturbamur, aut dùm docemur, erramus. Jam vero proximi anni fides, quid jam de immutatione in se habet? Primum qua hominibus decernit taceri: sequens rursum, qua hominibus decernit, & prædicat: tertium deinceps, qua Usam simpliciter à Patribus præsumant per indulgentiam excusat; postremum quartum, qua non excusat, sed condemnat. Et quò tandem processum est, ut neque penes nos, neque penes quemquam ante nos, Sanctum exinde aliquid, atque inviolabile, perseveret Gre. Et inferius: Annuat, atque mensuras de Deo fides decernimus, decretis panitemus, panitentes defendimus, defensores anathematizamus, aut in nostris, aliena, aut in alienis nostra damnamus, & mordentes invicem, jam absumti sumus ab invicem. Fides deinde quaritur: quasi fides nulla sit. Fides scribenda est: quasi quasi in corde non sit Gre. His, aliisque lugendum Ecclesię sui temporis statum. Constantio exponebat Hilarius, anno 360, in libello ipsi oblato, dùm Constantinopoli versaretur, ut extremum imminens fidei periculum averteret. Quid ergo mirum (iterum dicam) si in tantâ exundantis Ecclesię tempestate, Liberius quoque notâ heresis, quam reverà non subierat, à pluribus innoteret?*

#### DUBIUM IV.

##### De Divinitate Spiritus Sancti.

##### §. I.

##### Hæresis Macedoniana.

**L** Imisiss Arianis, contra quos multum quidem, non tamen, plus æquo, hædèns contendimus, transimus ad Macedonianos. Quamvis enim ex Arii principiis sequeretur, Spiritum Sanctum, sicut & Filium, non esse Deum; cum tamen id Arius apertè non protulerit; nec Alexandrina Synodus, nec Nicæna prima, in quibus solemniter damnatus est, hujus hæreseos meminere. Quod tamen apertè Arius non

non docuerat, palam deinceps asseruerant ejus discipuli. Primò Aetius, & illius Auditor Eunomius, de quibus S. Augustinus lib. de hæres. cap. 34. *Aetiani (inquit) ab Aetio sunt vocati, iidemque Eunomiani ab Eunomio Aetii discipulo, quo nomine magis innotuerunt; Eunomius quippe in Dialéctica prævalens, acutior, & celebris defendit hanc hæresim, dissimilem per omnia Patri asserens Filium, & Filio Spiritum Sanctum.* Id quoque Ariani omnes, & etiam Semi-Ariani, qui Filium, similis quidem substantiæ, non tamen ejusdem assererant, aperte tuebantur.

II. Qui verò hunc errorem apertius divulgavit, ac fecit suum, fuit Macedonius Arianorum partium sectator, ex Concilio Tyrio Arianorum anno 335. contrà S. Athanasium congregato, ad Constantinum Imperatorem Legatus. Is à Sede Constantinopolitana Paulo viro Catholico deturbato ab Ariano in ejus locum intrusus fuit, Ariano Antifistiti, Ariano Imperatore Constantio favente. Sed cum usus fuisset, eo inconsulto, & magnà populi multitudine relincente, Cadaver Constantinianum ex Apostolorum Basilicâ in aliam transferre, ob quod, seditione factâ, multæ crædes secutæ fuerunt; indignatus Imperator Constantius, eum in Conciliabulo Constantinopolitano deponi jussit anno 350. ut refert Socrates lib. 2. *hist. cap. 30. & 31.* ei successit Exodius Antiocheno, viro similiter Ariano.

III. Statim ac Episcopatu abdicatus fuit Macedonius, novam hæresim spargere cæpit; nimirum, Spiritum Sanctum non ejusdem cum Patre, & Filio honoris participem, sed utriusque esse ministrum, & creaturam. Hinc hujus hæresis sectatores à Græcis *Pneumatomachi*, idest Spiritus Sancti impugnatores, appellati sunt. Contigit hoc circa anno 360. Hæresis tamen hæc, vix nata, damnata fuit in Synodo Alexandrina, post seditionem S. Athanasii celebratâ anno 361. Deinde in Synodo Illyrici anno 367. Tertiò in Synodo Romanâ sub Damaso paulò post convocatâ. Quartò in altera Synodo Romanâ sub eodem Damaso; de quibus Theodoretus lib. 2. *hist. cap. 22. & lib. 3. cap. 22.* Tandem in Synodo Nicæ-

nicâ secundâ, quæ fuit Constantinopolitana prima anno 381. Damasi Pontif. 15. Imperantibus Valentino, ac Theodosio Magno, & Gratiano, *Kalendaris Maii.*

Nedum autem Concilia Macedonio, ejusque errori anathema dixerunt, sed & Patres illius seculi adversus ipsum calumum strinxere. Primò Invisus Trinitatis assertor S. Athanasius *epist. ad Serapionem.* Deinde S. Epiphanius *hæres. 74.* Tertiò S. Basilus lib. ad *Ambrosium Leonii Episcopum.* Scripsit quoque S. Gregorius Nyssenus lib. de *SS. Trinitate*, & contrà adversarios Spiritus Sancti ad *Eustachium.* Sanctus denique Ambrosius tribus libris de *Spiritu Sancto* Gratiano Augustino nuncupatis.

IV. Eto autem Macedonius, utpotè primò arianus, malè senserit, de Divinitate, nedum Spiritus Sancti, sed etiam Filii; Macedoniani tamen (saltem non omnes) de Filii divinitate malè non senserunt. Ita S. Augustinus libro de *hæresibus cap. 52.* ubi ait: *Macedoniani; sunt à Macedonio, quos & Pneumatomachos Græci dicunt; eò quod de Spiritu Sancto litigent. Nam de Patre, & Filio rectè sentiunt, quòd unus sint, ejusdemque substantia, vel essentia: Sed de Spiritu Sancto hoc nolunt credere, creaturam eum esse dicentes. Hoc potius quidam Semi-Arianos vocant, quòd in hac questione ex parte cum illa sint ex parte nobiscum.* Unde lib. 2. contra Maximinum cap. 23. Arianos sic arguit: *Quapropter si Macedoniani hæretici essetis, qui de solo Spiritu Sancto Catholica Fidei consentire doctressant, Patrem verò, & Filium quidem esse, idest illum Patrem, illum Filium, & aequalis esse, atque unus, ejusdem substantia, nec tamen duos Dominos Deos, sed ambos simul unum Dominum Deum esse consentiens: Si ergo & vos saltem hactenus erraretis, non utique his divinis vocibus urgeremini. Patrem quippe, & Filium assereretis unum Dominum Deum dixisse, non est alius præter me. Ita S. Augustinus. Catholicam ergo veritatem etiam de Spiritu Sancto contra istos statuamus.*

§. I. I.

*Spiritus Sancti Divinitas ex Scripturis.*

V. **D**ico . Spiritum Sanctum verum . Deum esse Scripturæ testantur . Probatur . Scriptura Spiritui Sancto tribuit absolute nomen Dei , & insuper ea , quæ solius Dei propria sunt ; ergo &c .

Antecedens pro prima parte probatur . Spiritus Sanctus dicitur Deus *act. 5. v. 3. & 4.* ubi S. Petrus increpans Ananiam , eò quod mentitus esset Spiritui Sancto , rationem reddit dicens : *Non es mentitus hominibus , sed Deo .* Hoc textu ad probandum Spiritum Sanctum esse Deum utuntur Basilii *lib. 5. contra Eunom.* Et *lib. de Spiritu Sancto cap. 16.* Nazianzenus *orat. 37.* S. Ambros. *lib. 1. de Spirit. Sanct. cap. 4.* Et *lib. 3. cap. 10.* Et alii . Unde S. August. *lib. 2. contra Maximin. cap. 11.* ait post relata verba : *Atque ostendens Deum esse Spiritum Sanctum , non es , inquit , hominibus mentitus , sed Deo .*

VI. Rursus : Dominus Deus exercituum , qui *Isaia 6. v. 9.* dicitur locutus : *Audite audientes , & nolite intelligere :* accipitur à Paulo ( *act. 18. v. 25. 16.* ) pro Spiritu Sancto : Quia bene Spiritus Sanctus locutus est per *Isaiam Prophetam ad Patres nostros , dicens : Vade ad Populum istum , & dic ad eos : Aure audietis , & non intelligetis .* Idem ergo est ex Paulo Dominus Deus exercituum , ac Spiritus Sanctus . Videtur S. Gregorius Nyssenus *lib. 1. contra Eunom.* S. Basilii *lib. 5. contra eundem :* ubi considerans quoddam eadem verba , quæ locutus est Dominus Deus exercituum , ab *Isaia* applicantur Patri ; à Joanne Evangelista *cap. 12. v. 40.* Filio , à Paulo verò Spiritui Sancto , pulcherrimè , ait : *Propheta inducit Patris . in quam Judæi credabant , Personam , Evangelista , Filii : Paulus , Spiritus , illum ipsum qui visus fuerat , unum Dominum Sabaoth communiter nominantes . Sermone quem de hypostasi instituerunt , distinguere , indistinctam manente in eis de uno Deo sententiã .*

VII. Tertiò . Idem Apostolus 1. Cor. 12. percensens Spiritus Sancti dona , ea

*Tom. IV.*

promiscuè Deo , ac Spiritui Sancto velut Auctori tribuit : *divisones verò* ( inquit *v. 4.* ) *gratiarum sunt , idem autem Spiritus .* Et *vers. 6. divisiones operationum sunt , idem verò Deus , qui operatur omnia in omnibus .* Quibus sigillatim commemoratis , ita concludit *v. 11.* *Hæc autem omnia operatur unus , atque idem Spiritus , dividens singulis , pro ut vult . Docens ( ait D. Athanas. lib. de Trinitate & Spiritu Sancto ) operationem Dei esse Spiritus Sancti .* Et *lib. de Incarnatione , & contra Arianos* ait : *& Postquam dixit , Patrem operari omnia in omnibus , paucis interjicit , ait : Spiritum Sanctum operari omnia in omnibus .* Videri potest idem S. Doct. *Epist. 1. ad Serapionem :* ubi allato etiam Pauli dicto 1. cor. 13. v. 13. *Gratia Domini nostri Jesu Christi , & caritas Dei , & communicatio Sancti Spiritus sit cum omnibus vobis ,* subdit : *Ex his igitur una Trinitatis efficientia , esse ostenditur . Nec enim diversa , & diversa dari à singulis significat Apostolus , sed ea , quæ dantur , in Trinitate dari , omnique ex uno Deo esse &c .*

VIII. Quarta . Hoc probant Christi Verba *Joann. 15. v. 16.* *vocantis Spiritum Sanctum Spiritum veritatis , qui à Patre procedit .* Sicut ergo Macedoniani Filium Deum esse non negabant , ejusdemque naturæ cum Patre fatebantur , quia ex Deo procedit : cur etiam ejusdem substantiæ non erit cum Patre Spiritus veritatis , qui à Patre procedit ? Si Verbum Dei Deus est , cur Spiritus Dei Deus non est ? Sicut creata dici non potest sapientia , quæ ex ore Dei procedit , nec Verbum , quod eructatur ex corde . . . ita , etiam creatus non potest Spiritus assimilari , qui ex ore dei funditur . Ita S. Ambros. *lib. 1. de Spiritu Sancto cap. 7.* & *Paschasius lib. 1. de Spiritu Sancto cap. 12.* notat , Christum non dixisse : *Qui à Patre creatus est ; sed à Patre procedit . id est de paterna societate potentia , & de proprietate natura .*

IX. Secunda verò pars antecedentis ; quod Spiritui Sancto convenient ea , quæ solius Dei sunt propria , probatur primò . Quia Testamentum habere solius Dei est : at Spiritus Sanctus habet templum ; nam 1. cor. 3. v. 16. fideles Templum Spiritus

Z

tus



## 178 *Questio I. De Sanctiss. Trinitatis Existentia.*

tus Sancti dicuntur: *nescitis, quia Templum Dei estis, & Spiritus Dei habitat in vobis?* Et subinde *cap. 6. v. 19. An nescitis quoniam membra vestra Templum sunt Spiritus Sancti, qui in vobis est?* Ex quibus S. Athanasius Epist. 1. ad Serapionem sic arguit: *Sed si Spiritus Sanctus res creata esset: nulla sanè Dei communicatio nobis in ipso esset, sed rei creata conjunge emur; ergo si cum Spiritus Sanctus habitat in nobis, Templum non folius Spiritus Sancti, sed Dei dicimur; & cum Deo conjungimur, idem est Spiritui Sancto conjungi, ac conjungi Deo, etsequè Templum, in quo habitat Deus.*

Sanctus autem Augustinus (*Collatione cum Maximin. Arian. circa medium*) observans, nos, dici à Paulo, Templum, non solum Dei, sed etiam Spiritus Sancti, ait: *Si Deus Spiritus Sanctus non esset, Templum utique nos ipsos non haberet. . . . Nonne si templum alicui Sancto Angelo excellentissimo de lignis, & lapidebus faceremus, anathemaremur à veritate Christi, & ab Ecclesia Dei; quoniam creatura exhiberemus eam servitutem, qua uni tantum debetur Deo; Si ergo Sacerilegi essemus faciendo Templum eicuiusque creatura; quomodo non est Deus verus, cui nos Templum facimus, sed nos ipsi Templum sumus?*

X. Secundò probatur eadem secunda pars ex eodem Paulo 1. ad Cor. cap. 2. v. 10. & 11. Nobis autem revelavit Deus per spiritum suum: Spiritus enim omnia scrutatur, etiam profunda Dei. Quis enim hominum scit, quæ sunt hominis, nisi Spiritus hominis, qui in ipso est? Ita & quæ Dei sunt, nemo cognovit, nisi Spiritus Dei. Ex quibus Patres colligunt, Spiritum Sanctum esse Deum, & ejusdem cum eo substantiæ, hoc discursu. Dei arcana cognoscere, & profunda scrutari, creata res nulla potest, saltem naturaliter; quemadmodum nemo naturaliter novit interna hominis, nisi Spiritus hominis, qui in ipso est; ergo quemadmodum Spiritus hominis, qui naturaliter novit profunda, & secreta hominis, intraneus est, ac ejusdem substantiæ cum homine, non extraneus; ita Spiritus, qui cognoscit profunda Dei, sicut Spiritus hominis profunda hominis, à Deo alienus, etique extraneus non est,

sed ejusdem substantiæ cum Deo, & Deus est: An non summa impietatis fuerit dicere, rem creatam esse Spiritum, qui in Deo est, & qui profunda Dei scrutatur? Nam qui cā mente est, fateri utique cogetur, spiritum hominis extra hominem esse, & Verbum, quod est in Patre, rem item creatam esse. Ita Sanctus Athanasius Epist. 1. ad Serapionem num. 11. Videte S. Ambrosium lib. 1. de Spiritu Sancto cap. 11.

XI. Tertio probatur eadem secunda pars. Sanctificare homines, adoptare, remittere peccata, insuper creare, ita propria Dei sunt, ut nulli creaturæ veluti auctori principili tribui possint; at hæc omnia in sacris litteris Spiritui Sancto tribuuntur; ergo &c. Major pro prima parte probatur. Tum Rom. 1. v. 4. ubi vocatur Spiritus Sanctificationis. Rom. 8. v. 15. Spiritus adoptionis. Hebræorum 10. v. 10. Spiritus gratia. Act. 10. v. 45. In nationes gratia Spiritus Sancti effusa dicitur, Rom. 5. v. 5. Obvius Dei diffusa dicitur in cordibus nostris per Spiritum Sanctum, qui datus est nobis. Ad Titum 3. v. 5. 6. Salvos nos fecit per lavacrum regenerationis, & renovationis Spiritus Sancti, quem effudit in nos abundè per Jesum Christum Salvatorem nostrum &c. Quare S. Athanasius Epist. 1. ad Serapionem num. 11. *Paracletus* (inquit) *dictus est & Spiritus adoptionis, Spiritus Sanctimonie & Christi Spiritus. At nunquam vel Angelus, aut Arcangelus, aut Spiritus Ministerii, quales sunt Angeli, appellatus est.* Et S. Ambros. lib. 1. de Spiritu Sancto cap. 5. *creatura* (inquit) *Sancti sicutur; sanctificat autem Spiritus Sanctus. . . . non ergo potest sanctificatio, & corruptela unius esse natura; & ideo non potest gratia Sancti Spiritus, & creatura unius esse substantia.*

Tum etiam: nam Christus Matt. 28. v. 10. baptizari iussit sub hac forma, equaliter cum Patre, & Filio exprimentes Spiritum Sanctum: baptizantes eos in nomine Patris, & Filii, & Spiritus Sancti. Super quæ S. Athanas. Epist. 3. ad Serapionem num. 6. ait: *Quod si Spiritus creatura esset, non cum cum Patre copulasset; ne Trinitas sui ipsi dissimilis esset,*

esset, si extraneum quidpiam, & alienum ipsi adjungeretur. Quid enim Deo deeras, ut quidquam diversa substantia asumeret, & eum illo glorificaretur?

At quia Macedoniani respondebant, Spiritum Sanctum nominari quidem cum Patre, & Filio, sed tertio loco, utpote dignitate, atque ordine inferiorem.

Contra est primo. Nam Filius nominatur secundò loco; & tamen juxta ipsos non est secundus, nec inferior dignitate, & ordine, sed unius substantiæ cum Patre: cur ergo erit inferior Spiritus Sanctus quia tertio loco nominatur? est quidem Trinitatis Persona ordine Tertia: At in quandam naturam tertiam à Filio & Patre ejectum eum fuisse nunquam dicimus (ait S. Basilus lib. 3. adversus Eunomium num. 2.) Nam cum res dua dicantur, Deitas, & creatura, Dominium, & servitus, Potentia sanctificans, & qua sanctificatur, Potentia possit ut suapte naturâ virtutem, & qua eam ex arbitrio comparat; quâ in parte Spiritum locabimus? inter eos qui sanctificantur? At ipse est sanctificatio. At inter eos, qui preclaris, ac egregiis facinoribus virtutem adepti sunt? At bonus naturâ est. An inter eos, qui ministrant? At alii sunt Spiritus ministratorii, qui ad ministerium mittuntur. Non ergo principalem naturâ Spiritum, fas est nobis conservum dicere, neque unâ eum creaturis numerare eum, qui in divina & beata Trinitate pariter numeratur. Ita Basilus.

XII. Deinde quod creare Spiritui Sancto conveniat, habetur Psalm. 32. v. 6. Verbo Domini Cæli firmati sunt, & Spiritu oris ejus omnis virtus eorum. Psalm. 103. v. 30. emitte Spiritum tuum, & creabuntur. Et Job. 26. v. 13. Spiritus Domini ornavit Cælos. Quare S. Athanas. Epist. 3. ad Serapionem num. 5. Cum hoc igitur scriptum sit, manifestum est, Spiritum non esse creaturam, sed in creando adesse. Pater enim per Verbum in Spiritu creat omnia, quandoquidem, ubi Verbum, illic & Spiritus, & quæ per Verbum creantur, habet ex Spiritu per Filium vim existendi. Ita enim scriptum est trigesimo secundo Psalmo: Verbo Domini Cæli firmati sunt, & Spiritu oris ejus omnis virtus eorum. Nimirum ita Spiritus in-

divisus est à Filio, ut ex supradictis nullus sit dubitandi locus.

§. III.

Macedoniani respondetur.

XIII. **O**bjiciebant primò. In Scripturis nullibi legitur, Spiritum Sanctum esse Deum: nullibi esse adorandum; ergo non est Deus.

Respondeo primò, disting. ant. nullibi expressè, ita ut hæc propositio: Spiritus Sanctus est Deus, est adorandus, nullibi in Scripturis legatur, concedo antecedens. Nullibi implicite, & illativè, nego ant. Ex hoc enim, quod Scripturæ eodem modo loquantur de Spiritu Sancto, ac de Patre, & Filio; ex hoc quod ei tribuant, quæ soli Deo conveniunt, ut probatum est, evidenter colligitur, Spiritum Sanctum esse Deum. ejusdem substantiæ cum Patre, & Filio.

XIV. Respondeo secundò, omisso antecedente, negando consequ. Non enim, est necesse, omnia Fidei dogmata in Scripturis exprimi; quoniam ex iis, quæ legimus, aliqua etiam, quæ non legimus, intelligimus. Ita S. Augustinus lib. 2. alijs 3. contra Maximin. cap. 3. Objicis (inquit) mihi, quod dicam, Spiritum Sanctum aequalem esse Filio. Dicò pland. Da, inquit, testimonia, ubi adoratur Spiritus Sanctus. Ut video, hinc eum vir ostendi aequalem Christo, si adoratur ut Christus. Jam ergo confitere Christum Patri aequalem, quem tu ipse adorari confiteris ut Patrem. Quales autem homines esset, quàm religiosa humilitatis, qui Spiritum adorare non vultis, eum legatis, Littera occidit, Spiritus autem vivificat. Non vultis ergo adorare, quem vivificare animas non negatis, eum Pater Abraham homines adoraverit (Gen. 22. 2.) qui concesserunt ei monumentum, ubi poneret mortui corpus uxoris... sed da, inquit, testimonia, ubi adoratur Spiritus sanctus: quasi non ex iis, quæ legimus, aliqua etiam, quæ non legimus, intelligamus. Sed ne querere multa compellat, tu ubi legis Patrem Deum ingentium, vel innatum? Et tamen verum est. Quod verò aliquoties dixisti, etiam Filio esse incomparabilem Patrem, nec legis, nec verum est. Si autem Religionem, quæ co-

litur Deus, sicut dignum est, cogitares, multo plus esse cerneres, quod habet Spiritus Sanctus Templum, quam si eum legeres adoratum. Et homines enim, sicut supra docui, à Sanctis vocimur adoratos: Templum vero non est factum ab hominibus, nisi aut vero Deo, sicut Salomon facit, aut eis, qui pro diis habentur, sicut gentes, quae ignorant Deum. Spiritus autem Sanctus, quod cum magno honore de deo dictum est, non in manufactis templis habitat, sed corpus nostrum Templum est Spiritus Sanctus. Et ne corpora nostra contemnas, membra sunt Christi. Qualis ergo Deus, cui Templum adificatur, & à Deo, & de membris Dei? Ita egregie in Ariano perstringit & Macedoniam S. Augustinus.

XV. Audiendus quoque est S. Gregorius Nazianz. orat. 37. qui Macedoniano (ut haereticorum mos est) urgenti, ut pro divinitate Spiritus Sancti Scripturam afferret. Quatuor genera rerum possumus considerari secundum morem, & usum Sacrae Scripturae. *Alia non sunt*, sed dicuntur; ut cum Deus dicitur dormire, vigilare, irasci, proficisci, & pro throno Cherubinos habere. *Alia cum sint minimè dicuntur*; & sunt ea, quae licet in Scripturis non dicantur, in iis tamen, quae Scriptura dicit continentur. *Alia nec sunt, nec dicuntur*; ut quod Deus sit improbus, sphaera sit quadrata, homo non sit compositus, praeteritum tempus sit praesens. *Alia denique & sunt, & dicuntur*: ut Deus, homo, Angelus &c. Dicit ergo, ad secundum genus rerum pertinere divinitatem Spiritus Sancti, nimirum, quae etsi non dicuntur, ex iis tamen, quae dicuntur sumuntur. Quod si Macedonianus hoc neget, sic eum redarguit ex iis, quae fatetur: Unde nam tu voces illas tuas Ingenitum, & Anarchum (hoc est principii experti) accepisti, aut non etiam immortalis vocem? Hoc nominativum, & expressè ostende, ac ea vel rejiciemus, quia in Scriptura non extant, vel expungemus. Atque ita tuissem ipse principii oppressus interibis, everis nimirum tibi vocabulis illis, persequiique manibus, in quibus confidebas. Nonne perspicuum est, hac de iis sumpta esse, ex quibus colliguntur, tametsi minimè dicantur? .... Quid causa est,

cur littera tantoperè servias, Judaicaque Supremia te ipsum adjungas, reliquiasque verbum, syllabas consisteris?

Deinde post multa sic discurre: si enim Spiritus adorandus non est: quomodo enim Deum per Baptismum efficit? si autem adorandus; an non colendus, & venerandus? si porro venerandus; an non Deus? unum uni cobaret, ac verè aurea quadam, & salutaris est hac catena.

Quare autem divinitatem Spiritus Sancti non statim, sed processu temporis, & subobscurè Deus in Scripturis revelaverit, dixerat citato loco Nazianzenus. Deus enim erga homines se gerit, sicut pedagogus, & medicus, qui non statim pueris, & infirmis omnia tradunt, sed succedivè, secundum eorum capacitatem. Propterea Vetus Testamentum Patrem aperte predicabat, Filium obscurius. Novum autem nobis Filium perspicuè ostendit, & Spiritus divinitatem subobscurè quodammodo indicavit. Nunc verò Spiritus ipse nobiscum versatur, seseque nobis aperte declarat. Neque enim tutum erat, Patri divinitate nondum confessà, Filium aperte predicari, nec, Filii divinitate nondum admittit, Spiritum Sanctum velut graviozem quandam (si ita loqui fas est) sarcinam nobis ingeri: ne aliqui velut cibis ultra vires gravati, ac Solis radiis hebetes oculis adscientes, iis quoque, quibus pradiiti eramus, viribus periclitaremur. Qui deinde profequitur, ostendens, Christum non statim à principio omnia Apostolos docuisse, sed paulatim, ac succedivè, & de Spiritu Sancto doctrinam quasi altiore, postremam reliquisset: Habebat (inquit) quadam Salvator, quae à discipulis licet aliqui multiplici doctrinà implerentur, tunc tamen portari posse negabat. Ac rursum dicebat, fore, ut ab adveniente Spiritu omnia edocerentur. Ego unum ex eorum numero esse censeo ipsam Spiritus Sancti Deitatem, impossibilem apertius declarandam: tam videlicet, cum, jam post Salvatoris in integrum restitutionem, matura, & perceptibilis esset ipsius cognitio, utpote cui, ob tam insignem miraculum, fides non jam abrogaretur.

XVI. Ita quoque respondet S. Basiliius lib. de Spiritu Sancto cap. 19. his verbis: Si nihil aliud est receptum absque Scri-

pta-

*pturis, ne hoc quidem recipiatur. Sin-  
plurima arcana citra Scripturam à nobis  
recepta sunt, cum aliis pluribus etiam  
istud admittamus. Arbitror autem, Apo-  
stolicum esse, etiam non scriptis traditio-  
nibus habere.* Responso hæc continet  
doctrinam de Traditionibus, quæ imbutus  
studiosus Lector occurrere poterit Pro-  
testantibus, nisi quod scriptum est admit-  
tere volentibus; idèdque in ea aliquan-  
tis per immorari oportuit.

XVII. Obiciebant secundò. In pluri-  
mis Sacræ Scripturæ locis Patris, & Fi-  
lii fit mentio, imò nonnunquam & Ange-  
lorum, nulla verò scriptis Sancti; non  
ergo est Persona distincta à Patre, & Fi-  
lio, sed sola Dei summi energia.

Retorqueo argumentum. In plurimis  
Sacræ Scripturæ locis nominatur Deus,  
quin ulla Filii mentio habeatur; ergo Fi-  
lius non est Persona distincta, sed ipsamet  
Dei summi sapientia. Retorqueo secun-  
dò ex S. Basilio lib. 5. contra Eunomium.  
In plurimis Scripturæ textibus nomina-  
tur Spiritus Sanctus nullà fidei mentione Fi-  
lii, quos S. Basilii ibi producit; ergo ne Fi-  
lius non est aut non est à Spiritu distinctus?

XVIII. Respondeo ergo, non oportere,  
ut dùm unus, vel alterius Personæ  
mentio fit, omnium expressè fiat. Cùm  
enim naturæ identitate unum sint, dùm  
una nominatur, nominari censentur om-  
nes; maxime quia earum opera ad extra,  
indivisa sunt, sicut indivisa est potentia:  
Etenim sicut qui benedicitur in Christo, be-  
medicitur in nomine Patris, & Filii, &  
Spiritus Sancti, quia unum nomen, pote-  
ras una: ita etiam ubi operatio aliqua  
divina, aut Patris, aut Filii, aut Spi-  
ritus designatur, non solum ad Sanctum  
Spiritum, sed etiam ad Patrem refertur,  
& Filium: nec solum ad Patrem, sed etiam  
ad Filium refertur, & Spiritum. Ita S.  
Ambros. lib. 1. de Spiritu Sancto cap. 3.

XIX. Obiciebant tertio. De Spiritu  
Sancto dicitur Joann. 16. v. 13. & 14. Non  
enim loquitur à semetipso: sed quacumque  
audiet loquitur, & quæ ventura sunt  
annuntiabit vobis. Ille me elarificabit;  
quia de meo accipiet, & annuntiabit vo-  
bis: Sed qui à semetipso non loquitur;  
qui ea tantum loquitur, quæ audit ab  
alio, & ab alio accipit, Legati officio

fungitur, quod Deum dedecet; ergo Spi-  
ritus Sanctus non est Deus.

Retorquet instantiam S. Basilii lib. 5.  
contrà Eunom. Neque Filius à seipso lo-  
quitur (Joann. 12. v. 49.) sed qui me mi-  
sit Pater, inquit, ille mihi dixit, quid  
dicam, & quid loquar; ergo nec Filius  
est Deus, sed Legatus Patris, quod ta-  
men Macedoniani negabant.

XX. Respondeo ergo, Spiritum San-  
ctum sicut & Filium, à semetipsis non lo-  
qui, sed quæ audiunt loqui &c. non quia  
Patris Legati sint; sed quia scientia eor-  
um, esto eadem sit cum scientia Patris,  
eam tamen habent acceptam à Patre, sicut,  
& esse: Quid est ergo, non enim à se lo-  
quitur? Hoc est non sine me loquitur, qui lo-  
quitur veritatem... non sine Patre loqui-  
tur, quia Dei Spiritus est. Non à se au-  
dit, quoniam ex Deo omnia. Omnia ac-  
cipit à Patre Filius, quia ipse dixit: Om-  
nia mihi tradita sunt à Patre meo. Omnia  
Patris habet Filius, quia iterum ait: Om-  
nia quæ Pater habet, mea sunt. Et quæ  
accipit ipse per unitatem naturæ, ex ipso  
per eandem unitatem accipit & Spiritus...  
Quod ergo loquitur Spiritus, Filius est;  
quod dedit Filius, Pater est. Ita nihil à  
se aut Filius loquitur, aut Spiritus, quia  
nihil extra se Trinitas loquitur. Hæc D.  
Ambros. lib. 1. de Spiritu Sancto cap. 12.  
Unde & S. Augustinus tract. 99. in Joann.  
Ab illo (inquit) audit à quo procedit:  
Audire illi scire est: scire verò esse...  
Quia ergo non est à semetipso, sed ab illo,  
à quo procedit, à quo illi est essentia, ab  
illo scientia: ab illo igitur audientia,  
quod nihil est aliud quàm scientia.

Divus autem Basilii lib. 5. contrà Eu-  
nomium laudato, ex hoc quod Spiritus  
Sanctus nihil à se loquatur, probat, eum  
non esse creaturam dicens: Hoc namque  
verò ostendit Spiritum non esse Creaturam:  
quoniam rationalis omnis creatura modò à  
seipso loquitur, modò ea, quæ Dei sunt,  
Et infra: Non enim modò sua, modò quæ  
Dei sunt (Spiritus) loquitur, id namque  
pertinet ad creaturam. Verùm omnia Spi-  
ritus verba, Dei oracula sunt: similiter  
& Filii dicta. Quapropter ne Filius qui  
dem à seipso loquitur: Qui enim misit me  
Pater, inquit, ille mihi dixit, quid di-  
cam, & quid loquar, non quod disceret,  
hoc

hoc enim imperfecti eras, & nescientis; sed quod quicumque Pater loquitur, per Filium in Spiritu loquitur.

XXI. Obijciebant quartò. Spiritus Sanctus ex dictis 1. Cor. 2. v. 10. Omnia scrutatur etiam profunda Dei; ergo non est Deus, qui enim scrutatur, signum est, non habere clarissimam, & perfectam cognitionem rerum.

Respondeo, Spiritum Sanctum dici scrutari profunda Dei, non pro ut scrutari inquisitionem significat eorum, quæ occulta sunt, & ignota; sed pro ut idem est, ac penetrare, & comprehensivè nosse, ita ut nihil lateat. Sic Deus, cui eorum nostrorum explorata sunt arcana, Psalm. 7. v. 10. dicitur: scrutans corda, & renes Deus. Sic in Deo ponitur consilium; non ut dicat incertitudinem inquisitionis, sed certitudinem iudicii. Hinc Ambrosius lib. 2. de Spir. Sanct. cap. 11. Similiter ergo (inquit) scrutator est Spiritus Sanctus ut Pater; similiter scrutator, ut Filius, cuius proprietate sermonis id exprimitur, ut videatur nihil esse, quod nesciat, quem nihil praterit.

XXII. Obijciebant quintò. Spiritus Sanctus postulat pro nobis gemitibus inenarrabilibus (Roman. 8. v. 26. & v. 27.) Secundum Deum postulat pro Sanctis: sed gemere, orare, postulare Deo non convenit; ergo &c.

Respondeo cum S. Augustino collas. cum Maximino Ariano, & alibi, Spiritum Sanctum dici postulare, gemere, quia postulantes, ac gementes nos facit: Sic enim dictum est, gemitibus interpellat, ut intelligeremus; gemitibus interpellare nos facit. Adeo enim nobis, & infundendo caritatem nobis, facit nos interpellare gemitibus. Denique alio loco cum dicit Apostolus clamantem Abba, Pater; alio loco dicit: In quo clamamus Abba, Pater: exposuit, quid sit, clamantem Abba, Pater, dicendo: In quo clamamus. Ac per hoc quid est clamantem, nisi clamare facientem? Do exemplum locutionis bujus. Nonne Deus est omnium praeiudicium futurorum? Quis hoc negabit infans? Tamen ait Apostolus (Gal. 4. v. 6.) Nunc autem cognoscentes Deum, immò cogniti à Deo. Si nunc eos cognovit Deus, non eos novitrat... Sed sic dixit, nunc autem co-

gnoscentes Deum, immò cogniti à Deo, ut intelligerent, Deum fecisse in eis cognitionem suam... Quid est cogniti esset à Deo? cognitores suos Deus vos fecit. Deus vobis dedit, ut cognoscat. Quomodo est & illud Domini: Nunc cognovi quoniam timeas Dominum... Sed quid est nunc cognovi? Idem nunc cognoscere se feci. Ita S. Augustinus, addens, quod facere Spiritum Sanctum semper gementem, esset eum facere semper miserum: Quid enim est aliud semper gemens, quam semper miser? Ideo nos gemimus, quia miseri sumus. Et concludit: Gratias Spiritui Sancto, quia caritate aeterni seculi facit nos gemere, propter quod dictus est gemens; Facit: nos clamare, propter quod dictus est clamans; facit nos cognoscere Deum, propter quod dictum est, immò cogniti à Deo; Facit Abraham Deus cognoscentem, propter quod ei dixit nunc cognovi. Addit S. Thomas in hunc Pauli locum lect. 3. quod si ex eo, quod dicit eum postulare, intelligimus, eum esse passibilem creaturam, & Patre minorem; consequens est etiam, quod ex eo, quod dicit gemitibus postulare, intelligamus eum esse passibilem creaturam beatitudine carentem, quod nullus unquam haereticus dixit. Nam gemitur ex dolore est, qui ad miseriam pertinet. Quare ex SS. Augustino, & Thoma textus iste Macedonianis non favet.

XXIII. Sed dices. Si dicitur Spiritus Sanctus postulare pro nobis, quia facit nos postulare; pari ratione dici poterit, Patrem pro nobis postulare, quia & ille postulare nos facit: At hoc pie aures non tollunt; ergo &c.

Respondeo, negando sequelam. Sicut enim tantum Persona mitti dicitur, quæ ab alia procedit: ita ea tantum postulare dicenda est, quæ accipit ab alia, ut faciat homines postulantes. Mittere, & postulare respicit alterum, à quo, vel accipitur aliquid, vel expectatur. Quod Patri convenire non potest, bene tamen Spiritui Sancto.

XXIV. Obijci potest sextò. Si Spiritus Sanctus Deus est, aut ingenuus est; aut genitus: Si ingenuus; ergo erunt duo principii expertes. Si autem genitus, aut ex Patre; aut ex Filio; si ex Patre; ergo erunt duo Filii & Fratres.

Si

Si ex Filio; ergo Deum nepotem habebimus.

Respondeo negando utramque partem disjuncti. Etenim inter genitum, & ingentum datur medium, nempe purè procedens, quod Spiritus Sancti character proprius est, quo à Christo notatur. Audiamus Nazianzenum *orat.* 37. citatà, ubi Macedonianum non admittentem medium inter ingentum, & genitum, ita perstringit: *Ubi enim quaso, ponas id, quod procedit, quod quidem inter duas divisionis tua partes interjectum esse constas, atque à Theologo multò te præstantiori, nimirum à Christo introducitur? nisi fortasse vocem illam propter tertium tuum Testamentum ex Evangeliiis sustulisti, Spiritus Sanctus, qui à Patre procedit: Qui quatenus ab illo procedit, creatura non est, quatenus rursus genitus non est, Filius non est. Quatenus autem inter ingentum, & genitum medius est, Deus est. Qua est ergo hac Processio, inquires? Dic tu, qua Patris ingentura sit, & ego Filii generationem, & Spiritus processionem explicare aggrediar, ut ambobus vestra à precipites agamur in Dei mysteria oculos iniicientes.... Quid ergo est, inquirunt, quod Spiritui deest ad hoc ut sit Filius? nisi enim aliquid deesset, Filius esset. Deesse nihil dicimus. Non enim Deo quicquam deest. Verùm manifestationis, ut ita dicam, mutuaque eorum relationis differentia, diversa quoque ipsi nomina procreavit &c. Haec Nazianzenus. Rationem autem Theologicam, cur Spiritus Sancti processio generatio non sit, inferius exponemus.*

Demum noto, quòd esto Veterum Patrum aliqui Spiritum Sanctum Deum esse recteant, & quòdam ætèrnomià ejus divinitatis nomen suporederint, ipsum tamen esse Deum confessi sunt; dùm semper eum creaturam esse negarunt; dùm ejusdem substantiæ cum Patre, & Filio esse dixerunt; dùm ea, quæ solius Dei sunt propria, ei tribuerunt, ut satis superius offensum est.

## DUBIUM V.

An existentia Trinitatis cognosci possit.

## §. I.

## Resolutio Dubii.

**I.** IN duplici sensu procedere potest questio. Primò, an ratione naturali haberi possit cognitio existentia Trinitatis, sive explicita, & distincta; sive implicita, nempe in alio ex quo deduci possit. Secundò, an supposito, quòd sola revelatione notitia Trinitatis haberi possit; hæc notitia aliquibus exemplis petitis ex rebus creatis possit illustrari.

II. Dico primò. Per rationem naturalem nullam de existentia Trinitatis cognitionem, sive explicitam; sive implicitam possumus comparare. Hanc veritatem manifestavit Christus *Matt.* 11. v. 27. *Nemo novit Filium, nisi Pater; neque Patrem quis novit nisi Filius, & cui voluerit Filius revelare.* Quod recepit Joann. 6. v. 46. & 7. v. 28. & 8. v. 19. & 20. v. 15. Quare *Matt. cap.* 16. cùm Petrus confessus fuisset, Christum esse Filium Dei vivi, statim ei dixit v. 17. *Beatus es Simon Bar-Jona: quia caro & sanguis non revelavit tibi, sed Pater meus qui in Calis est.* Non ergo (insert Chrysost. homil. 55. in *Matt.*) possumus aliunde cognoscere Filium, quàm à Patre, nec Patrem aliunde, quàm à Filio. Et Divus Augustinus enumeratis variis ratiociniis, quibus ex hisce inferioribus conari possumus ad cognitionem Trinitatis acquirendam, concludit (lib. 15. de *Trinit.* cap. 6.) *Et ecce jam quantum necesse fuerat, exercitata in inferioribus intelligentià, ad summam Trinitatem, quæ Deus est, conspiciendam nos erigere volumus, nec valeamus.*

III. Hanc veritatem docet D. Thomas 1. par. qu. 32. ar. 2. cuius hæc est ratio. Homo per rationem naturalem in cognitionem Dei pervenire non potest, nisi ex creaturis, quæ sunt effectus Dei, quia omnis effectus demonstrat existentiam

## 184 *Quaestio I. De Sanctiss. Trinitatis Existentia.*

tiam suae causae; ergo ex creaturis hoc solum ratione naturali de Deo cognosci potest, quod ei convenit, quatenus est omnium entium principium; sed Deus est omnium entium principium, non quatenus Trinus, seu per ea, quae pertinent ad Trinitatem, seu pluralitatem Personarum, sed quatenus unus, seu per ea, quae pertinent ad unitatem essentiae; virtus enim creativa una est, & communis toti Trinitati; ergo per rationem naturalem possumus quidam cognoscere de Deo, ea quae pertinent ad unitatem essentiae, non autem ea, quae pertinent ad distinctionem Personarum.

IV. Confirmatur. Vestigium seu effectus non indicat existentiam suae causae, nisi secundum eam rationem, sub qua ab ea procedit: qui enim videt vestigium ab homine relictum, ex eo cognoscit quidem, illuc hominem transisse, non vero hominis conditionem, qualitates, & alia, secundum quae homo non impræsit vestigium: & qui videt artefactum, etiam si accurate illud contempletur, non dignoscit parvitatem, vel magnitudinem molis, vitia, aut virtutes, indumenta, aut alia accidentia artificis, quia ex talium influxu artefactum ab artifice non procedit; sed solum cognoscit peritiam illius artificis, ex cuius influxu procedit artefactum. Cum ergo creaturae non procedant à Deo, ut Trino, quia secundum quod Trinus, nihil agit extra se; sed à Deo, ut uno, omnipotente, infinite bono, iusto &c. indicabunt quidem, Deum esse unum, omnipotentem &c. non tamen esse trinum in Persona.

Addo, quod creaturae ducunt potius in cognitionem ejus quod est Myſterio Trinitatis contrarium. Cum enim in universa creatura reperiatur, unius naturae esse solum unum suppositum; si ex naturis creatis vellemus ascendere ad divinam, concluderemus potius, quod Deus sicut in natura unus est, ita unus sit in Persona, non Trinus.

V. Quapropter D. Thomas laudatus dicit, quod qui probare nititur Trinitatem Personarum naturali ratione, fidei dupliciter derogat. Primum quidem dignitati ipsius fidei, quae est ut sit de rebus invisibilibus, quae rationem humanam ex-

cedunt. Hæbr. 11. *Fides est de non apparentibus*. Et 1. Cor. 1. ubi vocatur sapientia non huius seculi, neque Principum huius seculi, *sed sapientia in mysterio, quae abscondita est*. Secundò derogat utilitati trahendi alios ad fidem: Cum enim aliquis ad probandum fidem inducit rationes, quae non sunt cogentes, cedit in irrisionem Infidelium. Credunt enim, quod huiusmodi rationibus innituntur, & propter eas credamus.

VI. Cæterum et si ratione naturali probari non possit, dari, aut esse possibile Myſterium Trinitatis; nulla tamen ratione naturali demonstrari potest, hoc Myſterium esse impossibile. Nam hæc veritas: Myſterium Trinitatis est possibile; est necessariò vera; ergo ista: Myſterium Trinitatis est impossibile, est falsa quia vero non opponitur nisi falsum.

Hinc D. Thomas 1. *Contra gentes* toto cap. 7. ostendit, quod veritati Fidei Christianae non contrariatur veritas rationis; quia verum non contrariatur vero, sed solum falsum. Ex quo concludit: *Evidenter colligi, quaecumque argumenta contra fidei documenta ponantur, hæc ex principis primis natura inditis per se notis non rectè procedere: Unde nec demonstrationis vim habent, sed vel sunt rationes probabiles, vel suppositæ: & sic ad ea solvenda locus relinquitur*. Hinc Bannez adhuc articulum, & alii, dicunt, omnia argumenta, quae fieri possunt contrà veritatem huius myſterii, esse evidenter solubilia: non quia evidenter ostendi possit veritas, aut opposita falsitas; sed quia quocumque in contrarium prolato, semper potest reddi ratio, illud non concludere, & proinde non esse admittendum.

VII. Dico secundò. Supposito, quod quis fide revelante deducit, esse Trinitatis myſterium, seu Deum, esse in Personis trinum, potest aliqua licet valde æquivoca, & imperfecta in rebus creatis invenire exempla, quibus illud aequaliter explicet; protestando semper, maxime si cum infidelibus agat, se hoc non facere animo demonstrandi, nec se ob illa exempla ad confitendum tantum Myſterium adduci.

Primum exemplum præbet S. Augustinus lib. 9. de Trinit. cap. 4. in animis, quæ

quæ una substantia est, & in eâ tria sunt; mens, notitia ejus, & amor sui: Igitur (inquit) ipsa mens, & amor, & notitia ejus tria quadam sunt, & hæc tria unum sunt; & cum perfectæ sunt, æqualia sunt.

Secundum assertit idem S. Doctor lib. 5. de Trinitate cap. 11. in memoriâ, intelligentiâ, & amore (quod indicaverat etiam lib. 9. cap. 7.) quæ in eadem animâ reperiuntur. Memoria enim aliud non est, quàm continuata notitia; cogitatio seu intelligentia est actus, quo quis advertit ad id, quod mente revoluit; Amor est motus ad fruendum, & utendum eâ re, de quâ cogitatur. Dùm autem mens de re aliquâ cogitat, format in se verbum simile in formâ, quâ intelligit: & sic dùm Pater seipsum cogitat, ut revera semper cogitavit, & cogitatio semper, generat Verbum omnino sibi simile; quia verbum est omnino simile rei cognitz, cùm res perfectè cognoscitur. Præterea anima, quæ seipsum amat, quæ sui verbum formavit, movetur, ut illo verbo utatur, aut fruatur; proindeque producit amorem, ac impulsum, qui producit quidem, sed non paritur; solum enim verbum partus est mentis. Sic ergo Pater, & Verbum moventur ad sui fruitionem, & producant Spiritum Sanctum, ut impulsus, quo mutud se amant, qui procedens est, at non genitus. Hæc aliaque adduci possent, sed quàm dissimiliter. Tria enim hæc in animâ quidem sunt, at tres Personæ nnn sunt; affectiones, & accidentia sunt, substantia non sunt: Ego per omnia illa tria memini, ego intelligo, ego diligo, qui nec memoria sum, nec intelligentia, nec dilectio, sed hæc habeo. Ista ergo dici possunt ab unâ Personâ, quæ habet hæc tria, non ipsa est hæc tria. In illius verò summa simplicitate natura, quæ Deus est, quamvis unus sit Deus, tres tamen Personæ sunt, Pater, & Filius, & Spiritus Sanctus... Verùm in illâ summâ Trinitate, quæ incomparabiliter rebus omnibus antecellit, tanta est inseparabilitas, ut eam Trinitas hominum non possit dici unus homo, in illâ unus Deus dicitur, & sit. Nec in uno Deo sit illa Trinitas, sed unus Deus. Nec rursum quemadmodum ista imago, quod est homo habens illa tria, una Persona.

Tom. IV.

est, ita est illa Trinitas; sed tres Persona sunt, Pater Filius, & Filius Patris, & Spiritus Patris, & Filius. Hæc S. August. lib. 15. de Trinitate cap. 12. Videatur contrâ sermon. Arianorum cap. 16.

## S. I I.

Solvuntur argumenta.

VIII. P Rimo objicitur contra primam assertionem. Homo factus est ad imaginem, & similitudinem Trinitatis: faciamus (dixerant tres divinæ Personæ Genes. 1. v. 16.) hominem ad imaginem, & similitudinem nostram: at qui naturaliter dignoscit imaginem, naturaliter dignoscit etiâ eum, cujus est imago; ergo &c.

IX. Respondeo, dist. min. Qui naturaliter dignoscit imaginem, ut imago est, naturaliter &c. conc. min. imaginem materialiter, non ut imago est &c. nego min. Aliud est videre imaginem, aliud videre per imaginem: ad hoc enim necesse est videre habitudinem imaginis ad suum prototypum, seu imaginem ut representativam, sicut aliud est videre speculum, aliud videre per speculum. Naturali ergo lumine cognoscimus hominem, qui est imago Trinitatis; attamen ut cognoscamus hominem, ut imaginem, vel ut dicit habitudinem ad Trinitatem, quæ in eo representantur, necesse est, ut fide credamus dari Trinitatem, & quoddam homo ad imaginem illius factus sit. Ita S. Augustinus lib. 15. de Trinitate cap. 24. qui exponens illud Pauli 1. Cor. 13. v. 12. videmus nunc per speculum, dicit: Non enim ait Apostolus: Videmus nunc speculum; sed videmus per speculum. Qui ergo videt suam mentem, quomodo videri potest, & in eâ Trinitatem istam.... nec tamen eam credunt, vel intelligent esse imaginem Dei; speculum quidem vident, sed usque adeo non vident per speculum, qui est per speculum nunc videndus, ut nec ipsum speculum, quod vident, sciant esse speculum, id est imaginem.

X. Respondeo secundò cum D. Thomâ 1. par. 44. q. 93. ar. 5. ad 3. hominem esse imaginem, quæ plus dissimilitudinis habet, quàm similitudinis; ide. quæ nisi

•

A a

fides



## 186 *Questio I. De Sanctiss. Trinitatis Existentia.*

fides ei ostendat Trinitatem, quæ est in homine, esse ad imaginem Trinitatis divinæ, ex illâ nunquam perveniet ad cognitionem istius: *Maxima* ( inquit D. Thomas ) *est differentia hujus Trinitatis, quæ est in nobis ad Trinitatem divinam, & idèd ut ipse ibidem dicit* ( S. August. lib. 15. de Trinit. cap. 6. ) *Trinitatem quæ in nobis est videmus potius, quàm credimus. Deum verò esse Trinitatem credimus potius, quàm videmus.*

XI. Sed dices. Quilibet effectus Dei assimilatur Deo solum imperfectè, ac cum maximâ deficientiâ, & tamen facit nos cognoscere existentiam Dei ut unus; ergo licet homo sit imago imperfecta Trinitatis, poterit nos ducere in cognitionem Trinitatis.

Respondeo, dist. antecedens. Facit cognoscere ratione dependentiâ, quam habet à Deo, ut uno, conc. ant. Ratione similitudinis, nego ant. & consequentiam. Effectus enim, præsertim causæ æquivocæ, ducit in cognitionem existentie suæ causæ, non ratione similitudinis, sed ratione dependentiæ; hanc autem, habet à Deo Uno quilibet effectus etiam vilissimus, idèdque Deum unum creatorem &c. demonstrat. At homo non potest Trinitatis existentiam ostendere ratione dependentiæ; non enim ullus effectus creatus dependet à Deo, quâ Trino; nec ratione similitudinis quia esso ad imaginem Trinitatis sit: cum tamen sit adèd imperfecta, & deficiens, non potest eam demonstrare, nisi fides dicat, Trinitatem, quæ est in homine, esse imaginem Trinitatis, quæ Deus est: sicut si aliquis ineptè pingat Aquilam, talis pictura non ostendat Aquilam esse; nisi quis dicat, Aquila existit, & hæc est imago Aquilæ.

XII. Obijciatur secundò: Philosophi Gentiles non pervenerunt ad cognitionem Dei, nisi per rationem naturalem: sed multi ex illis aliqua de divinâ Trinitate dixerunt; ergo &c.

Min. prob. primò. Aristoteles in 1. de Cælo & mundo text. 2. ait: *Per hunc numerum* (scilicet ternarium) *adhibuimus nos ipsos magnificare Deum unum, eminentem proprietatibus eorum, quæ sunt creata.*

Secundò. August. dicit lib. 7. *Confess. cap. 9.* se legisse in libris Platoniorum, multis, & multiplicibus suaderi rationibus, quod in principio erat Verbum, & Verbum erat apud Deum, & Deus erat Verbum: quibus verbis distinctio Personarum divinarum traditur.

Tertiò dicitur in Gloss. Rom. 1. & Exod. 8. quod Magi Pharaonis descenderunt in tertio ligno, idèst in notitiâ tertie Personæ, scilicet Spiritus Sancti, & sic ad minus duas cognoverunt.

Quartò. Trisagiegus in Eimandro dial. 4. dixit: *Monas genuit monadem, & in se suum reflexit ardorem.* Per quod videtur generatio Filii, & processio Spiritus Sancti indicari.

XIII. Respondeo ex D. Thomâ 1. par. 44. 32. art. 1. cujus hoc est primum argumentum, quod Philosophi Gentiles non cognoverunt Trinitatem Personarum per propria, quæ sunt Paternitas, Filiatio, & Processio; sed cognoverunt quædam essentialia attributa, quæ appropriantur Personis, sicut potentia Patri, Sapientia Filio, bonitas Spiritui Sancto. Hinc.

Ad primum dico, Aristotelem magnificasse numerum ternarium, non quia eum poneret in divinis; sed solum velle, eum esse numerum perfectum; idèdque antiqui eo utebantur in sacrificiis, & orationibus.

Ad secundum dico, quod Platonici suadebant rationibus, In principio fuisse Verbum &c. non ut exprimit Personam genitam in divinis; sed ut dicit rationem idealem omnium, per quam Deus omnia condidit, quæ Filio appropriatur.

Ad tertium. Magi Pharaonis dicuntur descisse in tertio, non quia primam, & Secundam Personam Trinitatis cognoverint, & non tertiam; sed quia cum cognovissent potentiam, & Sapientiam Dei, quæ primæ, & secundæ Personæ tribuuntur, descenderunt in cognitione bonitatis Dei, quæ attribuitur tertie, dum cognoscentes Deum, non sicut Deum glorificaverunt. Vel quia Platonici ponebant duo, nempe unum primum ens, quod vocabant Patrem universitatis rerum; & consequenter ponebant aliam substantiam sub eo, quam vocabant mentem, vel intellectum, in quo erant rationes omnium

re-

rerum; tertiam autem substantiam non ponebant separatam, quæ videretur correspondere Spiritui Sancto. Nos autem non ponimus tres divinas Personas secundum substantiam differentes (sic enim eas ponebant Origenes, Arius, & alii sequentes Platonicos) sed ponimus eas unius substantiæ, quamvis personali proprietate distinctas; & hoc est Mysterium ad quod naturalis ratio non pervenit.

Ad quartum dico, quod Trismegisti dictum: *Monas genuit Monadem, & in se suum reflexit ardorem*, non est referendum ad generationem Filii, vel processionem Spiritus Sancti, sed ad productionem mundi. Nam unus Deus producit unum mundum propter sui ipsius amorem. Ita ex D. Thomâ.

» XIV. Responderi etiam potest cum aliis, plures ex Philosophis Gentilibus notitiam aliquam Trinitatis accipere potuisse per traditionem, quæ ab Adamo usque ad Noe, & ab isto usque ad Abrahamum propagata, ab Abrahamo autem & Moyse Philosophis Ægyptiis fuit communicata; à quibus Sapientes Græci, maxime verò Orpheus, Pythagoras, & Plato eam accipere poterunt. Præsertim verò Plato, quem refert Clemens Alexandrinus lib. 5. *Stromatum*, sicut & Pythagoram, & Socratem multa ex libris Moysis audivisse. Et S. August. lib. 2. *de doctr. Christi*. cap. 18. Platonem dicit peregrinatum in Ægyptum, Jeremiam, qui ibi tunc erat, vidisse, & ab eo multa de Libris sacris didicisse. Et quamvis lib. 8. *de Civit. Dei* cap. 11. hanc opinionem retractet, eum computus annorum non concordet; dicit tamen, contingere potuisse, Platonem, qui fuit occurrere studiis, sicut Ægyptiam, ita & Hebraicam linguam in Ægypto discere potuisse, aut saltem per interpretem aliqua ex sacris Libris haurire, quæ in suam postea Philosophiam transferret.

Addunt alii, talem cognitionem excerpere etiam potuisse ex Sybillarum dictis, & scriptis, maxime Erithræ, quam fuisse vaticinatam multa de Christo refert S. Augustinus lib. 18. *de Civit. Dei* cap. 23. confirmans testimonio Lactantii lib. 4. *inst.* cap. 18. & 19. Has autem in præmium Virginitatis lumine prophetico fuisse

se à Deo donatas, testatur S. Hieronymus 23. lib. 1. *contra Jovinianum*.

Mitto alios volentes, potuisse ejusmodi Philosophos aliquâ Trinitatis cognitione imbui per ipsos quoque Dæmones, quibus ante lapsum hoc Mysterium fuerat revelatum. Nec mirum hoc videri debet: ad id enim moveri poterant Dæmones, vel à bonis Angelis, vel ab ipso Deo, qui interdum ex ore falsitatis jubet prodire veritatem; vel ex ipsâ Dæmonum malitia, ut nimirum fidem divinitatis labeficerent. Nam trium Personarum fidem ingerentes faciliè poterant inducere eos ad credendum tres quoque Deos esse, nedum personâ, sed substantiâ diversos. Quomodo cum sit: Philosophi Gentiles, vel de Trinitate nullam notitiam habuerunt, ut sentit D. Thomas; vel si aliqualem habuerunt, eam non ratione naturali adepti sunt, sed ex doctrinâ eorum, quibus fuerat revelata.

XV. Tertiò objicitur. Richardus de S. Viſt. lib. 1. *de Trinit.* cap. 4. dicit: *Credo sine dubio, ad quaecumque explanationem veritatis non modò probabilia, imò etiam necessaria argumenta non desint; ergo &c.*

Hoc confirmatur primò. Probant enim aliqui, Trinitatem Personarum ex infinitate bonitatis divinæ. Cùm enim Deus sit infinitè bonus, & infinitè bonum sit infinitè communicativum sui, & hæc infinita communicatio non possit fieri extra Deum; sequitur, quod fiat intra Deum per processionem divinarum Personarum.

Secundò. Quia cùm nullius boni sit jucunda possessio sine consortio, sequitur, Deum summè beatum, & jucundè summum bonum possidentem, non esse solitarium, sed consortium habere divinarum Personarum.

Tertiò. D. August. lib. 10. *de Trinit.* cap. 11. & 12. lib. 9. cap. 4. & alibi probat Trinitatem ex processione verbi, & amoris in nobis, seu in mente nostrâ.

Tandem. D. Thomas 1. *par.* qu. 17. art. 1. processionem Verbi probat hoc ratiocinio. Quicumque intelligit, ex hoc ipso quod intelligit producit verbum intra se: sed Deus est intelligens; ergo Deus producit Verbum.

XVI. Respondeo ex D. Thomâ citatâ A 2 2 qu.

## 188 *Questio I. De Sanctiss. Trinitatis Existentia.*

qu. 32. 1. par. art. 2. ad 2. Quod ad aliquam rem dupliciter inducitur ratio. Uno modo ad probandum sufficienter aliquam radicem: sicut in scientiâ naturali inducitur ratio sufficiens ad probandum, quod motus Caeli semper sit uniformis velocitatis. Alio modo inducitur ratio, non qua sufficienter probet radicem, sed qua radici jam posita ostendat congruere consequentes effectus: sicut in astrologiâ ponitur ratio excentricorum, & epicyclorum ex hoc, quod hæc positio salâ possunt salvari apparentia sensibilia circa motus Cælestes: non tamen ratio hæc est sufficienter probans, quia etiam fortè alia positio salâ salvari possent. Primo ergo modo potest induci ratio ad probandum Deum esse unum, & similia. Sed secundo modo se habet ratio, qua inducitur ad manifestationem Trinitatis, quia scilicet Trinitate posita, congruunt huiusmodi rationes; non tamen ita, quod per has rationes sufficienter probetur Trinitas Personarum.

Unde ad primam respondet, non sufficienter probare. Bonitas enim infinita Dei manifestatur etiam in productione creatura, quia infinita virtutis est ex nihilo producere. Non enim oportet, si infinita bonitate se communicet, quod aliquid infinitum à Deo procedat, sed secundum modum suum recipiat divinam bonitatem. Similiter etiam (ad secundam) Quod dicitur, quod sine consortio non potest esse iuvenda possessio alicujus boni, locum habet, quando in unâ Personâ non invenitur perfecta bonitas. Unde indiget ad plenam iuvenditatis bonitatem bono alicujus alterius consociati sibi.

Neque tertia. Similitudo enim intellectus nostri non sufficienter probat aliquid de Deo, propter hoc, quod intellectus non univocè invenitur in Deo, & in nobis. Et inde est quod Augustinus super Joannem. (tracl. 27.) dicit, quod per fidem venit ad cognitionem, & non de converso. Hæcenus D. Thom. Hinc ratio, quæ ipse adducit loco citato ad probandam processionem Verbi, non inducit ad probandam radicem, sed hæc, nimirum processionem verbi, posita per fidem, ostendit congruere, ut fiat eo modo, quo verbum procedit. Cæterum est nimis dissimilis processio verbi in nobis, ac sit in Deo.

Nam in nobis verbum procedens est accidentale, & non est in esse naturali res intellecta: in Deo est substantiale, & natura Deus. In nobis verbum procedit ex indigentia, ut in verbo intelligamus: in Deo procedit ex abundantia & quia perfectissimè intelligit. En quomodo ex processione verbi in nobis non concluditur processio Verbi in Deo, imò potiùs oppositum.

XVII. Quartò obijcitur. Non minus est supernaturalis Deus ut unus, quàm ut trinus: sed Deus ut unus potest ratione naturali cognosci; ergo etiam Deus ut trinus.

Respondeo, dist. maj. Deus ut unus in ratione cognoscibilis quoad quid est, quàm &c. conc. maj. in ratione cognoscibilis quoad an est, nego maj. Deus ergo ut unus licet entitativè & quoad quid est, sive ut in se, supernaturalis sit, idèquè quidditativè, & ut in se est nequeat cognitione naturali cognosci; in ratione tamen cognoscibilis quoad an est, non est determinatè supernaturalis; quia huiusmodi cognoscibilitas non fundatur in entitate Dei, ut in se est, sed ut dicit habitudinem, & connexionem cum effectibus; quia effectus demonstrant esse suæ causæ. Cumque Deus ut unus, cui convenit esse causam, nedum dicat connexionem, & habitudinem ad effectus supernaturales, sed etiam ad naturales; idè ex effectibus naturalibus cognoscibilis est existentia Dei ut unus. At Deus ut trinus, & in se supernaturalis est, & cum nullo effectu naturaliter cognoscibili, imò cum nullo extra Deum, connexionem habet: propria enim Personarum (inquit D. Thom. qu. 10. de verit. art. 13.) sunt relationes, quibus Persona non ad creaturas, sed ad invicem referuntur: unde naturali cognitione in propria Personarum devenire non possumus.

XVIII. Quintò obijcitur. Effectus ad extra ponuntur à totâ Trinitate, cujus indivisa sunt opera ratione naturæ, & potentia communis; ergo si ratione naturali cognoscitur natura, & potentia communis, cognoscuntur tres Personæ, in quibus est: sicut qui cognosceret virtutem spirativam communem Patris, & Filii, cognosceret Personam Patris, & Filii.

Con-

Confirmator. Qui cognoscit Deum unum, seu divinam naturam esse, cognoscit saltem implicite Trinitatem, quia cognoscit id, in quo est Trinitas, seu id quod est Trinitas.

XIX. Respondeo, negando consequ. & do disparitatem. Nam virtus spirativa non est prædicatum absolutum, essentialia, & toti Trinitati commune, sed notionale tangens ex suo formali conceptu duas Personas distinctas: exprimit enim amorem amicabilem mutuum correlativum, idedque inter duos: quapropter qui hanc virtutem spirativam cognosceret, cognosceret quoque Personas spirantes. At virtus creativa, seu omnipotentia est prædicatum prorsus absolutum, & commune, conveniens personis, non ut inter se sunt distinctæ, sed ut sunt in essentiali unum; causare enim ad extra dicuntur Personæ, non quidem perfectitate causæ, sed solum perfectitate rei; & ided cognoscens vim causativam, cognoscit quidem, dari Deum unum, Deum tamen esse trinum in Personis cognoscere nequit.

Ad conf. nego ant. ut enim aliquid implicite cognoscatur, non satis est cognoscere id, in quo est, seu cum quo idem est; sed requiritur præterea, ut ex eo cognito per argumentationem colligi possit. At ex essentiali Dei cogniti per vires naturæ colligi non potest Trinitas Personarum, propter rationes allatas; & ided &c.

XX. Ex his omnibus colligitur, errasse Raymundum Lullum, qui censuit, evidenter demonstrari posse divinarum Personarum Trinitatem; imò & omnes fidei articulos per rationes necessarias, & evidentes absque ullâ supernaturali illustratione. Ut enim refert Eymericus *directi. Inquis. qu. 9. part. 2.* asserbat Lullus: *Eidem esse quidem necessariam hominibus in seipsis, rusticis, ministris, & non habentibus intellectum elevatum, qui nesciunt cognoscere per rationem, & diligunt cognoscere per fidem... sed homo subtilis facillime trahitur per rationem, quam per fidem.*

## QUESTIO II.

### De Divinis Processionibus.

**S**tatutâ, ut par erat, Trinitate Personarum in Deo, quæ Religionis Christianæ Articulus fundamentalis est, ac præcipuus; videndos est modus, quo divinæ Personæ inter se distinguuntur. Quia verò communiter dicitur, eas distingui secundum relationes originis; ided de origine, seu processione, unius Personæ ab aliâ disputationem instituire oportet.

### DUBIUM I.

An in Divinis dentur reales Processiones, & quot?

#### S. I.

#### Quadam prænotantur.

**P**rocessionis nomine nil aliud venit, quàm emanatio, seu origo unius ab alio: sic fluvius dicitur procedere à fonte, quia ab eo emanat; sic radius à Sole, quod ab eo oriatur.

Processio unius ab alio duplex est, transiens, & immanens. Prior est ea, quâ principium, seu causa operatur aliquid extra se: hæc ratione processio radii à Sole, quo aer illuminatur, seu caloris ab igne, quo aqua calefit, appellatur transiens, quia lux extra Solem, & calor extra ignem immanet in aliud; seu quia Sol, ex quo radius procedit, & ignis, ex quo calor emanat, extra se agunt nimirum. Sol in aerem, & ignis in aquam. Posterior verò est, quâ aliquid intra principium emanat, seu quâ principium, seu causâ non operatur in subiectum extra, se positum: sic intellectio est actus, & processio immanens, quia ab intellectu procedit, ut ipse (non alius) fiat intelligens; neque ut fiat intelligens necesse est, ut exeat extra se ipsum, seu ut operetur in subiectum, quo extra ipsum intellectum positum sit.

Processionem ad extra relinquimus modò, cùm certum sit Deo convenire; omnes

nes enim res creatæ à Deo procedunt. Quæstio agitur de processionibus immanentibus, quarum nimirum termini in Deo fiunt.

Potest: Processio immanens, seu transiens alia est processio unius ab alio, ut à causâ; alia est processio unius ab alio, ut à puro principio. Illa dicit in termino procedente dependentiâ à principio, à quo recipit esse, ut patet in processione ininis à Sole; lumen enim à Sole in ærem procedit, cum dependentiâ à Sole. Ista verò dicit in termino procedente esse acceptum quidem à principio à quo oritur, sed absque illâ dependentiâ; quia illud idem esse, quod est in principio fuit in terminum; sicut eadem aqua, quæ est in fonte fuit, & manat in fluvium. His explicatis.

## S. I. I.

## Resolutiones Dubii pro primâ parte.

III. **D**ico primò. Dantur in Deo processionibus immanentes, quibus una Divina Persona ab aliâ procedit. Est veritas de Fide revelata in Scripturis, tum Joann. 8. v. 42. ubi Christus de se: Ego (inquit) ex Deo processi. Et cap. 7. v. 29. Ego scio cum (Patrem) quia ab ipso sum. Tum Eccles. 24. v. 5. de divinâ Sapientia dicitur: Ego ex ore Altissimi prodii, primogenita ante omnem creaturam. Hæc quoque spectant textus omnes, quibus Filius dicitur accepisse à Patre, primò vitam. Joann. 5. v. 6. Sicut enim Pater habet vitam in semetipso: sic dedit Filio habere vitam in semetipso. Doctrinam: Joann. 7. v. 16. Mea doctrina non est mea, sed ejus, qui misit me: Potestatem: Matth. 23. v. 27. Omnia mihi tradita sunt à Patre meo. Et de Spiritu Sancto dicitur Joann. 15. v. 26. Cum autem venerit Paraclitus, quem ego mittam vobis à Patre, spiritum veritatis, qui à Patre procedit. Propterea veritas hæc in pluribus Conciliis definita fuit: Nicæno I. Constantinopolitano I. Lateranensi, Florentino &c. & in omnibus Fidei Symbolis inserta; præsertim in Nicæno, ubi Filius dicitur: Deus de Deo, lumen de lumine, genitus non factus. Spiritus Sanctus au-

tem qui à Patre, Filioque procedit: quamvis verbum Filioque non in Nicæno positum, sed postea additum fuerit, ut diceretur. In hoc conveniunt Patres quotquot de Trinitate scripserunt; quos hæc adducere nimis prolixum esset.

IV. Probatur hoc ratiocinio. Inter divinas Personas datur realis distinctio, ut superius probatum est contra Sabellium: Sic hæc in nullo alio fundari potest, quàm in origine, & processione unius ab aliâ; ergo &c. Minor probatur. Omnis distinctio in divinis, quæ realis sit, non in alio fundari potest, quàm in aliquâ relativâ oppositione: non enim fundari potest in limitatione, cum Deus illimitatus in omni genere sit, & in Deo omnia sint unum, ubi non obstat relativa oppositio: sed relativa oppositio in Deo non in alio fundari potest, quàm in origine, & processione unius ab aliâ; ergo &c. Min. probatur. Omnis relativa oppositio, vel fundatur in similitudine, aut æqualitate; aut in mensurâ, & mensurato; aut in productione, seu processione: Sed oppositio relativa inter divinas Personas non potest fundari in similitudine, aut æqualitate. Tum quia divinæ Personæ non sunt similes, aut æquales in natura, sed ejusdem omnino naturæ divinæ. Tum quia æqualitas, aut similitudo non causat distinctionem, sed eam supponit. Nec etiam fundari potest in ratione mensuræ, & mensurati. Tum quia Personæ infinitæ perfectionis, quales sunt divinæ, non possunt habere mensuram suæ perfectionis. Tum quia relationes fundatæ in mensurâ, & mensurato non sunt mutue: mensura enim non refertur ad mensuratum, Personæ autem divinæ mutuo referuntur; ergo superest, ut relativa oppositio inter illas sit fundata in productione, seu processione, quâ una Persona originem trahit, & procedit ab aliâ.

V. Dices. Possit Personas divinas adhuc invicem relativè opponi, & distinguere, etiam absque origine unius ab aliâ, relationibus nimirum disparatis, & proinde distinctis; sicut dicit Scotus, quod Spiritus Sanctus, etsi non procederet à Filio, adhuc realiter distingueretur ab illo relatione disparatâ.

VI. Sed contrâ. Relationes non dicunt in-

incommunicabilitatem, & consequenter, nec distinctionem, nisi respectu termini sibi correlative oppositi, atqui relationes disparatæ non se invicem respicerent, ut terminos relativè oppositos; ergo non. dicerent invicem incommunicabilitatem, & distinctionem, sed potius invicem communicabiles essent; & cum omnis communicatio inter prædicata divina, sit per identitatem, fieret inde, quodd relationes illæ disparatæ divinæ invicem identificarentur, & tolleretur Trinitas Personarum: sicut quia spiratio activa, & paternitas, effo disparatæ, invicem tamen relativè non opponuntur, communicabiles sunt, ideoque sunt unum, & idem realiter.

Quod verò Filius, etsi non produceret Spiritum Sanctum, adhuc ab illo distingueretur, ut vult Scotus, quamquam nostrum non sit respondere, adhuc tamen dicimus, latam esse disparitatem. Nam Scotus non loquitur de Personis omnino improductis, nec sentit, quodd si Personæ divinæ essent omnino improductæ, adhuc distinguerentur inter se; sed loquitur de Personâ productâ, nempe de Spiritu Sancto, quem dicit ex vi processionis à solo Patre esse constitutam in ratione Personæ disparatæ à Personâ Filii: & propterea, etsi à Filio non procederet, adhuc esset Persona alia, & distincta à Filio.

VII. Dico secundò. Processiones inter divinas Personas non sunt unius ab alio, ut à causâ, sed ut à puro principio originis. Probat. Quælibet Persona divina procedens procedit in eodem omnino esse cum Personâ, à quâ procedit; ita ut esse, quod accipit Filius à Patre, sit idem omnino esse Patris, & esse, quod accipit Spiritus Sanctus à Patre, & Filio sit idem omnino esse Patris, & Filii communicatum, Filio quidem per generationem, Spiritui Sancto autem per processionem: sic ut Pater, Filius, & Spiritus Sanctus sint unius essentialiæ, & unus Deus, ut contrâ Arianos, & Macedonianos probatum est, ergo Persona procedens respicit eam, à quâ procedit non ut causam sui, sed ut principium; quia causa in quantum talis non communicat suum esse effectui, sed in eo producit esse diversum, ideoque quod non sit esse à se,

sed ab alio dependens: ratio autem puri principii solum dicit originem, cum quâ sit, quodd idem omnino esse sit in eo, à quo oritur, & in eo quod oritur; in uno ut dante, & communicante, in altero ut accipiente.

VIII. Hic advertenda est doctrina D. Thom. qu. 20. de potentia art. 1. ad 9. Nempe: quod inter omnia ad originem spectantia magis convenit in Divinis hoc nomen principii. Quia enim divina comprehendendi à nobis non possunt, convenientius à nobis significantur per nomina communia, quæ indefinitè aliquid significant, quàm per nomina specialia, quæ definitè rei species expriment. Unde hoc nomen quæ est, quodd secundum Damascenum significat substantia pelagus infinitum, convenientissimum nomen Dei dicitur esse Exod. 3. Sicut autem causa communior est, quàm elementum, quodd significat aliquid primum, & simplex in genere causa materialis: ita, etiam principium est communius, quàm causa. Nam prima pars motus, vel linea dicitur principium, sed non causa. In quo patet, quodd principium potest dici aliquid, quod non est secundum essentiam distinctum, ut punctum linea; non autem causa, maxime si loquamur de causâ originante, quæ est causa efficiens.

Et prosequitur: Quamvis autem Pater dicatur esse principium Filii, & Spiritus Sancti; non tamen videtur indifferenter dicendum, quod Filius sit principium, vel etiam Spiritus Sanctus, licet etiam hoc modo loquendi Græci utantur, & possit apud sanctos intelligentes concedi. Tamen ea, quæ minorationem aliquam importare videntur, refugere debemus, ne Filio, vel Spiritui Sancto attribuantur, propter Arianorum errorem vitandum. Sicut Hilarius, etsi concedat, Patrem esse majorem Filio, propter auctoritatem originis, non tamen concedit quodd Filius sit minor Patre, cui est æquale esse donatum à Patre. Et similiter non est extendendum nomen subauctoritatis vel principii in Filio, licet nomen auctoritatis, vel principii concedatur in Patre. Hiclenus O. Thom. quod docuit etiam 1. part. quæ 33. art. 1. ad 2. & ad 1. ubi ait: Quod Græci utuntur in divinis indifferenter nomine causa, sicut & nomine principii, sed

sed Latini Doctores non utuntur nomine causa, sed nomine principii. Et datâ ratione ut supra, quia principii nomen est communis, quâm causa, nomina autem communia convenientius assumuntur in divinis: Quia nomina quânto magis specialia sunt, tantò magis determinant modum convenientem creatura, subdit: Unde hoc nomen causa videtur importare diversam substantiâ, & dependentiam ali- ejus ab altero, quam non importat nomen principii. In omnibus enim causa generibus semper invenitur distantia inter causam, & id, ejus est causa, secundum aliquam perfectionem, aut virtutem. Sed nomine principii utimur etiam in his, quæ nullam hujusmodi differentiam habent, sed solum secundum quandam ordinem; sicut eum dicimus punctum esse principium lineæ; vel etiam eum dicimus frontem lineæ esse principium lineæ. Hec idem docet qu. 30. de Potentiâ art. 1. ad 8.

Ex quibus apparet, quodd estsi quæ Patris Græce nomine causæ in divinis usi sint, hoc contigit, ait D. Thom. citato loco de pot. ad. 8. Quia Græci absolute utuntur nomine causa, ex ipso solam originem significantes. . . . Aliquid enim inconvenienter in linguâ latinâ dicitur, quod propter proprietatem idiomatis convenienter in linguâ græcâ dici potest. Non autem oportet, si nomen causa constemur in divinis secundum Græcos, quod eodem modo accipiatur, sicut eum de creaturis dicitur. Mentem Sancti Thomæ fusc exponere placuit; quia ex ea discere poterit studiosus modum cautè in hoc mysterio loquendi, & rursus hæreticis illud oppugnantibus occurrere. Reliqua inferius solvemus.

## §. III.

## Solvuntur contraria.

**IX.** Primum obijcitur. Omne procedens posterius est eo, à quo procedit: sed inter divinas Personas non datur prius, & posterius, eum omnes invicem coexistent; ergo &c. Major probatur. Nomen enim principii à prioritate sumitur.

Respondeo, neg. maj. Id enim, quod

procedit ab alio, ut à puro principio, dicit quidem ordinem originis ad illud, non tamen ordinem posterioris ad prius. Ad probat. respondeo eum D. Thomâ 1. par. qu. 33. ar. 1. ad 3. quodd licet hoc nomen Principium, quantum ad id à quo imponitur ad significandum, videatur à prioritate sumtum, non tamen significat prioritatem, sed originem. non enim idem est, quod significat nomen, & à quo nomen imponitur. Quod repetit qu. 10. de potentia art. 1. ad 10. & 1. par. qu. 41. ar. 3. In divinis (inquit) dicitur principium secundum originem absque prioritate. . . . & hic vocatur ordo natura secundum Augustinum (lib. 1. contra Maximin. cap. 14.) non quod alter sit prius altero, sed quo alter est ex altero. Quatenus licet Personæ divinæ semper fuerint, una tamen semper fuit cum ordine originis ab aliâ, sicut (proportione tamen servatâ) licet fluvius ab æterno fuisset, semper fuisset cum ordine originis, ac semper emanasset à suo fonte. Quare Gregorius Nazianzenus orat. 35. Quid ergo, inquit, si Filius, & Spiritus Sanctus Patri coeterni sunt, quid offerri potest, quin principii quoque, quemadmodum & ille, sint expertes? Cui sic respondet: Quia ab ipso sunt, licet non post ipsum. Quid enim principie caret, æternum quoque est: quodd autem æternum est, non protinus quoque principie vacat, quamdiu ad Patrem velut ad principium, & originem refertur.

X. Secundò obijcitur. Persona divina debet esse à se, aliàs non esset Deus; cum Deus sit essentialiter ens à se, & non ab alio: sed Persona procedens non est à se, sed ab alio; & ergo &c.

Confirmatur. Esse Personæ, quæ sit substantialiter Deus non potest esse receptum ab alio; quia quodd habet esse ab alio receptum, non habet esse ex se, & à se, sed indiget alio, ut sit: sed Personæ procedentes habent esse ab alio receptum; ergo &c.

XI. Respondeo, dist. maj. & non ab alio, ut à causâ, conc. maj. ut à puro principio originis, nego absolute maj. & eodem modo distinctâ min. nego consequens quodd quidem contra essentialiam Dei, qui est primum ens, & prima causa, quodd pro-

ce-

cedat ab alio, ut à causâ; aliâ haberet esse dependens, & diversum ab esse causâ, quod est contrâ essentiam Dei, & ejus-  
cunque prædicati divini, quod essentia-  
liter debet esse ens à se, unum, ac in-  
dependens à quocunque. Procedere autem  
ab alio, ut à puro principio origi-  
nis, licet non sit de essentiâ Dei, cum  
Pater sit Deus, & a nullo nascatur, seu  
procedât; non tamen est contra essentiam,  
Dei, aut Personæ divinæ. Ita fenserunt  
Nicæni Patres, qui Christum Filium Dei  
Unigenitum, ex Patre natum ante omnia  
secula, Deum de Deo, Lumen de Lumi-  
ne, Deum verum de Deo vero, Genitum  
non factum, declararunt. Ratio autem  
est: quia cum Persona procedens ab aliâ,  
ut à puro principio suæ originis, acci-  
piat idem numero esse cum eo, quod ha-  
bet Persona, à quâ procedit; idè sicut  
esse Personæ à quâ procedit, est à se,  
in divinum, ita à se & divinum erit esse,  
quod communicatur Personæ proceden-  
ti. Nec etiam Persona procedens excogitari  
potest dependens ab eâ, à quâ  
procedit. Non quidem in esse, quod ac-  
cipit; quia dependentia est inter duodiver-  
sa, esse autem, & natura in Personâ  
producente, & productâ eadem omnino  
sunt: quare si absque dependentia est in  
producente, erit quoque in Personâ pro-  
cedente, & productâ. Nec etiam in per-  
sonali proprietate; cum enim hæc sit re-  
latio, ex parte ejus dependentia attendi  
non potest, quia relativa sunt simul na-  
tura; unde inter illa dependentia excogitari  
non potest, quæ necessariò dicitur prior-  
itatem, & posterioritatem causalitatis,  
sed solus ordo originis; quatenus licet  
ambo simul sint, & simul intelligantur,  
unum tamen concepitur, ut principium  
originis, alterum ut terminus; unum ut  
dans, alterum ut accipiens.

XII. Simile argumentum S. Grego-  
rio Nazianzeno opponerat Luminianus  
Orat. 35. Aiebat enim: non idem sunt  
genitum, & ingentum; ergo nec Filius  
cum Patre idem est; ergo alteruter à di-  
vinitate submoveri debet. Probabat as-  
sumtum: nam, vel ingentum essentia  
Dei est, vel genitum. Si primum; ergo  
genitum Deus non est. Si secundum;  
ergo ingentum Deus non erit.

Tom. IV.

Cui S. Gregorius præfatus sic respon-  
det: si per hæc verba ingentum, & ge-  
nitum nihil aliud intelligis, quàm increa-  
tum, & quod creatum, in eadem ipse,  
quoque sum sententiâ: neque enim natu-  
râ idem est, quod principio caret, & quod  
procreatum est. Sin autem his verbis eum  
qui genuit, & eum qui genitus est, ac-  
cipis baud quaquam rectè id abs te di-  
citur. Idem enim omnino esse necesse est;  
Hæc quippe geniti natura est, ut idem,  
si naturam spectes, sit cum eo, qui ge-  
nuit. Deinde sic prosequitur: Quid per  
ingentum, & genitum intelligis? Si ip-  
sam ingentis, & geniti proprietatem, non  
idem sunt. Si verò intelligis ea, quibus  
hæc insunt, quid vetat quominus idem  
sint? Et hoc explicat exemplo: nam in-  
spiciens, & sapiens inter se quidem non  
idem sunt; in eodem tamen homine con-  
siderantur, nec substantias scindunt, sed  
circa eandem substantiam scinduntur. For-  
tè ingentum & genitum circa eandem  
naturam esse non possunt? At Adam à so-  
lo Deo factus fuit, & non genitus; qui  
tamen homo est ejusdem naturæ, ac ille, qui  
ab eo genitus est: esse enim genitum, vel  
ingentum proprietates: At esse ingentum  
Personæ est, non natura. Si magnum est  
Patri à nullo profectum esse, non minus  
illustre Filio erit ex tali Patre prodii-  
se: nam præterquam quòd gloria illius,  
qui causam à nullo habet, particeps est,  
quia ex eo est, accedit etiam generatio-  
nis decus.

At, inquit. Si Filius ejusdem essen-  
tiæ cum Patre est: si Pater ingentus  
est, Filius quoque ingentus esse debe-  
ret: Respondet: Rectè, si ingentum es-  
sentia Dei diceretur, & non potius Per-  
sonæ proprietates: At esse ingentum es-  
sentia Dei non est: Ingentum enim,  
& genitum se habent ut privatio, &  
habitus; privatio autem destruit habi-  
tum, & habitus privatione prior est;  
ergo & Pater destrueret Filium, & Fi-  
lius Patrem; & Filius præcederet Pa-  
trem. Rursus: quoniam habitus privatio-  
nibus priores sunt, ac privationes habi-  
tus ipse extinguunt, non solum antiquior  
erit Filius essentia, quàm Pater, sed etiam  
à Patre extinguetur, ac de medio tolle-  
tur. Ita discurret Nazianzenus.

B b

XIII.



XIII. Ad confir. dico, quòd licet esse Personæ divinæ non possit esse receptum, idest causatum, potest tamen esse communicatum. Ratio est : quia esse causatum potest quidem esse simile cum eo, quod est in causâ, sed non potest esse omnino idem. At esse purè communicatum est omnino idem cum esse, quod est in communicante. Sic licet Filius habeat esse sibi communicatum à Patre, habet tamen idem omnino esse, ac eandem numero naturam, quam habet Pater, & consequenter substantialiter divinam.

Neque ex eo quòd Filius accipiat esse à Patre dici potest indigens, si aliquando fuisset, aut potuisset esse Pater, quin esset Filius, aut Filius potuisset carere tali esse : At cum Pater non potuerit esse, quoniam Filio communicaret esse, & Patri æquòd essentialiter sit habere esse divinum, & illud Filio communicare ; & rursus cum Filius, nec unquam fuerit, nec potuerit esse absque esse sibi communicatio à Patre, non potest esse indigens illo. Recipiens enim (ait D. Thom. qu. 10. de potentia art. 1. ad 3<sup>am</sup>) antequam recipiat indiget : ad hoc enim accipit, ut indigentiam repleat. Sed postquam jam acceperit non indiget, habet enim, quo indigebat. Si ergo aliquid est, quod receptioni non præexistit, sed semper est in recepisse, hoc nullo modo est indigens. Filius autem non sic accipiat à Patre, quasi prius non habens, & postea accipiens ; sed quia hoc ipsum quod est, habet à Patre : unde non sequitur, quòd sit indigens.

XIV. Sed contra primò. Creatura qualibet est indigentis natura, & tamen non præexistit receptioni, quâ recipit esse à Deo. Non ergo excludit indigentiam à recipiente hoc, quod receptioni non præexistit.

Contra secundò. Quòd non habet aliquid, nisi secundum quòd recipit illud ab alio, in se consideratum caret illo ; sicut aer in se consideratus caret lumine, quod ab alio recipit. Si ergo Filius, & Spiritus Sanctus non habent esse, nisi per hoc quòd recipiunt à Patre, quod oportet dicere, si à Patre procedunt, necesse est, quòd, si in se considerentur, sint nihil. Quòd autem in se consideratum nihil est, si habeat esse ab alio, oportet, quòd ex nihilo sit,

& ita quòd sit creatura &c. Ità sibi opponit laudato loco D. Thomas 14. & 15. argumento.

Quibus respondet : Ad 14. dicendum, quòd creatura accipit à Deo esse quoddam, quod non esset permanent, nisi divinitus conservaretur. Et idè etiam postquam esse accipit, indiget divinâ operatione, ut conservetur in esse, & sic est natura indigentis. Filius autem accipit à Patre, idem numero esse, & eandem naturam, numero, quam Pater habet. Unde non est natura indigentis. Addi potest, quòd creatura sic accipit esse, ut eo carere non potuerit, sicut nec Pater.

Ad alterum respondet : Ad 15. dicendum, quòd Filius in se consideratur, secundum illud, quod absolute habet, quod est Patris essentia, & secundum hoc non est nihil, sed unum cum Patre ; secundum, verò quod refertur ad Patrem consideratur, ut recipiens esse à Patre. Unde nec sic etiam est nihil. Et ita nullo modo Filius est nihil. Effet autem in se consideratus nihil, si esset in eo aliquid absolutum distinctum à Patre, sicut est in creaturis.

XV. Tertio obijcitur. Esse, quod identificatur cum alio realiter diverso, debet esse realiter diversum : sed esse Personæ productæ, puta Filii, identificatur cum Filio, qui est relative oppositus, & realiter distinctus à Personâ Patris producentis ; ergo esse Filii non est idem cum esse Patris. Major explicatur : quia enim esse, quod est in Petro identificatur cum Petro, qui realiter distinguitur à Paulo ; idè esse, quod est in Petro distinguitur realiter ab esse, quod est in Paulo.

XVI. Respondeo, majorem esse veram, quando esse identificatur cum realiter diverso, cujus diversitas oritur ex limitatione ; secus vero, si identificetur cum realiter diverso, cujus diversitas oritur ex purâ oppositione relativâ, ut contingit in divinis Personis. Tunc enim non oportet, ut diversitas extendatur ad ipsum esse. Cum autem tota diversitas inter divinas Personas ex oppositione relativâ oriatur, & ipsum esse, seu natura Personæ producentis, non opponatur relative cum esse Personæ productæ ; idè

quam-

quamvis esse relativum productum sit diversum realiter à producente, non tamen esse absolutum crit diversum ab illo.

Ex quibus patet etiam, quod Persona producens non est perfectior Personâ productâ; quia Persona producta accipit omnem, imò eandem perfectionem Personæ producentis, cum eidem communicet eandem essentiam cum omnibus attributis. Sed de his inferiùs.

§. I V.

*De numero Divinarum Processionum, quæ est secunda pars.*

**P**rocesso considerari potest activè; & sic est actio, quâ Persona producit; & rursùs passivè; & sic dicit terminum productum, seu Personam procedentem. His stantibus.

XVII. Dico secundò. Duæ tantùm sunt in Deo processioncs Passivæ. Probatur. Duo tantùm sunt termini producti per processioncs activas divinas, nempe Verbum & Spiritus Sanctus; Pater enim, cum sit fons, origo, & Principium totius Deitatis, ità alias Personas producit, ut ipse à nullâ aliâ personâ produci possit. Quapropter ejus character, & personalis proprietas, est esse innascibilem, & inceptum, ut offendit D. Thom. 1. par. 94. art. 4. Ergo duo tantùm sunt termini &c. seu passivæ processioncs.

XVIII. Dicò tertio. Duæ solum sunt in divinis processioncs activæ, duæ inquam, virtualiter distinctæ, non realiter. Hæc secunda pars constat; quia, activæ processioncs in Deo sunt actus, quibus divinæ Personæ procedunt: sed actus in Deo realiter non multiplicantur, sed solum virtualiter, quia quicquid divinum ad genus absolutum pertinet, unum realiter, ac simplex est; ergo &c. Major patet: quia, ut dicemus, processio activa Verbi est actus divini intellectus: processio verò activa Spiritus Sanctis est actus divinæ voluntatis.

Prior verò pars probatur ex D. Thomâ 1. par. 94. art. 5. Primò. Quia tot sunt processioncs, quot sunt procedentes: sed procedentes sunt tantùm duo, scilicet Filius, & Spiritus Sanctus, ut

dictum est; ergo duæ tantùm sunt processioncs. Secundò processioncs enim activæ in divinis accipi non possunt, nisi secundùm actiones, quæ in agente manent: atqui hujusmodi actiones in naturâ intellectuali, & divinâ non sunt nisi duæ, scilicet intelligere, & velle: Nam sentire, quod etiam videtur esse operatio in sentiente est extra naturam intellectuale, neque totaliter est remota à genere actionum, quæ sunt ad extra. Nam sentire perfectitur per actionem sensibilis insensum; ergo &c. Maj. probata fuerat à D. Tho. eadè quæst. art. 1. Cum enim Deus sit super omnia, ea, quæ in Deo dicuntur, non sunt intelligenda secundùm modum infirmarum creaturarum, quæ sunt corpora, sed secundùm similitudinem supermarum creaturarum, quæ sunt intellectuales substantia, à quibus etiam similitudo accepta deficit à representatione divinarum. Non ergo accipienda est processio secundùm quiddam est in corporalibus, vel per motum localem, vel per actionem, alicujus causa in exteriorem effectum, ut color a calefaciente in calefactum; sed secundùm emanationem intelligibilis à dicente, & impulsus ab amante, quæ manent in ipso.

XIX. Contrâ dicta arguens primò. Sicut aliquid potest esse procedens à precedente, ita potest aliquid esse natum ex nato, ut patet in hominibus, in quibus is, qui nascitur ab uno, habet alium de se natum: sed in divinis datur processio procedentis à precedente, nempe Spiritus Sancti à Filio; ergo dari poterit quoque processio nati à nato, nempe Filii à Filio.

XX. Confirmatur. Major est secunditas in Deo, quàm in nobis: sed in nobis non est tantùm una processio verbi, sed multæ, quia in nobis ex uno verbo procedit aliud verbum, & similiter ex uno amore alius amor; ergo &c.

XXI. Respondetur, Spiritum Sanctum procedere à precedente, nimirum à Filio, non eadè processionis specie, scilicet ut natus ex ipso, sed ut amor, & impulsus: duæ autem processioncs diversæ speciei dari possunt in Deo, non verò duæ processioncs ejusdè speciei, puta duæ processioncs Verbi, vel Amoris.

B b 2

XXII.

XXII. Ad confirmationem, respondet S. Thomas 1. par. qu. 27. art. 3. ad 3. *Quod Deus unico actu omnia intelligit, & similiter omnia vult: unde in eo non potest esse processio Verbi ex Verbo, neque Amoris ex Amore: sed est in eo solum unum Verbum perfectum, & unus amor perfectus; & in hoc ejus perfecta sacunditas manifestatur.* Ita D. Thom. Sicut enim per hoc, quod uno actu omnia intelligit, & uno actu omnia amet, ejus summa vis in cognoscendo, & amando apparet; ita per hoc, quod uno Verbo omnia dicat, & unico impulsu omnia amabilia complectatur ejus summa sacunditas manifestatur.

Ex quibus potest, impossibile esse in Deo aliud Verbum, & alium impulsum procedere. Quotiescumque enim aliqua potentia producit totum effectum, quem potest producere, impossibile est, alium effectum per eam produci: atque Pater aternus, gignendo Filium per omnia sibi æqualem, coeternum, & consubstantialem, totum producit, quod ejus potest generativa produci potest, nec in divinis alia potentia generativa est; & idem dicito de potentia spirativa; ergo impossibile est, in divinis alium Filium generari &c. Quia verò in humanis unicus filius nec adæquat potentiam generativam, nec speciem humanam, & diversa potentia generativa est in Filio genito, ac sit in generante, diversam enim potentiam, sicut & naturam, accipit à genitore homo, qui gignitur; idcirco potest in humanis homo, qui gignitur, habere alium ex se genitum, & ex se oatum.

XXIII. Argues secundò. Est in divinis processio per modum naturæ, secundum quam Filius nominatur: est etiam processio per modum intellectus, secundum quam nominatur Verbum: est insuper processio per modum voluntatis, secundum quam nominatur amor; ergo sunt tres processioness.

Respondeo ex D. Thom. qu. 10. de potentia art. 2. ad 11. quod in divinis processio, quæ est per modum intellectus non distinguitur à processione, quæ est per modum naturæ, propter tria. Primò. Quia sicut processio, quæ est per modum naturæ est prima, nec præexigit aliam

processionem; ita processio, quæ est per modum intellectus, ad differentiationem processionis per modum voluntatis, quæ necessariò præexigit processionem, quæ est per modum intellectus. Secundo. Quia sicut natura intendit producere similitudinem sui; ita intellectus, tam intus, quam extra. Iotus quidem sicut Verbum est similitudo rei intellectæ, & ipsius intellectus intelligentis seipsum; extra autem, sicut forma intellectæ ab artifice inducitur in artificiatum; ad differentiationem voluntatis, quæ non intendit injucere similitudinem, nec intra, nec extra; nec est similitudo aliqua voluntatis, aut voliti, sed quædam impressio relicta ex voluntate in volito, aut quædam unio unius ad alterum. Tertio. Quia processio naturæ est tantum ab uno, sicut ab agente, si sit perfectum agens; & quamvis in animalibus generetur aliquis ex duobus, scilicet ex Patre, & Matre, solus tamen Pater est agens; similiter autem processio intellectus est ab uno solo: sed amicitia, quæ est amor mutus, procedit ex duobus iocivem se amantibus. Ita serè isdem verbis S. Thomas.

XXIV. Sed dices. Processiones creaturarum sunt ad exemplar processionum divinarum; sed in creatis alia est processio naturæ, secundum quam homo generat hominem, & alia processio intellectus, secundum quam producit verbum; ergo & in divinis &c.

Respondetur, processioness creaturarum maximè differre ab exemplari processionum divinarum. Primò. Quia in creaturis materialibus (in quibus solis est) processio per modum naturæ materialis est, & non nisi naturali transmutatione perficitur; processio autem intellectus immaterialis est; ideoque processio naturæ in creaturis à processione intellectus diversa est. Secundò. Quia verbum, quod procedit in creaturis, dum intelligitur, neque est subsistens, neque ejusdem naturæ cum intelligente, ideoque quod procedit per intellectum, non potest procedere processione naturæ, sicut procedit quod generatur, quod procedit ut subsistens in eadem natura cum generante: Qui verò in divinis procedit per modum intellectus, procedit ut subsistens,

flens, & in eadem cum genitore substantiâ; ac proinde nihil obstat, quin possit esse una, eademque processio per modum intellectus, & per modum naturæ.

XXV. Argues tertio. Processio, quæ est in divinis debet procedenti communicare naturam divinam, quia omne, quod in Deo procedit, Deus est: sed per processionem, quæ est à voluntate non potest communicari natura, ut patet in creatis, & quia nihil accipere potest naturam, nisi viâ generationis; ergo &c.

Confirmatur. Quod procedit in naturâ procedit naturaliter, non voluntariè; sed quod procedit per voluntatem procedit voluntariè, & cum voluntas sit libera, procedit etiam liberè, & potest procedere, & non procedere; ergo non potest procedere ut habens naturam divinam, neque ut ens necessarium, & à se, qualis debet esse Deus.

XXVI. Respondeo ex D. Thomâ 1. par. qu. 27. art. 3. ad 2. *quod quid est in Deo Deus est, quod non contingit in aliis rebus. Et ideo per quamlibet processionem, quæ non est ad extra, communicatur divina natura, non autem alia natura.* Idem docet qu. 10. de potentiâ art. 2. ad 6.

Ad confirm. respondet D. Thomâ qu. 10. de potentiâ art. 2. ad 4. Quod licet quod producit per voluntatem non procedat per modum naturæ, quia hoc modo procedit solum id, cui ex vi processionis communicatur natura; procedit tamen naturaliter, si naturaliter ad illud voluntas feratur. Cum ergo Deus naturaliter amet suam bonitatem, sicut etiam naturaliter intelligit suam veritatem, & quæcumque potentia naturaliter comparatur ad suum objectum; Idem sicut Filius naturaliter procedit à Patre, ut Verbum, ita Spiritus Sanctus procedit naturaliter ab eo, ut Amor: naturaliter, inquam, non per modum naturæ: dicitur enim aliquid produci naturaliter propter naturalem habitudinem, quam habet ad suum principium: per modum verò natura produci dicitur, quod producit ab aliquo principiose producente, sicut natura producit.

Neque proinde Spiritus Sanctus, etsi procedat per voluntatem, sic liberè procedit, ut possit non procedere, sed pro-

cedit necessariò, ut non possit non procedere: nec naturalis necessitas repugnat voluntati, sed sola violentia & coactio. Unde sicut Deus suâ voluntate amat seipsum, licet de necessitate amet seipsum, sic Pater & Filius voluntate producant Spiritum Sanctum, licet de necessitate, seu naturaliter ipsum producant. Vide Divum Thomam mox citatum ad 5.

XXVII. Argues quarto. Si ponantur duæ processionis in divinis, oportet, ut differant vel numero tantum, vel specie. Si numero tantum; ergo utraque processio erit ejusdem speciei, scilicet generatio, & uterque procedens erit Filius. Si verò differant specie; ergo natura per processionem communicata erit specie diversa. Sic enim specie differt processio hominis, & equi à suo principio, non autem processio Sortis, & Platonis; ergo cum una tantum sit natura divina, non possunt esse duæ processionis specie differentes per hoc, quod una est à procedente, alia non. Ita sibi opponit D. Thom. qu. 10. de potentiâ art. 2. citato.

XXVIII. Cui (quod est 22.) respondet, processionis in divinis differre, quasi secundum speciem propter differentiam proprietatum personalium, licet in procedentibus sit una natura communis. Sciendum enim est, quod generatio in rebus creatis per se ordinatur ad speciem; natura enim intendit generare hominem; unde & natura speciei per generationem multiplicatur in rebus creatis. Processio autem divina est ad multiplicationem hypostasum, in quibus natura divina una, numero invenitur. Unde ex quo processionis divinæ quasi specie differant, sequitur quidem hypostasies suis proprietatibus personalibus invicem differre specie, seu potius quasi specie (cum in divinis nec sit genus, nec species propriè talis) non tamen, quod natura, cujus sunt illæ hypostasies, specie differat. Cujus etiam aliquale exemplum asserere possumus in creatis: nam Petrus, & Paulus, si considerentur quatenus subsistunt in naturâ humanâ, unum specie sunt; si verò considerentur secundum proprietates individuales, distinguuntur secundum speciem proprietatis.

XXIX. Tandem argues. Bonitas videtur esse principium processionis, cum bonum sit sui diffusivum; ergo videtur ponenda tertia processio secundum bonitatem.

Respondetur ex S. Thom. 1. par. qu. 27. art. 5. ad 2. Quod bonitas pertinet ad essentiam, non ad operationem, nisi forte sicut objectum voluntatis. Unde cum processionem divinas secundum aliquas actiones necesse sit accipere; secundum bonitatem, & alia huiusmodi attributa non accipiuntur aliae processionem, nisi Verbi, & Amoris; secundum quod Deus suam essentiam, veritatem, & bonitatem intelligit, & amat.

### DUBIUM II.

De principio Divinarum Processionum.

#### S. I.

*Quadam pro intelligentia.*

I. **D**uplex hæc in re distinguere potest principium, unum dictum principium quod; aliud dictum principium quo. Principium quod est hypothesis, suppositum, seu persona, cui tribuitur operatio, tritum enim est axioma: actiones sunt suppositorum. Principium quo est virtus, quæ principium quod operatur. Sit exemplum: dum ignis calefacit, suppositum ignis est principium quod calefacit, calor autem est principium quo, seu virtus, quæ ignis calefacit.

II. Rursus. Principium quo subdividitur in principium quo remotum, seu radicale; & principium quo proximum. Primum est illud, quo suppositum mediatè solum, & radicaliter operatur. Secundum verò, quo immediatè, & proxime operatur. Sicut dum suppositum ignis calefacit, principium radicale est ipsa substantia, seu natura ignis; proximum verò est ipse calor. Sic manus est principium quo remotum, & pennicillus est principium proximum quo pingendi; quia Pictor, qui est principium quod, immediatè pingit per pennicillum, mediatè verò per manum.

III. De principio quod divinarum pro-

cessionum non disputamus: hoc enim certum est, esse suppositum, seu Personam, à quâ procedit. Sic Pater est principium quod processionis Filii; & Pater, & Filius sunt principium quod processionis Spiritus Sancti. De principio quo controversia est, sive proximo, sive remoto; seu quænam sit virtus, quæ una divina Persona, sive immediatè, sive mediatè producit alteram. Pro cuius resolutione.

#### S. I I.

*An essentia divina sit principium quo proximum.*

IV. **D**ico primò. Essentia divina non est principium quo proxime una Persona producit aliam. Est contrà Durandum, qui propterea censurâ notatur, utpote in re gravi à communi Theologorum sensu recedens; & etiâ in locutione Scripturæ, & Patrum. Scripturæ quidem: nam in Scripturis Filius vocatur Verbum, Spiritus Sanctus Amor, seu caritas: Verbum autem, & amor non procedunt immediatè à naturâ præviè ad intellectum, & voluntatem; sed Verbum procedit medio intellectu, Amor mediâ voluntate. Patrum quoque; nam hi eodem modo, ac Scriptura Filium vocant Verbum, & Sapientiam; Spiritum Sanctum, Amorem. Gregorius Nazianzenus orat. 35. Cyrillus lib. 1. in Joann. cap. 5. & lib. 7. Thesaur. cap. 5. Basilus homil. in cap. 1. Joann. Et inter cæteros S. Augustinus qui lib. 25. de Trinit. cap. 10. ostendit, Verbum esse in principio apud Deum ex similitudine verbi, quo intra nos procedit. Et cap. 17. vocat Spiritum Sanctum Amorem procedentem. Et lib. 7. de Trinit. cap. 2. Eo (inquit) Filius, quo Verbum, & eo Verbum, quo Filius: atqui principium immediatum quo Verbum est, intellectus est; ergo principium immediatum quo Filius est, intellectus est.

V. Dicere autem, ut Durandus loqui videtur, Scripturam, & Patres, dum Filium Dei vocant Verbum, sumere Verbum improprie, & metaphoricè, voluntarium est, imò temerarium. Tum quia eadem ratione posset dici, quod Scriptu-

ra, & Patres vocent eum Filium solùm metaphoricè, & aperiri via ad dicendum, quòd omnia, quæ Scriptura dicit de hoc, & aliis mysteriis caput nostrum excedentibus, sint intelligenda, non propriè, sed metaphoricè. Tum quia hoc esset in modo loquendi saltem convenire cum hæreticis; sive eum Sabellio negante Trinitatem Personarum propriè talium; sive cum Alogianis Ario antiquioribus, qui teste Augustino de *hæres. cap. 30.* & Epiphania *hæres. 51.* negaverunt in Deo Verbum: Imò cum Arianis ipsi negantibus, dari Verbum propriè tale, quòd sit intra Deum. Tum denique, quia D. Thomas 1. *par. qu. 34. art. 1. ad 1. censet*, Origenem fuisse fontem Ariarum, quia opinatus fuit, cum Filius Dei Verbum dicitur, non esse propriè dictum.

VI. Rursus directè sic probò. Ex dictis processiones divinx debent accipi secundùm aliquam actionem, quæ in agente mineat: sed huiusmodi in naturâ intellectuâ non sunt à naturâ, nisi medio intellectu, & voluntate; ergo &c.

Uterius: si processiones divinx æquè immediatè à naturâ sunt præviè ad intellectum, & voluntatem, non erit ratio, cur una dicatur generatio, & altera non; cum utraque ex eadem naturâ, & eodem modo emanet; cur sint tantùm duæ; cur una sit prior alia; cur Filius ab unâ solùm Personâ, & Spiritus Sanctus à duobus sit.

VII. Sed opponens cum Durando primò. Ex eo, quòd Filius dicatur Verbum, non debet argui, quòd dicatur Verbum propriè, idest ex suâ personali proprietate, sed solùm per appropriationem, sicut quæque dicitur sapientia. Et quemadmodum omnipotentia, sapientia, bonitas non sunt alicujus Personæ proprietates, sed omnibus communes, dicuntur tamen per appropriationem potius de unâ, quàm de aliâ: ut omnipotentia Patri appropriatur, sapientia Filio, & bonitas Spiritui Sancto: sic ratio Verbi, quævis non sit proprietas personalis Filii, dici potest de Filio per appropriationem, potius, quàm de aliâ Personâ; unde non sequitur, Filii processionem esse per intellectum.

VIII. Sed contrà primò: Nam Divus Thomas 1. *par. qu. 34. art. 1. §. 2. probat*, Verbum esse nomen non essentiale, & commune, sed personale, & proprium Filii; quia Verbum ex suâ ratione formali, cum sit dictum, vel prolatum, dicit ordinem originis, & processionis à dicente, & proferente, qui ordo solùm attenditur inter propria Personarum. Eadem ratione licet sapientia, & notitia, prout dicit actum cognitionis sit communis; ut tamen dicit terminum per cognitionem locutum, quo pacto vocatur notitia, & sapientia genita, sic est nomen, proprium, ac personale Filii, ut nequeat aliis Personis, neque per appropriationem aptari.

Secundò. Huiusmodi loquendi modus viam ærnat Sabellianis, & Arianis. Sabellianis quidem, quia si ratio Verbi est prædicatum commune, & solùm appropriatum uni Personæ, nempe Filio; ergo Verbum quâ Verbum non erit Personâ, distincta à Patre: cumque pari ratione, dicturus sit Sabellius, neque Filium dicere proprietatem personalem, sed dici solùm secundùm appropriationem; neque Filius, quâ Filius erit Personâ distincta à Patre. Nam sicut sapientia, quæ attribuitur Filio non facit, Filium distinguere à Patre; ita nec ratio Verbi, aut Filii, quod volebant Sabelliani.

Arianis quoque: quia omnipotentia, attribuitur Patri, sapientia Filio, bonitas Spiritui Sancto, non secundùm operationem ad intra, sed secundùm operationem ad extra; ergo si idem dicitur de ratione Verbi, jam aperitur via Arianis, ut dicant, in divinis dari Verbum, non secundùm emanationem ad intra, sed secundùm processionem ad extra; cumque eodem modo loquerentur de Filio, ac de Verbo, consequeretur, Verbum esse Verbum ad extra, & Filium non per naturam, & secundùm proprietatem, sed puram creaturam.

Tertio. Si ratio Verbi est quid commune toti Trinitati, licet appropriatum Filio; ergo dum dicitur Joann. 1. *Verbum caro factum est*, tres divinx Personæ forent incarnatæ, licet Incarnatio appropriaretur soli Filio: sicut nostra sanctificatio, licet attribuat Spiritui Sancto, & opus creationis licet attribuat Patri,

re-

reverà tamen commune est toti Trinitati, & à tota Trinitate procedit.

IX. Dicendum ergo est, Verbum esse nomen, non appropriatum, sed proprietatem personalem secundæ Personæ, ut ab aliis distinctæ, quod indicavit Joannes cap. 1. dum ait: *Et Verbum erat apud Deum*. Qui enim apud aliquem est, alius ab eo est, ut contra Sabellium supra ostendimus. Sed audiat Durandus S. Augustinum lib. 7. de Trinitate cap. 2. laudato: *Pater igitur, & Filius simul una essentia, & una magnitudo, & una veritas, & una sapientia. Sed non Pater, & Filius simul ambo unum Verbum, quia non simul ambo unus Filius; sicut enim Filius ad Patrem refertur, non ad seipsum dicitur: ita & Verbum ad eum, cujus est Verbum, refertur*. Eo quippe Filius, quo Verbum, & eo Verbum quo Filius.

X. Opponit secundò. Principium quo proximum divinarum processionum non debet esse aliquid commune, sed proprium: atqui intellectus, & voluntas sunt aliquid commune; ergo &c.

Retorqueo instantiam. Nam etiam essentia divina est prædicatum commune, non proprium; ergo neque essentia divina poterit esse principium quo proximum divinarum processionum.

Respondet ergo, quòd (ut infra dicetur) licet intellectus, & voluntas absolute, & secundum se communes sint omnibus Personis; ut tamen sunt in hæc Persona sic modificantur ejus proprietate personalis, sic sunt prædicata ejus propria, ut notionalia dicantur, & fecunda sunt ad aliam Personam producendam. Sic sapientia communis est; at sapientia ut genita, ita propria sit secundæ Personæ, ut non possit supponere nisi pro ea.

XI. Opponit tertio. Productio Personarum in divinis proportionem servatà dari debet, sicut in creatis productio rerum: at in creatis productio rerum est per naturam; ergo &c. Minor probatur. Natura creata ex vi suæ naturæ fecunditatem habet ad se communicandum, & non ex vi actionis intelligendi: unde generatio dicitur opus naturæ, & in Deo communiter dicunt Patres Filium procedere naturà. Additur, quòd operationes immanentes nihil producant; ergo &c. Et

consequenter prævidi ad hujusmodi actiones habetur tota vis, & ratio divinarum Processionum.

Et confirmatur. Quia naturam divinam esse in tribus Personis, eisque communicari, provenit immediatè ex infinitate ipsius essentia; ergo ex eadem infinitate immediatè proveniet, quòd una Persona procedat ab alià.

XII. Respondeo, dist. min. per naturam mediante aliqua actione transeunte, conc. min. immediatè, nego min. Communicatio ergo naturæ, sive in creatis, sive in divinis, aliquà actione fieri debet. Si natura, quæ communicatur sit creata, quia communicatur alteri extra se, communicatio sit actione transeunte, quæ potest præcedere actiones immanentes; quia talis fecunditas non est ad germinandum aliquid intra se, sed extra se. At si natura, quæ communicatur divina sit, cum hæc fecunditatem suam explicet germinando aliquid intra se, cui se ipsam indivisam communicat, exigit, hoc per se actione immanenti, quæ est extra nihil producat, aliquid tamen germinare facit in ipso agente manens: aut Verbum, si sit actio intellectus; aut impulsus, si sit voluntatis.

Ad confirm. dico, ex infinitate quidem divinæ essentia procedere, ut fecunda sit ad sui communicationem, medià tamen aliquà actione perseverandā; cum enim in tribus Personis non quomodo-cumque sit, sed in duabus ut procedentibus, & in alià ut producente non productà, sit, ut non possit esse in illis absque processionibus, & processionibus sine actionibus.

XIII. Opponit quartò. Relationes divinæ proprietates sunt, seu attributa divinæ naturæ: sed omnes proprietates immediatè emanant à naturà, sicut & cætera attributa; ergo &c.

Respondet, distingu. maj. proprietates convenientes naturæ ex se, nego maj. naturæ, ut communicatæ, conc. maj. est ergo differentia inter attributa divina absoluta, & relationes; quòd illa conveniunt naturæ divinæ ex se, & idè ab illà immediatè emanant; at istæ cum non convenient naturæ divinæ, nisi ut communicatæ alicui Personæ, idè nequeunt

con-

convenire divinæ naturæ, nisi mediâ actione, quâ fiet talis communicatio ad intra; quæ actio in naturâ intellectuâli, cui convenit producere terminum non extra, sed intra se, alia esse nequit, nisi actio intellectus, & voluntatis.

§. III.

*An essentia, seu Natura Divina  
sit principium quo radicale.*

XIV. Dico secundò. Essentia, seu natura divina est principium quo radicale, seu primordiale divinarum Processionum. Probatur primò. Illud est principium radicale, & remotum divinarum processionum, cui primò, & radicaliter convenit secunditas, & vis proxima producendi terminum ad intra: sed hoc primò convenit essentiæ divinæ, ratione cujus Deo convenit omnis perfectio, & in quâ omnia divina continentur & radicantur; ergo &c.

Secundò probatur ratione D. Thomæ 1. par. qu. 47. art. 5. Illud est principium quo radicale divinarum processionum, cui assimilantur termini per illas procedentes; omne enim producens aliquid, producit sibi simile in formâ, quâ primò agit; sicut homo genitus est simile generanti in naturâ humanâ, cujus virtute pater potest generare hominem: sed termini divinarum processionum procedunt similes in naturâ divinâ, quælibet enim Persona procedens Deus est; ergo &c. Unde Hilar. lib. 5. de Trinit. *Nativitas* (inquit) *Dei non potest eam, ex quâ profecta est, non tenere naturam; nec enim aliud, quàm Deus, subsistit, quod non aliunde, quàm de Deo subsistit.*

Notat tamen S. Thomas ibi ad 3. quòd eùm dico essentia est principium generandi, non sumo essentiam absolutè, ut communis est, sed sumo essentiam in recto, & in obliquo generationem; *Sicut si dicere essentiam Patris. Unde quantum ad essentiam, quæ significatur, potentia generandi communis est tribus Personis; quantum autem ad notionem, quæ connotatur, propria est Personæ Patris.*

XV. Dices. Quod non generat, nec

*Tom. IV.*

generatur, non est principium, aut terminus divinarum processionem; atqui essentia divina nec generat, nec generatur; nam in Concil. Lateran. IV. anno 1215. sub Innocentio III. damnatus fuit libellus, quo Abbas Joachim asseruerat, essentiam, & generare, & generari.

Respondeo, dist. maj. quod &c. non est principium quod, aut terminus qui, conc. maj. non est principium quo, aut terminus quo, nego maj. Sicut ergo licet anima sit principium quo radicale generationis hominis, non tamen verificatur quod anima generat, sed homo; quia actiones propriæ sunt principij quod, & suppositi: ita essentia divina Patris, sit principium quo radicale generationis, non sequitur, quòd dici possit; *essentia divina generat, aut generatur.* Et idèd Concilium Lateranense meritis damnavit libellum Abbatis Joachim, dicendo: *essentia non est generans, neque genita, neque procedens, sed est Pater, qui generat, Filius, qui gignitur, Spiritus Sanctus, qui procedit;* quod ad solum principium quod referri potest.

XVI. Porro, quòd Concilij mens fuerit negare, essentiam esse principium, quod divinarum processionum; non verò negare, eam esse principium quo, patet ex ratione, quam adducit ibi cap. 2. *Damnamus, nempe, ut distinctiones sint in Personis, & unitas in natura.* Distinctio autem, quæ debet esse in Personis, attendi debet in principio quod, quia nihil potest esse producens, & productum, non autem in principio quo radicali: imò in hoc attenditur similitudo, & unitas inter generans, & genitum. Ecce doctrinam S. Thomæ laudat qu. 47. art. 5. ad 1. his terminis: *Agens autem distinguitur à facto, & generans à generato. Sed id, quo generans generat, est commune genito, & generanti; & tantò perfectius, quàm perfectior fuerit generatio. Unde eùm divina generatio sit perfectissima, id, quo generans generat, est commune genito, & generanti, & idem numero, non solum specie, sicut in rebus creatis.* Per hoc ergo, quòd dicimus, quod essentia divina est principium, quo generans generat, non sequitur;

C e



tur; quod essentia divina distinguatur; sicut sequeretur si diceretur, quod essentia divina generat. Hoc autem sequebatur in sententia Joachim, qui cum reprehenderet Petrum Lombardum, ed quod dicendo, quoniam quadam summa res est Pater, & Filius, & Spiritus Sanctus, & illa non est generans, neque genita, nec procedens: Non tam Trinitatem assereret, quam quaternitatem, nimirum tres personas, & illam communem essentiam quasi quartam. Volens propterea, quod, sicut Pater generat, ita essentia generat, coactus fuit ponere distinctionem, nedum in Personis, sed in essentia, & dicere: nulla res est, quae sit Pater, & Filius, & Spiritus Sanctus, nec est essentia, nec substantia, nec natura quamvis concederet, quod Pater, & Filius, & Spiritus Sanctus sunt una essentia, una substantia, una natura unitate tamen non verâ, & propriâ, sed quasi collectiva, & similitudinaria; quemadmodum dicuntur multi homines unus populus, & multi fideles una Ecclesia. Quare Joachim ponebat distinctionem nedum in Personis, sed in essentia, ut refert praefatus Concilium citato Capite Damianus.

## §. I V.

*An principia quo proxima divinarum processionum sint relationes paternitatis, & spirationis activae.*

**XVII.** **D**ico tertio. Principium quo proximum divinarum processionum non est in recto adhuc inadquatae relatio, puta paternitas, aut spiratio activa. Est expressa D. Thomae qu. 41. laudatâ art. 5. & qu. 2. de potentia Et probatur ratione superius allatâ ex S. Doct. Principium quo actionis est illud, quo agens producit sibi simile, seu in quo productum assimilatur producenti; omne enim produciens aliquid per suam actionem producit sibi simile quantum ad formam, quâ agit: atqui relatio, puta paternitatis, non est id, in quo productum assimilatur producenti; Filius enim Dei non assimilatur Patri in paternitate,

cum non sit Pater, nec generet; & Spiritus Sanctus non assimilatur Patri, & Filio in spiratione activa, cum non spiraret; ergo &c.

Secundò probatur ex eodem S. Doctore. Paternitas licet significetur ut forma Patris; est tamen proprietar personalis habens se ad Personam Patris, ut forma individualis ad aliquid individuum creatum: sed forma individualis in rebus creatis constituit quidem personam generantis, non autem est, quo generans generat, alioquin Socrates generaret Socratem; ergo neque paternitas divina potest intelligi ut quo Pater generat, sed ut constituit Personam generantis, alioquin Pater generaret Patrem.

XVIII. Dices primò. Principium quo processionum debet esse illud, quo produciens, & productum distinguuntur; principium enim relativè dicitur: atqui in Deo produciens, & productum solis relationibus distinguuntur; ergo principium quo in divinis debet esse aliquid relativum, & nationale.

Respondeo, negando maj. Nam principium quo ex sua ratione formali non est ratio distinctiva producentis à productò, sed totius assimilativa utriusque; cum, ex dictis agens intendat assimilare sibi terminum in principio quo, sive in forma, quâ agit. Distinctio ergo sumitur ex principio quod, & ex formâ ipsum constituyente in ratione principii quod, seu personae, quae quidem est relatio. At potentia (ait D. Thom. 1. par. qu. 41. art. 5. ad 1.) non significat ipsam relationem principii, alioquin esset in genere relationis. sed significat id, quod est principium, non quidem sicut agens dicitur principium, sed sicut id, quo agens agit, dicitur principium. Deinde subiungit verba superius laudatâ, ostendens in principio quo attendi potius similitudinem, & in principio quod distinctionem. Et qu. 2. de potentia art. 1. ad 3. In rebus creatis (inquit) principium generationis est duplex, scilicet generans, & quo generat. Sed generans quidem per generationem distinguitur à genito, cum nulla res generet seipsam. Sed id, quo generans generat non distinguitur, sed est commune utrique.

Quod

Quoddam verò potentia seu principium, quo relativè dicitur, per se loquendo, falsum est; nam potentia à Philosopho ponitur in genere qualitatis, non relationis. Potentia enim, præsertim si sit immanens, per se est quidem principium actionis, non tamen semper est principium termini per actionem producti, multæ enim dantur actiones; quæ non habent aliquid operatum. Quoddam ergo potentia sit principium, & actionis, & termini per actionem producti, accidit ei, ex quo tali, vel tali modo in hæc, vel illà personam modificatur; sicut imaginativa pro ut in homine perfectiorem habet actionem, quàm ut in bruto, & vis cognoscitiva, posita in duobus hominibus, ex conditione individuali unius habet, quoddam clarioris alio intelligit. Sic ergo si aliquod commune tribus divinis Personis (puta, intellectio) ut positum in unà Personà sit productivum termini, & relationi conjunctum, hoc non habet per se, sed ex conditione individuali illius Personæ. Quare concludit S. Thomas, cujus est hæc doctrina qu. 1. de potentia art. 1. in corp. *in ratione potentia includitur quodammodo paternitas, etiam quantum ad id, quod est generationis principium*: ita ut tamen potentia significetur in recto, & relatio in obliquo; sicut si dicam potentiam Patris, ut docet idem S. Doct. 1. par. qu. 41. art. 5. ad 3.

XIX. Dices secundò. Illud in recto est principium processionum, quo Pater, & Filius constituuntur in ratione principii: atqui in esse principii constituuntur per relationes paternitatis, & spirationis activæ; & ergo &c.

Si respondeas, per relationes constitui quidem Patrem, & Filium in ratione principii subsistendi, seu in ratione personæ, non tamen in ratione principii operandi; quia subsistentia facit quidem subsistere in se, & incommunicabiliter alteri, & est conditio ad operandum ut quod, non tamen facit operari, neque est forma, seu principium operandi.

XX. Contra est. Si Personæ non constituuntur in ratione principii operandi per relationes, constituentur per aliquid absolutum, & commune; ergo cum omne absolutum in quâlibet Personâ sit,

jam vis generativa erit in Filio, & Filius erit potens generare; & vis spirativa erit in Spiritu Sancto, qui similiter erit potens spirare.

Respondeo, dist. ant. commune, ut commune, nego ant. ut proprium hujus Personæ, conc. ant. & nego conf. Responsio patet ex D. Thomà nuper allato qu. 41. 1. par. art. 5. ad 3. cum dico (inquit) *potentiam generandi, potentia significatur in recto, & generatio in obliquo, sicut si dicerem essentiam Patris. Unde quantum ad essentiam, qua significatur, potentia generandi communis est tribus Personis; quantum autem ad notionem, qua connotatur, propria est Personæ Patris. Sed hæc ex sequentibus clariora fient.*

§. V.

*An principium quo proximum divinarum processionum sunt intellectus, & voluntas.*

XXI. Dico quartò. Principia quo proxima divinarum processionum sunt, respectu processionis Verbi, intellectus, non essentialis, sed notionalis, seu ut Patris; respectu verò processionis Spiritus Sancti, voluntas, ut notionalis, seu ut Patris, & Filii; ita tamen ut principium in recto sit intellectus, & voluntas; relatio autem, sive paternitatis, sive spirationis activæ sit conditio modificans, requisita, ut sint principium.

XXII. Quamvis sensus hujus Asserti explicatus maneant ex dictis §. præcedenti secundum D. Thom. doctrinam in respons. ad primam instantiam; attamen pro clariori luce aliqua addere inutile non erit. Novum non est, quoddam eadem forma posita in diversis subjectis, & diversimodè modificata diversos præbet effectus in uno, quos in alio non præstat. Sic calor in animali generat carnem, quam in igne non generat: in femina producit lac, non in viro. Gratia in nobis, qui sumus personæ extraneæ Deo, facit nos filios adoptivos; non in Christo, qui est Persona divina. Ita ergo intellectus ut in Patre, in quo invenit conditionem secunditatis, quia Pater est, habet rationem potentia

generativæ, & de facto generat Filium, quod in Filio non facit, quia deficit conditio paternitatis: & voluntas in Patre & Filio, quia modificatur relatione spirationis activæ, habet vim potentia spirativæ, & de facto spirat, quod in Spiritu Sancto, in quo est voluntas, sed absque tali modificatione, & conditione non præstat.

XXIII. His ita explicatis probatur prima pars, nempe quod principia proxima divinarum processionum sunt intellectus, & voluntas. Nam Personæ, quæ procedunt, una procedit ut Verbum, altera ut Amor, & his nominibus propriis, & notionalibus exprimuntur in Scripturis, & Patribus: sed Verbum immediate procedit per intellectum, & Amor per voluntatem; ergo &c.

XXIV. Secunda verò pars, nempe, quod intellectus, & voluntas sunt principia, non secundum se, sed ut modificantur relationibus paternitatis, & spirationis activæ, probatur. Si potentia proxima generandi Filium, & spirandi Spiritum Sanctum sisteret in intellectu, & voluntate, ut præcise absoluta sunt, & communia, jam potentia generandi esset in omnibus Personis, sicut & potentia spirandi; ergo Filius posset generare Filium, & Spiritus Sanctus alium Spiritum spirare: & cum id, quod est possibile in Deo, de facto in Deo sit, Filius de facto haberet Filium, & Spiritus Sanctus haberet Spiritum Sanctum; & sic in Deo plures, imò infinitæ personæ essent. Vel si intellectus non esset generativus in Filio, cur esset in Patre? Si voluntas non esset spirativa in Spiritu Sancto, cur esset in Patre & Filio, cum ejusdem rationis in omnibus sit?

XXV. Secundò probatur eadem secundà pars. Relationes solæ in divinis illæ sunt, quæ prædicata absoluta, essentialia, & communia reddere possunt notionalia, & propria, juxta, effectum: *omnia in divinis communia sunt, ubi non obviat relationis oppositio*: sed potentia generandi, & spirandi notionalia sunt, & propria; ergo id habent, quia modificantur relatione.

XXVI. Dices primò. Quod fundatur in generatione, & idèd supponit genera-

tionem, nequit concurrere adhuc per modum conditionis modificantis ad constituendum principium, seu potentiam generativam: sed relatio paternitatis fundatur in generatione, & illam supponit, idèd enim est Pater, quia genuit; ergo non potest concurrere, adhuc ut conditio &c.

Respondeo, dist. min. relatio paternitatis, ut relatio est referens Patrem ad Filium, fundatur &c. cone. min. ut constituens Personam Patris, nego min. Responsio hæc est D. Thomæ *qu. 10. de potentia art. 3.* ubi postquam docuit, relationes in nobis, quia accidentia sunt, non posse constituere personam, quæ est aliquid subsistens in genere substantiæ, bene tamen in Deo, in quo, quia relatio secundum rem est ipsa natura divina, Hypothetice divinam constituere potest, prosequitur: *Est ergo alius modus intelligendi, quo intelligitur relatio, ut constitutiva divinæ Personæ, & alius quo intelligitur relatio, ut relatio est.* Unde nihil prohibet, quod quantum ad unum modum intelligendi relatio præsupponat processionem, quantum verò ad alium sit & converso. Sic ergo dicendum est, quod si consideretur relatio, ut relatio est, præsupponit processionis intellectum. Si autem consideretur, ut est constitutiva Personæ, à quâ est processio, est prior secundum intellectum, quàm processio; sicut paternitas, in quantum est constitutiva personæ Patris, est prior secundum intellectum, quàm generatio. Relatio autem, quæ est constitutiva Personæ procedentis, etiam in quantum est constitutiva personæ est posterior secundum intellectum, quàm processio; sicut filiatio, quàm nativitas. Et hoc idèd, quia Personæ procedens intelligitur ut terminus processionis. Hæc D. Thomas.

XXVII. Dices secundò. Potentia generativa est in Filio; at si necessariò connotaret paternitatem, non esset in Filio; ergo &c. Major probatur. Tùm quia potentia generativa continetur sub Omnipotentia; unde Augustinus lib. 2. *aliàs 3. contra Maximin. cap. 7.* dicit, quod si Deus non potuit generare sibi æqualem, ubi est Omnipotentia Dei Patris? At Omnipotentia est in Filio; ergo &c. Tùm etiam, aliàs Filius non esset æqualis Patri,

tri, eum careret potentia generativa, quam Pater habet. Tum quia August. lib. 1. ar. 3. contra Maximin. cap. 12. ostendens, Patrem non esse potentiorē Filio, et si Pater genuerit Creatorem, Filius verò non, dicit: *Neque enim non potuit (Filius generare) sed non oportuit*; ergo in Filio vim generativam fatetur Augustinus, et si non actum, quia non oportuit.

XXVIII. Respondeo, dist. maj. potentia generativa quantum ad rectum, prout scilicet nominat intellectum, conc. maj. quantum ad connotatum, seu modificativum relationis, nego maj. Ad prob. primam dico, Potentiam generativam non claudi sub Omnipotentia absolute, & ut communi, sed, ut ait Augustinus, sub Omnipotentia Dei Patris, seu ut modificata paternitate.

XXIX. Ad secundam probat. nego illatum. Nam, ut ait O. Thom. 1. par. qu. 42. art. 6. ad 3. *sicut eadem essentia, qua in Patre est paternitas, in Filio est filio; ita eadem est potentia, qua Pater generat, & qua Filius generatur. Unde manifestum est, quod quicquid potest Pater potest Filius: non tamen sequitur, quod possit generare, sed mutatur quid in ad aliquid. Nam generatio significat relationem in divinis. Habet ergo Filius eandem potentiam, quam Pater, sed cum alia relatione. Nam Pater habet eam, ut datus & hoc significatur, cum dicitur, quod potest generare. Filius autem habet eam, ut accipiens: & hoc significatur, cum dicitur, quod potest generari.*

XXX. Ad tertiam dico, Petavinum lib. 7. Theologiæ dogmat. de Trin. cap. 13. num. 6. existimasse, mentem Augustini fuisse, quod Filius revera potuerit alium Filium generare. Sed absit, ut hoc tanto Doctore tribuamus. Dum ergo ait, *neque enim non potuit, solum indicare voluit, quod non ex impotentia à sui, sed ex rei natura venit, quod Filius non generet.* Ita respondet S. Thomas qu. 0. de potentia art. 9. ad 1. his verbis: *Ideo dicit Augustinus, quod non est dicendum, quod Filius non potuit generare, sed non oportuit, quia non ex impotentia Filii est, quod non generat, ut hoc quod dicit non potuit sumatur privative, & non simpliciter negativè.*

*Per hoc autem quod dicit, quod non oportuit, significat, quod sequeretur inconveniens si in divinis Filius alium Filium generaret. Quod ex quatuor capitibus ostendit O. Thom. imò ipsemet Augustinus post relata verba subiungens: immoderata enim esset divina generatio, si genitus Filius Nepotem gigneret Patri, quia & ipse Nepos, nisi Avo suo Pronepotem gigneret, secundum vestram mirabilem sapientiam (Maximinum, & Arianos alioquitur) impotens diceretur. Similiter etiam ille si Nepotem non gigneret Avo suo, & Pronepotem Proavo suo, non à vobis appellaretur omnipotens, nec impleteretur generationis series, si semper alter ex altero nasceretur, nec enim perficeret ullus, si non sufficeret unus. Illud ergo non oportuit Augustini indicat generationem alterius Filii in Deo nedum de facto non esse, sed nec esse posse: non ex defectu potentie in Filio genito, sed naturæ rei ita postulante.*

### DUBIUM III.

An Verbi processio sit vera generatio?

#### §. I.

##### Generationis Idea.

I. **O**bservat S. Thomas 1. par. qu. 17. art. 1. quod generationis nomine dupliciter utimur. Uno modo communiter ad omnia generabilia, & corruptibilia: & sic generatio nil aliud est, quam mutatio de non esse, ad esse. Alio modo proprie in viventibus: & sic generatio significat originem abeius viventis à principio vivente conjuncto: & hæc proprie dicitur nativitas. Non tamen omne huiusmodi dicitur genitum, sed proprie, quod procedit secundum rationem similitudinis, in naturâ, non solum ejusdem generis, sed ejusdem speciei.

II. Hæc definitio generationis prioris viventis sic tradita à O. Thom. explicanda est. Dicitur origo, ad significandum, quod, ut vivens generetur, debet oriri, nasci, & procedere à suo principio. Dicitur viventis à vivente, quo denotatur, genitum debere oriri à generante modo

modo vitali diffundente se per substantiam vite suæ communicationem; & insuper ly à *vivente* ponitur ad indicandum, genitum debere procedere de substantiâ ipsius generantis, in quo à creatione distinguitur; quod enim creatur non sit de substantiâ alterius, sed prorsus ex nihilo. Additur ly *conjuncto*, quia generans debet conjungi cum genito, non solum secundum suam virtutem (hoc enim habent omnia agentia) sed secundum suam substantiæ portionem. Animalia enim seipsa ad generandum movent, non solum externâ efficientiâ, & diffusionem virtutis, sicut diffusionem caloris ignis generat ignem; sed portione suæ substantiæ ad hoc elaboratâ, & à se decisâ genito conjunguntur. Sic arbor semine à se deciso, & terræ mandato arborem gignit. Sic mas parte prolifica à se in foeminam immisâ, proli, quam generat, conjungitur; Adedque consentanea est generationi viventium ista conjunctio substantiæ generantis cum genito, ut quod perfectior sit generatio, eò perfectior, & intimior debeat esse ista conjunctio.

III. Additur in *similitudinem naturæ*, ut indicetur, quod genitum, ut verè genitum sit, debet procedere, ut omnino simile in naturâ cum generante; & non hoc solum, sed ulterius debet procedere per actionem destinatam à naturâ ad assimilandum genitum in naturâ generantis; defectu cuius Heva esto processerit similis in naturâ Adamo, non tamen fuit genita, aut filia Adami, quamvis ex portione substantiæ ab ipso extractâ formata; quia ab eo non processit actione datâ ad formaliter assimilandum in naturâ. Et si ex digito suo aliquis alium hominem formaret, eadem ratione non dicitur generasse illum.

IV. Rursus addit S. Thomas qu. 27. c. 1. ut aliquod genitum sit, procedere debet actione formaliter assimilativâ illius cum generante in naturâ, non solum genericâ, sed etiam specificâ; nam vermes, qui generantur in animalibus, non habent rationem generationis, & filiationis, licet sit similitudo secundum genus; & licet per generationem hominis generentur etiam pili, capilli &c. hi tamen non dicuntur geniti, aut filii, sed

solus homo, qui procedit similis in naturâ specificâ hominis generantis; quod si ab hac similitudine defecerit, monstrum potius dicitur; sicut monstruosa est generatio Muli, qui à similitudine specificâ cum suis generantibus deficit.

V. Concludit tandem S. Doctor, quod in viventibus, quæ procedunt de potentia ad actum vite, sicut sunt homines, & animalia, generatio utramque generationem includit; nimirum & propriam viventium, & etiam communiter dictam, pro ut est mutatio de non esse ad esse: Si autem aliquod sit vivens, cuius vita non exeat de potentia in actum, processio (si qua in tali vivente invenitur) excludit omnino primam rationem generationis (quæ dicit mutationem de non esse ad esse) sed potest habere rationem generationis, quæ est propria viventium.

### §. I I.

#### Generationis Idea applicatur Verbo Divino.

VI. **A** Nimadvertente Ariani, quod si semel admitterent, Filium Dei esse verè, ac propriè genitum, necessariò admittere deberent, eum fore ejusdem substantiæ cum Patre, eique consubstantialem, ut contra illos strenuè contendebant Patres, inter quos Hilarius, præsertim lib. 6. de Trinit. totam artem, & arma sua converterunt ad removendû à Deo veram generationem, asserentes, eam multa indigna Deo secum asferre, s. nimirum decisionem, ac profluvium substantiæ generantis, & proinde mutationem. In quorum sententiam quantum ad hoc præverat Sabellius, adimens & ipse Filio divino veram filiationem, & consequenter generationem. Verùm cum Ecclesia Catholica.

VIII. Dico. Processio Verbi divini veram notionem generationis habet, & consequenter Verbum procedens est verè genitum, & Filius. Hoc testatur David Psalm. 2. v. 7. Dominus dixit ad me: Filius meus es tu; ego hodie (id est in æternitate, quæ continuum hodie est sine hesitatione, & crassini vicissitudine) genui te. Quæ verba ad probandam veram & naturalem

ralem Filii Dei generationem assumit S. Paulus Hebr. 1. v. 4. 5. &c. dicens: cui enim dixit aliquando Angelorum: Filius meus es tu; ego hodie genui te? Quibus verbis extollit Filium Dei supra Angelos ex qualitate, & excellentiâ filiationis: at si esset Filius merè adoptivus, & non naturalis, malè concluderet, eum & Angeli filiatione adoptivâ ornati sint; ergo &c. Rursus: ante præfata verba dixerat Paulus, quod Filius Dei est tanto melior Angelis effectus, quanto differentius præ illis nomen hereditavit, hoc est nomen Filii: at hæc differentia in nomine Filii non subsisteret, nisi Filius Dei esset Filius naturalis; ergo &c. Tandem ut se explicet, eum vocat ita Filium, ut sit figura (idest imago perfecta) substantiæ ejus (idest Dei Patris) Potensque omnia verbo virtutis suæ, purgationem peccatorum faciens, fides ad dexteram majestatis in excelsis. Quis autem nisi infans aptaret hæc omnia, nisi Filio naturali Dei, per omnia Deo Patri consubstantiali?

VIII. Idem colligitur ex Psalm. 100. ubi v. 3. dicitur: In splendoribus Sanctorum: ex utero autem luciferum genui te. Ex utero (inquit Hilarius lib. 6. de Trinit. num. 16.) ut non ex nibilo creatio subsistisse, sed ex se Unigeniti sui naturalis nativitas doceretur. Item Isaiæ 53. v. 8. Generationem ejus quis enarrabit? ubi loquitur de generatione æternâ, nam temporalis enarrari potest. Insuper de generatione naturali, nam adoptivam quis non intelligit? Pariter Joann. 3. v. 16. sic enim Deus dilexit mundum, ut Filium suum Unigenitum daret. Et hoc Christus ipse in Evangelio sæpè testatur, vocans se Filium Dei, Deum verò Patrem suum.

IX. Accedunt Patres, qui variis rationibus contrâ Arianos veram Verbi generationem ostendunt. Ex quibus Athanasius de Decret. Nicænæ Synodi num. 11. ostendit, quod, sicut non eodem modo creant homines, nec eodem modo sunt, quo creat, & est Deus; ita aliter procreantur homines. & aliter Filius ex Patre nascitur. Factus enim hominum, partes quodammodo sunt gignentium, quippe eum nec ipsa corporum natura simplex sit, sed fluxa, atque ex partibus composita. Nam homines gignendo emittunt ex se aliquid,

quodamque rursus ex cibus, quos accipiunt, in eos desuunt, qua quidem causa est, cur multorum liberorum pro tempore parentes fiant. Deus autem individuus est, ac proinde absque divisione, nihilque patiendo Filius est Pater. Nihil enim ex re incorporatè effluere, nihilve in eam, uti hominibus accidit, potest insinere. Quocirca eum Deus sit naturâ simplex, unitas quoque, ac solius Filii est Pater &c.

X. Si Arianus dixerit, Deum habere quidem Filium, sed dissimilem in natura. Et rursus: generationem in Deo non esse accipiendam propriè, & consequenter nec Filium propriè.

Contra primum stat S. August. lib. 2. al. 3. contra Max. m. cap. 6. ubi postquam dixit, quod animalia quamvis terrena, & mortalia, hoc tamen gignunt, quod ipsa sunt, ut homo hominem, canis canem; Arianos conversus sic ait: Quandoquidem creaturam corruptibilem cernitis, hoc quod ipsa est gignere factum suum; & Deum Patrem omnipotentem creditis non potuisse nisi ejus degenerante naturâ gignere unicum suum? Et cap. 6. hoc discursu eos urget: Deus Pater aequalem sibi gignere Filium, aut potuit, aut noluit. Si non potuit, infirmus. Si noluit, invidus invenitur. Sed utrumque hoc falsum est. Patri igitur Deo Filius verus equalis est.

Lib. autem primo contra eundem cap. 6. postquam ostendit, Arianos plus dare sociibus animalium, quàm Filio Dei; nam illa generant quod ipsa sunt, & sociibus eorum conceditur crescere, & ad robur parentum pervenire: Filius autem Dei, ut vos dicitis, & docetis, minor Patre genitus se remansit, atque ut ad Patris formam non posset pervenire, nec crevit; at proinde Patrem generasse Filium degenerem: post multa sic pergit: Audiant Catholici, unde erubescant hæretici. Filius viri fortis, si non habeat fortitudinem, degener dicitur: & tamen homo est, quod & Pater est, atque in dissimili virâ, non est tamen aliena substantia. Vos Unigenitum Dei Filium ita degenerem vultis, ut ipsam Patris ei substantiam degeneret: minorem natum, minorem remansisse iactatis: non ullam datis ætatem, quâ possit augeri, non datis eandem formam, quâ possit æquari.

Hoc

Hoc idem urget *serm. 51. de verbis Domini nunc 139.* ubi cap. 2. ulterius hoc discursu procedit: *Si ergo Filius alterius substantia est quàm Pater, monstrum generavit Pater. Quando enim creatura, id est, mulier parit, quod non est homo, monstrum dicitur. Ut autem non sit monstrum, hoc est qui natus est, quod est ille qui genuit, id est, homo, & homo, equus, & equus, columba, & columba, passer, & passer. Vel ergo Filius Dei est monstrum, vel est hoc, quod est Pater, nimirum Deus:*

XI. Contrà secundum resurgunt omnia superius allata ex D. Paulo, & nuper ex Augustino. Et ulterius Divus Hieronymus lib. 6. de Trinit. nu. 45. sic arguit. Paulus Rom. 8. v. 32. *Qui etiam, (inquit) proprio Filio suo non pepercit.* Si Filius est propriè; ergo est propriè genitus. Nunquid nam etiam nunc adoptionis in eo erit nuncupatio, in quo proprietatis est nomen? Deinde ex Cyrillo Dialog. 2. de Trinitate, sic arguo. Dantur veri filii Dei adoptivi, & extranei in naturâ à Deo; dari ergo debet verus Filius naturalis Dei ejusdem naturæ cum Deo. Consequentia probatur. Filiatio adoptiva est consequens, & exemplata à filiatione naturalis, & imago ejus: sed ubi datur consequens, datur, & antecedens, ubi dator exemplum, datur & exemplar, ubi datur imago datur & archetypus; ergo &c. Major probatur ex Paulo Ephes. 3. v. 15. ubi *Patrem Domini nostri Jesu Christi* dicit esse, *ex quo omnis Paternitas in Cælis, & in terrâ nominatur.* Ex quibus Sanctus Athanasius orat. 2. contra Arianos nu. 23. ait, quod sicut coicipimus, Deum aliter esse, ac operari, nec eo modo esse, & operari, sed alio modo, quam nos: *Similiter quoque clarum est, cum gignere, non ut gignant homines, sed ut gignat Deus: neque enim Deus hominem imitatur, sed potius homines propter Deum, qui propriè, & solus verè Pater sui ipsius Filii est, patres quoque suorum liberorum sunt appellati: Nam, ex ipso: omnis paternitas in Cælis, & in terrâ nominatur.*

XII. Ut verò generatiois propriè talis eidem Filio Dei, ut possumus, applicemus (non pro ut in nobis, in quibus invenitur cum mutatione de non esse ad

esse, sed secundum conceptum proprium generationis viveotium) sic discurremus. Ea est vera generatio, cui propriè conceit, quod sit origo viventis à vivente principio conjuncto in similitudinem naturæ; ita ut quod istimor fuerit conjunctio, & perfectior similitudo in naturâ, eò magis propria, & perfectâ sit generatio, ut superius cum D. Thomâ dictum est: sed totum hoc convenit generationi Verbi Dei: est eodem origo viventis, nam Verbum oritur, & nascitur à Patre: est à vivente, à Patre oimrùm, qui est ipsa vita: est à principio conjuncto, non quidem per decisionem, aut partitionem suæ substantiæ, sed per integram, perfectam, & totalem suæ naturæ communicatioem: est tandem in similitudinem naturæ cum Patre, quia Verbum, ut dicemus, procedit ad hoc formaliter assimilativè; & suâ processione accipit non tantum similem, sed eandem prorsus naturam, quam habet Pater, & quâ Pater Deus est.

## §. I I I.

## Arianorum rationcula contra generationem Filii.

Hæc spectant omnia, quæ contra Verbi divinitatem ab Arianis supra opposita, & à nobis soluta sunt. Ulterius tamen ad præsens.

XIII. Arguebant primò sic. Generatio importat mutationem: sed hæc est indigna Deo; ergo &c.

Si respondeas ex dictis, generationem quidem communiter dictam, & ut in creaturis, quæ transiunt de potentia in actum, inveiitur, esse mutationi conjunctam; non tamen generationem propriam viventium, quæ ex suâ notione præscindit à mutatione; unde positam in Deo, qui non transit de potentia in actum, esse omnis mutationis expertem.

XIV. Contra. Idèd generatio creata involvit mutationem, quia per illam genitum accipit esse ab alio: sed etiam Verbum accipit esse ab alio: ergo &c.

Si respondeas, non idèd præcisè generationem in creatis involvere mutationem, quia genitum per illam accipit esse

se

se ab alio: sed quia accipit esse diversum à generante, quòd priùs vel saltem suapte naturà non habebat: at Verbum divinum generatione suà accipit quidem esse à Patre, sed idem omnino, quod habet Pater; nec unquam fuit, nec potuit esse sine illo, cùm Filius ita sit essentialiter Deus, sicut est Pater.

XV. Contra ulterius. Verbum divinum ex vi generationis verè producitur: sed productio importat novum esse, & distinctum; ergo &c.

Respondetur, quòd Verbum divinum, verè producitur quoad esse personale, & relativum, quo opponitur, & distinguitur à Patre, non tamen quoad esse essentialiter, & absolutum: hoc enim ei à Patre communicatur, & est ipsissimum, quod habet Pater.

XVI. Dices. Verbum producitur quantum ad esse Personale; ergo saltem quoad esse Personale mutabitur.

Nego consequentiam, & suppositum. Nam omnis mutatio dicit acquisitionem, novæ actualitatis, & perfectionis: cùm autem esse præcisè personale, vel non, dicat propriam actualitatem, vel ista inclusa sit in actualitate essentiae divinae, quæ eadem est in Filio, ac in Patre; idèd nulla sequitur mutatio. Quare D. Thom. 1. par. qu. 27. art. 2. ad 3. *In ipsa (inquit) perfectione divini esse continetur, & Verbum intelligibiliter procedens, & principium Verbi, sicut & quacumque ad ejus perfectionem pertinent.*

XVII. Objici potest secundò. Processio Verbi non est in similitudinem naturæ; ergo non est vera generatio. Probatur ant. similitudo petit distinctionem: sed Verbum divinum est ejusdem prorsus naturæ cum Patre; ergo &c.

Respondetur, neg. ant. ad prob. dico, quòd similitudo petit quidem distinctionem inter subiecta, vel personas, quæ dicuntur similes, non tamen in forma, in qua sunt similes. Si enim duo homines haberent eandem albedinem, hi dicerentur maximè similes in illa; quia, cùm similitudo fundetur in unitate, quòd perfectior erit unitas, eò perfectior erit similitudo. Et hac ratione S. Thomas concedit, divinas Personas esse etiam invicem æquales 1. par. qu. 42. art. 1. ad 4. di-

Tom. IV.

cens: *in divinis Personis nihil est considerare, nisi essentiam. in qua communiant, & relationes, in quibus distinguuntur. Æqualitas autem utrumque importat, scilicet distinctionem Personarum (quia, nihil sibi ipsi dicitur æquale) & unitatem essentia; quia ex hoc persona sunt sibi invicem æquales, quòd sunt unius magnitudinis, & essentia.*

XVIII. Objici potest tertio. Processio Verbi in creatis non est generatio; ergo neque in Deo.

Respondetur cum D. Thom. hic qu. 27. art. 2. ad. 2. negando conf. quòd intelligere in nobis, non est ipsa substantia intellectus. Unde Verbum, quòd secundum intelligibilem operationem procedit in nobis, non est ejusdem natura cum eo, à quo procedit: unde non propriè. & completè competit sibi ratiæ generationis. Sed intelligere divinum est ipsa substantia, intelligentis: unde Verbum procedens, procedit, ut ejusdem natura subsistens, & propter hoc propriè dicitur genitum, & Filius. Ut verò hæc D. Thomæ doctrina melius percipiatur sit.

# DUBIUM IV.

Cur processio Verbi generatio sit?

§. I.

Referuntur, & refelluntur aliquæ opiniones.

I. **H**ic quæstioni occasionem dederunt Macedoniani, qui, teste Athanasio Episc. 1. ad Serapionem num. 25. hoc ratiocinio Spiritus Sancti divinitatem oppugnabant. *Si Spiritus res creata non est, neque unus ex Angelis, sed ex Patre procedit; igitur Filius quoque ipse dicendus est, proindeque sunt duo Fratres, ipse scilicet, & Verbum. Quod si Frater est; quid fieri potest, ut Unigenitum sit Verbum?* Eodem argumento utebantur Ariani. Unde Maximinus (in collatione apud D. Augustinum) sic agebat: *miror namque carissime. Cùm enim & Spiritum Sanctum de substantia Patris esse dicatis, si Filius ex substantia Dei Patris est, de substantia Patris, & Spiritus*

D d

ritus



ritus Sanctus, cur unus Filius est, & alius non est Filius? Quid vobis deliquit, cum ex eadem sit substantia, cum equalis sit Filio, ut dicitur; quare enim non & ipse hæret omnium constitutus, quare non & ipse Filius?

II. Cui argumento Patres, dum responderent, monuerunt, evidentem rationem reddi non posse, cur processio Filii à Patre generatio dicatur, & sit potius, quàm processio Spiritus Sancti à Patre, & Filio. Unde S. Augustinus Maximino, ut supra opponenti, respondens lib. 2. contra Maximinum cap. 14. *Eccc (inquit) respondio, siue capias, siue non capias. De Patre est Filius, de Patre est Spiritus Sanctus: sed ille generatur, iste procedens: idcirco ille Filius est Patris, de quo est generatus; iste autem Spiritus utriusque, quoniam de utroque procedit. . . . Quid autem inter nasci, & procedere interfit, de illa excellentissima natura loquens explicare quis potest? Non omne quod procedit nascitur, quamvis omne procedat, quod nascitur; sicut non omne quod bipes est, homo est. Hac scio: distinguere autem inter illam generationem, & hanc processionem, nescio, non valeo, non sufficio.*

Est autem rationem evidentem hujus discriminis, se non invenire protestatus sit Augustinus, & cum eo alii Patres; aliqui tamen verosimilitudines ad hoc explicandum excogitarunt, ex quibus eam, quæ nobis magis placuerit eligemus.

III. Primò ergo putarunt aliqui, idcirco Spiritus Sancti processionem non esse generationem, bene tamen processionem Filii; quia ille procedit à duobus, & inde sequeretur, eum à duobus Patribus generari. Ita videtur respondere S. Augustinus citato lib. 2. contra Maxim. cap. 14. & lib. 15. de Trinit. cap. 27. dicens: *bile utrumque etiam illud intelligitur, quantum à talibus, quales nos sumus, intelligi potest, cur non dicatur natus esse, sed potius procedere Spiritus Sanctus; quoniam si & ipse Filius diceretur, amborum utique Filius diceretur, quod absurdissimum est. Filius quippe nullus est duorum, nisi patris, & matris: absit autem, ut inter Deum Patrem, & Deum Filium ali- quid tale suspicemus.*

IV. Verùm hæc ratio suas habet difficultates. Nam primò ex hac sequitur, quòd saltem apud Grecos, qui Spiritum Sanctum dicunt procedere à solo Patre, dicendus esset Filius Patris, & frater Verbi, quod tamen Greci non concedunt. Secundo. Nam esto in creatis genitum non procedat à duobus, nisi unus sit pater, alia mater; quare, sicut de generatione divina dicitur Filius gigni à Patre sine matre, dici non posset Spiritum Sanctum gigni, & nasci à duobus nomen unius Patris habentibus, si actione per se assimilatà in natura ab illis procederet?

V. Alii propterea dixerunt, quòd Verbum sit Filius, quia procedit, ut natus; Spiritus Sanctus non, quia procedit ut datus. Et colligunt ex S. Augustino lib. 5. de Trinit. cap. 14. de Spiritu Sancto dicente: *exiit enim non quomodo natus, sed quomodo datus, & idcirco non dicitur Filius: quia neque natus est, sicut Unigenitus; neque factus, ut per Dei gratiam in adoptionem nasceretur, sicuti nos.* Quod coincidit cum aliorum opinione, quam tuetur Scotus, nimirum Filium esse genitum, quia procedit naturaliter, non verò Spiritum Sanctum, quia procedit voluntariè.

VI. Sed hoc non videtur discriminis sufficiens, & intraneum; quia summum ex parte nostri. Dicit enim Augustinus ibi: *quod enim de Patre natus est, ad Patrem solum refertur, cum dicitur Filius. Et idcirco Filius Patris, non & noster. Quod autem datum est, & ad eum qui dedit refertur, & ad eum, quibus dedit.* Ex quo inferit, quòd Spiritus Sanctus sit Spiritus non tantum Patris, & Filii, qui dederunt, sed etiam noster, qui accipimus. Quis autem non videt, hanc differentiam non esse intraneam processioni Spiritus Sancti? Imò videtur peti principium: adhuc enim restat querenda causa, cur Filius procedat, ut natus, non autem Spiritus Sanctus, de quo est dubitatio, cum utrique communicetur natura divina.

Dicere autem, Verbum procedere ut natum, quia procedit naturaliter; non verò Spiritum Sanctum, quia procedit voluntariè: adhuc relinquit querendum, quare Filius naturaliter procedat, & Spiritus

ritus Sanctus voluntariè. Quod si respondeatur cum Frassen, quia ille procedit per intellectum, iste per voluntatem; rursum quæretur: quare procedens per intellectum procedit naturaliter, ut natus, & Filius; qui verò procedit per voluntatem, etsi illi eadem natura communicetur, non procedat ut natus, & Filius? Nunquam quiescet interrogans, nisi cum D. Thomæ inferius dicatur, hoc idem esse, quia procedens per intellectum procedit formaliter ut similis in naturâ; procedens verò per voluntatem, esto similis sit in naturâ, non tamen hoc habet ex vi suæ processionis.

VII. Alii excogitant, processionem Verbi esse generationem, non autem Spiritus Sancti; quia illud ex vi processionis accipitur naturam secundam ad producendam aliam Personam, iste non.

VIII. Sed certè non video, quid conferat ad rationem Filii esse secundum ad producendum alterum: dummodo enim procedat homo in similitudinem naturæ, hunc ego vocabo Filium, etsi infocundus sit ad alium producendum. Quare si Filius, ut Greci volunt, non produceret Spiritum Sanctum, adhuc esset Filius. Et si à Patre auferretur vis spirativa, adhuc esset Pater; ergo adhuc esset Filius absque tali virtute spirativa, quia Pater esse non potest sine Filio. Et ratio horum est: quia vis spirativa alterius disparatè se habet ad rationem Patris, & ad rationem Filii.

IX. Putarunt alii, Verbum procedere ut Filium, non verò Spiritum Sanctum; quia illud procedit per modum imaginis, iste non.

X. Sed insufficenter. Tum quia ratio imaginis fundatur in ratione Filii: ideo enim est imago, quia Filius, & quia accepit naturam similem Patri. Tum quia adhuc quærendum superest, quare Verbum procedat ut imago; non autem Spiritus Sanctus; cum uterque accipiat eandem naturam à Patre. Alia ergo ratio quærenda est.

§. I I.

Ratio D. Thomæ.

XI. Dico. Congruentior est modus, quo D. Thomas hæc qu. 27. art. 2. explicat, Verbum esse Filium, dicendo: Idem Verbum esse Filium, ejusque processionem esse veram generationem; quia procedit per intellectum, qui ex proprio conceptu assimilativus est in natura, seu in esse naturali. Probo. Quia hæc frequentius utuntur Patres: Scriptura enim pro eodem sumit Filium in Deo, ac Verbum. Et Augustinus lib. 7. de Trinitate cap. 1. 2. (inquit) *Filius, quo Verbum, & eo Verbum, quo Filius*; & sæpe Filium comparat notitiæ, quam intra nos formamus, ut supra diximus: sed Verbum ed est Verbum, & notitia, quia procedit per intellectum, ut similitudo formæ, quæ est intelligendi principium; ergo hæc eadem ratione est Filius. Basilus quoque homil. in cap. 1. Joannis: *cur* (inquit) *Verbum dicitur? ut ostendatur ex mente processisse?* Nazianzenus orat. 36. *Verbum porro* (dicitur) *quia ita se habet ad Patrem, ut sermo ad mentem.* Athanasius autem de Decretis Nicæna Synodi arguens Arianos, qui Verbum Dei fatebantur, Filium verò Dei negabant, sic ait: *si semel concedant, Deum Verba proferre, illum Patrem esse omnino ignorare non possunt. . . . Verum Dei quidem Verbum esse nolunt insciari, sed illud esse Dei Filium non consentiunt; quod professi ex veritatis ignorantia, & divinarum Scripturarum inscitia provenit. Nam si verè Deus Pater est Verbi: cur qui gignitur Filius non sit? . . . si enim Filium dixeris, id quod ex ipso naturâ oritur significasti: si vero Verbum esse cogitaveris, rursum id, quod ex illo nascitur, & ab eodem nequit separari cogitasti.*

XII. Proponitur ergo, & exponitur ratio D. Thomæ sic. Ab eo habet processio verbi, quodd sit generatio, ex quo habet, quodd si origo viventis à vivente &c. in similitudinem naturæ: sed hoc habet, quia per intellectum est; ergo &c. min. prob. Et quidem, quodd ex eo, quodd sit ab intellectu sit origo viventis à vi-

D d a ven.

vente, non crediderim posse negari: quod verò processio sit in similitudinem naturæ formaliter, & ex naturâ talis processionis, & non solum concomitanter, & identicè, sic explicò. Intellectus, dum intelligit, & intelligendo producit Verbum, intendit illud assimilare, seu ut sit similitudo formæ, quæ illi est principium, quo intelligendi; quia omne agens intendit assimilare terminum in principio quo agit: sed forma, quâ divinus intellectus fecundatur ad intelligendum, & ut in Patre est, etiam ad producendum Verbum, est divina natura, quæ illi est pro specie, & forma; ergo dum producit Verbum, intendit producere illud simile in naturâ. Rursus. Quia Pater producit Verbum non ex indigentia, seu ut in Verbo intelligat, non producit Verbum, ut præcisè in eo intelligat, seu ut sibi repræsentet naturam divinam: sed quia producit Verbum ex abundantia, & quia seipsum, & naturam suam abundantissimè intelligit, producit Verbum non præcisè, ut naturam divinam repræsentet, sed ut in divina natura substantialiter, & naturaliter sit, & subsistat, sicut ipse; idèque ut simile sibi in natura, nedum in esse repræsentativo, sed naturali.

XIII. Sic explicatâ ratione D. Thomæ evanescunt objectiones, quæ contra illam fieri solent, & præcipuè, quod ex processione per intellectum solum sequatur, quod terminus procedat ut similis in esse intentionali, seu ut repræsentet; non ut sit Deus.

XIV. Nam respondetur, quod licet id verum sit de intellectu producente Verbum ex indigentia, nec valente exprimere in eo similitudinem perfectam, & substantialem sui, quia intelligere, & intelligi non est suum esse: non tamen de intellectu perfectissimo, cujus intelligere, & intelligi, est suum esse, producente Verbum ex abundantia, & exprimente perfectissimam similitudinem sui. Hic enim debet producere similitudinem, quæ non solum repræsentet Deum, sed etiam quæ Deus substantialiter sit, & quæ sit partus ejus, nedum intentionalis, sed naturalis. His clauditur tota energia rationis D. Thomæ, &

omnia ei contraria dissipantur. Quod sequenti Dubio magis apparebit.

## DUBIUM V.

Cur processio Spiritus Sancti generatio non sit?

### §. I.

*Ratio D. Thomæ ut congruentior eligitur.*

**S**piritum Sanctum non procedere per generationem, & ut natum, seu genitum, fides docet; cujus efflo ex supradictis reddi non possit ratio evidens, congruentiam tamen dat Sanctus Thomas. cum quo

I. Dico. Spiritus Sancti processio non est generatio, nec Spiritus Sanctus procedit ut genitus, & Filius, quia procedit per actum voluntatis, qui per se, & ex conditione sua assimilativus in naturâ non est. Ita Divus Thomas *hæc quæst. 27. art. 4.* Probat. Idè Spiritus Sanctus non est Filius, neque genitus, quia ex vi processionis non evadit similis in naturâ divinâ: sed idè ex vi processionis evadit similis in naturâ divinâ, quia procedit per voluntatem, quæ ex sui conditione non est assimilativa in natura; ergo &c. Min. prob. Modus operandi voluntatis non est per assimilationem, sed per inclinationem; neque ejus proprium est producere similitudinem, sed impulsus, & inclinationem amantis in amatum; ergo terminus, qui procedit per voluntatem formaliter, & ex vi characteristica suæ processionis non evadit similis in naturâ, sed inclinatio, & impulsus. Quare concludit D. Thomas citatus: *et idè quod procedit in divinis per modum amoris non procedit ut genitus, vel ut Filius, sed magis procedit, ut Spiritus.* Quo nomine quadam vitalis motus, & impulsio designatur: pro ut aliquis ex amore dicitur moveri, vel impelli ad aliquid faciendum.

II. Et hoc benè considerandum est: actus enim voluntatis ex suâ naturâ non tendit ad reddendum obiectum simile ipsi volenti, sicut intellectus, qui fit in

ad

actu per hoc quod res intellecta sit in ipso secundum suam similitudinem; sed potius, cum voluntas amans exeat quasi extra se, & excurrat ab objectum, quod amat, ipsa sua amore fit similis ei, & quadam ratione in ipsum transformatur, juxta tritum axioma: *Anima magis est, ubi amat, quam ubi animat*. Hinc fit, ut qui aliquem amat, omnes illius affectiones induat; nec sui similitudinem alteri communicare, sed potius alterius similitudinem in se exprimere studeat. Quamobrem rectè Augustinus: talem (inquit) esse animam, qualis est illius amor: celestem quidem, si celestia desiderat, terrestrem verò, si fluxæ, ac labentis naturæ rebus studio, & effectui inhæreat.

## §. I I.

*Solvuntur contraria.*

III. **P**rimò argues. Spiritui Sancto ex vi sue processionis communicatur natura divina; ergo procedit in similitudinem naturæ. Ant. prob. Quidquid habet Spiritus Sanctus, habet ex vi sue processionis: sed Spiritus Sanctus habet naturam divinam, est enim Deus; ergo &c. Major probatur. Quidquid enim Spiritus Sanctus habet, habet sibi communicatum per processionem; ergo habet ex vi processionis.

• IV. Respondeo negando ant. ad prob. nego maj. Ad cuius probationem, conc. ant. nego consequ. Non enim valet: Spiritus Sanctus quidquid habet, habet per processionem: & per processionem habet naturam divinam; ergo quidquid habet, & ipsam naturam divinam habet ex vi processionis; cum fiat transitus à sensu identico ad formalem. Revera quidquid habet Spiritus Sanctus habet sibi communicatum à Patre, & Filio per processionem, cum sit tertia Persona ab utroque procedens: At non omnia habet ex vi, & ex ratione Characteristica sue processionis; sed hoc modo id solum habet, ad quod ejus productio per se est ordinata. Hoc explicatur in hostiâ consecratâ. In hac enim per consecrationem ponitur non solum Corpus, sed Sanguis, Anima Chri-

sti, & Divinitas: at non omnia hæc ex vi consecrationis formaliter ponuntur, seu non omnia sunt terminus specificativus transubstantiationis panis, sed solum Corpus Christi; quia hoc solum ex sua significatione exprimentur verba: cætera autem solum concomitanter veniunt, quia nimirum Corpori Christi conjuncta sunt. Quare si in triduo mortis Christi hostia consecrata fuisset, facta fuisset vera transubstantiatio; & tamen in solum Corpus sine Sanguine, & Animâ. Nunc autem de facto ponuntur, quia de facto Corpori Christi conjuncta sunt. Sic ergo in casu. Ex vi processionis Spiritus Sancti solum producit Spiritus, seu impulsus, quia ad hunc producendum actio per quam procedit est instituta; unde sola ratio impulsus est terminus formalis amoris; sed quia iste impulsus est in Deo, & quidquid in Deo est, Deus est, habens naturam divinam; ideo Spiritui Sancto, esto ex vi processionis non communicatur natura divina, illam tamen accipit concomitanter, & per processionem.

V. Sed dices. Ideo Verbum est Filius, quia ex vi sue processionis procedit ut Deus: sed Spiritus Sanctus ex vi sue processionis procedit ut Deus; ergo &c. Minor probatur. Spiritus Sanctus ex vi sue processionis procedit ut subsistens: sed non procedit, nisi ut subsistens in naturâ divinâ; ergo &c.

VI. Respondeo, vel conc. majori negando min. vel dist. maj. procedit ut Deus formaliter, & objectivè, conc. maj. ut Deus merè identicè, & subjectivè, nego maj. & distincta min., nego consequ. Pater ergo, & Filius producendo Spiritum Sanctum ex vi productionis, & ex naturâ spirationis non intendunt formaliter, & immediatè producere Deum, seu communicare naturam divinam; sed solum producere spiritum, & impulsus: unde ratio objectivè terminans processionem amoris est spiritus, seu impulsus. Quod autem talis spiritus, & impulsus subsistens sit, & in naturâ divinâ, non habet ex ratione formali sue processionis, sed ex conditione subjecti; quia nimirum est spiritus, & impulsus Dei, & quidquid Dei, & in Deo est, Deus est, ac in naturâ divinâ subsistens est. Quid

exemplo sensibili manifestatur. Dùm artifex format anulum, quoddam anulus sit talis figuræ nempe rotundæ, per se habet anulus, ex quo anulus procedit ab artifice: quoddam sit aureus, vel argenteus, vel æneus, habet solum ratione subiecti, & materiæ. Sic dùm Pater, & Filius produciunt Spiritum Sanctum, quoddam Spiritus Sanctus sit impulsus, & spiritus, hoc habet, quia spiritus, & ex vi characteristica suæ processionis: quoddam verò spiritus ille, sit aureus auro divinitatis, hoc habet ex conditione subiecti, quia est impulsus Dei. Ar intellectio ex propria ratione formali producti simile; & si sit perfectissima, & summæ esse, producit simile in esse, seu in naturâ.

Quare cautè distinguite inter propositiones, quæ de Spiritu Sancto formari solent. Illæ enim: *Spiritus Sanctus formaliter est Deus: formaliter est Persona divina*, veræ sunt, & concedendæ. Illæ autem: *Spiritus Sanctus procedit formaliter ut Deus, formaliter ut Persona*, falsæ sunt, & negandæ: procedit enim à modo subiectivo ad modum constitutum, & variatur appellatio de materiali in formalem.

VII. Sed contra dicta multa obsunt. Primò. Quia Spiritus Sanctus, ex vi suæ processionis procedit formaliter ut distinctus à ratione parentibus; ergo ut persona subsistens in naturâ rationali, & divinâ.

Secundò. Quia procedit formaliter ut oppositus Patri, & Filio; ergo ut Persona subsistens.

Tertiò. Quia ex vi suæ processionis habet existentiam divinam; ergo etiam essentiam divinam.

Quartò. Ex vi suæ processionis procedit formaliter, ut Spiritus Sanctus: sed Spiritus Sanctus formaliter est Deus; ergo procedit formaliter ut Deus.

Quintò. Omne agens intendit producere sibi simile in principio quo radicali: sed principium quo radicale processionis Spiritus Sancti est natura divina, ut supra dictum est; ergo &c.

VIII. Respondeo ad singula. Ad primum, nego ant. Licet enim Spiritus Sanctus sit formaliter distinctus à ratione ca-

rentibus, ex vi tamen suæ processionis ab hoc præscindit; cum ex vi illius solum habeat, quoddam sit impulsus.

IX. Ad secundum. Vel nego consequentiam; quia ex eo, quoddam procedat ut formaliter oppositus Patri, & Filio, sequitur solum, quoddam Spiritus Sanctus procedat, ut spiritus relativè utrique oppositus. Vel distinguo consequens, ut Persona relativè ad Patrem, & Filium, transeat, quia terminat amorem utriusque. Ut Persona quatenus modificativa divinæ naturæ, nego consequ. Quia, ut dictum est, naturam divinam Spiritus Sanctus accipit quidem, sed non immediatè, & formaliter ex vi processionis.

X. Ad tertium. Vel nego ant. quia terminus actionis debet quidem existere; at non semper formaliter, & immediatè ex vi actionis, sed aliquando indenticè, & concomitanter: sicut naturâ humanâ Christi exitit quidem, & subsistit, non tamen existentia, & subsistentia ex vi generationis ei communicatâ; cum existat, & subsistat subsistentiâ, & existentia divini Verbi.

Vel dato antecedente, nego consequ. Quia existentia communicatur Spiritui Sancto, non ut terminus specialis, & specificus, sed ut conditio communis omnibus productionibus, quæ ad hoc tendunt, ut dent existentiam suo termino. Unde non sequitur, quoddam ex vi processionis accipiat naturam divinam, ut terminum specificum illi ex vi suæ processionis communicatum, sed tantum per processionem.

XI. Ad quartum. Conc. maj. & min. nego consequ. Arguitur enim in quatuor terminis; & variatur appellatio. Nam in minori, ly *Deus* semitur subiectivè solum, & in consequenti sumitur constitutivè. Nam Spiritus Sanctus licet sit formaliter subiectivè Deus, non tamen Deus est constitutivè, & ex vi suæ processionis, sed impulsus.

XII. Ad quintum. Nego maj. Non enim omnis actio est assimilativa in natura, seu in principio quo radicali, sed solum ea, quæ à natura instituta est ad communicandam substantiam generantis: sicut non omnis actio hominis est generativa, & productiva alterius hominis, quam-

quamvis hominis ejus actio radiceatur in naturâ. Actio autem communicativa naturæ in Deo est intellectus, non volitio, quæ solum est impulsiva.

XIII. Sed petes. Quid ergo ex vi actionis productivæ communicatur Spiritui Sancto? Dico. Formaliter Spiritui Sancto ex vi suæ processionis communicari bonitatem divinam, concomitanter verò cætera. Licet enim in esse natura sit prior bonitate, respectivè tamen ad voluntatem, bonitas est prior, & immediatior, quàm natura.

XIV. Aliter solvi possunt alibiæ instantiæ. Quòdeffo Spiritus Sanctus procedat ut Deus, & ut Persona subsistens in naturâ divinâ, non tamen dici debet genitus, aut Filius; quia non procedit actione per se assimilativâ in naturâ. Sicut Heva processit ab Adamo, ut persona subsistens in naturâ humanâ, non tamen processit, ut nata, ut genita, ut filia; quia non fuit formata per actionem ex se assimilativâ in naturâ. Et si homo ex suis carnibus, vel arte, vel virtute divinitus sibi concessa alium hominem formaret; homo ille sic formatus, non diceretur, nec esset filius, nec procederet, ut genitus, sed ut artefactus. Ita D. Thom. 4. contrâ. cap. 23.

XV. Secundo argues, & instas. Semel dicto, quod processio per intellectum in Deo sit generatio, negari non potest, quin etiam processio per voluntatem generatio sit; ergo &c. ant. prob. primò. Sicut intellectus per se tendit ad efficiendam similitudinem obiecti, quod intelligitur cum principio intelligente; ita voluntas per se tendit ad efficiendam unitatem obiecti amati cum principio amantis: ut enim ait D. Thomas hæc quæ 17. art. 3. secundum processionem amoris amatum est in amante, sicut per conceptionem verbi res dicta, vel intellecta est in intelligente.

Secundò prob. ant. Tota ratio, quare processio per voluntatem non sit generatio, est quia terminus per illam procedens, est si similis in naturâ, id tamen non habet ex vi processionis per voluntatem, sed solum ratione subiecti; quia nempe illa processio divina est, & terminus procedens divinius est; sed quòd

terminus per intellectum procedens sit similis in naturâ, & proinde Filius, non habet ex vi, & naturâ processionis per intellectum (hæc enim ex vi suâ producit solum similitudinem in esse intentionali, non verò in esse naturali) sed habet ex conditione subiecti; quia nempe procedit per intellectum divinum, in quodam esse, & intelligere, & quia. Verbum divinum est; ergo vel utraque est generatio, vel neutra.

XVI. Respondetur, negando ant. A primam probat. disparitas est: quia voluntas est per se, & ex naturâ suâ tendit ad efficiendam unitatem cum obiecto amato; hæc tamen unitas, pro ut spectat ad lineam voluntatis, ex suâ ratione formali non est nisi unio moralis, & affectiva: unde quòd in divinis sit unitas etiam per indentitatem in eadem naturâ, id prorsus est extra naturam, & lineam voluntatis, sed accidit ex conditione subiecti. At intellectus per se, & ex naturâ suâ tendit ad efficiendam summam similitudinem in formâ, quâ intelligit: quòd si evadit similitudo imperfecta, & solum in esse intentionali, hoc procedit, quia intellectus imperfectus est, & ejus intelligere, & forma, quâ intelligit non est suum esse. Quòd si intellectus perfectissimus sit, & intelligat per speciem, quæ sit natura, & ipsum esse intelligentis, producet ex suâ ratione formali similitudinem perfectissimam, id est, quæ non solum repræsentet naturam intelligentis, sed habeat ipsam, & in tali naturâ subsistens sit.

Ad secundam probat. ant. triolierm do disparitatem. Primam ex D. Thomâ hæc quæ 27. art. 4. ad 2. Quod similitudo alteri pertinet ad verbum, & aliter: ad amorem. Nam ad verbum pertinet, in quantum ipsum est similitudo rei intellectæ, sicut genitum est similitudo generantis: sed ad amorem pertinet, non quòd ipse amor sit similitudo, sed in quantum similitudo est principium amandi. Secunda disparitas ex dictis est: quòd tamen terminus productus per voluntatem evadat similis ipsi volenti, omnino extraneum est voluntati, quæ non intendit producere similitudinem, sed impulsum, nec sibi assimilare amatum, sed potius ipsa amato assimilari.

Iri. At intellectus ex naturâ suâ est productivus similitudinis. Tertia disparitas est: quod voluntas per se solum tendit ad unionem affectivam: unde quod unio sit nedum affectiva, sed realis, ac identica, prorsus est extra naturam voluntatis, sed ex conditione subiecti. At quod similitudo sit summa, nimirum nedum in esse intentionali, sed in esse naturali, & reali, non est extra naturam intellectus, qui si sit perfectissimus, & producat verbum, non ex indigentia, & ut intelligat, sed potius ex abundantia, & quia intelligit, producit illud, non solum, ut repræsentet, sed ut sit id quod repræsentat, & consequenter, ut sit similitudo, non solum in esse repræsentativo, sed naturali.

XVII. Quæres. Si processio Spiritus Sancti non est generatio, quo nomine vocanda erit?

Respondeo. Simpliciter, & communi Processionis nomine esse exprimendam. Non enim alio, quam Processionis nomine, Sancti Spiritus originem expriment tûm Scriptura, quæ Joann. 15. v. 26. dicit: Spiritum veritatis, qui à Patre procedit. Tûm traditio, & Patres. Quare in Symbolo, quod in Concilio Constantinopolitano I. editum est, dicitur: Et in Spiritum Sanctum Dominum, & vivificantem, qui ex Patre procedit. Causa autem hujus est penuria terminorum: Deum enim (ait D. Thom. qu. 27. laudatâ art. 4. ad 3.) nominare non possumus, nisi ex creaturis; ut dictum est supra (qu. 13. art. 1.) Et quia in creaturis communicatio natura non est, nisi per generationem, processio in divinis non habet proprium, vel speciale nomen, nisi generationis. Unde processio, qua non est generatio, remansit sine speciali nomine; sed potest nominari Spiratio, quia est processio Spiritus.

### QUÆSTIO III.

#### De Divinis Relationibus.

**R**elatio ex Logicis est habitudo, seu ordo unius ad alterum, quia per relationem non constituitur res, ut fit ad se, sed ut sit ad alterum. Duplex est autem; alia realis, alia rationis.

Realis est ordo, qui reperitur inter duo ante quamcumque mentis considerationem. Rationis verò est, quæ per solam considerationem mentis inducitur. De relatione reali hic sermo erit.

#### DUBIUM I.

An in Deo sint Relationes reales, & quot?

##### §. I.

*Relationes reales in Deo statuuntur.*

I. **D**ico. Dantur in Deo relationes reales. Est de Fide contra Sabellium. Et quidem si Trinitas Personarum, quæ realis sit, in Deo statuenda est (ut supra) necessariò admittendæ in Deo sunt relationes reales. Ut enim ait D. Thomas 1. par. q. 28. art. 1. in arg. sed contra: Pater non dicitur nisi à paternitate, & Filius à filiatione (quæ relationes sunt) si igitur paternitas, & filiatio non sunt in Deo realiter, sequitur, quod Deus non sit realiter Pater, aut Filius, sed secundum rationem intelligentia tantum: quod est hæresis Sabelliana.

II. Hanc veritatem probat D. Thomas in corp. art. hæc ratione. Cùm aliquid procedit à principio ejusdem natura, necesse est, quod ambo, scilicet procedens, & id, à quo procedit, in eodem ordine conveniant, & sic oportet, quod habeant reales respectus ad invicem; sed processionis in divinis sunt in identitate natura, ut ostensum est; ergo necesse est, quod relationes, quæ secundum processionem divinas accipiuntur, sint relationes reales.

III. Confirmatur. Dari debet in Deo id, quod necessarium est, ut una Persona realiter sit principium, & altera ab eo principio realiter procedat, & oriatur, una generet, & sit Pater, altera sit genita, & sit Filius, duæ spirent, & tertia sit spirata: sed hæc intelligi non possunt absque realibus relationibus inter generantem, & genitum, inter spirantem, & spiratum; ergo &c.

Urgetur hoc. Dari debet realiter in Deo id, quo Personæ Patris, & Filii realiter inter se distinguuntur: sed id aliud

aliud esse non potest, quàm relatio: in natura enim, & cæteris prædicatis absolutis singulæ Personæ conveniunt, & realiter idem sunt; ergo.

IV. Hinc in Concilio Toletano XI. anno 675. in confessione fidei dicitur: *In relativis verò Personarum nominibus Pater ad Filium, Filius ad Patrem, Sanctus Spiritus ad utroque refertur; quæ cùm relativè tres persona dicantur, una tamen natura per substantiam creditur...* Quod enim Pater est, non ad se, sed ad Filium est: & quod Filius est, non ad se, sed ad Patrem est, similiter & Spiritus Sanctus non ad se, sed ad Patrem, & Filium relativè refertur, in eo quod Spiritus Patris, & Filii prædicatur. Et in Concil. Florentino Joannes de Monte Nigro nostri Ordinis, & Provinciæ Lombardiæ Provincialis, qui Latinorum partes contra Græcos propugnabat anno 1438. less. 18. sic discurrebat: *Est secundum Doctores tam Græcos, quàm Latines sola relatio, qua multiplicat Personas in divinis productionibus, qua vocatur originis: ad quam duo tantum spectant à quo alius, & qui ab alio.* Ex quibus potest confici hoc argumentum. Id, quo Personæ referuntur ad invicem, id, quo inter Personas constituitur numerus, id, quod Personas realiter multiplicat in divinis, realiter debet poni in Deo: atqui ex laudatis Conciliis id præstant relationes in Deo; ergo &c.

§. I I.

*Solvuntur contraria.*

V. **P**rimò arguitur. Relatio non facit extrema distincta, sed illa jam distincta supponit, ut patet in creatis; ergo distinctio Personarum in divinis non est petenda à relationibus; ergo ex hoc capite non sunt ponendæ in Deo relationes.

Respondetur, antecedens verum esse in relationibus creatis, quæ cùm sint accidentia non faciunt suum subjectum, sed supponunt; non autem in relationibus divinis, quæ, cùm sint substantia, non accedens, non supponunt suum subjectum, sed illud faciunt, & constituunt, & per se ipsas illud distinguunt. Quomodo autem

*Tom. IV.*

hoc contingat, diximus quæ præced. Dub. 1. §. 5. ex D. Thom. quæ 10. de potentia art. 3.

VI. Secundò arguitur. Relatio est ordo unius ad aliud: sed inter divinas Personas non est ordo; ergo &c. Minor probatur primò. Quia quidquid in Deo est, Deus est: sed eiusdem ad se non est ordo realis; ergo &c.

Secundò. Ordo, vel dicit, vel supponit dependentiam unius ab alio: unde ordo Filii ad Patrem supponit in Filio dependentiam à Patre.

Tertiò. Sicut una Persona divina procedit ab aliâ, ita creaturæ procedunt à Deo: sed in Deo non datur ordo realis ad creaturas procedentes; ergo neque Persona, à quâ alia procedit, dicit ordinem ad Personam procedentem.

Quartò. Ordo datur inter aliud, & aliud: sed ut loquitur Concilium Lateranense IV. cap. 2. *Licet alius sit Pater, alius Filius, alius Spiritus Sanctus, non tamen aliud: sed id, quod est Pater, est Filius, & Spiritus Sanctus, idem omnino;* ergo &c.

VII. Respondetur, neg. min. Ad primam probat. dico, quod ejusdem ad se, in eo, in quo est idem eertè ordo esse non potest; bene tamen esse potest in eo, in quo non est idem, propter originem unius ab alio: & sic est inter divinas Personas; quæ licet in naturâ idem sint, invicem tamen distinguuntur. Neque identitas, quam habent relationes eum divinâ essentia tollit, quin possint invicem realiter opponi: etenim, ut docet D. Thomas quæ 8. de potentia art. 2. ad 3. *Licet relatio non addat supra essentiam aliquam rem, sed solum rationem; tamen relatio est aliqua res, sicut etiam bonitas est aliqua res in Deo, licet non differat ab essentia nisi ratione, & similiter est de sapientiâ. Et idè sicut ea, quæ pertinent ad bonitatem, vel sapientiâ realiter Deo conveniunt, ut intelligere, & alia hujusmodi: ita etiam id, quod est proprium realis relationis, scilicet opponi, & distinguere realiter, in divinis invenitur.*

VIII. Sed dices. Cum identitate divinæ naturæ non stant in Deo alia generalia oppositum; ergo neque oppositio relationis.

E e

Re-



Respondeo cum D. Thom. qu. 8. de pot. art. 1. ad 13. *Quod in aliis oppositionibus semper alterum est ut imperfectum, vel non ens, vel ut habens aliquid de non ente. Negatio enim est non ens, & privatio est quadam negatio, & duorum contrariorum alterum semper habet aliquid privationis. Unde alia oppositiones in Deo esse non possunt, sicut oppositio relationis, quæ ex neutra parte importat imperfectionem.*

IX. Ad secundum dico, quod ordo formaliter non dicit dependentiam unius ab altero, sed puram connexionem unius cum altero; & licet ordo fundatus in ratione causæ supponat dependentiam, non tamen ordo, qui fundatur in puri ratione principii, ut superius dictum est.

X. Ad tertium dico, quod ordo datur inter res ejusdem generis, & naturæ, & eodem Deus non comprehendatur sub ordine creato, imò sit extra, vel potius supra ordinem totius ejus creati: id est in Deo non datur realis ordo a creaturas ab ipso procedentes: bene tam. creaturæ procedentes, quæ sub ordine divino continentur, sicut effectus, dicunt ordinem ad Deum. Sed divinæ processionis & Personæ per eas procedentes sunt in eodem ordine, imò in eadem naturæ; & idem fundant relationem realem in utroque extremo, scilicet cet in principio processionis, & in termino procedente. Responsio est D. Thom. 1. par. qn. 18. art. 1. ad 3. Aliam responsionem dat S. Doct. qu. 3. de potentia art. 1. ad 3. quam Studiosus adire poterit.

XI. Ad quartum respondeo, neg. maj. Potest enim dari ordo inter alium, & alium. Pro quo noto cum D. Thom. 1. par. qu. 31. art. 1. ad 4. Hanc esse differentiam inter aliud neutrum, & alium masculinum: quod neutrum genus est informe, masculinum autem est formatum, & distinctum, & similiter femininum. Et idem convenienter per neutrum genus significatur essentia communis, per masculinum autem, & femininum aliquod suppositum determinatum in communi natura. Unde etiam in verbis humanis, si queratur: *Quis est iste?* Respondetur, *Socrater*, quod nomen est suspensum. Si autem queratur: *Quid est iste?* Respondetur,

*animal rationale, & mortale. Et idem quia in divinis distinctio est secundum personas, non autem secundum essentiam, dicimus quod Pater est alius a Filio, sed non aliud. Et è converso dicimus, quod sunt unum, sed non unus.*

XII. Tertio arguitur. Relationes non possunt dici de aliquo, nisi, aut secundum substantiam, aut secundum accidens: ut neutro modo possunt dici de Deo; ergo &c. Min. prob. Nam si dicantur secundum substantiam, cum relatio efficiat distinctionem, efficeret distinctionem in substantiâ, sive in essentiâ, & sic non esset una essentia in divinis Personis. Si verò dicantur secundum accidens; ergo jam in Deo erant accidentia; ergo Deus non erit omnino simplex, & immutabilis.

XIII. Hoc erat argumentum Aristoteli apud D. August. lib. 5. de Trinit. cap. 3. aiebant enim: *Quidquid de Deo dicitur, vel intelligitur, non secundum accedens, sed secundum substantiam dicitur. Quapropter ingentum esse Patri secundum substantiam est, & genitum esse Filio secundum substantiam est. Diversum autem ingentum esse, & genitum esse: diversa est ergo substantia Patris, & Filii.*

Hoc argumentum S. Doctor retorquet in illos hoc modo: *Si quidquid de Deo dicitur, secundum substantiam dicitur: ergo quod dictum est: ego, & Pater unum sumus, secundum substantiam dictum est: una est igitur substantia Patris, & Filii. Aut si hoc non secundum substantiam dictum est: dicitur ergo aliquid de Deo non secundum substantiam. Et idem jam non cogimur secundum substantiam intelligere ingentum, & genitum.*

Aliter quoque retorquet sic: *Item dictum est de Filio: non rapinam arbitratus est esse æqualis Deo. Quærimus: secundum substantiam dicitur æqualis, admittunt, ut dicatur aliquid de Deo, non secundum substantiam: admittant ergo non secundum substantiam dici ingentum, & genitum. Quod si propterea non admittunt, quia omnia de Deo secundum substantiam dici volunt: secundum substantiam Filius æqualis est Patri. Ita acutissime S. Augustinus.*

XIV. Respondetur ergo cum eodem S. Doct. negando maj. Licet enim id, quod

quod de aliquo dicitur in ordine ad se, dicitur, vel secundum substantiam, vel secundum accidens; id tamen, quod de aliquo dicitur in ordine ad alium, non dicitur formaliter, nec secundum substantiam, nec secundum accidens, sed secundum esse relativum, quod ex sua ratione præscindit à substantiâ, & accidente. Si quod dicitur Pater (inquit S. Doct. cap. 5.) ad seipsum diceretur, non ad Filium, & quod dicitur Filius ad seipsum diceretur, non ad Patrem, secundum substantiam diceretur, & ille Pater, & ille Filius; sed quia & Pater non dicitur Pater, nisi ex eo quod est ei Filius, & Filius non dicitur, nisi ex eo quod habet Patrem, non secundum substantiam hac dicuntur, quia non quisque eorum ad seipsum, sed ad invicem, atque ad alterutrum ista dicuntur; neque secundum accidens, quia & quod dicitur Pater, & quod dicitur Filius æternum atque incommutabile est eis. Quamobrem quamvis diversimodum sit Patrem esse, & Filium esse, non est tamen diversa substantia; quia hoc non secundum substantiam dicuntur, sed secundum relativum, quod tamen relativum, non est accidens, quia non est mutabile.

§. III.

Numerus Relationum Divinarum.

XV. **D**ico. Relationes in Deo sunt quatuor, Paternitas, Filiatio, Spiratio activa, & Processio, seu Spiratio passiva. Ita S. Thomas hâc 1. par. qu. 28. art. 4. cuius ratione probatur sic. Ex dictis, duæ in divinis sunt processiones reales ad intra; ergo quatuor sunt reales relationes. Consequentia probatur. Cuiuslibet processioni duplex tantum relatio opposita correspondere debet, nimirum processioni per intellectum, quæ est generatio, relatio principii producentis, quæ est paternitas, cui in termino procedente respondet filiatio; tanquam relatio opposita paternitati; processioni vero per voluntatem relatio principii spirantis, quæ dicitur spiratio activa, cui in termino procedente correspondet spiratio passiva.

XVI. Dices primò. Si quatuor sunt

relationes in Deo, jam in eo dabitur non Trinitas, sed quaternitas, quod expressè damnat Concilium Lateranense IV. cap. 3. dicens: in Deo Trinitas est solummodo, non quaternitas.

Respondeo, negando assumptum. Spiratio enim activa, seu relatio producentis Spiritum Sanctum non distinguitur realiter à paternitate, & filiatione; nec constituit Personam distinctam à Patre, & Filio; ac proinde nec quartam Personam, nec quartam rem in Deo ponit.

XVII. Dices secundò. Æqualitas, & similitudo sunt relationes quedam, & sunt in Deo ab æterno; ergo plures sunt in Deo relationes, quam quatuor.

Respondeo ex D. Thom. qu. 28. art. 4. citato ad 4. & qu. 42. art. 1. ad 4. quod æqualitas, & similitudo non sunt relationes reales, sed rationis tantum. Nam. æqualitas, vel est in essentiâ, vel in relationibus, seu Personis. Essentia est una, & eadem; nihil autem potest esse sibi ipsi æquale, & ad seipsum realiter referri. Vel est in relationibus, seu Personis; & sic æqualitas non est relatio ab aliis relationibus distincta; nam una relatio seipsâ, non aliâ relatione refertur ad aliam, aliâ daretur processus in infinitum. Quare concludit D. Thom. citatâ qu. 42. art. 1. ad 4. Æqualitas, & similitudo in divinis Personis non est aliqua realis relatio distincta à relationibus personalibus; sed in suo intellectu includit, & relationes distinguentes Personas, & essentia unitatem.

DUBIUM II.

An Relationes Divinæ distinguantur ab Essentiâ.

§. I.

Aliqua præmittuntur.

I. **H**anc questionem tractat Divus Thomas, tùm hic 1. par. qu. 28. art. 1. tùm qu. 2. de potentia art. 2. tùm 4. contrag. cap. 14. tùm alibi passim. Et nos quoque quæst. 4. de divinis attributis dub. 2. fusè sequuti sumus: ubi quamvis de attributis directè loquuti simus,

mus, multa tamen de relationibus, de quibus relatè ad essentiam eadem ratio est, adjecimus. Illud ergo Lectorem re- vocamus.

II. Ibi duos errores extremos recen- suimus: unum Gilberto Porretano tribu- tum, qui posuit, relationes divinas rea- liter ab essentia distingui. Quare D. Thom. qu. 28. art. 2. citato: *Circa hoc (inquit) dicitur Gilbertus Porretanus er- rasse, sed errorem suum posset in Remensi Concilio revocasse. Dixit enim, quod rela- tiones divinas sunt assistentes, sive extrin- secus affixæ. Alterum Eunomii, nullam nec mentalem distinctionem inter essen- tiam, & relationes agnoscens.*

III. Gilberto proximus fuit Durandus, qui inter essentiam, & relationes posuit distinctionem quidem realem, non tamen tanquam inter duas res, sed tanquam inter rem, & modum rei. Nominales verò, quamvis dicere non auserim ad Eu- nomii errorem accedere, dicunt, nul- lam inter essentiam, & relationes dari distinctionem ex parte rei significatæ, sed solum ex parte nostri intellectus, ean- dem omnino rem diversis conceptibus co- gnoscens, & diversis nominibus expri- mentis. Hos superius loco citato §. 5. retulimus, & rejecimus.

IV. Scotus inter essentiam, & relatio- nes ponit suam distinctionem formalem ex naturâ rei, realem quidem, quia ante- omnem cogitationem intellectus; non ta- men entitativam, quia non inter duas res, sed inter duas formalitates. De hac egi- mus citato loco §. 6. & 7. Thomistæ vero, & alii quamplures inter essentiam, & re- lationes nullam ponunt distinctionem, quæ sit actualis à parte rei, sed solum vir- tualis, & quæ soli cogitatione intel- lectus fiat actualis. De quâ egimus relato loco §. 8. & 9. Ne ergo jam dicta inutiliter repetantur, ita questionem hanc per- trahabimus, ut ad ea Studiosum identem remittamus.

### §. II.

#### Affertiones.

**V.** Dico primò. Relationes divinx non distinguuntur ab essentia distin-

ctione reali, tanquam illi extrinsecus af- fixæ. Est contra Gilbertum. Assertio hæc probata manet superius; eò quod, si essen- tia esset alia res à Personis seu relatio- nibus, jam in Deo daretur non Trinitas, sed quaternitas, nimirum tres Personæ, & rursus illa res, quæ esset essentia, con- tra statutum à Concilio Lateranensi IV. cap. 2. *Credimus, & confitemur cum Petro (Lombardo) quod una quadam summa res est, quæ veraciter est Pater, & Filius, & Spiritus Sanctus, tres simul Personæ, ac singulatim qualibet earum: & idem in Deo Trinitas est solummodo, non quaternitas, quia qualibet trium Personarum est illa res, videlicet substantia, essentia, sive na- tura divina.*

Nec valet dicere, Concilium reproba- re quaternitatem Personarum, non qua- ternitatem rerum.

VI. Nam de eâ quaternitate agit Con- cilium, quam Abbas Joachim contendebat sequi ex hac Petri Lombardi proposi- tione: *quadam summa res est Pater, & Filius, & Spiritus Sanctus, & illa non est generans, neque genita, nec procedens: sed quaternitas, quam Joachimus contende- bat sequi ex illâ propositione, non erat quaternitas Personarum, sed quaternitas resultans ex tribus Personis, & summâ illâ re, quam Lombardus asseruerat, nec esse generantem, nec genitam, nec procedentem, quæ res nil aliud erat, quàm essentia divina; ergo &c.*

Deinde Concilium dicit: *idem in Deo Trinitas est solummodo, non quaternitas, quia qualibet trium Personarum est illa res, videlicet substantia, essentia &c.* ergo hoc idem asserit, quia qualibet trium Personarum realiter est, & non realiter distinguuntur ab illâ re, quæ est essentia; ergo negat quaternitatem ex tribus Per- sonis, & re ab illis distinctâ.

VII. Prob. secundò. Relationes, quas Gilbertus ponebat realiter distinctas, ab essentia, vel erant Deo intrinsecè unitæ, vel solum extrinsecus affixæ, & assisten- tes: si primum; ergo Persona divina, erit quid realiter compositum ex relatio- ne, & essentia, quia compositio est di- stinctorum unio. Si secundum, ut vide- tur sensisse Gilbertus; quæro: relationes illæ scilicet, & Deo assistentes, sunt ne quid

quid increatum; an creatum? Si primum; ergo sunt realiter Deus; ergo idem realiter cum Deo, & essentia, increatum enim, & Deus convertuntur. Si secundum; ergo persona divina est aliquid constans ex increato, nimirum divina essentia, & creato, nempe relatione, quod adversus Porretanum damnavit Remensis Synodus dicens: *Credimus nullas omnino res, sive relationes, sive proprietates, sive singularitates, sive unitates dicantur adesse Deo, quæ sint ab æterno, & non sint Deus.*

VIII. Dico secundò. Relationes divinæ non distinguuntur à divinâ essentia distinctione reali modalis. Est e contra Durandum, adversus quem redeunt omnia argumenta superius facta contra Gilbertum. Durandus enim ponit quidem distinctionem solum modalem, sed reverà realem; ita ut relationes sint modi realiter afficientes naturam divinam, & hæc sit res, quæ talibus modis afficitur. Unde sic arguo. Vel illi modi relativi, qui realiter non sunt natura divina, sed illam afficiunt, sunt quid increatum, vel creatum: si primum, erunt Deus, & sic realiter natura divina. Si secundum; ergo Persona divina erit aliquid realiter compositum ex essentia increata, & modo creato. Rursus: jam ponenda erit in Deo realis quaternitas nempe tres modi seu relationes, & essentia velut quædam res ab illis realiter distincta.

Præterea, si natura divina in aliquo sensu reali esset distincta à relationibus, nõ posset cum veritate affirmari relatio de Deitate, & e contra: sicut quia Petrus realiter modaliter distinguitur à sua sessione, non potest cum veritate affirmari, quod Petrus sit sua sessio, & quod sessio Petri sit Petrus. Et ratio est; quia affirmatio fundatur in identitate subjecti cum prædicato: atqui secundum Concilia Remense, & Lateranense IV. verè de Patre affirmatur Deitas, dicitur enim, nedum Pater est Deus, sed Pater est Deitas, Pater est sua essentia: de Deo affirmatur Trinitas, dicendo Deus est Trinitas, Trinitas est Deus; ergo relationes non sunt realiter modaliter ab essentia distinctæ. Quapropter Concilium Lateranense laudatum cap. 2. *Licet igitur (inquit) alius sit Pater,*

*alius Filius, alius Spiritus Sanctus, non tamen aliud, sed id, quod est Pater est Filius, & Spiritus Sanctus, idem omnino.*

IX. Sed dices. Si essentia divina est prorsus idem realiter cum Personâ, & vicissim prædicari possunt, sequitur, quodd, sicut verè dicitur quod Pater generat, Filius gignitur; ita quodd essentia, seu Deitas generat, essentia, seu Deitas gignitur, valet enim iste discursus. Pater est essentia: Pater generat; ergo essentia generat; sed hic fuit error Abbatis Joachim damnatus in Concilio Lateranensi IV. cap. 2. citato; ergo &c.

Respondeo eum D. Thomâ 1. par. qu. 38. art. 5. negando maj. Nam ad veritatem locutionum non solum oportet considerare res significatas, sed etiam modum significandi. Licet autem secundum rem sit idem Deus (vel Pater, & Filius) quod Deitas, non tamen est idem modus significandi utrobique. Nam hoc nomen, Deus (& Pater, seu Filius) quia significat divinam essentiam ut in habente, ex modo sua significationis naturaliter habet, quodd possit supponere pro personâ. Et sic ea, quæ sunt propria Personarum possunt prædicari de hoc nomine Deus (& Pater, aut Filius) ut dicitur quod Deus est genitus, vel generans. Sed hoc nomen essentia non habet ex modo suæ significationis, quod supponat pro personâ, quia significat essentiam ut formam abstractam. Et ideo ea, quæ sunt propria Personarum, quibus ad invicem distinguuntur, non possunt essentia attribui: significaretur enim, quodd esset distinctio in essentia divinâ, sicut est distinctio in suppositis.

X. Dico tertio. Inter Divinas relationes, & essentiam locum non habet distinctio realis formalis Scoti. Probatur omnibus rationibus, quibus relato loco §. 6. probavimus, eam locum non habere inter divinam essentiam, & attributa, ubi etiam id probavimus de Personis.

XI. Dico quarto. Essentia divina, & relationes non distinguuntur solâ ratione ratioeinsante. Est contrâ Nominales; quæ assertio manet probata rationibus superius adductis §. 5. quod Lectorem remitto. Quibus hoc unum addo. Nam si alia distinctio non admittitur, quàm ex parte

intellectus distinguuntur absque ullo ex parte rei significatæ fundamento, agrè explicari potest, quomodo Pater naturam divinam communicet Filio, ei non communicat paternitate; & quod omnia, quæ Patri sunt, ipse Pater unigenito Filio suo dedit, præter esse Patrem, ut loquitur Concilium Florentinum in decreto Unionis; & quæ ratione Verbum, quod essentialiter est sapientia, non sit eo Verbum, quo sapientia, quia Verbum relativè, sapientia verò essentialiter intelligitur, ut docet Augustinus lib. 7. de Trinit. cap. 2.

XII. Dico quintò. Relationis divinæ distinguuntur ab essentiâ ante opus intellectus distinctione solum virtuali; & per intellectum solâ distinctione rationis ratiocinatæ. Videantur dicta loco sæpe alato de attributis Dub. 1. §. 8. & 9.

## §. III.

## Solvuntur argumenta.

Omnia argumenta, quæ actualem distinctionem inter essentialiam, & relationes ante opus intellectus probare conantur, ex communicabilitate essentiali, & incommunicabilitate relationum, ex verificatione contradictoriorum, & similibus, videri possunt loco supra relato §. 7. ubi Studiosus omnia ea inveniet proposita, & soluta.

XIII. Primo ergo arguitur pro Gilberto, & Durando. Non minus, imò magis, distinguere debent absolutum, & relativum, quam relativum, & relativum, quia relativum, & absolutum sunt diversî ordinis, seu generis: sed relativum, & relativum in divinis actu realiter distinguuntur; ergo sic distinguere debet absolutum à relativo.

Confirmatur August. dicit 7. de Trinit. cap. 1. Omnis res, quæ relativè dicitur est etiam aliquid excepto relativo, sicut homo dominus, & homo servus. Si igitur relationes aliquæ sunt in Deo, oportet esse in Deo aliquid aliud, præter relationes: sed hoc aliud non potest esse, nisi essentialia; ergo essentialia est aliud à relationibus.

XIV. Respondeo, negando maj. quia absolutum, & relativum licet sint diversî ordinis, seu generis, tamen invicem non opponuntur; in divinis autem omnia sunt unum, ubi non obest relativa oppositio. At relativum, & relativum in divinis sibi invicem ita opponuntur, ut unum non possit esse alterum: quare qui dicit Patrem, necessariò dicit Filium ab eo distinctum; & qui dicit principium, dicit terminum procedentem ab eo distinctum.

XV. Quod si dicas. Id quod facit distinctionem in divinis Personis non est idem cum eo, quod non distinguit, nec distinguitur: sed relatio in divinis distinguit, essentialia autem nec distinguit, nec distinguitur; ergo &c.

Respondet D. Thom. qu. 8. de potentia art. 2. ad 8. quoddam illud, quod facit distinctionem, potest esse cum eo, quod nec distinguit, nec distinguitur, idem re: sed non ratione. Hoc autem superius explicaverat ad 2. dicens: Alia est ratio substantia, & relationis: & utriusque respondet aliquid in re, quæ Deus est. Non tamen aliqua res diversa, sed una & eadem, & hoc precipuè convenit, quod duabus rationibus respondet una res, quam do natura perfectè comprehendit ipsam rem, & sic est in proposito.

XVI. Ad confirm. præter dicta loco citato §. 7. num. 60. respondeo ex D. Thom. 1. part. qu. 28. art. 2. ad 2. quoddam sicut in rebus et atque in illo, quod dicitur relativè, non solum est invenire respectum ad alterum, sed etiam aliquid absolutum: ita & in Deo. Sed tamen aliter, & aliter. Nam id, quod invenitur in creaturâ præter id, quod continetur sub significatione nominis relativi est alia res. In Deo autem non est alia res, sed una & eadem, quæ non perfectè exprimitur relationis nomine, quasi sub significatione talis nominis comprehensa: aliud est enim supra (qu. 13.) cum de divinis nominibus agebatur, quod plus continetur in perfectione divina essentiali, quam aliquo nomine significari possit. Unde non sequitur, quod in Deo præter relationem sit aliquid aliud secundum rem, sed solum consideratà nominatione.

XVII. Secundò arguitur. Tritum est apud

apud veteres, aiebat Gilbertus, ex Theodoro, quod *qui naturam, & Personam idem esse intelligit, in divisionem Arii incidit, aut in confusionem Sabellii*; & ex Hilario non est idem natura, quod res natura: sed relatio est res natura; ergo non est idem natura divina & relatio.

Confirmatur primò. Si bonitas, sapientia, & alia absoluta, quæ sunt realiter idem cum essentia, realiter inter se distinguuntur, distinguuntur etiam secundum essentiam; ergo si relationes sunt idem cum essentia divina, vel non distinguuntur realiter inter se; vel si realiter distinguuntur, distinguuntur secundum substantiam, & essentiam.

Confirmatur secundò. Quidquid prædicatur de prædicato, prædicatur de subiecto: sed si relatio est ipsa essentia divina, hæc prædicatio erit vera: essentia est paternitas; & patri ratione ista: filiatione est divina essentia; ergo sequitur, quod filiatione sit paternitas.

XVIII. Respondeo, mentem Theodoret, & Hilarii fuisse, non quod natura, & Persona non sint idem realiter, sed solum, quod non sint idem tam re, quam ratione, ut volebat Eunomius. Posito enim, quod essentia, & relatio sint idem tam re, quam ratione, sequitur, quod, vel non multiplicentur relationes, si non multiplicatur essentia, quæ est hæresis Sabelliana; vel si multiplicentur relationes, etiam essentia multiplicetur, quod volebat Eunomius, & Arius. Hoc tamen non sequitur, si catholicè ponatur, essentiam esse quidem idem re cum relationibus, sed ratione ab illis diversam.

XIX. Sed contra instabis. Ut salvetur Trinitas Personarum contra Sabellum, & unitas essentia contra Arium, debet salvari, quod realiter multiplicentur Personæ, & quod realiter non multiplicetur essentia: atqui si Personæ sunt idem realiter cum essentia, hoc non posset salvari, quia idem realiter multiplicaretur, & realiter non multiplicaretur; ergo &c.

Respondeo dist. min. idem adæquate sumtum multiplicaretur, & non &c. nego min. idem inadæquate conc. min. & nego consequ. Cum essentia divini adæquate sumta æquivalcat absoluto, & relativo,

potest inadæquate, ut æquivalcat relativo, realiter multiplicari, & inadæquate, ut æquivalcat absoluto immultiplicabili, non multiplicari. Cuius rei aliquæ exempla afferri potest. Si enim idem corpus replicaretur in pluribus locis, esset unum, & multiplex. Unum unitæ substantia corporis, multiplex ratione præsentia localis. Corpus item Christi unum est, & tamen præsentia Sacramentalis in eo multiplicatur. Ceterum hæc exempla valent, quantum possunt.

XX. Ad primam confirm. respondet D. Thomas qu. 8. de potentia art. 2. ad 4. Quod attributa essentialia non solum significant id, quod est essentia divina, sed etiam significant per eadem modum, quia significant aliquid, ut in Deo existens. Et propter hoc differentia, quæ esset inter absoluta vedundaret in diversitatem essentia. Relationes autem divina licet significant id, quod est essentia divina, non tamen per modum essentia, quia non per modum inexistentie, sed per modum subsistentie ad aliud. Uste distinctio, quæ attenditur secundum relationes in divinis, non designat distinctionem in essentia, sed solum in hoc, quod est ad aliud se habere per modum originis. Et licet relatio divina sit substantia divina, non tamen significatur per modum substantia, ut ait idem S. Do. ibi ad 5.

XXI. Ad secundam confirm. respondet idem S. Thomas ibidem ad 6. quod ratio illa tenet in praticabilibus per se: per se autem prædicatur aliquid de aliquo, quod prædicatur de eo secundum propriam rationem. Quod verò non secundum propriam rationem prædicatur, sed propter rei identitatem, non etiam prædicatur per se. Cum ergo dicatur: essentia divina est paternitas, non prædicatur paternitas de essentia divina propter identitatem rationis, sed propter identitatem rei, & similiter nec essentia de paternitate, ut iam dictum est; quia alia est ratio essentia, & relationis: & ideo in prædicto processo incidit fallacia accidentis. Licet enim in Deo nullum sit accidens, est tamen quædam similitudo accidentis, in quantum ea, quæ de se invicem prædicantur secundum accidens, & differunt ratione, sunt unum subiecto.

XXII. Ex dictis solvi potest alia communis instantia, nimirum: quæ sunt realiter idem cum uno tertio, non possunt realiter distinguí inter se: sed paternitas, & filiatio realiter distinguuntur inter se; ergo non sunt idem cum uno tertio, quod sit essentia.

Nam respondetur, maiorem esse veram de iis, quæ identificantur cum uno tertio adæquatè, & identitate non solum rei, sed, sed rationis: secus verò de iis, quæ identificantur cum tertio inadæquatè, & identitate solè rei, non rationis. Si enim hæc ex suâ ratione sint opposita, quamvis identificentur cum tertio, possunt realiter distinguí inter se, ut in relationibus contingit.

Quare aliter distinguí potest maj. quæ sunt realiter idem &c. si non dicant rationes relativè oppositas, concedo. Si dicant &c. ut dicunt invicem Personæ, nego maj.

XXIII. Tertio arguitur, & replicatur. Relatio, & essentia differunt saltem ratione in divinis: sed ubi est diversa ratio, sive definitio, est diversum esse, quia definitio est oratio indicans quid est esse; ergo aliud erit esse relationis in divinis, & aliud substantiæ; ergo relatio, & substantia differunt secundum esse, & ita realiter. Ita sibi opponit D. Thomas *quæst. de pot. art. 2. Cui*

Respondet: ad 11. *dicendum, quod in divinis nullo modo est esse, nisi essentia, sicut nec intelligere, nisi intellectus. Et propter hoc, sicut in Deo est unum tantum intelligere: ita etiam unum esse. Et idem nullo modo concedendum est, quod aliud sit esse relationis in divinis, & aliud essentia. Ratio autem non significat esse, sed esse quid, id est quid aliquid est. Unde, duæ rationes unius rei non demonstrant duplex esse ejus: sed demonstrant, quod dupliciter de illâ re potest dici quid est, sicut de puncto potest dici quid est, sicut principium, & ut finis, propter diversam rationem principii, & finis. Quæ valde notanda sunt.*

XXIV. Quarto argues. Idem relationes non distinguuntur realiter ab essentia divina, quia alias facerent cum illâ realem compositionem; sed hoc est falsum, nam etiam tres divinæ Personæ realiter

distinguuntur inter se, & tamen nullam faciunt inter se compositionem; ergo &c.

Si respondeas, negando min. & ad ejus probat. neges consequ. Cum enim compositio oriatur, non solum ex distinctione, sed ex unionem distinctionum: Et divinæ Personæ inter se non uniantur, sed potius opponantur; non mirum, si nullam inter se faciant compositionem. At relationes uniantur cum essentia, & illam afficiunt, tanquam modi illius; & propterea si aliquo modo realiter ab eâ distinguerentur, ei unirentur per compositionem.

XXV. Contrà est. Si relatio uniretur cum essentia divinâ, denominaret eam realem: sed hoc est falsum; ergo &c.

Nego maj. Relatio enim denominat realem solum subiectum, quod alteri opponitur, non autem subiectum, seu principium quo. Cum ergo sola Persona sit subiectum quod relativè alteri opponitur, non verò essentia; idem sola Persona denominatur relata, quia hæc sola dicitur generans, genita, procedens; non essentia, quæ nec est generans, nec genita, nec procedens.

XXVI. Quinto argues. Ea, quæ aliquomodo realiter non identificantur, aliquomodo realiter inter se distinguuntur: sed paternitas, & essentia aliquomodo realiter non identificantur; ergo &c. Min. prob. Quod non identificatur, realiter, cum omni eo, quod realiter est ipsa essentia, aliquomodo realiter non identificatur cum ipsâ essentia: sed paternitas non identificatur realiter cum filiatione, quæ realiter est ipsa essentia; ergo &c.

Respondeo, negando min. ad probat. dist. maj. cum omni eo &c. adæquatè sumpto, conc. maj. inadæquatè sumpto, & præcisè secundum aliquam expressionem, seu virtualitatem, nego maj. Paternitas ergo est realiter non identificetur cum filiatione inadæquatè sumtâ, & sub expressione filiationis, quo realiter opponitur paternitati, identificatur tamen cum filiatione adæquatè sumtâ, seu cum realitate, & cum eo, quod filiatio realiter est; quia realitas filiationis, cum sit realitas essentia, idem sicut paternitas identificatur realiter cum essentia divinâ, ita idem

tificatur realiter cum realitate filiationis, seu cum filiatione adequatè sumtā.

XXVII. Sextò argues pro Scoto. Essentia ex sua ratione formali non est relatio; est enim substantia, & hæc propositio: substantia non est relatio, est propositio immediata, sicut ista: substantia non est accidens, seu quantitas; ergo saltem ex sua ratione formali distinguitur à relatione. Tàm quia absolutum ex sua ratione formali, seu ex sua natura non est relativum.

XXVIII. Respondeo cum D. Thom. qu. 2. de pot. art. 2. ad 1. *Quod nulla substantia, qua est in genere, potest esse relatio, quia est definita ad unum genus, & per consequens excluditur ab alio genere. Sed essentia Divina non est in genere substantia, sed est supra omne genus, comprehendens in se omnium generum perfectiones. Unde nihil prohibet, id quod est relationis in ea inveniri. Quare ratio substantiæ, & relationis, seu absoluti, & relativi, vel potest considerari, ut contracta ad creaturam, & sic positivè non sunt idem; quia constituunt, & definita sunt ad certa genera: vel potest considerari, ut contracta ad Deum, & sic positivè una, & eadem realiter est; vel potest considerari, ut præcendit à creatura, & Deo, & sic nec realiter eadem est, nec realiter distincta, sed negativè se habet, præcendens ab esse idem, & non esse idem. Idemque absolutum, & relativum sicut substantia, & relatio, si ponantur in creatura non sunt realiter idem; si verò in Deo sint, realiter idem sunt. Neque relatio ex sua formali ratione dicit positivè, quod sit accidens, sicut hoc dicit quantitas, sed solum, quòd sit ordo unius ad aliud.*

Quòd explicans D. Thomas qu. 8. de potentia art. 2. in corpore: *Nihil prohibet (inquit) aliquid esse inherens, quod tamen non significatur, ut inherens: sicut etiam actio non significatur ut in agente, sed ut ab agente, & tamen constat, actionem esse in agente. Et similiter licet ad aliquid non significetur ut inherens, tamen oportet, ut sit inherens. Et hoc quando relatio est res aliqua. Quando verò est secundum rationem tantum, tunc non est inherens. Et sicut in rebus creatis oportet.*

Tom. IV.

*set, quòd sit accidens: ita oportet, quòd sit in Deo substantia, quia quidquid est in Deo est ejus substantia. Oportet ergo relationes secundum rem esse divinas substantias, qua tamen non habent modum substantia, sed habent alium modum prædicandi ab his, qua substantialiter prædicantur in Deo.*

XXIX. Septimò argues pro eodem. Ea, de quibus actu ante opus intellectus verificantur prædicata contradictoria, debent ante opus intellectus esse distincta: sed de essentia, & relationibus actu ante considerationem intellectus verificantur prædicata contradictoria, nimirum, quod Pater æternus communicat essentiam Filio, & ei non communicat paternitatem; ergo &c.

Huic argumento respondimus de divinorum Attributorum distinctione qu. 4. dub. 1. sæpe citatis §. 7. à nu. 44. ubi etiam varias Scottiarum instantias proposuimus, & dissolvimus: quare illuc remitto Lectorem. Nunc dico, quòd ad actu verificanda prædicata aliis contradictoria, non requiritur actualis distinctio, quæ formaliter sit, sed solum virtualiter, & æquivalenter. Cùmque essentia divina, & relatio, eodem actu realiter sint una res, sit tamen virtualiter, & æquivalenter duplex, æquivalens absoluto communicabili, & relativo incommunicabili; idèd capax est, ut de eà, ut æquivalet absoluto, verificetur, quòd communicetur Filio, & ut æquivalet relativo, non communicetur: quia contradictoria, eodem verificari nequeant de eodem secundum idem, bene tamen possunt secundum diversa; & distinctio virtualis, quia æquivalet actuali, tollit contradictionem, quam tolleret distinctio actualis. Sic calor, etsi virtualiter solum sit in Sole, eodem effectus producit, quos produceret calor formalis.

Nota tamen, quòd cùm dicitur: essentia divina realiter communicatur, paternitas verò realiter non communicatur, ly realiter potest sumi, vel in sensu appellativo, & formali, vel in sensu materiali, & identico. Si sumitur in sensu formali, vera est hæc propositio: paternitas non communicatur; quia si appellatio supra formale relativi. Si verò sumatur

F. f. tus



tur in sensu identico, falsa est; quia facit sensum, quod res, quæ est paternitas, idest essentia divina non communicetur Filio.

XXX. Sed dices. Oppositio contradictoria major est oppositione relativâ: sed de uno, & eodem, etiam virtualiter distincto, nequit dici, quod sit Pater, & Filius; ergo multo minus, quod communicetur, & non communicetur, quæ contradictoria sunt.

Respondetur ex D. Thomâ in 1. dist. 5. qu. 1. art. 1. ad 1. dist. maj. major est, idest universalior, & causa omnis oppositionis, conc. maj. aliter, nego maj. Oppositio ergo contradictoria dicitur major omni alâ oppositione, quia est causa omnis oppositionis, & in omni oppositione includitur: ex quo sequitur oppositum ejus, quod ostendit arguens. Nam cum alia sint, quæ opponuntur realiter, alia verò quæ opponuntur solum per rationem, oppositio contradictoria reperiri debet non solum inter extrema realiter opposita, & distincta, sed etiam inter extrema solâ ratione distincta: & sic licet essentia, & relatio solâ ratione distinguantur, & opponantur, adhuc inter illas oppositio contradictoria poterit exerceri. Oppositio (inquit S. Thomas laudatus) affirmationis, & negationis, cui non admiscetur aliqua convenientia, est prima, & maxima oppositio, & causa omnis oppositionis, & distinctionis; & idcirco oportet, quid in quilibet alâ oppositione includatur affirmatio, & negatio, sicut primum in posteriori. Unde plura requiruntur ad alias oppositiones, quàm ad oppositionem contradictoriam, quia se habent ex additione ad ipsam. Unde non oportet, quod si contrarietas non invenitur, nisi in diversis realiter, quod affirmatio, & negatio inveniantur in diversis realiter: immò sufficit etiam distinctio rationis ad affirmationem, & negationem, cum qualibet distinctio, ut dictum est, includat affirmationem, & negationem: & talis distinctio, scilicet rationis, est inter essentiam, & Personam: sed opposita relativè aliquando requirunt diversitatem, vel distinctionem realem, & talia sunt quæ divinas Personas distinguunt; aliquando autem distinctionem rationis tantum, ut cum dicitur idem eadem idem &c.

## DUBIUM III.

An relationes divinx secundum expressum relativi dicant perfectionem propriam virtualiter distinctam à perfectione propriâ essentia divinx.

## §. I.

## Resolutio Dubii.

I. **S**ensus quaestionis est, an in Deo, præter perfectiones de genere absoluto, dentur perfectiones de genere relativo: ita ut, sicut sapientia, vel bonitas divina asserat specialem, perfectionem de propriâ linea supra perfectionem divinæ essentia; ita & paternitas addat perfectionem aliquam de genere relativo, virtualiter superadditam perfectioni ejusdem divinx essentia. In hac quaestione divisos invenio Thomistas, multis negativæ parti adhaerentibus. Ego libentius alius subscribo affirmativam timentibus.

II. Dico. Relationes divinx asserunt specialem perfectionem de genere relativo, virtualiter distinctam à perfectione absolutâ divinx essentia. Hæc videtur fuisse mens D. Thomæ tum qu. 8. de pot. art. 2. ad 1. ubi probat, in substantiâ divinâ relationes inveniri; quia, est super omnia genus comprehendens in se omnium generum perfectiones: quæ consequentia nulla foret, si relatio ex suo genere nullam diceret perfectionem; sicut malè inferretur, intellectum esse in Deo, quia Deus comprehendit in se omnium generum perfectiones, si intellectus ex sua ratione nullam asserret perfectionem. Idem docet qu. 9. de pot. art. 3. ad 13. ubi ait: ad perfectionem divinitatis pertinet, ut scilicet sit ibi à quo alius, & ipse à nullo, & aliquis qui si ab alio. Non enim esset omnimoda perfectio in divinis, nisi esset ibi processio Verbi, & Amoris; ergo relationis originis asserunt Deo suam perfectionem, qui deficiente non esset omnimoda perfectio in divinis: quod si relatio nullam ex suo conceptu diceret perfectionem, proposito D. Tho-

mæ

mæ esset de subiecto non supponente. Hoc idem repetit *qu. 29. 2. part. art. 3.*

Cui consonant Concilia, & Patres. In quartâ enim Synodo Generali dicitur: *credimus Trinitatem, & subsistentiarum perfectionem.* Cyrillus quoque lib. 2. Theauri cap. 1. *Non potest (inquit) esse perfecta divinitas, nisi Filium habeat.* Et alii Patres communiter inculcantes, Deitatem non esse perfectam, atque plenam sine Personis, & relationibus; & Mysterium Trinitatis, quod per relationes constituitur, pertinere ad supremam Dei perfectionem, quâ super omne creatum elevatur. Quod Ecclesiæ quoque consuetudine firmatur, quæ publicè non solum essentia majestatem, sed relationum proprietates adorat.

III. Probo autem ratione à priori sic. Relatio, ut virtualiter distincta ab essentia, est quid reale positivum in Deo existens, contentum sub ente; ergo ex sua linea est perfectio. Quodcumque enim positivum ens, seu realitas, dum existit, convertitur eum bonitate, & perfectione: bonitas enim est proprietas entis principalis, seu existentis, & repugnat dari aliquid in rerum natura existens, quod non sit bonum, eum sit obiectum voluntatis, quæ non potest amare nisi bonum.

IV. Respondebis, in relationibus divinis duo esse consideranda, nempe esse *in*, & esse *ad*. Esse *in*, est relatio considerata, ut afficiens subiectum, & Personam constituens. Esse *ad*, est eadem relatio, ut respicit terminum, ad quem refertur. Relatio igitur priori modo perfectionem dicit; quia sic spectata modificat, & determinat essentiam ad esse talis Personæ; & in hoc sensu loquuntur Concilia, & Patres, & procedit ratio allata. Verùm posteriori modo, ut dicit purum *ad*, seu respectum ad terminum, nullam dicit perfectionem; quia nullum dicit esse.

V. Sed contra primò. Conceptus ille *in*, secundum quem relatio est constitutiva Personæ divinæ, est conceptus de genere relativo virtualiter distinctus à conceptu absoluto essentia; ergo si secundum conceptum *in*, & quatenus est constitutiva Personæ, relatio perfectio-

nem dicit, perfectio hæc est de genere relativo. Ant. prob. Tum quia Persona divina formaliter, ut Persona ab essentia distincta, est de genere relativo. Tum quia afficere subiectum illud referendo ad alterum, est de conceptu relationis, non minis, quàm de conceptu qualitatis sit reddere subiectum quale; & in hoc erravit (teste S. Thomâ. 1. part. qu. 28. art. 2.) Gilbertus Porretanus, ponens relationes extrinsecus affilentes, quod eas consideravit solum per respectum ad terminum, non verò per respectum ad subiectum.

VI. Contra secundò. Perfectio non restringitur ad lineam absoluti; ergo &c. ant. prob. à D. Thomâ. qu. 7. de pot. art. 9. ubi probans, relationes esse inter entia realia computandas, hoc discursu procedit: *Perfectio, & bonum, qua sunt in rebus extra animam, non solum attenditur secundum aliquod absolutè inherens rebus, sed etiam secundum ordinem unius rei ad aliam; sicut etiam in ordine partium exercitur, bonum exercitur consistit; huius enim ordini comparat Philosophus ordinem universi 21. Metaph. Unde 1. part. qu. 5. art. 5. statuit, rationem boni consistere in modo, specie, & ordine. Et opusc. 1. contra errores Græcorum cap. 7. non posset (inquit.) esse Pater perfectus, nisi Filium haberet; quia nec Pater sine Filio esset, nec esset Deus perfectus, nisi haberet Verbum.* Et quidem imperceptibile videtur, aliquid actu formaliter, & ex proprio conceptu esse in Deo, quod ex proprio suo conceptu perfectionem non exprimat. Cum ergo in Deo adsit, nedum absolutum, sed & relativum, necesse est dicere, etiam relativum ex suo genere perfectionem exprimere.

VII. Colligitur etiam hoc à posteriori. Nam subsistentia Verbi divini dum terminat humanitatem Christi, eam perficit; sed eam terminat ratione relativi, Incarnatio enim facta fuit immediatè in Personâ secundum esse relativum; ergo ratione relativi perfectio est. Hæc consequentia probatur. Nam si Persona divina ratione Personæ, & relativi non. esset perfectio, non posset humanam naturam immediatè, & rationi sui perficere.

cere: sicut quia Persona divina ratione sui non est Sanctitas, ratione sui humanam naturam formaliter non sanctificat. Maj. etiam probatur. Si enim natura humana à propria subsistentiâ perficitur, si propria subsistentia ratione sui perfectionem exprimit, & persona creata ex D. Thoma 1. *part. qu. 29. art. 3.* significat id, quod est perfectissimum in naturâ; cur non perficitur à subsistentiâ divinâ? cur persona divina id, quod est perfectissimum non significabit? an deteriori modo subsistet humanitas subsistentiâ divinâ, quam propriâ? An deterior erit Persona divina, quam creata?

## §. I I.

*Fundamenta opinionis contraria.*

VIII. **P**rimò arguunt. In Deo non datur perfectio relativa; ergo &c. ant. probatur primò. Augustinus lib. 6. de Trinitate cap. 2. loquens de Filio, ait: *Filius sicut in se ipso dicitur Filius, quod non cum Patre dicitur, sed ad Patrem: non sic & in se ipso magnus, sed cum Patre.* Et lib. 7. cap. 1. & 6. dicit, magnitudinem, & perfectionem in Divinis ad se dici, non relativè.

Secundò. D. Thomas 1. *part. qu. 42. art. 4. ad 2.* ait: Magnitudo in divinis significat perfectionem naturæ, & ad essentiam pertinet.

Tertiò. Perfectio pensatur per ordinem ad subiectum, cum perfectio respiciat perfectibile: sed relatio non respicit subiectum ratione sui, sed rationi termini, ergo &c.

IX. Respondeo, neg. ant. ad primam probat. ex Augustino dico, quod quotiescumque aliquid nomen indifferens est, ut significet essentiam, & relationes, supponit absolute pro essentia; quia hæc est velut excellentius significatum, & radix primordialis totius magnitudinis, & perfectionis in Deo: hoc tamen non impedit quin sicut in Deo multiplicamus relationes, & realitates, ita etiam multiplicemus perfectiones, cum addito tamen, nempe relativas.

X. Sed dices. Si multiplicarentur perfectiones in Deo, deberent absolute admitti tres boni, tres perfecti, sicut admit-

tuntur tres Personæ; & non solum adjectivè, sed substantivè: qui hoc negat Augustinus lib. 5. de Trinitate cap. 8. ergo &c. Maj. probatur. Quoties multiplicatur tam materiale, seu subiectum, quam forma, multiplicantur nomina nō solum adjectivè, sed substantivè: at in casu non solum multiplicarentur subiecta, nempe supposita habentia perfectionem, sed etiam formæ, nempe perfectiones relativæ; ergo &c.

Respondetur, neg. maj. Sicut enim, esse relationes divinarum sint res, seu entia relativa, tamen absolute non concedimus dari in Deo tres res, seu tria entia, sed solum cum addito, nimirum relativæ; quia entitas, & realitas in Deo principaliter supponit pro absoluto: ita non debemus absolute admittere in Deo tres bonitates, vel perfectiones, sed tres bonos; quia bonitas, & perfectio principaliter supponit pro bonitate absolute, essentia, quæ una est; sed solum cum addito, nempe tres bonitates, & perfectiones relativas, & tres bonos relativè, sicut & tria entia relativa. Quapropter, sicut damnatus est Arius, quod tres res absolutas asseruerit; ita damnatus est Sabellius, quod tres res, seu tria entia, relativa non admiserit: Cum enim (inquit S. August. lib. 7. de Trin. cap. 4.) conaretur humana inopia loquendo proferre ad hominum sensus, quod in secretario mentis pro capto tenet de Domino Deo Creatore suo, timuit dicere tres essentias, ne intelligeretur in illâ summa aequalitate ulla diversitas. Rursum non esse tria quadam non poterat dicere; quod Sabellius, quia dixit, in hæresim lapsus est.

XI. Ad secundam pariformiter dico, S. Thomam loqui de quantitate, & perfectione radicali: sic enim sola essentia, est, quæ omnium divinarum perfectionum radix est; unde ex eâ dicit S. Thomas, attendendam esse magnitudinem, & æqualitatem inter divinas Personas.

Ad tertiam nego maj. Aliàs sequeretur, quodd nulla potentia, habitus, aut actus perfectionem diceret; quia per ista subiectum perficitur non ad se, sed ad aliud: Sive ut obiectum, sive ut terminum. Quare dico, quodd esse perfectio absoluta debeat perficere subiectum in ordine ad seipsum; perfectio tamen rela-

la-

lativa sufficit, ut illud perficiat in ordine ad aliud: sicut ordo, qui est inter partes exercitus perficit illas, non in ordine ad se, sed in ordine invicem, & ad totum exercituum.

XII. Secundo arguunt. Relationes non addunt supra essentiam novam, ac peculiare esse existentia; ergo neque novam, & peculiarem perfectionem, quia omnis perfectio ab actualitate existentia pensatur. Antecedens prob. quia, ut statim dicemus non dantur in Deo tres existentia; sed una tantum.

Huic argumento, quod contrariadèd, magnificant, concessio antecedenti, nego consequ. quæ inflatur in aliis divinis attributis. Iustitia enim, misericordia &c. non multiplicat in Deo adhuc virtualiter existentias, sed unicam existentiam divinæ essentia existunt, & tamen multiplicat in Deo virtualiter perfectiones; ergo licet relationes non multiplicent in Deo existentias, poterunt multiplicare, & proprias habere perfectiones. Et ratio est: nam ad perfectionem, & bonitatem, seu ut res sit perfecta, requiritur quidem, ut existat; non tamen, ut multiplicetur perfectio, requiritur, quod multiplicetur existentia, sed etsi plures entitates unicam fruantur existentia, adhuc erunt plures perfectiones. Quapropter si Verbum plures humanitates assumeret, singulæ suam perfectionem haberent, & tamen unicam Verbi existentiam haberent; ut Thomistæ communiter docent; quia, ut aliquid perfectionem propriam dicat, sat est, ut propriam habeat entitatem in suo essentiali esse completam.

XIII. Tertiò arguunt. Si relatio paternitatis aliquam diceret perfectionem, aliqua perfectio esset in Patre, quæ non esset in filio, & consequenter Filius non esset æqualis Patri.

Secundo. Tres Personæ simul sumtæ majoris perfectionis essent, quam una sola.

Tertiò. Filius esset perfectior Spiritu Sancto; quia Filius duas relationes haberet, filiationis, nempe, & spirationis activæ, & Spiritus Sanctus unam tantum, scilicet spirationem passivam.

Quarto. Essentia sola non esset infinite perfecta, ei enim decissent perfectiones relativæ.

XIV. Respondetur ad hæc. Primò.

Quod sicut ex eo, quod realitas paternitatis sit in Patre; & non in Filio, non sequitur, quod Filius sit inæqualis Patri; quod tres Personæ simul sumtæ sint majoris entitatis, quam una sola, quod Filius habens duas relationes, sit quid majus Spiritu Sancto habente unam solam; & quod essentia sola non sit infinite perfecta, etsi ei desit entitas relativa: ita dicendum. etsi relatio nedum entitas sit, sed etiam perfectio relativa. Non enim requiritur, quod quæcumque divina realitas, & perfectio sit in quacumque Personâ formaliter, sed sat est, ut sit in eâ æquivalenter. Ita autem contingit (inquit D. Thomas 1. p. q. 42. art. 4. ad 2.) eadem enim dignitas, quæ in Patre est paternitas, in Filio est filiatio. Verè ergo dicitur, quidquid dignitatis habet Pater, habet Filius; nec sequitur: paternitatem habet Pater, ergo paternitatem habet Filius: mutatur enim quid in ad aliquid. Eadem enim est essentia, & dignitas Patris & Filii: sed in Patre est secundum relationem dantis, in Filio secundum relationem accipientis. Ubi D. Tho. statuit unam dignitatem in omnibus Personis, in quâ sunt æquales, nempe dignitatem essentia divinæ, aliam dignitatem Patris ut dantis, & dignitatem Filii, ut accipientis, quæ sunt dignitates relativæ; nec sequitur, quod si hæc est in unâ Personâ, sit formaliter in aliâ, quia mutatur quid in ad aliquid. Hinc

XV. Secundo. Aliter respondeo, dist. ant. aliqua perfectio absoluta, nego ant. relativa, quæ non sit in Filio, subdistinguo, expressè co. ant. per circuminsessionem nego ant. Cum enim in Filio sit eadem essentia, quæ est in Patre, & hæc contineat paternitatem, sequitur, quod tota perfectio paternitatis sit etiam in Filio, quamvis sub hoc nomine eam non exprimat, sed illi opponatur; sicut hæc ratione realitas paternitatis in Filio est. Et sic solvuntur cæteræ instantiæ. Cùm enim infinita perfectio omnium relationum simul, sive singularum in speciali, non exigat, ut invicem sese expriment, sed quod una sit in aliâ ratione essentia divinæ, quæ omnes includit, & in omnibus includitur; sequitur, in

em.

omnibus esse æqualem, imò eandem perfectionem, quamvis alio, & alio modo significatam; sicut in omnibus attributis absolutis eadem perfectio est, quamvis aliter in uno expressa, aliter in alio. Unde D. August. lib. 6. de Trinit. c. 8. *Tantus est (inquit) solus Pater, vel solus Filius, vel solus Spiritus Sanctus, quantus est simul Pater, & Filius, & Spiritus Sanctus.* Et S. Fulgentius lib. de fide ad Petrum cap. 1. ait: *Per hanc unitatem naturalem totus Pater in Filio, & Spiritu Sancto est; & totus Filius in Patre, & Spiritu Sancto est; totusque Spiritus Sanctus in Patre, & in Filio est, nullus horum extra quemlibet ipsorum est.*

XVI. Dices. Relationes, vel sunt perfectiones simpliciter simplices, vel non sunt, sed perfectiones solum secundum quid. Si primum: Cum perfectio simpliciter simplex sit illa, quæ est melior ipsa quam non ipsa, melius esset Filio habere paternitatem, quam non habere. Si secundum; ergo hæc relativa perfectio non erit formaliter in Deo; quia, perfectiones huiusmodi non esse in Deo nisi virtualiter, supra diximus, & proinde nec in Deo erunt formaliter relationes.

XVII. Respondeo. Relationes esse perfectiones simpliciter simplices. Ad id, quod opponitur, dico, ex hoc quod paternitas sit perfectio, melius est quidem Deitati, seu Deo illam habere, quam non habere; sic, ut Deitas non esset omnimodè perfecta, si illam non haberet: non tamen oportet, ut talis perfectio ab omni divinâ Personâ expressè possideatur; sed sufficit, ut habeatur implicite ratione divinæ essentiae, quæ in omnibus Personis est, & in quâ omnes relativæ perfectiones continentur.

XVIII. Queritur solet: an relationes sint de conceptu obiectivo essentiae divinæ; & viceversa essentia divina sit de conceptu obiectivo relationum: sed in hac questione superfluum iudico immorari. Unde breviter ab eâ me expediens.

Dico, quod conceptus obiectivus essentiae, & relationum potest considerari, vel adæquatè pro eo, quod explicat, & etiam formaliter includit; vel inadæquatè, scilicet pro eo, quod exprimit, seu solum-

explicat. Si primo modo consideretur, dico, quod tam relationes sunt de conceptu obiectivo essentiae, quam essentia de conceptu obiectivo relationum; quia essentia divina adæquatè, dicit essentialiter esse unam in tribus Personis, & Deus essentialiter est Unus, & Trinus; & viceversa relationes adæquatè essentialiter sunt relationes divinæ: non sunt autem divinæ, nisi ratione essentiae divinæ. Si verò secundo modo consideretur, dico, nec essentiam esse de conceptu obiectivo relationum; quia relationes exprimentur ad aliquid, essentia vero exprimit ad se, seu absolutum: absolutum autem, ut tale, non est de conceptu obiectivo relativi, ut relativum est; sicut nec relativum est de conceptu obiectivo absoluti, ut absolutum est; quia mutatur quid in ad aliquid.

#### DUBIUM IV.

An cuilibet relationi conveniat propria existentia.

##### S. I.

Resolutio Dubii.

I. Dubium hoc ex præcedenti nascitur. Cum enim ultra perfectionem absolutam convenientem essentiae divinæ admiserimus perfectiones relativæ relationum proprias; videtur querendum, an etiam præter existentiam absolutam, & communem, quæ concipitur essentia divina existere pro priori ad relationes, admittendæ sint in Deo existentiae relativæ, quibus relationes existant in propriâ lineâ. Scotus affirmat. Thomistæ verò cum communiori DD. negant.

II. Dico. In Deo non multiplicantur existentiae, sed unica est existentia absoluta, quæ existunt omnes perfectiones divinæ, tum absolute, tum relativæ. Est expressa D. Thomæ superius laudati qu. 8. de potentia art. 2. ad 11. ubi ait: *In divinitus nullo modo est esse, nisi essentia, sicut nec intelligere nisi intellectus.* Et propter hoc, sicut in Deo est tantum unum intelligere, ita etiam unum esse. Et idè nullo

mo-

*modo concedendum est, quod aliud sit esse relationis in Divinis aliud essentia.*

III. Prob. ergo primò. Quia Scriptura quoties loquitur de existentia Dei, semper eam applicat essentie, ut cum Exod. 3. v. 14. Deus de se dicit: *ego sum, qui sum* . . . *qui est, misit me ad vos: ubi vox sum ultimo loco posita, & qui est, significat existentiam; sum verò priore loco essentiam, & facit sensum; ego sum, qui est, id est, cujus essentia, seu quidditas est existeret, misit me ad vos.*

Secundò. Patres, ut demonstrarent, Verbum ejusdem essentie esse cum Patre contra Arianos, ad identitatem in existendo cum illo recurrerant. Contendebant enim Ariani, Verbum non habere Dei essentiam, quia non semper existisset, ac tempus fuerit, quando Verbum non esset; Patres verò ostendebant, Verbum essentiam Dei habere, quia semper existisset; ergo tam Catholici, quam heretici conveniebant in hoc, quod existentia ratione essentie conveniat, & quod ubi est una essentia, ibi sit unum esse, & ubi est unum esse, ibi una sit essentia.

Tertiò. Catholici, qui labente seculo quarto Antiochie contendebant, tres hypostasies esse in Deo ponendas, redierunt in concordiam cum iis, qui unicam admitterant, postquam audierunt, illos hypostasis nomine existentiam intelligere; simulque cum illis confessi sunt unicam in Deo existentiam, seu unicum esse reperi. Quare D. Hieronymus epist. 14. aliis 37. ad Damasum: *Una (inquit) est Dei, & sola natura, qua verè est. Id enim quod subsistit, non habet aliunde, sed suum est; interque subinde, quod quisquis tria esse, hoc est tres esse hypostasies, id est usque, dicit, sub nomine pietatis tres naturas sonatur asserere; & ab Ario parietibus separatur, perfusilla copulatur. Ad eò persuasum erit Hieronymo, quod multiplicato esse in Deo, quod nomine hypostasis ipse intelligebat, debebat cum Ario essentia multiplicari.*

IV. Rationem pro hac assertione tradit primò S. Augustinus lib. 7. de Trinit. cap. 4. dicens: *aliud Deo est esse, aliud Patrem esse, vel Dominum esse: quod enim est, ad se dicitur, Pater autem ad Filium, & Dominus ad servientem creaturam dici-*

*tur: Ex quibus sic conficitur ratio. Existentia seu esse, ad se dicitur, non ad aliud; ergo existentia est predicatum absolute, ergo non multiplicatur in Personis relativis.*

V. Confirmatur ex D. Thomà qu. 8. de potentia art. 2. ad 12. ubi docet, quod esse, seu existentia relationis nunquam est relativa, seu ad terminum, sed est ad se, vel ad subiectum. Unde cum relatio sit accidens in creaturis, esse suum est inesse. Unde esse suum non est ad aliud se habere. Si ergo D. Thomas in relatione creatà admittit existentiam non relativam, quatenus relatio est ad terminum, sed quatenus est in subiecto; cum relationes in divinis non sint inhærentes, ut accidentia, sed sint per se subsistentes, multò magis existentia earum non erit relativa, neque eis conveniet, ut relativè opponuntur; ergo divinæ relationes in ratione existentium non opponuntur; ergo neque, eis multiplicatis, existentia earum multiplicatur, quia in divinis tota multiplicatio ex relativa oppositione desumitur.

Urgeo hoc. Si relatio creata, quæ inhæret, ex tali inhærentia sit existens; cur relatio divina, quæ non inhæret, sed summè identificatur cum essentia divinà, ex vi talis identificationis non sit existens illà purissimà divinæ essentie existentia? quod si ita est: quid oportet tres relativæ existentias superaddere? quem enim effectum præstabit? existeret? At hoc jam haberet. esse ad aliud? At hoc non est existeret, dicit Augustinus, & D. Thomas; quia esse ad se est, non ad aliud est.

VI. Secunda ratio talis est. Si in Deo sunt tres existentia relativæ, debebunt etiam esse in eo tres essentie relativæ, quia existentia proportionatur cum essentia, & est ejusdem generis cum illà; cumque existentia nequeat concepti sine duratione (quælibet enim essentia relativæ esset ab æterno durans) debebunt quoque dari tres durationes, seu tres æternitates relativæ: sicque poterit dici, in Deo esse tres æternitates, tres increatos, non adjectivè solum, sed substantivè, contra id, quod in Symbolo sub Sancti Athanasii nomine recitamus: *non tres æterni, sed unus æternus.* Quod si tres divinæ Personæ, non tribus durationibus durant, sed uni tan-

tantum, cur non unâ etiam existentia, sed tribus existent, eûm existentia sua conveniat duratio? Certè, si existentia relativæ admittuntur, non video, quin admittendæ sint, & multiplicandæ duratioes relativæ.

## §. I I.

*Satiseft contrariis rationibus.*

VII. **P**rimò objeient D. Augustinum, tûm in *Psalm.* 68. dicentem; *Quidquid est Pater, quod Deus est, hoc est Filius, hoc Spiritus Sanctus.* Cum autem Pater est, non illud est. Et lib. 7. de Trinit. cap. 4. aliud est Deum esse, aliud Patrem esse. Si ergo aliud est esse Deum, aliud Patrem esse; aliud est ergo esse absolutum, aliud esse relativum.

Cyrillus item Alexandrinus *dialogo de Trinit.* lib. 1. h. quens de Patre, & Filio, ait: *uterque subsistit, propriamque habere dicitur existentiam.* Et Sanctus Thomas qu. 9. de potentia art. 1. ad 23. *Ad perfectionem (inquit) divinitatis pertinet, ut sint plures modi existendi in Divinitate.*

VIII. Respondeo, D. Augustinum locis laudatis sumere esse non pro existerè, sed pro notione, seu quidditate. Alia nempe est notio Dei, quâ Deus est, alia quâ Pater est: illa enim est absoluta, hæc relativa. Existerè autem semper est absolutum, quod enim est, ad se dicitur, inquit citato loco ex 7. de Trinitate, ut supra vidimus. Cyrillus autem nomine existentia intelligit propriam cujusque Personæ subsistentiam, ut ex contextu patet. D. Thomas autem non dicit ad perfectionem divinitatis pertinere, ut sint plures existentia, sed plures modi, seu plures rationes existendi ejusdem esse, & in eodem esse. Quemadmodum enim eadem essentia divina alio modo est in Patre, & alio modo in Filio, alio in Spiritu Sancto; sic eadem existentia, alio modo facit existere Patrem, alio Filium, alio Spiritum Sanctum; ut scilicet sit ibi à quo alius, & ipse à nullo, & aliquis qui est ab alio; ut ait D. Thomas laudato loco. Quare D. Thomas non plures existentias, sed plures rationes existendi admittit in divinis, duas autem rationes ejus-

*dem rei non demonstrant duplex esse ejus, sed demonstrant, quod dupliciter de illâ re potest dici quid est; sicut de puncto potest dici quid est, sicut principium, & ut finis, propter diversam rationem principii, & finis.* Ita S. Doct. qu. 8. de pot. art. 2. ad 11.

IX. Secundo objeient. In Deo sunt tres entitates relativæ actuales, imò in nostrâ sententiâ tres actualitates, & perfectiones relativæ: sed entitas actualis est entitas existens, eûm omnis actualitas ab existentia sumatur; ergo &c.

Respondetur. Sunt tres entitates actuales, numero cadente supra entitatem, conc. maj. cadente supra actualitatem existentia, nego maj. vel subsistit quo, tres adjectivè, conc. maj. tres substantivè, nego maj. Relationes ergo divinæ sunt tres entitates actuales, non triplici actualitate existentia, sicut neque essentia, sed unâ ac indivisibili. Quemadmodum enim tres Personæ divinæ dici possunt tres sapientes adjectivè, idest tres habentes eandem sapientiam, quia numerus cadit supra supposita, non supra sapientiam; ita dici possunt tres existens adjectivè, & tres entitates actuales, idest tres habentes eandem existentiam, sicut & essentiam diverso modo commun eam. Cum enim sint ad instar modi essentia divinæ, non debent propriam asserre existentiam, sed existerè existentia essentia (cujus sunt modi) ipsis adiuncta, & communicata. Etsi autem in nostrâ sententiâ quilibet relatio propriam asserat actu existentem, & perfectionem relativam distinctam à perfectione, & actualitate absoluta essentia; non tamen sequitur, quòd asserat propriam existentiam relativam. Tûm quia, ut vidimus ex August. esse ad se dicitur, non ad alterum. Tûm quia, ut Dubio præcedente ostendimus, attributa divina propriam perfectionem deunt, nec tamen propriam existentiam.

X. Tertiò objeient. Omnis productio terminatur ad existentiam: sed intra Deum datur productio Personarum; ergo datur existentia Personarum producta; sed hæc non est absoluta, quia nil absolutum divinum producit; ergo est relativa.

Respondetur, dist. maj. ad existentiam,

tiam; vel ut producendam, vel ut communicandam, conc. maj. semper ut producendam, nego maj. Productio itaque debet quidem respicere existentiam, non tamen semper, ut producendam, sed ut saltem communicandam; & sic productio Personarum, esse non producat existentiam personalem, illis tamen communicat existentiam essentiae, sicut, & ipsam existentiam.

XI. Quarto obijciunt. In creatis duplex est existentia, una absoluta, alia relativa; ergo etiam in divinis. Consequ. probatur. Ideo primum, quia in creatis non solum absolutum est extra nihil, sed etiam relativum, & ponere rem extra nihil est effectus formalis existentiae: sed in divinis non sola absoluta, sed & relativa sunt extra nihil; ergo non sola absoluta, sed etiam relativa, habent propriam existentiam; quia multiplicato effectu formali, debet multiplicari forma.

Respondetur primum negando absolutè antecedens. Licet enim in relatione creata adsit existentia distincta ab existentia subiecti, quia hoc substantia est, illa vero accidens; hæc tamen non est formaliter relativa, licet sit existentia relationis; quia non convenit relationi per ordinem ad terminum, sed per ordinem ad subiectum, cui inhaeret.

XII. Neque dicis; ergo relationes divinx habebunt proprias existentias, esto non per ordinem ad terminum, & formaliter relativæ, tamen per ordinem ad essentiam, cujus sunt quasi modi.

Nego enim consequ. Nam primum. Quod formaliter relativum non est, sed absolutum, potest quidem multiplicari in creatis, at non in divinis; ergo si existentia relationis divinx non est formaliter relativa multiplicari non potest.

Secundò. Relationes creatæ sunt realiter distinctæ à suo fundamento, & subiecto, unde specialiter asserre possunt existentiam. At quia *Persona divina est idem cum naturâ, in Personis divinis non est aliud esse Persona præter esse natura. Et idè tres Personæ non habent nisi unum esse. Habent tamen triplex esse, si in eis esset aliud esse Persona, & aliud esse natura.* Ità D. Thomas 3. par. qu. 17. art. 2. ad 3. ex quibus.

Tom. IV.

XIII. Respondeo secundò, dato antecedente, neg. consequ. Nam relatio in creatis aliud est ab esse absoluto, & idèd aliam asserit existentiam: at relatio divina est idem cum naturâ, & idèd non est aliud esse relationis, aliud esse naturæ; sed eodem existentia, quâ essentia est extra nihil, sunt extra nihil etiam relationes, & omnia divina. Tunc verò multiplicatur forma, quando multiplicatur effectus ejus formalis adæquatus, secus verò si multiplicetur solum effectus ejus inadæquatus: esse autem in tribus relationibus est effectus formalis ipsius esse divini solum inadæquatus, non adæquatus; hic enim completiunt omnia divina, sive absoluta sint, sive relativa; quia omnia sub esse, seu existere divino comprehenduntur.

XIV. Quod si repetas: existentiam debere proportionari, & esse ejusdem generis cum essentia; ergo cum in Deo datur essentia, seu quidditates relative, dari debebunt existentie relative.

Respondedo, existentiam debere quidem proportionari cum essentia, quæ est ejus susceptivum immediatum, & primum, non verò cum eâ, quæ est ejus susceptivum mediatum, & quasi secundarium. Immediatum autem, & primum susceptivum existentie divinx est essentia divina, quæ absoluta est; relationes verò sunt susceptivum solum mediatum, & veluti modificativum susceptivi immediati.

XV. Tandem obijciunt. Non repugnat naturam divinam duplici genere subsistentiæ subsistere, unâ absolutâ, alterâ relativâ, ut dicitur; ergo neque repugnabit, eam duplici genere existentie existere, unâ absolutâ, alterâ relativâ. Secundò. Non repugnat Christi humanitatem duplici sanctitate sanctificari; ergo &c.

Respondeo ad primum, conc. antec. neg. consequ. Nam in Deo datur duplex effectus, seu modus subsistendi, nempe absolutè, & communicabiliter, & etiam relativè, & incommunicabiliter; & idèd poni debet in Deo duplex subsistentia, una absoluta, & alia relativa. At effectus existentie unus, ac indivisibilis est, scilicet ponere rem extra nihil: qui effe-

G g Aus



## 234 *Questio IV. De Divinis Personis in generali:*

Quis cum omnibus divinis perfectionibus, sive absolutis, sive relativis communis sit; idem una existentia sufficit, ut per ipsam existant omnia divina, sive absoluta, sive relativa.

Ad secundum similiter dico, in humanitate Christi dari duplicem effectum sanctitatis, unum à sanctitate substantiali procedentem, nempe eam reddere gratam Deo; alterum à sanctitate accidentali necessario proveniente, nimirum eam reddere principium, quo habituale operationum supernaturalium, ut ibi docent Theologi, & idem utraque sanctitas in Christo penenda est. Effectus autem existentie ex dictis unus est.

### Q U Æ S T I O I V.

*De Divinis Personis in generali.*

**D**ivinarum Personarum nomina, essentiam, ac proprietates in genere quæsitio præiens exponet.

#### D U B I U M I.

*De nomine, & essentia Divinarum Personarum.*

##### S. I.

*Nomina varia; Divinarum Personarum.*

**I.** Cùm S. Augustino teste (lib. 7. de Trinit. cap. 4.) Sacra Scriptura nullibi Personæ nomen usurpet, Patrem, Filium, & Spiritum, quis modò tres Personas Sanctissimæ Trinitatis dicimus, variis nominibus Veteres appellaverunt. Græci, eodem Augustino referente, eas vocabant substantias: Sic enim (inquit) dicunt illi (Græci) tres substantias, unam essentiam, quemadmodum nos dicimus tres personas, unam essentiam, vel substantiam. Sumebant autem substantiam, ut distingueretur ab essentia, ut sicut unitas intelligitur ex eo quòd dicitur una essentia: ita & Trinitas intelligitur ex eo, quòd dicuntur tres substantiæ. Quia verò hæc sumebant substantiam pro ut idem est, ac substantia, seu subsistere; inde à Latinis etiam tres subsi-

stentia dici ceperunt. Ita Ambrosius in Symbolo Apost. cap. 2. Sabellius (inquit) docuit, unam subsistentiam esse Patrem, Filium, unamque trinominem Personam. Sed dùm omnes unam esse Personam reputat, nihil esse unamquamque designat. Subsistentias quoque vocat Romana Synodus sub Agathone, quæ proficitur unitatem quidem essentia, Trinitatem verò Personarum, sive subsistentiarum. Et Anastasius Bibliothecarius in præf. ad septimam Synodum, hæc scribit: ubiqueque in hujus Synodi textu subsistentiam posui, Personam intelligi volui.

II. Obiervandum tamen, Antiquos Patres Latinos pro eodem habuisse substantiam, naturam, & subsistentiam. Unde sicut unam naturam, & unam substantiam, ita & unam subsistentiam Sancta Trinitatis esse dicebant. Orientalibus verò Sanctis Patribus pro Personâ insipientibus subsistentiam, & sicut tres Personas; ita & tres subsistentias in Sancta Trinitate dicentibus; per multa tempora dissidium factum est inter Orientales, & Occidentales Sanctas Ecclesias. Orientalibus quidem Occidentales Sabellianorum sectam defendere suspicantibus; quia unam dicebant in Trinitate subsistentiam: Occidentales verò, Orientales Arianam sectam sequi dicentibus; eo quòd tres subsistentias in tres alterius substantia vel natura Personas proferrent, secundum imitationem Arij. Quam divisionem pro S. Athanasio Deus univit. Utriusque enim lingua peritus, utraque partes per Dei gratiam ad concordiam revocavit; & ab eo tempore usque in hodiernum diem, & apud nos, & apud Romanos; sicut una substantia, & una natura in Trinitate suscipitur, & sicut tres Personas in Sancta Trinitate constemur; ita & tres subsistentias glorificamus. Ita in Collat. Constantinopol. Catholicorum cum Severianis habitâ anno 333. tom. 2. Cencil. Harduin. Col. 1164. Imò si attentè inspicitur S. Augustinus lib. 7. de Trinit. cap. 4. citato, apparebit, S. D.orem nomen subsistentiæ sumere pro eodem, ac essentia, & substantia, & negare in Deo tres subsistentias, sicut tres essentias; ait enim: Sicut ab eo quòd esse appellatur essentia, ita ab eo quòd est subsistere substantiam dicimus. Absur.

*Absurdum est autem ut substantia relativedicatur, omnis enim res ad se ipsam subsistit; quantum magis Deus?*

III. Igitur Personæ nomen communius à Latinis usurpari cepit: unde August. laudatus cap. 5. fortassis igitur commodius dicuntur tres Personæ, quam tres substantiæ. Et superius cap. 4. hunc Latinorum usum sic exprellerat: Itaque loquendi causa de ineffabilibus, ut fari aliquo modo possemus, quæ effari nullo modo possumus, dictum est à nostris Græcis, una essentia, tres substantiæ, à Latinis autem, una essentia, vel substantia, tres Personæ. Iisdem vocibus utitur in Symbolo D. Athanasio adscripto: *Alia est enim Persona Patris, alia Filii, alia Spiritus Sancti*. Et iisdem fidem suam expresseit Concilium Lateran. IV. cap. 2. *Credimus, & confitemur eum Petro, quod una quadam summa resecti, incomprehensibilis quidem, & ineffabilis, quæ veraciter est Pater, Filius, & Spiritus Sanctus: tres simul Personæ, ac singulas qualibet earumdem*.

IV. Quo autem tempore cepit Ecclesia Personæ nomine publicè uti apud Latinos, Facundus Hermanienfis lib. 2. cap. 3. dicit, hoc fuisse occasione hæresis Sabellianæ. Quamvis enim prius tres, Patrem, Filium, & Spiritum Sanctum, confiterentur Catholici; atamen Personarum nomen non nisi ehm Sabellius impugnaret Ecclesiam, necessariò in usu prædicationis assumptum est; ut qui semper tres crediti sunt, & vocati, Pater, & Filius, & Spiritus Sanctus, uno quoque simul, & communis personarum nomine vocarentur. Deinde etiam subsistentia dicta sunt, quoniam Ecclesia placuit, ad significandam Trinitatem, & hoc nomen distinctioni personali tribuere. Et prosequitur dicens, quætionem fuisse de nomine, quod deberet admitti ad explicandam Trinitatem; non de eo, quod tres sint: hoc enim Ecclesia semper tenuit, ac prædicavit.

V. Porro quas Latini Personas dicebant, Græci nomine hypostasis appellare ceperunt, ut ex Basilio Epist. 235. laudate S. Epiphanius, quod tres hypostases admittendas esse scripserit in litteris, quas antiochiæ ad eum dederat. Non tamen statim omnes Græci nomen hypostasis (sive latine subsistentia) admiscent,

ut idoneum ad explicandam Trinitatem. Cum enim apud aliquos, maxime Arianos, hypostasis, & subsistentia idem audiret, ac substantia, seu essentia; cui maximam suspitionem dederunt Acaciani, qui in Synodo Constantinopoli coacti anno 359. decreverunt, nomina substantiæ, & hypostasis abolenda esse, & similem Filium Patri dicendum (ut referunt Socrates lib. 2. cap. 40. & Sozomenus lib. 4. cap. 24) & propterea (Theodorcto teste lib. 2. cap. 8.) à Synodo Sardicensi damnati fuerunt Ariani, quod asseverarent Patris, ac Filii, & Spiritu Sancti diversas esse hypostases, & statutum fuit, unam esse hypostasim, quam ipsi hæretici substantiam appellant, Patris & Filii, & Spiritus Sancti. Ita in Epist. Synodica. Hinc S. Cyrillus Hierosolimit. prudenti æconomia utens à nomine Hypostasis unus, vel plurium sibi abstinendum esse censuit. Sanctus verò Athanasius tres hypostases admittere non timuit, & unam quoque fateri; dummodo res probè intelligeretur ut tunc ad Antiochenfes num. 5. & 6.

VI. Sed & nedùm Græci inter se, sed & Latini à Græcis in hoc dissidebant. Inter Græcos composita res est anno 362. in Concilio Alexandrino: ubi examinati, qui tres hypostases Patrem, Filium, & Spiritum Sanctum fatebantur; cõm. reperti fuerint, non intendisse diversam naturam, & substantiam, aut tria principia, vel tres Deos statueri; & protestati sint, se in Sanctam Trinitatem credere, non quæ nomine tenus Trinitas sit, sed quæ verè sit, & subsistat, in unâ tamen Deitate: auditi etiam ii, qui unam tantùm dicebant hypostasim, an hoc in Sabellii sensu dicerent, ut Filium & Spiritum Sanctum de medio tollerent, & Filium, ac Spiritum Sanctum hypostasi carere existimarent; ehm respondissent, se nunquam hoc credidisse, sed unam hypostasim dicere, fumentes hypostasim pro substantiâ, & unam credere hypostasim, eò quod Filii, Patris sit una, eademque natura: deprehendentes controversiam ad solum nomen resolvì, ac in catholicâ fide omnes convenire, invicem consenserant; ac utrique sive unam tantùm, sive tres hypostases admittentes, Arium,

## 236 *Quaestio IV. De Divinis Personis in generali :*

& Sabellium ut veræ fidei hostes, anathematizant damnarunt. Sicque Schismati, quod Antiochicæ radici egerat, finis in Oriente impositus est. Cui rei maximam operam contulit S. Athanasius ( ut ex collit. Constantinop. superius allatâ vidimus ) sicque nomen hypostasis, & substantiæ non id ampliùs, quod commune est, sed id, quod singulare, & idem, quod apud Latinos Persona communiter significare cæpit. Videndus D. Athanasius *ad Antiochenos*. Et Concil. *Alexandrinum*, tom. 1. Concil. *Hard.* Column. 734. Quia verò diffidius præcipuè fuerat inter Paulinum Ecclesiæ Antiochenæ ordinatum Episcopum à Catholicis, & Meletium eidem Ecclesiæ datum, Catholicum quidem virum, sed ab Arianis ordinatum, Paulino unam tantum hypostasis, Meletio verò tres hypostases asserente; & utriusque fautores, quorum utrique sibi invicem notam hæresim inungebant, & Paulino adherentes Meletianis Arianismum imponebant; Meletiani verò Paulianistis Sabellianismum reddebant; Paulinus, intellectu Meletianorum sensu, & Concilii Alexandrini decreto, paruit; & ( teste S. Epiphanius *hæres.* 77. ) sibi adherentibus permisit, ut sive unius sive trium hypostasum nomine uterentur.

VII. Verùm, cum qui à Meletii partibus stabant, non contenti Alexandrino decreto, unam, vel tres hypostases secundum cuiusque sensum permittente,urgerent etiam Latinos, ut tres hypostases siterentur; de hoc queritur S. Hieron. *Epist.* 57. modò 14. anno 375. scriptâ ad Damasum, quem consulit, ut super hoc, quid sibi faciendum sit, iubeat, his verbis: *Non novi Vitalem, Meletium responso, ignoro Paulinum. Quicumque tuum non colligit, spargit: hoc est qui Christi non est, Antichristi, est. Nunc igitur, pro dolor! Post Nicenam fidem, post Alexandrinum junctio præter Occidente decretum, trium hypostasum ab Arianorum Præfule, & Campensibus ( Meletio ejusque fautoribus, qui ab Eudoxio Arianae partis Episcopo exclusi, in campis suos conventus agebant ) novellum à me homine Romano nomen exigitur. Qui, quaso, ista Apostoli prodidere? Quis novus magister Gentium Paulus hac docuit? Interroge-*

*mus, quid tres hypostases posse arbitrentur intelligi? Tres Personas subsistentes, ajunt: respondemus, nos ita credere. Non sufficit sensus: nomen effragiant, quia nescio quid veneni in syllabis latet. Inde protestans, se tres hypostases dicturum, si Damasus dici jubeat: Deernite ( inquit ) obsecro, si placet, non timebo tres hypostases dicere: Si jubetis, condatur nova post Nicenam fides, & similibus verbis cum Arianis confiteamur Orthodoxi. Hoc dicebat Hieronymus, quia hypostasis, pro usâ, seu essentia sumendam esse credebatur; unde clamabat: & quis nam, rogo, ore sacrilego tres substantias predicabit? Una est Dei, & sola natura, quæ verè est. Optasset proinde, ut nomen trium hypostasum taceretur; unde ajebat: sufficiat nobis dicere unam substantiam, tres Personas subsistentes, perfectas, aequales, coeternas. Tacentur tres hypostases, si placet, & una tenetur. Deinde repetens quæ superius dixerat: Aut si ( inquit ) rectum putatis tres hypostases cum suis interpretationibus debere, nos dicere, non negamus. Sed mihi credite, venenum sub melle latet. Claudique Epistolam, Damasum rogans, ut finis Epistolis sibi sive tacendarum, sive dicendarum hypostasum detur auctoritas.*

VIII. Ex dictis hucusque colligitur primò. Per multa secula Latinos cum Græcis non convenisse in modo loquendi de Trinitate. Secundò. Circa tres hypostases, seu substantias in Deo admitterendas, contentionem fuisse, nedum inter Latinos, & Græcos, sed & inter Græcos ipsos. Tertiò. Hasce contentiones non de re; sed de nomine tantum fuisse: quare ut Catholici habendi sunt, tam qui tres, quàm qui unam tantum hypostasum admitterebant; quia diversum significatum ei tribuebant. Quartò. Græcam vocem *Hypostasis*, & Latinam *Persona* solo usu Ecclesiastico, non in rigore grammatico usurpari ad id, quod in Trinitate singulare est, exprimendum. Quinò. Elapso quarto seculo tam Græcos, quàm Latinos desuisse vocem hypostasis accipere pro essentia, eam transferentes ad standum unice pro personâ.

## S. I I.

*Quid sit Persona in genere.*

IX. **P**ersona vulgò est Histrionum larva, à personando dicta; quia, ut scribit Gellius lib. 5. cap. 7. *Caput, & os coprimendo persona telum undique, unaque tantum vocis emittenda via pervium est*; sic qui bacchanalium tempore faciem mentis incedunt, personam incedere dicuntur. Alii personam sumunt pro aspectu: sic vulgò persona gravis, pulchra, idest adpectu gravi, & pulchro. Vel ut ait D. Thomas 1. par. qu. 29. art. 3. ad 2. hoc nomen persona à dignitate impositum fuit. *Quia enim in Comædiis, & Tragediis representabantur aliqui homines famosi, impositum est hoc nomen persona, ad significandam aliquam dignitatem habentes. Unde consueverunt dici persona in Ecclesiis, qua habent aliquam dignitatem.*

Atamen usu theologico persona aliter sumitur, nimirum pro naturæ rationalis singulari, seu individuo. Quare à Boetio lib. de duabus naturis definitur, quoddam sit *rationalis naturæ individuum substantia*, cui addi solet, *completa*. Dicitur *substantia*, quia sola substantia persona est; accidentia enim persona esse non possunt, quamvis in personis sint. Dicitur *substantia individua*; idest, quæ non solum sit singularis, sed etiam, quæ sit incommunicabilis alteri, ut habenti illam. Unde divina essentia, ut essentia nomine significata, non est persona, quia sic considerata esto singularis sit; est tamen adhuc communicabilis, & de se ipso communicatur Patri, Filio, & Spiritui Sancto: ob eandem rationem humanitas Christi, esto singularis, non tamen est persona; quia communicatur Verbo divino. Additur *ly completa*: neque enim pes, minus, imò nec anima rationalis, personæ sunt; quia pes esto completus in ratione pedis, minus in ratione minus, anima in ratione animæ, absolute tamen aliquid incompletum sunt: quia pes, & minus per se ordinantur ad componendum corpus humanum, cuius partes integrantes sunt; & anima ad corpus refertur, cum quo con-

stituit hominem. Dicitur *natura rationalis*: quo indicatur, solam naturam rationalem esse capacem, ut dicatur persona; cæteræ enim substantiæ dicuntur quidem supposita, hypostases, subsistentes, supposita quidem, quia alicui communi naturæ supponuntur; subsistentes, quia in se, non in alio existunt; hypostases, quia substantiæ sunt; non tantum personæ. Unde concludit D. Tho. 1. par. qu. 29. art. 2. *Quod hæc tria nomina significant communiter in toto genere substantiarum; hoc nomen persona, significat in genere rationalium substantiarum.* Cùm enim habeant dominium sui actus, & non solum aganter sicut alia, sed per se agant, actiones autem singularem sint: Idem etiam inter cæteras substantias quoddam speciale nomen habent singularia rationalis naturæ: Et hoc nomen est persona. Ita D. Thomas citatus art. 1.

X. Ex quibus insert, Patrem, Filium, & Spiritum Sanctum magis propriè dici tres Personas cum Latinis, quàm tres hypostases, seu substantias cum Græcis. Primò. Quia ut ait ibi a. 2. ad 2. *hypostasis apud Græcos ex propriâ significatione nominis habet, quod significet quodcumque individuum substantia; sed persona sumitur unice pro individuo rationalis naturæ, ratione sua excellentia.* Secundò. Quia, ut ait ibi ad secundum, cùm hypostasi secundum proprietatem significationis respondeat substantia; ne fiat æquivocatio, quoddam tres substantias, seu essentias ponamus in Divinis, & sit erroris occasio, si dicamus tres hypostases; aptius dicimus tres personas, seu tres subsistentes in naturâ divinâ, quàm tres hypostases.

## S. I I I.

*Quo constitatur Persona divina.*

XI. **P**ersonæ nomen maximè convenire Deo asserit D. Tho. hic art. 3. ad 2. cùm enim à dignitate impositum sit, unde quidam definiant personam dicentes, quoddam persona est hypostasis proprietate distincta ad dignitatem pertinet; & quia magna dignitas est in naturâ resti naturæ subsistere, idem omne individuum naturæ rationalis dicitur persona. Sed dignitas divi-

## 238 *Quaestio IV. De Divinis Personis in generali.*

*divina naturae excedit omnem dignitatem. Et secundum hoc maxime convenit Deo nomen Persona. Videndum modò est, per quid habeat divina natura, quòd sit Persona, seu incommunicabilis alteri Personae: an id habeat ratione absoluti, an ratione relativi.*

XII. Dico. Persona divina in ratione Personae, & incommunicabilis non constituitur per aliquid purè absolutum, sed includit aliquid relativum. Priùs quàm probetur, explicandum est hoc assertum ex doctrinà D. Thom. hoc *art. 4.* Aliud enim est querere de significatione huius nominis personae in communi, & aliud de significatione Personae divinae: aliud est de significatione minus communis, quod tamen non est de significatione magis communis; rationale enim includitur in significatione animalis, quod est homo, quod non includitur in significatione animalis in communi. Similiter ergo aliquid potest includi in significatione personae divinae, quod in significatione personae in communi non includitur. Persona igitur in communi nil aliud dicit, quàm substantiam rationalis naturae individuum, idest in se indistinctam, & distinctam ab aliis: & quia persona ex genere suo potest ex alio, quàm ex relatione ab aliis distingui, idè in significatione personae in communi determinatè non includitur relatio. Verùm quia in Deo nonnisi ex relativà oppositione attendi potest realis distinctio in Personis, & relatio in divinis substantiis per se subsistens est, idè in significatione Personae divinae includitur relatio: non quidem, in quantum relatio est respiciens terminum, sed in quantum significatur per modum hypostasis, quae in divinis significari non potest, nisi ut relatione distincta. Hæc ex D. Thomà.

XIII. Probatur ergo sic. Per id debent divinae Personae in recto constitui, & inesse personae, quo numerum faciunt, quo invicem oppositae, invicem distinctae, invicem incommunicabiles sunt: sed in ratione talis constitui non possunt per aliquid de lineà absoluti, nam in absoluto omnes divinae Personae unum sunt, indistinctae, & communicabiles; ergo per aliquid de lineà relativi. Hinc S. Augustinus *tract. 39. in Joann.* Hoc (inquit)

solo numerum insinuans, quod ad invicem sunt, non quod ad se sunt. Et S. Fulgentius. *lib. de Trinit. ad Felicem Notarium*, a 1: Pater non sibi est, sed Filio; Filius non sibi est, sed Patri; Spiritus ali-cujus est adspirantis; ergo ad Patrem, Filiumque refertur. Ista itaque relativa nomina Trinitatem faciunt: essentialia verò nullo modo multiplicantur.

XIV. Concilia hoc idem docent, Toletaum 11. anno 675. in Confessione fidei, ait: In relatione enim Personarum numerus ternitur; in divinitatis verò substantia quid numeratum sit non comprehenditur. Ergo hoc solum numerum insinuans, quod ad invicem sunt, & in hoc numero carens, quod ad se sunt. Si ergo Persona ad se dicitur, caret numero; & sic quemadmodum una est in divinis substantia, ita erit una Persona, qui est error Sabellii. Quapropter in Concilio Lateranensi IV. sicut ex absoluto unitas, sic ex Personis sumitur in Deo distinctio. Unde *cap. 2.* dicitur: Una summa res est, quae nec est generans, neque genita, nec procedens; sed est Pater, qui generat, Filius, qui gignitur, & Spiritus Sanctus qui procedit, ut distinctiones sint in Personis, & unitas in natura. Et in Conc. Florentino sess. 18. Joannes Theologus sic Marcum Ephesum alloquebatur: Ut igitur Persona distinguantur, incommunicabiles sint personales proprietates necesse est. Propterea Doctores ajunt, n hil esse nisi relationem originis: atque in hac relatione duo considerari, à quo aliquid, & ad quod aliquid.

XV. Sed huic positioni videtur adversari S. Augustinus *lib. 7. de Trinit. cap. 6.* ubi tria dicit. Primum, non aliud est Deo esse, aliud Personam esse, sed omnino idem. Secundò, assignans rationem huius, dicit: nam si esse à se dicitur, Persona verò relativè; sic dicamus tres Personas Patrem, & Filium, & Spiritum Sanctum, quemadmodum dicuntur aliqui tres amici, aut tres propinqui, aut tres vicini, quod sint ad invicem; non quòd unusquisque eorum sit ad se ipsum. Quapropter quilibet ex eis est amicus duorum, caterorum, aut propinquus, aut vicinus; quia haec nomina relativam significat onem habent. Quid ergo? num placet, ut dicamus,

munus,

mus Patrem Personam esse Filii, & Spiritus Sancti, aut Spiritum Sanctum Personam esse Patris, & Filii? Tertio concludit, eodem modo Patrem dici Personam, quo dicitur Deus, magnus, bonus: Quæcirca ut substantia Patris ipse Pater est, non quo Pater, sed quo est; ita & Persona Patris non aliud quàm ipse Pater est: ad se quippè dicitur Persona, non ad Filium, vel Spiritum Sanctum, sicut ad se dicitur Deus, & magnus, & bonus, & iustus, & si quid aliud huiusmodi.

XVI. Respondeo, explicando August. mentem. Ad pr. m. distinctio, non est aliud Deo esse absolute, quàm Personam esse, nego. Non est aliud Deo esse subsistens incommunicabiliter, quàm personam esse, concedo. Idem ergo in Deo est esse, & esse Personam, non pro ut esse accipitur pro essentia absolute; sed pro ut esse dici subsistere incommunicabiliter in naturâ intellectu divinâ: cùm autem omnis incommunicabilis in divinis à relativo sumatur, hoc esse, quod constituit Personam divinam debet includere aliquod relativum modo explicando. Ut enim ait D. Thomas hæc qu. 29. art. 4. ad 3. in intellectu substantiæ individuæ, vel incommunicabilis intelligitur in divinis relatio.

XVII. Ad secundum respondeo ex D. Thom. qu. 9. de Potentiâ art. 4. quòd Persona divina unum significatione formali, aliud significatione materiali. Significatione formali significat unum subsistens distinctum in naturâ divinâ. Quia verò subsistens distinctum in naturâ divinâ non potest haberi nisi per relativum; idèd Persona divina significatione materiali significat relativum, non per modum relationis, seu exercitii referentis ad alterum, sed relativum per modum substantiæ, seu hypostasis subsistentis, Pater ergo (inquit D. Thom.) quòd persona communiter sumta significat substantiam indivisibilem rationalis naturæ, Persona verò divina seu formali significatione significat substantiam subsistentem in naturâ divinâ. Et quia hoc non potest esse nisi relatio vel relativum, idèd materiali significatione significat relationem vel relativum. Et propter hoc potest dici, quòd significat relationem per modum substantiæ, non qua

est essentia, sed qua est hypostasis: sicut & relationem significat non ut relationem, sed ut relativum, idèd ut significatur hoc nomine Pater, non ut significatur hoc nomine paternitas: sic enim relatio includitur oblique in significatione Persona divinæ. Quia nihil aliud est, quàm distinctum relatione subsistens in naturâ divinâ.

Hinc S. Augustinus, dùm dicit personam non dici relative, non negat, Personam divinam includere relationem per modum relati, & ut quod; sed negat importare relationem per modum relationis, & ut quo, sive ut ad alium: alias, ut bene dicit, sequeretur, quòd Pater, & Filius, & Spiritus Sanctus essent sicut tres amici, vicini, vel propinqui, qui nil aliud dicunt, quàm relationem sub munere relationis. Hic eadem ratione non sequitur, quòd Pater sit Persona Fili, & Spiritus Sancti, & quòd Spiritus Sanctus sit Persona Patris, & Fili; quia Persona ut talis esto includat relationem, non tamen significatur per modum relationis, sed per modum hypostasis subsistentis. Videatur D. Thom. etiam qu. 29. 1. par. ar. 4. ad 1.

XVIII. Ad tertium eodem modo dico cum D. Thom. laudat qu. 9. de potentiâ art. 4. ad 3. S. August. solum velle, Personam divinam significatione formali esse id, quo est, nimirum in se subsistens in naturâ divinâ, eo modo, quo in se dicitur magnus, iustus, bonus: non verò quo Pater est relative ad Filium; quia Persona Patris ut Persona est respectu naturæ, cuius est hypostasis, non Filium, ad quem ut Pater est. Non tamen negare, quòd Persona divina significatione materiali non dicat relationem; quia & Persona dicit distinctum, & incommunicabile, necessariò debet dicere relativum, non per modum relationis, sed per modum subsistentis, & relati. Videatur D. Thomas locis relatis.

XIX. Scundò argues. Persona secundum concipiendi modum prior est, quàm relativum, quia relativum, fundatur in actione, & processione: Persona autem prior est suâ actione.

Respondetur, ex dictis supra qu. 2. dub. 2. §. 1. nu. 14. Personam dici quidem, seu concipi prius constitutam ante relationem.

tionem, ut relatio est exercitè, seu ut referens ad terminum, non tamen esse priorem relatione, quatenus significatur per modum hypostasis subsistentis, seu quatenus dicitur: *distinctum relatione subsistentis in naturâ divinâ*, ut cum Div. Thoma superius dicebamus: quo pacto dicimus divinas Personas consistere in relativo. Præterea observandum cum D. Thomâ qu. 8. de pot. art. 3. ad 7. quod de ratione hypostasis, seu personæ duo sunt. Unum, quodd sit per se subsistens, & in se indivisa: alterum, quodd sit distincta ab aliis hypostasis eiusdem naturæ. Primo modo quatenus est hypostasis in se subsistens præcedit generationem, non tamen secundo modo, nempe in quantum est ab aliis hypostasis eiusdem naturæ distincta: Si per se iam huiusmodi generationem alia hypostasis eiusdem naturæ originetur. Sicut Adam non fuit distinctus ab aliis hypostasis eiusdem naturæ priusquam mulier ex ejus costâ formaretur, & ejus filii ab eo propagarentur. In divinis autem non multiplicentur hypostasis, nisi per processionem aliarum Personarum ab uno: prius ergo est intelligere hypostasis Patris, in quantum est subsistens, quàm generationem: non tamen in quantum est distincta ab aliis hypostasis eiusdem naturæ, qua non procedunt, nisi hęc generatione supposita.... Relinquitur ergo, quodd ipsa paternitatis relatio, in quantum est constitutiva hypostasis Patris, quod habet, in quantum est idem substantia divina, præintelligatur generationi: secundum verò quodd distinguit, sic generatio paternitati præintelligitur. Hęc D. Thomæ doctrina bene observanda est.

## DUBIUM II.

De Divinis Subsistentiis.

## §. I.

*An in Deo sit tres Subsistentia relativa.*

I. **D**ico. Dantur in Deo tres subsistentes relativæ. Probo primò. In divinis dantur tres Personæ: sed Persona constituitur per subsistentiam

ex dictis; ergo dantur tres subsistentiæ: sed non sunt tres subsistentiæ absolute, quia hæc non multiplicentur in Deo; ergo sunt tres subsistentiæ de genere relativo.

II. Probatur secundò. Sicut Deus deæ formali dicit deitatem, ita persona dicit de formali personalitatem. seu subsistentiam in naturâ intellectuâli: sed quia in Deo unica est tantum deitas, non possunt admitti tres Dii: ergo si unica est tantum personalitas, & subsistentia, non poterunt admitti tres Personæ.

Confirmatur. Non potest in Deo multiplicari Persona, nisi etiam personalitas multiplicetur, nam personalitas est constitutiva personæ, sicut humanitas hominis; ergo si in Deo dantur tres Personæ, dari debent tres personalitates: sed non possunt dari tres personalitates, nisi dentur quoque tres subsistentiæ; non enim potest multiplicari ratio inferior, nisi multiplicetur ratio superior, sicut non potest multiplicari ratio hominis, sive rationalis, nisi multiplicetur quoque ratio animalis: ratio autem personalitatis est inferior, & subsistentiæ est superior; quia personalitas est subsistentia in naturâ particulari, nimirum intellectuâli, substantia verò in quicumque naturâ substantiâli.

III. Dicunt, dari in Deo tres subsistentes, non substantivè, sed solum adjectivè, idest tres habentes eandem subsistentiam.

Contrà est. Tum quia, ut vidimus, dantur in Deo tres Personæ substantivè, habentes tres personalitates distinctas; ergo & tres subsistentes substantivè habentes tres subsistentias distinctas. Tum etiam: si in tribus Personis esset unica tantum subsistentia, nec essent tres subsistentes adjectivè, quod probò. Nomen enim adjectivum non multiplicatur, nisi multiplicentur supposita, unde homo habens plures artes est unus artifex, non plures: sed si in Deo est unica subsistentia, repugnat, in Deo multiplicari supposita, quia subsistentia est constitutiva suppositi; ergo &c.

IV. Dices. Subsistentia est de genere absoluto, quia est de genere substantiæ. Absurdum est autem, ut substantia relativè dicatur: omnis enim res ad se ipsam sub-

*subsistit: quantū magis Deus?* inquit August. lib. 7. de Trin. cap. 4. ergo non datur subsistentia relativa.

Respondeo ex dictis Dub. præcedente, subsistere duo dicere, & subsistere in se, individui: & esse distinctum seu incommunicabile alteri. Primum est quidem de genere absoluto, & de genere substantiæ: secundum autem in Deo haberi non potest ab absoluto, quod in Deo communicabile est & indistinctum. Quare peti debet à relativo, à quo solo peti potest in Deo incommunicabilitas, & distinctio.

§. I. I.

*An in Deo præter tres subsistentias relativas, & proprias admitti debeat subsistentia absoluta, & communis.*

V. Quæstio hæc procedit de divini essentia, ut præintellecta ad divinas relationes; seu de Deo, ut præfio à Personis, an scilicet concipiatur pro illo signo, ut subsistens. Quia verò subsistentia duo dicit: unum facere subsistere in se & non in alio, ut in supposito; alterum, reddere naturam distinctam, & incommunicabilem alteri supposito: hic certum esse debet, Deum præintellectum ad divinas Personas, seu huic Deum, ut dicit naturam divinam singularem, non esse subsistentem, pro ut subsistentia dicit incommunicabilitatem; quia pro eo signo concipitur Deus, ut communicabilis tribus divinis Personis. Sed solum vertitur in quætionem, an Deus seu divina natura concipiatur pro eo signo, ut subsistens, ut subsistentia dicit substantiam in se, & ad se subsistentem. His suppositis

VI. Dico. Præter tres subsistentias relativas, datur in Deo subsistentia absoluta, quia Deus præconceptus tribus Personis in se subsistit. Hoc indicavit S. August. lib. 7. de Trinit. cap. 4. cum ait: *omnis res ad se ipsam subsistit, quantū magis Deus?* Expresse verò docuit D. Thomas, tūm in 1. diff. 27. qu. 2. art. 2. dicens: *Iste terminus Deus prædicat naturam divinam de tribus Personis, quæ etiam in se est habens esse subsistens, nullā*

Tom. IV.

*personarum distinctione intellectā. Tūm 4. contrag. cap. 14. dicens: sunt igitur (in Deo) plures res subsistentes, si relationes considerentur: est autem una res subsistens, si consideretur essentia. Et propter hoc dicimus, unum Deum esse, quia est una essentia subsistens, & plures Personas, propter distinctionem subsistentium relationum.*

Tūm demūm qu. 9. de pot. art. 5. ad 13. probat in Deo Personas quidem distinguui, non verò essentiam; quia essentia non accipit à Personis, ut sit individua, & subsistens (ut essentia creatæ) sed potius Personæ ab eā habent, quodd subsistat, & solum distinguunt. In divinis proprietates personales hoc solum habent, quodd supposita divina natura ab invicem distinguunt: non autem sunt principium subsistendi divina essentia. Ipsa enim divina essentia est secundum se subsistens, sed à converso proprietates personales habent, quodd subsistat ab essentia. Ex eo enim paternitas habet, quodd sit res subsistens, quia essentia divina, cui est idem secundum rem, est res subsistens; ergo si proprietates habent, quodd subsistat ab essentia, non essentia ab ipsis, essentia ab illis præcisa subsistens erit.

VII. Probatur autem hæc ratione. Terminus iste concretus Deus includit subsistentiam, & tamen non importat Personas, cūm ab illis præscindat; atqui subsistentia, quam includit hoc nomen Deus præscindens &c. non est relativa, sed absoluta, & communis; ergo &c. Maj. in quā est difficultas, probatur. Iste terminus Deus significat id, quodd habet, seu ens habens deitatem: sed non potest concipi ens habens deitatem, nisi concipiatur subsistens, idem enim est ens habens deitatem, ac ens in deitate subsistens; ergo &c.

Urgetur: quia humanitas Christi in priori ad assumptionem à Verbo non concipitur, ut subsistens, nequit dici, quodd sit homo, neque quodd Verbum divinum assumferit hominem, ut docet D. Thoni. 3. par. qu. 4. art. 3. & hoc idē quia ly *homo* sicut ly *Deus* significant naturam in supposito, seu suppositum habens naturam; terminus autem concretus non supponit pro naturā, sed pro subsistente in naturā.

H h

VIII.



## 242 *Questio IV. De Divinis Personis in generali:*

VIII. Probatur secundò hæc alià ratione. Natura, quæ intelligitur existere, & operari *ut quod*, intelligitur subsistens, quia existere, & operari *ut quod* proprium est subsistentium: sed natura divina prioriori ad Personas intelligitur existens, & operans, *ut quod*; ergo &c. Min. prob. Deus enim communis, & præintellectus tribus Personis, concipitur intelligens, volens, creans, gubernans mundum; ergo &c.

IX. Sed obijcies primò. Non est ponendum in Deo id, cujus Patres non meminere: sed hujus subsistentiæ absolute; præter relativas, Patres non meminere; ergo &c.

Respondeo, negando min. Meminit enim inter ceteros S. Augustinus *lib. 7. de Trinitate cap. 4. 5. & 6.* ubi ostendit, quòd subsistere ad se dicitur, non ad aliud, seu relativè. Meminere omnes Veteres, qui unum in Deo naturam subsistentem, agnoscetes, tres hypostases in eo asserere timebant; inter quos Hieronymus supra relatus *Ep. 14. alias 57. ad Damasum*.

X. Obijcies secundò. Positâ subsistentiâ absolutâ non datur locus subsistentis relativis; quia natura non potest duplici actu terminari: & propterea positâ existentia absolutâ, non datur locus existentis relativis.

Confirmatur. Natura jam subsistens subsistentiâ absolutâ, cum deinde terminatur subsistentis relativis, vel redditur per illas subsistens, vel non. Si non; ergo non datur triplex subsistentia relativa, contra superius statuta: ibi enim, non datur forma, ubi effectus ejus formalis non datur. Si sic; ergo natura per se subsistens subsistentiâ absolutâ, erat per se subsistens, & non erat. Erat, ut supponimus: non erat, quia ulteriori subsistentiâ subsistens fit.

XI. Respondetur, neg. ant. sicut enim eadem natura divina, licet subsistat unâ subsistentiâ relativâ, puta Patris, adhuc potest subsistere subsistentiâ Filii, & Spiritus Sancti; ita quamvis subsistat subsistentiâ absolutâ, & communi, adhuc potest subsistere subsistentis relativis; quia sunt termini non ejusdem, sed diversi generis, quibus diversi effectus, seu diversa munera correspondent.

Munera ergo subsistentiæ duo sunt. Unum reddere naturam sistentem in se, & eam constituere principium quod operationum: alterum eam reddere alteri in communicabilem, & constituere Personam ab aliis distinctam; quorum duorum munerum unum esse ab alio separabile, ostendimus *dub. præced. ex D. Thomâ qu. 8. de pot. art. 3. ad 7.* Subsistentia ergo absolute præstat quidem naturæ divinæ primum munus, quia subsistere in unitate naturæ natura divina habet ex se, ut superius cum D. Thom. *qu. 9. de pot. art. 5. ad 13.* dicebamus, sicut & quòd sit principium quod operationum communium; non tamen illi præstat secundum, sed hoc præstandum relinquit subsistentis relativis, à quibus solis distinctio & incommunicabilitas in Deo haberi potest.

Quare exemplum existentie non urget. Effectus enim existentie unicus, ac indivisibilis est, & omnibus divinis prædicationis communis, nempe effectus ultimus in actu, & extra nihil: unde unica existentia sufficit pro absolutis, & relativis. At subsistentiæ effectus duplex est. Unus essentialis, absolutus, & communis; alius notionalis proprius, & personalis seu incommunicabilis. Primus constituit naturam in se sistentem, & principium quod operationum essentialium, & communium. Secundus constituit personam distinctam, & principium quod operationum notionalium, & incommunicabilium, vel terminum qui earumdem. Cum ergo detur duplex effectus subsistendi, nempe communicabiliter, & incommunicabiliter, duplex ratio principii quod, & termini operationum, essentialis, & notionalis; non video, quare duplex pariter subsistentia, absoluta, & relativa, communis, & propria, in Deo admittenda, non sit.

XII. Hinc ad confirmationem præstò est responsio. Dicimus enim naturam divinam subsistentem, reddi subsistentem in Personis, sed alio modo, nempe incommunicabiliter, & ut principium operationum notionalium.

XIII. Replicabis. Repugnat, naturam esse subsistentem, & adhuc communicabilem, quia esse incommunicabile est effectus proprius subsistentiæ; ergo repugnat

gnat subsistentia absoluta & communicabilis.

Respondeo, dist. ant. esse subsistentem subsistentiā adæquatè sumtā, & esse &c. conc. ant. subsistentiā sumtā inadæquatè, nego ant. esto enim natura subsistens, sumtā subsistentiā adæquatè, & quoad utrumque effectum, nequeat esse communicabilis, non tamen si sit subsistens, sumtā subsistentiā solum inadæquatè, qualiter dicimus esse subsistentem naturam divinam subsistentiā absolutā.

Quarè natura divina subsistens subsistentiā absolutā pro priori ad relationes, esto dicatur, & sit subsistens, non tamen est, aut dici potest suppositum, vel Persona; quia suppositum, & persona dicit subsistentiam adæquatè, & quantū ad utrumque munus, scilicet tam sistendi in se, & operandi ut quod, quā distinctio- nis, & incommunicabilitatis. Nos autem esto primum effectum subsistendi ponamus in naturā divinā pro priori ad relationes, non tamen secundum; ideòquē subsistentem dicimus, non suppositum, aut personam: quare non est, eum quis nos arguat, quasi in Deo ponamus quaternitatem. Nam in divinis suppositum, & Persona est id, quod operatur notionaliter, & actione incommunicabili; non verò id, quod operatur essentialiter, & operatione omnibus Personis communi.

### DUBIUM III.

#### De proprietatibus Divinarum Personarum.

##### §. I.

##### De appropriatione.

I. **A**ppropriatio nil aliud est, quā quidem loquendi modus, quo prædicatum absolutum, & commune omnibus, uni, vel alteri Personæ tribuimus, & applicamus, ut sic Personæ divinas manifestemus. Sicut enim, (ait D. Thom. 1. part. qu. 39. art. 7.) ex creaturis, quæ nobis magis sunt notæ, venimus in cognitionem Dei unius; ita ex prædicatis essentialibus Dei, quæ nobis magis sunt manifesta, quā propria

Personarum, procedimus eo modo, quo possumus, ad manifestandas divinas Personas.

II. Hinc fit, ut ea, quæ similitudinem aliquam habent cum esse alicujus divinæ Personæ, illi specialiter tribuantur. Quia æternitas sine principio est, & Pater divinus caret principio, ideò Patri appropriamus æternitatem. Quia species, seu pulchritudo dicit integritatem, debitam proportionem, & nitorem, & Filius, est imago Patris perfectè naturam ejus accipiens, eamque exprimens tamquam imago substantiæ ejus; ideò speciem, & pulchritudinem applicamus Filio: imago enim pulchra dicitur cum perfectè repræsentat rem. Et quia amor ad usum, seu fruitionem tendit, ideò Spiritui Sancto, qui amor est, usum appropriamus. Ita S. Hilarius relatus à S. Augustino lib. 6. de Trinit. cap. 10. æternitas in Patre, species in imagine, usus in munere.

III. Eadem ratione potentiam, quæ dicit rationem principii, attribuimus Patri, qui totius deitatis principium est; sapientiam Filio, qui cum sit Verbum, est expressio, seu locutio sapientiæ; bonitatem verò Spiritui Sancto: idque ex duplici causā, nempe ratione similitudinis ad divinā, & ratione dissimilitudinis ad creatā. Ratione quidem similitudinis, quia, ut dicebam, potentia similitudinem habet cum Patre Cœlesti, qui est, nedum cum aliis Personis principium, omnium creatorum, sed ex suā proprietate etiam aliarum divinarum Personarum principium. Sapientiā similitudinem habet cum Filio, quia Filius intellectus (in quo est sapientia) Verbum est, ac expressio. Bonitas quoque cum Spiritu Sancto, qui est amor, bonitas autem est objectum amoris.

Rationem item dissimilitudinis: quā enim patri terreno ratione senectutis deficiat interdum potentia, & succedat debilitas & infirmitas; ne aliquid tale Deo Patri accedere suspicemur, ei appropriatur potentia.

Quia similiter filiis, utpote ratione inventutis inexpertis, deficit sapientia; ne quis hoc de Filio Cœlesti cogitet, ei appropriatur sapientia. Denique quia.

H h a ter-

## 244 *Questio IV. De Divinis Personis in generali:*

terrenus spiritus impulsione, & violentiam importat; ne quid tale de Spiritu Sancto suspicemur, ei appropriamus amorem, bonitatem, & in operandum suavitatem.

IV. Hoc ex Scripturis ipsis didicimus, quæ potentiam adscribunt Patri. *Maree* enim 14. v. 36. dicit Christus: *Abba Pater, omnia tibi possibilia sunt.* Luca 1. v. 37. ait Angelus: *non erit impossibile apud Deum omne verbum.* Hinc ait Maria v. 40. *fecit mihi magna qui potens est* & v. 51. *facit potentiam in brachio suo.* & Psal. 88. v. 9. *Domine Deus virtutum quis similis tibi? potens es Domine.* Fieri autem sermonem ad Patrem indicatur v. 17. *Ipse invocabit me: Pater meus es tu.* Neque obest, quod Paulus 1. cor. 1. v. 24. vocet Christum *Dei virtutem*: eum enim intelligit esse Dei virtutem, non per modum principii, ut Pater, sed per modum termini procedentis; sicut opus artificis eius virtus dicitur; unde addit: *& Dei sapientiam, id est productum.*

V. Filio quoque sapientia tribuitur à Paulo laudato loco Lucæ 11. v. 19. *Sapientia Dei dicit.* Et huc pertinent omnia, quæ de sapientia dicuntur Proverb. 3. & 9. sapient. 7. 8. 9. & 10. & *Ecclesiasticus* 24.

VI. Bonitas tandem Spiritui Sancto tribuitur Lucæ 11. v. 13. *Quantò magis Pater vester de Cælo dabit Spiritum bonum petentibus se?* Psal. 143. v. 10. *Spiritus tuus bonus deducet me in terram vestram.* Esdra 9. v. 10. *Spiritus tuum bonum dedisti, qui doceret eos.* Sap. 12. v. 1. *O quàm bonus & suavis est Dominus Spiritus tuus in omnibus.*

Hinc relatè ad effectus creatos Patri appropriatur, *ex quo omnia*; Filio *per quem omnia*; Spiritui Sancto *in quo omnia*, juxta illud Pauli Roman. 11. v. 36. *Ex ipso, & per ipsum, & in ipso sunt omnia.* Quod non confusè accipiendum, esse monet S. Aug. 1. 6. de Trin. c. 10. Ex Patre enim sunt omnia, quia est principium sine principio. Per Filium sunt omnia, quia est sapientia, & ars, per quem Deus ut artifex operatur. In Spiritu Sancto sunt omnia: nam omnia in Dei bonitate continentur, omnia ab eà, ut à motivo, & sine promoveantur; Spi-

ritui Sancto autem bonitas tribuitur. Plura videantur apud S. Tho. 1. par. quæ 39. art. 7. & 8. ex quo omnia ferè sumta sunt.

### §. I I.

#### *De Æqualitate divinarum Personarum.*

VII. Necesse est (inquit D. Tho. 1. par. quæ 42. art. 1.) ponere æqualitatem in divinis Personis. Æqualitas enim est inter plura, in quibus non est accipere majus, & minus: sed divinx Personæ sunt plures, quia realiter distinctæ; & in eis non est accipere majus, & minus, quia in eis est una quantitas, una magnitudo, nempe una essentia, & unum esse; inæqualium verò non potest esse una quantitas, & una numero magnitudo.

Neque dicas, quod esto divinx Personæ non sint inæquales in essentia, & quantitate virtutis; inæquales tamen dici possunt in relationibus paternitatis, & filiationis: maxime in nostrâ sententiâ, quâ diximus, eas propriam dicere perfectionem.

VIII. Nam (ex dictis superiis) respondeo, etiam in relationibus esse æquales; quia ex relationibus non sumitur ratio æqualitatis sed distinctionis. Ratio autem æqualitatis sumitur ab essentia, & esse, quod idem est in Patre, & Filio; in Patre per modum dantis, & in Filio per modum accipientis. Et licet in Patre non sit filiatas, neque in Filio sit paternitas, ut his nominibus exprimuntur; sunt tamen per circuminseffionem, ut dictum est supra quæ 3. Dub. 3. §. 2. nn. 15. & magis statim explicabitur.

### §. I I I.

#### *De Circuminseffione.*

IX. Circuminseffio inter divinas Personas nil aliud est, quàm mutua quasi seffio; inhabitatio, penetratio, & permeatio, quâ una Persona dicitur esse in aliâ. Hanc inter Personas divinas statuere non est assertio levis, aut merè scholastica, sed gravis ponderis: Ex eà enim semel suppositâ invidium fu-

mitur argumentum, tūm contra Arianos, tūm contra Sabellianos. Contra Arianos quidem: Si enim Pater in Filio, & vicissim Filius in Patre est; ergo confubstantiales sunt; ergo uterque immensus, uterque increatus: qui enim immensus non est, nequit esse in omnibus locis, in quibus Deus extitit: qui increatus non est, penetrare divinam essentiam, etiam intimè pervadere non potest. Unde D. Augustinus lib. 6. de Trinitate cap. 10. *Ceterum (inquit) in illā summa Trinitate tantum est una, quantum tres simul; nec plus aliquid sunt duā quam una; Et in se infinita sunt. Ita & singula sunt in singulis, & omnia in singulis, & singula in omnibus, & omnia in omnibus, & unum omnia.* Et S. Fulgentius l. b. de fide ad Petrum c. p. 1. *Per hanc (inquit) unitatem naturalem totus Pater in Filio, & Spiritu Sancto est; & totus Filius in Patre, & Spiritu Sancto est; totusque Spiritus Sanctus in Patre, & in Filio est. Nullus horum extra quemlibet ipsorum est.*

Contra Sabellianos quoque. Si enim Pater in Filio est, & vicissim Filius in Patre; ergo non una Persona sunt, sed duæ: Qui enim in altero est distinctus ab illo esse debet. *Eo ipso (ait Cyrillus lib. 12. Thesaur.) quod ait Christus, hunc in illo, & illum in hoc videri, identitatem Deitatis, & unitatem substantiā monstrari dicit. Cū autem alterum in altero inesse asserit, excludi illud, ut ne quis unum aliquid esse numero putet.*

X. Ita Patres locuti sunt, quia hoc à Christo didicerant Joann. 14. qui Philippo ab eo petenti v. 8. *ostende nobis Patrem.* Respondit v. 9. *Philippe qui videt me, videt & Patrem.* Et v. 20. *non creditis, quia ego in Patre, & Pater in me est? Pater autem in me manens ipse facit opera. Non creditis quia ego in Patre & Pater in me est.* Quibus, inquit D. Tho. lib. 4. contragent. cap. 9. *non ostendit unitatem Personæ, ut volebat Sabellius, sed unitatem essentia, quam Arius negabat. Si enim esset una Persona Patris, & Filii, non congruè diceretur Pater esse in Filio, & Filius in Patre.*

*Cū non dicatur propriè idem suppositum in se ipso esse. . . . relinquitur igitur, cum Pater in Filio, & Filius in Patre esse dicatur quoddam Pater, & Filius non sint idem supposito. Sed ex hoc ostenditur, quoddam Patris, & Filii sit essentia una; hoc enim positum manifestè apparet, qualiter Pater est in Filio, & Filius in Patre. Nam cū Pater sit sua essentia, quia in Deo non est aliud esse, & essentiam habens. . . . relinquitur, quod in quocumque sit essentia Patris, sit Pater; & eadem ratione in quocumque est essentia Filii, est Filius. Unde eūdem essentia Patris sit in Filio, & essentia Filii in Patre, eod quod una est essentia utriusque, ut fides Catholica docet, sequitur manifestè, quod Pater sit in Filio, & Filius sit in Patre. Et sic eodem verbo, & Sabellii, & Arii error confutatur. Et ecce à S. Doct. circuminfessio mirè explicata.*

XI. Ex quibus sic circuminfessio probatur primò. Quæ ab invicem distinguuntur, ita tamen, ut unam, eandemque habeant naturam, prorsus indivisibilem, & impartibilem, necessariò sunt in se invicem, & unum in alio: atqui Personæ divinæ sic se habent; ergo &c.

Secundò. Ubicumque est essentia Patris, est ipse Pater, & ubicumque est essentia Filii, est ipse Filius: sed essentia Patris est in Filio, & essentia Filii est in Patre; ergo Filius est in Patre, & Pater in Filio. Hæc ratione utitur quoque idem S. Doct. 1. par. q. 42. art. 3. afferens Hilarium (lib. 3. de Trinit. prope finem) dicentem: *Naturam suam, ut ita dicam, sequitur immutabilis Deus, immutabilem gignens Deum subsistentem; ergo in eo Dei naturam intelligimus, cum in Deo Deus inest.*

XII. Alias duas subnectit rationes S. Doct. nimirum: Unum oppositorum relativè in altero est secundum intellectum: sed Pater, & Filius relativè opponuntur; ergo unus in alio est. Altera est secundum originem, nempe: Processio Verbi intelligibilis, & amoris non est aliquid extra sed manet in dicente, & in amante: Id etiam, quod in Verbo dicitur, in Verbo continetur, & amans in amato manet. Cū ergo Filius procedat ut Verbum, & Spiritus Sanctus ut amor, seu

## 246 *Questio IV. De Divinis Personis in generali.*

seu ut amoris terminus; Nèdum Filius manet in Patre, & Spiritus Sanctus manet in Patre, & Filio; sed & Pater manet in Filio, & Pater ac Filius manent in Spiritu Sancto.

XIII Sed dicet primò. Eorum, quorum unum est apud alterum ut distinctum ab ipso, unum non est in altero: sed Filius est apud Patrem, Joann. 1. *Verbum erat apud Deum*; ergo Filius non est in Patre.

Respondeo, maj. esse veram in iis, quæ non solum suppositis, sed etiam naturis distincta sunt; scilicet vero in iis, quæ licet suppositis distinguantur, eadem tamen, ac indivisa natura est, & hæc à suppositis indistincta: tunc enim, si natura unius est in alio, in illo erit etiam suppositum, ut in divinis Personis contingit. Dùm ergo dicitur: *Verbum erat apud Deum*, Personarum distinctio designatur contra Sabellium. Quum verò additur: & *Deus erat Verbum*, identitas naturæ in Patre, & Filio, & proinde mutua inexistencia indicatur. Hinc D. Tho. in 1. dist. 19. qu. 3. art. 2. ad 2. ait: *Una Persona dicitur esse apud aliam ratione distinctionis: sed dicitur esse in aliâ, vel quantum ad essentiam, vel quantum ad intellectum relationum, quia in unâ intelligitur alia, quamvis unum relationum ab altero sit distinctum.*

XIV. At quæres. Cùm Verbum dicatur esse apud Deum, idest Patrem, cur non dicitur, Deum, idest Patrem, esse apud Filium, si ly *apud* denotat distinctionem? Rursus: si Pater non dicitur esse apud Filium, esto Filius sit apud Patrem, cur dicitur Pater esse in Filio, si eut dicimus, Filium esse in Patre?

XV. Respondeo ad p̄mum quæsitum eum D. Thomà in cap. 1. Joann. lect. 1. quòd ly *apud* non solum significat distinctionem, sed etiam originem: esto autem Filius sit distinctus à Patre, & idè sit apud Patrem, non tamen est origo Patris, sed potius trahit originem à Patre; Et idè esto Filius sit apud Patrem, non tamen Pater est apud Filium. Nam, ut ait S. Doctor citatus, esse apud aliquem significat auctoritatem in obliquo. Non enim propriè dicitur, Rex esse apud Militem: sed propriè dicitur Miles apud Re-

gem. Et infra: *licet Verbum careat initio durationis; non tamen caret principio, vel auctore. Erat enim apud eum, ut apud auctorem.* Cùm autem Filius non sit principium, vel auctor Patris, sicut Pater est principium, & auctor Filii, idè Filius dicitur esse apud Patrem, non verò Pater apud Filium.

Ad secundum quæsitum respondeo cum eodem S. Doct. eodem loco, quòd licet tam præpositio *apud*, quàm præpositio *in* conjunctionem significant, differentèr tamen. Nam hæc præpositio *in* significat quandam conjunctionem intrinsecam; hæc autem præpositio *apud*, quodammodo extrinsecam conjunctionem importat, quæ (si ita loqui fas est) in Deo est conjunctio secundùm Personas realiter distinctas ratione originis unius ab aliâ: & idè Persona dicitur esse apud illam, cui conjungitur ratione originis. Cùm verò conjunctio intrinseca, quam habent divinæ Personæ significata per præpositionem *in*, sit conjunctio in essentiâ, ratione cuius consubstantiales sunt, & sicut eadem essentia Patris est in Filio, ita eadem essentia Filii in Patre est; verificatur, quòd sicut Filius in Patre est, ita Pater in Filio sit. Videatur D. Tho. loco relato.

XVI. Dices secundò. Si paternitas est in Filio, & filiatio in Patre; vel Filius poterit dici Pater, & Pater Filius: Vel si hoc non potest dici; ergo nec Pater secundùm se totum est in Filio, nec Filius secundùm se totum est in Patre, contra dictum Sancti Fulgentii supra laudatum.

Respondeo, negando utramque partem assumpti. Nam Pater non est Persona, cui conveniat paternitas ratione puræ identitatis eum divinæ essentiæ; sed est Persona cui convenit paternitas per modum formæ, & proprietatis personalis; & idem dic de Filio: unde quavis in Patre sit filiatio, & in Filio paternitas ratione identitatis eum essentiæ; non tamen potest dici, quòd Filius sit Pater, & quòd Pater sit Filius, quia variatur sensus identicus in formalem, absolutum in relativum, quæ est fallacia accidentis. Nec tamen sequitur, Filium secundùm se totum, non esse in Patre; sed solum non esse in illo secundùm omnem appellationem, & è contrà.

XVII.

XVII. Dices tertio. Unum oppositorum non est in altero: sed Filius, & Pater opponuntur relative; ergo Filius non est in Patre, & e converso.

Respondeo, cum D. Thom. 2. par. qu. 42. art. 5. ad 3. quod Pater, & Filius opponuntur relatione, non autem secundum essentiam, ratione cujus unum est in altero: & tamen adhuc oppositorum relative unum est in altero, nimirum secundum intellectum, ut dictum est.

§. IV.

De Notionibus Personarum Divinarum.

XVIII. **N**Otio, ut ait D. Thomas 2. par. qu. 32. art. 3. Nil aliud est, quam propria ratio cognoscendi divinam Personam. Sicut enim in humanis quædam sunt, quibus velut characteribus unam Personam ab aliâ distinguimus; ita proportionabiliter hoc debet poni in divinis Personis.

Quinque autem sunt notionēs hujusmodi, seu characteres, nempe Innascibilitas, paternitas, filiatio, communis spiratio, & processio. Probat. Notio est propria ratio cognoscendi Personam: sed quinque sunt rationes cognoscendi divinas Personas; ergo quinque &c. Min. prob. Personæ divinæ, cum multiplicentur secundum origines, ita & secundum origines, nempe à quo aliis, & qui ab aliis, dignosci debent. Vel ergo Persona à nullo principio est, qualis est Pater, & sic ejus notio est innascibilitas; & quia ab ipso est Filius, habet aliam notionem, quæ est Paternitas. Vel Persona, quæ ab aliâ est, ab illâ est genita, & hic est Filius, cujus notio est filiatio: Cum autem Filius unâ cum Patre sit unicum principium Spiritus Sancti; idem Pater, & Filius aliâ notionē possunt dignosci, quæ est communis spiratio. Porro Spiritus Sanctus sic procedens à Patre, & Filio habet pro notionē sibi propriâ spirationem passivam, seu processionem. Quare persona Patris triplici charactere dignosci potest, Innascibilitate, paternitate, & spiratione activa; Persona Filii duplici; nempe filiatione, & spiratione activâ ei communi cum Patre: at Spiritus Sanctus

unâ tantum gaudet notionē, nempe spiratione passivâ, seu simplici processione. Neque enim quod nulla alia Persona ab ipso sit potest illi pro notionē assignari, sicut pro notionē tribuimus Personæ Patris, quod à nullâ sit: nam, ut docet D. Thomas relatus ad 4. Cum Persona importet dignitatem... non potest accipi notio aliqua Spiritus Sancti ex hoc, quod nulla Persona est ab ipso: Hoc enim non pertinet ad dignitatem ipsius, sicut pertinet ad auctoritatem Patris, quod sit à nullo.

XIX. Ratio autem, & necessitas hæc notionēs ponendi est (ait D. Tho. laudatâ quest. art. 2.) ut possimus interroganti de Trinitate respondere. Sicut enim Ariano interroganti, cur Pater, & Filius sunt unus Deus? Respondemus, quod unum sunt deitate: Ita Sabelliano querenti, cur Pater, Filius, & Spiritus Sanctus sunt tres Personæ? respondemus, notionibus cujuscumque Personæ, paternitate, filiatione, & processione. Secundò. Quia cum una Persona, nempe Pater, duplici relatione relatione referatur ad personam Filii, & personam Spiritus Sancti, oportuit esse aliquam notionem, quâ Pater distingueretur à Filio, & quâ distingueretur à Spiritu Sancto; ne quis putans, unicâ relatione à Patre respici, existimaret Filium, & Spiritum Sanctum esse unam Personam, cum solæ relationes sint, quæ Personas multiplicent in divinis.

XX. Nota, non esse idem, relationes Personarum, notionēs Personarum, proprietates Personarum, & proprietates personales. Nam relationes Personarum sunt tantum quatuor: innascibilitas, enim quæ ponitur inter notionēs, non est relatio, nisi per reductionem, sicut negatio reducitur ad genus affirmationis. Notio ex dictis est ratio cognoscendi unam, vel duas Personas; quare inter notionēs ponitur communis spiratio, quæ cum sit in duabus Personis, nimirum Patre, & Filio, non est proprietas Personæ. Proprietates ergo Personæ solum quatuor sunt, innascibilitas, paternitas, filiatio, & processio. Notio tandem, seu proprietatis personalis illa est, quâ Persona constituitur, & istæ sunt tantum tres, nempe

## 248 *Quaestio IV. De Divinis Personis in generali.*

pater, paternitas, filius, & processio. Communis enim spiratio, est quidem notio Patris, & Filii; sed neque est proprietas Personae, quia duabus communis, & multo minus notio personalis. Inaccessibilitas autem est nota proprietas Personae Patris, cuius etiam est notio; non est tamen notio, seu proprietas personalis, quia Personam Patris non constituit.

XXI. Noto insuper cum D. Thomā 1. par. qu. 32. art. 3. citato ad 2. quod licet Deus ex unitate essentiae dicatur unus, & ex personarum Trinitate dicatur Trinus; non potest tamen dici quinquus ex unitate notionum. Nam essentia, & Persona in Deo significantur, ut res quaedam; sed notiones significantur ut rationes notificantes Personas; eadem autem Persona pluribus rationibus notificari potest.

### §. V.

#### *De Missione Divinarum Personarum.*

XXII. **M**issio (de qua D. Thom. 1. par. qu. 43.) nil aliud est, quam processio unius Personae ab alia, ut per operationem externam novo modo existat in creaturā, vel ut in eā novum effectum in tempore producat. In ratione enim missionis duo importantur (ait D. Thom. citatus art. 2.) unum est habitudo missi ad eum, à quo mittitur. Aliud est habitudo missi ad terminum, ad quem mittitur. Per hoc autem, quod aliquis mittitur, ostenditur processio quadam missi à mittente, vel secundum imperium, sicut Dominus mittit servum; vel secundum consilium, ut si Consiliarius mittere dicatur Regem ad bellandum; Vel secundum originem, ut si dicatur, quid flos emittitur ab arbore. Ostenditur etiam habitudo ad terminum, ad quem mittitur, ut aliquo modo ibi esse incipiat: vel quia prius ibi omnino non erat quod mittitur; vel quia incipit ibi aliquo modo esse, quo prius non erat. Missio igitur divina Persona (cum non possit ei convenire per imperium, aut consilium) convenire potest, secundum quod importat ex una parte processionem originis à mittente, & secundum quod importat ex alia parte novum modum existendi in alio. Sicut Filius dicitur esse

missus à Patre in mundum, secundum quod incipit in mundo esse per carnem assumptam: & tamen ante in mundo erat, ut dicitur Joann. 1. Hæc D. Thomas. Quod, & quomodo factum sit explicat S. Augustinus lib. 2. de Trinitate cap. 3.

XXIII. Ex quibus inferitur primò. Quod licet qui mittitur per imperium, vel per consilium sit minor, aut inæqualis cum mittente, quia sic mittens supponitur, vel potentior, vel sapientior eo, qui mittitur; non tamen qui mittitur per originem: quia hic mittitur accipiendo per originem eandem essentiam, potentiam, & sapientiam cum mittente. Ita D. Thomas art. 1. citato ad 2. Unde D. Augustinus tū loco mox allato; tū lib. 4. de Trinit. cap. 10. Si autem (inquit) secundum hoc missus à Patre Filius dicitur, quod ille Pater est, ille Filius, nullo modo impedit, ut credamus, aequalem Patri esse Filium, & consubstantialem, & coeternum & tamen à Patre missum Filium. Non quia ille maior est, ille minor; sed quia ille Pater, ille Filius, ille genitor, ille generatus, ille à quo est qui mittitur, ille qui est ab eo, qui mittit.

XXIV. Inferitur secundò. Quod licet qui mittitur in creatis separetur, & ponatur extra mittentem, quia missio est veluti extra missio; & hoc quia in creatis, qui mittitur, mittitur ad locum, in quo nec mittens, nec qui mittitur prius erat: in divinis vero, & is qui mittit, & is qui mittitur erant prius in loco, ad quem fit missio; & solum qui mittitur incipit ibi esse novo modo. Urde D. Tho. art. 2. citato ad 2. ait: Quod illud, quod se mittitur, ut incipiat esse, ubi prius nullo modo erat, suā missione localiter movetur. Unde oportet, quod loco separetur à mittente. Sed hoc non accidit in missione divina Persona; quia Persona divina missa, sicut non incipit esse, ubi prius non fuerat; ita nec desinit esse, ubi fuerat. Unde talis missio est sine separatione, sed habet solam distinctionem originis. Et D. August. lib. 2. de Trinit. cap. 3. concludit sic: Quod ergo de Deo natus est, in hoc mundo erat: quod autem de Mariā natus est, in hunc mundum missus advenit.

XXV. Inferitur tertio. Quod cum missio

missio sit solum secundum processionem originis, Persona divina ab eâ tantum potest mitti, à qua per originem procedit. Quare Pater, qui à nullo procedit, à nullo potest mitti: Pater verò, & Filius possunt mittere Spiritum Sanctum: at Spiritus Sanctus, à quo nulla Persona procedit, nullam Personam potest mittere. Ità D. Thom. qu. 43. citat art. 4.

Quod si Augustinus lib. 2. de Trinit. cap. 5. aperit dicit, Filium à seipso missum: & Toletani Patres Synodo XI. fatentur, Filium missum non solum à Patre, sed & à seipso, & à Spiritu Sancto; observandum est, ait D. Thomas art. 8. qu. 43. prælaudatæ. Quidd, cum dicitur aliqua Persona mitti, designatur, & ipsa Persona ab alio existens, & effectus visibilis, aut invisibilis, secundum quem missio divina Persona attenditur. Si igitur mittens designetur ut principium Persona, qua mittitur, sit non qualibet Persona mittit, sed solum illa, cui convenit esse principium illius persona: & sic Filius mittitur tantum à Patre, Spiritus Sanctus à Patre, & Filio. Si verò Persona mittens intelligatur esse principium effectus secundum quem attenditur missio, sit tota Trinitas mittit Personam missam.

Hoc eodem sensu loquitur S. Augustinus relatus: Fortasse (inquit) aliquis cogat, ut dicamus, etiam à seipso missum esse Filium, quia ille Maria conceptus, & partus Trinitatis est, quâ creante omnia creantur. Et quomodo jam, inquit, Pater eum misit, si ipse semisit? Cui primum respondeo, querens, ut dicat, si potest, quomodo Pater eum sanctificavit, si seipso sanctificavit? ... Joann. 17. 10. & pro eis sanctifico me ipsum. Credo respondebit, si hac probè sapit, quia una voluntas est Patris, & Filii, & inseparabilis operatio. Sic ergo intelligat illam incarnationem, & ex Virgine nativitatem, in quâ Filius intelligitur missus, unâ eademque operatione Patris, & Filii inseparabiliter esse factam, non utique inde separato Spiritu Sancto.

XXVI. Hanc Divinarum Personarum missionem aperit testantur Scripturæ. Christus enim (Joan. 8. v. 16.) ex eo probat suum testimonium esse verum, quodd sit testimonium Patris, à quo missus est:

Tom. IV.

Judicium meum verum est, quia solus non sum: sed ego, & qui misit me, Pater. Jo. 10. v. 36. Quem Pater sanctificavit, & misit in mundum &c. Paulus etiam ad Galat. 4. v. 4. Ubi venit plenitudo temporis misit Deus Filium suum. Se autem missurum Spiritum Sanctum pollicetur Christus. Joann. 16. v. 7. Si autem abiero, mittam eum ad vos.

XXVII. Missio tamen hæc divinæ Personæ partim æterna est, partim temporalis, ait D. Thom. qu. 43. laudat. art. 2. æterna quidem, si spectetur processio originis; nam Filius ab æterno ad intra processit, ut sit Deus. Temporalis verò, ut dicit exitum Personæ procedentis à mittente; quodd propriè est missio, & datio Personæ ad aliquem temporalem effectum, sicut datus fuit in tempore Filius, ut visibiliter sit homo, vel ut sit in homine etiam invisibiliter.

XXVIII. Quare missio temporalis alieujus Personæ duplex est. Alia visibilis, alia invisibilis. Si enim effectus, ad quem persona mittitur visibiliter sit, erit missio visibilis; & talis fuit missio Filii per incarnationem, & Spiritus Sancti sub linguarum specie super Apostolos. Si verò effectus, ad quem mittitur invisibilis sit, erit missio invisibilis; & talis est missio utriusque, dum per dona, & gratiam homines interiori justificanc: Filius quidem, tanquam justificationis indicium. Et de hac missione locutus est Augustinus lib. 4. de Trinit. cap. 10. Cùm loquentes de Sapientia æterna: Sed aliter (inquit) mittitur ut sit eum homine (hoc enim prius fecerat, in animas sanctas invisibiliter se transfundendo) aliter missa est, ut ipsa sit homo (nimirum carnem humanam visibiliter sumendo) Plura de utrâque docet S. Thom. citatâ qu. 43. art. 5. 6. 7. videndus.

## QUÆSTIO V.

### De Personâ Filii.

**D**E Personâ Patris ejusque characteribus nihil disputatione dignum occurrit. Qui tamen de eâ plura scire cupit, adeat D. Thomam 1. par. li. i. qu. 1.



qu. 33. De Personâ autem Filii, de qua agit quæst. 34. sequente, cum plura in antedictis disputata sint, brevem quætionem instituemus.

## DUBIUM I.

De propriis Secundæ Personæ characteribus.

## §. I.

De nomine Verbi.

I. **V**ariis nominibus Secunda Persona divina nuncupatur, nempe: *Filius Dei, Verbum, Imago, Idea, Principium, Sapientia, Lux, Candor lucis æterna, Figura substantia Dei, Character, Speculum, Veritas*. Hæc enumerat S. Ambrosius lib. 2. de Trinit. Unde quærimus, an omnia sint secundæ Personæ propria, ac personalia; an verò omnia in se omnibus Personis communia, & solum Secundæ appropriata. De nomine Filii, esse personale, & proprium ejus, constat ex dictis: aliqua esse communia, & solum ei appropriata, ut Lux, Idea, Principium, Sapientia, Veritas &c. exploratum est. Quæstio restringitur ad nomina *Verbum, Imago, Character, Figura, substantia*. De nomine Verbi §. præsentis agetur.

II. Verbum manifestius, & communius in nobis dicitur, quod voce proferetur, & quod ab interiori procedit: hoc autem duo importat, nimirum vocem ipsam, & significationem vocis. Vox enim, quæ non est significativa verbum dici non potest, quia ex hoc dicitur verbum vox exterior, quia significat interiorem mentis conceptum. Hic autem mentis conceptus, quem intelligens intra se dicit, & format, quasi sibi loquens, ad quod exterius exprimendum utitur voce significante, est verè, ac propriè Verbum, quod in Deo datur, quodque ab æterno produxit intra se. Ita ex D. Thom. qu. 34. citatâ art. 1.

III. Mitto aliam minus propriam significationem, quâ verbum dicitur etiam id, quod verbo significatur, vel efficitur; sicut consuevimus dicere, hoc est ver-

bum, quod dixi tibi, vel quod mandavit Rex, demonstrato aliquo facto, quod verbo significatum est, vel simpliciter enunciantis, vel etiam imperantis. Ita, D. Thom. loco allato. Unde Lucæ 2. v. 25. Pastores ajunt: *Videamus hoc verbum, quod factum est, quod Dominus glendit nobis.*

IV. Circa Verbum in Deo ponendum varii fuerunt errores. Alogi hoc est sine Verbo respuebant à Deo appellationem Verbi; eò quòd, aiebant, Filius Dei nec ore, nec mente sit pronuntiatus: quo circa rejiciebant omnia scripta S. Joannis, quòd in eis Verbi divini fieret mentio. Ita S. August. lib. de heres. cap. 30.

Paulus verò Samostenus, teste Sando Epiphano heres. 65. assererat, Verbum divinum non esse subsistens, sed prolativum, & transitorium. Hoc ipsum asseruisse videntur Arius, & Eunomius existimantes, omne verbum esse prolativum vocis: unde plura Verbo à Deo prolata fuisse Arius in sua Thaliâ effutiebatur, dicens (ut narrat S. Athanasius de Decretis Nicænæ Synodi (multa, inquit, Verba loquitur Deus. Quale, ergo horum Filium Dei & Verbum unigenitum Patris esse dicimus? Alii tamen, Arii gregales duo in Deo, quod est ejus sapientia à Personâ Patris indistincta; alterum extraneum à Patris substantiâ, de quo dicebant loquutum fuisse S. Joannem, cum ait: *In principio erat Verbum.*

Contra hos D. Thom. hæc qu. 34. art. 1. ad primum arguit sic. Datur per vos Verbum exterius à Deo prolatum; ergo datur in Deo Verbum interius productum. Conseq. probatur. Nam verbum exterius profertur ad significandum, & manifestandum verbum interius mente conceptum, & dictum; ergo si datur Verbum exterius à Deo prolatum, datur in Deo Verbum interius productum.

V. Dico ergo primum. Nomen Verbi in Deo est nomen personale soliùs secundæ Personæ proprium. Ita D. Tho. qu. 34. citatâ art. 1. & 2. Prima pars probatur à S. D. Verbum propriè tale significat aliquid ab alio procedens: Sed nomen significans aliquid ab alio procedens est in divinis nomen personale, cum Personæ distinguantur secundum originis; ergo &c.

&c. Unde S. August. lib. 7. de Trinitate cap. 2. apud D. Tho. hoc art. 1. ait: sicut Filius refertur ad Patrem; ita & Verbum ad id, cuius est Verbum: Sed Filius est nomen personale, quia relativè dicitur; ergo & Verbum.

Secundà pars probatur ab eodem sic. Cùm Verbum sit nomen personale, illius Personæ proprium erit, quæ procedit per emanationem, seu actionem intellectus, cuius partus est Verbum: atqui sola secunda Persona nempe Filius procedit, ut partus intellectus, quæ ratione sola Filii processio dicitur generatio; ergo &c. Hinc in Sacris Litteris nomen Verbi solus Filius exprimitur.

VI. Dices primò contra primam partem. S. Aug. l. 9. de Trinit. cap. 20. ait: Verbum est notitia cum amore. Et S. Anselmus in Monologio cap. 60. dicere (inquit) Summo Spiritui nihil aliud est, quam cogitando intueri: Sed notitia, cogitatio, & intuitus non sunt nomina personalia; ergo nec Verbum.

Respondeo ex D. Thomi hoc art. 1. ad 2. cum distinctione. Verbum est notitia, cogitatio, intuitus; si per ista intelligatur actus intellectus cognoscentis, cogitantis, intuentis, nego. Si intelligatur id, quod intellectus intra se concipit, & producit cognoscendo, concedo. Id enim, quod intellectus concipit, & intra se producit cognoscendo (non ipsa cognitio) Verbum est; & sic sensus verborum Augustini, & Anselmi est, quòd Verbum sit notitia, cogitatio &c. id est id, quod per notitiam, cogitationem &c. concipitur, & producit non essentialiter, sed personaliter in Deo. Videatur D. Thom. citatus.

VII. Quamvis enim omnibus divinis Personis commune sit cognoscere, soli tamen Personæ Patrìs convenit formare conceptum rei intellectæ; idèque procedere ut conceptum rei intellectæ, prædicatumpersonale est secundæ Personæ proprium. Id acutè exponit S. Thom. hoc art. 1. ad 3. his verbis: sicut propriè loquendo Verbum dicitur personaliter in divinis, ita, & dicere; Unde sicut Verbum non est commune Patri, & Filio, & Spiritui Sancto; ita non est verum, quòd Pater, & Filius, & Spiritus Sanctus sint

unus dicens. Unde Augustinus 7. de Trinitate cap. 2. dicens, inquit, illo cœterno Verbo non singulus intelligitur in divinis. Unde diversum est intelligere, ac dicere. Nam intelligere importat solam habitudinem intelligentis ad rem intellectam, in quâ nulla ratio originis importatur. .... Sed dicere importat principaliter habitudinem ad Verbum conceptum; nihil enim est aliud dicere, quàm proferre verbum.

Addit tamen S. Doctor, quòd dici convenit cuilibet Personæ. Nam dicitur non solum Verbum, sed res, quæ Verbo intelligitur, aut significatur. Sic ergo uni soli Personæ convenit dici eo modo, quo dicitur Verbum; eo verò modo, quo dicitur res in Verbo intellecta, cuilibet Personæ convenit dici. Pater enim intelligendo se, & Filium, & Spiritum Sanctum, & omnia alia, quæ ejus scientiâ continentur, concipit Verbum, ut se tota Trinitas Verbo dicatur, & etiam omnis creatura. Unde concludit, quòd licet sola Persona, quæ profert Verbum sit dicens, & sola Persona prolata sit propriè Verbum; quia tamen singulæ Personæ divinæ sunt hoc verbo intellectæ, & representatæ, singulæ sunt hoc Verbo dictæ. Videndus D. Tho. art. 3. sequente ad 4. Q. 9. de Potentiâ art. 9. ad 8. & 1. par. qu. 37. art. 1. in corp.

VIII. Dices secundò etiam contrà secundam partem. Filius est Persona subsistens in Divinis; sed verbum non significat rem subsistentem, ut in nobis patet; ergo non est nomen personale proprium Filii.

Confirmatur. Verbum prolatione quâdam procedit à dicente; si ergo Filius, est propriè Verbum non procedit à Patre nisi per modum prolationis, quòd fuit hæresis Valentini; ut patet ex August. in lib. de hæres. cap. 11.

IX. Respondetur ex D. Tho. hic art. 2. ad 1. quòd in nobis non est idem esse, & intelligere; unde illud, quod habet in nobis esse intelligibile non pertinet ad naturam nostram; Sed esse Dei est ipsum ejus intelligere. Unde Verbum Dei non est aliquid accidentis in ipso, vel effectus ejus, sed pertinet ad ipsam naturam ejus; & idè oportet, quòd sit aliquid subsistens,

*quia quicquid est in naturâ Dei subsistit. Et idem Damascenus lib. 1. orth. fid. cap. 18. dicit: quod Verbum Dei est substantiale, & in hypostasi cns, reliqua verò verba, scilicet nostra, virtutes sunt animæ.*

Hinc observandum, Verbum divinum in aliquibus convenire cum nostro, in aliquibus verò disconvenire. Convenit primò, quod sicut verbum nostrum procedit à mente, & intimè manet in illâ; ita Verbum divinum procedit à Patre, & illi manet intimum. Secundò, quod sicut mens nostra absque ullâ sui læsione, divisione, aut diminutione producit verbum; ita & Pater verbum suum producit. Tertiò, sicut verbum nostrum est perfecta mentis imago; ita Verbum divinum est perfecta imago Patris. Quartò, quod sicut mens in suo verbo, & se, & alia videt: ita & Pater divinus in suo.

Disconvenit tamen primò. Quod verbum humanum est accidens, divinum substantia. Secundò. Quod illud non est menti cœvum, sed modò oritur, modò occidit; illud est Patri cœternum, & immutabile. Tertiò. Illud non est unum tantum, sed pro rerum, quas intelligimus, diversitate diversum; illud est unum tantum, quia sicut Pater uno actu omnia intelligit, ita uno Verbo omnia dicit. Quartò. Illud ex indigentia producit, ut scilicet in verbo intelligamus; illud ex abundantia Paternæ cognitionis procedit. Quintò. Verbum humanum ad rationem filii non pervenit: Divinum autem est propriissimè Filius.

X. Ad cons. respondeo cum D. Thom. ibidem ad 2. Quod non propter hoc error Valentini est damnatus, quia Filium dixit prolatione natum, ut Ariani calumniabatur, sicut Hilarius refert lib. 6. de Trinit. sed propter varium modum prolationis quem posuit, sicut patet per Augustinum in lib. de hæresibus cap. 11. Unde Hilarius loco relato nu. 9. Arianos increpans, quod sub specie Valentiniæ hæresis Nomine prolationis improbase, naturam Dei ex Deo improbarent, ait. Valentinus enim ridicula quadam & fada commentans, eum præter principem Deum, familiam Deorum, & numerosas æterni-

tatum Potestates introduxisset, tunc prolatum Dominum nostrum Jesum Christum mysterio oculata voluntatis asseruit. Hanc ergo inanem prolationem . . . evangelica, atque apostolica Ecclesia fides nescit. . . . scit verò nihil aliud, quàm unum Deum Patrem, ex quo omnia sunt, & unum Dominum nostrum Jesum Christum, per quem omnia, natum de Deo Deum. Quæ verò fuerit Valentini insania diximus, supra qu. 3. de unit. Dei Dub. 5. §. 1. n. 5.

XI. Dices tertiò. Nomen Verbi tribuitur etiam Spiritui Sancto à D. Basilio lib. 5. contra Eunom. cap. 11. dicente: Dei quidem Verbum Filius est: Fili autem Verbum, Spiritus. Quod probat ex illo ad Hebr. 1. portans omnia Verbo virtutis sua. Et ad Ephes. 6. Gladium Spiritus, quod est Verbum Dei; ergo non. convenit soli Filio.

Respondeo ex D. Thom. hic art. 2. ad 5. quod Basilius vocat Spiritum Verbum Filii improprie, & figuratè; quia Spiritus Sanctus manifestat Filium, seu Filii Voluntatem; quâ ratione verbum alicujus dici potest omne, quod est manifestativum illius. Potest etiam dici Verbum Filii ab effectu, quem operatur in corde evangelizantium Christum. Unde ait Matth. 10. v. 21. Non enim vos estis qui loquimini, sed Spiritus Patris vestri, qui loquitur in vobis. Paulus autem dum ait: portans omnia Verbo virtutis sua, sumit Verbum pro effectu Verbi, nempe pro imperio, quatenus ex effectu virtutis Verbi est, quod omnia conferuntur in esse; sicut est, quod res producuntur in esse. Ad Ephes. autem vocat Paulus Verbum Dei gladium Spiritus; sumens Verbum pro Doctrinâ, quâ tanquam spiritali gladio pugnamus adversus omnes veritatis adversarios.

XII. Quia verò quod Latini vocant verbum, Græci dicunt logos, quod sermonem, & rationem significat, queritur, quo ex his nominibus melius secunda Persona Filii exprimitur.

Respondet S. August. lib. 83. quaest. 63. Quod Græci logos dicitur, latine, & rationem, & Verbum significat. Sed hoc loco Joann. 1. melius Verbum interpretamur, ut non significetur solum ad Patrem respectus, sed ad illa etiam, quæ per Verbum

*bum facta sunt operativa potentia*. Vis ergo, & operativa proprietas, ut per Filium fiant omnia, quæ facienda sunt aptius significantur nomine Verbi, quàm sermonis, & rationis, quod ad solum sermonocinantem, & ratiocinantem refertur.

Addo, quodd cum sermo pluribus vocibus constet, minus aptus est ad significandum Verbum, quod est dictio simplex, & simplicissimum cognitionis actum, quo Pater illud profert. Hinc arguendi sunt Erasmus, Calvinus, Bezi, quod in posterioribus Latinis, quas ediderunt, Versionibus, nomen *logos* verterunt in *sermonem*, dicentes: *In principio erat sermo*. Quamvis autem Veteres quidam verterint *sermonem* loco *Verbi*; id aliquando, & quidem rariùs fecerunt.

## §. I I.

## De nomine Imaginis.

XIII. **D**IVUS THOMAS 1. par. qu. 35. duo quærit de nomine Imaginis in divinis: unum, an dicatur personaliter; alterum an sit proprium Filii.

Circa primum, notat art. 1. Ad rationem perfectæ imaginis tria requiri. Primum, quodd sit similis secundum quodd sit similis in specie, vel saltem in signo speciei, quod in rebus corporalibus est figura; unde si depingatur in pariete color alicujus animalis, non habetur imago speciei illius, nisi pingatur etiam figura illius. Tertium, non sufficit ad rationem imaginis similitudo quæcumque, etiam in specie, aut figurâ, sed ulterius requiritur origo, seu quodd sit facta ad similitudinem ejus, cujus est imago: defectu cujus duo ova, et si in specie, & figura similia sint, quia tamen unum ab alio non oritur, nec unum est factum ad similitudinem alterius ex modo suæ productionis, unum non dicitur imago alterius. Ad hoc ergo (concludit S. Doct.) quodd verè aliquid sit imago, requiritur, quodd ex alio procedat simile ei in specie, vel saltem in signo speciei. Hoc præmissio.

XIV. Dico primò cum S. Doctore, quodd nomen imaginis in divinis est nomen per-

sonale. Probo. Ea, quæ processionem, sive originem important, in divinis sunt personalia: sed hoc nomen imago importat originem, seu quodd sit procedens, vel factum, ut sit similitudo alterius. Unde imago dicitur relativè, non ad se, teste Augustino lib. 7. de Trinit. cap. 1. *quid est absurdus quàm imaginem ad se dici*: nomina autem relativa in divinis personalia sunt; ergo &c.

Advertit tamen S. Doct. ibi ad 1. quodd imago propriè dicitur, quodd procedit ad similitudinem alterius. Illud autem ad cuius similitudinem aliquid procedit, propriè dicitur exemplar, improprie verò imago. Sic tamen Augustinus (verius Fulgentius lib. de fide ad Petrum cap. 1.) utitur nomine imaginis, cum dicit divinitatem. Sancta Trinitatis esse imaginem, ad quam factus est homo, sumens nimirum uomen imaginis pro exemplari.

Eodem ratione homo dicitur imago Dei imperfecta tamen, & analogica; quia imago perfecta debet procedere in similitudinem speciei, vel saltem in signo speciei: homo autem non sic procedit ad Deo. Quare D. Thom. art. 2. ad 3. Imago (inquit) alicujus dupliciter in aliquo invenitur. Uno modo in re ejusdem naturæ secundam speciem, ut imago Regis invenitur in filio suo. Alio modo in re alterius naturæ, sicut imago Regis invenitur in denario. Primo autem modo Filius est imago Patri: Secundo autem modo dicitur homo imago Dei. Et ideo ad designandum in homine imperfectionem imaginis, homo non solum dicitur imago, sed ad imaginem, per quodd motus quidam tendentis in perfectionem designatur. Sed de Filio Dei non potest dici, quodd sit ad imaginem; quia, est perfecta Patris imago. Hæc D. Thom. Hinc

XV. Dico secundò. Imaginis nomen, convenit soli secundæ Personæ SS. Trinitatis, nempe Filio. Ita D. Thom. hoc art. 2. ubi, quorundam rejectis rationibus, probat sic ex dictis. De ratione imaginis est, non solum, quodd sit similis, sed quodd ex ratione suæ originis habeat, quodd procedat ut similis ei, à quo est: sed solus Filius ita procedit, ut de ratione ejus characteristica sit, quodd procedat ut similitudo ejus, à quo est; nam Pater non

non procedit; Spiritus Sanctus verò procedit quidem, & est etiam similis in natura ei à quo procedit, sed id non habet ex naturâ suâ processionis, ut superius ostensum est: non enim est de ratione amoris, ut procedat in similitudinem speciei cum eo, à quo procedit, quamvis hoc conveniat amoris, in quantum est amor divinus; ergo &c.

Major probata manet ex dictis, & adhuc auctoritate Augustini roboratur. Is enim lib. 83. quæst. 74. Ubi (inquit) æqualitas, continud similitudo, non continud imago: velut in duobus ovibus paribus, quia inest æqualitas, inest similitudo: quæcumque enim ad sunt uni, ad sunt & alteri; imago tamen non est, quia neutrum de altero expressum est. Et lib. imperfect. de Genes. ad litter. cap. 16. ait: Omnis imago similis est ei, cuius imago est: nec tamen omne, quod simile est alicui etiam imago est ejus: sicut in speculo, & picturâ, quia imagines sunt, etiam similes sunt: tamen si alter ex altero natus non est, nullus eorum imago alterius dici potest. Imago enim tunc est, cum de altero exprimitur.

XVI. Secundò probatur. Spiritus Sanctus nec est Filius Dei, nec creatura; ergo non est imago; omnis enim imago, vel est naturalis; & hæc est Filius: vel artificialis; & hæc est creatura.

Confirm. inter homines solus filius est naturalis imago Patris; ergo etiam in divinis.

Hinc Scriptura nomen imaginis soli Filio Dei attribuit: Qui (ait Paulus 1. Cor. 4. v. 4.) est imago Dei. Ad Colois. 1. v. 15. Imago Dei invisibilis. Ad Hebr. 1. v. 3. Qui cum sit splendor gloria, & figura substantia ejus. Quibus addi potest, quod Sap. 7. v. 26. De increata Sapientia dicitur: Candor est enim lucis æternæ, & speculum sine macula Dei majestatis, & imago bonitatis illius.

Cumque hoc nomen nusquam in Sacris Litteris tribuatur Spiritui Sancto, bene concludit S. Thomas hoc art. 2. quod Doctores Latini conformis Sacre Scripturæ loquuntur, quàm Græci, qui nomen. Imaginis etiam Spiritui Sancto communicant.

XVII. Neque juvat (ut refert Sanctus

Thomas opusc. 1. cap. 10. ubi hanc rem pertractat) quod Græci pro se adferant illud Rom. 8. v. 29. Quos præsevit, & prædestinavit conformes fieri imaginis Filii sui. Et illud 1. Cor. 15. v. 49. Sicut portavimus imaginem terreni portemus, & imaginem celestis; quibus putant imaginis nomine Spiritum Sanctum indicari.

Non inquam. Nam utroque loco potest intelligi, quod hominis conformetur imagini Filii, vel quod portent imaginem Christi, in quantum ipsi homines Sancti per dona gratiarum, ut sint similes Christo perficiuntur, secundum illud Apostoli 2. ad Cor. 3. In eandem imaginem transformamur à claritate in claritatem, tanquam à Domini Spiritu. Hic enim imaginem non dicit esse Spiritum Christi. Sed alia quid à Spiritu Dei in nobis existent. Ita S. Thom. opusc. citato. Qui etiam dicit, Græcos Patres posse benignè exponi: quod nomine imaginis intelligant, quodcumque ab alio procedens ejus similitudinem gerens; non verò habens, quod sit similitudinem gerens ex ipsâ suâ originis ratione, quod proprium est imaginis, & soli Filio convenit.

XVIII. Contrâ dicta duo objicit Durandus. Primum. Si Filius est imago, & similis Patri, vel hoc esset ratione essentiali, vel ratione relationis: non ratione essentiali; quia in hic est idem cum Patre, non similis. Non ratione relationis; quia in hac non est similis, sed oppositus Patri.

Alterum est. Si Filius sit imago Patris, erit quoque imago creaturarum: eò enim est imago Patris, quia repræsentat Patrem, repræsentat autem etiam creaturas: sed falsum est, quod Filius sit imago creaturarum; ergo &c.

XIX. Respondetur ad primum. Rationem similitudinis petere unitatem, & distinctionem: unitatem in eo, in quo sunt similia; & quia similitudo est inter duo, petit distinctionem inter ea, quæ sunt invicem similia, nimirum subiecta, vel supposita. Dùm ergo dicitur Filius est similis Patri, nõ comparatur essentiali sententiæ, ac si alia essentia in Patre sit, alia in Filio, sed Persona Personæ; non quidem ratione relationis, sed ratione essentiali, quatenus Persona Filius est similis,

lis, & imago Personæ Patris; quia nedum est unum in essentia cum Patre, sed eam accipit à Patre, ut sit expressio essentiae Patris. Quoddè verò essentia eadem in Filio sit ac in Patre, non obest similitudini, dummodo Personæ, quæ dicuntur similes sint distinctæ, quamvis forma, in quâ dicuntur similes, sit eadem in utraque: imò maximè dicuntur similes; quia cùm similitudo fundetur super unitate duorum in aliquâ formâ, quod majorem ista unitatem habebit, eò majorem fundabit similitudinem inter illa duo. Quia (ait D. Thom. opusc. 1. cit. c. 10.) *similitudo, & aequalitas Personarum divinarum non attenditur secundum proprietatem personalem, sed secundum attributa essentialia.*

Ad alterum, nego maj. Nam Filius sic representat Patrem, ut etiam à Patre dicatur, & procedat tanquam figura, & expressio substantiæ ejus; & idè est imago ejus. At non procedit, nec dicitur à creaturis; unde non est imago illarum, sed potiùs exemplar, ad cuius similitudinem creaturæ producantur.

§. III.

*De nomine Sapientia.*

**XX.** Dico tertio. Nomen Sapientiae non est nomen personale, nec proprium Filii, sed solum appropriatum. Prima pars est expressa S. Augustini lib. 7. de Trin. cap. 2. ubi ait: *Pater igitur, & Filius simul una essentia, & una magnitudo, & una veritas, & una sapientia. Sed non Pater, & Filius simul ambo unum Verbum; quia non simul ambo unus Filius: sed si nomen sapientia esset nomen personale, Pater, & Filius non possent esse una sapientia, sicut nec possunt esse unum Verbum, & unus Filius; ergo &c.* Rursus: Augustinus dicit, quòd Pater, & Filius sunt una sapientia, sicut sunt una essentia, una magnitudo, una veritas: sed hæc nomina sunt essentialia, non personalia; ergo & nomen sapientia.

Præterea: reddens rationem hujus prosequitur: *Propterea non eo Verbum, quo sapientia, quia Verbum non ad se dicitur,*

*sed tantum relativè ad eum, cujus Verbum est, sicut Filius ad Patrem: sapientia verò eo quo essentia. Et idè, quia una essentia, una sapientia: atqui si sapientia esset nomen personale, relativè diceretur, non ad se, nec esset una sapientia, sicut una essentia; ergo &c.*

Hinc deducit S. Doctor, quòd quando sapientiae nomen supponitur personæ Filii; non sapientia absolutè dici debet, sed sapientia nata, seu genita: *Quoniam verò (inquit), & Verbum sapientia est, sed non eo Verbum, quo sapientia, Verbum enim relativè, sapientia essentialiter intelligitur: id dicit accipiamur, ehm dicitur Verbum, ac si dicitur, nata sapientia ut sit, & Filius, & imago: Et hæc duo cum dicuntur, idè est nata sapientia, in uno eorum eo quòd est nata, & Verbum, & Imago, & Filius intelligatur; & in his omnibus nominibus non ostendatur essentia; quia relativè dicuntur: at in altero, quòd est sapientia, quoniam & ad se dicitur, se ipsa enim sapiens est, etiam essentia demonstratur, & hoc ejus esse, quòd sapere. Quibus apertè constat, sapientia nomen non absolutè de Filio dici, sed cum addito, nempe cum dicitur nata, genita: hæc enim ratione soli Filio non solum appropriatè, sed propriè congruit, nec aliud quàm nomen Filii, & Verbi exprimit.*

**XXI.** Secunda verò pars probatur. Quia in Sacris Litteris sapientia Filio Dei sæpe appropriatur non solum quia sæpe dicitur Filius Dei sapientia concepta, Proverb. 8. v. 24. *nondum erant abyssi, & ego jam concepta eram.* Ecclesiastic. 24. v. 5. *ego ex ore Altissimi prodivi, primogenita ante omnem creaturam:* sed etiam, quia nomen sapientiae absolutè dicitur de Filio Dei: unde S. Paulus 1. Cor. 1. v. 24. vocat Christum Dei virtutem, & Dei sapientiam. Et meritò quidem. Illud enim nomen per appropriationem de Filio dicitur, quòd licet significet rem tribus Personis communem, analogiam tamen habet cum modo peculiari, quo Filius à Patre procedit: atqui hujusmodi est nomen sapientia: Nam modus specialis procedendi in Filio est procedere per intellectum. Sapientia autem vel est intellectus ipsa, vel ejus operatio, vel virtus; ergo &c.

**XXII.**

XXII. Quæres, an Pater divinus dici possit sapiens sapientiâ genitâ?

Respondeo negativè: aliàs Pater divinus constitueretur sapiens per Filium, aut reciperet sapientiam à Filio. Vel enim Filius esset forma, quâ Pater esset sapiens, sicut paternitate est Pater; vel Filius esset principium sapientiæ in Patre, quod est absurdum. Si enim (inquit S. August. lib. 15. de Trinit. cap. 7.) *solus ibi Filius intelligit, & pater, & Patri, & Spiritui Sancto, ad illam reditur absurditatem, ut Pater non sit sapiens de se ipso, sed de Filio, nec sapientiâ sapientiam genuerit, sed eâ sapientiâ Pater dicatur esse sapiens, quam genuit* ..... profectò Filius Patrem sapientem facit. Et si hoc est Deo esse, quod sapere, & ea illi essentia est qua sapientia, non Filius à Patre, quod verum est, sed à Filio potius habet Pater essentiam, quod absurdissimum, atque falsissimum est .... est ergo Deus Pater sapiens eâ quâ ipse sua est sapientia, & Filius sapientia Patris de sapientiâ, quod est Pater, de quo genitus est Filius. Videri potest quoque lib. 7. de Trinit. cap. 1. 2. & 3. ubi hanc rem fusè pertrahit, & exponit, quomodo in Scriptis dicatur Filius sapientia Dei, vel Patris, non iràm: Sapientia Filius de sapientiâ Patre, sicut lumen de lumine, & Deus de Deo.

XXIII. Nec refert, si opponas primò S. August. lib. 83. quaest. 23. sapiens Deus dicitur .... quod ipse eam genuerit, quâ sapiens dicitur, sapientiam.

Nam respondeo, hoc reverè S. Augustinum dixisse, sed postea retraxisse lib. 1. retrahit. cap. 26. dictum reformando juxta ea, quæ in libris de Trinitate docuerat. De Patre, & Filio (inquit) ubi dixi, quod eam ipse genuerit, quâ sapiens dicitur, sapientiam: sed melius illam qualitatem in libro postea de Trinitate traximus.

XXIV. Neque iterum opponas. Pater divinus dicit Verbo, ut docet Augustinus lib. 7. de Trinit. c. 1. Cur ergo similiter non erit sapiens, seu intelligens Verbo; cum juxta Arselum in Monolog. cap. 63. nihil aliud sit dicere, quàm cogitando inveniri?

Rursus: si, ut docet D. Thom. 1. par.

qu. 37. art. 2. Pater, & Filius diligunt se Spiritu Sancto, cur similiter verum non erit, quod Pater cognoscat se Verbo, seu sapientiâ genitâ.

XXV. Respondeo enim, verè dici Pater dicit Verbo, non autem Pater est sapiens, sive intelligit Verbo: quia dicere est nomen notionale significans idem, ac loqui, & manifestare id, quod intelligitur: esse autem sapientem, intelligentem sunt nomina essentialia. Pater autem, manifestat quidem, exprimitque se ipsum Verbo, at non est sapiens, aut absolutè intelligens Verbo, ac si Verbum sit forma, quâ Pater, & Spiritus Sanctus sapiunt, & intelligunt: sed Pater eo sapiens est, & intelligens, quo Deus est, & idem de Spiritu Sancto.

Hinc ad id, quod additur, respondeo ex D. Tho. qu. 37. art. 2. relato, quod diligere in divinis sumitur dupliciter: essentialiter scilicet, & notionaliter. Secundum quod essentialiter sumitur, sic Pater & Filius non diligunt se spiritu Sancto, sed essentiâ suâ. Unde August. lib. 15. de Trinit. cap. 7. Quis audeat dicere, Patrem nec se, nec Filium, nec Spiritum Sanctum diligere, nisi per Spiritum Sanctum? Secundum verò quod notionaliter sumitur, sic diligere nihil aliud est, quàm spirare amorem: sicut dicere est producere Verbum, & florere est producere flores: sicut ergo dicitur arbor flores floribus, ita dicitur Pater dicere Verbo, vel Filio se, & creaturam. Et Patre, & Filio dicuntur diligentes Spiritu Sancto, vel amore procedente, & se, & nos. In quantum (ut observat ibi ad 3.) sicut Verbum genitum representat sufficienter Patrem & omnem creaturam, quam Pater intelligit; ita Spiritus Sanctus procedit ut amor bonitatis prima, secundum quam Pater amat se, & omnem creaturam.

Hinc assignat ibi ad 1. discrimen inter esse sapientem, vel intelligentem: Quod esse sapientem, vel intelligentem in divinis non sumitur, nisi essentialiter. Et idè non potest dici, quod Pater sit sapiens, vel intelligens Filio. Sed diligere sumitur non solum essentialiter, sed etiam notionaliter: Et secundum hoc possumus dicere, quod Pater, & Filius diligunt se Spiritu Sancto.

DU.

## DUBIUM II.

## §. II.

An Verbum Divinum procedat ex cognitione omnium, quæ in Deo sunt, tam formaliter, quàm virtualiter.

## §. I.

*Notantur aliqua.*

**I.** Cum Verbum procedat per cognitionem Patris, aperitur quæstioni locus, ex quom cognitione Verbum procedat; seu quænam sint, quæ cognoscit Pater, dum producit Verbum. Quia verò ea, de quibus controversia esse potest, alia sunt in Deo formaliter, & hæc sunt omnia prædicata divina, essentia nimirum, attributa, & relatione; alia sunt in Deo solum virtualiter, & hæc sunt creaturæ omnes, tum possibiles, tum futuræ: idè quærimus, an ex cognitione omnium horum procedat Verbum.

**II.** Rursus: cognitio omnium prædictorum dupliciter potest concurrere ad productionem Verbi. Uno modo solum concomitanter: ita ut licet de facto concurrat, non tamen per se; quia non est principium per se in quarto modo requisitum ad hoc, ut Verbum, quod modo est, procedat: ita ut si aliquorum ex diis cognitio in Patre non esset, adhuc Verbum, quale est modo procederet. Sicut esto, ut igitur comburatur debeat esse corpus, ratio tamen corporis per se non influit in combustionem; quia si per impossibile ignis non esset corpus, dummodo haberet vim combustivam combureret. Alio modo per se in quarto modo; ita ut cognitio omnium prædictorum sit principium influens in processionem Verbi; sic, ut si cognitio aliquorum in Patre non esset, Verbum non procederet, ut modo est.

Scotus opinatur, ad processionem Verbi per se concurrere solum cognitionem divinæ essentiae. Thomistæ autem, & alii aliter sentiunt modo explicando.

*Afferitio prima.*

**III.** Dico primò. Verbum per se procedit ex cognitione non solum essentiae, sed ex cognitione attributorum, ex cognitione Patris, sui ipsius, & Spiritus Sancti. Ita S. Thomas 1. par. qu. 34. art. 1. ad 3. dicens: *Pater intelligendo se, & Filium, & Spiritum Sanctum, & omnia alia, quæ ejus scientiæ continentur, concipit Verbum; ut sic tota Trinitas Verbo dicatur, & omnis creatura.* Idem repetit qu. 37. art. 1. ad 3. Quod asserit S. Thomas, ut probet, Verbo dici, tanquam rem in Verbo intellectam, convenire cuilibet Personæ, quia Pater intelligens omnia, concipit Verbum.

**IV.** Probatur verò hæc ratio. Verbum divinum per se procedere debet ex cognitione Patris, quæ sit necessaria, perfectissima, infinita, comprehensiva. Deitatis: est enim Verbum infinitum, & comprehensive repræsentativum totius Deitatis; ergo debet per se procedere ex cognitione, quæ Pater cognoscat omnia, quæ sunt formaliter in Deo.

**V.** Respondet Scotus, antecedens verum esse, sed falsum consequens, imò suppositum consequentis. Nam pro illo priori originis, quo Pater generat, non sunt cognoscibilia omnia divina, sed sola essentia; cum sola ipsa concipiatur se pro illo priori, nondum autem cætera, maxime relationes: cognitio autem infinita, & comprehensiva debet cognoscere quidem omnia, sed quæ pro signo cognitionis cognoscibilia sunt.

**VI.** Sed contrà. Probo enim, quod pro illo priori adhuc sint cognoscibilia omnia præfata. Et primò attributa. Si enim cognoscibilis est pro illo signo essentia divina, cognoscibilia erunt quoque attributa, quæ in illâ necessario radican- tur; & cum Pater suam essentiam comprehendat, illa de facto in suâ essentiâ cognoscet: cum enim divina essentia sit totius entis plenitudo, non poterit comprehendi, nisi in illâ, & ex vi illius omnis perfectio formaliter in eâ contenta cognoscatur.

*Tom. II.*

**K k**

**VII.**



VII. Secundò verò, quòd pro illo priori cognoscibiles sint etiam Pater, Filius & Spiritus Sanctus, præter rationem allatam, evinco sic. Pater æternus cognitione secundà, quâ generat Verbum, cognoscit perfectissimè se ipsum; & quia relativa sunt simul cognitione, & Pater refertur ad Filium, oportet, ut eàdem secundà cognitione cognoscat se, & Filium. Rursus: quia Pater summè, & comprehensivè cognoscit se ipsum, consequenter cognoscere debet omnes imaginabiles perfectiones, quas pro illo priori in se habet, & communicat Filio: sed inter illas enumeratur ( præter omnia absoluta ) etiam virtus spirativa; ergo Pater generans Filium suâ cognitione cognoscit, & comprehendit virtutem spirativam: sed cognita comprehensivè virtute spirativa, cognosce debet terminus spiratus, nempe spiritus; ergo pro eo signo omnia cognoscibilia sunt, & proinde cognitione productivâ Verbi cognoscit Pater, & dicit seipsum, Filium, & Spiritum Sanctum.

VIII. Ex his apparet æquivocatio Scoti. Prioritas enim originis non est prioritas, in quâ una Persona sit, vel intelligatur, & alia non sit, vel non intelligatur: sed est prioritas originis, quâ una persona intelligitur produciens, & alia ut ab eâ procedens, seu potius utraque simul intelligitur; una ut à quâ alia est, altera ut ab ipsâ. Cùmque non possit intelligi principium ut tale, non intellecto termino procedente, seu unum, ut à quo est aliud, non intellecto illo alio quod est ab illo, sic enim petit ordo originis: sit, ut nequeat intelligi Pater ut principium originis, quin intelligantur termini, qui ab illo oriuntur, sive procedunt.

IX. Dices primo pro Scotò. Verbum procedit à Patre ex cognitione essentia divinx: sed cognitio essentia divinx prior est cognitione attributorum, & relationum; ergo &c. min prob. cognitio prius terminatur ad objectum primarium, quàm ad secundarium: sed essentia est objectum primarium paternæ cognitionis, cetera autem divina sunt objectum tantum secundarium; ergo &c.

Respondeo, dist. maj. ex cognitione

essentia divinx, quæ sit comprehensiva ejus, conc. maj. ex cognitione &c. quæ sit præcisiua, nego maj. & dist. eodem modo min. nego conf. Dato ergo, attributa, & relationes esse objectum secundarium paternæ cognitionis ( quod superius opinati sumus esse falsum ) aduc tamen debent attingi à cognitione paternâ. Nam licet cognitio præcisiua objecti primarii possit haberi absque cognitione objecti secundarii; cognitio tamen comprehensiva objecti primarii, qualis est cognitio Patris, cùm debeat cognoscere objectum primarium totum, & totaliter, illudque quodad omnia penetrare, debet etiam cognoscere objecta secundaria in ipso inclusa.

X. Instabis. Esto cognitio comprehensiva objecti primarii sit cognoscitiva etiam objecti secundarii, quando secundarium pro illo signo intelligi potest, secus verò si pro signo, quo cognoscitur objectum primarium, objectum secundarium nondum sit cognoscibile: sed pro priori cognitionis paternæ nondum sunt cognoscibiles Filius, & Spiritus Sanctus; ergo &c. min. prob. Filius non potest intelligi pro priori ad suam generationem, nec Spiritus Sanctus pro priori ad suam processionem; ergo pro priori, quo Pater intelligitur producere Verbum, nondum intelligitur Verbum, & Spiritus Sanctus.

Respondeo ex dictis, negando min. nam prioritas illa non est prioritas *in quo*, seu intelligentiæ, sed prioritas *à quo*, seu potius ordo originis. Non potest autem intelligi unum ut originans, quin simul intelligatur, & id, quod ab eo trahit originem, ut dicebamus.

Verùm ex abundantia, distinguo min. non intelligitur Verbum, ut terminus exercitè productus, transeat min. ut objectum divinx cognitionis, nego min. Dato ergo, quòd pro illo priori non intelligantur Filius, & Spiritus Sanctus in ratione termini exercitè terminantis productionem, intelliguntur tamen in ratione objecti cogniti; quia nequit intelligi comprehensivè principium originis, quin intelligantur eâ, quæ à tali principio oriuntur.

XI. Replicabis. Objectum cognitionis

pa-

paternæ debet esse aliquid exercitiæ productum, & existens, cum sit intuitiva; ergo si Verbum, & Spiritus Sanctus non intelliguntur exercitiæ &c. pro illo priori non poterunt esse objectum cognitionis paternæ.

Respondeo dist. ant. aliquid exercitiæ productum per eam, conc. ant. pro priori ad eam, nego ant. Cùm enim cognitio paternæ sit productiva, & activa, non requirit, ut ejus objectum pro omni priori intelligatur exercitiæ existens; sed sufficit, ut toto instanti sit existens ut productum per illam. Sic Verbum, & Spiritus Sanctus, licet non intelligantur existentes pro priori cognitionis paternæ; intelliguntur tamen ut accipientes esse, Verbum per cognitionem, Spiritus Sanctus per inspirationem, quæ in eodem instanti sunt: & hoc, ut in Tractatu de Scientiâ Dei vidimus, sufficit ad cognitionem intuitivam, quæ est sui objecti factiva.

XII. Dices secundò. Verbum ex ejus cognitione procedit, cujus est imago; sed non est imago Spiritus Sancti; ergo &c.

Respondeo neg. maj. Nam Verbum solum est imago illius, à quo oritur, ut expressa similitudo ejus in principio quo, seu formâ intelligibili, quæ est sola essentia, in quâ Pater intendit primò assimilare Verbum, & quam primò intendit illi communicare: unde Verbum est imago solius Patris. At quia oritur à Patre per cognitionem comprehensivam suæ essentiae, ac sui ipsius; idè oritur ab ipso, ut cognoscente non solum seipsum, ac suam essentiam, sed omnia divina. Quare discernere oportet inter has duas propositiones: *Verbum procedit à solo Patre, ut expressio naturæ ipsius, seu figura substantiæ ejus*, ita ut sola natura divina, sit forma, & principium quo Verbum exprimitur, & in quo Pater primò assimilât Verbum, & hoc verum est; & istam: *Verbum procedit ex cognitione solius Essentiae*, ita ut sola res intellecta cognitione paternâ sit essentia & hoc est falsum; quia Pater æternus producendo Verbum, non dicit solam essentiam in Verbo, sed totam Trinitatem, quamvis non sit totius Trinitatis imago, quia à totâ Trinitate non oritur, sed à solo Patre.

## S. I I I.

*Aptitio secunda de cognitione possibilium.*

XIII. Deo secundò. Verbum divinum per se procedit etiam ex cognitione omnium creaturarum possibilem: ita ut, si ex harum cognitione non procederet, non esset Verbum infinitum, quod modò est. Ita D. Thomas locis laudatis docens, quod *tota Trinitas Verbo dicatur, & omnis creatura*. Praefertim verò eadem qu. 34. art. 3. ubi quaerens, an in nomine Verbi importetur respectus ad creaturam, resolvit affirmative. Primò auctoritate Augustini lib. 83. quæst. qu. 63. dicentis: *In nomine Verbi significatur non solum respectus ad Patrem, sed etiam ad illa, quæ per Verbum facta sunt operativâ potentia*. Secundò hæc ratione: *Deus enim cognoscendo se, cognoscit omnem creaturam. Verbum igitur in mente conceptum est repræsentativum omnis ejus, quod actu intelligitur. Unde in nobis sunt diversa verba secundum diversa, quæ intelligimus. Sed quia Deus uno actu, & se, & omnia intelligit, unicum Verbum ejus est expressum, non solum Patris, sed etiam creaturarum. Et sicut Dei scientia, Dei quidem est cognoscitiva tantum, creaturarum autem cognoscitiva, & factiva: ita Verbum Dei, ejus, quod in Deo Patre est, est expressum tantum; creaturarum verò est expressum, & operativum: & propter hoc dicitur in Psalmo. 32. Ipse dixit, & facta sunt, quia importatur in Verbo ratio factiva eorum, quæ Deus facit*. Hæc D. Thomas.

Ex quibus discurro sic. Verbum divinum procedit ut expressum, non solum eorum, quæ in Deo sunt, sed etiam creaturarum, idè non expressum tantum, sed & factivum; ergo cognitio, per quam procedit, attingit non solum ea, quæ in Deo sunt, sed etiam creaturas, quæ à Deo sunt; ergo non est cognoscitiva tantum, sed & factiva: nihil enim est in Verbo expressum, quod cognitione, quâ procedit, non fuerit cognitum.

XIV. Accedit ratio supra allata. Verbum

X k 3

hum divinum, utpotè infinitum, per se, & necessario procedit ex cognitione comprehensivâ divinæ essentiae, & omnipotentiae: ita ut omnia, quæ in divinâ essentia, & ex vi illius cognoscibilia sunt, cognitione productivâ Verbi cognoscantur; cum sicut est una in Deo cognitio omnium, ita sit unum Verbum omnium: sed ex vi comprehensionis divinæ essentiae debent necessariò cognosci possibilia; ergo &c. Min prob. Nequit comprehendere divinâ essentia, quin comprehendatur divina omnipotentia in eâ inclusa. Nequit autem comprehendere divina omnipotentia, quin cognoscantur omnes effectus in ipsâ præcontenti, & ab ipsâ causabiles: sed creaturæ possibiles sunt effectus præcontenti in divinâ omnipotentia, & ab eâ causabiles; ergo ex vi comprehensionis illius debent cognosci. Videantur dicta. *trakt. de Scientiâ Dei, qu. 3. dub. 3. §. 5. & 1.*

XV. Dices primò. Magis necessarium non procedit à minis necessario: sed Verbum divinum est magis necessarium, quàm sint creaturæ possibiles; ergo non procedit ex cognitione earum.

Respondeo primò concessis præmissis, negando consequentiam: nam syllogismus est in quatuor terminis; quæ in conclusione ponatur ly *ex cognitione possibilibus*, quod non fuit positum in præmissis. Quare ut bene argueretur, debebat concludi sic: ergo Verbum divinum *non procedit ex possibilibus*; & sic conclusio esset de fide, cum Verbum divinum procedat à solo Patre; sed non est contra nos, qui nunquam diximus, Verbum divinum procedere ex possibilibus, sed ex cognitione eorum.

XVI. Respondeo scundò claritatis gratiâ, distingu. maj. ut à principio productivo, co. maj. ut ab objecto cognito, subdistinguo: si cognitio minùs necessarii sit æqualis necessitatis cum cognitione magis necessarii, nego maj. Si sit inæqualis necessitatis, conne. maj. Porro, cum cognitio divina possibilibus sit æqualis necessitatis, ac productio Verbi, aliàs non esset comprehensiva; idèd necessariò, ut sit productiva Verbi divini, & infinitæ representationis, debet concludere quoque possibilia, necessitate non ortâ ex

possibilibus, sed ex ipsâ cognitione, quia divina, & comprehensiva.

XVII. Neque urgeas contrâ primam, responsum. Verbum dicit respectum ad id, à quo procedit: si ergo importat respectum ad creaturas, sequitur, quòd procedat à creaturis.

Nam ad hoc respondit D. Thom. cit. qu. 34. art. 3. ad 3. *Quòd creatura non cognoscitur à Deo per scientiam à creaturis acceptam, sed per essentiam suam: unde non oportet, quòd à creaturis procedat Verbum, licet Verbum sit expressum creaturarum.*

XVIII. Dices secundò. Ut comprehendatur ens penitus absolutum, non est necesse cognoscere aliud ab ipso distinctum: sed omnipotentia est ens penitus absolutum; ergo ut comprehendatur, non est necesse cognoscere possibilia ab ipsi distincta.

Respondeo, dist. maj. si sit absolutum tam à dependentiâ, quàm à connexionem, conc. maj. si sit absolutum quidem à dependentiâ, nun verò à connexionem neg. maj. & similiter ad min. Omnipotentia, enim est ens absolutum à dependentiâ, & ab omni respectu ad creaturas; non tamen est ens absolutum, à continentia earum, & consequenter à connexionem cum earum possibilitate. Si enim omnipotentia est debet necessariò continere in se, & inferre omnes creaturas possibiles.

XIX. Contra. Adhuc, si nullæ essent creaturæ possibiles, esset omnipotentia, quæ modò est, & Verbum procederet, sicut modò. Quis enim diceret, factâ impossibili vili creaturâ, omnipotentiam, & Verbum non fore ejusdem perfectionis, sicut modò sunt?

Nego tamen antecedens, & ejus probationem. Neque hinc ullum sequeretur absurdum. Nam si vilis creatura fieret impossibilis, hoc esset, quia in omnipotentia defecisset intrinsicæ virtus contentiva, & productiva illius, & Verbo vis intrinsicæ representativa illius: omnipotentia autem, & Verbum, cui aliquid intrinsicum defecisset, non esset omnipotentia, & Verbum, quæ modò sunt.

XX. Neque infes. Ex hoc sequi, omnipotentiam dependere à possibilibus, cum non possit esse sine illis.

Ne-

Nego enim sequelam. Nam unum relativum quatenus tale nequit esse absque suo correlativo: & tamen quatenus tale non dependet ab illo, cum sit simul natura cum illo. Sequitur ergo solum, omnipotentiam esse connexam cum possibilitate creaturarum, sicut prius cum posteriori, & causam cum possibilitate sui effectus; quod ex parte omnipotentiae nullam dependentiam dicit, sed solum ex parte creaturae, quae necessarii ab omnipotentia dependere debet. Sed de hoc jam locuti fuimus in *Traß. de scientia Dei* loco citato.

XXI. Dices Tertio. Verbum divinum per se solum procedit ex cognitione illius, quo formaliter constituitur Filius: sed non constituitur Filius per possibilita; sed per essentiam divinam; ergo &c.

Si dicas, Verbum divinum per se solum quidem procedere ex cognitione essentiae, quae formaliter Filius est, sed comprehensiva. Ex quo autem cognitio, quae Verbum procedit, sit comprehensiva essentiae divinae, sequitur quod debeat esse cognitio omnium, quae in illa, & ex vi illius cognoscibilia sunt, & proinde etiam possibilitium.

XXII. Instabis. Spiritus Sanctus, etsi procedat ex amore comprehensivo divinae essentiae, adhuc non procedit ex amore possibilitium; ergo etsi Verbum procedat ex cognitione comprehensiva divinae essentiae, adhuc non procedet ex cognitione possibilitium.

Respondetur, circa possibilitia duplicem esse sententiam, ut vidimus *traß. de divina Voluntate*. Unam, quae statuit creaturas posibles esse amabiles, quam supra amplexi sumus; & in hac sententia negandum est antecedens. Alteram negantem, eas esse à Deo amabiles; & iuxta hanc con. ant. neganda est consequentia. Cum enim creaturae posibles non sint amabiles, non mirum, si ex amore earum Spiritus Sanctus non procedat. At cum creaturae posibles sint cognoscibiles, debet Verbum, ex quo procedat per cognitionem comprehensivam, ex cognitione etiam illarum procedere.

## §. I V.

*Affertio tertia de Creaturis futuris.*

XXIII. Dico tertio. Verbum divinum per se non procedit ex cognitione futurorum. Probatur. Ex illius cognitione per se procedit Verbum, quod si auferetur, Verbum non esset ejusdem perfectionis, quā modo est: at si in Deo non fuisset cognitio futurorum quā modo est, adhuc Verbum ejusdem foret perfectionis, quā modo est; ergo &c. Maj. patet. Illud enim dicitur principium per se in quarto modo, quod ita exigitur, ut, si non esset tale principium, nec etiam esset id, cuius principium est. Min. verò constat ex D. Anselmo in monol. c. 30. nunc 31. dicente: *si igitur Deus cogitetur, nulla aliā existente creaturā, sive aliis existentibus, necessarium est, Verbum illius coaeternum illi esse cum ipso.*

XXIV. Secundo probatur. Cognitio, ex qua Verbum per se, & necessario procedit, est absolutē, & simpliciter necessaria, cuius obiectum, vel Deus sit, vel aliquid absolute connexum cum Deo: sed cognitio futurorum est absolute libera, & futura non sunt per se connexa cum Deo; potuit enim absolute Deus esse, etsi Antichristus, non esset futurus, & in tantum hic est futurus, quia Deus libere voluit, eum futurum esse; ergo &c.

Tertio probatur. Id quod est prius, per se non procedit ab eo, quod est posterius: sed processio Verbi prior est omni decreto libero circa futura, & consequenter omni cognitione futurorum; ergo &c. Min. patet; quia id à quo non valet consequentia ad aliud, est prius illo subsistendi consequentia: sed non valet est processio Verbi; ergo est cognitio futurorum; ergo prior est &c.

XXV. Licet autem Verbum absolute non procedat ex cognitione futurorum; ex suppositione tamen, quod futura, quae modo sunt, fuerint ab aeterno volita à Deo, & cognita, debet ea Verbum de facto representare. Quia tamen haec suppositio est omnino contingens, & supponens Verbum

bum jam productum; idè per se loquendo, nec Verbum procedit ex cognitione illorum, quia processio Verbi, quæ ex omni parte est necessaria, non potest per se procedere ab eo, quod est absolutè contingens, imò & posterius ipso; Nec Verbum debet per se absolutè manifestare ea, sine quibus absolutè sua manifestatio integra permaneret.

XXVI. Ex dictis colligitur, omnia, quæ in hac parte de processione Verbi dicta sunt, applicari posse processioni Spiritus Sancti. Sicut enim Verbum procedere diximus ex cognitione omnium, quæ formaliter in Deo sunt, quia procedit ex cognitione comprehensivâ: ita Spiritus Sanctus, cum procedat ex amore comprehensivo, procedit ex amore omnium, quæ formaliter in Deo sunt. An verò, sicut Verbum procedit ex cognitione possibilem; ita Spiritus Sanctus procedat ex amore illorum: resolutio, ut supra diximus, pendet ex quæstione, an possible sint amabilia. Si enim ponantur amabilia, ut nos ponimus, Spiritus Sanctus ex amore eorum procedet; si verò non ponantur, non procedet. Ex amore autem futurorum Spiritus Sanctus per se non procedit, sicut nec Verbum (ut diximus) ex cognitione illorum per se procedit.

## QUÆSTIO VI.

### De Personâ Spiritus Sancti.

**T**ertia Persona Sanctissimæ Trinitatis vocatur *Spiritus*, quia spiratur. Dicitur *Amor*, quia per amorem procedit. Dicitur etiam *Donum*. Tum quia donum est proprium amoris, nam amando aliquem volumus ei bonum. Tum quia amor est principium omnium donorum; dona enim aliquibus conferimus, quia eos diligimus. Licet autem hæc nomina, *Spiritus*, *Amor*, *Donum*, grammaticaliter non sint nomina relativa, ut sunt ista *Pater*, *Filius*: secundum tamen sensum Ecclesiæ per relativo accipiuntur, in quantum accommodantur ad significandam Personam ab aliis spiratam, amorem, seu impulsum procedentem, & donum, seu datum quatenus dicit relationem ad dantem. De hoc agit Sanctus

Thomas 1. par. qu. 36. art. 1. qu. 37. art. 1. qu. 38. art. 1. ad quem Studiosum remitto. De Spiritus Sancti processione, ejusque principio agemus.

## DUBIUM I.

An Spiritus Sanctus procedat à Patre, & Filio.

### §. I.

#### Error Græcorum.

**S**piritus Sanctum procedere à solo Patre celebris ac palmaris error fuit Græcorum, & quasi character, quo à Latinis discernuntur.

Non conveniant Historici. & Eruditi in assignando ejus primo auctore. Macedonio quidam illum assignunt, moti quâdam Epistolâ Justiniani Siciliæ Episcopi, ad Petrum Episcopum Antiochenum, quæ legitur in Quintâ Synodo Generali, ubi hæc sunt verba; *Macedonius spirat à Patre solo Spiritum Sanctum*. Sed (ait Frassen qu. 1. de Spiritu Sancto.) Quidam viri doctissimi pro Verbo *spirat* legendum putant *separat*; idque valde congruit errori Macedonii, qui cum Spiritus Sancti divinitatem negaret, negabat pariter ejus cum Patre consubstantialitatem; adeoque illum à Patre divellebat, & separabat. Cui & ego assentior. Nam, præterquam quod, evoluenti mihi acta Quintæ Synodi, præfatam Justiniani, Epistolam reperire non contigit; nullus, qui de Macedonio, ejusque erroribus scripserit, unquam memoravit, eum sensisse Spiritum Sanctum à solo Patre procedere.

II. Alii propterea huius erroris primum Auctorem faciunt Nestorium, alterum Episcopum Constantinopolitanum, quem palmaris error de duobus in Christo Personis, cujus Auctor extitit, notissimum facit. Ita inter ceteros Cabasutius in suâ *Notitia Conciliorum*. Ad hoc asserendum moventur, quia Theodoretus Nestorianæ factionis homo, factus Cyri Episcopus circa annum 430. in consutatione duodecim Capitulorum, quæ Cyrillus Alexandrinus ediderat adversus Nestorium, impugnans nonum Capitulum,

lum, seu anathematifmum, ubi Cyrillus dixerat: *Spiritus Sanctum proprium esse Filii*; reponit Theodoretus: *Proprium Spiritum Filii, si quidem ut ejusdem natura à Patre procedentem dixit, simul & nos confitemur. Si verò tanquam ex Filio, vel per Filium suam habere existentiam, & essentiam dicit, id esse blasphemum, & impium dicimus*. Ita Theodoretus. Ex quibus sic discunt. Theodoretus Nestorianus erat, cum hæc scripsit: sed docuit, Spiritum Sanctum à solo Patre procedere, & Cyrillum velut oppositum sentientem damnari; ergo hoc idè, quia Nestorius ejus Magister ita eum docuerat. Sed malum esse hæc illationem nemo non videt. Nam Theodoretus, etsi tunc Nestorianus in palmari ejus errore de duabus in Christo personis potuit de suorum errore addere, negando processionem Spiritus Sancti à Filio, quamvis Nestorius ejus Magister id non negavit. Cui omnes historici fidem facere videntur, qui recensentes Nestorii errores, de processione Spiritus Sancti à solo Patre, nec verbum faciunt.

III. Probabilior ergo, & verior opinio est, primum, qui hunc errorem de processione Spiritus Sancti à solo Patre, & non à Filio concepit, & peperit, fuisse Theodoretum ipsum, in Concilio Ephesino cum Nestorio damnatum. Qui tamen paulò post respiciens (ut ex litteris ejus ad Anatolium Patricium, ad Nomon, Consulem, ad Eusebium Ancyranum, & alios) ejusmodi priori sententiâ, summo omnium plausu in Concilio Chalcedonensi Catholicis proclamatus fuit anno 451. & hæresis de processione Spiritus Sancti à solo Patre, sopita remansit.

IV. Quo verò tempore fuerit primò excitata non plene constat. Volunt quidam, eam dormisse usque ad annum 675. quo tempore, nesciunt à quibus, fuit revocata in lucem, iterumque compressa in Concilio Anglicano anno 679. Sed absque solido fundamento; illud enim Concilium fuit convocatum ad hæreses Monothelitarum, & Eutichetis extirpandas, quibus Anglia tunc infestabatur, sed non ad extirpandam eam, quæ negit Sancti Spiritus processionem etiam à Filio. Verum quidem est, in confessione fidei asseri

*Spiritus Sanctum procedentem ex Patre, & Filio*: sed hoc non idè, quia hæc veritas tunc ab aliquo negaretur. Nam etiam in eo editur confessio Trinitatis, & consubstantialitatis Filii, quæ tunc non impugnabatur. Mens ergo illius Concilii non fuit præter Eutichetis, & Monothelitarum alias hæreses tunc grassantes configere: sed solum veritates à quinque Conciliis Universalibus, & aliis orthodoxis Patribus statutas suscipere, & venerari, ut ex titulo præfati Concilii apparet.

V. Alii propterea suspicantur, errorem hunc evigilasse anno 767. & colligunt ex Concilio Gentiliacensi sub Pippino Rege eodem anno celebrato; ubi (teste Adone Viennensi in Chronico) præter quæstionem de Imaginibus fingendis, pingendis in Ecclesiis, agitata fuit quoque altera, utrum Spiritus Sanctus, sicut procedit à Patre, ita etiam procedat à Filio: & hoc idè, quia sicut Latini exprobrabant Græcis, quòd, fructore Constantino Copronymo, Imagines despicerent: ita Græci improperebant Latinis, quòd ad Symbolum vocem *Filioque* adiecerint. Verum, his errore Græcorum non adhuc extirpato, oportuit rem iterum tractari anno 809. sub Carolo Magno in Synodo Aquisgran; ubi (eodem Adone referente) excitatâ Hierosolymis à quodam Joanne Monacho controversiâ de processione Spiritus Sancti à Patre, & Filio, statutum est, Legatos mittere Romam ad Leonem III. ad quem Carolus ipse Epistolam, quâ sua fides continebatur, direxit, ut Tom. 4. *Concil. Harduin. Col. 970. &c.*

VI. Hæc probabiliter dicuntur. Quamvis autem aliqui suspicentur in præfatis duobus Conciliis agitatum potius fuisse controversiam de additione ad Symbolum illius particulæ *Filioque* (quam Galli addiderant, Romani verò non) quàm de processione Spiritus Sancti à Patre & Filio; ut ex collatione Romæ habitâ inter Legatos Caroli, & Papam videtur apparere. Probabilius tamen existimo, in eisdem præfatis Conciliis actum quoque fuisse de veritate processionis Spiritus Sancti etiam à Filio, cujus oppositum iam pridem excitaverat (si Adoni credimus) qui-

dam Joannes Monachus, & Carolus Magnus in sua epistola ad Leonem III. non de additione particulæ *Filioque* tantum, sed magis de veritate processionis Spiritus Sancti etiam à Filio disertè agit. Et Constantinus Copronymus, ex quo ab Ecclesiâ Latinâ ob Imaginum cõtentum damnatus fuit, nedum de additione particulæ, sed de ipsâ processione Spiritus Sancti à Filio litem excitasse credendus est.

VII. Quisnam verò fuerit Joannes ille Monachus, qui (scribente Adone) Hierosolymis errorem de Spiritus Sancti à solo Patre processione excitavit, & Carolo Magno occasione dedit Concilium Aquisgranense convocandi, & Romanam Ecclesiam consulendi; Varii sunt Eruditi in eo statuendo. Pithæus, & Vossius suspicantur, fuisse Joannem Damascenum Sanctissimum illum, & eruditissimum Monachum, cujus opera pietatis, ac doctrinæ plena sub oculis habemus: ab hac tamen notâ cum liberant multi, & novissimus noster Pater le Quien in suis dissertationibus Damascenicis *dissert. 1. num. 16.* ubi ostendit, Joannem Damascenum præfatorum tumultuum qui Hierosolymis excitati fuerunt auctorem esse non potuisse, hęc præsertim ratione: Quia hæc omnia, quorum occasione celebratum fuit Concilium Aquisgranense, contigerunt annis 808. 809. & 810. sub Leone III. postremis Caroli Magni temporibus: Joannes verò Damascenus obierat ante septimam Synodum, quæ anno Christi 787. celebrata est, sedente Hadriano Leonis III. Prædecessore. Quid autem senserit Damascenus de processione Spiritus Sancti, dicemus infra.

VIII. Porro, etsi apud Græcos error iste quovis tempore aliquem habuerit Patronum; solum tamen apertè prodiiit in publicum anno 863. auctore Photio. Is enim in odium Latinorum, eò quod à Constantinopolitana Sede (quam invaserat) per Nicolaum Papam dejectus esset, Ignatio legitime Episcopo restituto, classicum pertinaci furore canere cepit, datâ Epistolâ ad Orientis Patriarchas, quâ Latinorum dogma de Processione Sancti processionem etiam à Filio, & alia disciplinæ capitâ acriter perstringebat. Adeoque prævaluit in animis Græcorum furentis ho-

minis persuasio, ut omnes ad se traxerit; tantæque pertinaciâ firmaverit; ut ex tunc omnes in neganda Spiritus Sancti processione à Filio conspiraverint: hocque velut publicam tesseram habuerint, quâ à Latinis scinderentur, ac se diro Schismate separarent.

IX. Post Photii mortem pluriès concordia tentata, pluriès Latinos inter & Græcos de hac quæstione conventum est, pluriès inita pax, & concordia: sed toties à Græcis violata, adeoque inconstantes fuerunt; ut teste Hosio lib. de Sacerdot. Conjugio, & lib. de Commun. sub utrâque specie; *Decis, & quæter ad Ecclesiâ germium redierint, & toties se abdicaverint.* Hoc maxime vifum est contigisse (omississimis) in Concilio Lugdunensi anno 1274. sub Gregorio X. ubi Græci, ejurato errore, in concordia cum Latinis rediere, Michael Paleologus ipsis imperante, ejusque nomine Georgius Acropolis, & Magnus Logotheta Romanam fidem professus est: & fides de Spiritus Sancti processione à Patre, Filioque Constitutione Synodica his verbis ad perpetuam rei Memoriam asserta est: *Fideli ac devotâ Professione fatemur, quod Spiritus Sanctus æternaliter ex Patre, & Filio, non tanquam ex duobus principiis, sed tanquam ex uno principio, non duabus spirationibus sed unâ spiratione procedit.* Verum non diù post, ad sua reversi stot sturbas in Oriente excitarent, ut Imperator ipse suæ exaustrationis periculum timens, visus sit tumultuantibus patrocinio esse: quamvis reverrà ad obitum usque pro unione cum stetit, adeò certum fuerit Græcis; ut mortui cadaver tanquam novatoris, & falsorum dogmatum propugnatoris, nullâ ecclesiasticâ sepultura nec Græci, nec Filius ejus Andronicus Imperii hæres, cohonestare dignati sint. Quare suscepto Imperio, Fidei Romane, & unionis, cui olim cum patre subscriperat, se apertum hostem professus, Pseudosynodum Schismaticorum Prælatorum, & Monachorum convocavit, pulso à Sede Constantinopolitana Joanne Vecco, & Georgio Cyprio intruso: In quâ Synodo Lugdunense Concilium confixum est, & Ecclesiarum conjunctio, & fides ibi statuta, sm-

improbata, & penitus rescissa est. De quo videri potest Leo Allatius *Lib. 2. de perpetua consensione cap. 15.*

X. Annus tandem 1439. visus fuit huic obstinato dissidio optatum finem attulisse; cum Joanne Paleologo Imperante multis disputationibus habitis, tùm Ferrariæ, tùm Florentiæ (quod translatum Concilium, Florentinum nuncupatum fuit) Græca tandem vietas manus dedere, & in Latinorum sententiam concesserunt. Die enim 6. Julii anni præfati, post solemne Sacrum ab Eugenio IV. Romano Pontifice celebratum, lecta definitio est, ipso Imperatore, & Ecclesiæ utriusque Episcopis, & Abbatibus præsentibus approbantibus, & subscribentibus; quâ hæc fidei veritas ab omnibus Christianis credenda, & suscipienda declaratur: *Quod Spiritus Sanctus ex Patre, & Filio æternaliter est, & essentiam suam, suumque esse subsistens habet ex Patre simul & Filio, & ex utroque æternaliter tanquam ab uno principio, & unâ spiratione procedit.* Secundò *explicationem verborum illarum, veritatis declaranda gratiâ, & imminente tunc necessitate, licitè, ac rationabiliter Symbolo fuisse appositam.* His utriusque Ecclesiæ consensu solemniter firmatis, perpetuam fore imponitur cum Græcis pacem sperabatur. Verùm in Orientem reduces, instigante maximè Marco Ephesio, qui solus subscribere recusaverat Florentinæ definitioni, res in peius ruere cæperunt: donec tandem jurati fœderis obliti ad vomitum turpissimè reversi, errores pristinos resumere, in quibus continuarunt, & in præsens adhuc perseverant.

Oportuit hinc aliquantisper immorari, ut noverit Studiosus, quanti hanc questionem fecerit Ecclesiâ, & quantâ diligentia tractanda sit, ut appareat, quàm fundatè Ecclesiâ Latina pro eâ semper decertaverit, & quàm irrationabiliter Græca Ecclesiâ ei contradixerit, & adhuc contradicat.

## §. I I.

*Spiritus Sancti à Patre, & Filio processio ex Scripturis.*

XI. **D**ico. Spiritus Sanctus à Patre, & Filio procedit. Hanc Catholicam veritatem docuit nos Christus ipse 1. Joann. 15. v. 26. *Cum autem venerit Paracletus, quem ego mittam vobis à Patre Spiritum veritatis, qui à Patre procedit, ille testimonium perhibebit de me.* Et cap. 16. v. 7. *si enim non abiero, Paracletus non venit ad vos; si autem abiero mittam eum ad vos.* Quibus verbis Christus Filius Dei promittit, se missurum Spiritum Sanctum: sed Persona divina mitti non potest, nisi ab eâ, à quâ procedit: Cùm missiones divinarum Personarum, non secundum imperium, aut consilium, sed secundum emanationem, & originem accipiendæ sint, ut superius ostendimus in præfati Tractatu qu. 4. dub. 3. §. 5. Unde Pater, qui à nullâ Personâ procedit, à nullâ mittitur; ergo &c.

Hinc August. lib. 4. de Trinit. cap. 20. *Ab illo itaque (inquit) mittitur, à quo emanat.* Et post multa subjungit: *sed Pater, eum ex tempore à quoquam cognoscitur, non dicitur missus: non enim habet, de quo sit, aut ex quo procedat.* Et rationem adsignat; quia *mitti ab aliquâ ex divinis Personis est cognosci, quâ ab illâ procedat.*

XII. Novi, Græcos respondere, Scripturæ verba, quibus asseritur, Spiritum Sanctum à Filio mitti, intelligenda esse, non quidem de ipsâ Spiritus Sancti Persona; sed de donis, quæ per quandam appropriationem tribuuntur Spiritui Sancto.

Sed hæc responsio violenta est. Primò. Nam Christus dicit, se missurum Spiritum à Patre, & qui à Patre procedit: sed Spiritus quî à Patre venit, & procedit est Persona, non sola dona; ergo &c. aliàs Persona Spiritus nec à Patre procederet. Secundò Spiritus, quem promittit Christus, ab eo mittendus est, & venturus; *mittam eum ad vos: venit ad vos: sed mittere, venire dicuntur de Personâ,*

I I

nec



nec nisi valde improprie dici potest de-  
cedere: hic enim potius dari, & commu-  
nicari dicitur; ergo &c.

XIII. Tertiò. Spiritum, quem se mis-  
surum pollicebatur, vocat Spiritum suum,  
*Spiritum veritatis*, idest Filii: quem  
Paulus, Gal. 4. v. 6. misit (inquit) *Spi-  
ritum Filii sui in corda vestra*: quem  
Apotholis insufflando dedit, Joann. 20. v.  
22. *accipite Spiritum Sanctum*: sed his  
omnibus significari voluit, Personam  
Spiritus Sancti à se ipso procedere; ergo  
&c. Min. prob. Si enim dum Filius dicitur  
Verbum Patris significatur, Verbum  
esse à Patre; cur dum Spiritus Sanctus dicitur  
Spiritus Veritatis, Spiritus Filii,  
non dicitur à Filio procedere? Rursus:  
eundem Spiritum insufflando dedit, quem  
postea in die Pentecostes misit: sed Spi-  
ritum Sanctum, non tantum dona in die  
Pentecostes misit; ergo &c. Præterea:  
Joann. 15. v. 26. ait: *Quem ego mittam  
vobis à Patre*. Et 14. v. 26. *quem mittet  
Pater in nomine meo*: Eum ergo significat  
se mittere à Patre, quem mittit Pater:  
sed Pater mittit, quia à se procedit; ergo  
& Christus dicens, se Spiritum mittere,  
significat, eum se mittere, quia à se pro-  
cedit. Tandem, se missurum dicit Spi-  
ritum Sanctum, eo modo, quo antea non  
fuerat datus Joann. 7. v. 39. *Nondum  
enim erat Spiritus datus, quia Jesus non-  
dum erat glorificatus*: sed quantum ad  
dona jam fuerat datus Prophetis, aliisque  
virtus Sanctus; ergo alio speciali modo  
significabat, se post suam Ascensionem  
Spiritum daturum.

XIV. Omnia hæc sumta sunt ex S. Au-  
gustino lib. 4. de Trin. cap. 20. *Sicut (in-  
quit) Spiritui Sancto donum Dei esse est à  
Patre procedere; ita mitti est cognosci,  
quia ab illo procedat. Nec possumus dicere,  
quid Spiritus Sanctus, & à Filio non  
procedat: neque enim frustra idem Spiritus,  
& Patris, & Filii Spiritus dicitur.  
Nec video, quid aliud significare voluerit;  
eum sustans in faciem discipulorum, ait:  
Accipite Spiritum Sanctum. Neque enim  
fuit ille corporeus... substantia Spiritus  
Sancti fuit, sed demonstratio per con-  
gruam significationem, non tantum à Pa-  
tre, sed & à Filio procedere Spiritum San-  
ctum. Quis enim dementissimus dixerit,*

*alium fuisse Spiritum, quem sustans de-  
dit; & alium; quem post Ascensionem  
suam misit? ... Quod ergo ait Dominus:  
Quem ego mittam vobis à Patre, ostendit  
Spiritum, & Patris, & Filii. Quia  
etiam cum dixisset: Quem mittet Pater,  
addidit, in nomine meo; non tamen di-  
xit: Quem mittet Pater à me: quemad-  
modum dixit: Quem ego mittam vobis à  
Patre, videlicet ostendens, quod totius  
divinitatis, vel si melius dicitur, Dei-  
tatis, principium Pater est. Qui ergo à  
Patre procedit, & Filio, ad eum refer-  
tur, à quo natus est Filius. Et quod dicit  
Evangelista: Spiritus nondum erat datus  
&c. quomodo intelligitur, nisi quia certa  
illà Spiritus Sancti datio, vel missio post  
clarificationem Christi futura erat, qualis  
numquam antea fuerat? Neque antea  
nulla erat, sed talis non fuerat &c. Ita  
Graecorum obstruit ora Augustinus.*

XV. Secundò probatur ex aliis Christi  
verbis Joann. 16. v. 13. &c. ubi de Spi-  
ritu Sancto ait primò. *Non enim loquetur  
à semetipso: sed quacumque audiet, lo-  
quetur... Secundò. Ille me clarificabit:  
quia de meo accipiet... Quia autem ra-  
tione de suo accipiet, exponit sic: Omnia  
quacumque habet Pater, mea sunt. Pro-  
pterea dixi: quia de meo accipiet. Quasi  
diceret: quia omnia, quæ habet Pater  
(excepta paternitate) mea sunt, idest  
mihi communia: Idem sicut Pater Spiritum  
spirat, ita & ego: & sicut accipit  
Spiritus de Patre, idest de substantià Pa-  
tris; ita accipit à me, de meo, idest de  
mea substantià: & sicut audit à Patre;  
ita audit à me. Cum autem (sic aiebat  
Joannes Theologus Provincialis Lombardie  
nostri Ordinis in Concilio Florentino)  
id quod accipit à Filio Spiritus Sanctus,  
non sit quid creatum, sed ipsum æterna-  
liter esse; & audire à Filio sit ipsum ori-  
ri, & emanare: si Spiritus Sanctus au-  
dit, & accipit à Patre, & Filio, signum  
est, quod ab utroque procedit.*

XVI. Neque est quod dicant Greci,  
apposuit Christum non dixisse: *de me ac-  
cipiet*, sed de meo, hoc est de meo Patre.  
Nam Christus ipse exponens seipsum  
subiunxit: *de meo accipiet*; quia quacun-  
que habet Pater mea sunt; ergo si Spi-  
ritus Sanctus accipit de Patre substantiam,

& esse, cùm quæcumque Pater habet (exceptâ paternitate) Filii sint; si Spiritus Sanctus de Patre accipit, & à Patre procedit, accipit quoque de Filio, & à Filio procedit. Hoc luculenter expressit Eugenius IV. in Litteris Unionis: *Quoniam* (inquit) *omnia, quæ Patris sunt, ipse Pater unigenito Filio suo gignendo dedit, prater esse Patrem; hoc ipsum quod Spiritus Sanctus procedit ex Filio, ipse Filius æternaliter habet, à quo etiam æternaliter genitus est.* Quòd multò ante expresserat S. Augustinus lib. 2. (al. 3.) contra Maximin. cap. 14. ubi Maximino quærente. *Si de substantiâ Patris est Filius, de substantiâ Patris est etiam Spiritus Sanctus, cur unus Filius sit, & alius non sit Filius?* Ecce (inquit) respondeo, *sive capias, sive non capias. De Patre est Filius, de Patre est Spiritus Sanctus: sed ille genitus, iste procedens: idè ille Filius est Patris, de quo est genitus, iste autem Spiritus utriusque, quoniam de utroque procedit. Sed idè cùm de illo Filius loqueretur ait: de Patre procedit: quoniam Pater processionis ejus est auctor, qui talem Filium genuit, & gignendo ei dedit, ut etiam de ipso procederet Spiritus Sanctus. Nam nisi procederet, & de ipso, non diceret Discipulis, accipite Spiritum Sanctum, eumque insufflando daret, ut à se quoque procedere significans, aperit ostenderet flando, quod spirando habas occultè... Amborum est ergo Spiritus, procedendo de ambobus.*

§. III.

*Probatur ex Patribus Græcis.*

XVII. **S**cripturæ accedunt testimonia Patrum: & primò quidem Græcorum veterum. Afferam primo D. Athanasium, qui Epist. 1. ad Serapionem num. 20. & 21. Macedonianis ostendit, quòd si Filius Dei, ut ipsi asserébant, res creata non est, neque res creata erit Spiritus Sanctus, qui sicut Filius à Patre, ita & ipse à Filio est. Postquam enim ostendit, quòd Spiritus ex Patre procedere dicitur, quia ex Verbo, quod ex Patre esse conceditur, effulget, & ab eodem mittitur, & datur; & hoc probavit

cis Scripturæ textibus, quibus evincitur, quòd sicut Filius à Patre, ita Spiritus à Filio mittitur: sicut Filius Patrem, ita Spiritus honorat Filium: sicut Filius ex Patre accipit, ita Spiritus ex Filio quoque accipit: & sicut Filius in nomine Patris venit, ita Spiritus in nomine Filii à Patre mittitur; concludit: *Cùm igitur eundem ordinem, eandemque naturam habeat Spiritus erga Filium, qualem Filius erga Patrem, quâ, quaso, ratione is, qui Spiritum Sanctum rem creatam esse contendit, non idem necessariò de Filio sentiet? Nam si Filius Spiritus res est creata, consequens est, ut & Verbum Patris rem creatam esse fateamur.*

XVIII. Neque dicas cum Marco Ephesio in Concil. Florent. sess. 21. D. Athanasium hoc loco non explicare originem unius Personæ ab aliâ, sed unitatem naturæ, & consensum voluntatis; ac si diceret: si Spiritus Sanctus conjunctus est Filio, sicut Filius Patri, naturâ scilicet, & voluntate, quâ concorditer omnia operantur; quomodo res creata dicitur Spiritus Sanctus, & non dicitur Filius?

Nam contra est. Athanasius non solum dicit, quòd eandem naturam habeat Spiritus erga Filium; qualem Filius erga Patrem, sed insuper *eundem ordinem*; atqui ordo inter divinas Personas, alius non est, nisi ordo originis; ergo intendit, quòd Spiritus habeat eundem ordinem originis erga Filium, qualem habet Filius erga Patrem; & quòd, sicut Filius in eadem naturâ oritur à Patre, ita & Spiritus in eadem naturâ originem trahit à Filio. Alioquin, quid intererat hoc probare, ex eo quòd mittitur Spiritus à Filio, sicut Filius à Patre, sicut Filius accipit ex Patre, ita Spiritus accipit ex Filio; si solum identitatem in naturâ, & non originem exponere Athanasius intendisset? Rursus: dicit Marcus. Quod concordî voluntate Pater & Filius mittunt, & dant Spiritum Sanctum. Benè: sed ego inflo. Vel loquitur Marcus de missione ad intra, vel de missione solum ad extra. Si de missione ad intra; ergo Spiritus Sanctus emittitur, spiratur, & procedit ad intra in eadem naturâ concordî voluntate Patris, & Filii: & sic habeo intentum. Vel loquitur de missione ad

l l 2 ex.

extra; ergo non bene concludit Athanasius, Spiritum Sanctum esse ejusdem naturæ cum Filio, & Spiritum rem creatam esse non posse, si Filius res creata non sit. Nam omnia, quæ ad extra procedunt, concordî voluntatē Patris, & Filii procedunt; & tamen hæc creata sunt, quia Filius res creata sit.

XIX. Proferri solet quoque Athanasii testimonium ex Symbolo ejus nomen præferente, in quo legimus: *Spiritus Sanctus à Patre, & Filio, non factus non creatus, nec genitus, sed procedens.*

Reponunt tamen ferè omnes recentiores Critici, etiam Latini, hoc Symbolum non esse Athanasii, quorum momenta expendit, & probat Natalis Alexandre noster *Sæcul. 4. Hist. cap. 6. art. 8.* Quia tamen Græci etiam Schismatici negare non audent Symbolum illum Athanasii factum esse legitimum (quamvis summâ impudetiâ effutiant, tunc ebrium fuisse, cum Symbolum illud composuit) & insuper quia Sanctus Thomas 1. 2. qu. 1. ad 3. illud Athanasii esse supponit dicens, *quoddam Athanasius non composuit manifestationem fidei per modum Symboli, sed magis per modum cujusdam doctrinæ; ut ex ipso modo loquendi apparet. Sed quia integram fidei veritatem, ejus doctrina breviter continebat, auctoritate Summi Pontificis est recepta, ut quasi regula fidei habeatur.* Propterea pro mei Candidati instructione utriusque partis, & affirmantis, & negantis fundamenta subijciam.

XX. Athanasio igitur Symbolum Traditio adjudicat. Omisso enim Divo Gregorio Nazianzeno, qui Orat. 21. quæ est in laudem S. Athanasii scribit, cum scriptam fidei confessionem Joviniano Imperatori obtulisse; quia an hæc scripta fidei confessio fuerit Symbolum, de quo agimus, meritò dubitari potest. Omisso etiam S. Augusti. qui lib. 3. de Trinitate cap. 8. aliqua in Symbolo Athanasiano contenta recitare videtur, quia Athanasii ea verba esse non dicit; unde probabiliter indicari potest, ea esse Augustini propria. Omisso etiam Concilio Toletano IV. ann. 633. in cujus cap. 1. multa in Symbolo S. Athanasii contenta recitantur; his, inquam, omisso.

XXI. Certius adfertur testimonium.

Primò. Ex canone Augustodunensi sæculi 7. anno 670. sub S. Leodegario, quo fannitur: *Si quis Presbyter, Diaconus, Subdiaconus, vel Clericus Symbolum, quod Sancto inspirante Spiritu Apostoli tradiderunt, & Fidem S. Athanasii Prasulie indefectibiliter non recenserit, ab Episcopo condemnatur.* Secundò ex Reginone, qui octavo sæculo floruit lib. 1. de Ecclesiasticæ disciplinâ, habetur: *Sermonem S. Athanasii Episcopi de Fide S. Trinitatis, cujus initium est: Quicumque vult salvus esse, memoriter teneat.* Tertio ex Aytione Episcopo Basileensi sæculo 9. anno 101. in Capitularibus decernente, ut fides S. Athanasii à sacerdotibus discatur, & ex corde die Dominico ad Patrem recitetur: qui mos in Ecclesiâ universalem tranziit, hodieque viget. Quartò. Eodem sæculo Anonymus qui sub Carolo Magno vixit, & Theodulphus lib. testimonior. De Spiritu Sancto ad Carolum. magnum à Sirmondo laudati idem testantur. Agobardus quoque cap. 3. eodem sæculo sic habet. *Beatus Athanasius ait: Catholicam nisi quis integram, inviolatamque servaverit absque dubio in æternum peribit.* Anscharius eodem sæculo, ex Petro Lambecio in ejus vitâ, jam morturus, canendam fratribus præcepit fidem Catholicam à B. Athanasio compositam. Ratramnus Corbejenfis lib. 2. contra Græc. opposita: *Beatus (inquit) Athanasius Alexandrinus Episcopus... in libello de fide, quem edidit, & omnibus Catholicis proposuit tenendum, inter cætera sic ait: Pater à nullo est factus, nec creatus, nec genitus; Spiritus Sanctus à Patre, & Filio, non factus, non creatus non genitus; sed procedens.* Idem eodem sæculo Æneas Parisiensis Lib. adversus Græcos. Hincmarus Remensis, Ratherius Leodicensis Episcopus, & Abbo Floriacensis in Apolog. ad Francorum Reges Hugonem, & Robertum: *Alii (inquit) dicunt, ut arbitror, secundum Athanasium: Spiritus Sanctus à Patre, & Filio, non factus, non creatus, sed procedens.* Quibus constat, nemo præcipue sæculo persuasum omnibus fuisse, Symbolum. Quicumque Græc. Athanasii factum esse legitimum. Hoc idem sæculo undecimo inter cæteros Otho Frisingensis asseruit dicens:

centi: *Athanasius manens in Ecclesiâ Treviorum sub Maximo ejus Ecclesiæ Episcopo: Quicumque vult &c. à quibusdam dicitur edidisse.* Adde pro hujus asserti testimonio, ab Usserio codicem ævo D. Gregorii Magni conscriptum adferri; alium Colbertinum 900. annorum, & ultra; alium Sangermanensem æqualis ætatis, cui titulus *Fides S. Athanasii Episcopi Alexandria; & alium qui Regis Æthelstani anno 930. in Angliâ regnantis aliquando fuit: unâ cum Symbolo Apostolorum fides S. Athanasii* (de quâ agitur) exarata legitur. Hæc, præter alia, sunt, quæ ad judicandum, Symbolum *Quisumque* esse reverâ Athanasii præteritis seculis animos movebant.

XXII. Quæ verò recentiores inducunt ad judicandum oppositum, sunt. Nec Athanasium, nec ullum Scriptorem ei coævum ejus Symboli meminisse. Imo S. Athanasius *epist. ad Antiochenos*, asserit, se alienum fuisse à condenda novâ fidei formulâ, cum Nicæna sufficeret. Secundò. Quia laudati symboli stylus Græci hominis non est, sed Latini. Tertiò. Quia in eo desideratur vox *Consubstantialis*, pro quâ adèq. pugnavit Athanasius. Quartò. Quia ab antiquissimis Athanasii codicibus abest. Quintò. Quia non convenit, quo anno, & quo in loco illud Athanasius conscripserit: cum alii dicant Treveris illud exarasse, alii Romæ, alii alibi. Hæc sunt præcipua Recentiorum Criticorum momenta, quibus adducuntur ut Symbolum præstatum D. Athanasio eripiant. Interrogati postea, ejus Auditoris, & ejus ævi sit factus, nesciunt pro certo affirmare. Quidam Eusebio Vercellensi illum tribuunt, quidam Anastasio Sinaitæ, quidam Anonymo Theologo Gallo Pippini, vel Caroli Magni temporibus occasione controversiæ tunc ibi agitæ (ut supra) de processione Spiritus Sancti. In quam sententiam concedunt Pithæus de *process. Spiritus Sancti*, & Vossius *disert. de tribus Symbolis*. Alii Vigilum Tarpensem in Africâ Episcopum, qui sub finem quinti seculi floruit, cui familiare fuit, saviente Wandalorum persecutione in Africâ, opuscula sub antiquorum Patrum nomine conscribere, nomine Athanasii Symbolum quoque edi-

disse suspicantur. Ita Quesnellius, cui Natalis Alexandre sese adjungit. Alii tandem Vincentium Lirinensem auctorem fuisse putant. Sic factum est, ut hoc Symbolum, dum Athanasio parentie illud spoliare contendunt, omni parente saltem certo spoliatum, veluti factus expositus ad Ecclesiæ fores ab ea susceptus sit.

Hæc omnia hinc, inde proposita prudens Lector æquâ lance ponderet, judicetque, an quæ recentiores pro eripiendo Athanasio parenti Symbolo adferunt, prævalere debeant Traditioni, quæ præteritis seculis Athanasio illud adjudicavit. Hæc enim in causâ adjutor potius esse volo, quàm Jdex. Ad rem præsentem revertor.

XXIII. Secundò. Affero testimonium Basilii *lib. 3. contra Eunomium*, quod in Concilio Florentino contra Græcos egregiè Joannes noster opponerebat: *Quid enim* (inquit Basilii) *neceste est, si dignitate, & ordine tertius est Spiritus, tertium ipsum esse naturâ? Nam dignitate secundum esse à Filio, ut qui ab illo esse habeat, & ab ipso accipiat, & annunciet nobis, & omnino ex illâ causâ pendent, pietatis sermo tradit.* Respondebat Marcus Ephesus, codicem, quem allegabat Joannes falsum esse. Sed infractè Joannes ostendit illi oppositum ex codice antiquissimo; & potius Græcos ipsos codices suos interpolasse eradendo ex Basilio verba, quæ processionem Spiritus à Filio indicant, & alia intrusisse contendebat. Hunc eundem S. Basilii textum profert contra Græcos Manuel Calecas natione Græcus Ordinis nostri *lib. 1.* ostendens, codices ante Schisma conscriptos ita exhibere.

XXIV. Tertiò. Affero S. Epiphanium in *Ancorato* tum num. 8. tum 67. ubi ait: *Jam verò sicut Christus ex Patre creditur Deus ex Deo, & Spiritus ex Christo, sic, ab ambobus: ut Christus his verbis asserit: Qui à Patre procedit; hic de meo accipiet.* Idem asserit num. 71. & 72. Hæc res autem 62. quæ est Sabellianorum: *Non alienus* (inquit) *est à Patre, & Filio; sed ex eadem substantiâ, ex eadem divinitate, ex Patre, & Filio subsistens semper Spiritus Sanctus.*

XXV. Quartò. Affero S. Cyrillum. adèq. apertè hanc veritatem testantem, ut Theo-

Theodoretus ipsum oppugnans, contrarii dogmatis effectus sit Caput, quod superius observavimus. Nedium enim *anathematismo* 9. ubi dixit, Spiritum esse proprium Filii, sicut est Patris: sed in responsione ad Orientalium objecta contra Anathematismum 9. Spiritum Sanctum à Filio procedere expresse affirmans: omnia (inquit) *existerent quacumque est Pater, excepto eo solo quod Pater est, & proprium habens, qui ex ipso est, & substantialiter inest ei, Spiritum Sanctum, divina miracula faciat*. Rursus lib. 34. *Theauri*, cui titulus: *ex substantiâ Patris & Filii esse Spiritum Sanctum*, hæc habet: Cum ergo Spiritus Sanctus in nobis existens, conformer nos efficiat Deo, procedat autem ex Patre, & Filio &c. Et infra: Cum igitur legem fortis Christus, Spiritus ipse, utpote qui in ipso, & ex ipso naturaliter existit, legem fert. Idem docet lib. 10. comment. in Joann. lib. de rectâ fide. Et in epist. ad Nestorium: Spiritus (inquit) *profunditur autem ab ipso, non minus profecto, quam ex Deo Patre*.

XXVI. Quinto. Affero S. Maximum martyrem in tract. de candelabro Zachariae Prophetæ, quem contra suos Græcos Joannes Vercus adducit. At ergo S. Maximus: Nîm Spiritus Sanctus, quemadmodum naturâ Dei est, ac Patris secundum substantiam: sic est Filii secundum substantiam; tanquam qui ex Patre substantialiter per Filium genitum inexplicabili modo procedat. Cum autem una divina Persona non possit dici alterius, neque ut pars, seu membrum alterius, neque ut possessa ab illâ, vel subdita illi, ut maxime in his corporalibus contingit, sed solum, quia ab illâ est, ut à principio suæ originis, quâ ratione Filius dicitur esse Patris; sequitur, quoddâ Spiritus Sanctus dicitur esse Patris, & Filii, quoddâ procedat à Patre, & Filio, ut à principio suæ originis. Nec enim Spiritus Sanctus potest dici Filii, quia præcisè sit ejusdem substantiæ cum Filio. Nam, si vera esset hæc ratio, non minus Filius posset dici Spiritus Sancti, quàm Spiritus Sanctus Filii, quod est inauditum. Ita discurreunt Demetrius Cydonius in lib. de Process. Spiritus Sancti, & Manuel Clêpas noster lib. 2. contra Græcos.

XXVII. Isthis addo, S. Maximum satis exprimere processionem Spiritus Sancti à Filio, dùm ait, quoddâ Patre substantialiter per Filium genitum inexplicabili modo procedat. Nam ut docet D. Tho. 1. par. qu. 36. art. 3. in corp. Quia Filius habet à Patre, quoddâ ab eo procedat Spiritus Sanctus, potest dici, quoddâ Pater per Filium spiret Spiritum Sanctum; vel quoddâ Spiritus Sanctus procedat à Patre per Filium, quod idem est. Unde Hilarius lib. 12. de Trinit. in fine relatus à D. Thoma ibi in argum. sed contra sic ait: *conserve hanc doctrinam, fidei mea Religionem, ut semper obtineam Patrem, scilicet te & Filium tuum unâ tecum adorem, & Spiritum Sanctum tuum, qui est ex te per unigenitum tuum, promerear*.

Pro hujus pleniori intelligentiâ observo duo. Primum. Quoddâ cum dicimus Spiritum Sanctum procedere à Patre per Filium, præpositio per significat causam, seu principium rei productæ, non autem producentis, seu actionis ejus: ut sensus sit, Spiritum Sanctum procedere à Patre mediante Filio: non autem, quod Filius sit Patri causa, vel ratio, cur spiret Spiritum Sanctum. Secundum. Quoddâ Spiritus Sanctus non procedat per Filium tanquam per instrumentum, aut ministrum, aut causam adjuvantem, sed tanquam per suppositum, quod origine medium est inter Patrem, & Spiritum Sanctum; quodque à Patre procedendo, accipit, quoddâ etiam ab eo procedat Spiritus Sanctus, quia eandem virtutem accipit, quam habet Pater.

Abstineo à proferendo Latinorum Patrum testimonio: possem enim hujus Catholicæ Veritatis testes omnes producere, ut Ambros. lib. 1. de Spiritu Sancto cap. 10. Aug. tract. 99. in Joann. & in libris de Trinit. ex quibus aliqua decerpere superius. Hilarius lib. 2. de Trinit. Gregor. lib. 2. dialog. cap. ult. Leonem 1. epist. 63. lib. 1. Fulgentium lib. de fide ad Petrum cap. 1. & alios. Verum cum Latinos Patres processionem Spiritus Sancti etiam à Filio credidisse adeo exploratum sit, ut nec Græci ipsi negare auli unquam fuerint; propterea supervacaneum foret in hoc immorari.

§. IV.

Probatur ex Conciliis.

XXVIII. **H**uiusmodi veritas fuit in pluribus Latinis Conciliis definita. Sub Anastasio Papa anno 403. celebratum est Concilium Toletanum primum, in cuius fidei confess. dicitur: *credimus, Spiritum quoque esse Paracletum, qui nec Pater sit ipse, nec Filius, sed à Patre, Filioque procedens* (hæc tamen fidei confessio Alteri Synodi Toletanæ mediæ inter primam, & secundam ab aliquibus tribuitur.) Secundò. Concilium Toletanum III. sub Pelagio II. anno 589. canon. 3. *Quicumque* (inquit) *Spiritum Sanctum non credit, aut non credid-rit à Patre, & Filio procedere. .... anathema sit.* Idem definitum fuit in Concilio Toletano IV. anno 633. cap. 1. In S. anno 633. cap. 1. & in 11. anno 675. ubi in confessione fidei dicitur: *Spiritum quoque. .... unum atque æqualem cum Deo Patre, & Filio credimus esse Deum. .... sed ab utrisque procedentem, amorum esse Spiritum.* Quæ omnia Concilia ante sextam Synodum Generalem, seu Constantinopolitanam tertiam, videlicet ante annum 680. celebrata fuere. Anno 767. celebratum fuit Concilium Gentiliense. Circa ann. 809. Aquisgranense. Quibus processio Spiritus Sancti à Filio statuta est, ut diximus. Et hæc ante Schisma Photii contigerunt.

Post Schisma verò, nimirum post annum 863. celebratum fuit Concilium Barrense anno 1007. ex Græcis, & Latinis coactum, cui S. Anselmus interfuit, & in eo primas partes habuit. Anno 1215. habitum fuit Concilium Generale Lateranense IV. sub Innoc. III. præsentibus Græcis, ut constat e. 4. Anno 1274. Ludunenfe Generale sub Gregorio X. & tandem anno 1438. congregatum fuit Florentinum itid. m. Generale, in quo sicut, & in præcedente, præsentibus, & consentientibus Græcis, processio Spiritus Sancti etiam à Filio definita est. Ut supra §. 1. ostendimus.

§. V.

Probatur rationibus Theologicis.

XXIX. **H**ic Catholico dogmati con- firmando theologicæ ratio- nes Florentinis Patribus non defuer., magnâ in parte ex D. Thomâ deprompte. Prima autem talis erat. Spiritus Sanctus, procedit à Patre; ergo etiam à Filio. Consequentiam probat D. Thomas in 4. Contrag. cap. 15. *Propter unitatem essen- tia, quod in Scripturis de unâ Personâ dicitur, & de aliâ oportet intelligi, nisi repugnet proprietati personali ipsius: sed in Scripturis de Patre dicitur, quod producat, & spirare Spiritum Sanctum, & spirare non repugnat proprietati personali Filii; ergo si Pater spirat, spirat quoque Filius.*

Hæc ratione evertitur principale fun- damentum Græcorum. Dicunt enim non esse de Deo sentiendum, nisi quod Scri- ptura tradit: cùmque in Scriptura Chris- tus loquens de processione Spiritus San- cti dicat, cum procedere à Patre, Joann. 15. v. 26. *Qui à Patre procedit, non- dicat autem, procedere à se ipso; non est sentiendum, Spiritum Sanctum proced- re à Filio.*

XXX. Hoc enim præoccupavit, & de- struxit D. Thomas laudatus diens: *Id quod in Scripturis de unâ Personâ dicitur, & de aliâ oportet intelligi, nisi repugnet proprietati personali ipsius.* Imò loco ci- tato, & 1. par. qu. 36. art. 2. ad 1. addit: *etiam si dictio exclusiva adderetur. Licet enim dicatur Matt. 11. v. 27. Nemo novit Filium, nisi Pater: non tamen à cognitione Filii, vel ipse Filius, vel Spiritus Sanctus excluditur. Unde etiam si diceretur in Evangelio, quod Spiritus San- ctus non procedit, nisi à Patre, non per hoc removeretur, quin procederet à Filio, eam hoc proprietati Filii non repugnet.*

Nec est mirum (prosequitur D. Thom. loco citato ex 4. Contrag.) *si Dominus, Spiritum Sanctum à Patre procedere dixit, de se mentione non fecit; quis omnia ad Patrem referre solet, à quo habet quidquid habet: sicut cum dicit. Joann. 7. v. 16. mea doctrina non est mea, sed ejus,*

ejus qui misit me, Patris: & multa huiusmodi in verbis Domini inveniuntur ad commendandam in Patre auctoritatem principii. Nec tamen in auctoritate promissa minime obtineat, se esse Spiritus Sancti principium, cum dixit cum Spiritum veritatis, se autem prius dixerat veritatem. Hæc D. Thomas, quæ repetit laudato loco ex 1. par. qu. 36. art. 2. ad 1.

XXXI. Totum hoc expresserat Sanctus Augustinus tractat. 99. in Joannem his verbis: Si ergo & de Patre, & de Filio procedit Spiritus Sanctus; cur Filius dixit, de Patre procedit? Cur putas, nisi quemadmodum ad eum solet referre, & quod ipse est, de quo & ipse est? Unde est illud, quod ait, mea doctrina non est mea, sed ejus qui me misit. Si igitur intelligitur hic ejus doctrina, quam tamen dixit non suam, sed Patris; quantum; magis illic intelligendus est, & de ipso procedere Spiritus Sanctus, ubi se ait, de Patre procedit, ut non diceret, de me non procedit? A quo autem habet Filius, ut sit Deus (est enim de Deo Deus) ab illo habet utique, ut etiam de illo procedat Spiritus Sanctus; ac per hoc Spiritus Sanctus, ut etiam de Filio procedat, sicut de Filio procedit, ab ipso habet Patre, & paucis interjectis: Neque enim (inquit) possumus dicere, quod non sit vita Spiritus Sanctus, cum vita Pater, vita sit Filius. Ac per hoc, sicut Pater cum habeat vitam in semetipso, dedit & Filio habere vitam in semetipso; sic ei dedit, vitam procedere de illo, sicut procedit & de ipso. . . . Ille me clarificabit, quia de meo accipet. Omnia quæcumque habet Pater, mea sunt; propterea dixit, quia de meo accipiet.

XXXII. Secunda ratio ex eodem S. Thomæ 1. par. qu. 36. art. 1. talis est. Spiritus Sanctus realiter distinguitur à Filio, ut Persona ab illo distincta; ergo realiter procedit ab illo: cum inter divinas Personas tota ratio distinctionis realis sit relativa oppositio: tota autem ratio, & fundamentum relativæ oppositionis inter illas est processio, & originis ab aliis. Hanc rationem fuscè expendit S. Doct. in 4. contrag. cap. 24. Verùm quia ejus efficacia impugnantur à Scoto, volente, quod Spiritus Sanctus

adhuc distingueretur realiter à Filio, etiam si ab illo realiter non procederet: idèd ad sequens Dubium examinanda remittitur.

XXXIII. Alias rationes, siue dixeris congruentias, loco supra relato ex 1. par. questione 36. articulo 2. assert S. Thomas, quarum prima est. Filius procedit, ut Verbum per modum intellectus, Spiritus Sanctus autem per modum voluntatis, ut amor: sed amor procedit à Verbo, non enim amamus, nisi secundum quod conceptione mentis rem apprehendimus; ergo amor divinus procedit à Patre simul, & Verbo. Hanc eandem rationem producit 4. contrag. cap. 24. citato.

XXXIV. Secunda est. Quando ab uno procedunt plura non solà materiali distinctione, sed formali, distincta, debent ab illo procedere cum ordine inter se: sed ab unà Personà Patris procedunt duæ Personæ scilicet Filius, & Spiritus Sanctus, quæ non solà materiali distinctione, sed formali, invicem distinguuntur; ergo oportet inter eas dari aliquem ordinem: Atqui nullus alius ordo inter illas potest assignari, nisi ordo originis, quo unus ex alio est, neque potest dici, quod Filius sit à Spiritu Sancto; ergo dici debet, quod Spiritus Sanctus sit à Filio. Majorem explicat D. Thomas, sic. Nusquam hoc invenimus, quod ab uno procedant plura absque ordine, nisi in illis solum, quæ materialiter differunt. Sicut unus faber producit multos cultellos materialiter ab invicem distinctos, nullum ordinem habentes ad invicem. Sed in rebus in quibus non est sola materialis distinctio, semper invenitur in multitudine productorum aliquis ordo. Viventia enim (ait 4. contrag. cap. 24. citato) sunt supra non viventia, & animalia supra plantas, & homo super alia animalia, cum in singulis horum diversis gradus inveniantur secundum diversas species. Unde & Plato species rerum, dixit esse numeros, qui specie variantur per additionem, vel subtractionem unitatis.

Hunc ordinem inter divinas Personas adesse vel Græci contententur, ut ait D. Thomas 1. par. qu. 36. art. 2. Unde (inquit) etiam ipsi Græci processionem Spiritus

ritu Sancti aliquem ordinem habere ad Filium intelligunt. Concedunt enim Spiritum Sanctum esse Spiritum Filii, & esse à Patre per Filium. Et quidam eorum dicuntur concedere, quòd sit à Filio, vel prosuat ab eo, non tamen quòd procedat: quòd videtur vel ex ignorantia, vel ex protervia esse. Quia si quis rectè consideret, inveniet, processionis verbum inter omnia, quæ ad originem qualescumque pertinent, communissimum esse. Utimur enim eo ad designandum qualescumque originem; sicut quòd linea procedit à puncto, radius à Sole, rivus à fonte. Et similiter in quibuscumque aliis.

XXXV. Tertia ratio fumitur ex 4. contrariis: esp. 24. citato sic. Quidquid non est contra rationem alicujus, non est impossibile ei convenire, nisi fortè per accidens: sed esse principium Spiritus Sancti non est contra rationem Filii; ergo non est impossibile, ut Filio conveniat esse principium Spiritus Sancti: sed quòd non est impossibile potest esse, quòd autem potest esse, in Deo de facto est, quia in divinis non differunt esse, & posse; ergo de facto Filius est principium Spiritus Sancti. Min. principalis probatur à D. Thomà. Est principium Spiritus Sancti non est contra rationem Filii, neque in quantum est Deus; quia Pater, qui est Deus, est principium Spiritus Sancti. Neque in quantum est Filius; eo quòd alia est processio Spiritus Sancti, alia Filii; non est autem repugnans, id, quòd est à principio secundum unam processionem, esse principium processionis alterius; ergo &c.

§. VI.

Græcorum rationibus respondetur.

XXXVI. Quid Græci obijciunt ex Scripturâ dilutum est §. præcedente num. 31. ex D. Thomà, & S. Augustino, & offensum, ex eo quòd Spiritus Sanctus dicatur procedere à Patre, sequi quòd procedat etiam à Filio, quia quæcumque habet Pater, habet & Filius, unicâ exceptâ Paternitate. Pro quibus iterum adduco testimonium S. Augustinum qui lib. 25. de Trinitate cap. 17. Non frustra (inquit) in

Tom. IV.

hoc Trinitate non dicitur, . . . de quò genitum est Verbum, & de quo procedit principaliter Spiritus Sanctus, nisi Deus Pater. Idem autem addidi, principaliter, quia, & de Filio Spiritus Sanctus procedere reperitur. Sed hoc quoque illi Pater dedit, non jam existenti, & nondum habenti; sed quidquid unigenito Verbo dedit, gignendo dedit. Sive ergo cum genuit, ut etiam de illo donum commune procederet, & Spiritus Sanctus spiritus esset amorum.

XXXVII. Primò ergo opponunt Theodoretum, qui in consutatione anathematismi noni, quem Cyrillus intorserat in Nestorium, carpit hoc Cyrilli dictum: Proprium esse Filii Spiritum, & aperit negat Spiritum Sanctum ex Filio, aut per Filium extantiam habere.

Respondeo Theodoretum hæc in re auctoritatem nihil esse faciendam. Nimium enim partibus Nestorii additus, & contra Cyrillum plus æquo accensus, non est mirum, quòd in Cyrillo damnaverit quòd Nestoriano dogmati opponi judicavit. Quapropter ab aliorum doctrinâ Græcorum recedens, primus processio-nem Spiritus Sancti à Filio negavit, ut §. 1. ostendimus. Quo factum est, ut utraque Ecclesia Catholica, Latina, & Græca in §. & 6. Synodo Generali Theodoretum scripta adversus Cyrillum damnaverit.

XXXVIII. At dices in Concilio Ephesino publicè lectum fuit Symbolum Nestorii, in quo expressè de Spiritu Sancto dicebatur, sed nec Filium putamus, nec per Filium substantiam sortitum. Recitata quoque fuit Theodoretum consutatio noni Anathematismi Cyrilliani, quæ voluit impiam damnabat propositionem asserentem Spiritum Sanctum ex Filio, aut per Filium existentiam habere. At illius Concilii Patres non leguntur contradixisse, imò nec Cyrillus ipse, cuius doctrina damnabatur; ergo ea videntur approbasse.

Respondeo primò, quòd si hæc instantia vires habet, evincit etiam plus, quàm Græci velint. Nam ipsi sive ante Concilium Florentinum, sive in ipso Concilio, & nunc etiam contendunt, Spiritum Sanctum à Patre per Filium procedere.

M m

dere.



dere. Cùm ergo hoc, sive à Symbolo Nestoriano, sive à Theodoretò negetur, & blasphemum iudicetur; non minus ac dicere, cum procedere ex Filio, nec Concilii Patres contraxerint; sequitur, etiam Græcos asserentes, Spiritum per Filium procedere, fuisse damnatos.

XXXIX. Respondeo secundò, negando min. Nam eo ipso, quòd Ephesini Patres admiserunt tanquam Catholicam Epistolam à Cyrillo, & Alexandrina Synodo scriptam, in quâ cap. 10. apertè asseritur, quòd Spiritus Sanctus: *quandoquidem Spiritus veritatis nominatur, Cbris- tus autem veritas est, & proinde quoque ab illo, atque & à Deo Patre procedit; censi sunt Symbolo Nestoriano contraxisse. Falsum quoque est, quòd Cyrillus confutationi Theodoretì non contraxerit. Oppositum enim constat ex responsione ad Orientalium objectiones contra anathematismum nonum. In eà enim apertè Cyrillus asserit, Filium, omnia cum Patre habere communia, præter paternitatem: Et si ( inquit ) Unigenitum Dei Verbum homo factum est, mansit tamen Deus, omnia existens quacumque est Pater, excepto solo, quòd Pater est. Et rursus: proprium habens, qui ex ipso est, & substantialiter inest ei, Spiritum Sanctum, divina miracula faciebat.*

XL. Respondeo tertio, Synodi Ephesinæ Patres palmaris Nestoriani erroris damnationi unicè intentos damnaſſe quidem Symbolum à Carisio illis præsentatum, quoad ea, quæ Nestorianum errorem exhibebat, ut constat actione 6. Concilii. Verùm ne novas controversias in Ecclesiâ excitarent, alia quæ non satis cautè Nestorius pronunciaverat, prudenter dissimularunt; eò vel maxime, quod in sanum sensum possent trahi; scilicet Spiritum Sanctum existentiam per Filium non habere, tanquam Filio extraneum, factum, & creatum, eo modo quo omnes creaturæ per Filium factæ dicuntur. Eadem quoque ratione in controversiâ exorata inter Cyrilli anathematismum nonum, & Theodoretum nihil definire vulerunt. Quod tamen Ephesini Patres non fecerunt, in quintâ, & sextâ Synodo impletum fuit, in quibus Theo-

doretì scripta adversus Cyrillum damna- ta fuerunt.

XLI. Secundò obijciunt S. Jo. Damaſcenum, qui octavo seculo imperante Leone Isaurico floruit. Is enim apertè asserit, Ecclesiâ Græcam non dicere, quòd Spiritus Sanctus sit ex Filio. *Lib. 1. de fide orthod. cap. 8. ubi de Spiritu Sancto: At verò ( inquit ) cum ex Filio esse non dicimus, Filii tamen Spiritum vocitamus. Et cap. 12. Spiritus Sanctus, ait, ex Patre per Filium procedens. Et post multa subiungit: Quin Filii quoque Spiritus dicitur, non velut ex ipso, sed per ipsum ex Patre procedens. Solus enim Pater auctor est. Et apertius homil. de Sabbato Sancto hæc habet: Spiritum Sanctum colimus, tanquam Dei, & Patris Spiritum, ex ipso nempe procedentem, qui tamen etiam Filii dicitur, quod per ipsum manifestatus rebusque conditiis impertitus; non autem ex ipso habens ut existat. Quibus videtur asserere, Spiritum Sanctum manifestari quidem exterius per Filium, at nihil habere à Filio, ut sit, seu ut ad intra procedat.*

XLII. Circa Damaſceni mentem in hæc quæſtione, non una fuit Doctorum opinio. Quidam illum rejiciunt inter Græcos, qui negarunt, Spiritum Sanctum, procedere à Filio, quibus adhærere visus est D. Thomas 1. par. qu. 36. art. 2. ad 3. ubi objecta sibi auctoritate Damaſceni, sic respondet: *Ad tertium dicendum, quòd Spiritum Sanctum non procedere à Filio primò fuit à Nestorianis introductum: ut patet in quodâ Symbolo Nestoriano damna- to in Ephesinâ Synodo ( de quo nuper ) & hunc errorem sequutus fuit Theodoretus Nestorianus, & plures post ipsum. Inter quos fuit etiam Damaſcenus. Unde ejus sententia non est standum. Verùm quia statim subiungit D. Thomas: Quamvis à quibusdam dicatur, quòd Damaſcenus, sicut non confiteretur, Spiritum Sanctum, esse à Filio; ita etiam non negat ex vi illorum verbum.*

XLIII. Idèd huic benigniori interpretationi cum Recentioribus ferè omnibus me subscribens, respondeo, Damaſcenum, dùm ait, Spiritum Sanctum non esse ex Filio, sed per Filium, Filium, non esse auctorem, & principium Spiritus Sancti;

fi; non velle, quod Spiritus Sanctus nullum ordinem dicat ad Filium, imò eum expresse admittit dùm dicit, eum esse *per Filium*, & *Spiritum Filii*: sed indicare solum voluit, Filium non esse, primum auctorem, principium, & fontem originis Spiritus Sancti, eo modo, quod Pater, qui virtute à se, non ab alio accepta, producit Spiritum Sanctum; cùm Filius, etsi principium sit originis Spiritus Sancti, non tamen sit fontale, & primum, sicut Pater, sed quasi medium, nempe vi spirativa habità, non à se, sed accepta à Patre. Hanc autem veritatem Damasceus, alique Græci Orthodoxi, existimarunt, melius explicari dicendo, Spiritum Sanctum non esse ex Filio, sed ex Patre per Filium, ne, dicentes eum esse ex Patre, & ex Filio, viderentur cum Arianis Spiritus Sancti productionem in Filium præsertim refundere potius, quàm in Patrem: Vel ne speciali quidam virtute à Patre non accepta, & actione à Paternà distinctà putaretur Spiritum Sanctum à Filio produci; & sic ne crederetur, aut Patrem ad eam non concurrere productionem, vel diversâ virtute concurrere; sicque Patrem & Filium esse duo principia, duas virtutes habentia, & proinde duas naturas. Quam suspicionem evitabant dicentes, procedere à Patre per Filium; sic enim explicabant, & originem Spiritus à Filio per ly per, & originem Filii à Patre, seu Spiritum non oriri à Filio nisi virtute accepta à Patre. Quod hæc propositio: *Spiritus Sanctus procedit à Patre per Filium*, sensum Catholicum faciat, ostendimus supra §. 3. num. 18. ex D. Thomà 1. part. qu. 36. art. 3. Quare Basilius lib. de Spiritu Sancto cap. 18. dicit. Spiritum Sanctum Patri per Filium copulari, bonitatem Sanctitatem . . . à Patre per Filium in Spiritum transire. Cyrillus lib. Theauri cap. 34. Spiritum Sanctum dicit Spiritum Dei appellari, quia conjungitur Filio, qui brachium est Patris, adeoque veluti mens per brachium digitum movet. Et hoc ut intelligatur, naturam divinam, quæ intelligitur à Patre communicata secundum originis ordinem Filio prius, quàm Spiritui Sancto, suam illam servare in Filio fecunditatem, quæ incepit in

Patre. Unde illud Nysseni effatum, una Deitatis substantia, unus voluntatis optimæ motus à Patre proficiscitur, perque Filium progreditur, & in Spiritu completur. Hæc si recte pensentur haud egrè poterunt conciliari Græcorum Doctorum, & Latinorum de Spiritu Sancti processione sententiæ, atque in unam fidem consentire inveniuntur.

XLIV. Tertiò obijciunt rationes. Si Spiritus Sanctus à Patre, Filioque procederet, jam essent duo Spiritus Sancti principia, tot enim essent principia, quot sunt Personæ, à quibus suum esse acciperet; itaque non possunt esse duo principia Spiritus Sancti, aliàs duplici actione produceretur, sicque à seipso divisus esset; ergo &c.

Respondetur cum D. Thom. laudatà qu. 36. art. 4. negando maj. ad ejus probat. Nego, ad multiplicationem principiorum sufficere multiplicitatem Personarum, sed ulterius requiritur multiplicitas formarum, & actionum. Quia (inquit S. Doct.) *Licet hoc nomen principium, significet proprietatem, tamen significat eam per modum substantivi, sicut hoc nomen Pater, & Filius etiam in rebus creatis. Unde numerum accipit à forma significata, sicut & alia substantiva. Sicut igitur Pater, & Filius sunt unus Deus propter unitatem forme significata per hoc nomen Deus: ita sunt unum principium Spiritus Sancti propter unitatem proprietatis (nempe virtutis spirativæ) significata in hoc nomine principium.*

XLV. At inquit primò. Spiritus Sanctus non potest procedere à Patre, & Filio, ut sunt unum; ergo ut sunt plures. Aut. probatur. Non potest procedere ab eis, ut sunt unum in naturâ; quia sic etiam procedere à seipso, qui est unum in naturâ cum ipsis. Neque ut sunt unum in aliâ proprietate personali; quia una proprietatis non potest esse duorum suppositorum.

Instabis secundò. Cùm dicitur Pater, & Filius sunt unum principium Spiritus Sancti, non potest ibi designari unitas personalis; quia sic Pater, & Filius essent una Persona. Neque etiam unitas proprietatis, quia, si propter unam proprietatem Pater, & Filius sunt unum.

M m a

pria-

276 *Quæstio VI. De Persona Spiritus Sancti.*

principium Spiritus Sancti; pari ratione propter duas proprietates, Pater erit duo principia, nempe Filii ratione Paternitatis, & Spiritus Sancti ratione spirationis activæ: sed hoc est falsum; ergo &c.

Inhabis tertio. Pater, & Filius, & Spiritus Sanctus, quia sunt unum principium creaturarum dicuntur esse unus Creator: sed Pater, & Filius non sunt unus Spiritor, sed duo Spiratores, unde Hilarius lib. 2. de Trinit. *Spiritus Sanctus* (inquit) à *Patre*, & *Filio auctoribus* confitendus est; ergo &c.

XLVI. Ad has instantias, quas contra se proponit D. Thom. 1. par. qu. 36. art. 4. respondeo. Ad primam cum eodem ad primum neg. ant. ad probationem dicit S. Doctor: quod si attendatur virtus spirativa, Spiritus Sanctus procedit à *Patre*, & *Filio*, in quantum sunt unum in virtute spirativa, quæ quodammodo significat naturam cum proprietate. . . . Neque est inconvenienti, unam proprietatem esse in duobus suppositis, quorum est una natura. Si vero considerentur supposita spirationis, sic Spiritus Sanctus procedit à *Patre*, & *Filio*, ut sunt plures. Procedit enim ab eis, ut amor unitivus duorum. Hæc S. Doct. Quibus patet, Spiritum Sanctum procedere à *Patre*, & *Filio*, ut sunt unum in natura, non præcisè, sed cum tali proprietate. Ex quo non sequitur, Spiritum Sanctum procedere à se ipso; quia esset sit unum in naturâ cum ipsis, non tamen est unum in naturâ cum tali proprietate, nempe vi spirativâ.

Addo, hanc instantiam nimis probare; probaret enim, Patrem æternum non producere Filium ratione suæ substantiæ, nec Filium procedere de substantiâ Patris, alias procederet à seipso.

XLVII. Ad alteram respondeo cum eodem S. Thomâ ad secundum: quod eum dicitur Pater, & Filius sunt unum principium Spiritus Sancti, designatur una proprietat, quæ est forma significata per nomen. Non tamen sequitur, quod propter plures proprietates possit dici Pater plura principia; quia implicaretur pluralitas suppositorum: id est, ut Pater diceretur plura principia, deberet multiplicari non solum proprietat, sed etiam

Persona; idedque unus homo habens plures artes non dicitur plures artifices, sed unus artifex. Quod eò magis verificatur in *Patre* æterno, in quo vis spirativa, & generativa idem realiter sunt, & solâ ratione diversæ. Quâ ratione nec Pater, ut est principium Filii, nec Filius ut est principium Spiritus Sancti, dici debent duo principia, sed unum; quia vis generativa, quæ est in *Patre*, vis spirativa, quæ est in *Patre*, & *Filio* non distinguuntur realiter, quamvis realiter distinguantur supposita, ut docet Anselmus lib. de Process. Spiritus Sancti. cap. 20. & ratio est: quia ad multiplicationem nominis substantivi non sufficit multiplicatio solâ formæ, nec solâ multiplicatio suppositi; sed requiritur multiplicatio utriusque, formæ scilicet, & suppositi, & hæc non solâ ratione, sed realis.

Quod si quæras. Quando dico Pater, & Filius sunt unum principium Spiritus Sancti, pro quo suppono? pro *Patre*, an pro *Filio*, an pro utroque?

Respondeo cum D. Thom. relato ad 4. supponere pro utroque, sed indeterminatè, & confusè. Cum enim dicimus, *Pater*, & *Filius* sunt unum principium, hoc, quod dico principium non habet determinatam suppositionem, imò confusam pro duabus Personis simul. Unde nec determinatè est principium quod est Pater, nec quod non est Pater, sed Filius. Hoc enim esset incidere in fallaciam figura dictionis à confusa suppositione ad determinatam.

XLVIII. Ad tertiam respondeo cum eodem S. Thom. negando min. Sunt enim potius duo spirantes, quàm duo spiratores. Quia enim (inquit) spirans adjectivum est, spirator verò substantivum, possumus dicere, quod Pater, & Filius sunt duo spirantes propter pluralitatem suppositorum, non autem duo spiratores propter unam spirationem. Nam adjectiva nomina habent numerum secundum supposita, substantiva verò à se ipsis secundum formam significatam. Quare Hilarius dum dicit, quod Spiritus Sanctus est à *Patre* & *Filio auctoribus*, ponit substantivum pro adjectivo. Ità D. Thom.

Oportuit in hoc paulisper immorari, ut Photio, Græcique ora obstruamus, qui

qui nobis semper obijciunt: quodd Spiritui Sancto duplicem causam adignemus, quodd Dei Monarchiam destruiamus, quodd in Marcionis, & Manetis hæresim impingamus. Uno verbo quodd dividamus deitatem. Si enim sua cæcitas, & obtinatio Græcis oculis, auresque non clauderet viderent, audirentque à Latinis semper pro Dei indivisâ unitate pugnatum fuisse: & quivis non à solo Patre, sed à Filio procedere Spiritum Sanctum semper dixerint; semper tamen confessi sunt, eos non esse plura, sed unum principium unicâ virtute & spiratione spirans, unicâ relatione illum respiciens, æquè immediate ab utroque procedens.

XLIX. Hanc doctrinam tradidit quarto seculo S. August. lib. 5. de Trinit. cap. 24. his verbis: *Fatendum est, Patrem, & Filium principium esse Spiritus Sancti, non duo principia: sed sicut Pater & Filius unus Deus, & ad creaturam relativè unus Creator, & unus Dominus, sic relativè ad Spiritum Sanctum unum principium.* Hanc tradidit S. Anselmus lib. de process. Spiritus Sancti. cap. 9. dicens: *sicut non credimus, Spiritum Sanctum esse de hoc, unde duo sunt Pater, & Filius, sed de hoc, in quo unum sunt: ita non dicimus duo ejus principia, sed unum principium.*

Neque hinc inferant Græci, unam fore Personam Patris, & Filii, si spiratio utrique communis sit, cum Personæ proprietatibus distinguantur. Non inquam; nam spiratio non est proprietas hypostatica, seu Personam constituens. Etenim Personæ Patris p.ternitate, Persona Filii filiatione tantùm constituentur, sed est utroque consequens Personam jam constitutam.

L. Hanc veritatem fuisse semper ab Ecclesiâ Latinâ traditam, solemniter protestatus fuit in Concilio Generali Lugdunensi Gregorius X. anno 1274. nam suâ constit. cap. 2. de summâ Trinit. *Fideli (inquit) ac devotâ professione fatemur, quodd Spiritus Sanctus æternaliter ex Patre, & Filio, non tanquam ex duobus principiis, sed tanquam ex uno principio, non duabus spirationibus, sed unicâ spiratione procedit. Hoc professi est baptizatus, predicavit, & docuit: hoc firmiter*

*tenet, prædicat, proficitur, & docet Sacrosancta Romana Ecclesia, mater omnium fidelium, & magistra: hoc habet orthodoxorum Patrum, atque Doctorum Latinarum pariter, & Græcorum incommutabilis, & vera sententia.* Deinde dinnat, & reprobatur omnes, qui præfuso nserit temerario ausu asserere, quodd Spiritus Sanctus ex Patre, & Filio tanquam ex duobus principiis, & non tanquam ex uno, procedat.

Porro cum in Concilio Florentino adhuc Græci calumniarentur Latinos, quodd duo principia, vel duas causas ponerent in Sanctâ Trinitate; Latini *sest. ult.* suam professionem scriptis mandarunt, inter cætera *profiterentur Sanctum Spiritum ex Patre, Filioque tanquam ab unico principio procedere.* At tandem, Græcis in Latinorum sententiam euntibus, concorditer definitum fuit: *Quodd Spiritus Sanctus ex Patre, & Filio æternaliter est, & essentiam suamque esse subsistens habet ex Patre simul & Filio, & ex utroque æternaliter, tanquam ab uno principio, & unicâ spiratione procedit.*

LI. Quartò obijciunt. Si Spiritus Sanctus procedit ex Patre, & Filio per aliquid commune utrique; ergo per pluram distinguatur Spiritus Sanctus à Patre, quàm Filius; ergo proximior erit paternæ substantiæ Filius, quàm Spiritus Sanctus.

Urgetur hoc. Si Spiritus Sanctus procedit à Filio, non procedit immediate à Patre, quia procedit à Filio virtute communicata ei à Patre; ergo procedet tantùm mediâtè, sicut Nenos ab Avo; ergo proximior erit Patri Filius, quàm Spiritus Sanctus.

LII. Respondeo, negando utramque consequentiam. Solâ enim processionem, seu spirationem passivâ distinguatur Spiritus Sanctus à Patre, & Filio, sicut solâ generatione passivâ Filius distinguatur à Patre. Nec paternæ substantiæ unus est altero proximior, cum uterque à Patre immediâtè procedat, ab eoque divinitatem totam accipiat, sed unus nascendo, alter procedendo. Quanquam non ita immediâtè se habeat ad Patrem Spiritus Sanctus, si Personarum ordo spectetur.

LIII. Hinc ad id, quod urgetur, dico,

co, instantiam magis premere Gracos, qui negantes Spiritum Sanctum procedere ex Filio, concedunt tamen procedere à Patre per Filium. Quod enim procedit ab aliquo per alium, non procedit ab eo immediatè, sed mediatè; ergo si Spiritus Sanctus procedit à Patre per Filium, non procedit ab eo immediatè, sed mediatè Filio.

Respondeo ergo cum D. Thom. 1. part. qu. 36. art. 3. ad 1. quod in quilibet actione est duo considerare, scilicet suppositum agens, & virtutem, quā agit, sicut ignis calefacit calore: Si igitur in Patre, & Filio consideretur virtus, quā spirant Spiritum Sanctum, non cadit ibi aliquid medium: quia hac virtus est una, & eadem. Si autem considerentur ipsa Persona spirantes, sic, cum Spiritus Sanctus communiter procedat à Patre, & Filio, invenitur Spiritus Sanctus immediatè à Patre procedere, in quantum est ab eo, & mediatè, in quantum est à Filio... sicut etiam Abel processit immediatè ab Adam, in quantum Adam fuit pater ejus, & mediatè, in quantum Heva fuit mater ejus, quā processit ab Adam. Licet hoc exemplum materialis processione inceptum videatur ad significandam immaterialem processionem divinarum Personarum. Hæc D. Thom.

Multò minùs sequitur, Spiritum Sanctum comparari ad Patrem, sicut Nepotem ad Avum, quia Spiritus Sanctus æquè immediatè Patre est, ac Filius; licet iste nascendo, & à Patre solo, ille procedendo, & à Patre, & Filio eadem virtute, & actione. In Nepote autem respectu Avi non ita contingit. Nam, ut Nepos quispiam sit, gigni cum oportet à Patre, & diversā quidem generatione ab eā, quā is, qui cum gigni, genitus est.

LIV. Obijciunt denique. Spiritus Sanctus perfecte procedit à Patre; ergo superfluum est, ut procedat à Filio.

Hoc argumentum, quod est palmare, Græcorum, in eisdem retorquet Manuel Calecas lib. 3. contra Gracos, sic. Si perfectè à Patre mittitur Spiritus Sanctus, superfluum erit, & à Filio mitti: sin autem imperfectè; non ergo perfectus est Pater. Et si perfectè omnia à Patre creata sunt, quid necesse fuit dicere, omnia per ipsum (Filium) facta sunt?

Præterea interrogandi sunt, an perfecta sit mundi ex Patre creatio? Si perfecta, cur Filius, & Spiritus Sanctus causa ejus sunt?

LV. Respondetur ergo, objecti onem, procedere ex falso supposito, nimirum, quòd Spiritus Sanctus procedat etiam à Filio, ac si solus Pater non sufficeret, sed egeret Filio. Sicut ergo est vis creativa Patris sit perfecta, & sufficiens ad creationem: attamen non creat, nec creare potest Pater, quin simul Filius, & Spiritus creent; quia cum indivisa sit, & una in tribus virtus creativa, & creatio, uno creante omnes creant: sic eum indivisa, eademque sit vis spirativa in Patre, & Filio, dum spirat Pater, spiret & Filius, necesse est. Ita respondet D. Tho. qu. 36. sæpè laudatā art. 2. ad 6. dicens: Per hoc, quòd Spiritus Sanctus perfectè procedit à Patre, non solum non superfluum est dicere, quòd Spiritus Sanctus procedat à Filio, sed omnino necessarium, quia una virtus est Patris, & Filii. Et quidquid est à Patre, necesse est esse à Filio, nisi proprietati filiationis repugnet. Non enim Filius est à seipso, licet sit à Patre.

## DUBIUM II.

Ad particula *Filioque* jure addita fuerit Symbolo?

### §. I.

*Affertio Habilitur.*

**H**ÆC est altera cum Græcis Schismaticis Controversiæ pars. Implacabiles enim Latinis insulant, quòd ad firmandum suum de processione Spiritus Sancti à Filio (ut ajunt) errorem, ausi fuerint Fidei Symbolo illum inferere, ei particulam *Filioque* addentes, ac dicentes qui ex Patre *Filioque* procedit: Contra (inquiunt) mentem Synodi Generalis III. nempe Ephesinæ a. 436. part. 1. cum enim Charisius Philadelphiz Presbyter Nestorianam quandam Fidei expositionem ad Ephesinos Patres detulisset, eā prælectā, & diris devotè, degerere: Alteram fidem nemini licere præferre, vel conscribere, aut componere, præ-

ter eam, qua definita est à SS. Patribus Nicæa congregatis cum Sancto Spiritu. Qui autem ausi fuerint, aut componere fidem alteram, aut proferre, vel offerre converti volentibus ad agnitionem veritatis, sive ex Gentilitate, sive ex Judaismo, sive ex quâcumque hæresi; hos quidem, si sunt Episcopi, aut Clerici, alienos esse, Episcopos ab Episcopatu, Clericos à Clericatu decrevit. Si verò Laici fuerint, anathemati subijci. Eadem repetit Synodus Chalcedonenfis inferius referenda in definitione fidei.

Ex quibus sic arguunt Græci. Ea additio jure facta non fuit Symbolo, quam Ephesina Synodus sub depositionis, & anathematis pœna fieri vetuit; Sed Ephesina Synodus vetuit sub anathematis, & depositionis pœna additionem particulæ *Filioque*; si quidem huius particulæ additio, est prolatio alterius fidei à Nicænâ, est compositio formulæ præter Nicænam, quod Ephesina Synodus vetuit; ergo &c. Nilominus

II. Dico. Potuit Ecclesia ad melius, & expressius profitendam fidem processionis Spiritus Sancti à Filio, addere Symbolo vocem *Filioque*, & jure prudenterque eam addidit. Prior pars probatur. Qui potest Symbolum condere, potest multo magis Symbolo condito veram, ac necessariam explicationem, seu velis, additionem, inferre; quia qui potest id, quod majus est, potest id, quod est minus in eodem genere; atqui Ecclesia potest ex traditâ à Christo doctrinâ Symbolum condere; ergo &c. Min. prob. Ecclesia esse non habuerit à Christo facultatem novam fidem condendi; accepit tamen regulam gubernandi Fideles, eisque regulam proponendi, quâ in unâ fide continerentur, monente Paulo ad Philipp. 3. v. 16. ut *idem sapiamus; & in eadem permanamus*; sed hoc maxime præstat condendo Symbolum fidei, seu communem fidei tesseram ex doctrina Christi constetam, ex cujus Professione, sicut olim milites, ita Fideles ab infidelibus fecernantur; ergo &c.

Hâc facultate Apostoli priusquam dividerentur in gentes, Symbolum suum edidere, quibus præcipua fidei nostræ fundamenta duodecim articulis conclusurunt, quod sub eorum nomine à quocum-

que Fideli adhuc recitatur. Et hoc, non ut Apostoli præcisè, seu ut testes doctrinæ, quâ Christus eos imbucrat, præstiterunt, sed ut Ecclesiæ Pastores, seu ut omnium Ecclesiarum sollicitudinem gerentes. Quod maxime comprobatur ex opinione quorundam, maxime ex Protestantibus, qui Symboli, vulgò Apostolorum dicti, immediatos Auctores non faciunt Apostolos; sed illud ex eorum doctrinâ ab eorum successoribus Pastoribus fuisse compactum, ac universæ Fidei collectioni propositum contendunt. Cum ergo nunc temporis Ecclesia possit, quod sive Apostoli, ut Ecclesiæ Pastores, vel eorum in ejusdem regimine successores potuerunt; fit, ut sicut tunc, ita & nunc Symboli condendi habeat potestatem.

Confirmo hoc. Ecclesia modò eadem, est, & eadem potestate viget, quæ erat, & quâ potestate fruebatur temporibus Nicæni I. & Constantinopolitani I. atqui tempore Nicæni I. potuit inferere Symbolo vocem *Consubstantialiam*, quæ in Symbolo Apostolorum non erat. Tempore Constantinopolitani I. potuit inferere verba exprimentia Spiritus Sancti divinitatem: *Et in Spiritum Sanctum Dominum vivificantem, qui ex Patre procedit. Qui cum Patre & Filio simul adoratur, & conglorificatur*, quæ in Symbolo Nicæno non legabantur: Cur ergo non potuit eidem Symbolo vocem *Filioque* inferere?

III. Hinc formo secundam rationem. Ecclesia quovis tempore potest ea omnia inferre Symbolo, quæ necessaria sunt, ut Fideles ab infidelibus, Catholici ab Hæreticis, qui intra Ecclesiam sunt, ab iis, qui sunt extra illam, fecernantur. Symbolum enim fidei est signum, tessera, quam à venientibus ad ipsam Ecclesiam potest, & debet exigere, ut sub ejus vexillis eos militare dignoscat; ergo sicut ut discerneret Christianos, à Paganis, & Judæis, Symbolum Apostoli ab initio condiderunt, vel si placet, Pastores, qui Apostolis successerunt; ut fecernerent Catholicos ab Arianis, Nicæni Patres vocem *consubstantialis* Symbolo addiderunt; & ut eosdem fecernerent à Micedoniis, voces exprimentes Spiritus Sancti di-

divinitatem addidere Patres Constantinopolitani, & harum veritatum professionem exigere potuerunt: Ita, ut veram de processione Spiritus Sancti etiam à Filio fidem exprimerent, & ut eam credentes à non credentibus secernerent, potuerunt Latini vocem *Filique* Symbolo inferre, & huius dogmatis professionem à Græcis ad unitatem Catholicam redeuntibus, postulare.

## §. I I.

*Græcis opponentibus respondetur.*

IV. **R** Espondendum primò est iis, quæ superius opposita sunt ex Synodo Ephesinâ. Respond. ergo primò. Si Ephesini Patres anathema dicentes illis, qui alteram fidem, præter eam, quæ Nicææ definita est, conferberent, anathema dixerunt Latinis Nicææ fidei adhibentibus vocem *Filique*; anathema quoque dixisse credendi erunt Patribus Constantinopolitanis, qui Symbolo Nicæno plura addiderant, nempe Spiritum Sanctum à Patre procedere, cum Patre, & Filio adorandum &c. Qd si hoc non dicent Græci; nec dicant, Latinos anathemate feriri, per hoc, quod Nicææ, & Constantinopolitanæ fidei addiderint etiam expressionem processionis Spiritus Sancti à Filio.

V. Respondeo itaque secundò. Patres Ephesinos anathemate prohibuisse conscribere, vel componere *alteram fidem*, nempe diversam, & contrariam fidei à Nicænis Patribus definitæ, qualis erat fides contenta in Symbolo Nessoriano per Charisium Synodo Ephesinæ exhibito *art. 6.* quæ Christum unum esse in Personâ cum Filio Dei negabat: non verò prohibuisse, inferre Symbolo *non alteram fidem*, sed fidei definitæ explicationem, quo pacto Nicænos Patres erga fidem Symboli Apostolici, & insuper Constantinopolitanos erga fidem Symboli Nicæni se gessisse probè noverant. Porro additionem vocis *Filique* factam fidei Symbolo non esse alteram fidem, sed puram fidei, & Symboli explicationem, Andreæ Rhodius in Concilio Florentino *sess. 6.* Græcis aperte demonstravit. Cum enim vox illa *Filique*

*loque* contineatur in hac alterâ voce, ex Patre: quia si Spiritus Sanctus à Patre est, non ut Pater opponitur Filio, arguitur, quod si a Patre est, sit etiam à Filio; cum ipse Filius dicat Joann. 16. v. 15. *Omnia quæcumque habet Pater, mea sunt*; & hoc, ut explicaret, quomodo Spiritus de suo acciperet. Christi igitur testimonio, verbo quidem additio facta est, re ipsâ autem pura explicatio; eò quod pars addita latenter seu implicite contineretur in priori.

VI. Totum hoc docuit D. Thom. *qu. 10. de potentiâ art. 4.* ubi respondens huic argumento, quod erat 13. *Dicendum* (inquit) *quod doctrina fidei sufficienter tradita fuit in Symbolo Nicæno. Unde Sancti Patres in sequentibus Synodis non intendunt aliquid addere, sed propter insurgentes hæreses id, quod implicitè continebatur, explicare studuerunt. Unde in determinatione Chalcedonensis Synodi dicitur: Præfens nunc sancta, & magna, atque universalis Synodus prædicationem hanc ab initio inconcussam docens, definiuit, principaliter trecentorum decem, & octo Sanctorum Patrum, qui scilicet in Nicæâ convenerunt, fidem manere intactam. Et propter illos quidem, qui adversum Spiritum Sanctum pugnant, posteriori tempore à Patribus apud Constantinopolim centum quinquaginta congregatis de substantiâ Spiritus traditam doctrinam corroborat, quam illi omnibus notam secerunt, non quasi quidem aliquid esset minus in præcedentibus inferentes: sed de Spiritu Sancto intellectum eorum adversus eos, qui Dominum ejus respicere tentaverunt, Scripturarum testimoniis declarantes. Et per hunc modum dicendum est, quod processio Spiritus Sancti à Filio implicitè in Symbolo Constantinopolitano continetur, inquantum continetur ibi, quod procedit à Patre. Quia quod de Patre intelligitur, oportet & de Filio intelligi, cum in nullo differant, nisi quia hic est Filius, & ille Pater. Sed propter insurgentes errores eorum, qui Spiritum à Filio esse negabant, conveniens fuit, ut in Symbolo poneretur: Non quasi aliquid additum, sed explicitè interpretatum, quod implicitè continebatur. Sicut si insurgeret hæresis, qua negaret, Spiritum*

tum Sanctum esse factorem Celi, & Terræ, oporteret, hoc explicitè poni, eum in prædicto Symbolo hoc non dicitur, nisi de Patre. Hæcenus S. Thomas.

VII. Respondeo tertio. Dato etiam, Synodum Ephesinam interdixisse fieri quæcumque additionem, etiam explanativam, hanc tamen interdixisse, ut faciendam à privatis hominibus, qualis erat illa, quæ ipsi exhibita fuerat à Charisio, nimirum facta à Nestorianis; non tamen interdixisse, ne fieri posset ab aliâ Synodo æqualis potestatis eum ipsa: nec enim hoc interdicare poterat: Sicut autem (prosequitur D. Thom. allegato loco) posterior Synodus potestatem habet interpretandi Symbolum à priore Synodo committit, ac ponendi aliqua ad ejus explanationem, ut ex prædictis patet: ita etiam Romanus Pontifex hoc sua auctoritate potest, cujus auctoritate sola Synodus congregari potest, à quo sententia Synodi confirmatur, & ad ipsum à Synodo appellatur. Quæ omnia patent ex gestis Chalcedonenſis Synodi. Nec est necessarium quoddam ad ejus expositionem faciendam universale Concilium congregetur, eum quandoque id fieri prohibeant bellorum diffidia, sicut in septimâ Synodo legitur, quoddam Constantinus Augustus dixit, quoddam propter imminuentia bella universaliter Episcopos congregare non potuit &c. Pergit deinde S. Doctor ostendere exemplo septimæ Synodi, & Chalcedonenſis, etiam Concilia generalia secuta fuisse in fidei determinationibus sententiam Romani Pontificis: ac Spiritum procedere à Filio ostendit, ex determinatione principalium Conciliorum haberi, & Patrum, quos ipsa Concilia sequi se, potestata sunt, ut à nullo eorum inveniatur esse negatum. Videri potest S. Doctor etiam 2. quæ 1. art. 10. ubi determinat ad Summum Pontificem pertinere Symbolum ordinare. Quod docet etiam hæc 1. par. quæ 36. art. 1. ad 2.

VII. Sed replicabis primò. Cyrillus episcopus ad Joannem Antiochum. quæ incipit *leguntur Celi*, asserit Nicæno Symbolo, nec sibi, nec ulli omnino alteri licere, vel unam voculam ibi positam immutare, præter unam syllabam præterire.

Rursus: Patres Chalcedonenſes rogati, Tom. IV.

ut exponerent fidem, responderunt: *In scriptis expositionem non facimus. Regula est, quæ prædicat: sufficere, quæ sunt exposita. Regula vult, aliam expositionem non fieri.* Et septima Synodus post fidei definitionem hæc habet: *Nos leges Patrum custodimus: nos eos qui addunt quid, vel adimunt, anathematizamus.*

Confirmatur. Patres Ephesini, non obstante, quoddam à Nestorio Mater Christi *Deipara*, seu *Theotocos* negaretur, vocem hanc *Theotocos*, seu *Deipara* expresserunt quidem in Definitionibus fidei; sed Symbolo nullatenus addiderunt.

IX. Respondeo, Cyrillum asserere, ne unam voculam licere immutare, aut addere Synodo Nicæno, quæ aliam fidem à fide Nicænâ exprimeret; non verò, quæ fidei Nicænæ esset explanativa, si hæresis insurgens hæc petiisset, quod & Nicæni, & Constantinopolitani Patres præstiterunt, ut dicebamus. Vox enim, quæ solum explicat contentum in alterâ voce, expositio symboli est, non immutatio, & additio. Ut enim agebat Andreas Rhodius *sest. 6. Concilii Florentini* omnis additio sit extrinsecus. Expositio verò non sit extrinsecus, sed ex eis, quæ in textu jacent. Si enim omnis explicatio esset additio, multæ Saeræ Scripturæ factæ fuissent additiones. Cum ergo vox *Filius* continueatur in altera voce nimirum *ex Patre*, & sit explicatio illius; appositio talis vocis non est additio, sed pura explanatio, quæ necessaria judicata fuit ob discriminandos Catholicos à Græcis hæreticis: sicut vox *consubstantialis* necessaria judicata fuit à PP. Nicænis, & aliæ voces necessariae ad explicationem fidei Nicænæ judicatæ sunt à Patribus Constantinopolitanis.

Ad id, quod additur de Patribus Chalcedonenſibus, dico, eos Symboli explanationem facere recusasse, quia res sufficiens iudicabatur explanata; unde dicebatur: *Regula est, quæ prædicat sufficere, quæ sunt exposita. Regula vult, aliam expositionem non fieri.* Atque eadem fuit mens Synodi septimæ: non verò, quod si opportunum iudicasset, non potuisset vocem explicativam symbolo adjuvare. Enim verò si prælaudatæ Synodi Definitiones fidei ediderunt, quin ex hoc se

N n al.



alteram fidem, vel fidem antiquam immutare, aut illi addere existimarent, sed tantum fidem antiquam magis explanare; cur eadem ratione non poterant unam vocem symbolo inferere, quæ non alteram fidem statueret, vel eam immutaret, aut fidei antiquæ adderet, sed solum fidem antiquam explanaret?

X. Ad confirmat. Dico cum Andrea Rhodio, Patres Ephesinos vocem *Deipara* seu *Theotocos* non addidisse Symbolo, illam tamen in Definitionibus fidei expressisse. Idem autem non judicarunt necesse eam Symbolo addere, quia ex Symbolo jam satis apparebat, Virginem esse *Deiparam*. In eo namque profiteamur Filium ex Patre natum, & consubstantiallem Patri; ex quo evidens est, Deum esse æquæ ac Patrem: & rursus hunc eundem incarnatum, & ex Virgine hominem factum; ex quo satis compertum est, B. Virginem Deum, & hominem genuisse. Iterum tamen dico. Eadem vis est definitionum fidei, ac Symboli; igitur vox *Deipara* æquæ poterat ab Ephesinis Patribus addi Symbolo, sicut addita Definitioni est. Si ergo vel ipsi, vel Conciliorum sequentium Patres addidissent, ideonè anathematis fuissent obnoxii? Ita agebat Iulianus Cardinalis.

XI. Replicabis secundò. Leo III. anno 809. Fidei doctrinam immaculatam columnis erectis quibusdam quasi clypeis conscriptam ad Ecclesiæ valvas in conspectu omnium collocavit, ne ullo modo Novatoribus peteret aditus fidei Symbolum depravandi, & asserendi, Filium esse secundam causam Spiritus Sancti. Ita scribit ipse *Episc. ad Aquileensem Patriarcham*. Et quamvis à Legatis Caroli Magni rogatus, vocem *Filioque* Symbolo addere consenserat recusavit.

Respond. Leonem III. non probasse vocem *Filioque* addi Symbolo, quia tunc nulla causa id postulabat, & nulla urgebat necessitas; nondum exorto schismate Photiano, Græci non adhuc tantâ pertinaciâ errorem oppositum vulgabant, ut oporteret, ad discernendos à Catholicis hereticos, hujus veritatis professionem expressè in Symbolo emitti. Non negabat tamen Leo, imò apertè profitebatur processionem Spiritus Sancti à Filio, ut con-

stat ex Actis Collationis Legatorum Gallicanæ Ecclesiæ, & Caroli Magni Imperatoris ex Synodo Aquisgranensi, quæ extant tom. 4. Concil. Harduin. Columnæ 969. ann. 809.

XII. Replicabis tertio. In Synodo Constantinopolitana sub Joanne VIII. celebratâ Legati Apostolici Symbolo Fidei in quo tantum dicebatur Filius à Patre procedere, & ne aliquid Symbolo fidei adderetur vetitum est, subscripserunt.

Respondeo, Synodum illam, cui Photius præfuit, in quâ litteræ Romani Pontificis depravatæ fuerunt, in quâ octava Synodus Œcumenica damnata fuit, & in quâ tandem Legati Sedis Apostolicæ mandata violarunt, & Ecclesiæ causam prodiderunt, legitimam non fuisse.

Addit Manuel Calocas lib. 4. contra *Gracos*, filium esse, in eâ Synodo ullam fidem fuisse de Spiritu Sancti à Filio processione mentionem, & multò magis vetitam fuisse Symbolo fidei additionem, quod comprobare conatur. Tum quia in commentario tradito à Romano Pontifice Legatis suis de rebus, quæ tractandæ erant in Synodo, quicumque de additione, aut de Symbolo scriptum non erat, quod certè primo loco ponendum fuisset. Tum quia cum Photius tunc à Romano Pontifice confirmatus fuisset Patriarcha, credibile non est, eum de additione voluisse verbum movere, unde timere poterat, se iterum exautorandum, & omnia amissurum.

### S. III.

*In quâ Synodo vox Filioque addita fuerit.*

XIII. Dico. Probabilius creditur, vocem *Filioque* primò insertam fuisse Symbolo in Ecclesiis Hispaniarum, desinente seculo sexto. Apud Gallos, & Germanos, octavo. Apud Romanos, nono. Et tandem in Ecclesiâ Catholica universâ seculo tertiodécimo. Quatuor habet partes hoc assertum.

XIV. Prima pars probatur. Nam in Concilio Toletano III. sub Recaredo Rege anno 589. Symbolum Constantinopolitanum à Rege, & PP. primò recitatum fuit,

fuit, additâ voce Filioque: & in Spiritum Sanctum Dominum, & vivificantem, ex Patre & Filio procedentem. In Toletano IV. sub Sisenando Rege anno 633. Recitatur Symbolum, ut in Missis solemnibus decantandum erat, cum voce *Filioque*. Et in subsequentibus Toletanis Conciliis, sive in Symbolo, sive in Definitione fidei, processu Spiritus Sancti à Filio asseritur; ut videre est in Toletano XI. sub Rege Vamba seu Vambano, anno 675. in XII. Rege Ervigio, an. 681. in XIII. Rege eodem, an. 683. In XV. Egicane, Regnante, anno 688. & XVII. sub eodem Rege, anno 694.

XV. Secunda pars constat ex actis Concilii Aquigranensis anno 809. sub Carolo Magno, in quo addita fuit Symbolo vox *Filioque*; & ex eo missi Legati Bernarius Wormatiensium, Jesse Ambianensium Episcopi, & Adalardus Corbejensis Abbas ad Leonem III. tùm ut ab eo probaretur additio à Synodo facta; tùm, ut fuaderet Symbolum cum eadem additione inter Missarum solemnias, Romæ quoque cantandum esse. Quamvis autem Leo III. additionem factam non improba-verit, adduci tamen non potuit, ut cum eâ Romæ cantandum præceperet, ut ex Collisione superiori §. allegatâ comper-tum est. Porro cùm in Aquigranensi Synodo, additio illa nullo contradicente, facta sit, credere par est, eam, aliquibus ante Synodum annis apud Gallos, & Germanos, recitari consuevisse.

XVI. Tertia verò pars ex eo suade-tur, quòd esset Leo III. ut mox diceba-mus initio noni seculi noluerit eam additionem Romæ admittere, & propterea, ut ostenderet, quantum ab eâ foret alienus, tabulis argenteis insculpi iussit Symbolum absque illâ additione: procedente tamen eodem seculo, & Leone vitâ fundô, eandem additionem Romæ quoque usum obtinuisse saltem sub Nicolao I. suadent ea, quæ Romanis improperat Photius ad omnes Orientis Episcopos hisce verbis scribens: *Præter illa, quæ commemoravimus absurda, sacrum etiam, & sanctum Symbolum, cui Synodica omnia, Oecumenica suffragia inexpugnabile robur addiderunt, adulterinis sermonibus, non sine incredibili audaciâ falsare aggressi*

*sunt. O mali Demonis medicamenta! Spiritum Sanctum non ex Patre solim, sed etiam ex Filio procedere, vanissimè prædicantes.*

Quæ confirmat Ratramnus Corbejensis Monachus. Is enim Nicolai I. temporibus anno videlicet 858. Libro 2. quem adversus Græcos pro Ecclesiâ Romanâ conscripsit, Photium reprehendit, & confutat, unâque omnes Episcopos ei adhærentes, quod aggressi fuerint Occidentales, qui particulam *Filioque* Symbolo inferuerant.

XVII. Quarte demum pars probatur. Ea enim additio solemniter ab Ecclesiâ Universalî, ab ipsâ quoque Græcis, probata, & acceptata fuit in Concilio Lugdunensi II. sub Gregorio X. anno 1274. ibique à Græcis simul, & Latinis ter decantatum: *Qui ex Patre, Filioque procedit: permisâ tamen Græcis libertate Symbolum absque illâ additione in suis Ecclesiis canendi.* Et demum in Concilio Florentino sub Eugenio IV. anno 1438. utriusque Ecclesiæ consensu, ac suffragio, tum dogma de processione Spiritus Sancti à Patre, & Filio confirmatum est; tùm additio hujus vocis *Filioque* in Symbolo probata. Quamvis Græci ad sua reversi, pactum, ac fidem datam resciderint, ut didicim. est.

XVIII. Hinc probare non possum primò, Auctorem hujus additionis fuisse Damasum Papam in Synodo Romanâ; vel saltem fuisse factam temporibus sextæ Synodi Generalis circa annum 680. ut sentiunt Manuel Calecas, & Genebrardus. Secundo. Nec probare possum, factam fuisse jussu septimæ Generalis Synodi anno 787. ut opinantur Julianus Cardinalis *sest. 5. Concil. Florent.* Et Andreas Colossensis *sest. 7.*

Ad primum enim dico, Calecam debuisse asserere testem sui dicti, quod non facit. Neque enim in decretis Romanæ Synodi sub hoc Pontifice habitæ huius vestigium reperitur ullum. Nec Leo III. Legatis Gallis petentibus hanc additionem adeò acriter obstitisset, neque Legati hoc opponere Leoni neglexissent, si Damasi auctoritate facta fuisset additio: & multò minus si facta fuisset in sextâ Synodo Generali illis temporibus viciniore.

N n 2

Cui

Cui non suffragatur S. Maximus: is enim in sua Epistola ad Marinum, constituitur quidem dogma Latinorum de processione Spiritus Sancti à Filio; sed de additione ad Symbolum nec verbum facit.

Ad secundum dico. Acta septimæ Synodi, in quibus nil apparet de ejusmodi additione, aperte evincere nullius fidei esse Codicem, & antiquum Historicum, cui suam opinionem innixam volebat Julianus Cardinalis: præterquam quod hoc non potuisset effugere Græcos, & Latini contra Photium tale decretum produxissent. Cum ergo de illo decreto altum silentium sit, etiam apud Anastasium Bibliothecarium, qui annis septuaginta post græcum dicæ Synodi textum transtulit in latinum, nihil in eâ de hac re actum fuisse credendum est.

### DUBIUM III.

An si Spiritus Sanctus non procederet à Filio, adhuc à Filio realiter distingueretur?

#### §. I.

*Nostra assertio.*

**U**Na ex præcipuis rationibus, quibus S. Thom. tum hac 1. par. qu. 36. art. 2. tum 4. contragentes cap. 24. tum qu. 10. de pot. art. 4. utitur ad probandam processionem à Filio, est; quia alioquin à Filio realiter Spiritus Sanctus non distingueretur, sique destrueretur Trinitas Personarum. Quam rationem ante S. Thomam expendit S. Anselmus lib. de process. Spiritus Sancti contra Græcos, & ut dicemus, eâ Theologi Latini usi sunt adversus eisdem in Concilio Florentino. Scotus tamen putat, hanc rationem non esse adeo adæquatam & uniceam, ut, si illa deficeret, non subsisteret adhuc distinctio realis Spiritus Sancti à Filio. Ideo contra ipsum agendum est.

II. Nec tamen qui putet, quæstionem hanc, utpote de hypothese impossibili, esse superfluum; imò dico, esse valde utilem ad investigandam naturam processionis Spiritus Sancti, & ad ventilandam

vim rationis, quâ Patres, & Concilia, utuntur ad probandam processionem Spiritus Sancti à Filio. Si enim unica, & adæquata ratio distinctionis Spiritus Sancti à Filio, est processio ab illo; processione sublata non subsisteret amplius distinctio, & sic bene concluderent. Si verò processione sublata, adhuc superesset ratio distinguens Spiritum Sanctum à Filio; jam ratio processionis non esset unica, & adæquata ratio distinctionis, & sic efficaciter non concluderent.

III. Dico ergo. Unica, totalis, & adæquata ratio distinctionis personalis, & realis Spiritus Sancti à Filio, est realis processio ab illo; ita ut, si Spiritus Sanctus non procederet à Filio, non esset Persona realiter ab eo distincta.

Probo hoc assertum primò: Quia in Concilio Florentino sess. 18. Joannes Theologus cum Marco Ephesio disputans, hoc principium apud Græcos, & Latinos certum statuit, dicens: *Est verò secundum Doctores tam Græcos, quam Latinos sola relatio, qua multiplicat Personas in divinis productionibus, qua vocantur originis, ad quam duo tantum spectant, à quo alius, & qui ab alio ... & nulla est alia ratio distinctionis in divinis, nisi propter hoc, quod aliqua Persona sit ab alia: sequitur necessarîo, secundum tam Græcos, quam Latinos Doctores, ut talis Persona, dicatur accipere & esse, eo quod sit ab alio.* Si ergo sola relatio originis, nempe à quo alius, & qui ab alio multiplicat Personas divinas; & nulla est alia ratio distinctionis, tam apud Latinos, quam Græcos, nisi propter hoc, quod aliqua persona sit ab alia; ergo ablata à Spiritu Sancto processione, & relatione originis à Filio, nulla remanebit ratio, quâ à Filio distinguatur. Hæc ratio, licet non sit definitio, cum tamen doctrina sit à Concilio probata, & à Græcis ipsis admittatur, magnum pondus dat nostræ sententiæ.

IV. Hæc ratione usus quoque fuerat S. Anselmus lib. de processione Spiritus Sancti contra Græcos cap. 3. ubi, postquam ostendit, quod Pater de quo est Spiritus Sanctus, non potest ille esse, qui de se est; loquens postea de Filio: *Cum autem (inquit) apparebit, quia Spiritus San-*

*ctus*

*Aut est de Filio, tunc quoque palam erit, quia propter hoc nequit esse Filius Spiritus Sanctus, & Spiritus Sanctus Filius. Et cap. 4. sicut (inquit) aut Pater est de Filio, aut Filius de Patre; & similiter aut est de Spiritu Sancto Pater, aut Spiritus Sanctus de Patre: ita est, aut Filius de Spiritu Sancto, aut Spiritus Sanctus de Filio. Sicut ergo ut Filius non sit Pater, aut Pater Filius; tota ratio est, quia unus ab alio est; ita ut si Filius à Patre non esset, aut Pater à Filio, Filius esset Pater, & Pater Filius: ita ut Filius non sit Spiritus, & Spiritus non sit Filius, tota ratio est, quia unus ab alio est; ita ut si, aut Filius de Spiritu Sancto, aut Spiritus Sanctus de Filio non esset, Filius esset Spiritus Sanctus, & Spiritus Sanctus, Filius. Nam propter hoc, quia Spiritus Sanctus est de Filio, nequit esse Filius Spiritus Sanctus, & Spiritus Sanctus Filius.*

V. Nunc ad rationem accedamus quæ utitur D. Thom. laudatis locis, & est talis. In divinis ubi non est relativa oppositio, ibi non est realis personalis distinctio; sed ubi non est realis processio, seu origo unius ab alio in divinis, non est relativa oppositio; ergo ubi non est realis processio, seu origo, ibi non est realis distinctio personalis in divinis; ergo si Spiritus Sanctus non procederet à Filio, inter Filium & Spiritum nulla esset relativa oppositio; ergo nulla realis distinctio personalis. Maj. probatur ex trito apud Theologos axiomate assumpto ab Anselmo loco citato cap. 1. in divinis omnia sunt unum, ubi non obviat relationis oppositio. Unde S. August. tract. 39. in Joann. Personæ divinx (inquit) hoc solo numerum insinuunt, quod ad invicem sunt non quoddam se sunt. Et S. Fulgentius lib. de Trinitate: *Ita itaque relatione nomina Trinitatem faciunt. Essentialia verò, nullo modo triplicantur.*

Minor verò probatur. Tùm ex Augustino citato, ubi ostendens, quomodo relatio in divinis Personis faciat numerum dicit: *Quia non ad se est Pater, sed ad Filium, nec Filius ad se est, sed ad Patrem, nec Spiritus ad se, in eo, quod dicitur Spiritus Patris, & Filii: atqui Filius, & Spiritus Sanctus, idèd sunt ad Patrem.*

quia ab eo procedunt, & processione sublatà, nec Filius esset Filius Patris, nec Spiritus esset Spiritus Patris; ergo processione à Filio sublatà, Spiritus non esset ad Filium, nec Spiritus Filii. Tùm ex D. Fulgentio laudato, ita discurrente: *Unus est igitur Deus in naturâ, non in Personâ: quia alia est Persona Patris, alia, Filii, alia Spiritus Sancti. Pater à nullo est genitus, Filius à Patre est genitus; Spiritus Sanctus à Patre, Filioque procedens est. Pater non sibi, sed Filio: Filius non sibi est, sed Patri: Spiritus alicujus est adspirantis; ergo ad Patrem Filiumque refertur; ergo ex relativâ oppositione colligit Fulgentius distinctionem inter divinas Personas, relativam autem oppositionem ex processione unius ab alio.*

Probatur quoque ratione D. Thomæ. Omnis relativa oppositio fundatur, vel in quantitate, ut duplum, dimidium &c. aut in actione, & passione, seu origine unius ab alio: sed relativa oppositio in divinis fundari non potest in quantitate, est enim sine quantitate magnus; ergo fundari debet unice in actione, quæ una Persona producit, & alia ab eâ procedit; ergo in Deo ubi non est realis processio, non est fundamentum oppositionis relativæ, nec realis oppositio. Ita discurrebat S. Thomas 1. par. qu. 28. art. 4. & 4. contragentes cap. 24.

VI. Respondet Scotus, negando min. Nam in divinis relativa oppositio fundatur, nedùm in origine unius ex alio; verùm etiam in impossibilitate, quæ est inter res disparatas: eùm ergo filiatio sit impossibilis, & disparata à spiratione passivâ; idèd ex suâ naturâ non possunt identificari in eadem Personâ, ita ut eadem Persona sit genita, & spirata.

VII. Sed contrâ. Sublato ordine originis, inter filiationem, & spirationem passivam nulla remanet realis impossibilitas; ergo nullus remanet locus reali distinctioni inter illas. Ant. probatur ex D. Thomâ bñe qu. 36. art. 1. à pari. Sicut disparatè se habent spiratio passiva, & filiatio, seu esse spiratum, & esse genitum, ita paternitas, & spiratio activa, seu esse genitorem, & spirantem: sed paternitas, & spiratio activa,

ex

ex quo non dicunt ordinem originis unius ab aliâ, seu ex quo una non respicit alteram, ut sibi correlativè oppositam, non sunt realiter impossibiles in eadem Personâ; quare eadem Personâ, & est Pater, & est spirans; ergo à pari esse Filium, & spiratum, sublata ratione originis, & relativè oppositionis unius ad alterum, non erunt realiter impossibilia, & poterunt in eadem Personâ conjungi. Si ergo (inquit S. Thomas allegato loco) in Filio, & in Spiritu Sancto non esset invenire nisi duas relationes quibus uterque referatur ad Patrem, illa relationes non essent ad invicem oppositæ, sicut neque duæ relationes, quibus Pater referatur ad illos. Unde sicut Persona Patris est una: ita sequeretur, quod Persona Filii, & Spiritus Sancti esset una, habens duas relationes oppositas duabus relationibus Patris.

VIII. Ratio autem horum est: quia omnis realis impossibilitas duorum, vel oritur, quia unum habet diversum esse ab alio, ut in creatis; & cum ex limitatione oriatur, non potest habere locum inter predicata divina, quorum est unum, ac idem esse. Vel oritur ex oppositione relativâ; & hæc non fundat realem impossibilitatem, nisi cum termino sibi relativè opposito: duæ enim relationes, etsi disparatæ, dummodo sibi invicem non correferantur, non sunt impossibiles realiter, ut patet in paternitatem, & spirationem activam, & in relatione Filii, discipuli, æqualis, quæ in eadem Personâ respectu ejusdem conjungi possunt. Cum ergo, sublata origine Spiritus Sancti à Filio, inter filiationem, & spirationem passivam nulla esset relativâ oppositio, sed essent duæ relationes disparatæ, sicut paternitas, & spiratio activa; non multiplicarent Personas realiter, & ad summum essent duæ Scotice formalitates ejusdem Personæ, sicut sunt in eadem Personâ paternitas, & spiratio activa.

IX. Hanc doctrinam tradidit D. Thomas. 10. de pot. art. 4. his verbis: *Non potest esse in divinis Personis distinctio, nisi secundum relationes. Ea enim quæ absolute dicuntur in divinis, essentiam significant, & communia sunt, ut boni-*

*tas, sapientia, & hujusmodi. Relationes autem diversæ non possunt facere distinctionem, nisi ratione sua oppositionis. Diversæ enim relationes (nota) possunt esse unius ad idem: patet enim, quod idem ejusdem potest esse filius, discipulus, æqualis, & quæcumque alia relationes, quæ oppositionem non includunt. Patet autem, quod Filius distinguitur à Patre per hoc, quod aliquâ relatione ad ipsum referatur; & similiter Spiritus Sanctus à Patre distinguitur propter aliquam relationem. Itæ ergo relationes, quantumcumque videantur disparatæ, nullo modo poterunt distinguere Spiritum Sanctum à Filio, nisi sint oppositæ. Oppositio autem alia in divinis esse non potest, nisi secundum originem, pro ut scilicet, unus est ab alio. Nulla ergo modo Filius, & Spiritus Sanctus poterunt esse distincti per hoc quod uterque diversimodè referatur ad Patrem, nisi unus eorum referatur ad alterum, ut ab eo existens. Constat autem, quod Filius non est à Spiritu Sancto. De ratione enim Filii est, quod non referatur, nisi ad Patrem, ut ab eo existens. Relinquitur ergo de necessitate, quod Spiritus Sanctus sit à Filio. Hucusque D. Thomas, quæ doctrinæ præoccupat omnes Scoti responsiones, idcirco bene notanda est.*

X. Confirmatur. Magis disparatæ se habent absolutum, & relativum, quam duo relativa: sed absolutum, & relativum, quia inter illa non est realis origo, realiter identificantur in Deo, ut superius ostensum est; ergo multò magis duæ relationes, si inter illas non detur realis oppositio: non dabitur autem realis oppositio, si inter eas non detur realis origo. Aliàs si sola oppositio disparata sufficeret ad distinguendum realiter in divinis, fieret, quod relativum debere realiter distinguî ab absoluto, paternitas à spiratione activa; & quod Spiritus etiam nec procederet à Patre, sicut nec à Filio, adhuc realiter distingueretur à Patre, cum esse Spiritum sit quid disparatum ab esse Patrem: & sic daretur Trinitas Personarum absque origine unius ab aliâ, quod Scotistas admitturos fore, non credam.

XI. Dicit tamen iterum Scotus, posse eandem Personam esse Patrem, & spiran-

tem,

tem, quia bene potest idem agens duos terminos producere: Non tamen potest eadem Persona esse genita, & spirata; quia impossibile est, quod idem terminus duplici actione adequata producat.

Sed contra. Quidquid sit in creatis, in divinis tamen sicut eadem Persona potest esse generans, & spirans, ita eadem Persona potest esse genita, & spirata, si Persona spirata non dicat originem à Persona genita; quia in divinis sola oppositio relativa est, quæ distinguit: hæc autem solam datur inter ea, quorum unum est ab alio. Unde sublato origine spirati à genito, tollitur fundamentum distinctionis realis geniti à spirato, & eadem Persona poterit esse genita, & spirata: sicut relativum Personæ potest esse productum, & absolutum essentiae potest esse improductum, absque ullâ reali distinctione inter productum Personæ, & improductum essentiae; quia productum non oritur ab improducto essentiae. Neque per hoc quod actiones sunt diversæ. Nam processiones in divinis non possunt esse diversæ, nisi per hoc, quod unus procedentium est ab alio. Ita D. Thom. qu. 10. de pot. art. 5. ad 8. spiratio (inquit) distinguit Spiritum Sanctum à spirante, sicut generatio generatum à generante. Non tamen ex hoc sequitur, quod spiratus à generato distinguatur, eum & spirans & generans sint idem. Nec propter hoc quod idem non potest duabus processionibus diversis procedere. Sed processiones in divinis non possunt esse diversæ, nisi per hoc, quod unus procedentium est ab alio. Ita D. Thom. rem hanc in eo articulo ex profecto discutens. Supponit ergo falsum Scotus, quod in casu Spiritus Sanctus foret terminus duplicis actionis totalis.

XII. Contra secundum. Idem genitum, & spiratum in eadem Personâ coniungi non posset, quia genitum, & spiratum diversimodè referuntur ad Patrem, & spirantem: sed si spiratum non procedat, & relative non opponatur genito, relationis geniti, & spirati coniungi possunt in eadem Personâ: Nam aut ait D. Thom. citato art. 5. plures notiones inveniuntur in una Personâ divini per hoc, quod opposita sunt ad invicem non habent; sicut

in Patre scilicet innascibilitas, Paternitas, & spiratio activa. Unde art. 4. præcedente docuerat, quod diversæ relationes possunt esse unius ad idem: patet enim quod idem potest esse filius, discipulus, aequalis, & quæcumque alia relationes, quæ oppositionem non includant. Concludendum ergo est cum eodem art. 5. Quod ibi primò invenitur distinctio, ubi primò occurrit oppositio relativa; sicut in hoc quod est esse Patrem, & Filium. Ubi ergo non est oppositio relativa in divinis non potest esse realis distinctio, quæ est distinctio personalis. Si autem Spiritus Sanctus non procedit à Filio, non erit oppositio aliqua inter Filium, & Spiritum Sanctum; & ita non distinguetur personaliter Spiritus Sanctus à Filio.

XIII. Contra tertium. Dato, quod eadem Persona non possit esse terminus duplicis actionis totalis ejusdem ordinis, ac nullum inter se ordinem habentis; secus tamen si sint duæ actiones diversi ordinis, & sub diversâ ratione productæ: sicut idem homo, qui totaliter est à Deo sub ratione entis, est à Cælo sub ratione corporis, & ab homine sub ratione hominis: & idem Christi Corpus est terminus duplicis actionis totalis generationis, & transubstantiationis: sed Pater generans, & spirans sub diversâ ratione respiceret terminum ut genitum, & ut spiratum; ergo eundem realiter terminum habere posset.

Rursus: Quod in creatis non possint esse idem, verbum quod est terminus actionis intellectus, & amor qui est terminus actionis voluntatis, non solum ex eo est, quod eadem actio non possit esse simul intellectus, & voluntatis; sed etiam quia amor, qui est terminus voluntatis procedit ex cognitione, & verbo, quod est terminus intellectus: sed in Deo idem realiter sunt intellectus, & voluntas, cognitio, & volitio; ergo si tollitur à termino voluntatis processio à termino intellectus, nimirum Spiritus Sancti à Verbo, cum cognitio, & amor sint duæ actiones ordinem inter se habentes, non video, quomodo eadem Persona non possit esse dicta, & amata, Verbum, & Spiritus.

XIV. Dices. Licet in hypothesi Spiritus Sanctus non distingueretur à Filio ut

Fi.

Filio, seu ut spiratus à principio spirante; distingueretur tamen ab illo, ut amor à Verbo, seu à principio movente: & S. Thomas hac qu. 36. art. 2. probat distinctionem Spiritus Sancti à Filio etiam, quia *Filius procedit per modum intellectus ut Verbum, Spiritus Sanctus per modum Voluntatis ut amor: necesse est autem quoddam amor à Verbo procedat.*

Huic objectioni Mag. Ferre dat manus viclas, & concedit, quoddam Spiritus Sanctus non procederet à Filio ut principio spirante; distingueretur adhuc à Filio, ut Verbum est, & ut principio movente; quia procederet ut amor, amor autem procedit à Verbo.

XV. Sed singularis est hæc doctrina, nec illi acquiescere possum. Quia sublatà à Filio vi spirativà, tolleretur ab illo omnis realis oppositio relativa cum Spiritu Sancto: nam sicut Filius, quā talis, unice refertur ad generantem, ita Verbum quā Verbum unice refertur ad dicentem. Esto autem Verbum, ut tale esset principium movens Patrem ad productionem amoris, esset tantum principium quo objectivum, eo modo, quo essentia divina movet ad sui cognitionem, & ad productionem Verbi. Unde sicut non per hoc essentia divina à Verbo distinguitur; ita nec Verbum, quamvis movens ad productionem amoris, distingueretur ab amore, nisi hoc Verbum esset principium quod productivum amoris: quia realis distinctio est inter principia quod, non inter principia quo. S. Thomas verò dūm dicit, amorem procedere à Verbo, supponit eaque prius dixerat, nempe inter Verbum, & amorem dari relationem originis: *opposita autem relationes originis accipiuntur secundum principium, & secundum quod est à principio.* Verbo autem, ut Verbum non nominat rationem principii, nec ex sua naturā refertur ad amorem, sed dicentem. Unde Verbum, & amor indivinis essent una ac realis Persona, si Verbo non jungeretur relatio spirationis activæ.

## 6. I I.

Scoti rationes soluta.

XVI. **P**rimò objicit Frassen S. Augustinum lib. 5. de Trinitate cap. 14. qui proferens rationem, ob quam Spiritus Sanctus non sit Filius, ait: *exit enim, non quomodo natus, sed quomodo datus: & idè non dicitur Filius, quia nec natus est, sicut Unigenitus.* Secundò, S. Gregorius Nyssenum laudatum à Bessarione in trach. pro unione (ex lib. 1. in Evangelionum latine edito) ubi de Spiritu Sancto: *distinguitur (inquit) suā proprietate qua est quod, nec Unigenitus ex Patre productus est, & quod per ipsum Filius sit manifestus.* Tertiò, Anselmum trach. de process. Spiritus Sancti cap. 2. ubi ait, quoddam Filius: *idè non est Spiritus Sanctus, nec Spiritus Sanctus est Filius, quia Filius nascendo habet esse à Patre, Spiritus Sanctus autem, non nascendo, sed procedendo.* Et cap. 3. *Alii sunt ab invicem per hoc, quoddam dictum est, ut putat, quin alter nascitur, alter verò procedit; & idè cum nascitur unus non potest cum eo nasci ille, qui per hoc est alius ab eo quia non similiter nascitur, sed procedit: & cum unus procedit, nequit ille simul procedere, qui per hoc est alius ab illo, quia non similiter procedit, sed nascitur.* Unde cap. 4. concludit: *Si per aliud non essent plures Filius & Spiritus Sanctus, per hoc solum essent diversi scilicet, quia alter nascendo, alter existit procedendo.* Unde ait Frassen Trach. 3. de Trinit. Diss. 3. art. 3. *Quaest. 2.* Urbanus Pontifex, qui in Concilio Barenfi S. Anselmi doctrinam cum universo Patrum cœtu, & applausu probavit, nonne similiter Scoti doctrinam ex tunc definiisse videtur?

XVII. Respondeo, S. Augustinum nobis non esse contrarium. Nam dicendo, quoddam Spiritus Sanctus exit, non quomodo natus, sed quomodo datus, supponit, cum dari non à Patre solum, sed etiam à Filio. Unde lib. 15. de Trinit. cap. 26. & 27. docet, Spiritum Sanctum idè non esse natum, quia à duobus procedit.

Ad Nyssenum dico, Spiritum Sanctum distinguui suā proprietate, ut tamen acceptā

cepti à Patre, & à Filio: non enim posset Filium manifestare, nisi esset ab illo. Quare præfati Patres loquuntur de Spiritu Sancto, qui modò est, & includit processionem à Filio, non de Spiritu Sancto, qui in hipotesi à Filio non procederet.

Ad Anselmum in primis dico, hunc Patrem non addè apertè suæ sententiæ patrocinari, ut putat Fraassen: Etenim Scotus ipse in 1. dist. 2. qu. 2. *Auctoritas* (inquit) adducitur *Anselmi lib. suo de processione Spiritus Sancti: sed quia ipsum adducunt utrique pro se; & sit altercatio magna de intentione ejus, qua fuerit: ideo hic nolo multum circa intentionem ejus immorari*. Dubia est ergo, non aperta hæc in causâ S. Anselmi mens; nec Urbanus Anselmi doctrinam approbans, Scoti doctrinam ( ipso Scoto teste ) definivisse videtur.

S. Thomas qu. 10. de potentia art. 5. ad 2. præallatæ auctoritatî Anselmi sic respondet: *Dicendum, quod id, quod dicit Anselmus, quod Filius, & Spiritus Sanctus per hoc solum ad invicem distinguuntur, quod diverso modo procedunt, est omnino verum. Sed, sicut ostensum est, diverso modo procedere non possent, nisi Spiritus Sanctus à Filio esset. Unde remoto, quod Spiritus Sanctus sit à Filio, omnino distinctio Spiritus Sancti removetur. Est autem intentio Anselmi lib. de process. Spiritus Sancti prius ponere ea in quibus nos convenimus cum negantibus Spiritum Sanctum à Filio esse, qui tamen Spiritum Sanctum à Filio dicunt distinguî. Unde Verba prædicta Anselmi inducta sunt magis, ut disputativa suppositio, quam veritatis definitio. Ac si ad hominem arguens Græcos Anselmus diceret: Vos conceditis Spiritum Sanctum distinguî à Filio, quia diverso modo procedit: atqui si non procederet à Filio, diverso modo non procederet; ergo si non procederet à Filio, neque à Filio distingueretur; ergo, ut salvetis distinctionem Spiritus à Filio, necesse est, ut fateamini, eum ab ipso procedere.*

XVIII. Responderi etiam potest ex eodem S. Doctore 1. p. qu. 36. art. 2. ad 7. ubi eidem Anselmi auctoritatî sic respondet: *Spiritus Sanctus distinguitur personaliter à Filio in hoc quod origo unius distinguitur ab origine alterius: sed ipsa*

*differentia originis est per hoc, quod Filius est solum a Patre; Spiritus Sanctus vero à Patre, & Filio. Non enim aliter processionem distinguuntur. Quare diversitas modi procedendi Spiritus Sancti à Filio essentialiter in hoc fundatur, quod iste à solo Patre, ille à Patre, & Filio originem trahit: non enim procederet ut Spiritus, ut datus, ut donum, nisi ex duorum amore.*

XIX. Obijciunt secundò. Si Spiritus Sanctus procederet à Filio, & non à Patre, adhuc realiter distingueretur, & tamen à Patre non oriretur; ergo à pari si procederet à Patre, & non à Filio, adhuc à Filio realiter distingueretur.

Confirmatur. Spiratio passiva nunc, & de facto non identificatur paternitati; ergo nec tunc identificatur Filiationi. Aut patet. Nam paternitas, & spiratio passiva constituunt duas Personas realiter distinctas. Conf. prob. non aliâ ratione paternitas, & spiratio passiva distinguuntur, nisi quia disparatæ sunt, & impossibiles; paternitas enim non opponitur relationi spirationi passivæ, sed tantum filiationi: at in casu filiationis & spirationis passivæ essent relationes disparatæ, & personales; ergo quamvis relativè relatione originis non opponeretur, realiter distinguerentur.

XX. Respondetur primò. cum Ferrarienti in 4. contrag. cap. 24. distin. ant. distingueretur solum in Personâ, nego ant. in Personâ & naturâ, con. ant. Si enim Pater nullo modo spiraret, aut produceret Spiritum Sanctum, nullâ relatione originis referretur ad Spiritum Sanctum; & eum nec etiam paternitate ad ipsum relativè dicatur, nullo modo posset ab ipso relativè distinguî, quæ est propria distinctio divinarum Personarum. Sequeretur autem, quod à Spiritu Sancto essentialiter distingueretur, & sic Spiritus Sanctus non esset Deus. Nam cum Spiritus Sanctus non possit esse idem, quod Pater, aliquin generaret Filium, sicut Pater, nec ab eo relativè distingueretur; sequitur, quod essent per absolutam distincti.

XXI. Respondetur secundò communi responsione, dissimul. à Patre non oriretur immediatè, eo. min. mediâtè, nego min. Si enim Spiritus Sanctus oritur à solo Fi-

O o lio,

Tem. IV.



lio, saltem mediâtè oriretur à Patre, quia non oriretur à Filio, nisi virtute spirati-  
vâ acceptâ à Patre, & sic saltem mediâtè  
oponeretur cum Patre. At si oriretur à so-  
lo Patre, nec oriretur mediâtè à Filio,  
nec cum illo opponeretur adhuc mediâtè,  
& sic nullum esset fundamentum persona-  
lis distinctionis.

XXII. Nec dicas, essentiam divinam  
dare Patri paternitatem, nec tamen op-  
poni adhuc mediâtè Filio; ergo similiter  
esset Pater det Filio virtutem spirativam,  
non opponetur mediâtè &c.

Nam discrimen est: quia essentia  
divina dat paternitatem, non per realem  
processionem, & oppositionem cum Patre,  
sed solum per virtutalem emanationem;  
at Pater dat Filio spirationem activam per  
realem processionem, & oppositionem cum  
illo, aique aded cum mediâtè oppositio-  
ne cuicumque à Filio procedenti. At es-  
sentia divina, sicut immediâtè non op-  
ponitur procedenti à Patre; quia oppositio me-  
diata cum uno, debet supponere opposi-  
tionem immediatam cum alio, ratione cu-  
jus mediâtè opponatur illi.

XXIII. Ad Confirmat. nego conseq. ad  
cujus probat. nego maj. non enim modò  
paternitas, & spiratio passiva distinguuntur  
quia disparate sunt, sed quia Persona,  
quæ Pater est, identificat sibi spirationem  
activam, quâ opponitur spirationi passivæ.  
Si verò Spiritus Sanctus non procederet  
à Filio, Filius nec ratione Filiationis,  
nec activæ spirationis opponeretur Spi-  
ritui Sancto, ac proinde non distingueretur  
realiter, sed ad summum formaliter.

XXIV. Obijciunt tertid. Filiatio de  
facto realiter distinguit Filium à Spiritu  
Sancto: sed Filiatio non opponitur relati-  
vè cum Spiritu Sancto, sed cum Patre;  
ergo distinguit solâ oppositione dispa-  
ratâ.

Respondeo primò ex D. Thomâ qu. qu.  
10. de potentia art. 5. ad 13. dist. min. nec  
Spiritus Sanctus opponitur relativè Filio,  
nego min. & Spiritus Sanctus opponitur &c.  
conc. min. *Licet* (inquit S. D.) *filiatio*  
*non opponitur relativè Filio*, quia vide-  
licet à Filio spiratus, & procedens: quòd  
si à Filio non procederet, nec Filiatio  
opponeretur processioni, nec procedens

opponeretur Filio, & sic non distinguere-  
tur ab eo.

XXV. Respondeo secundò communi so-  
lutione, dist. min. non opponitur relativè  
formaliter, & immediâtè concedo min.  
sic enim Filiatio opponitur cum solo Pa-  
tre. Connexivè, nego min. Filiatio enim,  
esset non sit ratio referendi Filium ad Spi-  
ritum Sanctum; illi tamen relativè op-  
ponitur duplici titulo. Primò, quia radicat  
spirationem activam, quæ est ratio referen-  
di Filium ad Spiritum Sanctum. Secundò,  
quia est ratio constituens Personam, quæ ad  
Spiritus Sanctum refertur: forma autem  
constituens Personam, quæ refertur debet  
realiter distingui à termino relationis.

XXVI. Sed replicabis. Filiatio se solâ  
est constitutiva Personæ Filii; ergo se so-  
lâ est distinctiva illius à Personâ Spiritus  
Sancti, quia idem est distinctivum, ac consti-  
tutivum.

Confirmatur. Spiratio activa advenit  
Personæ Filii jam constitutæ in esse Per-  
sonæ per filiacionem; ergo advenit illi jam  
distinctæ in esse Personæ; ergo eam sup-  
ponit Personam distinctam à Personâ Spi-  
ritus Sancti: & proinde si spiratio activa re-  
moveatur à Filio, remanebit Persona à  
Spiritu Sancto distincta.

XXVII. Respondeo dist. conseq. distin-  
ctiva illius reali distinctione, nego conse-  
quentiam, formali distinctione, & quasi  
specifica, co. conseq. non enim in Deo est  
distinctivum reale, nisi ubi datur realis or-  
igo unius ab altero, quæ in hypothesis inter  
Filium, & Spiritum Sanctum non esset.  
Quare posset negari suppositum conse-  
quentis, nempe quòd Spiritus Sanctus in  
eâ hypotesi esset alia Persona à Filio, quòd  
probari debuerat, non supponi.

XXVIII. Ad Confirm. dist. consequens,  
advenit illi jam distinctæ &c. à suo corre-  
lativo, nempe à Patre, co. conseq. à quo-  
cumque alio sibi non correlativo, sed dis-  
parato, nego conseq. Axioma illud: *idem*  
*est constitutivum, ac distinctivum* in rela-  
tivis cum restrictione accipiendum est,  
nimirum, ut idem sit constitutivum, ac  
distinctivum reale à suo correlativo, sed  
non à quocumque alio disparatè se habente.  
Cum ergo filiatio, quæ constituit Per-  
sonam Filii sit de genere relativo, & ha-  
beat pro suo correlativo Patrem, non ve-

ro habeat pro correlativo Spiritum Sanctum, distinguit quidem Filii Personam à Personâ Patris, non tamen Personam Filii à Personâ Spiritus Sancti, nisi radice in Personâ Filii spirationem activam, quâ opponatur Spiritui Sancto. Sicut enim paternitas, quæ constituit personam Patris, distinguit illam quidem à Personâ Filii, quæ est ejus correlativum, non tamen à Personâ spirante; ita filiatio, quæ constituit Personam Filii distinguit illam quidem à Personâ Patris, quæ est ejus correlativum, non eam distingueret à Personâ, spirantē si ad istam nō referretur relatione originis, sed merè disparatē se haberet.

Eiſo autem relatio in creatis non distinguat personam, sed personæ jam distinctæ adveniat, quia in creatis persona est de genere absoluto, & relatio accidentis est: In divinis tamen, ubi Personâ est de genere relativo, & relatio substantialis est, bene potest imò necessariò requiriri ad distinguendam unam Personam ab aliâ.

XXXIX. Obijciunt quartò. Filius ex vi suæ processionis est genitus, & natus; Spiritus Sanctus ex vi suæ processionis est spiratus, & datus: sed eadem Persona, nequit esse spirata, & nata; ergo &c.

Urgetur hoc. Termini disparatē se habentes, licet ab eodem principio procedant, realiter invicem distinguuntur, ut patet in duobus fratribus: sed in hypotēsi Filius, & Spiritus Sanctus essent duo termini disparati procedentes à Patre; ergo &c.

XXX. Respondeo, dist. min. eadem. Persona formaliter, nequit &c. co. min. eadem Persona realiter, subdistinguo: si Persona spirata oriatur à Personâ genitâ, co. min. si non oriatur, nego min. In casu ergo, quo Spiritus Sanctus non oriretur à Filio, Filius & Spiritus Sanctus esset eadem realiter Persona, quæ sub unâ formalitate esset genita, & sub aliâ spirata. Et in hoc casu spiratio passiva non esset proprietates constitutiva Personæ, aut personalis; sed esset proprietates Personæ jam constitutæ, sicut respectu Patris spiratio activa.

XXXI. Ad id quod urgetur, dico, maj. esse veram in creatis, ubi distinctio oritur ex limitatione; quia scilicet unum

disparatum non habet esse, & perfectionem alterius: secus in divinis, ubi tota ratio distinctionis est oppositio relativa, cujus fundamentum est sola ratio originis unius ab aliâ. Ut enim docet D. Th. qu. 10. de potentia art. 5. *si quis proprietatem divinam nature consideret, impossibile est, in Deo esse pluralitatem Personarum, nisi per hoc quod una ab aliâ oriatur, nullo autem modo per hoc quod duæ oriuntur ab una.* Et hoc sequenti ratiocinio demonstrat. Quæ enim distinguuntur, vel distinguuntur ex æquo, sicut duo individua naturæ materialis, ex æquo participantia naturam speciei, distinguuntur per divisionem materiæ; & hoc certè modo non distingueretur Persona nata à Personâ spiratâ. Vel distinguuntur secundum formam, sicut res immateriales; & sic est impossibile, quod quæ sic distinguuntur se habeant ex æquo; quia cum species varientur, sicut numeri per additionem, vel subtractionem unitatis; ita per additionem, vel diminutionem perfectionis, inter eam, quæ distinguuntur specie, vel secundum formam, dari debet ordo majoris, vel minoris perfectionis. Et hoc modo nec posset distingui Persona genita à spiratâ, aliâs una esse imperfectior aliâ: Cum autem, (concludit S. Thomas) *in divinis non possit esse ordo perfectionis, ut Ariani posuerunt, dicentes, Patrem Filio esse majorem, & utrumque Spiritu Sancto; relinquunt, quod pluralitas in divinis Personis esse non potest nec intelligi, nisi secundum ordinem originis solum, ut scilicet Filius sit à Patre & Spiritus Sanctus à Filio. Si enim Spiritus Sanctus non esset à Filio, ex æquo respiceret Patrem quantum ad originem: unde, vel non essent duæ Personæ, vel esset ordo inter eos perfectionis secundum Arianos, vel esset inter eos materialis divisio, quod est impossibile.* Videatur quoque S. Doctor 4. contrag. cap. 24.

XXXII. Sed dices. Eadem Persona non potest duplici actione adæquatâ produci: sed generatio & spiratio sunt duæ actiones adæquatæ; ergo &c.

Ad hoc jam dictum est supra, quod licet idem terminus nequeat terminare duas actiones adæquatæ ejusdem rationis, & sub eadem ratione producentes, non tamen duas actiones diversæ rationis, & sub ra-

tione diversâ producentes, qualis est generatio, & spiratio; ut consideranti patet.

Addo (inquit S. Thomas in 4. contrag. citato) oportebit dici, quod secundum differentiam voluntatis, & intellectus distinctionem in Deo Patre duas processiones, & duo procedentes: sed voluntas, & intellectus in Deo Patre non distinguuntur secundum rem, sed solum secundum rationem .... sequetur igitur, quod duas processiones, & duo procedentes differant solum ratione. Ea verò qua solum ratione differunt, de se invicem pradiantur; verum est enim dicere, quod divina voluntas est intellectus ejus, & de converso: verum ergo erit dicere, quod (si non procederet à Filio) Spiritus Sanctus est Filius, & de converso: quod est Sabelliana impietatis. Non igitur sufficit, ad distinctionem Spiritus Sancti, & Filii dicere, quod Filius procederet per modum intellectus, & Spiritus Sanctus per modum voluntatis, nisi eam hoc dicatur etiam, quod Spiritus Sanctus sit à Filio. Imò prosequitur S. Thomas: Ex hoc ipso quod dicitur, quod Spiritus Sanctus procedit per modum voluntatis, & Filius per modum intellectus, sequitur quod Spiritus Sanctus sit à Filio; nam amor procedit à Verbo, eo quod nihil amare possumus, nisi verbo cordis illud concipiamus. Et propterea si Spiritus Sanctus non procederet à Filio, sequeretur utrumque contradictorium, nempe quod procederet per voluntatem, & non procederet; procederet processione diversâ à processione Filii & non procederet: quia ut docet D. Tho. q. 10. de pot. 2. §. ad. 8. Processiones in divinis non possunt esse diversæ, nisi per hoc, quod unus procedentium est ab alio.

Responderi potest secundò, quod esto idem terminus creatus nequeat duplici actione adequatâ produci; bene tamen idem terminus increatus. Et in isto argumentum: Nam sicut in creatis duæ actiones adequatæ petunt terminos realiter distinctos, ita etiam petunt esse duæ actiones realiter distinctæ: sed in Deo generatio, & spiratio solum virtualiter distin-

guentur; ergo haberent terminum non realiter, sed virtualiter, aut saltem formaliter solum distinctum.

Tandem non possum non mirari, quod Seotus in hæc re aded scrupulosus sit, ut impossibile iudicet, eandem Personam divinam esse eapacem terminandi duas actiones adequatas; eum tamen in Philosophia impossibile non iudicet, eundem effectum creatum divinitus à duplici causâ adequatâ produci.

XXXIII. Ex hæcenus dictis inferitur, quod si Spiritus Sanctus non procederet à Filio, non essent amplius tres Personæ in Deo, sed duæ tantum, Pater generans, & spirans, Filius genitus, & simul spiratus. Et sicut nunc una, eademque Persona est simul Pater & spirator, sic, ut relatio paternitatis Personam constituat, relatio verò spirationis activæ nullam Personam constituat, sed adveniat Personæ jam constitutæ: ita tunc una, eademque Persona esset Filius & spiratus; sic tamen, ut relatio filiationis constitueret Personam Filii, relatio verò spirationis passivæ nullam Personam constitueret; sed Personæ Filii superveniret, essetque proprietas non personalis, sed Personæ.

XXXIV. Quod si dixeris, Græcos salvare in Deo-Trinitatem Personarum, et si negent Spiritum Sanctum procedere à Filio.

Respondet S. Thomas qu. 10. de verit. art. 5. ad 14. quod licet Græci nonificentur, Spiritum à Filio procedere, consistentur tamen, Filium esse aliquemodò principium originis Spiritus Sancti, ex hoc, quod dicunt Spiritum Sanctum à Patre esse per Filium, & Spiritum Sanctum esse Filii, ut superius vidimus. Hoc autem in Hypothesi Scotti non admittitur.

Hic huic Tractatui optatum finem imponimus. Utinam hæc ad majorem Augustissimæ Triadis gloriam efferint, & animarum nostrarum profectum; ut, qui ejus mysterium sub velamine Fidei pro modulo hie scrutati sumus, possimus revelatâ facie illud in Cælis contemplari, ejusque visione in æternum beari.

## I N D E X

Eorum, quæ in hoc Quarto Tomo I: Partis  
visa sunt notatu digna.

## A

- A** *Cariani* pag. 164.  
*Adrumetini*. Monachi Prædestiniani. 30. Eorum palmare argumentum. 31. Semipelagianismo occasionem dedere. 44.  
*Adulterum* prædestinatio ad gloriam gratuita. 65. 66. &c. Eodem modo quo parvulorum. 78-79.  
*Actius* 165.  
*Agnæta* Hæretici. 157.  
*Alciatus* Jo. in Trinitatem blasphemus. pag. 112. 142.  
*Alexander* Patriarcha Alexandr. Ario resistit. 142. 164. 165.  
*Andreas* Rhodius contra Græcos. 180.  
*S. Anselmus* statuit processionem Spiritus Sancti à Filio. 184. 185. A quo si non procederet non distingueretur ibi. nec contrarium sentit. 189.  
*Arausiana* II. Synodus de Prædestinatione & Reprobatione. 113.  
*Arianus* quis fuerit? Ariana hæresis ortus, progressus. 142. 143. 164. 165.  
*Ariana* hæresis capita. 165. Ariani Homousion impugnant. 169. 171. &c.  
*Astrologia* judiciaria vana, damnata. 15.  
Cur aliquando vera astrologi prædicant? ibid.  
*S. Athanasius* vocem Homousion defendit. 164. 167. Arianorum scopus. 169. 170.  
Processionem Spiritus Sancti à Filio asserit. 198. Symbolum an verè Athanasii sit. 168. 169.  
*Athenagoras* Trinitatem agnovit. 160.  
*S. Augustinus*. Neminem nisi Prædestinatum salvari censet. 35. Nomine Præscientia definiens Prædestinationem non intellexit scientiam mediam. 32. Con-

statut Semipelagianos. 44. 47. &c. 49.  
30. *Maltè* adducitur pro ipsis. 59. à Prædestinationem ad gloriam excludit etiam opera prævisa. 70. 71. Etiam ut futuro auxilio gratiæ. 71. 72. 73. 74. &c.  
A' Semipelagianis reprehensus. ibi.  
Gratiam ponebat nedum ad gratiam, sed & ad gloriam. 74. 75. &c. Præscire sæpè idem est ac prædestinare. 87. 88. Falsè ab adversariis adductus. 89. &c. Cum Semipelagianis nedum de gratiâ, sed & de gloriâ certavit. 92. Ejus mens circa aliquorum reprobationem. 115. Statuit processionem Spiritus Sancti à Filio 271.

## B

- B** *Landrata* Georgius, quis? Trinitatis hostis. 128.  
*Begomiles* negavit Trinitatem. 127.  
*Bonorum* afflictio, & malorum prosperatio Providentiæ non obest. 9.

## C

- C** *Alacaz* Manuel contra græcos 370.  
*Calvinus* blasphemus in materiâ reprobationis. 109. 120. Negat Christum seivisse diem Judicii. 157. Servetum facit comburi. 137.  
*Catharini* sententia singularis de Prædestinatione rejicitur. 34. 35.  
*Causa* *libera* reguntur providentiâ. 13. 14.  
*Chalcedonenses* PP. cur fidem exponere recusarunt? 121.  
*Cheristus* exponit Synodo Ephesinâ Symbolum Nestorianum. 306. 311. &c.  
*S. Chrysostomus* docet, *Theos* non semper cum articulo poni. 145.  
O o 3 *Chri-*

*Christus* Providentiam Dei celebrat. **4. 3.**  
 Ut homo non ignorat diem iudicii. **156.** An esset hæreticis qui hoc negaret. *ibid.* **157.** Quomodo dixit suum non esse dare Regnum Cælorum, nec à se posse facere quidquam? *ibid.*  
*Clement* Alexandrinus Trinitatem agnovit. **161.**  
*Cicero* Providentiam negavit de actibus liberis. **153.**  
*Circumfessio* inter divinas Personas **244.**  
**245.** **246.**  
*Cælestia* corpora in actus libros directæ non agunt. **14.** **15.**  
*Cælestii* Persona, & errores. **40.** ad **44.**  
*Constantinus* I. Imperator Nicæno Conc. interfuit. **165.** *Arianis* indulgens. **169.**  
*Constantinus* Imp. Arianorum patronus. *ibid.* Iniquus in Liberium. **171.**  
*Cornelius* Centurio non sine gratiâ orabat **49.** **50.** Nec sine fide. **57.**  
*Credere* in potestate nostrâ est non sine gratiâ. **50.**  
*S. Cyrillus* Alexandr. à Theodoro im-pugnatur. **263. 275. 274.** *Defendit* processionem Spiritus Sancti à Filio. *ibid.*  
 Non negat Symbolo aliquid addi posse explicativum. **281.**

## D

*Damasceus* Joann. non fuit ille Joannes Monachus, qui processionem Spiritus Sancti à Filio negabat. **264.**  
 Ejus mens de præfata processione. **pag.** **274.** **275.**  
*David* Franciscus Trinitatis hostis. **128.**  
*Denarii* nomine, quid veniat in Evangelio? **36.**  
*Dens*, cui nihil est fortuitum. **6.** Effect Provisor imperfectus si scientiâ mediâ provideret. **12.** **13.** Et notus est numerus Prædestinatorum, & Reprobatorum. **22.** Quod sit solus non tollit, quin sit trinus. **136.** **137.** Quomodo solus? *ibid.* Non semper scribitur à Græcis cum articulo. **144.** **145.**  
*Diffinitio* relationum ab essentia non est realis, non modalis, non formalis. **pag.** **220.** **225.**  
*Durandus*. Ejus opinio de principio processionum rejicitur. **198.** **199.** De distinctione relationum ab essentia. **221.**

## E

*Effectus* prædestinationis. Vide *Prædestinatio*.  
*Electi*. Vide *Prædestinatio*.  
*Electio* ad Gloriam alia absoluta, alia comparativa. **114.**  
*Ephesus* Synodus in causâ processionis Spiritus Sancti quid egerit? Symbolum Nestorianum damnavit. **274.** Quomodo vetuit alteram fidem condere? **279.**  
**280.** Non vetuit explicationem fidei. **280.** Ab Ecclesia non à privatis faciendam. **281.** Cur vocem *Dei* para Synodo non addidit. *ibid.*  
*Eucharistia* realis Christi præsentia ex Hilario. **151.**  
*Eunomius*. **165.** **166.**  
*Eusebius* Nicomedienfis Ario favet. **167.**  
*Existentia* non multiplicetur in Deo. **230.** **231.** Non datur in Deo existentia relativa. **232.** **233.**

## F

*Faustus* Rejenfis Semipelagianus. **45.**  
*Fidei* nec initium, nec desiderium. ex nobis sine gratiâ est. **47.** **48.** **49.** **50.**  
*Filius* Divinus. Vide *Verbum*. Quomodo dicat se esse unum cum Patre? **147.**  
**148.** **149.** Non sola voluntatum consensione. **150.** **151.** Joannis verba & *hi tres unum sunt* descendunt. **152.** **153.** Non est creatura. **154.** **155.** Nec minor Patre. **155.** **156.** Scit diem iudicii. *ibi.* **157.**  
 Apud Patrem est, non Pater apud ipsum. **146.** Ejus characteres. **250.** &c. Est principium Spiritus S. quia mittit illum. **265.** &c. Quia dicitur Spiritus Filii. **266.** Quia de Filio accipit. *ibi.* & **267.**  
 Dicitur etiam procedere per Filium. **270.** Vide *Verbum*.  
*Vox Filioque* jure inserta fuit Synodo. **278.** **279.** Non est altera fides, sed fidei explicatio. *ibid.* & **313.** In quâ Synodo primò fuerit addita. **282.** **283.**  
*Filiatio* se ipsâ non distinguit à spiratione passivâ. **224.**  
*Florentina* Synodus. Concordiâ cum Græcis de processione Spiritus S. à Filio. **267.**  
 Vox *Filioque* probata. **283.**  
*S. Fulgentius* eodem modo statuit gratuitam prædestinationem adulatorum, ac par-

parvulorum. 78. Non favet contrariis. 91.

## G

**G**ratianus contra Judæos pro Trinitate. 131. 133.  
*Generatio* quid & quotuplex? 105.  
*Applicatur Verbo Divino.* 106. &c.  
*Gennadius* Semipelagianus. 46.  
*Gentilis* Valentinus quis? Trinitatem negat. 127. 141.  
*Gilbertus* errat circa distinctionem relationum ab essentiâ divinâ. 120. Improbatur. *ibid.* Ejus motiva destruantur. pag. 122. 123. 124.  
*Gloria* redditur ex meritis. 63. 64. Grati tamen præparatur. 65. 66. &c. 85. Adhuc tamen in nostrâ potestate est eam acquirere. 89. Et adhuc datur ut corona. 93. 94. 95.  
*Gottschalkus* Prædestinarianus. 30.  
*Græci* de nomine hypostasis contenderunt. 134. &c. Quis eorum primus negaverit Spiritum Sanctum procedere à Filio. 161. &c. Quo tempore hoc excitavit sopitum. 163. Sæpius cum Latinis fidem inierunt, sed sæpius frugerunt. 164. 165. Antiqui processionem Spiritus Sancti à Filio asserunt. 167. &c.  
*Gratia.* Ad eam non prædestinamur ex virtute naturæ. 47. &c. Nec ex operibus moraliter bonis de congruo Denim moventibus. 51. 53. &c. Neque ex patre. 54. &c. Quomodo Deus eam non denegat *facienti quod in se est.* 55. Quomodo homo præparet cor. *ibid.* Quomodo gratia detur digno. 57. Gratiæ concessio, & denegatio in Electis est effectus prædestinationis. 101. 103. In Reprehis denegatio est effectus reprobationis. 120. 121.  
*Gregorii* à Sebenico sententia singularis de Prædestinatione ad Gloriam. 81.  
*S. Gregorius* Nazianz. pro voce *Homousion.* 167.

## H

**H**ieronymus Providentiam Dei circa minima non negat. 5. 7. Timebit tres admittere hypostases. 136.  
*Hilarius* docet modum quo Christus est

in nobis per Eucharistiam. 151. *Homousion* descendit. 169. De Liberio quid senserit? 173. 174. 175.  
*Homo* quomodo sit relictus in manu consilii sui. 8. Non offendit existentiam Trinitatis. 185.  
*Homousion* vox rectè excogitata. 166. 167.  
*Ethi* in Scripturis non legitur. *ibid.*  
 Non nova. *ibid.* Cur in Synodo Antiochenâ proscripta. 167. Non favet Paulo Samosateno. *ibid.* & 168. Arianiis invisa. 169. &c.  
*Hypostasis* Græcis idem ac Latinis Persona, de hoc controversum. 135. Tres hypostases admittere recusabant aliqui ex Latinis, & Græcis. *ibid.*

## I

**I**ansenius Prædestinarianam hæresim fuisse negat. 29.  
*Imaginis* nomen est Personale Filii. 153. 154.  
*Imperium* est actus proprius Providentiæ, & Prudentiæ. 24. 25. Datur in Deo. 27.  
*Intellectus* est assimilativus, etiam in naturâ. 121. ad 126.  
*Joannes* Monachus qui excitavit controversiam de processione Spiritus Sancti à Filio, quis fuerit? 164. 165.  
*Joannes* Theologus in Concilio Florentino disputans. 184.  
*S. Irenæus* Trinitatem non negavit. 160. 161.  
*Judæi* negant Trinitatem. 125. Eorum eversiones. 126. 130. Convincentur. 132. 133.  
*S. Justinus* Trinitatem agnovit. 158. 159.

## L

**L**actantius de Filii Dei æternitate, & divinitate rectè sensit. 163. 164.  
*Lateranense IV.* damnat Abbatem Joachim. 101.  
*Latini* pro processione Spiritus Sancti à Filio constantes. 162.  
*Latro* fidem in Christum habuit. 57.  
*Leo III.* de processione Spiritus Sancti à Filio. 163. 164. Cur noluit Symbolo addi vocem *Filioque.* 181.  
*Liber* mortis non datur. 108.  
*Liberius* Rom. Pont. primæ formulæ Symeonis

menſi ſubſcripſit non ſecundæ. 171.  
173. Deſcenditur. 174. 175.  
*Lugdunenſe II. Concilium in eo inita cum*  
*Græcis concordia.* 164. *Vox Filioque*  
*in Symbolo acceptata.* 183

## M

**M**acedonius Spiritus Sancti hoſtis. 176.  
&c. An primus negaverit Spiritum.  
S. procedere à Filio? 161.  
*Macedoniani circa Spiritum S. errabant,*  
*non circa Filium.* 176. Refutantur.  
185. 179. 180. &c.  
*Mabometani negant Trinitatem.* 113.  
*Mala naturæ, & poenæ in electis ſunt ef-*  
*fectus Prædeſtinationis.* 104. Non mala  
culpæ. 103. 106.  
*Maſſilienſes Semipelagiani.* 45.  
*Meleſius Lycopolitanus ſchiſma facit.* 163.  
*Meria ex Auguſtino non ſunt cauſa, ſed*  
*effectus prædeſtinationis.* 76. 77. 81.  
81. &c.  
*Minimus in Regno Cælorum quis?* 33. 36.  
*Miſſio Perſonarum quid ſit?* 148. Solum.  
mittitur ab eâ à quâ procedit. 149. 163.  
*Molins ejuſque diſcipuli quid ſentiant de*  
*Prædeſtinatione ad primam gratiam.*  
51. 53. &c. Quid de Prædeſtinatione ad  
gloriam. 60. 61.

## N

**N**eſtorius an primus negaverit Spiritum S. procedere à Filio. 161. 163.  
Ejuſ Symbolum reprobatur. 174.  
*Nicani I. Conc. hiſtoria.* 164. 165. Cauſa  
illud convocandi. *ibid.*  
*Noetus Trinitatem negavit.* 116.  
*Notiones Perſonarum quinque ſunt.* 147.

## O

**O**ccinus Bernardinus. Quis? Trinitatem negat. 118.  
*Operariorum parabola exponitur.* 33. 36.  
Deus non prius ſpectat opus ut ſtatuit  
mercedem. 88.  
*Opera moralia ſine gratiâ non movent*  
*Deum ad dandam gratiam.* 51. 53. Neque ex poſto. 54. 55. præviſa non ſunt  
ratio prædeſtinandi ad gloriam. Vide  
Prædeſtinatio. Auguſtinus.

*Oppoſitis contradicſoria quomodo ſit ma-*  
*ior oiaibus.* 116.  
*Oratio utilis ex gratiâ eſt.* 51. Sine eâ  
homo infirmus nec poteſt deſiderare me-  
dicum Chriſtum. 51.  
*Ordinare eſt intellegere.* 17. 19. 30.  
*Origenes Pelagianismi præformator.* 58.  
Quid de Trinitate ſenſerit? 161.  
*Oſius Cordubeniſis Nicæno Conc. præſit.*  
163. Ejuſ lapſus ac retractatio. 171.  
172.

## P

**P**avulorum Prædeſtinatio non ex præviſis meritis quæ egiſſent ſi &c. 61. 62.  
Cor aliqui ad baptiſmum rapiantur ſtatim morituri alii non. 80. 81.  
*Pater æternus non eſt ſapiens ſapientiâ*  
*genita.* 156. Producit Filium ex cognitione omnium. 157. Etiam Filii & Spiritus Sancti. *ibid.* & 158. Etiam poſſibile. 159. &c. Si non ſpiraret opponeretur mediate Spiritui Sancto. 133.  
*Patres qui ante Arium fuerunt non adeo*  
*acuratè de Trinitate loquuti ſunt* 158.  
Græci antiqui pro proceſſione Spiritus Sancti à Filio ſtant. 167. &c.  
*Patripaſſiani Sabelliani dicti.* 116.  
*S. Paulus pro prædeſtinatione ad gloriam gratuita.* 66. Exemplo Jacob & Eſau. 69. &c. Excludit etiam opera præviſa. 70. 71. Textus ejus Rom. 8. expoſitus. 86. Ejuſ mens circa reprobationem uniuſ præ alio. 116. 117.  
*Peccatores, & peccata quomodo Provi-*  
*dentiz ſubſint.* 9. 10. 11. Univerſum bonum non lædunt. 11.  
*Peccatum originale ſufficiens fuit moti-*  
*vum reprobationis.* 114. Aſuale non eſt effectus reprobationis. 110. 121.  
*Pelagius de Prædeſtinatione male ſenſit.* 19. Ejuſ Perſona, & errores. 40. ad 44. Varii ſtatus. *ibid.*  
*Permiſſio peccati in electis effectus eſt Prædeſtinationis.* 104. 105. Etiam ex præiſentâ poenitentia. *ibid.* & 106.  
*Perſona divina eſt infinita, & tamen plu-*  
*rificatur; cur non eſſentia?* 139. Quod ab aliâ procedat non tollit quin ſit à ſe. 191. Nec conſubſtantialis. 191. 194. Tres Perſonæ non ſunt tria entia abſolutè. 118. Perfectio quæ in unâ

una est in omnibus est. **129. 130.** Personarum divinarum varia nomina. **134.** Personæ nomen quando caperit. *ibid.* Hypothesis Græcis. **135.** Persona in genere? **137.** In Deo aliquid relativum includit. **138. 139.** Nec repugnat S. Augustinus, *ibid.* Personarum Appropriatio quid sit? **143.** Aequalitas. **144.** Circumfessio. *ibid.* & **145.** Quomodo una Persona sit in aliâ. **146. 147.** Apud aliam. *ibid.* Norio Personæ. **147.** Missio. **148. 149.** Secundæ Personæ characteres. **150.** &c. Eadem persona posset esse genita & spirata. **191. 192.** Photius Græcos ad negandam processionem Spiritus S. à Filio excitavit. **164.** Prædestinare sæpè idem est ac præscire. **87.** Gloria retribuenda est ut corona. **93.** &c. Et sicut cum sincerâ voluntate salvandi omnes, cum verâ spe, cum orationibus, bonis operibus &c. **96. 97.** Neque inconvenientia ex ea sequuntur. **98. 99.** Distincti ab errore Calvinii, & Prædestinatorum. Stat cum humanâ libertate. *ibid.* Prædestinationis nomen. **18.** De existentia ejus qui erraverint? **19. 30.** Assertitur. **31.** Defenditur **31. 33.** Palma Palmaris obiectio contra ipsam solvitur. *ibid.* Nedium finem, sed media præordinat. *ibid.* Prædestinatio non est formaliter actus voluntatis. **18.** In quo differat à Providentiâ. **19.** Quot actus includat? **21. 22.** Nemo nisi prædestinatus salvatur. *pag.* **34. 34. 36.** Prædestinationis definitio, essentia, & obiectum. **37. 38.** Formale immediatum sunt media. **39.** Prædestinatio ad gratiam prorsus gratuita contra Pelagianos, & Semipelagianos. **46. 47. &c.** Non ex operibus de congruo Deum moventibus contra Molinam. **51.** &c. Ad gloriam non ex prævisis meritis in parvula. **61. 62.** In adultis redditur ut corona. **63. 63.** non tamen primò volita ex meritis prævisis. *ibid.* Ita Scriptorum. **65. 66.** D. Paulus. **67. 68. &c.** Exemplo parvulorum. **78. 79.** Exemplo peiorum, qui prædestinati fuere ex Gentibus rejectis minus malis. **80.** Hoc & ipsi adversarii fateri debent. **81. 84.** Merita sunt

effectus Prædestinationis. **81. 81.** Prædestinationis effectus qui sint. **100.** Substantia Prædestinati non imperatur à Prædestinatione. *ibid.* & **101.** Benè tamen circumstantiæ nativitatæ, &c. **101. 101.** Efficax vocatio, justificatio &c. Effectus sunt *ibid.* & **103.** Gratia quoque interrupta *ibid.* & **104.** Mala item naturæ, pœnæ, & permissio peccati. *ibid.* & **105. 106.** Prædestinatorum numerus certus est Deo. **122.** Certe tudine præscientiæ, & prædestinationis. *ibid.* Juvari tamen potest præcibus Sanctorum, quomodo? *ibid.* & **123.** Quantus sit, an maior numero reproborum. *ibid.* Nullus potest in hac vita secundum cursum ordinarium esse certus. **124.** Prædestinati hæretici, qui? an vere fuerint? **19. 30.** Modo revera sunt Calvinistæ. **30.** Eos fuisse negant Jansenius, & Norius. *ibid.* Præceat primus ex Christianis negavit Trinitatem. **125. 126.** Prioritas originis non est in quo sed à quo. *pag.* **128.** Processio quid sit? **189. Quotuplex.** *ibid.* Datur in Deo. **190.** Non ut à causâ. **191.** Sed ut à puro principio. *ibid.* & **192.** Dicit solum ordinem originis. *ibid.* Nec consubstantialitatem tollit. **193.** Duo tantum sunt. **195. 196. 197.** Earum principium proximum quo non est naturâ divinâ. **198. 199.** benè tamen radicale **201.** Non potest dici essentia generat. **201.** Principium quo non sunt relationes. *ibid.* & **203.** Sed intellectus & voluntas. *ibid.* Ut modificentur relationibus. **204. 205.** Verbi processio est generatio. **206.** &c. Cur? **209. 210. 211.** Cur Spiritus S. processio generatio non sit? **212. 213. &c.** S. Prosper Prædestinationem ad gloriâ assertit gratuitam. **72.** Inmeritò à contrariis adducitur. **92.** Providentia est prudentiæ pars 1. Divina quid sit? *ibid.* In Deo datur. **2.** Quomodo sit etiam de fine 3. Et omnia subiecta sunt, singularia corruptibilia. **3. 4.** Ethè vilia, & minima. *ibid.* & **6. 7.** Ethè necessaria. Et liberæ. *ibid.* & **8.** Etiam Peccatores, & peccata, quomodo? **9. 10.** Omnibus im-

me-



mediate providet. 11. 13. Etiam actibus humanis 13. 14. 15. Non est in actu voluntatis, & intellectus æqualiter. 15. 16. Sed in actu intellectus connotante voluntatem. 17. 18. Non in scientiâ mediâ eventus. 11. 23. 24. Sed in actu imperii. 24. 25. &c. *Provisio* prudentis est aliquando majus malum permittere, quomodo? 105. 106. *Provisor* universalis non tenetur excludere defectus. 11. *Prudentia* in Deo est sine consultatione. 2. In actu intellectus consistit. 17.

Q

**Q**uasi non est particula semper diminuens. 144. 145.

R

**R**elationes divinx non sunt principium quo processionum. 102. 103. Modificant quidem principium quo. 104. Supponunt, & præcedunt processionem. 104. & 105. & 130. 140. In Deo sunt. 116. 117. &c. Numerus earum. 119. Earum ab essentiâ distinctio. 116. & 120. Non realis. 121. Non modalis. 116. Non formalis sed virtualis. 116. Relationes ex suâ ratione formali substantiæ sunt, esto non per modum substantiæ. 123. Afferunt perfectionem de propriâ lineâ. 126. 127. Non addunt tamen esse peculiaris existentix. 129. an sint de conceptu essentiæ? 130. Eis non convenit propria existentia. 116. & 121.

*Reprobatio* aliquorum datur. 107. Quin Deus sit causa perditionis hominum. 108. Ut blasphemavit Calvinus. 109. 110. 111. Reprobatio quid sit? 100. Alia positiva, alia negativa. 112. Illa supponit previsionem personalium demeritorum. 113. Negativa alia absoluta, alia comparativa. 114. Prior habuit pro motivo peccatum originale. 116. &c. Secunda solam Dei voluntatem. 115. &c. Etiam in iis qui post baptismum damnantur ex peccato originali est. 118. Ejus effectus. 120. 121. 122.

*Reprobi* nil deest ut salvari possint. 33. 34.

Numerus Deo certus. 111. Certitudinem præscientiæ. 116. Et prævisionis minus principaliter. 123. An major sit numerus reproborum? 116. An quis possit esse certus in hac vitâ? 118. *Ruffinus*, Pelagianus fuit. 18.

S.

**S**abellius Trinitatis hostis. Quis? quomodo errorem suum explicavit? 126. 127. Perstringitur. 134. 135. Ejus momenta soluta. 136. &c. *Sapientia* nomen non est proprium sed appropriatum. 155. Pater non est sapiens sapientiâ genitâ. 156. *Scientia* media non est Providentiæ diving actus. 11. 23. Nec præscientia illa de quâ August. definiens prædestinationem. pag. 37. 38.

*Semipelagiani* Prædestinationis hostes. 19. Qui fuerint, & qui eorum errores. 44. 45. 46. Quos habuere Patronos, & quibus in locis, & quando. 116. Consultati. 49. ad 51. Eorum fundamenta. 49. &c. Prædestinationem ad gloriam tam parvulorum quam adultorum ex meritis pervisus asseriebant. 60. Eam reprehendebant ut ab Augustino ponebatur. 72. 73.

*Servetur* quis? Trinitatis h. 117. Combustus insignite Calvinus. 127. 142. Ejus momenta soluta. 130. 140. 141. *Silvester I.* Nicænum Conc. convocavit. 165. *Singularia* corruptibilia diving subfunt Providentiæ. 45. 66. Et si minima. 116. *Sirmienſis* formulæ. 170. 171. Cuinam subscripserint Oñs, & Liberius. pag. 171. ad 175.

*Socini* Lelius, & Faustus qui fuerint? in Trinitatem & Christum impii 128. 142. 143.

*Spiritus Sanctus* verè Deus. 177. 178. 179. &c. Unus est. 196. Cur ejus processio generatio non sit. 112. 113. Et si procedat similis in naturâ. 116. 117. Procedit etiam à Filio. 165. &c. Quis primus hoc negaverit. 163. &c. Probatur ex Scripturis. 165. 166. &c. Ex Patribus. 167. ad 170. Conciliis, & ratione. 171. &c.

*Spiritus Sanctus* non est à Patre, & Filio at duobus principiis. 175. 176. Immediatè

diatè ex utroque procedit. [277.](#) Vox *Filii*que jure addita Symbolo. [278.](#) [279.](#) &c. Si à Filio non procederet, ab eo non distingueretur. [284.](#) &c. Nec ut amor à Verbo. [287.](#) Scoti rationes non *vincunt*. [288.](#) Si non procederet à Patre esset diversus in essentia ab illo. [289.](#) Si non procederet à Filio essent solum duæ personæ. [290.](#) *Subsistentia* tres subsistentiæ relativæ in Deo sunt. [290.](#) Preter eas datur subsistentia communis. [291.](#) Quomodo? *ibid.* non obstat subsistentiæ relativis. [292.](#) *Substantia* Prædestinati non imperatur quo ad suum primum esse à Providentia prædestinativâ. [293.](#) *Symbolum* Athanasii an sit? [298.](#) [299.](#) *Symbolum* Nestorianum. [299.](#) Ab Ephesinâ Synodo damnatum. [299.](#) *Symbolo* fieri potest additio explicativa. [299.](#) &c.

## T

**T**ertullianus Praxeam impugnat. [225.](#) [226.](#) [230.](#) [233.](#) [234.](#) In Filii divinitate non erravit. [262.](#) [263.](#) Theodoretus primus negavit processionem Spiritus Sancti à Filio. [263.](#) Nulla ejus in hac re auctoritas. [273.](#) S. Thoma definitio Prædestinationis. [37.](#) Ejus ratio pro Prædestinatione ad gloriam gratuita. [81.](#) Defenditur. *ibid.* & [82.](#) Circa reprobationem. [115.](#) [117.](#) Circa ly *Thos* cum articulo. [145.](#) [146.](#) Trinitatis hostes. [125.](#) [126.](#) [127.](#) [128.](#) Probatur ex veteri Testamento [128.](#) &c. Ex illis verbis: *faciamus hominem* &c. *ibid.* & [129.](#) [130.](#) Ex Genesi. [11.](#) [19.](#) *ibid.* & [131.](#) Ex Psalm. [2.](#) *ibid.* & [132.](#) Ex Isaia [6.](#) & *Deuteronomio*. [6.](#) *ibid.* Ex novo testamento. [133.](#) [134.](#) &c. Quomodo Deus dicitur solus? [136.](#) [137.](#) Tres Personæ non sunt tres Dii. [137.](#) [138.](#) Non

sunt ut Dii Paganorum. *ibid.* Persona etiam infinita procedit ab aliâ, accipit esse. [138.](#) Quid de illo axioma *qua sunt eadem uni tertio* &c. *ibid.* & [139.](#) Veteres Christiani Trinitatem agnoverunt, & Pagani eam illis improbarunt. [141.](#) Eam agnoverunt Patres Græci trium priorum seculorum. [158.](#) [159.](#) &c. Ejus existentia ratione naturali cognosci nequit. [162.](#) [183.](#) Supposita fide explicari potest [183.](#) [184.](#) [185.](#) Eam homo non ostendit. *ibid.* & [186.](#) Eam non agnovere gentiles. *ibid.* & [187.](#) *Vide* Processio. *Vide* Persona. *Vide* Filius. *Vide* Verbum. *Vide* Spiritus Sanctus.

## V

**V**erbi divinitas ex Scripturis. [144.](#) Ex Joann. [1.](#) *ibid.* & [145.](#) &c. Est Deus vero etiam sine articulo ponatur. *ibid.* Omnia per ipsum facta. *ibid.* & [146.](#) Quæ facit Pater. *ibid.* & [147.](#) Unum est. [196.](#) Ejus processio generatio est. [206.](#) [207.](#) Absque mutatione. [208.](#) [209.](#) Est in similitudinem naturæ. [209.](#) Quare sit generatio? *ibi.* & [210.](#) Quia per intellectum. [211.](#) Verbi nomen. [250.](#) Est personale. *ibi.* & [251.](#) Per se procedit ex notitiâ eorum, quæ formaliter in Deo sunt. [257.](#) [258.](#) Etiam possibile. [259.](#) [260.](#) &c. Non tamen futurorum per se. [271.](#) Vincentius Semipelagianus an fuerit Lirinenfis. [45.](#) Vitalis Semipelagianus. [44.](#) Voluntas assimilativa non est. [212.](#) [213.](#) [218.](#) [219.](#)

## Z

**Z**achai studium videndi Christum merè naturale non fuit. [57.](#)

## L A U S D E O.

Vidit

Vidit D. Aurelius Castanea Clericus Regularis Sancti  
Pauli, & in Ecclesia Metropolitana Bononiæ Pœniten-  
tarius pro Sanctissimo Domino Nostro BENEDICTO  
XIV. Archiepiscopo Bononiæ.

Die 5. Decembris 1747:

**REIMPRIMATUR.**

Fr. J. M. Maccarinelli Vicarius Generalis Sancti Officii  
Bononiæ,

